

**INATSIARTUT
OMBUDSMANDIATA
UKIUMOORTUMIK
NALUNAARUTAA
2007**

**INATSIARTUT
OMBUDSMANDIATA
UKIUMOORTUMIK
NALUNAARUTAA
2007**

SCHULTZ GRAFISK A/S

ISSN 1600-2563

Inatsisartunut

Inatsisartut Ombudsmandiat pillugu Inatsisartut inatsisaanni nr. 7-imi, 13. juni 1994-imeersumi § 10, imm. 2-kkut aalajangersarneqarpoq Ombudsmandi sulini- ni pillugu Inatsisartunut ukiumoortumik nalunaaruteqartassasoq. Nalunaarut taanna naqinneqassaaq tamanullu saqqummiunneqarluni, Ombudsmandillu sulini- nera pillugu Aalajangersakkani Nalinginnaasuni Inatsisartunit 14. juni 1995-imi aalajangersarneqarsimasuni § 9-kkut aalajangersarneqarpoq nalunaarut taanna Inatsisartut aappasaanik ileqquusumik ataatsimiinneranni Inatsisartunut tun- niunneqassasoq. Nalunaarut taanna qaammatsiutit ukiuanni qaangiuttumi Om- budsmandip suliarisimasaanik imaqtussaavoq.

Suliat Inatsisartut Ombudsmandiat pillugu Inatsisartut inatsisaanni § 10, imm. 3 tunngavigalugu ukiumoortumik nalunaarummi saqqummiunneqartut pissutsinik isornartorsiorneqartunik oqartussaasut nassuiaataannik ilaqartinneqartussaapput.

Ukiut Ombudsmandeqarfiup nalunaarusiorfigisaasa 13-issaat pillugu nalunaarut tamanna tunngavigalugu makkuninnga imaqarpoq:

1. Atorfeqarfimmi pissutsit nalinginnaasut
 - 1.1 *Sulisut*
 - 1.2 *Angalanerit tikeraarnerillu, nunanillu allanik suleqateqarneq*
 - 1.3 *Ombudsmandip pisinnaatitaanera*
 - 1.4 *Allanik suleqateqarneq*
 - 1.5 *Missingersuutit, naatsorsuutit kukkuniuinerlu*
2. Kisitsisit atorlugit takussutissiat
3. Apeqqutit ingerlatsineq pillugu inatsiseqartitsinermut tunngasut pillugit ataatsimoortumik oqaaseqaatit
4. Suliat suliniutillu nammineerluni misissugassanngortitat kommuninullu tike- raarnerit
5. Suliat nalinginnaasumik soqutiginaatillit, inatsiseqartitsiffinnut agguataakkat
6. Sulianut ukiuni siusinnerusuni nalunaarutini eqqartorneqartunut malitseqartit- sineq - Naammagittaalliuutit pillugit suliat
7. Sulianut ukiuni siusinnerusuni nalunaarutini eqqartorneqartunut malitseqartit- sineq - Suliat nammineerluni misissugassanngortitat
8. Oqaatsinik ujarliutit

Nuuk, juli 2008

Vera Leth

IMAI

Siulequt	3
1. Atorfeqarfimmi pissutsit nalinginnaasut	10
1.1 <i>Sulisut</i>	10
1.2 <i>Angalanerit tikeraarnerillu, nunanillu allanik suleqateqar- neq.....</i>	11
1.3 <i>Ombudsmandip pisinnaatitaanera</i>	11
1.4 <i>Allanik suleqateqarneq.....</i>	28
1.5 <i>Missingersuutit, naatsorsuutit kukkunersiui nerlu</i>	28
2. Kisitsisit atorlugit takussutissiat.....	29
<i>Suliat agguataarneqarneri. Titartagangorlugit takussutissiat</i>	
3. Apeqqutit ingerlatsineq pillugu inatsiseqartitsinerlut tunngasut pillugit ataatsimoortumik oqaaseqaatit	41
3.1 <i>Naammagittaalliuuteqartarfiup aalajangiinernik kalaal- lisuumut nutserisannginera.....</i>	41
3.2 <i>Suliat suliarineqaratik uninngaannartannginnaannik puigorneqartannginnaannillu qulakkeerinninnissamik oqartussaasut pisussaaffeqarnerat</i>	42
3.3 <i>Atorfinitsitsinermit oqartussaasup feriarluni angalanernut aningaasaateqarfik namminersortoq eqqarsaatigalugu pi- sinnaatitaaneranik apeqqut. Aningaasaqarnermut Pisorta- qarfiup Namminersorerullutik Oqartussani atorfeqarti- taasut eqqarsaatigalugit isumaqatigiinniarnerni illua`tu- ngiusutut inissisimanera</i>	43
3.4 <i>A-tut akileraarutininik akiliinermi periaaseq.....</i>	44
3.5 <i>Attartornermik atorunnaarsitsisoqassappat piumasqaatit, attartortup akerliliisinnaatitaanera.....</i>	47
3.6 <i>Suliami illua`tungiusup isumaanik tusarniaanissamut pi- sussaaffeqannginneq. Suliap suliarineqarnerata naamma- gittaalliortumut paasisutissiisutigineqarsimannginera.</i>	

<i>Naammagittaalliortup saaffiginnissutaasa akineqartarsimanninnerat</i>	47
<i>3.7 Allakkatigut saaffiginnissutit akinissaannut oqarasuaatik-kullu oqaloqatigiinnerit pillugit allakkiani ingerlatsinermi ileqqorissaarnerup malinnissaanut pisussaaqqarneq</i>	50
<i>3.8 Attartornerup isaterineq pissutigalugu atorunnaarsinnetqarnerani attartugassamik allamik innersuussineq - A/S Inissiaatileqatigiiffik INI</i>	51
<i>3.9 Isumaginninneq pillugu inatsiseqartitsinerup iluani pissut-sinik ataatsimut isiginnittarnermik tunngavik</i>	53
<i>3.10 Sulianik akiliisitsiniarnermut tunngasunik misissuineq - inat-sisitigut tunngavigisaq pisinnaatitaanerlu pillugit apeqqut</i>	54
<i>3.11 Sulianik akiliisitsiniarnermut tunngasunik misissuineq - pi-gisanik aalaakkaasunik qularnaveeqqutitut arsaarinnittarneq, akiitsoqartup suliani akiliisitsiniarnermut tunngasuni peqataanera</i>	63
<i>3.12 Sulianik akiliisitsiniarnermut tunngasunik misissuineq - su-liat akiliisinnaajunnaarnermut tunngassuteqartut, suliani qu-larnaveeqqutitut arsaarinninnermut tunngasuni sulianik up-fernarsaasersuineq, pisortat ilanngaassinissamut periarfissaat, akissarsianit unerartitseqqussisummut malitseqartitsineq pillugu apeqqut</i>	69
<i>3.13 Sulianik isumaginninnermut tunngasunik misissuineq - uter-titassannortitanik ikiorsiinissamut inatsisitigut tunngavi-gisaq</i>	74
<i>3.14 Sulianik sulisunut tunngasunik misissuineq - mianersoq-qussutit, tunngavilersuisarneq suliamilu illua tungiusup isumaanik tusarniaasarneq pillugit malittarisassat</i>	77
<i>3.15 Sulianik akiliisitsiniarnermut tunngasunik misissuineq - aki-leraartutitigut utertoortisiassanik tiguisinnaatitsineq</i>	79
<i>3.16 Sulianik isumaginninnermut tunngasunik misissuineq - meeq-qanik inissiinermi iliuusissanut pilersaarusiit suliarineqartarnerat</i>	80

3.17 Sulianik isumaginninnermut tunngasunik misissuineq - in- nuttaasut pillugit paasisutissanik pissarsiniarnissamut a- kuersissutip ilusilersorneqarnera	82
3.18 Sulianik akiliisitsiniarnermut tunngasunik misissuineq - aki- ligassiissutinik nassuiaasersuisarneq	84
3.19 Sulianik isumaginninnermut tunngasunik misissuineq - pisortanit ikiorsiissutinik uteritassanngortitanik pen- sionisialinnut ikiorsiisarneq.....	85
3.20 Sulianik akiliisitsiniarnermut tunngasunik misissuineq - nipangiussisussaataaneq	86
3.21 Sulianik akiliisitsiniarnermut tunngasunik misissuineq - aki- liisitsiniartoqannginnerani nukingisaarisarnermi periaat- sit.....	89
4. Suliat suliniutillu nammineerluni misissugassanngortitat kommuninullu tikeraarnerit	92
4.1. Allakkerisoqarfiup allakkanik agguaassisarnerani illoqar- finnik nunaqarfinnillu ilaajunnaarsitsinissamut inatsisiti- gut tunngavigisaq pillugu apeqqut.....	92
4.2 Inummut tapit pillugit aalajangiinerup nalunaarutigineqar- nera	92
4.3 Ilaqutariinnermut Pisortaqarfiup innarluutillit pillugit peq- qussut tunngavigalugu aalajangiinissamut pisinnaatitaaner- mik kommuninut aalajangersimasunut isumaqatigiissutitut ilusilikkamik isumagisassanngortitsinerata tamanut saqqum- niunneqannginnera	93
4.4 Piffissaq Isumaginninnermik Naammagittaalliuuteqartar- fimmi sulianik suliarinninnermut atorneqartartoq	93
4.5 Sulisoqarnermut Pisortaqarfiup soraarnermut atatillugu isumaqatigiissutini nipangiussisussaaneq pillugu aalaja- ngersakkanik atuisarnera	94
4.6 A/S Inissiaatileqatigiiffik INI-p inissianit nutsernerit pil- lugit nalunaarusiami suliarineqarnerannik nammineq	

<i>nakkutilliinera</i>	94
<i>4.7 Kommunimut tikeraarnej - sulianik isumaginninnermut tunngasunik misissuineq</i>	95
<i>4.8 Kommunimut tikeraarnej - sulianik sulisunut tunngasunik misissuineq</i>	95
<i>4.9 Kommunimut tikeraarnej - sulianik akiliisitsiniarnermut tunngasunik misissuineq</i>	96
5. Suliat nalinginnaasumik soqutiginaatillit, inatsiseqartitsif- fiusunut agguataakkat	98
Namminersornerullutik Oqartussat	
<i>5.1 Atorfinitsitsineq atorfinitsitsinermilu atugassarititaasut/ pisinnaatitaaffiit</i>	98
<i>5.1.1 Feriartarnej pillugu inatsit unioqqutillugu tjenestemandit pillugit isumaqatigiissummi feriartarnej pillugu aalajanger- sakkat</i>	98
<i>5.1.2 Feriarnermi immikkut ajunngitsorsiassat Namminersorne- rullutik Oqartussani pisortaqarfimmi atorfeqartitaanermut Namminersornerullutik Oqartussani pisortaqarfimmi alla- mi atorfeqartitaanermut nuunnermi tunniunneqanngitsoor- nissaannut inatsisikkut tunngavissaqannginneq</i>	106
<i>5.2 Pisussaaffiit, pineqaatissünerit soraarsitsinerlu</i>	126
<i>5.2.1 Nammineq piumassuserinngisamik soraarniuteqarnej aam- amma angajoqqaatut sulinngiffeqarnerup nalaani soraarsi- taaneq pillugit naammagittaalliut</i>	126
<i>5.3 Akileraaruteqaataasussatut isertitanik naatsorsuineq</i>	135
<i>5.3.1 Saaffiginnissutinik suliarinnissimannginneq, akerliliisoqa- raluartoq akiliisitsiniartoqarsimanagera, akileraartarner- mut tunngasuni oqartussaasut ilusilersugaanerat aamma tunngavilersuisimannginneq</i>	135
<i>5.4 Aalisarnej</i>	146
<i>5.4.1 Ombudsmandip saaffiginnissutaasa Aalisarnermut, Pi- niarnermut Nunalerinermullu Pisortaqarfimmit akine- qartarsimannginnerat. Suliami allagaatit tammaaneqar-</i>	

<i>simanerat</i>	146
5.5 Allat	164
5.5.1 <i>Allagaatinik paasitinnegarnissamik qinnuteqaatip qanoq iluseqarnissaanik qanorlu suliarineqarnissaanik piumasaqaatit, matumani paasissutissani pineqartup tusarniaavigineqarnissaanik apeqqut ilanngullugu eqqarsaatigalugu</i>	164
Kommunit	
5.6. Ulluunerani paaqqinniffiit	176
5.6.1 <i>Akiitsoqartoqanngitsoq kukkusumik paasissutisseereerluni akiliuteqartoqaqqinnissaanik piumasaqaammik kommunip aalajangiusingimanninnera</i>	176
5.7 Innarluutillit	182
5.7.1 <i>Ilaqutariinnermut Pisorta qarfiup pisinnaatitaanerininik kommuninut aalajangersimasunut isumaqatigiissutitut ilusiliinikut isumagisassanngortitsinermi Ilaqutariinnermut Pisorta qarfirmut naammagittaalliornissamut periarfissaq</i>	182
5.8 Allat (aalisarneq, aallaaniarneq, piniarneq il.il.)	196
5.8.1 <i>Qimminik pitussimanatik angalaannartunik taarsiissutitaqanngitsumik toqoraasarneq pillugu apeqqut</i>	196
5.9 Allat (atuartitsineq, ilinniartitsineq il.il.)	218
5.9.1 <i>Atuarfiup siulersuisuini siulittaasup suliffianit qinnuteqaataanngitsumik suliunnaarsinneqarnissaanut inatsisitigut tunngavissaqannginneq, matumani Qinigaasinnaassuseq pillugu Ataatsimiititaliap suliamik suliarinninnissaminut pisinnaatitaannginnera ilanngullugu eqqarsaatigalugu</i>	218
A/S Inissiaatileqatigiiffik INI	
5.10 Ineqarnermut akiliutinut akiitsut	245
5.10.1 <i>Kiassanermut akiliutaaqqittussanik akiliisitsiniarneq aamma attartortumik nuunnerup kingornatigut misissuinnermut aggeqqusineq</i>	245

Namineerluni misissuiffiginninnerit

5.11 Allat	269
<i>5.11.1 Napparsimasup nakorsaatini nakorsamit tunniunneqartunik tuniniaasimanerarneqarluni nakorsamit pasillerneqarnini pillugu naammagittaalliuutaanik Peqqissutsimut Pisoqartarfiup (Peqqissaaveqarfinnik Aqutsiviup) suliarrinninera.....</i>	<i>269</i>
5.12 Pisortat suliassaannik suliariumannittussarsiuussineq.....	286
<i>5.12.1 Illoqarfinni mikinerusuni nunaqarfinnilu allakkatigut kiffartuussinerup allaffissornermi aqutsinikkut aaq-qüivigineqarnera.....</i>	<i>286</i>

Kommunimut tikeraarnej

5.13 Sulianik akiliisitsiniarnermut tunngasunik misissuineq	297
<i>5.13. 1. Sulianik akiliisitsiniarnermut tunngasunik misissuineq</i>	<i>297</i>

6. Sulianut ukiuni siusinnerusuni nalunaarutini eqqartorneqartunut malitseqartitsineq. Naammagittaalliuutit pillugit suliart	305
7. Sulianut ukiuni siusinnerusuni nalunaarutini eqqartorneqartunut malitseqartitsineq. Suliart nammineerluni misissugassanngortitat.....	348
8. Oqaatsinik ujarliutit	367

1. Atorfeqarfimmi pissutsit nalinginnaasut

1.1. Sulisut

Fuldmægtig Helene Philipsen atorfimminit 2007-imi februarip qaammataata naanerani tunuarpoq.

Tina Bavnbæk 15. november 2006-imit fuldmægtigit atorfimmi inatsisilerituut taartaagallartut sulisimasoq 15. marts 2007-imit aalajangersimasumik atorfinitsippara.

Immikkut siunnersorti Malene Kleist atorfimminit sulinngiffeqarallareerluni 1. september 2007-imi tunuarpoq.

Fuldmægtigit atorfimmi inuttaaruttumi tassani Thomas Gønge 1. oktober 2007-imit atuutilersumik atorfinitsippara. Thomas Gønge inatsisilerituut ilinniarnerninik Aarhus Universitetimi 2004-mi augustip qaammataani naammassinnissimavoq.

Oqalutsip/nutserisup Arnaq Nielsenip atorfimminit 1. januar 2007-imit atuutilersumik sulinngiffeqarallarnissaa akueraara. Anda Kristiansen taartaagallartut atorfimmi 1. marts 2007-imit atuutilersumik 2008-mi junip qaammataata naanisaata tungaanut oqalutsit/nutserisut atorfeqartussat atorfinitsippara.

2007-ip naanerani sulisut uku Atorfeqarfimmi sulisorineqarput:

Inatsisilerinermi pisortaq Michael Mikkelsen

Oqalutsit/nutserisut pisortaat Jørgen Hansen

Oqalutsi/nutserisoq Lars Vahl

Oqalutsit/nutserisut taartaagallartoq Anda Kristiansen

Fuldmægtig Helle Ginnerup-Nielsen

Fuldmægtig Mona Jensen

Fuldmægtig Tina Bavnbæk

Fuldmægtig Thomas Gønge

Allaffimmiut fuldmægtig Alice Møller

1.2. Angalanerit tikeraarnerillu kiisalu nunanik allanik suleqateqar-neq

2007-imi tikeraarnerit makku naammassivakka:

Aprilip qaammataa: Maniitsup Kommunia

Majip qaammataa: Nanortallip Kommunia aamma Qaqortup Kommunia

Novemberip qaammataa: Narsap Kommunia

Nunat Killiit Avannarliit Ombudsmandiisa Københavni majip qaammataani aamma decemberip qaammataani ataatsimiinnerini peqataavunga.

Ingerlatat allat:

Inatsisilerinermi pisortaq Michael Mikkelsen Inatsisartunut ilaasortanik Naalak-kersuisullu aqutsisoqarfiannik demokrati pillugu isumasioqatigiissitsinermi Inat-sisartunit aaqqissuunneqartumi oktoberip qaammaataani ingerlanneqartumi pe-qataavoq.

1.3. Ombudsmandip pisinnaatitaanera

Kommunini pinngitsaaliillutik akiliisitsiniartartut eqqarsaatigalugit Ombuds-mandip pisinnaatitaanera (j.nr. 11.10.49.01/056-06)

Innuttaasup kommunimi pinngitsaaliilluni akiliisitsiniartartup suliamik suliarin-ninnera pillugu naammagittaalliutaa 2006-imi tiguara.

K Kommuni 18. september 2006-imi qinnuigaara naammagittaalliortoq pinngit-saaliilluni akiliisitsiniarnerup ingerlanneqannginnerani pinngitsaaliilluni akilii-sitsiniarneq pillugu ilisimatissimaneraa, taamaaliortoqarsimappallu qanoq ilior-luni ilisimatissimaneraa aamma naammagittaalliortoq suliami illua'tungiusup isumaanik tusarniaasarneq pillugu malittarisassat tunngavigalugit oqaaseqaate-qarnissaminut periarfissaqartinneqarsimanersoq akiitsoqartullu pigisaminik qu-larnaveeqqusiissutitut arsaarinnissutigineqarsinnaasunik innersuussisinnaatitaa-neranik ilisimatinneqarsimanersoq paasissutissiissutigeqqullugu.

K Kommunip akissutaa imaattoq 16. november 2006-imi tiguara:

"Allakkatit 23. juni 2006-imeersut innersuussutigalugit K Kommunip oqaatigaa kommunip aki-liisitsiniartartuata inatsiseqartitsinermi oqartussaasutut qularnaveeqqutitut arsaarinninneranut atatillugu naammagittaalliornissamut periarfissaq Kalaallit Nunaanni eqqartuussisarneq pillugu inatsimmi kap. 7, § 22-kkut imaattunik oqaasertaqartukut tunngavissaligaammat:

"§ 22. Pinngitsaaliinikkut naammassinninnissamut imaaliinnarlugu tunuartinneqarsinnaanngitsumut suliasami peqataasut arlaat inulluunniit alla akerliliippat eqqartuussutinilluunniit naammassinninniartartoq isumaqaruni pinngitsaaliinikkut naammassinninnissamut tunngaviusoq tamatuma suliarinissaanut nangaasoorutaasumik qularnaateqartoq piumasarineqartoq itigartissavaa tamannalu kredsretsimit suliasanngortillugu. Suliassaq taanna kapitali 3-mi maleruaqqusat malillugit suliarineqassaaq."

K Kommuniip paasinninnera unaavoq Inatsisartut Ombudsmandiat pinngitsaaliillutik akiliisitsiniartartut pillugit naammagittaalliutit eqqarsaatigalugit misissuinissaminut pisinnaatitaanngitsoq, tassami akerliliissuteqartoqassappat akerliliissutit eqqartuussivimmu (kredsretsimit) saqqummiunneqartussaammata. Taamaattumik naammagittaalliutit suliarineqarnissaa itigartitsisutiginneqarsimasariaqaraluarpoq, naammagittaalliortorlu suliamik eqqartuussivimmu suliasanngortitseqqullugu innersuunneqarsimasariaqaraluarluni. Folketingip Ombudsmandiata periaasia tamatumunnga atatillugu innersuussutigineqarpoq, matumani takuuk "Ombudsmandsloven - med kommentarer", Jon Andersen il.il., siullermik naqitertitaq, qupperneq 22.

Suliasat suliarineqartarnerat pillugu inatsimmi suliami illua'tungiusup isumaanik tusarniaasarneq pillugu aalajangersakkat eqqarsaatigalugit aammattaq erseqqissarneqassaaq pinngitsaaliilluni naammassinninniarneq eqqartuussisarneq pillugu inatsisip killissarititaasa iluanni pippat pisortat pisassarisaat pillugit naammassinninniarnermi iliuutsit aalajangiinertut nalinginnaasumik isigineqarneq ajormata. Suliami illua'tungiusup pisinnaatitaaffiinik suliasat suliarineqartarnerat pillugu inatsit tunngavigalugu atuinissamik pisariaqartitsineq salluunngilaq, tassami eqqartuussisarneq pillugu inatsimmi malittarisassat suliami illua'tungiusumut naammattumik piginnaatitsimata." (Atorfeqarfimmi nutsigaavoq)

Akilerartarnermi Pisortaqarfik tamanna tunngavigalugu 19. december 2006-imi qinnuigaara oqaaseqaateqaqullugu:

"K Kommuni pinngitsaaliillutik akiliisitsiniartartut sulineranni inatsisitigut tunngavigisaq pillugu tunngaviusumik paasinninnini suliani marlunni saqqummiuttarsimavaa, tamannalu immikkoortillugu uanga isummerfigisariaqarpara.

Pingaarnerusut isigalugit uanga paasinninnera unaavoq pinngitsaaliillutik akiliisitsiniartartut sulineranni inatsisitigut tunngavigisap nalornissutigineqannginnera pingaaruteqartuusoq, tassami matumani innuttaasunut akuliuffiginnittumik suliarinninneq pineqarmat.

Kommuni taamaalilluni siullertut isumaqarpoq pinngitsaaliillutik akiliisitsiniartartut oqartussaususut annertunerusutigut eqqartuussivittut pinngitsaaliilluni akiliisitsiniarnermik suliaqartutut pisinnaatitaasut, taamalu Ombudsmandip pisinnaatitaanerata eqqartuussivinnik ilaatitsinngitsup avataaniittut.

Kommuniip tullertut oqaatigaa pinngitsaaliillutik akiliisitsiniartartut eqqartuussisarneq pillugu inatsit malillugu suligaangata ingerlatsineq pillugu inatsiseqartitsinermi malittarisassat atorneqarneq ajortut.

Kommuniip akissutaasa taakkua marluk assilineri ilanngullugit nassiuppakka.

Apeqquut taanna pillugu isumaliutersuuteqaqqinninni atugassatut allakkiorpunga, taassumalu assiliner aamma ilanngullugu nassiuppara.

Akileraartarnermi Pisortaqarfiup pisortat pisassarisaannik pinngitsaaliilluni akiliisitsiniarneq pillugu inatsiseqartitsinermik apeqquutini Naalakkersuisut akisussaasuattut oqartussaasuunera inner-suussutigalugu pisortaqarfik inussiarnersumik qinnuigaara pinngitsaaliillutik akiliisitsiniartartut sulinerannut inatsisitigut tunngavigisaq pillugu apeqquut aamma kommunip akissutai pillugit oqaaseqaatissaqarnerseqqullungu."

Akileraartarnermi Pisortaqarfiup akissutaa imaattoq 15. februar 2007-imi tiguarra:

"Pinngitsaaliillutik akiliisitsiniartartut sulinerannut inatsiseqartitsinikkut tunngavigisaq

Inatsisartut Ombudsmandiata Akileraartarnermi Pisortaqarfik allakkatigut 19. december 2006-imeersutigut aamma 24. januar 2007-imeersutigut qinnuigaa pinngitsaaliillutik akiliisitsiniartartut sulinerannut inatsisitigut tunngavigisaq pillugu oqaaseqaatissaqarnerluni nalunaarutigeqqullugu.

Ombudsmandip pinngitsaaliillutik akiliisitsiniartartut eqqarsaatigalugit pisinnaatitaanera aamma pinngitsaaliillutik akiliisitsiniartartut eqqartuussisarneq pillugu inatsit tunngavigalugu sulineranni ingerlatsineq pillugu inatsiseqartitsinermi malittarisassat atorneqassanerannik apeqquut pillugu K Kommunip akissutaasa marluk assilineri Inatsisartut Ombudsmandiata allagaanut 19. december 2006-imeersunut ilanngullugit nassiunneqarput.

Aammattaq Ombudsmandip pinngitsaaliillutik akiliisitsiniartartut eqqarsaatigalugit pisinnaatitaanera aamma pinngitsaaliillutik akiliisitsiniartartut sulianik suliarinnittarnerat pillugit allakkiaq 27. november 2006-imeersaq Ombudsmandip ilanngullugu nassiussimavaa.

Aallaqqaasiullugu oqaatigineqassaaq Akileraartarnermi Pisortaqarfik isumaqartoq Ombudsmandip Inatsisartut inatsisaat nr. 7, 13. juni 1994-imeersaq tunngavigalugu pisinnaatitaaneranut killissaliunneqartut naliliiffigineqarnissaat pisortaqarfiup pisinnaatitaanerata avataaniittoq.

Taamaattumik Akileraartarnermi Pisortaqarfik pinngitsaaliillutik akiliisitsiniartartut pisortat ingerlatsineranni suliasat suliarineqartarnerat pillugu Inatsisartut inatsisaat nr. 8, 13. juni 1994-imeersaq eqqarsaatigalugu inissisimanerannik pisortaqarfiup naliliinera pillugu taamaallaat nasuiaateqassaaq.

Pinngitsaaliillutik akiliisitsiniartartut sulinerat

Pinngitsaaliillutik akiliisitsiniartartut sulinerisa ilisarnaatigaat pinngitsaaliilluni naammassinniniarnermi iliuutsinik (akissarsianit unerartitsinermik aamma qularnaveeqqutitut arsaarinninnernik) eqqartuussisarneq pillugu inatsimmi kapitali 7-ikkut pinngitsaaliillutik akiliisitsiniartartunut isumagisassannortinneqarsimasunik suliaqarsinnaanertik.

Aaqqissuusaanikkut

Pinngitsaaliillutik akiliisitsiniartartut aaqqissuusaanerup iluani kommuninit qangaaniilli atorfeqartitaasimallutillu akissarsiaqartitaasimapput. Pinngitsaaliillutik akiliisitsiniartartut taamatut sulinermik saniatigut kommunimi suliaassanik nalinginnaanerusunik akiliisitsiniarnermut tunngasunik suliaqarajuttarsimapput.

Ajornartorsiut

Suliami pineqartoq tassaavoq eqqartuussisarneq pillugu inatsimmi malittarisassat tunngavigalugit pinngitsaaliilluni naammassinninniarnertut pinngitsaaliilluni akiliisitsiniartartunit ingerlanneqartut pisortani ingerlatsinerup ataaniinnersut, taamaappallu qanoq annertutigisumik, tamatuma suliaassat suliarineqartarnerat pillugu inatsimmi § 1, imm. 1 tunngavigalugu killilersugaaneratut.

Suliaassat suliarineqartarnerat pillugu inatsit

Suliaassat suliarineqartarnerat pillugu inatsimmi § 1, imm. 1 pillugu oqaaseqaatini ilaatigut oqaatigineqarpoq: "Pisortani suliaassat suliarineqartarnerat pillugu Inatsisartut inatsisissaattut siunner-suut Danmarkimi ingerlatsineq pillugu inatsit aallaavigalugu suliarineqarsimavoq." aamma "Inatsimmi Kalaallit Nunaanni Namminersornerullutik Oqartussani ingerlatsinermi oqartussaasut tamarmik pineqartunut ilaatinneqarput, Namminersornerullutik Oqartussat kommunillu ingerlatsiviisa pineqarnerat apeqqutaatinagu, aamma ingerlatsinermi oqartussaasut nalinginnaasut imaluunniit immikkut aalajangiisartoqatigiit siunnersuisoqatigiilluunniit pineqarnerat apeqqutaatinagu. Inatsit taamaalilluni naalagaaffiup Kalaallit Nunaata iluani ingerlatsinerani oqartussaasunut atuutinngilaq." kiisalu "Eqqartuussiviit inatsisip taassuma atuuffiata avataaniipput."

Tamanna tunngavigalugu isumaqarnarsorinarpoq matuma tunngaviutinnissaanut pissutissaqartoq, tassalu pingitsaaliillutik akiliisitsiniartartut pinngitsaaliillutik naammassinninniarnertut suliaassat suliarineqartarnerat pillugu inatsimmi pineqartunut ilaatinneqartut, taamatut sulineq Kalaallit Nunaanni oqartussaasumit ingerlanneqartut isigineqarpat, pinngitsaaliillutillu akiliisitsiniartartut pinngitsaaliillutik naammassinninniarnertut suliaassat suliarineqartarnerat pillugu inatsisip avataaniissallutik taamatut sulineq Kalaallit Nunaanni ingerlatsinermi oqartussaasumit ingerlanneqartut isigineqanngippat.

Eqqartuussisarneq pillugu inatsit

Qularnaveeqqutitut arsaarinnittarneq eqqartuussisarneq pillugu inatsimmi kap. 7, §§-ni 6-imut 11-mut aalajangersaavigineqarpoq. Inatsimmi tassani kap. 7, §§-ni 12-imit 14-imut pisassarisat aalajangersimasut matussutissaannik akissarsianit unerartitsinerit aalajangersaavigineqarput. Qularnaveeqqutitut arsaarinninnerit aamma akissarsianit unerartitsinerit eqqartuussisarneq pillugu inatsimmi kap. 7-imi pinngitsaaliilluni naammassinninniarnertut taaneqarput.

Eqqartuussisarneq pillugu inatsimmi kap. 7, § 22-kkut aalajangersarneqarpoq: "Pinngitsaaliinnikkut naammassinninnissamat imaaliinnarlugu tunuartinneqarsinnaanngitsumut suliaassami peqataasut arlaat inulluunniit alla akerliliippat eqqartuussutinilluunniit naammassinninniartartoq isumaqaruni pinngitsaaliinnikkut naammassinninnissamat tunngavisoq tamatuma suliarinissaanut nangaasoortaa sumik qularnaateqartoq piumasarineqartoq itigartissavaa tamannalu kredsret-

simut suliassanngortillugu. Suliassaq taanna kapitali 3-mi maleruaqqusat malillugit suliarineqasaaq."

Aalajangersagaq taanna pillugu oqaaseqaatit aalajangersakkap qanoq paasineqarnissaa pillugu nassuiaatinik imaqangaanngilaq, taamatuttaarlu aalajangersakkap taassuma siulia (kapitali 7, § 5) pillugu oqaaseqaateqartoqarsimanani.

Danmarkimi aqqissuussineq

Eqqartuussutinik il.il. naammassinninniartarnermik aqqissuussineq Danmarkimi taamanikkut atuuttoq inatsisip allannguutaa 1983-imeersoq pillugu oqaaseqaatini nalinginnaasuni imatut oqaatigineqarpoq: "Danmarkimi naammassinninniartarnerit ilaannaat eqqartuussiviit ataanni immikkoortotaqarfimmut immikkut ittumut, tassalu fogedretsimut, isumagisassanngortinneqarsimapput, taannalu periaaseq sulisullu peqataasut ilinniagaqarsimassusiannik piumasaqaatit eqqarsaatigalugit eqqartuussisut sulinerannit erseqqissumik allaassuteqarpoq. Pingaartumik inuit atasiakkaat pisassarisaat fogedretsinut isumagisassanngortinneqarsimapput. Suliani pinerluttulerinermut tunngasuni eqqartuussutinik naammassinninniarneq politii nut isumagisassanngortinneqarsimavoq, matumani suliani pinerluttulerinermut tunngasuni inuit atasiakkaat pisassarisaannik atortussaatinneqartunik naammassinninniarnermik ingerlatsinerit ilaat aamma ilanngullugit eqqarsaatigalugit. Meeqqanut akilersuutinik siumoortumik tunniunneqarsimasunik akiliisitsiniarneq isumaginninnermi ataatsimiititaliatigut pisarpoq, ilaqutariinnerlu pillugu inatsiseqartitsineq tunngavigalugit akilersuutinik akiliisitsiniarneq politii tigut (Københavnimi overpræsidiikkut) ingerlanneqartarluni. Akileraarutitigut pisassarisat kommunit pinngitsaaliillutik akiliisitsiniartartuinit ingerlanneqartarpoq. Oqartussaasullu akiliisitsiniarnermik suliaqartartut allat pinngitsaaliilluni naammassinninniarnerpiani politii nik ikiortiserinninnissaminut annertuumik aamma periarfissaqarput."

John Vogterip atuakkiamini "Den kommenterede forvaltningslov"-imi 1999-imi pingajussaanic naqitertinneqartumi qupperneq 102-mi Danmarkimi ingerlatsineq pillugu inatsimmi § 1 pillugu oqaatigaa: "Inatsimmi tassani kommunit pinngitsaaliillutik akiliisitsiniartartui aamma ilanngaa-serisutut akiliisitsiniartartut pineqartunut ilaatinneqanngillat, qularnaveeqqutitut arsaarinninnermik suliaqarneq akileraarutitik akitsuutinillu akiliisitsiniarnermi periaaseq pillugu inatsimmi nr. 278-imi, 26. maj 1976-imeersuni § 5 tunngavigalugu ingerlanneqarpat, tak. Eilschou Holm, qupperneq 29." Inatsimmi taaneqartumi § 5 imaattunik oqaasertaqarpoq: "Qularnaveeqqutitut arsaarinninneq eqqartuussisarneq pillugu inatsimmi kapitalit 45-mit 47-mut tunngavigalugit ingerlanneqassaaq, inatsimmi allatut aalajangiisoqarsimanngippat."

Taamaalilluni manna tunngaviutinneqarsinnaasorinarpoq, tassalu Danmarkimi pisassarisanik aalajangersimasunik arlalinnik akiliisitsiniartarneq aqutsinermi allaffissornikkut oqartussaasunut isumagisassanngortinneqarsimasoq. Naak taamaakkaluartoq pinngitsaaliilluni naammassinninniarnermi iliuitsit ilaat arlallit (akileraarutitik akitsuutinillu qularnaveeqqutitut arsaarinninnikkut akiliisitsiniarnerit) oqartussaasut taakkua ingerlataat Danmarkimi ingerlatsineq pillugu inatsisip avataaniittut isigineqarput.

Eqqartuussisarneq pillugu inatsit

Kalaallit Nunaanni akiliisitsiniartarnermi oqartussaassutsip aaqqissuussaananeranut toqqarneqartumut tunngaviusoq 1983-imi allannguut pillugu oqaaseqaatini nalinginnaasuni allaaserineqarpoq. Tamanna pillugu makku oqaatigineqarput: "Iluarsaaqqinnermi isumaliutersuutitut atatillugu pingaarnertut apeqqut tassaasimavoq akiliisitsiniarnermi suliassat tunngaviusutigut politiit suliassariinnassaneraat. Politiit tungaannit pingaartumik tikkuarlugu oqaatigineqarpoq akiliisitsiniarnermik suliaqarneq politiit suliassarinnikkaat, tassami Danmarkimi taamaannera innersuussutigineqarsimammat. Tamatuma saniatigut oqaatigineqarsinnaavoq aaqqiagiinnigissutinik aalajangiinnittarneq eqqartuussiviit suliassarigaluaaraat eqqartuussiviup aalajangiinerinik naammassinninnermi, pisassarisanik akiliisitsiniarnermi aamma pisassarisanik akuerisaasunik allamik tunngaveqarluni naammassinninniarfiginninnertut ikiuuttarneq tassaasoq aqutsinermi allaffissor-nikkut suliassaq, suliatigut aaqqissuussaannikkullu isumaliutersuutit aallaavigalugit aaqqinniarta-riaqartoq."

Eqqartuussutinik ilaalu ilanngullugit naammassinninniarneq taamaalluni aqutsinermi allaffissor-nikkut suliassatut isigineqarpoq, aaqqissuuseriaatsimullu toqqarneqartumut tunngaviusut tassaallutik suliatigut aaqqissuussaannikkullu isumaliutersuutit.

Pinngitsaaliillutik akiliisitsiniartartut arlaannaannulluunniit attuumassuteqartuunnginnerat

Nalinginnaasumik naatsorsuutigineqarpoq pinngitsaaliillutik akiliisitsiniartartut pinngitsaaliilluni naammassinninniarnerneq atatillugu akiitsoqarfigineqartunut, akiitsulinnut, pingajuusutut inis-simasanut aamma pinngitsaaliillutik akiliisitsiniartartut atorfeqartitaaneranni oqartussaasunut attuumassuteqartuussaannigisut taamalu pisuni taakkunanani qulaani taaneqartunit peqqussuteqarfigineqarsinnaassannigisut. Arlaannaannulluunniit attuumassuteqartuunnginneraq kikkut akiliisitsiniarnermik oqartussaasumik ingerlatsisinnaanerannik eqqartuussisarneq pillugu inatsimmi kapitali 7, § 19, imm. 1-ikkut aalajangersaasoqarneratigut, kapitalilu taanna tamatumunnga peqatigittillugu aalajangersakkanik arlalinnik imaqarpoq, taakkunanilu pisinnaatitaanerit arlallit akiliisitsiniarnermi oqartussaasumut erseqqissumik isumagisassannortinneqarput.

Naliliineq

Akilerartarnermi Pisortaqarfiup paasinninnera unaavoq inatsisip oqaasertai imaluunniit inatsit piareersarlugu suliart tunngavigalugit manna aalajangerneqarsinnaannigisut, tassalu pinngitsaaliillutik akiliisitsiniartartut pinngitsaaliillutik naammassinninniarnerminni iliuusaat ingerlatsinermi aalajangiinertut imaluunniit inatsiseqartitsineq tunngavigalugu aalajangiinertut, soorlu eqqartuussutit aalajangiinerillu pissuseqataattut inatsisiliortut (Folketingip) isigisimagaat.

Eqqartuussutinik il.il. naammassinninniarnerit 1983-imi allannguut pillugu oqaaseqaatini nalinginnaasuni aqutsinikkut allaffissornermi suliassatut isigineqarnerat matumunnga ataneqartillugu isigineqassaaq, tassalu oqaaseqaatip akiliisitsiniarnermik suliaqarnerup aaqqissuussaannikkut piareersarneqarnerata oqaloqatigiissutigineqarnera tunngavigalugu saqqummiunneqarsimaneramik. Apeqqutaasoq tassaavoq akiliisitsiniarnermik sulinerup ilaa aqutsinikkut allaffissornermi oqartussaasunit, tassalu politiit, suli isumagineqassanersoq, imaluunniit sulinerup ilaa taanna eqqartuussivinnut nuunneqassanersoq. Oqallinnerit inernilerneqarput akiliisitsiniarnermik suliaqarneq

politiit suli isumagissagaat. Oqaaseqaatini ataatsimoortorujussuarmik oqaatiginninnerup akiliisitsiniarnermik suliaqarnerup ilaasa ataasiakkaat inatsiseqartitsinikkut naliliivigineqarnissaat siunertarisimaga ilimagissallugu tunngavissaqanngilaq, matumani taakku aqutsinermi allaffissorinikkut inatsiseqartitsinikkulluunniit suliassaanerat ilanngullugu eqqarsaatigalugu. Taamaattumik pinngitsaaliilluni akiliisitsiniartartut eqqartuussisarneq pillugu inatsimmi malittarisassat tunngavigalugit pinngitsaaliilluni naammassinninniarnarisa ingerlanneqartut ilumut, taamaappallu qanoq annertutigisumik, pisortat ingerlatsinerisa ataanniinnerannik apeqqutip akineqarnera erseqqinerusumik isumaliutersuutinik arlalinnik tunngaveqartariaqarpoq. Suliassap aqqissuussaannermi immikkoortumut isumagissassanngortinneqarnerata suliassap pineqartup inatsisilerinnermut imaluunniit ingerlatsinnermut tunngasutut inissisimalertera nassatarisariaqanngilaa. Eqqartuussiviit taamaallillutik suliassanik ingerlatsinnermi suliassatut ittunik suliaqartarput, assersuutigalugu illuutinik nalunaarsuineq, naak eqqartuussiviit sulinerisa pingaarnersaat inatsisilerinnermut tunngasuugaluartut.

Kalaallit Nunaanni eqqartuussiveqarneq pillugu ataatsimiititaliarsuup politiit akiliisitsiniarnermik suliassaasa arlallit eqqartuussivinnut nuunneqarnissaannik siunnersuuteqarnerminut tunngavilersuutitut oqaatigaa: "Inuit ataasiakaa eqqarsaatigalugit pinngitsaaliinikkut naammassinninniarnarneq pissutsini tunngavigalugu inatsisilerinikkut suliaavoq eqqartuussiviit suliassaannut pissu-sissamisoorumik ilaasoq." (Isumaliutissiissut 1442, qallunaatuuani qupperneq 638, immikkoortuq 4.3.2)

Pinngitsaaliilluni naammassinninniarnarup "pissutsini tunngavigalugu inatsisilerinikkut suliaavoq"-mik oqarnerup qanoq paasineqarnissaa erseqqinnerusumik nassuiarneqarsimannngilaq. Taamaattorli matumani ilimaginissaa eqqortuusorinarpoq, tassalu Eqqartuussiveqarneq pillugu Ataatsimiititaliarsuup tassani manna isiginiarsimaga, tassalu pinngitsaaliilluni naammassinninnermut atatillugu akiliisitsiniarnermi oqartussaasup illua'tungeriit marluk, assersuutigalugu akiitsoqarfineqartup akiitsoqartullu, pisunilu immikkut ittuni pingajuusutut inissisimasup, soorlu qularnaveequsiisup, akornanni pisassarisat pillugit aalajangiisuususaanera. Akiliisitsiniarnermi oqartussaasup sulinera tamatumunnga atatillugu eqqartuussiviit aqqiagiinngissutaasunik (eqqartuussutitigut aalajangiinertigullu) aalajangiiviginnittarinerisut ilisarnaateqarpoq.

Pinngitsaaliilluni naammassinnittarnermik isiginneriaaseq taanna eqqartuussisarneq pillugu inatsimmi kapitali 7-imut aamma tunngaviutinneqarsimasorinarpoq, pingaartumik § 22 eqqarsaatigalugu, aammali assersuutigalugu § 6, imm. 1 aamma § 8, imm. 2 eqqarsaatigalugit.

Eqqartuussisarneq pillugu inatsimmi kap. 7, § 22-kkut aalajangersarneqarpoq akerliliissutaasut imaaliillaannaq tunuartinneqarsinnaanngippata pinngitsaaliilluni naammassinninniarnarup ingerlasoq pinngitsaaliilluni akiliisitsiniartartup unitsissagaa taannalu eqqartuussivimmu suliassanngortissagaa. Eqqartuussivikkut annertuumik nakkutillineq taamaattoq pineqaatissiisarneq pillugu inatsiseqartitsinerup saniatigut inatsiseqartitsiviusuni allani atorneqanngitsoq ilisimaneqarpoq.

Tamanna imatut tikkuussisuusorinarpoq, tassalu pinngitsaaliilluni naammassinninniarnarup inatsisiliortut inatsisilerinnermut tunngasutut isigisimagaat. Taamaassimannngippat eqqartuussiviit ingerlatsivimmik - ingerlatsivik suliassaqarfippassuarni, soorlu isumaginninnermut tunngasuni aamma akileraartarnermut tunngasuni innuttaasut inuuniarnermikkut atugaannut suliffeqarfiillu ingerlanneqarnerinut imaaliillaannaq annertuunillu sunniuteqartunik aalajangiisartut eqqarsaati-

galugit - nakkutiginninnerannik aaqqissuussineq saneqqutissallugu inatsisiliortut pissutissaqarsi-massanngikkaluarpit.

Tamatumunnga peqatigitillugu apeqqutip taassuma eqqartuussisarneq pillugu inatsisip piareer-sarlugu suliarineqarnerani qalliinnarsiortumik suliarineqarsimanerata manna ilimanarsisippaa, tassalu inatsisiliortut naliiisimasut tassani immikkut ajornartorsiutissaqanngitsoq. Tamatumun-ga atatillugu oqaatigineqarpoq akiliisitsiniarnermi oqartussaasup pinngitsaaliilluni naammassin-ninniarnerani ingerlatsineq pillugu inatsiseqartitsinermi tunngaviit imaluunniit eqqartuussisarneq pillugu inatsimmi tunngaviit malinneqassannginner-sut apeqqut suliaassat suliarineqartarnerat pil-lugu inatsisip atortuulernerani aamma piusimasoq. Apeqqutip taassuma taaneqannginneranut pis-sutaasoq pisortaqarfiup isumaa malillugu tassaasariaqarpoq inatsisiliortut naatsorsuutigisimagaat pinngitsaaliilluni naammassininniartarnerup eqqartuussisarneq pillugu inatsisikkut aalajanger-saavigineqarsimanera pissutigalugu eqqartuussisarneq pillugu inatsimmi suliaassat suliarineqar-tarnerat pillugu tunngaviit akiliisitsiniarnermi oqartussaasup malissagai. Tamanna suliaassar-fimmi tassani Danmarkimi aaqqissuussiner-mut naapertuuppoq, taamaattumillu aaqqissuussineq alla Kalaallit Nunaanni akiliisitsiniarnermi oqartussaasumut atuutissappat inatsisiliortut erseqqin-nerusumik nassuiaateqarsimassagunaraluarlutik.

Akilerartarnermi Pisortaqarfiup eqikkaalluni paasinninnera unaavooq pinngitsaaliillutik akiliisit-siniartartut eqqartuussisarneq pillugu inatsit tunngavigalugu pinngitsaaliillutik naammassinin-niarneri suliaassat suliarineqartarnerat pillugu inatsimmi pineqartunut ilaatinneqanngitsut, tak. § 1, imm. 1, tassami pinngitsaaliillutik akiliisitsiniartartut ataqatigiinneqarnermi tassani ingerlatsiner-mi oqartussaasuunngimmata.

Naggasiutaasumik oqaaseqaatit

Pinngitsaaliillutik akiliisitsiniartartut eqqartuussisarneq pillugu inatsit tunngavigalugu pinngit-saaliillutik naammassininniarnarnerisa suliaassat suliarineqartarnerat pillugu inatsimmi pineqartunut ilaannginnerat pisortaqarfiup naliliinera malillugu inatsiseqartitsinikkut innarlitsaaliineq eqqar-saatigalugu annertunerusunik eqqarsarnartoqalersitsinngilaq.

Pinngitsaaliilluni akiliisitsiniartartup pinngitsaaliilluni naammassininniarnarnerup aallartinneqan-ginnerani pisassarisat piunerat, pisassarisanut uppersarsaatit pigineqarnerat il.il. qulakkiissavaa. Misissuineq taanna apeqqutissaqalersitsippat pinngitsaaliilluni akiliisitsiniartartoq akiitsoqarfigi-neqartumut (ingerlatsivimmumt susassaqartumut) saaffiginnittariaqarpoq, imaluunniit suliaq pisa-riaqarpat eqqartuussivimmumt suliaassanngortittariaqarlugu, pinngitsaaliilluni naammassininniarnarnermut tunngavimusup aalajangersarneqarnissaa siunertarlugu.

Akiitsoqarfigineqartoq, akiitsoqartoq pingajuosorluunniit pinngitsaaliilluni naammassininniarnar-nerup ingerlanerani akerlilissuteqarpat pinngitsaaliilluni naammassininniarnar-neq pinngitsaaliilluni akiliisitsiniartartup unitsissavaa, akerlilissuteqarnerlu eqqartuussivimmumt suliaassanngortillu-gu, akerlilissut pinngitsaaliilluni akiliisitsiniartartup imaaliallaannaq tunuartissinnaanngippagu.

Pinngitsaaliilluni naammassininniarnarnerup kingornatigut akiitsoqarfigineqartoq, akiitsoqartoq pingajuosuttulluunniit inissisimasoq akerlilissutinik saqqummiussippat pineqartut suliamik ma-littarisassat nalinginnaasut malillugit eqqartuussivimmumt suliaassanngortitsinissaminnut periarfis-saqassapput.

Suliap suliarineqarnerani peqataasinnaassuseqannginneq, suliami illua'tungiusup isumaanik tusarniaaneq, tunngavilersuisussaatitaaneq, naammagittaalliornissamut periarfissamik ilitsersuineq il.il eqqarsaatigalugit matuma tunngaviutinneqarnissaa eqqortuusorinarpoq, tassalu suliassaqarfinni taakkunani tunngaviit eqqartuussivinnit nalinginnaasumik atorneqartartut pinngitsaaliilluni akiliisitsiniartartut malikkai eqqartuussiviit il.il. misissussagaat.

Qulaani oqaatigineqartut apeqqutaatinngit aqqissuussinerup massakut atuuttup aqukkumi-naannerata paasineqarsimanera Akileraartarnermi Pisorta qarfiup nassuerutigaa. Tamanna ilaati-gut matumunnga ataneqarpoq, tassalu pinngitsaaliillutik akiliisitsiniartartut oqartussanik atorfe-qarfisaminnik akiliisitsiniussisarnerat. Taamaalilluni piffissat pinngitsaaliillutik akiliisitsiniar-tartut suliffigisaasa annertunersaat ingerlatsineq pillugu inatsiseqartitsinermi nalinginnaasumik qullersariaanermut attuumassuteqartuusarpoq, piffissamilu tassani ingerlatsineq pillugu inatsi-seqartitsinermi malittarisassat tunngaviillu pinngitsaaliillutik akiliisitsiniartartut malittussaavaat. Pinngitsaaliillutik akiliisitsiniartartut eqqartuussisarneq pillugu inatsimmi malittarisassat tunnga-vigalugit pinngitsaaliilluni naammassinninniarnermik aatsaat suliassaqarunik akiitsoqarfiusumut, akiitsoqartumut, pingajuusutut inissisimasumut atorfinitsitsinermilu oqartussaasumut attuumas-suteqartuussanngillat.

Taamatut nikeriartarneq pinngitsaaliillutik akiliisitsiniartartunut, akiitsoqarfiusunut, akiitsoqartu-nut, pingajuusutut inissisimasunut atorfinitsitsinermiluunniit oqartussaasunut paasiuminartuu-juaannartanngilaq.

Naggasiutigalugu oqaatigineqarpoq pinngitsaaliillutik akiliisitsiniartartut inatsit eqqartuussisar-neq pillugu inatsimmit allaasoq, assersuutigalugit akileraartarneq pillugu inatsimmi § 101, imm. 1, tunngavigalugu pinngitsaaliillutik naammassinninniarnik suliaasat suliarineqartarnerat pillu-gu inatsimmi § 1, imm. 1-imi pineqartunut ilaatinneqartussaanagerat Akileraartarnermi Pisorta qarfiup isumaqatigigaa, tassami taamaattoqarpat pinngitsaaliilluni naammassinninniarnit inatsisi-lerinermit tunngasuussanngimmata.

(...) (Atorfeqarfimmi nutsigaavoq)

Akileraartarnermi Pisorta qarfiup akissutaa tigoreerlugu K Kommunimut 16. marts 2007-imi imatut allappunga:

"(...)

K Kommunip akissutaa 16. november 2006-imeersoq tigoreerlugu Akileraartarnermi Pisorta qar-fik qinnuigaara pinngitsaaliillutik akiliisitsiniartartut sulinerannut inatsisitigut tunngavigisaq pil-lugu oqaaseqaatinik saqqummiusseqqullugu.

Akileraartarnermi Pisorta qarfiup qulaani taaneqartut pillugit oqaaseqaatini 12. februar 2007-imi nassiuppai taakkulu assilinerat K Kommunimut aamma nassiunneqarsimavoq.

Akileraartarnermi Pisorta qarfiup allagaani imaluunniit Ombudsmandi pillugu inatsimmi Om-budsmandip pisinnaatitaanera pillugu malittarisassani takussutissaqanngilaq pinngitsaaliillutik akiliisitsiniartartut sulinerisa misissornissaannut Ombudsmandip pisinnaatitaannginneranik ili-

manarsisitsisunik. Pinngitsaaliillutik akiliisitsiniartartut tassaapput kommunip ataani allaffissor-nikkut aqutsinermi oqartussaasuusut, taamalu Ombudsmandi pillugu inatsimmi § 4, imm. 1-imi pineqartunut ilaatinneqartut.

Akilerartarnermili Pisortaqarfik isumaqatigaara oqarmat suliassaqarfimmi eqqartuussisarneq pillugu inatsisikkut aalajangersaavigineqartumi suliassat sularineqartarnerat pillugu inatsit ingerlatsinerlu pillugu inatsiseqartitsinermi malittarisassat allat atuunnerat nalorninartoqartoq, tamannali suliat ataasiakkaarlugit erseqqissumik isummerfigisarniarpara, suliassaqarfillu taanna pinnaatitaaneq pillugu apeqqummut tunngasuunngilaq.

Taamaattumik K Kommuni qinnuigaara suliaq pillugu oqaaseqaateqaqqullugu.

(...)"

K Kommunip allagai imaattut 30. marts 2007-imi tiguakka:

"Allakkannut 16. marts 2007-imeersunut qujanaq, taakkunanilu naammagittaalliutitut suliamut qulaani taaneqartumut atatillugu suliami allagaatit oqaaseqaatillu nassiunneqarnissaat ilaatigut eqqaasitsissutigaat.

Malugaarattaq Akilerartarnermi Pisortaqarfiup naliliinera pisortaqarfiup allagaani 15. februar 2007-imeersuni oqaatigineqartoq ilalinngikkitt.

Uanga paasinninnera unaavoq saaffiginnissutit inatsiseqartitsinikkut sukkulluunniit tunngavissaqanngitsoq, taamaattuusutullu akiliisitsiniartarfimmut pisariaqanngitsumik assortuiniarnerusoq.

Ombudsmandip pinnaatitaannginnera pillugu oqaaseqaatit siusinnerusukkut oqaatigineqartut tamatumunnga atatillugu innersuussutigaakka, matumani K Kommunimi akiliisitsiniartarfimmik massakkut misissuinnermut atatillugu oqaaseqaatit ilanngullugit eqqarsaatigalugit.

Taamaattorli Ombudsmandip Atorfeqarfiata kommunimi nalinginnaasumik akiliisitsiniarnermik paasisimasqartuunera isumaqatigaara, suliamilu allagaatit tassunga attuumassuteqartut ilanngullugit nassiullugit." (Atorfeqarfimmi nutsigaavoq)

K Kommunimi pisortaanermut B-mut 10. april 2007-imi imatut allaqqippunga:

"Kommunip aningaasaqarnikkut ingerlatsiviani akiliisitsiniartarfimmit akissutit pingasut piffisap kingulliup ingerlanerani tiguakka, taakkunanilu pinngitsaaliillutik akiliisitsiniartartut sulinerannik misissuinissamut pinnaatitaanngitsunga akiliisitsiniartarfiup atortussaattippaa.

Allakkat pingasut taakkua assilineri ilinnut ilisimatsitsissutitut ilanngullugit nassiuppakka.

Kommunip allagai kingulliit 30. marts 2007-imeersut allakkannut 16. marts 2007-imeersunut akissutaapput, taakkunanilu pinngitsaaliillutik akiliisitsiniartartut sulinerisa pinnaatitaaninni pineqartunut ilaatinneqarnerat aalajangiusimallugu oqaatigaara. Allakkat taakkua assilinerat ilanngullugu aamma nassiuppakka.

Uanga paasinninnera unaavoq akiliisitsiniartarfiup naliliineri malittarisassanik Ombudsmandip sulineranut atuuttunik paatsuuinermik tunngaveqartut, taamaattumillu illit kommunip aqutsinera-ni pisortaasut saaffigaakkitt, saaffiginnissutinnut kommunip akissuteqarnissaanut peqataallutit ikiuussinnaanerit neriutugalugu.

Paatsuuineq Inatsisartut Ombudsmandiat pillugu Inatsisartut inatsisaata sulininnik killissalersue-riaasianut tunngasummat killissalersuineq taanna pillugu erseqqinnerusumik nassuiaateqarniar-punga:

Pinngitsaaliillutik akiliisitsiniartartut aqqissuussaaneq eqqarsaatigalugu kommunini ataasiak-kaani immikkoortortaqrartut inissitaapput.

Taamaattumik taakku tassuunakkulli Ombudsmandip nakkutilliinerani pineqartunut ilaatinne-qareerput, tak. Inatsisartut Ombudsmandiat pillugu Inatsisartut inatsisaanni § 4, imm. 1 imaattu-nik oqaasertaqartoq:

"Ombudsmandip sulinermini susassarai ingerlatsiviit Namminersornerullutik Oqartussanut kommuninullu atasut tamaasa."

Uanga pisinnaatitaanera taamaalilluni aqqissuussaaneq killissaligaavoq, kommunip immik-koortortaqrarfiisa ataasiakkaat inatsisitigut tunngaviit suut aallaavigalugit sulinerat apeqquatain-nagu.

Taamaattumik pisinnaatitaaninnik killissalersuineri pinngitsaaliillutik akiliisitsiniartartut inat-siseqartitsinikkut oqartussaasut suliaasaannik suliaqartut akiliisitsiniartarfiup isumaqarnera pi-ngaaruteqanngilaq.

Tamatunngali peqatigitillugu oqaatigaara kommunip uannut allakkamini eqqartuussisarneq pillugu inatsimmi kapitali 7, § 22 innersuussutigisarsimagaa, taannalu pinngitsaaliillutik akiliisit-siniartartut pisuni aalajangersimasuni pisassarisat pinngitsaaliinikkut naammassinninniarfigeq-qusaasut pillugit eqqartuussummik peqarnissamik isumaginninnissamut pisussaaffeqarnerannut tunngasuvoq.

Aalajangersagaq taanna pinngitsaaliillutik akiliisitsiniartartut sulinerisa eqqartuussivikkut misi-linneqartarnerat pillugu malittarisassamik immikkut ittumik imaqarneranik akiliisitsiniartarfiup oqarnera isumaqatigaara, pinngitsaaliillunili akiliisitsiniartartup kommunimi aqqissuussaane-rnut ilaanera aalajangersakkap taassuma allangortinngilaa.

Pinngitsaaliilluni akiliisitsiniartartup tunuartissinnaanngisaanik akerliliiisoqarnera pinngitsaaliil-luni akiliisitsiniartartup ilisimalerpagu pissutsilluunniit pinngitsaaliilluni naammassinninniar-sinnaanermik nalorninarsisitsisut pinngitsaaliilluni akiliisitsiniartartup ilisimasaqarfifigunigit eq-qartuussisarneq pillugu inatsit tunngavigalugu pinngitsaaliilluni akiliisitsiniarsinnaanngitsoq aalajangersakkakkut tassuuna aalajangersarneqarpoq.

Aalajangersakkakkut tassuuna aalajangersarneqarpoq pisuni taamaattuni pisassarisat piunerannik pinngitsaaliinikkullu naammassinninniarfigineqarsinnaanerannik siumut eqqartuussisoqariin-

ngippat akissarsianit unerartitsinikkut imaluunniit qularnaveeqqutitut arsaarinninnikkut pinngitsaaliilluni nammassinninniartoqarsinnaanngitsoq.

Taamaattumik pinngitsaaliillutik akiliisitsiniartartut sulianik suliarinninneri pillugit naammagittaalliutit taamaallaat killilimmik misissuiffiginnaasussaavakka, tassami tamatuma kingornatigut aallaaviusiq tassaamat suliami qulaajarneqanngitsunik nalornissuteqartoqarpat pinngitsaaliilluni akiliisitsiniartartut pinngitsaaliinikkut naammassinninniarsinnaanngimmata. Aatsaat innuttaasqoq pinngitsaaliilluni naammassinninnerneq ingerlanneqartoq pillugu naammagittaalliorpat pinngitsaaliilluni akiliisitsiniartartut suliamik suliarinninneranik misissuina ingerlassinnaalersussaavara.

Taamaattorli pisumi taamaattumi misissuina pinngitsaaliilluni akiliisitsiniartartup eqqartuussisoqariinngikkaluartoq akissarsianit ilanngaassinikkut imaluunniit qularnaveeqqutitut arsaarinninnikkut iliuuseqarfiginnaanup suliap naammattumik paasissutissartalorsorneqarsimanera pillugu apeqqummut killissalorsinnaagajuttussaavara. Pissutsit eqqartuussivimmi eqqartuussisutiginneqartussat naatsorsuutiginneqarsinnaasut uannit misissuiffiginneqartanninnissaat eqqartuussiviit eqqarsaatigalugit pisinnaatitaannginninnut naapertuunnerpaasutut isigaara.

Isumaqaruma pinngitsaaliilluni akiliisitsiniartartoq eqqartuussisarneq pillugu inatsimmi kapitali 7, § 22 tunngavigalugu pinngitsaaliilluni naammassinninniarnermik ingerlatsisussaasimannigitsoq, tamanna soorunalimi isornartorsiussavara, kiisalu qularnaveeqqutitut arsaarinninniaqqusineq akissarsianilluunniit unerartitseqqusineq tunuartinneqassasoq, suliallu ingerlateqqinneqarnissaa kissaatigineqarpat suliaq pinngitsaaliilluni akiliisitsiniartartup eqqartuussivimmut suliasannngortissagaa inassuteqaatigissallugu.

Malittarisassat malinneqarnermikkut pinngitsaaliinikkut naammassinninniarnissamut tunngavisamik pissarsiarneq pillugu inuit ataasiakkaat akornanni eqqartuussivikkut suliami eqqartuussutiginneqartussat naatsorsuutiginneqanngitsut pinngitsaaliillutik akiliisitsiniartartut malinneraat tamatuma saniatigut soorunalimi nakkutigissavara. Matumani eqqarsaatigisakka tassaapput ingerlatsinermi ileqqorissaarneq pillugu tunngaviit ingerlatsivinnilu sulianik ingerlatsineq pillugu malittarisassat pinngitsaaliilluni naammassinninniarnerep inatsisinik eqqortitsisuunerannut suniuteqanngitsut, eqqartuussisarneq pillugu inatsimmi malittarisassat imaluunniit malittarisassat pinngitsaaliillutik akiliisitsiniartartut malitassat pineqaraluarpataluunniit.

Kommuninut tikeraartarninnut atatillugu nammineerluni misissuiffigininnermik ingerlatsinerit ingerlattakkakka tamatuma pissuseqataanik killissalersuiffigisartussaavakka.

(...)

Aamma qinnuigaakkut A-p, inuttut normua (...), naammagittaalliutaa pillugu suliami akissumik kommunillu allagaataanik tamarmiusunik tigusaqarnissara isumageqqullugu.

Suliaq kingullertut taaneqartoq eqqarsaatigalugu aamma qinnuiginiarpakkit pinngitsaaliilluni akiliisitsiniartartup akissutaa 30. marts 2007-imeersoq erseqqinnerusumik misissoqqullugu.

Uanga paasinninnera pinngitsaaliilluni akiliisitsiniartartup isumaqatiginngikkaluarpaguluunniit manna pingaartuuvoq, tassalu saaffiginnessutikka pinngitsaaliilluni akiliisitsiniartartup imatut

akissagai akissutip suliamut tunngassuteqartunik isumaliutersuuteqarnermik tunngaveqarneranik uanga tatiginnissinnaalersillunga. Tassani aamma ilaavoq suliaq pillugu uanga paasinninnera isumaqatigineqanngippat tamatuma suliamut attuumassuteqarlunnartunik tunngavilersuuteqarluni kinaassusersiorpalaanngitsumillu nipeqarluni uannut nalunaarutigineqartarnissaa.

Taamaattumik kommunip akiliisitsiniartarfiani sulianik misissuininnut atatillugu massakkut saaffiginnissutigisara siunissamilu saaffiginnissutigisarumaakkakka tunngaviit suliassa qarfinni allani saaffiginnissutima kommunimit suliarineqartarneranni tunngaviit pissuseqataat malillugit suliarineqartarnissaat naatsorsuutigaaara."

K Kommuni allakkatigut 25. juni 2007-imeersutigut, 27. juni 2007-imeersutigut kiisalu 28. juni 2007-imeersutigut imatut akivoq:

"(...)

Allakkanut qulaani taaneqartunut akissummik nassiussisoqarsimanninnera aallaqqaasiutitut asut ajuusaarutigissavara. Akissut taanna eqqarsaatigalugu kommunip iluani ajoraluartumik kukusoqarsimavoq. Suliani ataasiakkaani immikkualuttutigut malitseqartitsisarnermik Inatsisartut Ombudsmandiata K Kommunillu isumaqatigiissutaat piousoq naammaginantumik ingerlagaluarpoq, uppersarsinnaavaralu isumaqatigiissut taanna suli atoromagipput, taamaalluni ingerlaavartumik suleqatigiinnermi ajornartorsiutinik pilersoqannginniassamat.

Suliaq pineqartoq eqqarsaatigalugu paasissutissat piumaneqartut ingerlaannaq nassiunneqassapput.

Pisortaanerup B-p allagaanut 25/06-2007-imeersunut nangissutitut makku oqaatigineqassapput:

(...)

Suliami pineqartumi - A-p qularnaveeqqutitut arsaarinninneq pillugu naammagittaalliutaani - akiliisitsiniartarfiup mappiutaa allagaatinik imalik misissugassanngortillugu kissaatigineqartutut nassiunneqarpoq.

Naammagittaalliortup kommunimi akiliisitsiniartartup qularnaveeqqutitut arsaarinnissimanera ilinnut naammagittaalliutiga. Naammagittaalliortup suut akerliliissutiginerai naammagittaalliuummi erseqqissumik takuneqarsinnaanngilaq, suliamili inatsiseqartitsinik qulaajaaneq kinguarsarumanagu qularnaveeqqutitut arsaarinnissimanerup eqqartuussivimmi misilinneqartussanngorlugu suliassiissutigineqarnissaa kommunip matuma kingornatigut isumaginiarpaa, tak. Kalaallit Nunaanni eqqartuussisarneq pillugu inatsimmi kap. 7, § 22.

K Kommunip uppersarsinnaavaa kommunimi akiliisitsiniarnermut tunngasuni akissuteqaatit suliassa qarfinni allani tunngaviit pissuseqataattut pisassasut. Kommuni kinaassusersiunngitsumik ilusilersorluagaasumillu Inatsisartut Ombudsmandiannut akissuteqarniartarpoq. Kommunip akissuteqaataasa ilaat allatut paasineqarsinnaasimassappata tamanna ajuusaarutigineqassaaq, siunissamilu suliassa qarfinni ataasiakkaani assigiinngitsunik paasinninnissamat pissutissaqalersitsi-

soqarpat siunnersuutigaarput tamanna kommunip pisortarisaanut toqqaannartumik oqaloqatigin-nissutigineqassasoq." (Atorfeqarfmmi nutsigaavoq)

Qulaani taaneqartut pissutigalugit aalajangerpunga A-p naammagittaalliuutaata suliarineqarnissaa itigartitsissutiginiarlugu, imatut tunngavilersuillunga:

"22. juni 2006-imi nammineerlutit saaffiginninnerit matumuuna uterfigaara, matumani K Kom-munimi akiliisitsiniartartup Z-imi politiinit pisassarisanit 18.000 kr.-iusunit qularnaveeqqutit arsaarinnissimanera pillugu naammagittaalliuutigalugu.

K Kommunip ilisimatitsissutigaa suliaq eqqartuussivimmut suliaassanngortinneqarnissaa kommu-nip naatsorsuutigigaa.

Inatsisartut Ombudsmandiat pillugu Inatsisartut inatsisaanni § 4-kkut aalajangersarneqarpoq i-ngerlatsiviit Namminersornerullutik Oqartussanut kommuninullu atasut tamaasa pillugit naam-magittaalliuutit suliarisinnaagikka.

Eqqartuussiviilli pillugit naammagittaalliuutit suliarinissaannut pisinnaatitaanngilanga, taamaat-tumillu suliat imaluunniit apeqqutit eqqartuussivinni suliarineqartut eqqartuussivinnuunniit su-liassanngortinneqarnissaat naatsorsuutigineqartut suliarisinnaanngilakka.

Naatsorsuutigaara eqqartuussiviup qularnaveeqqutit arsaarinnissutinik misiliinermi aamat-taaq akiliisitsiniartartup arsaarinninnginnerani aggeqquneqarsimanninnerit arsaarinninnermut qanoq kinguneqarsimansoq isummerfigissagaa.

Taamaattumik saaffiginnissutinut atatillugu annertunerusumik iliuuseqaqqissanngilanga."

A/S Inissiaatileqatigiiffik INI-p piginneqatigiillutik inissiaatileqatigiiffinnik aqutsinera eqqarsaatigalugu Ombudsmandip pisinnaatitaanerata killissalersor-neqarnera (J.nr. 11.20.38.01/100-06)

A/S Inissiaatileqatigiiffik INI pillugu naammagittaalliuut imaattoq 29. november 2006-imi tiguara:

"A/S Inissiaatileqatigiiffik INI pillugu naammagittaalliuut.

Piginneqatigiilluni inissiaatillit peqatigiiffiat A sinnerlugu 2005-imi kiassarnermut naatsorsuutit pillugit naammagittaalliuuteqarniarpunga, naatsorsuutit eqqunngitsumik naatsorsorneqarsimam-mata.

Piginneqatigiilluni inissiaatileqatigiiffik ...-mi inissisimavoq.

Kiassarnermik atuineq pillugu A/S Inissiaatileqatigiiffik INI-p kontot pillugit takussutissiaanit er-serpoq kiassarnermik pilersuivik pillugu naatsorsuutitut ilanngussinnerit kukkusuuusut:

- Nukissiorfiit akiligassiisutaata 195137 normoqartup 140.964,85 kr.-nik aningaasartaqartup piffissamut 25/9 2004-mit 27/1 2005-imut tunngasup 2005-imi kiassarnermut naatsorsuusianut ilanngunnerat kukkuneruvoq (taamaalilluni piffissaq 1/1-imit 27/1 2005-mut marloriarlugu ilanngunneqarsimalluni).
- Akerlianilli akiligassiisutip 1509052 piffissamut 21/5-imit 31/12 2005-imut tunngasup 188.458,79 kr.-nik aninngasartaqartup 2005-imi kiassarnermi naatsorsuusianut ilanngunneqarnissaa amigaataavoq.

A/S Inissiaatileqatigiiffik INI-p akissutaanit erserpoq kiassarnermut naatsorsuutit piumasaqaammut nammineq Nukissiorfinnut piumasaqaatissatut isigisaminut ataqtigiissimavaat. Tamanna ingerlatseriaatsit nalinginnaanngitsutut ittutut oqaatigisariaqarpoq. Marloraammik Nukissiorfinnut akiliisoqarsimanera akiliinermut uppersaammik saqqummiussinikkut massakkut allanninni uppersarsinnaasimangilaat.

(...) (Atorfeqarfimmi nutsigaavoq)

Naammagittaalliuut ilanngussanik assigiinngitsunik ilaqartinneqarpoq, matumani "kiassarneq pillugu isumaqatigiissut" ataani issuarneqartoq ilanngullugu eqqarsaatigalugu.

"KIASSARNEQ PILLUGU ISUMAQATIGIISSUT

Piginneqatigiilluni Inissiaatileqatigiiffiup A-p, illumik ..., ...-miittumik piginnittuusup imatut kiffartuunneqarnissaq A/S Inissiaatileqatigiiffik INI-mut matumuuna isumaqatigiissutigaa:

1. Piginneqataallutik inissiaateqartut tamarmik immikkut imaluunniit Piginneqatigiilluni Inissiaatileqatigiiffik ataatsimoortillugu kiassarnermut akiliutinik qaammammoortumik akiliutigigallagassaat nassinneqartassasut (ataatsip akia 25 kr.)
2. B-normuni/najugaqarfinni qulaani taaneqartuni kiassarnermut ukiumoortumik naatsorsuutit suliarineqartarnerat.

Kiassarnermut naatsorsuutit Piginneqatigiilluni Inissiaatileqatigiiffimmut tamarmut ataatsimoortillugit suliarineqarsinnaapput, piginneqataasunut ataasiakkaanut agguataarnagit (ataatsip akia 2.500 kr.) imaluunniit piginneqataasunut ataasiakkaanut agguataarlugit (ataatsip akia 260 kr.).

Imm. 1-imi 2-milu kiffartuussinerit piginneqataasunut ataasiakkaanut agguataarluni imaluunniit Piginneqatigiilluni Inissiaatileqatigiiffimmut ataatsimoortumik pisinnaavoq. Piginneqataasut ataasiakkaarlugit akiliisitsiniartoqartassappat akiliisoqartassappallu piumasaqaataavoq Piginneqatigiilluni Inissiaatileqatigiiffik piginneqataasut ataasiakkaat akiit sorilersinnaasaannut qularnaveeqquusisutut inississasq. Piffissaagallartillugu akiliiffissaq qaangerneqarpat A/S Inissiaatileqatigiiffik INI nukingisaarinerit akiliutinik 50 kr.-nik akiliuteqartitsisarniarpoq.

Kiffartuussinerit pilersuisoqarfimmit/pilersuisuusumit akiligassiisutinik tigooraaneq aamma nalunaarsuineq, kiassarnermut akiliutaagallartunik ukiumoortumik ataasiarluni aaqqiissuteqartar-

neq, kiassarnermut ukiumoortumik naatsorsuutit ataatsit, kiassarnermut akiliutit pillugit allakkanik nassiussineq kiisalu pisassarisanik sinneruttunik saqqummiussineq inaarutaasumillu akiliineq/akiliisitsiniarneq ilaatinneqarput.

Kiassarnermut naatsorsuutit ukiuata malittarisassat piffissaliussallu sukkulluunniit atuuttut malippai, matumani Namminersornerullutik Oqartussat inissiaataanni attartortittakkani kiassarnermut naatsorsuutit suliarineqartarneranni akerliliissuteqarnissamut il.il. piffissaliussat ilanngullugit eqqarsaatigalugit.

Kiffartuussinernut qulaani taaneqartunut akigitinneqartut akinik aalajangersaavik (prisblad) isumaqatigiissuteqarnerluunniit tunngavigalugu aaqqiissuteqarfigineqartassapput.

Isumaqatigiissut manna atsiorneqarnermini 1.01.2006 aallarnerfigalugu atortuulerpoq. Isumaqatigiissut illua'tungeriinnit tamanit qaammatinik pingasunik piffissaqartitsilluni kiassarnermut naatsorsuusiortuup ukiuani (massakut qaammatisiutit ukiuanni) qaammatip naanissaanut atorunnaarsinneqarsinnaavoq. Akiliisitsiniarneq siullesq 1.01.2006-imi pissaaq.

Kiassarneq pillugu naatsorsuutit atuisut uuttuutaannik atuaaneq malillugu pisassasoq kissaatigineqarpoq, akit akinik aalajangersaavik (prisblad) tunngavigalugu aalajangersarneqartut atorlugit, tassanilu atuisut uuttuutaat erseqqinnerusumik taaneqartut (taamatuttaaq piffissap aallartinnerani nalunaarsorneqarsimanissaat piumasarineqartut) ilaatinneqarput.

Uuttuutit makku isumaqatigiissummi pineqartunut ilaatinneqarput:

Uuttuut 1, Uuttuut 2, Uuttuut 3, Uuttuut 4 il.il." (Atorfeqarfimmi nutsigaavoq)

Kiassarneq pillugu isumaqatigiissut naammagittaalliortumit A/S Inissiaatileqatigiiffik INI-llu sinniisaanit atsiorneqarsimavoq.

Naammagittaalliortumut 12. januar 2007-imi imatut allappunga:

"Allakkakka 30. november 2006-imeersut matumuuna uterfigaakka.

Suliaq misissoreerlugu inerniliivunga A/S Inissiaatileqatigiiffik INI-p kiassarnermut naatsorsuutit pillugit naammagittaalliutit suliarisinnaanngikkiga.

Inatsisartut Ombudsmandiat pillugu Inatsisartut inatsisaanni nr. 7-imi, 13. juni 1994-imeersumi § 4-mit erserpoq:

"§ 4. Ombudsmandip sulinermini susassarai ingerlatsiviit Namminersornerullutik Oqartussanut kommuninullu atasut tamaasa.

Imm. 2. Ombudsmandip sulinermini susassaraattaq ingerlatseqatigiiffiit atorfeqarfiillu, peqatigiiffiit il.il. erseqqinnerusumik taaneqartut, pisortat ingerlatsinerannut ilagitinneqarsinnaanngitsut, kisiannili pisortat ingerlatsineranni suliaassat suliarineqartarnerat pillugu inatsisartut i-

natsisaanni aamma pisortat ingerlatsinerat pillugu paasitineqarsinnaatitaaneq pillugu inatsisartut inatsisaanni ilaatinneqartussat Naalakkersuisunit maleruagassaliunneqartut.

Imm. 3. Ombudsmandip pisussaaffimminik suliaqarnermini pingaartissavai pissutsit immikkut ittut kommunit siulersugaaneranni tunngaviusut."

A/S Inissiaatileqatigiiffik INI-mi suliassat suliarineqartarnerat paasitineqarsinnaatitaanerlu pilugit Namminersornerullutik Oqartussat nalunaarutaannit nr. 37-imit, 19. december 1996-imeersumit erserpoq:

"§ 1. Pisortat ingerlatsineranni suliassat suliarineqartarnerat pillugu Inatsisartut inatsisaanni aalajangersakkat A/S Inissiaatileqatigiiffik INI-mut atuupput ingerlatseqatigiiffiup, Inissiaatileqatigiiffimmik pilersitsinissaq pillugu Inatsisartut peqqussutaat nr. 12, 28. oktober 1993-imeersoq malillugit, Namminersornerullutik Oqartussat kommuniluunniit sinnerlugit aalajangiisarnissamut qanoq atsigisumik pisinnaatitaaffiligaanera naapertorlugu.

§ 2. Pisortat ingerlatsinerat pillugu paasitineqarsinnaatitaaneq pillugu Inatsisartut inatsisaanni aalajangersakkat A/S Inissiaatileqatigiiffik INI-mut atuupput ingerlatseqatigiiffiup, Inissiaatileqatigiiffimmik pilersitsinissaq pillugu Inatsisartut peqqussutaat nr. 12, 28. oktober 1993-imeersut malillugit, Namminersornerullutik Oqartussat kommuniluunniit sinnerlugit aalajangiisarnissamut qanoq atsigisumik pisinnaatitaaffiligaanera naapertorlugu."

Kiammik atukkamik naatsorsuineq naammagittaalliutigisat piginneqatigiilluni inissiaatileqatigiiffiup A-p aamma A/S Inissiaatileqatigiiffik INI-p isumaqatigiissutaat tunngavigalugu suliarineqarsimavoq. Isumaqatigiissutip taassuma "kiassarneq pillugu isumaqatigiissut"-ip (ilanggussaq 3b-p) assilinera naammagittaalliutinnut ilanggullugu nassiuppat.

Taamaalilluni suliami A/S Inissiaatileqatigiiffik INI-p Namminersornerullutik Oqartussat kommuniluunniit sinnerlugit aalajangiisimanera pineqanngilaq.

Tassa imaappoq A/S Inissiaatileqatigiiffik INI-p kiammik atuineramik naatsorsuineranik naammagittaalliutivit suliarinissaanut pisinnaatitaanngitsunga.

A/S Inissiaatileqatigiiffik INI-p eqqartuussivikkoortumik suliassanngortinnissaa kissaatigigukku Kalaallit Nunaata Eqqartuussiviani ilitersuinermut immikkoortotaqarfimmut saaffiginninnissannut periarfissaqarputit.

Suliami annertunerusumik iliuseqaqqissanngilanga."

Soraarnerussutisiaqartitsinermi aningaasaateqarfik SISA (j. nr. 11.34.25.01/-133-07)

Naalakkersuisut, Finansministereqarfiup aamma S.I.K.-p isumaqatigiissutaat 24. april 1998-imeersoq tunngavigalugu soraarnerussutisiaqartitsinermi aningaasaa-

teqarfik SISA S.I.K-mit pilersinneqarsimasoq pillugu naammagittaalliuutit eqqarsaatigalugit pisinnaatitaananga 2007-imi nalunaarutigaa.

Soraarnerussutisiaqartitsinermi aningaasaateqarfik taanna aningaasalersuinikkut suliffeqarfiuvoq sillimasiisarnermik suliaqarneq pillugu inatsimmi pineqartunut ilaatinneqartoq taamalu Finanstilsynimit nakkutigineqartuusoq.

1.4. Allanic suleqateqarneq

Ukiumi nalunaarusiuunneqartumi 2007-imi ilanngussassaqaanngilaq.

1.5. Missingersuutit, naatsorsuutit kukkunersiuinerlu

Atorfeqarfimmut 2007-imi aningaasaliissutit 11.000.000 kr.-iupput. Taakkunanga 7.500.000 kr.-t ingerlatsinermut 3.500.000 kr.-llu sanaartornermut aningaasaliissutaapput.

Atorfeqarfiup 2007-imi atorsimasai naatsorsuutit kukkunersiuukkat tunngavigalugit 7.133.407 kr.-iupput, imaluunniit aningaasaliissutinit 366.593 kr.-nik ikinnerullutik.

Fuldmægtigit atorfinni arlalinni sulisut taarseraannerat ingerlatallu tamatuma nassatarisaanik annikinnerunerat aningaasaliissuteqarnermi naatsorsuutigineqartunit atuinikinnerunerat pissutaanerpaavoq.

Atorfeqarfik naatsorsuutini Inatsisartut Allattoqarfiannit piginnaatinneqarneq tunngavigalugu suli ingerlatsivoq, naatsorsuuserinermilu ingerlatsinermut pisinnaatitaanerup Ombudsmandip sulinera pillugu inatsisip naatsorsuutigineqartut Inatsisartut 2008-mi upernaakkut ataatsimiinneranni allanngortinneqarneranut atatillugu qulaajarneqarnissaa suli naatsorsuutigineqarluni.

2008-mi aningaasaliissutit 7.803.000 kr.-t immikkoortinneqarsimapput.

B 7-ip, Ilisimatusarfiup illorsuartaata, allanngortiternissaanut 2007-imi aningaasaliissutit ilaannaat atorneqarput, tamannalu suliassat pilersaarutaasut Ilisimatusarfiup ininik aatsaat 2008-mi qimatsisimanera pissutigalugu sularineqarsinnaasimanginnerannik pissuteqarpoq.

2. Kisitsisit atorlugit takussutissiat

Kisitsisit atorlugit takussutissiat sulianut Atorfeqarfirmi 2007-imi suliarisimasannut attuumassuteqartut tulliuuttuni saqqummiunneqarput. Ukiuni nalunaarusiuunneqartuni marlunni matuma siulliini kisitsisit sanilliussissutissatut aammataaq takutinneqarput.

Suliat inaarlugit suliarineqartut amerlassusii naammagittaalliuutit ukiup ingerlanerani takkuttut amerlassusiinut suussusiinullu ataneqarput. Atorfeqarfiup suli-soqarnikkut inissisimanera kiisalu ingerlatai allat piffissap sulianik suliarinninnermut atorneqartup sivissusianut taamalu suliat ukiumi pineqartumi inaarlugit suliarineqartut amerlassusiinut aamma sunniuteqarsinnaapput.

Aammataaq ilitsersuinerit naammagittaalliuutillu takkuttut amerlassusii Atorfeqarfiup kommunitut tikeraarnerisa amerlassusiinut kiisalu Atorfeqarfiup tusa-gassiuutitigut qanoq annertutigisumik eqqartorneqarsimaneranut qasseriarlunilu taamaaliortoqarsimaneranut attuumassuteqarsorinarput.

Ukiumi nalunaarusiuunneqartumi 2007-imi (1. januar 2007-imit 31. december 2007-imut) naammagittaalliuutit tiguneqarsimasut tunngavigalugit sulianik ataa-siakkaanik 117-inik pilersitsivunga. Taakkua saniatigut sulianik nammineerluni misissugassanngortitanik 21-ni aallarniivunga.

Aammataaq innuttaasunit saaffiginnissutit tunngavigalugit 2007-imi 143-riarluni ilitsersuisoqarsimavoq. Ilitsersuinerit 2007-imi ingerlanneqarsimasut 2006-imi ingerlanneqarsimasunut 108-nut sanilliullutik 35-nik amerleriarsimapput. Sanilliussissutitut oqaatigisinnaavara 2005-imi 138-eriarlunga ilitsersuisimasunga.

Ilitsersuinerit ingerlattakkakka immikkoortunut marlunnut avinneqarsinnaagajuppup. Siulliit saaffiginnissutit naammagittaalliuutivittut uannut tunniunneqarsimasuugunik suliarineqarnissaat itigartitsissutigineqarsimasussaagaluanut tunngasuupput. Ilitsersuinerit taakkunani innuttaasut oqartussaasunut allanut saaffiginninnissaannik innersuunneqarajuttarsimapput. Aappaat tassaapput saaffiginnissutit, sulianik innuttaasut saaffiginnissutaat tunngavigalugit naammagittaalliuutinik suliarinninnerpiamik aallartitsivigisinnaasimasakka.

Naatsorsuinerit tulliit sulianik 2007-imi inaarlugit suliarineqartunik tunngaveqarput. Taamaallunni pineqartoq tassaavoq naatsorsuinerit taakku sulianut ukiumi nalunaarusiuunneqartumi matumani ukiumilu nalunaarusiuunneqartumi matuma

siuliani tiguneqarsimasuusinnaasut inaarlugit sulianeqarsimasunut tunngasuunerat.

Suliat 2007-imi inaarlugit suliarineqarsimasut naatsorsorneqarneri matuma ataani immikkoortunut pingaarnnut marlunnut avinneqarsimapput:

Suliat aalajangersimasumik suliarineqarsimangitsut: Suliat ataani taaneqartunik pissuteqarlunga suliarisinnaasimangikkukkit inissisimaffimmut tassunga ilanngunneqassapput. Oqartussaasoq suliap uannit suliarineqalereernerata kingorna suliamik suliarinneqqilerpat, naammagittaalliortumullu tamatuma kingornagut tamakkiisumik ilaannakortumilluunniit tapersiilluni, taava suliat taamaattut mississuinnik inaarsaalersinnanga naammagittaalliutitut aalajangersimasumik suliarineqarsimangitsunut ilaasutut, naammagittaalliortumit tunuarinneqarsimasutut naatsorsuunneqartarput.

Suliat aalajangersimasumik suliarineqarsimasut: Suliat inissisimaffimmut tassunga ilanngunneqassapput naammagittaalliutip suliarineqarnera sulialluunniit aalajangiivigineqarnera isummerfigineqarsimappat.

Suliat aalajangersimasumik suliarineqarsimangitsut

Ukiumi nalunaarusiuunneqartumi 2007-imi naammagittaalliutit katillugit 69-it suliarineqarnissaat itigartitsissutigineqarput. Paasissutissat nalunaarsukkani matuma ataaniittuni itigartitsinermut pissutaasut ukiunullu 2007-imut, 2006-imut aamma 2005-imut tunngasunik amerlassutsit taaneqarput.

	2007	2006	2005
Naammagittaalliut kingusinaartumik tunniunneqarsimavoq	3	3	10
Naammagittaalliut eqqartuussutitut eqqartuussisulluunniit atorfiminnik ingerlatsinerannut tunngavoq	1	2	1
Naammagittaalliut naalagaaffimmi oqartussaasunut tunngavoq	4	2	4
Naammagittaalliut namminersortunut/inunnut ataasiakkaanut tunngavoq	4	2	3
Naammagittaalliut oqartussaasumut qulliuernerusumut suliaasiissutigineqarsinnaavoq	28	18	20
Naammagittaalliut Namminersornerullutik Oqartussat ingerlatseqatigiiffiutaannut tunngavoq	0	1	1

Naammagittaalliuut tunuartinneqarpoq	3	8	7
Apeqquteqaatit	0	1	6
Naammagittaalliortup piumasaqaataa akuersaarneqarpoq	2	7	5
Suliap sularineqarnerani peqataasin-naatitaannginneq	0	0	1
*Allat	24	20	41
Katillugit	69	64	99

* Taaguut “allat” naammagittaalliuutip itigartinneqarnerani tunngavilersuinermi immikkoortiteriffinnut allanut imaaliillaannaq ilanngunneqarsinaanngitsunut tunngavoq. Tamanna pingaarnertut makkununga atuuppoq:

- Naammagittaalliuutinut, tamatumani aalajangiinerup uppersaasiussanik naliliinermik eqqartuussivinni misilinneqartinnissaat piukkunnarnerpaasorisannik piumasaqarfiusussaasunut,
- Inatsisartut inatsisaat Inatsisartullu peqqussutaat pillugit naammagittaalliuutinut,
- naammagittaalliuutinut, oqartussaasup mappiutaanik suliani allagaatinik imalinnik misissuereernerma kingornatigut sukumiinerusumik misissuiffiginissaat naammattumik pissutissarsiffigisimanngisannut, kiisalu
- piffissat sulianik sularinninnernut atorneqartut sivikinnerusut pillugit naammagittaalliuutinut, suliat nukinginneqarnissaat qinnutigalugu oqartussaasunut pineqartunut ingerlateqqillugit nassiussimasannut.

Suliat aalajangersimasumik sularineqarsimasut

Immikkoortumi tassani kisitsisit naammagittaalliuutinik tiguneqartuinnarnik tunngaveqarput. Taamaallit suliat ukiup ingerlanerani nammineeerluni misissuiffiginninnermik aallartitsivigisimasakka ukiullu ingerlanerani inaarlugit sularisimasakka ilanngunneqanngillat.

Taakku pillugit oqaatigisinnaavara suliat Kalaallit Nunaanni kommuninut tike-raarninnut atatillugu imaluunniit nammineeerluni misissuiffiginninnermik sularitorpiaq misissuiffiginninnermik aallartitsivigisakka 23-t 2007-imi inaarlugit sularisimagikka. Taakku nalunaarutip immikkoortuani 4-mi erseqqinnerusumik

allaaserineqarput. 2006-imi suliat taamaaattut qulingiluat (9)¹ 2005-imilu 19-it inaarlugit suliarakka.

Ukiuni nalunaarusiunneqartumi 2007-imi naammagittaalliuutit 26-t aalajangersimasumik suliarineqareerlutik inaarlugit suliarineqarput, taakkulu naammagittaalliuutigineqartut tunngavigalugit aallartinneqarsimallutik.

Kisitsisit matuma ataani taaneqartut suliat oqartussaasumut, inatsisinik atuutsitsiffiusumut naammagittaalliuutigisamullu agguataagaanerannik takutitsipput. Assiliartani 2-mit 4-mut kisitsisit ukiuni pineqartumi naammagittaalliuutinit inaarlugit suliarineqarsimasunit tamarmiusunit procentinngorlugit takutinneqarput.

Naammagittaalliuutit ukiuni pineqartuni aalajangersimasumik suliarineqareerlutik inaarlugit suliarineqartut, oqartussaasut sorliit naammagittaalliuutigineqarnerannut agguataagaasut (procentinngorlugit naatsorsuineq assiliartami 2-mi takuuk)

	2007	2006	2005	2004
Namm. Oqartussani oqartussaasoq, qitiusumik allaffeqarfissuaq	11	11	6	12
Isumaginninnermi Naammagittaalliuuteqartarfik	0	1	2	-
Akilerarusiinnermik Aalajangiisartut	0	1	0	1
Allat	0	0	2	0
Kommunit	12	17	6	20
A/S Inissiaatileqatigiiffik INI	3	4	0	2
Katillugit	26	34	16	35

Naammagittaalliuutit aalajangersimasumik suliarineqareerlutik inaarneqarsimasut, inatsisinik atuutsitsiffiusup sorliup naammagittaalliuutigineqarnera mallillugu agguataagaasut (assiliartami 3-mi procentinngorlugit naatsorsuineq takuuk):

	2007	2006	2005
Isumaginninneq pillugu inatsiseqartitsineq	4	8	3

1 2006-imi ukiumoortumik nalunaarummi pingasuusutut (3) kukkulluni taaneqarput.

Taakkunanga:

- Isumaginninnermi inissiat	0	0	0
- Ineqarnermut tapiissutit	0	0	0
- Isumaginninnermi pensionisiat	2	1	0
- Inummut tapit	0	1	0
- Pisortanit allatigut ikiorsiissutit allat	1	2	0
- Meeqqanut akilersuutit il.il.	0	0	0
- Meeqqanut inuusuttunullu ikiorsiissutit	0	3	0
- Utertitassanngorlugit ikiorsiissutit	0	0	1
- Annertussusileriikkanik ikiorsiissutit	0	1	1
- Allat	1	0	1

Atorfinitsitsisarneq pillugu inatsiseqartitsineq 6 12 4

Taakkunanga:

- Atorfinitsitsineq atorfinitsitsinermilu atugas-saritataasut/pisinnaatitaaffiit	3	2	2
- Atorfinitsitsineq, pisussaaffiit, pineqaatissiinerit soraarsitsinerillu	3	9	1
- Pensionisianut tunngasut	0	0	1
- Sulisunut inissiat	0	1	0
- Allat	0	0	0

Attartorneq pillugu inatsiseqartitsineq 4 7 3

Taakkunanga:

- Attartugassamik innersuussineq	0	0	0
- Attartornermik atorunnaarsitsineq	1	0	0
- Ineqarnermut akiliutinut akiitsut	2	0	0
- Attartukkamik allanut attartorallartitsineq	0	0	0
- Ineqarnermut akiliutinik naatsorsuineq	0	2	1
- Kiassarnermut naatsorsuutit	1	0	0
- Qularnaveeqqutitut siumut akiliutit	0	0	0
- Utaqqisut allattorsimaffiat	0	0	0
- Aserfallatsaaliineq	0	1	-
- Inissialiornermut/illuliornermut tapersiissutit (BSU)	0	1	-
- Nunaminertamik tunniussineq	0	1	-
- Allat	0	2	2

Akileraarutit akitsuutillu 1 1 1

Taakkunanga:

- Naatsorsuineq	1	0	0
- Erniat	0	0	1
- § 50 tunngavigalugu tunniussinerit	0	0	0
- Immikkut akuersissuteqarnerit	0	0	0
- Allat	0	1	-
Akiliisitsiniarnermik suliaqarneq	3	2	1
Peqqinnissaq	1	1	0
Taakkunanga:			
- Aqutsineq pillugu naammagittaalliuutit	1	1	0
- Allat	0	0	0
Aalisarneq, piniarneq nunalerinerlu	2	0	1
Taakkunanga:			
- Aalisarneq	1	0	0
- Piniarneq	0	0	0
- Inuussutissarsiornermut tapersiissutit	0	0	0
- Pisassiissutinik akuersissutinillu tunniussinerit	0	0	0
- Allat	1	0	1
Inuussutissarsiornermut tunngasut allat	3	0	0
Atuartitsineq	1	1	0
Taakkunanga:			
- Suliffimmi sungiusarneq	0	0	0
- Allat	1	1	-
Ilageeqarneq	0	0	0
Atuisartut/Pisisartut	0	0	1
Allat	1	2	2
Katillugit	26	34	16


Naammagittaalliuutit aalajangersimasumik suliarineqareerlutik inaarneqarsimasut, suut naammagittaalliuutigineqarneri tunngavigalugit agguataagaasut (assiliartami 4-mi procentinngorlugit naatsorsuineq takuuk):


	2007	2006	2005	2004
Aalajangiinerit	16	18	4	20
Tunngavilersuineq	0	1	0	0
Pisinnaatitaaneq	0	0	1	0
Piffissaq sulianik suliarinnin- nermut atorneqartoq	5	9	5	6
Ingerlatsineri ileqqorissaarneq	0	0	0	2
Paasitinneqarsinnaatitaaneq	0	1	1	2
Ingerlatsinermik suliaqarnivik	2	0	1	1
Inatsisini tunngavissaqarnermik apeqquut	0	0	0	1
Paasissutissanik ingerlatitseqqinneq	0	0	0	1
Nipangiussisussaataaneq	0	1	-	-
Ilitsersuineq	0	2	-	-
Naligiissitsinermik tunngaveqarneq	0	0	1	0
Allat	3	2	3	2
Katillugit	26	34	16	35

Naammagittaalliuutit aalajangersimasumik suliarineqarnermik kingornatigut 2007-imi inaarlugit suliarineqarsimasut, misissuinerma qanoq inernilerneqarnerinut agguataakkat (assiliartami 5-imi procentinngorlugit naatsorsuineq takuuk)


	2007	2006	2005
Isornartorsuineq	5	15	4
Inassuteqaateqarneq kisimiitillugu	2	1	0
Isornartorsuineq inassuteqaateqarnerlu	15	15	9
Oqaaseqaateqarfigineqanngitsut	4	3	3
Katillugit	26	34	16


Assiliartaq 1: Naammagittaalli uuit itigaritsissutigisat - itigaritsinernut pissutaasoq






Assiliartaq 3 - Naammagittailliuutit 2007-imi, 2006-imi 2005-imi lu inaarneqartut - Inatsiseqartitsivik





Assiliartaq 5 - Naammagittaalli uuit 2007-imi, 2006-imi 2005- imilu inaarneqartut - Inermeri



3. Apeqqutit ingerlatsineq pillugu inatsiseqartitsinermit tunngasut pillugit ataatsimoortumik oqaaseqaatit

Ataatsimoortumik ajornartorsiuteqarfiusut sulianik arlalinnik suliarinninninnut atatillugu isummerfigisimasama arlallit immikkoortumi matumani erseqqissarneqarnissaat toqqarpara, suliat immikkoortuni 4-mi aamma 5-imi ilanngunnissaat pissutissaqarsorinngisakka aamma ilanngullugit.

3-1 Naammagittaalliuuteqartarfiup aalajangiinernik kalaallisuumut nutserisanginnera (j.nr. 11.73.94.01/109-06)

Naammagittaalliuut pineqartoq pillugu suliami oqaatigineqarpoq Isumaginninnermi Naammagittaalliuuteqartarfiup aalajangiinerisa qallunaatuui kisimik nas-iunneqartartut, allakkanik assigiissaartunik imaattunik oqaasertaqartunik ilaqar-tillugit:

"Isumaginninnermi Naammagittaalliuuteqartarfiup naammagittaalliuutit suliarisimavaa. Maanalu suliamut aaliangiisimaneq qallunaatuunngorlugu nassiunneqarluni. Naammagittaalliuuteqartarfiup ajuusaarutigaa kalaallisoortaa nassiunneqarsinnaangimmat Namminersornerullutik Oqartussat nutserisoqarfiat suliassaqarpallaarnerat pissutaalluni maannangaaq nutserneqarsinnaangimmat.

Aalajaangiisimanermit tunngatillugu paatsuungassuteqaruit Kommunimut saaffiginnillutit nas-suaanneqarsinnaavutit, imaluunniit Naammagittaalliuuteqartarfik saaffigineqarluni kalaallisut oqaasilik oqaloqatigineqarsinnaavoq (...)."

Isumaginninnermi Naammagittaalliuuteqartarfiup allakkani 8. februar 2007-i-meersuni oqaatigaa aalajangiinerit kalaallisuumut nutserneqartarnissaannut 2007-imi aningaasanut inatsimmi immikkut aningaasaliissuteqartoqarsimasoq.

Tamanna tunngavigalugu imaattunik oqaaseqaateqarpunga:

"Aallaqqaasiutit oqaatigaara Naammagittaalliuuteqartarfiup aalajangiinerisa qal-lunaatuumit kalaallisuumut nutserneqarnissaannut Isumaginninnermi Naammagit-taalliuuteqartarfiup siusinnerusukkat atugassinneqarsimanginnera pitsaanngitsutut isigigiga.

Isumaginninnermi Naammagittaalliuuteqartarfiup nassitsissutitut allakkani assigiis-saartunik oqaasertalersugaasuni qulaani issuarneqartuni Naammagittaalliuuteqar-

tarfiup aalajangiinerisa nutserneqarnissaannik neqeroorummik saqqummiussaqaarsi-manniginnera aammattaaq pitsaanngitsutut isigaara.

Suliassat suliarineqartarnerat pillugu inatsimmi ilitsersuisussaatitaaneq pillugu § 7-imi aamma innuttaasut kalaallisut sullinneqarnissaat pillugu § 7a-mi aalajangersak-kat qulaani issuarneqartut tamatumunnga atatillugu innersuussutigaaqka.

Isumaqarpunga Isumaginninnermi Naammagittaalliuuteqartarfiup nassitsissutitut al-lagaasa § 7-imi ilitsersuisussaatitaaneq pillugu aalajangersagaq eqqortinnigikkaat, tassami Naammagittaalliuuteqartarfiup aalajangiinerata kommunimit imaluunniit Naammagittaalliuuteqartarfimmi sulisumit kalaallisut oqaaseqartumit nassuiarneqar-nissaa kisimi neqeroorutigineqarmat. Uanga paasinninnera unaavoq Naammagittaal-liuuteqartarfiup aalajangiinerata allaganngorlugu nutserneqarnerata nassiunneqar-nissaanik periarfissaqarnera eqqarsaatigalugu Naammagittaalliuuteqartarfik ilitser-suisariaqarsimagaluartoq.

Tamatumunngali peqatigitillugu aalajangerpunga suliame annertunerusumik iliuuse-qaqqinniarnanga, tassami Isumaginninnermi Naammagittaalliuuteqartarfiup aala-jangiinerisa nutserneqarnissaannut Naammagittaalliuuteqartarfiup 2007-imi immik-kut aningaasaliiffigineqarsimanera tusaatissatut tigugakku."

3-2 Suliassat suliarineqaratik uninngaannartanninnissaannik puigorneqartan-ginnissaannillu qulakkeerinninnissamik oqartussaasut pisussaaffeqarnerat (j.nr. 11.10.49.04/026-07)

Suliami kommunip piffissaq suliamik suliarinninnerminut atugaa pillugu isor-nartorsiuteqarfigisanni kommunimut imaattunik oqaaseqaateqarpunga:

"Taamaalilluni suliassat aalajangiiffigineqanninnerminni suliarineqaratik piffissami si-visunerusumi uninngatinneqartanninnissaannik suliallu puigorneqartanninnis-saannik taamaattumillu aalajangiiffigineqannitsoortanninnissaannik qulakkeerin-ninneq kommunip pisussaaffiinnut ilaavoq. Kommunip kukkunerit taamaattut pinngit-soortinniarlugit eqqaasiteriaatsit pitsaasut pilersittariaqarpai. Suliassat suliarine-qartarnerat pillugu ilitsersuummi imm. 204 innersuussutigaaqka.

Isumaqarpunga tassani makku aamma ilaasut, tassalu kommuni periaatsinik anni-kinnerpaaffiatigut piumasaqaatinik makkuninnga eqqortitsisunik peqartariaqartoq:

- suliassat kingusinnerusukkat suliassannngortinneqartut ullormi aalajangersimasumi su-liarineqartussannngortillugit eqqaasitsissut,

- suliassat suliamik suliarinnittumut aalajangersimasumut suliassannngortillugit eqqaasit-sissut, aamma

- sulisoq qaffasinnerusumik inissisimasoq suliassat ulloq suliarineqarfissartik qaanger-tinnagu suliarineqartarnerannik ingerlaavartumik nakkutilliisuussasoq, suliallu suli-sumit piffissap ingerlanerani soraarsimasumit peqannngikkallartumilluunniit siuumut

3. *Apeqqutit ingerlatsineq pillugu inatsiseqartitsinermut tunngasut pillugit ataatsimoortumik*

*suliarisassanngortinneqarsimasut sulisumut allamut suliarisassanngortinneqartarnis-
saat taassuma isumagissagaa."*

3-3 *Atorfinitsitsinermit oqartussaasup feriarluni angalanernut aningaasaateqarfik namminersortoq eqqarsaatigalugu pisinnaatitaanerani apeqqut. Aningaasaqarnermut Pisortaqarfiup Namminersornerullutik Oqartussani atorfeqartitaasut eqqarsaatigalugit isumaqatigiinniarnerni illua'tungiusutut inissisimanera (j.nr. 11.01.20.22/043-07)*

Peqatigiiffiup ilaasortaaffigisami B-p feriarluni angalanernut akiliunneqarnissamik itigartitsinera aamma suliamik Peqqissutsimut Pisortaqarfiup (sulisitsisorisami) suliarinninnginnera A-p naammagittaalliutigai.

1. Pisortaqarfimmut allakkani 27. november 2007-imeersuni oqaatigaara feriarluni angalanernut aningaasaateqarfiup suliamik suliarinninneranik aalajangiinneranillu isummerfiginninneq uanga pisinnaatitaanerma avataaniittoq, tassami aningaasaateqarfik taanna pisortat ingerlatsiviata ilaginngimmagu, tak. Inatsisartut Ombudsmandiat pillugu Inatsisartut inatsisaanni § 4, imm. 1 aamma 2.
2. Aammattaaq suliamik feriarluni angalanernut aningaasaateqarfimmut tunngasumik Peqqissutsimut Pisortaqarfiup atorfinitsitsinermit oqartussaasutut suliarinnissimannginnera isornartorsiussallugu tunngavissaqarnanga isumaqarpu-
nga:

Kalaallit Nunaanni Naalakkersuisut aamma B isumaqatigiissuteqarsimapput.

Feriarluni angalanernut aningaasaateqarfimmik isumaqatigiissummi § 20-kkut aalajangersarneqarpoq sulisitsisup atorfeqartitani feriarluni angalanernut aningaasaateqarfimmut B-mi isumaqatigiissut tunngavigalugu qaammammut aki-
liuttassagai.

Pisortani oqartussaasup sulisut peqatigiiffiat eqqarsaatigalugu isumaqatigiinniarnerni illua'tungiusutut inissisimanera apeqqutini isumaqatigiissut aallaavigalugu saqqummertuni ingerlatsineq pillugu inatsiseqartitsinermut attuumassuteqangi-
laq, taamaalillunilu oqartussaasoq sulisutut peqatigiiffik eqqarsaatigalugu pisin-
naatitaannilaq, isumaqatigiissutaasimasut sunniutigisassaasa saniatigut.

Taamaalilluni feriarluni angalanernut aningaasaateqarfiup B-p ileqqoreqqusaani 12. marts 2004-meersuni - Naalakkersuisunit § 7 tunngavigalugu akuerineqarsimasuni - ilaasortat sulisitsisuisa taaneqarsimannginnerannut ataneqartitsisilluni isiginnikkaani Peqqissutsimut Pisortaqarfik A-mut sulisitsisutut feriarluni anga-

lanernut aningaasaateqarfiup tapiissutinik agguaanera eqqarsaatigalugu toqqaan-nartumik piginnaatitaanngilaq, taamaattumillu isumaqarpunga pisortaqarfik ta-matumunnga atatillugu A-p feriarluni angalanernut aningaasaateqarfik pillugu naammagittaalliutaanik aalajangiiviginninnissaminut pisinnaatitaasimanngit-soq.

Taamaattumik feriarluni angalanernut aningaasaateqarfiup A-mut itigartitsinera pillugu apeqqummik Peqqissutsimut Pisortaqarfiup atorfinitsitsinermi oqartus-saasutut suliarinnissimannginera isornartorsiussallugu tunngavissaqarnanga isumaqarpunga. Uanga paasinninnera unaavoq pisoq immikkoortillugu isigi-gaanni pisoq illua'tungeriit inuit ataasiakkaat akornanni aaqqiagiinngissuteqar-neq pineqartoq.

3. Aningaasaateqarfiup suliamik suliarinninneranik aalajangiineranillu isummer-figinninnerup uanga pisinnaatitaanerma avataaniinnera apeqqutaatinnagu o-qaatigaara manna imaaliallaannaq erseqqarluttutut isigigiga, tassalu angala-nermut tapiissuteqarnissap katersinermik kipisitsineq tunngavigalugu itigartit-sissutigineqarnera aningaasaateqarfiup ileqqoreqqusaanut naapertuuttuuner-soq, katersinermik kipisitsineq qinikkatut allatullu pisortanit toqqakkatut sulie-nerup isumagineqarneranik pissuteqarsimappat.

Taamaattumik A ilitsersorpara suliap pineqartup eqqartuussivimmut suliassan-gortinnissaanut ilaatigut periarfissaqartoq.

Oqaaseqaatima assilinnera tamatumunnga peqatigitillugu Aningaasaqarnermut Pi-sortaqarfimmi isumaqatigiinniarnernut immikkoortortaqarfimmut nassiuppara, taannalu qinnuigalugu manna isumaliutersuutigeqqullugu, tassalu suliaq atorfe-qartitaasut pisortanit toqqakkatut sulianik allanik isumagininnissamut atorne-qartumik sulinngiffeqarallarneq pissutigalugu katersinermik kipisitsineq apeqqu-taatinnagu feriarluni angalanernut tapiiffigineqarsinnaatitaassanersut isumaqati-giinniarnerni illua'tungiusutut isumaliutersuutiginnissaanut pissutissaqalersitsi-nersoq.

3-4 A-tut akileraarutinik akiliinermi periaaseq (j.nr. 11.01.49.13/052-07)

Sulisitsisut nunap immikkoortuini akileraaruseriffinni arlalinni A-tut akileraaru-tinik akiliinermi atugassianik giro-kortimik nassiussinermut 75 kr.-nik akiliutita-qartinneqartunik atuisussaananerit, nunalli immikkoortuini allani checkimik akilii-sinnaananerit innuttaasup naammagittaalliutigaa.

Tamanna tunngavigalugu makku misissorniarlugit aalajangerpunga:

1. Nunap immikkoortuani akileraaruseriffimmi K Kommunip inissisimaffigisaani periaatsimut naammagittaalliortumit paasissutissiissutigineqartumut inatsisitigut tunngavigisaq.
2. A-tut akileraarutini akiliinermi periaatsit assigiinngitsut atorneqarnerat eqqortuunersoq, taamaappallu assigiinngissutit taakku ingerlatsiviup innuttaasunik assigiimmik pinninnissaminut pisussaaffeqarneranut naapertuuttuunersoq.

Akileraartarnermi Pisortaqarfik qinnuigaara tamanna pillugu oqaaseqaateqqullugu.

Akileraartarnermi Pisortaqarfik imatut akivoq:

"(...)

Akileraartarnermut tunngasut 1. januar 2007-imiit allannguivigineqarnerisigut akileraartarnermut tunngasuni kommunit ingerlatsinerat suliassanut akileraartarnermut tunngasuni kommunit innuttaasunik sullissinerat pillugu nalunaarummi nr. 22, 2. november 2006-imeersumi atuarneqarsinnaasunut killilerneqarput. Nalunaarut malillugu kommunit suliassaannut ilaanngilaq akileraarutinit akiliutinik tigusinissaq. Tamatumunnga patsisaavoq ilaatigut pisortaqarfimmut ukiumoortumik akiliisarnerit 80.000 missaanniittut suliarineqarneranni kukkusoaqaratarsinnaanerata killiliivigineqarnissaa.

Taarsiullugu innuttaasut suliffeqarfiillu akileraarutit A-t, akileraarutit B-t, akileraarutinit tapiutissat il.il. allakkerivikkoortumik, aningaaserivikkoortumik, matumanittaaq PBS-ikkut, imaluunniit angerlarsimaffimmiit qarasaasiakkut aningaaserivimmuut attaveqaatikku akilernissaat toqqarsinnaavaat. Akiliutit tunniunneqassapput akileraartarnermi oqartussaasunut, tak. isertitanit akileraarutit suliffeqarnermilu akitsuutit akileqquneqartarnerat pillugit nalunaarummi nr. 28, 1. december 2006-imeersumi § 1, imm. 1. Aammattaaq pingaartumik akileraarutit A-t eqqarsaatigalugit innersuutigineqassaaq isertitanit akileraarutit pillugit Inatsisartut inatsisaanni nr. 12, 2. november 2006-imeersumi § 81, imm. 1.

Akiliinerit taamaattut suliarineqarnerinit akiliutissaq allakkerivinnit akileqquneqartarpoq. Tamanna aningaaseriviit aqqutigalugit akiliinernut, matumani akiliutitaaqngitsumik PBS-ikkut akiliineq eqqaassanngikkaanni, aamma nalinginnaasumik atuuppoq. Angerlarsimaffimmiit qarasaasiakkut aningaaserivimmuut attaveqaat aqqutigalugu sullissinermut akiliutissaq (annertunngitsaq) aningaaseriviit ilaannit akileqquneqartarpoq, pissutsilli assigiinngitsut apeqqutaatillugit sulilneqarnerit amerlassusii apeqqutaatinnagit ukiumoortumik akiliutissaq akileqquneqartarluni.

Illoqarfinni Akileraartarnermut Pisortaqarfiup nunap immikkoortortaani allaffeqarfiini (Qaqortoq, Nuuk, Sisimiut aamma Ilulissat) innuttaasut suliffeqarfiillu allakkerivikkoortumik, aningaaserivikkoortumik imaluunniit angerlarsimaffimmiit qarasaasiakkut aningaaserivimmuut attaveqaat aqqutigalugu akileraarutini aamma akiliisassapput. Taamaattoq nunap immikkoortortaani al-

laffeqarfiit atortoqarput dankortterminalinik, taannalu atorlugu innuttaasut imaluuniit suliffeqarfiit tamatuminnnga kissaateqartut akiliisinnaapput. Taamaattorli akileraarutit A-t aamma akileraarutit B-t eqqarsaatigalugit tamanna ima paasineqassaaq innuttaasut suliffeqarfiillu akiliinermi periaatsit nalinginnaasut qulaani taaneqartut saniatigut siullermeerlutik akiliinerminni ilitersuuneqassasut. Nunap immikkoortortaani allaffeqarfiit arlaannaalluunniit karsilerneqanngilaq aningaasanngorlugit akiliivigineqarsinnaasumik.

Akileraartarnermut tunngasut allannguivigineqarneranni akiliinissamut periarfissat assigiinngitsut arlallit innuttaasut suliffeqarfiillu toqqarsinnaasaat illuatungaatigullu akiliinerit suliarineqarnerinut atatillugu kukkusoqaratarsinnaanera imminnut oqimaalutarneqarsimapput. Oqimaalutaanerup taassuma nassatarisimaavaa innuttaasut suliffeqarfiillu akileraarutitik kommunini karsinut akiliisinnaanerisa periaatsit taakku atulernerisigut atorneqarsinnaajunnaarnerat.

Naligiimmik pinninnissamik apeqqut eqqarsaatigalugu pisortaqarfik isumaqarpoq illoqarfinni nunap immikkoortortaani allaffeqarfeqarfiusuni innuttaasut suliffeqarfiillu illoqarfinni nunap immikkoortortaani allaffeqarfeqarfiunngitsuni innuttaasunit suliffeqarfinnillu allaanerumumik pineqanngitsut, matumani nunap immikkoortortaani allaffeqarfinni akiliutitaqanngitsumik dankortterminalit atorlugit akiliinikkut immikkut sullinneqarneq eqqaassanngikkaanni. Assigiinngissamut tassunga suliamut attuumassuteqanngitsut pissutaanngillat, pissutaavorli pisortaqarfimmut sulisutigut aningaasatigullu atugassarititaasut atorlugit innuttaasunik suliffeqarfinnillu pitsaanerpaamik sullissisinnaanissaq.

Pineqartumi tassanerpiaq nunami innuttaasut suliffeqarfiillu assigeqqissaamik pineqarnissaasa nassatarisinnaavaat nunap immikkoortortaani allaffeqarfinni dankortterminalit atorunnaarsinneqarneri, tassami illoqarfinni nunaqarfinnilu tamani dankortterminalinik pilersitsinissamut ingerlataqarnissamullu pisortaqarfik periarfissaqanngimmat.

(...)"

Tamatuma kingornatigut malugaara aningaasarsianit akileraarutit aamma sulisoqarnermut akiitsut pillugit akiliisitsiniartarneq pillugu nalunaarummit nr. 28-mit, 1. december 2006-imeersumit ersertoq akileraaruseriffik tassaasoq akileraarutinit atatillugu akiliinermi akiliisitsiniarnermilu oqartussaasoq, taamaattumillu Akileraartarnermi Pisortaqarfik akileraarutitik akiliisarnermi periaatsimik komunit akiliinermi oqartussaasunngortinneqarnerannik nassataqartumik atulersitissappat tamanna inatsisikkut immikkut tunngavissaqarnissamik piumasaqaateqarfiusoq.

Taamaattumik nalunaarutikkut tassuuna aalajangersarneqarpoq innuttaasut akileraarutitik akileraaruseriffimmut toqqaannartumik akiliisassasut, tamannalu akiliinermi atugassiat girokortit atorlugit ilaatigut pisinnaasoq.

Aningaaserivinni allakkerivinnilu girokorti atorlugu akiliinermi akiliutigitinneqartartoq akileeriaatsimut attuumassuteqarpoq, akileraarutinillu akiliinerup pine-

qarneranut attuumassuteqarani. Akiliutigitinneqartoq taanna TelePostimut aningaaserivimmulluunniit akiliutigineqartarpoq, akileraaruseriffimmut akiliutigineqarani.

TelePost imaluunniit Grønlandsbanken pillugit naammagittaalliuutit suliarinissaannut pisinnaatitaangilanga, taamaattumillu naammagittaalliortup saaffiginissutaanut atatillugu annertunerusumik iliuuseqaqqinnissannut pissutissaqaranga isumaqarlunga.

3-5 *Attartornermik atorunnaarsitsisoqassappat piumasagaatit, attartortup akerliliisinaatitaanera (j.nr. 11.20.27.01/057-07)*

A-p attartukkami iluarsaanneqartussap ilinniartunullu ineqarfittut atorneqalersussap atorunnaarsinneqarnera naammagittaalliuutigaa. Inissiaatileqatigiiffiup mappiutaanik Ombudsmandip misissuina matuma Inissiaatileqatigiiffimmut uparuarneqarnissaanut pissutissaqalersitsivoq, tassalu attartortitsisup attartukkamik atorunnaarsitsinera inissianik attartortitsisarneq pillugu peqqussummi § 69-imut naapertuuttuussasoq, matumani atorunnaarsitsinerup attartortup atorunnaarsitsinermut akerliliissuteqarsinnaatitaanera pillugu paasissutissamik imaqaarnissaa ilanngullugu eqqarsaatigalugu. Suliaq tamatuma kingornatigut inaarlugu suliarineqarpoq, tassami atorunnaarsitsineq pineqartoq inissianik attartortitsisarneq pillugu peqqussummi inissianik siunertanut allanut atugassanik immikkoortitsisarneq pillugu malittarisassamik § 67-imiittumik tunngaveqarmat, attartortullu nuunnermi taarsiivineqarnissani akuersimammagu taarsiissutinillu tunineqarsimalluni, tak. inissianik attartortitsisarneq pillugu peqqussummi § 68, imm. 4 kii-salu attartortoq attartukkamit pineqartumit nuussimammatt, taarsiussatullu inisiamut innersuunneqartumut nuussimalluni.

3-6 *Suliami illua'tungiusup isumaanik tusarniaanissamut pisussaaffeqanngineq. Suliap suliarineqarnerata naammagittaalliortumut paasissutissiissutigineqarsimanginnera. Naammagittaalliortup saaffiginnissutaasa akineqarsimanginnerat (j.nr. 11.10.68.01/070-07)*

Taxanik ingerlatsisinnaanermut akuersissutip atorunnaarsinneqarnera pillugu A-p naammagittaalliuutaa tunngavigalugu K Kommunimut allakkani 4. december 2007-imeersuni suliami illua'tungiusup isumaanik tusarniaanermik apeqqu pillugu imaattunik oqaaseqaateqarpunga:

"K Kommunip A-mut akuersissutaa ... taamaallaat biilimut nunami maani nalunaarsuinermi ...-mik normulimmut erseqqinnerusumillu taaneqartumik stelnormulimmut atuuppoq. Akuersissummi ilaatigut oqaatigineqarpoq akuersissut kommunimut inger-

laannartumik tunniunneqassasoq, biili nalunaarsuinermi nutaamik normulerneqarpat.

Biili inatsisit unioqqtinnagit atorneqartooq assigiinnigitsunik marlunnik erseqqissumik suussusiligaasarpoq:

Siulleq tassaavoq stelnormua. Taanna aallaavittut allannqortussaannqilaq, imaaliiallaannarli takuneqarsinnaanani.

Aappaa tassaavoq nunami maani nalunaarsuinermi normua. Taanna allannqortinneqarsinnaavoq, imaaliiallaannarlu takuneqarsinnaalluni.

Taamaattumik akuersissummik K Kommuniip biilimut ataatsimut aalajangersimasunik stelnormulimmut nunamilu maani nalunaarsuinermi aalajangersimasumik normulimmut atuuttussatut killiliisimanera pillugu oqaaseqaatissaqanngilanga.

Pisortani suliassat sularineqartarnerat pillugu Inatsisartut inatsisaanni nr. 8-mi, 13. juni 1994-imeersumi § 19, imm. 1-imi oqaaseqaatigiitsigut siullertigut aalajangersarneqarpoq suliame illua'tungiusooq oqartussaasup suliame pissusiviusut pillugit paasisutissanik aalajangersimasunik pigisaqarneranik ilisimasaqarsorinangippat aalajangiisooqassanngitsoq, oqartussaasup paasisutissat taakku suliame illua'tungiusumut ilisimatitsissutigiriinnigippagit pineqartorlu oqaaseqaateqarnissaminut periarfissaqartinneqariinnigippat. Tamannali taamaallaat atuuppoq paasisutissat taakku suliame illua'tungiusumut akornusiisuussappata suliallu aalajangiivigineqarneranut anertuumik sunniuteqarpata, tak. § 19, imm. 1 oqaaseqaatigiit aappaat.

Taamaattorli § 19, imm. 2, nr. 1-ikkut aalajangersarneqarpoq suliame illua'tungiusup isumaanik imm. 1 tunngavigalugu tusarniaasussaataaneq atuutissanngitsoq paasisutissat qanoq ittuussusiat suliallu pissusia eqqarsaatigalugit suliame paasisutissat pigineqartut tunngavigalugit aalajangiineq eqqarsarnartortaqaanngitsutut isigineqartariaqarpat.

Isumaqaarpunga K Kommuni § 19, imm. 1-imi suliame illua'tungiusup isumaanik tusarniaaneq pillugu aalajangersakkami pineqartunut aallaavittut ilaatinneqartooq, tassami kommunip politiinut attaveqarfignissimaneranik namminerlu pilluni paasisutissanik pissarsisimaneranik A-p ilisimasaqarnissaa ilimagineqarsinnaanngimmat, paasisutissallu pineqartumut akornusiisuummata akuersissutillu arsaarinnissutigineqarnissaanik aalajangiinnermut tunngaviullutik.

Ungali paasinninnera unaavoq A-p nunami maani nalunaarsuinermi normu ... september 2005-imi atorunnaartutut nalunaarutigisimammagu akuersissut biilimut pineqartumut sunniuteqarsimannngitsoq, tassami akuersissut biilik naluarsuisarnermi taamatut normoqartumut erseqqissumik taamaallaat atuummat.

Amigaat taanna uppersarneraqarsinnaasimannqilaq, nunamimi maani nalunaarsuinermi normutoqqat utertillugit tunniuteqquneqarsinnaanngimmata. A-p suliaq pillugu oqaaseqaateqarsimappat oqaaseqaateqarsimanera suliamilu pissutsit sinneri apeqgutaatinnagit akuersissutip arsaarinnissutigineqarnerata kingunera imaassimassaga-

luarpoq akuersissut biilimut taamatut stelnormulimmut nunamilu maani nalunaarsuinnermi piujunnaarsimasumik normulimmut atuuttoq.

Tamanna pissutigalugu isumaqarpunga suliami illua'tungiusup isumaanik tusarniaa-sussaatitaanermik § 19, imm. 2, nr. 1-imi atuutsitsinnginneq atuussimasoq, taamaalil-lunilu K Kommuni kommunip suliami aalajangiinnginnerani suliami paasisutissat pillugit suliami illua'tungiusup isumaanik A-mut tusarniaanissaminut pisussaaffeqar-simanngitsoq.

Tamanna pillugu oqaatigaara kommunip akuersissummik arsaarinninnera akuersis-sutitp biilimut allanut nunami maani nalunaarsuinnermi ...-mik normoqanngitsunut sun-niuteqannginneranik pisortatigoortumik erseqqissaanertut isigigiga.

Taamaattumik K Kommuni suliami illua'tungiusup isumaanik A tusarniaavigeqqaar-nagu akuersissummik arsaarinnissimaneranik isornartorsiuinissamut pissutissaqar-nanga isumaqarpunga.

Taamaattorli qanorluunniit pisoqaraluarpat isumaqarpunga kommunip A-p akuersis-sutaataa pillugu suliamik kommunip suliarinninnini A-mut paasisutissiisutigisima-suuppagu tamanna eqqornerpaasimassagaluartoq.

Matumani manna pingaartillugu isiginiarpara, tassalu suliamik sulisumut tunngasu-mik suliarinninnermi innuttaasup illua'tungiuuffiani innuttaasup peqataatinneqartar-nissaanik ingerlatsineq pillugu inatsiseqartitsinermi tunngaviumik piumasaqaat atuummat, pissutsit immikkut ittut taamaaliornissaq ajornartinnigippasuk. Tunngavik taanna oqimaalutaanermi isiginiagassamik pingaarutilerujussuarmik matuminnga aallaaveqarpoq, tassalu innuttaasooq suliamut imminut tunngasumut malinnaanissa-minut periarfissaqassasoq soqutigisanilu isumaginiarlugit iliuuseqarsinnaassasoq.

Tunngavik taanna pisortani suliassat suliarineqartarnerat pillugu Inatsisartut inatsi-saanni § 21-mi ilaatigut tunngavigineqarpoq, tassanimi aalajangersarneqarmat sulia-mi illua'tungiusup aalajangiisooqannginnerani oqaaseqaateqartinneqarnissani piuma-saqaatigisinnaagaa. Pisinnaatitaaffimmik taassuminnga suliamik suliarinninnermut pi-neqartumut tunngasumik atuisoqassappat suliap suliarineqarneranik pineqartup ilumut ilisimasaqarnissaa piumasaqaataavoq.

Suliap suliarineqarneranut pineqartumut atatillugu tamatuma saniatigut ilisimatinne-qarneq pineqartumut aamma annertuumik pingaaruteqarsinnaavoq. Tamanna suliami matumanisut ittumi innuttaasup suliami pissusiviusut tunngavigalugit aalajangiiner-mut sunniuteqarfigisinnaanngisaani ilaatigut atuuppoq, tassami taamaaliortoqassap-pat innuttaasooq annertunerusunut ataneqartillugu suliniutinik aallartitsinissaminik pisariaqartitsisinnaammat, suliami pineqartumi naatsorsuutigineqartutut aalajangi-i-nissaq pakkersimaarniarlugu, soorlu akuersissummik nutaamik pissarsiniarnermi-gut."

A-p saaffiginnissutaanut K Kommunip akissuteqartarsimannginnera pillugu i-maattunik oqaaseqaateqarpunga:

"Pineqartog pillugu suliamik suliarinninnermik oqartussaasup innuttaasumut paasis-tussiiisarnissaanik piumasagaammumt taaneqartumut uiggiullugu tunngaviusumik piumasagaat manna atuuppoq, tassalu ingerlatsinermi oqartussaasut sulianik sulia-rinninneri sapinngisamik pilertortumik, sunniuteqarluartumik tamatumunngalu pe-qatigitillugu sapinngisamik mianerinnittumik kiisalu sapinngisamik annertunerpaamik pitsaassuseqartinneqartumik ingerlanneqartassasut. Tassani piumasagaat manna ilaatigut aamma ilaavoq, tassalu innuttaasut saaffiginnissutaat oqartussaasup akisas-sagai, taamaalilluni innuttaasog suliamut imminut tunngasumik malinnaasinnaaler-sillugu soqutigisaminillu isumaginninnissaminut periarfissaqalersillugu. Piumasagaat taanna ilaatigut Namminersornerullutik Oqartussat inatsisileriffiata pisortani suliasat suliarineqartarnerat pillugu Inatsisartut inatsisaat pillugu ilitersuusianaani december 1994-imeersumi kapitali 12-imi arlalitsigut eqqaaneqarpoq.

Ilitersuummi imm. 207-imit aammattaaq erserpoq suliami illua'tungiusup nukingisaarutai piffissamik suliap suliarineqarneranut atorneqartumik pissutissaqartumik tunngavilersugaasut ingerlaannartumik akineqartariaqartut. Akissut suliap sumut kil-lissimanagera pillugu paasissutissanik imaqartariaqarpoq, suliallu qaqugu aalajangiivi-gineqarnissaanik oqartussaasup naatsorsuutiginninnera pillugu paasissutissanik ajornanngippat aamma imaqartariaqarluni.

Saaffiginnissutit nukingisaarutillu akineqartarnissaannik piumasagaat atuuppoq, in-nuttaasup akuersaarneqarsinnaannnginneranik oqartussaasup naatsorsuutiginninnera apeqquataatinagu, taamatuttaarlu tamatuma oqartussaasog suliasat suliarineqartar-nerat pillugu malittarisat malinnissaanut pisussaaffiannngilaa, matumani naammagit-taalliuut pillugu suliami innuttaasog eqqarsaatigalugu aalajangiinissamut pisussaaf-feqarneq ilanngullugu eqqarsaatigalugu.

Uanga paasinninnera unaavoq A-p naammagittaalliuutaanut nukingisaarutaanullu K Kommuniq qisuariarsimannnginnera piumasagaatinut taakkununga naapertuuttuusi-mannngitsoq, pingaartumik ukioq ilivitsungajak qisuariartoqarsimannnginnera isiginia-raanni. Tamanna isorisarialerujussuurtut isigaara."

3-7 Allakkatigut saaffiginnissutit akinissaannut oqarasuaatikkullu oqaloqatigiin-nerit pillugit allakkiani ingerlatsinermi ileqqorissaarnerup malinnissaanut pisussaaffeqarneq (j.nr. 11.01.66.04/077-07)

Suliami innuttaasup Ineqarnermut, Attaveqarnermut Aatsitassanullu Naalakkersuisumut allakkaminut akissummik tigusaqarsimannnginnerminik naammagittaal-liuteqarfignisaani Naalakkersuisunut ilaasortamut ilaatigut imaattunik oqaase-qaateqarpunga:

"Naalakkersuisunut ilaasortaq A-mut allakkatigut 29. september 2006-imeersutigit nalunaaruteqarpoq naammagittaalliuut allaffeqarfimmit akineqassasog, naammagit-taalliuutaatalu allakkatigut akineqannnginnissaa pisortaqarfiup A-mut isumaqatigiis-

3. Apeqqutit ingerlatsineq pillugu inatsiseqartitsinermut tunngasut pillugit ataatsimoortumik

sutigisimaneraa pisortaqarfiup oqarasuaatikkut oqaloqatigiinneq pillugu allakkiaani ullormit tassanngaanneersumi ersarivissumik uppernarsaatissaqanngilaq.

A-p naammagittaalliummut allakkatigut akissummik tigusaqarnissani tamatuma kingornatigut naatsorsuutigisimassavaa.

Allakkatigut saaffiginnissutit allakkatigut akineqartarnerat ingerlatsinermi ileqqorissaarnerup ilagaa.

Innuttaasup allakkatigut saaffiginnissutaa oqartussaasup oqaasiinnartigut akiinnar-sinnaavaa, oqaasiinnartigut akissutip naammannera innuttaasup pineqartup akuer-saarlugu oqaatigippagu.

Taamaattumik inassuteqaatigaara A-p naammagitaalliuutaa 27. september 2006-i-meersoq pisortaqarfiup allakkatigut akissagaa.

(...)

Suliamik suliarinninninni pisortaqarfiup oqarasuaatikkut oqaloqatigiinneq pillugu allakkiaani 29. september 2006-imeersumi oqaatsit makku aamma maluginiarpakka:

"Piuminaalliortutut misinnarpoq" aamma "Oqaloqatigiinnermi sianiippasissorujussuarmik akisoqartarpoq"(Atorfeqarfimmi nutsigaapput).

Oqaatigaara ingerlatsinermi ileqqorissaarnerup manna nassatarigaa, tassalu pisortani oqartussaasup allakkiai oqaatsinik arlaannaanulluunniit nikassaarpalaartunik suliamillu suliarinnittup pissutsinik nammineq inuttut naliliineranik imaqartariaqanngitsut, tamanna suliap suliarineqarnerata ingerlaqqinnissaanut pingaaruteqanngip-pat.

Taamaattumik oqaatsit issuarneqartut oqarasuaatikkut oqaloqatigiinneq pillugu allakkiami ilanngunneqannginnerat eqqornerpaasimassagaluarpoq."

Pisortaqarfiup allakkatigut akissutit A-mut nassiussimagai tamatuma kingornatigut ilisimatitsissummik tigusaqarpunga, suliarlu tamatuma kingornatigut anner-tunerusumik iliuuseqaqqinnanga inaarlugu suliaralugu.

3-8 Attartornerup isaterineq pissutigalugu atorunnaarsinneqarnerani attartu-gassamik allamik innersuussineq - A/S Inissiaatileqatigiiffik INI (J. nr. 11.20.26.01/088-07)

Inssiarsuup attartukkami inissisimaffigisaaniittup isaterneqarneranut atatillugu taarsiussatut inissiamik INI-mit neqeroortigineqartumik tigusiumanngikkuni A/S Inissiaatileqatigiiffik INI-p utaqquisunut allattorsimaffianit peerneqarniarnini innuttaasup uannut naammagittaalliuutigaa. A/S Inissiaatileqatigiiffik INI ato-runnaarsitsinermut atatillugu ilaatigut imatut allassimavoq:

"..., neqeroorutigineqartoq tigujumaneqanngippat inissiamik allamik tunniussisoqassanngilaq. Taamaattorli kissaatigisaqaruit tamanna INI-p malinniarsariniarpaa." (Atorfeqarfimmi nutsigaavoq)

Innuttaasup saaffiginnissutaanut pineqartumut atatillugu annertunerusumik iliuuseqaqqinnngilanga, tassami pineqartoq taarsiussatut inissiamik kissaatigisani malillugu tunineqarsimammat.

Pineqartup saaffiginnissutaa tunngavigalugu aalajangerpunga ataatsimut misissuineq aallartinniarlugu:

- 1) Inissiarsuup X-ip isaterneqarneranut atatillugu tassani najugaqartut inissianik allanik innersuuneqarneranni piumasaqaatit suut A/S Inissiaatileqatigiiffik INI-p malippai?
2. Najugaqartut kissaatigisaat A/S Inissiaatileqatigiiffik INI-p qanoq pingaaruteqartitsigalugit isiginiartarpai aamma kissaatigisat taakku malinniarlugit INI sunik suliniuteqarpa?
3. Inissiarsuarmi X-imi najugaqartup inissiaq innersuussutigineqartoq siulleq tigujumanngippagu A/S Inissiaatileqatigiiffik INI-p utaqquisut allattorsimaffianit inatsisitigut suna tunngavigalugu peertarpaa?

A/S Inissiaatileqatigiiffik INI imatut akivoq:

"(...)

Innisiap isaterneqarnissaa pissutigalugu attartortup attartugaa atorunnaarsinneqarpat atorunnaarsitsineq attartortitsisarneq pillugu peqqussummi § 67 aallaavigalugu pisarpoq. Tamatuma kingornatigut attartortup attartornera atorunnaarsinneqassaaq, INI-llu attartortoq allamut innersuutissavaa attartortitsisarneq pillugu peqqussummi § 5-imi malittarisassat malillugit.

Oqaatigineqassaaq INI inissianik innersuussisannngimmat attartortup kissaatai eqqarsaatigeqqaarnagit. Attartornerup atorunnaarsinneqarnera nassiunneqaraangat allamut innersuussiniarnermik suliaqarneq piffissami sivisuumi ingerlanneqartartoq INI-mi aallartittarpoq.

INI "inissianut pulaartarpoq" attartortullu isaterinissami pineqartut tamaasa pulaartarlugit. Attartortut ilaatigut taarsiissutitut inissartik pillugu kissaatiminnik saqqummiussinissaminnut periarfissinneqartarput. Kissaatinut tamakkununga assersuutigineqarsinnaavoq inissiaq allerpaamiit-toq, imaluunniit taanna ...-miissasoq ...-miissasorluunniit.

Periarfissaqartillugu INI taakkua kissaataat malillugit innersuussisarpoq. Attartortup kissaatai INI-p pimoorulluinnarlugit tigusarpai. Pisunniarnermut ajornartorsiutillit taamatullu utoqqaat

3. Apeqqutit ingerlatsineq pillugu inatsiseqartitsinermut tunngasut pillugit ataatsimoortumik

ajungitsumik isumaginiartarpavut. Taamaalilluni innersuussinerit piffissamik atuinartorujussuupput.

Oqaatigineqassaaq isaterinermut atatillugu innersuussisarneq attartortitsineq pillugu peqqussummi malittarisassanik aallaaveqarmat. Taamaalilluni inoqutigii amerlassusiat tunngavigalugu innersuussisoqartarpoq, aatsaallu attartortup attartornermut isumaqatigiissutaani manna tikillugu atuuttumi piumasaqaatit eqqortinneqarsimappata.

Attartortup taarsiissutitut inissiamut naaggaarneranut INI qanoq isummertarnermaq Ombudsmandip allakkamini paasiniarpaa. Tamatumunnga akissutigissavarput ajornartorsiutaasinnaasooq taanna suli naammattoorsimanninnatsigu, taamaattumillu tamatumunnga misilittagaqarata.

INI-p isumaa unaavoq attartortoq inissiamut innersuunneqartumut naaggaarpat attartortoq soorunami oqaloqatigissagippu taassuma tamatumunnga tunngavilersuutaa paasiniarlugu. INI ikiuussinnaagaangami ikiuuttarpoq. Attartortoq taarsiissutitut inissiamut neqeroortigineqartumut suli piumannikkaangat INI-p isumaa unaasarpooq taarsiissutitut inissiamik nutaamik neqerooruteqar-nissamut pisussaaffeqarunnaartartugut." (Atorfeqarfimmi nutsigaavoq)

A/S Inissiaatileqatigiiffik INI-p akissutaa tigoreerlugu imatut allappunga:

"Inissiaatileqatigiiffiup allagai imatut paasivakka attartortut inissiamik taartaasumik kissaatigisaqarnerat Inissiaatileqatigiiffiup sapinngisamik malinniartarai kiisalu pissutsit attartortup atugai isiginiartarlugit.

Taartaasutut inissiaq neqeroortigineqartoq attartortup tigujuannagippagu attartortup tamatumunnga tunngavilersuutaa Inissiaatileqatigiiffiup pisut ataasiakkaarlugit naliliiffigisarniarpaa, tamannalu ajornannagippat aaqqiissutissamik nassaarniartarniarluni.

Uanga paasinninnera unaavoq attartortut taartaasutut inissiaq eqqarsaatigalugu immikkut piumasaqaateqartut taartaasutut inissiamik tunineqarnissaat A/S Inissiaatileqatigiiffik INI-p itigartitsisutigineq ajoraa.

Taamaattumik suliami matumani annertunerusumik iliuseqaqqinnissannut pissutissaqarnanga isumaqarpunga."

3-9 Isumaginninneq pillugu inatsiseqartitsinerup iluani pissutsinik ataatsimut isiginnittarnermik tunngavik (J. nr. 11.10.09.01/095-97)

Naammagittaalliummut atatillugu imaattumik oqaaseqaateqarpunga:

"Isumaginninneq pillugu inatsiseqartitsinerup iluani pissutsinik ataatsimut isiginnittarnermik tunngavik naalagaaffeqatigiinnerup iluani atuuppoq. Tunngavimmi tassani pineqarpoq oqartussaasooq ikiorsiissutinik innuttaasup qinnutigisaanit allaanerusunik tunniussisinnaatitaasooq, tassami oqartussaasooq ikiorsiissutit innuttaasumut naleqgunnerpaat nassaariniarnissaannut pisussaaffeqarmat. Tamanna ukununnga ataneqartillugu isigineqassaaq, tassalu isumaginninneq pillugu malittarisassani ikiorsiinis-

samut periarfissarpassuaqarnera, taamaattumillu ikiorserneqarnissamut periarfissat suut piunerisa innuttaasut ilarpassuinit paasiuminaassinnaanerat.

(...)

K Kommuni ingerlatsinermi oqartussaasutut pisussaaffeqarpoq innuttaasut qinnuteqaataannik pissutsit ataatsimoortillugit isiginiarlugit naliliiffiginninnissaminut, matumani innuttaasup, taamatut ikiorserneqarnissaminut akuerineqarsinnaasimasuuguni, isumaginninnermi malittarisassat sorliit tunngavigalugit pitsaanerpaamik ikiorserneqarsinnaassagaluarneranik naliliineq ilanngullugu eqqarsaatigalugu."

3-10 *Sulianik akiliisitsiniarnermut tunngasunik misissuineq - inatsisitigut tunngavigisaq pisinnaatitaanerlu pillugit apeqqut (j.nr. 11.73.88.73/047-05)*

Kommunimi sulianik akiliisitsiniarnermut tunngasunik misissuinnut atatillugu akiliisitsiniarnermi oqartussaasumut ilaatigut apeqqutit makku pillugit oqaaseqaateqarpunga:

- Pisassarisanik eqqartuussutikkut aalajangersarneqarsimasunik naammassinninniarfiginninnissamut pinngitsaaliilluni akiliisitsiniartartup pisinnaatitaanera
- Akiliinissamik isumaqatigiissutinik akiliisitsiniarnermi oqartussaasup isumaqatigiissuteqarnissamut pisinnaatitaanera
- Akiligassiissutinik piujunnaarsitsinissamut inatsisitigut tunngavissaqannginneq
- Inuussutissarsiutitigut taarsigassarsiat pigisanik aalaakkaanngitsunik qularna-veeqqusiinikkut piginnittup sallunaaveeqqusiussaanic akiliisitsiniarneq
- Pisortat pinngitsaaliissutaasumik ilanngaassisinnaatitaaneranni killilersuutit
- AEB-mut akiitsunik suli eqqartuussisoqariinngitsoq pinngitsaaliilluni akiliisitsiniarnissamut inatsisitigut tunngavissaqannginneq
- Meeqqanut akilersuutinik siumoortumik tunniussigallarnissamut aamma kingusinnerusukkut pinngitsaaliilluni akiliisitsiniarnissamut inatsisitigut tunngavigisaq
- Ilinniartut ineqarfiini ineqarnermut akiliutinut akiitsunik akiliisitsiniarneq
- Eqqartuussisarneq pillugu inatsimmi kapitali 7, § 1, imm. 2-mi oqaaseqaatigiit aappaanni "ininik" oqarnerup qanoq paasineqarnissaa

- Akileraarutinut akiitsunik akiitsunut allanut unammillertutut akiliisitsiniarneq.

Sulianik misissuina pillugu allaaserisannut kommunip akissutaanik ukiup naanerani suli tigusaqanngilanga.

Pisassarisanik eqqartuussutikkut aalajangersarneqarsimasunik naammassinninniarfiginninnissamut pinngitsaaliilluni akiliisitsiniartartup pisinnaatitaanera pillugu imaattunik oqaaseqaateqarpunga:

"Suliami paasissutissiisutigineqarpoq akiitsut Akileraartarnermi Pisortaqarfiup akilersinniaqqullugit kommunimut qinnutigisai tassaasut ilinniagaqarnermi taarsigassarsiat tunngavigalugit pisassarisat, 1. marts 1999-imilu eqqartuussisoqarsimasoq.

Pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaanni nr. 3-mi, 2. maj 1996-imeersumi kingusinnerusuk allanguuteqartinneqarsimasumi § 2-kkut, tak. § 1, imm. 2, nr. 13 (1. juli 2007 sioqqullugu nr. 10), aalajangersarneqarpoq pisassarisat ilinniagaqarnermi pillugit Inatsisartut peqqussutaat tunngavigalugu pilersimasut eqqartuussisoqariinngitsoq pinngitsaaliinikkut naammassinninniarfigineqarsinnaasut, pisassarisat eqqartuussisarneq pillugu inatsimmi kapitali 7, § 1, imm. 2-mi pineqartunut ilaatinneqartut naammassinninniarfigineqartarnerisa pissuseqataannik.

Taamaattumik ilinniarnermut atatillugu taarsigassarsiat utertillugit akilernerne-ranni pisassarisat pinngitsaaliinikkut naammassinninniarfigineqassappata eqqartuussisoqarsimanissaa aallaavittut pisariaqanngilaq.

Akileraartarnermi Pisortaqarfiup akiliisitsiniaqqusissummini eqqartuussummut innersuussinerata uanga paasinninnera malillugu manna pisariaqalersippaa, tassalu kommunip akiliisitsiniarneq pillugu suliaataa eqqartuussut pineqartoq pillugu paasissutissanik erseqqinnerusunik imaqassasoq.

Matumani manna innersuussutigaa, tassalu qanoq akiliisitsiniariaaseqarnissami tamatumunngalu qanimut ataneqartillugu apeqqutaasoq eqqartuussutip pisassarisat ilinniagaqarnermi pillugit Inatsisartut peqqussutaat tunngavigalugu pilersimasut piunerat aalajangersarneraa, imaluunniit eqqartuussutip inuit ataasiakkaat pillugit inatsiseqartitsineq, assersuutigalugu isumaqatigiissut imaluunniit pisussaanani akiliisoorsimasup utertitsinissamik piumasqaateqarsinnaaneranut malittarisassat (condictio indebiti), tunngavigalugit utertillugit akiligassanit pisassarisat piunerannik aalajangersarneraa.

Pisassarisat suussusertik naapertorlugu eqqartuussisarneq pillugu inatsimmi kapitali 7, § 1, imm. 2 tunngavigalugu pinngitsaaliilluni naammassinninniarfigineqarsinnaasut piunerat eqqartuussutip aatsaat aalajangersarpagu pisassarisat akissarsianit

unerartitsinikkut pinngitsaaliilluni naammassinninniarfigineqarsinnaapput, tamatumani tak. eqqartuussisarneq pillugu inatsimmi kapitali 7, § 12.

Pisassarisat akissarsianit unerartitsinikkut akilersinniarneqarsinnaasut taamaattut kisiisa pinngitsaaliilluni naammassinninniarfiginissaannut pinngitsaaliilluni akiliisitsiniartartuq pisinnaatitaavoq, tak. Kalaallit Nunaanni eqqartuussutiniq naammassitsiniartartut pillugit Kalaallit Nunaannut Ministereqarfiup nalunaarutaani nr. 90-imi, 1. marts 1983-imeersuni § 1 imaattunik oqaasertaqartoq:

"§ 1. Piumasanik Kalaallit Nunaanni eqqartuussisarnermik inatsimmi kapitali 7, § 1, stk. 2-mi taaneqartunik akiligassanik akiliisitsiniartartut pinngitsaaliinikkut naammassitsiniartassapput.

Stk. 2. Piumasanik allanik politiit pinngitsaaliinikkut naammassitsiniartassapput."

Eqqartuussisarneq pillugu inatsimmi kapitali 7-imi pinngitsaaliilluni naammassinninniarneq pillugu malittarisassat piareersarlugit suliarineqarneranni sulianit (Folkeetingstidende 1982-1983, Tillæg A, sp. 684) erserpoq "siunertaavoq inunnit ataasiakkaanit pisassarisat tamarmik, tassalu pisortat pisassarisaasa amerlanersaat kiisalu meeqqanut akilersuutitigut pisassarisat, akissarsianit unerartitsinikkut akilersinniarneqarsinnaasut, kommuninit aqunneqassasut" (Atorfeqarfimmi nutsigaavoq).

Aamma oqaatigaara akiligassaqarfigineqartup akiliisitsiniarnermilluunniit oqartusaasup pisassarisat suussusertik naapertorlugu eqqartuussisoqariinngikkaluartoq pinngitsaaliilluni naammassinninniarfigineqarsinnaasut piunerat pillugu eqqartuussutikkut aalajangersaasitsinerata immi pinngitsaaliilluni akiliisitsiniartartup akissarsianit unerartitsinikkut pinngitsaaliilluni naammassinninniarinnaatitaanermut pisinnaatitaanera taamalu pinngitsaaliilluni naammassinninniarnissaminut periarfissaqarnera mattutigunanngikkaa. Tamanna Danmarkimi pinngitsaaliilluni akiliisitsiniartartut pisinnaatitaanerat pillugu inatsisilerinikkut atuakkiaasarsimasunit erserpoq, pingaartumik UfR 1978B-mi, quppernerni 137-imi tulliini, pingaartumillu quppernerni 140-141-mi, Højesteretsimi eqqartuussisuusimasup P. Splethip qularnaveeqqutitut periarfissamik atuineq atorerluinerlu pillugit allaaserisaanit tassani tunngavigineqarluni eqqartuussutikkut suliami qularnaveeqqutitut arsaarinniffiusinnaatitaaffiusumi pinngitsaaliilluni akiliisitsiniartartup qularnaveeqqutitut arsaarinnissinnaatitaanera salluutinneqassasooq piunasaqatigineqarsinnaasooq.

Eqqartuussisoqarsimaneratali manna pisariaqalersippaa, tassalu inatsiseqartitsinikkut tunngavik suna eqqartuussutip aalajangersarneraa pinngitsaaliilluni akiliisitsiniartartup qulaajassagaa.

Taamaattumik inassuteqaatigaara akiliisitsiniarneq pillugu suliat pisassarisat pinngitsaaliilluni akiliisitsiniartartup pinngitsaaliilluni naammassinninniarfigisassai pillugit eqqartuussisoqarsimappat eqqartuussutiniq pineqartunik imaqartinneqartassasut."

Akiliinissamik isumaqatigiissutinik akiliisitsiniarnermi oqartussaasup isumaqatigiissuteqarnissamut pisinnaatitaanera pillugu imaattunik oqaaseqaateqarpunga:

"Aamma malugaara suliaq taanna (...) -p aamma kommunip akiliisitsiniartarfiata akiliinissaq pillugu isumaqatigiissutaannik imaqartoq, tassanilu isumaqatigiissutigineqarluni akiitsut (...) -p akissarsiaanit ilanngaassisarnikkut akilersorneqassasut.

Isumaqatigiissutaasimasoq taanna pillugu oqaatigaara pisortanut akiitsut akilersiniarneqartarnerat pinaveersaartinneqarnissaallu pillugit Inatsisartut inatsisaanni nr. 3-mi, 2. maj 1996-imeersumi § 3, imm. 1-ip nassatarigaa pisassarisanik Inatsisartut inatsisaanni tassani § 1-imi taaneqartunik akiitsoqartup akissarsiaanit tiguisinnaatitaanikkut ilaalu ilanngullugit akilerneqarnissaat pinngitsaaliilluni akiliisitsiniartartup akiitsoqartullu isumaqatigiissutigisinnaagaat.

Tamatuma saniatigut kommuni nammineq akiitsoqarfiunngippat akiitsut naafferartumik akilersorneqarnissaannik pinngitsaaliilluni akiliisitsiniartartup kommunimiluunnit ingerlatsiveqarfiit allat akiitsoqartumut isumaqatigiissuteqarnissamut inatsisitigut tunngavissaqaanngilaq, pinngitsaaliilluni akiliisitsiniartartoq taamaaliornissamut piginnaatitsissummik erseqqissummik akiitsoqarfiusumit tigusaqarsimanngippat.

Taamaattumik inassuteqaatigaara pinngitsaaliilluni akiliisitsiniartartup pinngitsaaliilluniluunnit akiliisitsiniartarfiup innuttaasunut akiliinissaq pillugu isumaqatigiissutimini pinngitsaaliilluni akiliisitsiniartartup piginnaatitsissut suna tunngavigalugu isumaqatigiissuteqarnera oqaatigisassagaa."

Akiligassiissutit assilinerisa ringbindini immikkoortillugit kommunimi toqqortarineqartarnerat ukiullu tallimat qaangiunneranni akiligassiissutit ataasiakkaat piusunnqorteqqinneqarsinnaajunnaarsillugit piujunnaarsinneqartarnerat pillugu imaattunik oqaaseqaateqarpunga:

"Allagaateqarfeqarneq pillugu Inatsisartut inatsisaanni nr. 22-mi, 30. oktober 1998-imeersuni § 2, imm. 1-imit aamma §§-nit 6-imit 7-imillu makku erserput:

"§ 2. Inatsit Namminersornerullutik Oqartussani Kalaallilu Nunaanni kommunini ingerlatsivinnut tamanut atuuppoq.

...

§ 6. Suulluunnit paasissutissartallit pisortat sullissiveqarfiini sulinikkut pilersinneqartut taak-kuluunnit aqquutigalugit pilersinneqartut toqqorneqassapput.

§ 7. Pisortat sullissiveqarfiutaasa toqqortaatimik qaqugukkulluunnit isumannaatsumik sularineqarnissaat toqqortarineqarnissaallu isumagissavaat.

Imm. 2. Pisortat sullissiveqarfiutaasa toqqortatik pisortat sullissiveqarfiisa allat toqqortaa-taannit immikkoortissavaat."

Inatsisartut peqqussutaanni tassani § 2, imm. 1 piareersarlugu sulianit makku erser-put:

"Pisortat ingerlatsinerat pillugu paasitinneqarsinnaatitaaneq pillugu inatsimmi § 1, imm. 1-imisut killilerneqarpoq."

Pisortat ingerlatsinerat pillugu paasitinneqarsinnaatitaaneq pillugu Inatsisartut inat-sisaanni nr. 9-mi, 13. juni 1994-imeersuni § 1, imm. 1 imaattunik oqaasertaqarpoq:

"§ 1. Inatsit Namminersorerullutik Oqartussat kommunillu ataanni sulianut pisortatigut i-ngerlanneqartunut tamanut atuuppoq, taamaattorli tak. § § 2 aamma 3."

Aalajangersakkap issuarneqartup kingulliup nassataaraa suliat aalajangiivigineqar-tussat ingerlatsinermillu suliaqarnivik pillugu suliat kiisalu isumaqatigiissuteqarner-mut tunngasunik isumaqatigiissuteqarneq pillugu suliat paasitinneqarsinnaatitaaneq pillugu inatsisip atuuffiata iluani pineqartunut ilaatinneqartut.

Taamaattumik isumaqarpunga akiligassiissutit ukiut tallimat sinnerlugit pisoqaassu-sillit assilinerinik kommunip piujunnaarsitsinera erseqqissumik kukkunerusoq.

Kommunip periaasiata allagaateqarfeqarneq pillugu Inatsisartut inatsisaannik unioq-quititsinerunerata saniatigut oqaatigaara eqqartuussivikkut suliassanngortitsisoqar-pat akiligassiissullu suliarineqartoq piujunnaarsinneqarsimappat pisassarisat piune-rannik uppernarsaaniarneq kommunip ajornartorsiuutigilersinnaagaa.

Taamaattumik inassuteqaatigaara kommunip periaatsini allanngortissagaa, taamaa-liornikkut akiligassiissutit ukiut tallimat sinnerlugit pisoqaassusillit allagaateqarfe-qarneq pillugu Inatsisartut inatsisaat naapertorlugu toqqortarineqartalersillugit."

Inuussutissarsiutinut taarsigassarsiat pigisanik aalaakkaanngitsunik qularnaveeq-qusiinikkut piginnittup sallunaveeqqusiussaani akiliisitsiniartarneq pillugu imaattunik oqaaseqaateqarpunga:

"Inuussutissarsiornermut tapersiissutitut taarsigassarsiat eqqarsaatigalugit kommu-nip pinngitsaaliilluni akiliisitsiniarnermut tunngaviusoq pillugu paasinninnera isuma-qatigaara.

Oqaatigaarali uppernarsaasiussap kommunip uannut nassiussaa taassaasoq piginnit-tup pigisanik aalaakkaanngitsunik sallunaveeqqusiussineranut uppernarsaasiussaata assilina.

Piginnittup pigisanik aalaakkaanngitsunik sallunaveeqqusiussinermut uppernarsaa-siussaa akiitsut piunerannut immi uppernarsaataanngilaq. Taanna akiitsut piune-

rannut uppernarsaataassappat tamanna taarsigassarsisitsineq pillugu immikkut isumaqatigiissutikkut aalajangiinikkulluunniit imaluunniit pigisamik sallunaveeqqusius-sineq pillugu isumaqatigiissutikkut aalajangiinikkulluunniit uppernarsarneqartaria-qarpoq.

Aammattaaq malugaara pigisamik sallunaveeqqusiusineq pillugu uppernarsaat taanna 25. februar 1991-imi atsiorneqarsimasoq.

Akiitsut piunerat pillugu immikkut uppernarsaasiinissaq pisariaqarsinnaavoq, kommunip pisassarisaasa pisoqalisoornissaannut killissaliussap naatsorsorneqarnissaa eqqarsaatigalugu. Kommunip pisassarisaasa ukiut tallimat qaangiunneranni pisoqalisuunginnissaannut, tak. pisoqalisoortarneq pillugu inatsimmi § 1, imm. 1, nr. 1, ltr. a imaluunniit ltr. b, manna tunngaviuvoq, tassalu akiitsut taarsigassarsianik pissuteqartut pigisallu aningaasanik nalillit sallunaveeqqusiunneqartut kommunimit pisiarineqarsimanninnerat tamatumalu kingornatigut sallunaveeqqusiisumut tunniunneqarsi-manninnerat kommunip uppernarsarsinnaassagaa.

Taamaattumik inassuteqaatigaara inuussutissarsiutinut taarsigassarsiat pineqartut tunniunneqarnerannut tunngaviusoq pillugu uppernarsaat kommunip uannut nassiu-tissagaa."

Pisortat pinngitsaaliissutaasumik ilanngaassisinnaatitaaneranni killilersuutit pil-lugit imaattunik oqaaseqaateqarpunga:

"Oqaatigaara pisortani oqartussaasut pinngitsaaliinikkut ilanngaassinissamut periar-fissaat aallaavimmikkut inatsisini malittarisassanik tunngaveqanngimmata, pigisalli pillugit inatsiseqartitsineq tunngavinnik nalinginnaasunik inatsiseqartitsinikkullu pe-riaatsimik tunngaveqarlutik.

Taamaalilluni kommunip illua'tungaatigut pisassarisaasa ilanngaassinermut tunnga-viusinnaassagunik nalorninartoqannginnissaat kommunip qulakkiissavaa.

Ineqarnermut tapiissutitigut amerlanaarlugit tunniunneqarsimasut utertillugit akiler-neqartutigut pisassarisanut atatillugu kommunip qulakkiissavaa utertillugit akilerne-qartutigut pisassarisat utertitsilluni akiliinissamik piumasaqaatinut ingerlatsinermi oqartussaasunut atuuttunut tunngaviusunik eqqortitsisuunersut. Aningaasat pineqar-tut attartortitsisumut (A-mut) tunniunneqarsimanerat ataqatigiinneqarnermi tassani pingaaruteqanngilaq, tassami attartortitsisumut tunniussineq inissiani attartortittak-kani ineqarnermut tapiissutit pillugit Inatsisartut peqqussutaanni nr. 3-mi, 31. maj 2001-imeersumi § 11, imm. 2-mi oqaaseqatigiit kingulliit toqqaannartumik nassata-rimmassuk.

Piumasaqaataavoq utertitsilluni akiliisoqarnissaa aningaasanik tiguisup piaaralu-neernani piaaraluneerluniluunniit tiguisisimanagera pillugu uungaaraannaq isigalugu naliliineq tunngaviginagu pissasoq, kommunilli tamatumani manna aamma isummer-

figissagaa, tassalu kommuni imaluunniit aningaasanik tiguisoq kukkunikkut tunnius-sinermi annaaneqarsinnaasunik nammattuunissaminut qaninnerpaanersoq.

Kommunip suliamik paasissutissartalersuinissaminut pisussaaffeqarnerata aamma nassataraa utertitsilluni akiliisitsiniarnerup ingerlatsineq pillugu inatsiseqartitsiner-mi malittarisassanit mattunneqarsimanginnera kommunip qulakkiissagaa.

Utertitseqqusineq ingerlatsineq pillugu inatsiseqartitsineq tunngavigalugu itigartin-neqartariaqartoq ilimagissallugu tunngavissaqarpat aningaasat amerlanaarlugit tun-niunneqarsimasut kommunip ilanngaassinikkut akilersinniarsinnaanngilai, utertitsi-niarneq pigisat pillugit inatsiseqartitsineq tunngavigalugu pisinnaanngippat, ta-mannalu kukkusumik tunniunneqartut annertoorujussuit pineqartillugit atorneqara-juttartussaavoq.

Utertitseqqusineq pigisat pillugit inatsiseqartitsineq tunngavigalugu nalorninartorta-qarpat (pingaartumik aningaasanik tiguisoq piaaraluneersimatinnagu) kommunip ilanngaassineq pisassarisanut taakkununnga aamma atorsinnaanngilaa.

Taamaattumik inassuteqaatigaara A-p utertitsilluni akileeqquneqarneranik misissui-simanerminut uppernarsaatit uannut nassitutissagai, imaluunniit tassunga taarsiullu-gu kommunip akiliisitsiniarnermik suliaq suliareqqissagaa."

AEB-mut akiitsunik eqqartuussisoqariinngitsoq pinngitsaaliilluni akiliisitsiniar-nissamut inatsisitigut tunngavissaqannginneq pillugu imaattunik oqaaseqaateqar-punga:

"... kommuni inuussutissarsiutitigut ilinniagarnermut sulisitsisut akiliutaannik eqqar-tuussisoqariinngitsoq inuussutissarsiutitigut ilinniagaqarnermut sulisitsisut akiliutaat pillugit Inatsisartut inatsisaat tunngavigalugu akiliisitsiniarnissaminut tunngavissa-qanngitsoq.

Taamaattumik naatsorsuutigaara pinngitsaaliilluni akiliisitsiniarnissamut periarfis-samik kommunip A-mut paasissutissiissutaa kukkunermik tunngaveqartoq, pisassari-sallu taamaattut kommunip pinngitsaaliinikkut akilersinniarsimannikkai."

Meeqqanut akilersuutunik siumoortumik tunniussigallarnissamut aamma kingu-sinnerusukkut pinngitsaaliilluni akiliisitsiniarnissamut inatsisitigut tunngavigi-saq pillugu imaattunik oqaaseqaateqarpunga:

"Kommunip meeqqanut akilersuutunik tunniussinissaanut aamma meeqqanut akiler-suutit tunniunneqarsimasunut akiliutinik akiliisitsiniarnissaanut inatsisitigut tun-ngaviusoq immikkut ittuvoq, tassa meeqqanut akilersuutit il.il. kiisalu meeravissiar-taarnermi tapiissutit pillugit Inatsisartut peqqussutaat nr. 2, 3. marts 1994-imeersoq,

3. Apeqqutit ingerlatsineq pillugu inatsiseqartitsinermit tunngasut pillugit ataatsimoortumik

Inatsisartut peqqussutaatigut nr. 3-kkut, 12. juni 1995-imeersukkut allannngortinneqarsimasoq.

Inatsisartut peqqussutaanni tassani § 4, imm. 2-mit erserpoq kommuni taamaallaat meeqqanut akilersuutit nalinginnaasunik tunniussinissaminut inatsisitigut tunngavissaqartoq.

Inatsisartut peqqussutaanni tassani § 17, imm. 1-ikkut aalajangersarneqarpoq kommunip meeqqanut akilersuutit tunniukkunigit akilersuisussaataaasoq meeqqanut akilersuutit tunniunneqarsimasunik akiliisinniarsinnaalissagaa.

Inatsisartut peqqussutaanni tassani § 19, imm. 1-ikkut, tak. eqqartuussisarneq pillugu inatsimmi kapitali 7, § 1, imm. 2, nr. 4 aamma nr. 5, aalajangersarneqarpoq kommunip meeqqanut akilersuutitigut tunniunneqarsimasutigut pisassarisai eqqartuussisogariinngikkaluartoq naammassinninniarfigineqarsinnaasut.

Inuit ataasiakkaat pillugit inatsiseqartitsineq tunngavigalugu meeqqanut akilersuutit akuliulluni akiliinissamut periarfissaq aamma aningaasanik eqqartuussisogariinngikkaluartoq pinngitsaaliilluni akiliisitsiniarsinnaatitaaneq inatsisitigut qularnaatsumik tunngavissaqartariaqarput.

Meeqqanut akilersuutit il.il. kiisalu meeravissiarterni tapiissutit tunniunneqartarneri pillugit Inatsisartut peqqussutaanni kommunip meeqqanut akilersuutit tunniunneqarsimasunik akiliisitsiniarsinnaalernera aamma akiliisitsiniarneq pillugit aalajangersakkat taaneqartut kommunip meeqqanut akilersuutit siumoortumik tunniussinissaminut inatsisitigut tunngavissaqarani tunniussimasaanit pisassarisanik akiliisitsiniarsinnaaneraniq ilimaginninnissamut tunngavissiinngillat.

Ombudsmanditut sulianni (uanga j. normora 11.10.10.12/054-01) kommunip akissumini 30. maj 2006-imeersumi innersuussutigisaani Akileraartarnermi Pisortaqaarfik apeqqutini akiliisitsiniarnermit tunngasuni allaffissornikkut qitiusumik aqutsisutut suliaasaqarfimmuq oqartussaasumut saaffiginnippunga.

Akileraartarnermi Pisortaqaarfiup kaajallaasitatut allakkiaq akiliisitsiniartarfinnut tamanut 19. december 2005-imi nassiuppaa, tassanilu ilaatigut imaattunik allassimasogarpoq:

"Ombudsmandip erseqqissarpaa, nuliaasup angerlarsimaffittut kommunia akilersuutit nalinginnaasunik siumoortumik akiliussisinnaasooq, takuuk meeqqanut akilersuutit pillugit inatsisartut peqqussutaanni § 4. Akerlianilli akilersuutit qaffatanik (siumoortumik imaluunniit allatigut) akiliussinissamut peqqussummi inatsisitigut tunngavissaqanngilaq.

Peqqussummi taaneqartumi §§ 17 aamma 19-imi akilersuutit siumoortumik pinngitsaaliilluni akiliisitsiniartarnerit pineqartut imatut paasisariaqarput, kommuni peqqussut malillugu siumoortumik akiliussinissaminut tunngavissaqartoq. Imatut paasillugu, nalinginnaasumik akilersuutit siumoortumik tunniunneqartussat kisimik kommunimit akiliisitsiniartumit pinngitsaaliissummik akilersinniarneqarsinnaasut. Inatsisartut peqqussutaanni inatsisitigut tunngavigineqartut qaangerlugit pisassaqaartumut kommunip tunniussasaanik kommuni tunniusserusussappat, kommunip piumasaqaatini eqqartuussivitsigut aalajangertinniarsinnaa-

vai tamatumalu kingornatigut eqqartuussivitsigut pinngitsaaliilluni akiliisitsiniartarnerit pillugit retsplejelovip malittarisassai malillugit aningaasat akilersinniarsinnaallugit.

Tamakku tunngavigalugit Akileraartarnermi Pisortaqarfiup akiliisitsiniartarfiit qinnuigissavai qulaani taaneqartut maluginiaqqullugit."

Tamanna tunngavigalugu inassuteqaatigaara kommuni meeqqanut akilersuutit nalinginnaasut saniatigut meeqqanut akilersuutinik siunissami tunniussisarunnaassasoq, kommunillu suliami matumani sulianilu allani meeqqanut akilersuutit annertusisat siumoortumik tunniunneqareersimasut eqqartuussisoqareertinnagu pinngitsaaliilluni akilersinniartassannikkai."

Ilinniartut ineqarfianni ineqarnermut akiitsunik akiliisitsiniarneq pillugu imaattunik oqaaseqaateqarpunga:

Ilinniartut ineqarfianni ineqarnermut akiliutit kommunip ineqartumit pinngitsaaliilluni akilersinniagai ilinniagaqarnermut tapiissutit (stipendium) tamarmiusut ilaattut ilaatinneqanngitsut naatsorsuutigaara, tassami ineqarnermut akiliutit eqqartuussisarneq pillugu inatsimmi kapitali 7, § 1, imm. 2-mi oqaaseqaatigiit aappaat tunngavigalugit pinngitsaaliilluni akilersinniarneqassappata ilinniagaqartup akeqanngitsumik ineqartitaannginnera, akiliisussaataitanerup ilinniagaqartumiinnera ineqarnermullu akiliutit aalajangersimasumik amerlassusiligaasimanissaat piumasagaataammat."

Eqqartuussisarneq pillugu inatsimmi kapitali 7, § 1, imm. 2-mi oqaaseqaatigiit aappaanni "ininik" oqarnerup qanoq paasineqarnissaa pillugu imaattunik oqaaseqaateqarpunga:

"Kommunimut allakkanni 24. oktober 2006-imeersuni oqaatigineqartutut eqqartuussisarneq pillugu inatsisip piareersarneqarnerani sulianit kommunip innersuussutigisaa-nit erserpoq taaguut "inissaq" "inissiaq"-tut paasineqassasoq. Folketingstidende 1982-1983, tillæg A, sp. 699 innersuussutigaaara.

Aalajangersakkap pineqartup taassuma oqaasertai taamaattut qanoq paasinninnissamik nassuiaanermut aamma assortuuttuunngillat.

Taamaalilluni kommunip pisassarisaminik eqqartuussisoqariinngikkaluartoq eqqartuussisarneq pillugu inatsimmi kapitali 7, § 1, imm. 2, nr. 2 tunngavigalugu pinngit-

saaliilluni akiliisitsiniarsinnaanerani aalajangiisuunnigilaq attartorneqartoq quiuner-soq containeriunersorluunniit.

Aalajangiisuusorli tassaavoq attartorneqartoq inissiatut siunertaqartumik atorneqas-sanersoq.

Quinik containerinillu inunnut inissiaannngitsutut attartortinneqartunut attartornermut akiliutit taamaalillutik eqqartuussisarneq pillugu inatsimmi aalajangersagaq taane-qartoq tunngavigalugu pinngitsaaliilluni akilersinniarneqarsinnaanngillat.

Taamaattumik inassuteqaatigaara kommunip pisassarisanik taamaattunik qularna-veeqqutitut arsaarinninnikkut akissarsianilluunniit unerartitsinikkut pinngitsaaliilluni akiliisitsiniartassanngitsoq."

Akileraarutitut akiitsunik akiitsunut allanut unammillertutut akiliisitsiniarneq pillugu imaattunik oqaaseqaateqarpunga:

"Unerartitsiseqqusissutip imarisamini akiligassiissutitigut pisassarisanik ilaqarnera kukkunerusoq kommuni oqarmat isumaqatigaara, pisassarisalli taakku akissarsianit unerartitsinikkut akilersinniarneqarsimanngitsut kommunip paasissutissiissutigimma-gu tamatumunnga atatillugu annertunerusumik iliuuseqaqqissanngilanga.

Unerartitseqqusissut aamma eqqarsaatigalugu oqaatigaara pisumi eqqartuussisarneq pillugu inatsit aamma Kalaallit Nunaanni akileraartarneq pillugu inatsit tunngaviga-lugit unerartitsisoqassatillugu eqqartuussisarneq pillugu inatsimmi kapitali 7, § 12, imm. 2-kkut aalajangersarneqarmat, tak. inatsisissatut siunnersuummi aalajangersa-gaq taanna pillugu oqaaseqaatit (Folketingstidende 1982-1983, tillæg A, sp. 703) aki-leraarutitigut pisassarisanit pisassarisanut allanut sanilliullutik salliutinneqartassasut.

Taamaattumik kommuni isumaqatigaara oqarmat "akissarsianit unerartitseqqusis-summi akileraarutitigut pisassarisanut 30 pct.-inik akiitsunullu allanut naammassin-ninniarfigineqarsinnaalersimasunut 3 1/3 pct.-inik unerartitseqqusisoqarnissaa aala-jangersarneqarsinnaavoq."

3-11 Sulianik akiliisitsiniarnermut tunngasunik misissuineq - pigisanik aalaak-kaasunik qularnaveeqqutitut arsaarinnittarneq, akiitsoqartup suliani akilii-sitsiniarnermut tunngasuni peqataanera (j.nr. 11.73.88.73/051-05)

Kommunimi sulianik akiliisitsiniarnermut tunngasunik misissuininnut atatillugu akiliisitsiniarnermi oqartussaasumik apeqqut pillugu ilaatigut imaattunik oqaase-qaateqarpunga:

"Pigisanik aalaakkaasunik qularnaveeqqutitut arsaarinninneq

Pinngitsaaliilluni akiliisitsiniartartup pigisanik aalaakkaasunik qularnaveeqqutitut arsaarinninnissamut inatsisitigut tunngavigisaanik apeqqut pillugu oqaatigaara

eqqartuussisarneq pillugu inatsimmi kapitali 7, § 6, imm. 2-kkut imaattunik aalajangersaasoqartoq:

"Eqqartuussutininik naammassisitsiniartartup ...

1) ...

2) ...

3) pigisat uninngavissut pinngitsaaliinikkut tuniniarneqarnissaat siunertaralugu arsaarin-nissutigisinnaavai,

..."

Pinngitsaaliilluni tuniniaanissaq siunertaralugu pigisanik aalaakkaasunik qularnaveeqqutitut arsaarinnittarneq pillugu aalajangersagaq Kalaallit Nunaanni eqqartuussisarneq pillugu inatsisip allannguutaa pillugu inatsimmi nr. 157-imi, 6. april 1978-imeersumi ikkunneqaqqaarsimavoq. Inatsisissatut siunnersuummi aalajangersagaq taanna pillugu oqaaseqaatinit (Folketingstidende 1977-1978, Tillæg A, sp. 3405 tullialu) ersepoq inatsisip allanngortinneqarneratigut siunertarinearqartoq tassaasoq Kalaallit Nunaanni pinngitsaaliilluni tuniniaasarnermut inatsisikkut tunngavissamik atulersitsineq, tamatumalu saniatigut siunertarinearqartoq akiitsoqartut naafferartumik akilersuinerminnik aallussillutik eqqortitsisut illersorneqarnissaat, eqqartuussisarneq pillugu Danmarkimi inatsimmi § 525, imm- 2-p aamma imm. 3-p pissuseqataannik.

Pinngitsaaliilluni akiliisitsiniartartup qularnaveeqqutitut arsaarinnissutiginearqartoq pinngitsaaliissummik tuniniagassanngortinnagu qularnaveeqqutitut arsaarinnissinnaanera imaaliiallaannaq nalornissutigineqarsinnaavoq, akiitsoqarfigneqartup pi-sassaraisai illumi pineqartumi sallunaveeqqusiinikkut qulakkeerneqareersimappata.

Pinngitsaaliilluni akiliisitsiniartartup aqutsinikkut allaffissornermi oqartussaasuunera ingerlatsinermi oqartussaasutut allatulli inatsisitigut tunngaveqarnissamik pi-masaqaataasuni pineqartunut ilaatinneqartoq matumani pingaartillugu isiginiarpara.

Pigisamik aalaakkaasumik qularnaveeqqutitut arsaarinninnermut atatillugu inatsisitigut tunngavissaqarnissamik pi-masaqaatip taassuma naliliivigineqarnerani manna pingaartillugu isiginiartariaqarpara, tassalu pigisamik aalaakkaasumik eqqartuussisarneq pillugu inatsit tunngavigalugu arsaarinninnermi inatsisitigut tunngavissaq pilersinneqarsimasoq pigisap qularnaveeqqutitut arsaarinnissutigineqartup pinngitsaaliilluni tuniniarneqarnissaa immikkut siunertaralugu.

Danmarkimi Højesteretsip periaasiatigut erseqqissarneqarpoq pigisat nalillit qaavati-gut qaffassaataasinnaasunik qularnaveeqqutitut arsaarinnittoqarsinnaasoq, qularnaveeqqutitut arsaarinnissutigineqartup pinngitsaaliilluni akitsorterussinermi allanut tunineqarsinnaanera apeqqutaatinnagu. Højesteretsip eqqartuussutaa UfR 1995-imi quppernemi 500-imi tullianilu naqinneqarsimasoq innersuussutigaa, tassanilu pi-sassaqaartup akiitsoqartumit pisassarisami pigisanik nalilinnik akiitsoqartup inuussu-

tissarsiutitut ingerlataata qaavatigut qaffassaataasinnaasunik qularnaveeqqutitut arsaarinninnikkut qulakkeertinniarnegarnissaat piumasagaatigissallugu pissutissaqartumik soqutigisaqartuunera Højesteretsip pingaartillugu isiginiarsimavaa.

Aammattaaq Østre Landsretsip eqqartuussummi UfR 1996-imi quppernemi 349-mi tullianilu allaaserineqartumi aalajangersarparaa pisassarisaqartoq eqqartuussutikkut pisassarisaminik taperserneqartoq Savalimmiuni oqaluffiup qularnaveeqqutitut arsaarinnissutaasinnaanera pissutissaqartumik soqutigisarigaa, oqaluffiup taassuma pinngitsaaliinikkut akitsorterussassanngortinneqarsinnaanera apeqqutaatinnaagu.

Apeqqut qulaajarneqarsimannigitsutut tamanna tunngavigalugu isigisariaqarpara, taamaattumillu inassuteqaatigalugu (...) qularnaveeqqutitut arsaarinnissutigineqartoq pinngitsaaliissummik tuniniarneqassanngitsaq aalajangiusimaneqarpat suliaq qularnaveeqqutitut arsaarinninnermut tunngasooq kommunip suliareqqissagaa, apeqqutit taassuma eqqartuussivimmu (kredsret) suliassanngortinneqarnissaa siunertaralugu, tak. eqqartuussisarneq pillugu inatsimmi kapitali 7, § 22.

Kommunimi sulianik akiliisitsiniarnermut tunngasunik misissuina pillugu ataatsimut oqaaseqaatinni, tak. kommunimut allakkakka 1. maj 2006-imeersut 11.73.88.73/053-05-imik j. normoqartut, qularnaveeqqutitut arsaarinninnerup, qularnaveeqqutitut arsaarinninneq eqqartuussivikkut piffissaagallartillugu iliuuseqartoqarpat, pisoqalisoorsinnaanermik kipititsisutut sunniuteqarnera pillugu nassuiaateqarsimanera aamma innersuussutigaa. Suliami apeqqut taanna ataatsimut oqaaseqaatinni erseqqinnerusumik isummerfiginiarpara."

Akiitsoqartup suliami akiliisitsiniarnermut tunngasumi peqataanera

"Pinngitsaaliilluni akiliisitsiniarneq sioqqullugu kommunip akiitsoqartumut ilisimatitsinngitsoorsinnaanera eqqarsaatigalugu oqaatigaara pinngitsaaliilluni akiliisitsiniartartoq eqqartuussisarneq pillugu inatsimmi pisussaatinneqarpoq pinngitsaaliilluni naammassinninniarnaq sioqqullugu suliaq paasissutissartalersorniarlugu erseqqinnerusumik taaneqartunik iliuuseqarnissaminut.

Eqqartuussisarneq pillugu inatsimmi kapitali 7, § 8, imm. 1-imit erserpoq:

"Akiligassalik aningaasanik illup pigisakitsup taassumalu inoqutaasa pissakilliorlutik inuussutissaqarnissaasa napatinnissaannut pisariaqarsorineqartunik arsaarneqartariaqanngilaq."

Kapitali 7, § 21, imm. 3-mit aamma erserpoq:

"Akiligassalik pisinnaatitaavoq pigisat arsaarinnissutigeqqusami takutinnissaannut. Akiligassallip pigisat arsaarinnissutissatut atorsinnaasut takutinngippagit eqqartuussutininik naammassitsitsiniartartoq misissuisinnaavoq akiligassallip illuani inuttaaniluunmit pigisatinik taamaattunik peqarnersoq."

Eqqartuussisarneq pillugu inatsimmi kapitali 7, § 22 imaattunik oqaasertaqarpoq:

"Pinngitsaaliinikkut naammassinninnissamut imaaliinnarlugu tunuartinneqarsinnaanngitsumut suliasami peqataasut arlaat inulluunniit alla akerliliippat eqqartuussutinilluunniit naammassitsiniartartoq isumaqaruni pinngitsaaliinikkut naammassinninnissamut tunngaviusooq tamatuma suliarinissaanut nangaasoortaaqsumik qularnaateqartoq piumasarineqartoq itigartissavaa tamannalu kredsretsimut suliasanngortillugu. Suliassaq taanna kapitali 3-mi maleruaqqusat malillugit suliarineqassaaq."

Uanga paasinninnera unaavoq malittarisassanik taakkuningga malinninnermi manna nalinginnaasumik tunngaviussasooq, tassalu akiitsoqartoq pinngitsaaliilluni akiliisitsiniarnermi najuunnissaminut periarfissaqarsimassasooq imaluunniit pinngitsaaliilluni naammassinninniartooqannginnerani pinngitsaaliilluni naammassinninniassamaarneq pillugu tusarniaavigineqarsimassasooq.

Eqqartuussisarneq pillugu inatsimmi kapitali, 7, § 21, imm. 2 aammattaaq akiitsoqartup suliamik paasissutissartalersuinnermi peqataaqullugu pinngitsaaliilluni akiliisitsiniartartup peqqusissuteqarsinnaaneranut, paasissutissiisussaatitaanerullu taassuma akiitsullip pinngitsaaliilluni akiliisitsiniarnermut aggeqquneqarneratigut pinngitsaaliissutigineqarsinnaaneranut tunngavissaliivoq.

Eqqartuussisarneq pillugu inatsit suliap paasissutissartalersornera pillugu malittarisassat pinngitsaaliilluni akiliisitsiniartartumit malinngitsoorneqarsinnaanerata pillugu malittarisassanik imaqaanngilaq, taamaattumillu uanga paasinninnera unaavoq pinngitsaaliilluni akiliisitsiniartartoq akiitsoqartumik eqqartuussisarneq pillugu inatsit tunngavigalugu ilisimatitsinngitsoorsinnaanngitsoq akiitsoqartumilluunniit aggeqqusinnngitsoorsinnaanngitsoq.

Kommunili matumani isumaqatigaara, tassalu akiitsoqartup siumut ilisimatinneqarnera pinngitsaaliilluni naammassinninniarnep siunertaa eqqarsaatigalugu pisut ilaanni naleqqutinngitsuusinnaasooq, akiitsoqartup pisumi tassani pigisanik qularnaveeqqutitut arsaarinnissutigineqarsinnaasunik toqqorterinissaa tuniniaanissaaluunniit tunngavissaqartumik pasitsaanneqarpat.

Taamaattumik kommunip akiitsoqartoq siumut ilisimateqqaarnagu qularnaveeqqutitut arsaarinninnerata inatsisinik eqqortitsisuuneranik apeqqut uanga paasinninnera malillugu tamatuma kingornatigut ingerlatsineq pillugu inatsiseqartitsinermi malittarisassat nalinginnaasut, eqqartuussisarneq pillugu inatsimmi allatut ittumik aalajangersaasoqarsimannippat pinngitsaaliilluni akiliisitsiniartartumut aamma atuuttut, aallaavigalugit aalajangiivigineqartariaqarpoq.

Taamaalilluni pinngitsaaliilluni akiliisitsiniartartup pinngitsaaliilluni naammassinninniarnep ingerlanneqarnissaa eqqarsaatigalugu suliamik paasissutissartalersuineq killilersinnaaneraa apeqqutaavoq.

Apeqqulli taanna naaggamik akineqarsinnaavoq, tassami suliap aalajangiiviginiarneqarnerani isiginiagassat oqartussaasup suliamik paasissutissartalersuinnissamut pi-sussaaffeqarneranik ingerlatsineq pillugu inatsiseqartitsinermi malittarisassat nali-

3. Apeqquitit ingerlatsineq pillugu inatsiseqartitsinermit tunngasut pillugit ataatsimoortumik

nginnaasut saneqqunneqarnissaannut aallaavittut inatsisitigut tunngavissaliisinnaannimmata.

Taamaalilluni akiitsoqartup suliamik paasissutissartalersuinermit peqataaqqullugu pinngitsaaliilluni akiliisitsiniartartumit piumasaqarfigineqarsinnaanerata pinngitsaaliilluni akiliisitsiniartartoq suliamik paasissutissartalersuinissamut pisussaaffiianngilaa, paasissutissartalersueriaaseq taanna suliami pineqartumi naleqquttuunngippat.

Taamaattoqarpas paasissutissartalersueriaatsit allaasut pinngitsaaliilluni akiliisitsiniartartup atortariaqarpai, matumani kommunip ilaani allani oqartussaasuniluunniit allani paasissutissanik pissarsiniarneq ilanngullugu eqqaarsaatigalugu, pissutsinik eqqartuussisarneq pillugu inatsimmi aalajangersakkat issuarneqartut malillugit pinngitsaaliilluni naammassinninniarsinnaanermik mattussisunik atuuttoqarsinnaanera qulaajarniarlugu.

Pinngitsaaliilluni akiliisitsiniartartoq paasissutissanik pinngitsaaliilluni naammassinniniarnermut tunngavittut ilaasussatut akiitsoqartup naatsorsuutigisinnaanngisaanik pissarsiniaruni suliami illua'tungiusup isumaanik tusarniaasarneq pillugu malittarissat suliassat suliarineqartarnerat pillugu inatsimmi aalajangersarneqartut eqqortissavai.

Suliassat suliarineqartarnerat pillugu inatsimmi § 19 imaattunik oqaasertaqarpoq:

"§ 19. Suliassami (illuatungiulluni) peqataasoq paasissutissanik aalajangersimasunik suliassami pisimasuinnut tunngasunik oqartussaasut pigisaqarnerannik ilisimasaqarsorinannippat aalajangiisoqassanngilaq peqataasoq taanna paasissutissanik tamakkuninnga oqartussaasunit ilisimatinneqartinnagu oqaaseqaateqarnissaanullu periarfissinneqartinnagu. Aalajangersagarli taanna aatsaat atortuussaaq paasissutissat peqataasumut tassunga iluaqutaasussaassanngippata suliallu aalajangiiffiginissaanut annertuumik pingaarteqarpata. Oqartussaasut oqaaseqaateqarnissamut taaneqartumut piffissamik killiliisinnaapput.

Imm. 2. Imm. 1-imi aalajangersagaq atortuussanngilaq

1) paasissutissat pissuserisaat suliassallu suussusia naapertorlugit tigumiarikkat tunngavigalugit suliami aalajangiinissaq nangaanartutut isumaqarfiginannippat,

2) kinguartitsineq kinguneqassappat suliassap aalajangiiffiginissaanut inatsisitigut killiliussap qaangerneqarneranik,

3) peqataasup taassuma suliassap aalajangiiffigineqarnissaata kinguartinneqarnissaanik soqutiginninnera pisortat inuinnaalluunniit soqutigisaat taamatut kinguartitsinikkut ajoquserneqartussat pissutiginerullugit minnerutittariaqartutut isumaqarfiginarpas.

4) kapitali 4-mi maleruagassiat malillugit peqataasoq taanna paasissutissanik suliassamut tunngasunik tamakkuninnga ilisimatinneqarnissamut pisussaannippat,

5) paasissutissanik peqataasumut saqqummiussineq annertuunik ajornartorsiutissartaqasaaq, matumani aalajangernermi inuppassuit peqataasutut inissisimasut ilaatinneqartussaanerat pissutigalugu, imaluunniit

6) inatsisitigut immikkut ittunik aalajangersagaqarpat peqataasup aalajangiineq pitinnagu aalajangiinissamut eqqarsaatigineqartumut tunngaviusunik ilisimatinneqarnissaanut pisussaalersitsisunik.

Imm. 3. Naalakkersuisut maleruagassaliorsinnaapput suliassaqarfiit erseqqinnerusumik taaneqartut, imm. 2, nr. 2-mi imaluunniit 5-imi aalajangersakkat nalinginnaasumik ator-tuuffigisassaat, imm. 1 -imi aalajangersakkami pineqartunut ilaatinneqartussaannginne-rannik."

Taamaattumik pinngitsaaliilluni akiliisitsiniartartoq akiitsoqartumik ilisimatitseqqaarnani qularnaveeqqutitut aatsaat arsaarinnissinnaavoq, suliassat suliarineqartarnerat pillugu inatsimmi § 19, imm. 1 imaluunniit imm. 3 eqqortinneqarsimappata.

Uanga paasinneqqaarnera unaavoq § 19, imm. 1, nr. 3-mi atuutsitsinnnginnissamik aalajangersagaq atorneqarsinnaassasoq, paasissutissanik erseqqissunik akiitsoqartup siumut ilisimatinneqarneratigut akiliisitsiniarnissamut periarfissat ajorseriarsinnaanerannik ikorfartuisuusunik kommuni pigisaqarpat.

(...)

Uanga paasinninnera unaavoq ingerlatsiviup sulinerani inatsisitigut tunngaveqarnis-saq pillugu nalinginnaasumik piumasaqaatip manna nassatarigaa, tassalu innuttaasup pisinnaatitaaffimminik inatsisikkut aalajangersagaasumik atuinissaanut piffissaliussanik ingerlatsivik inatsisikkut tunngavissaqarani aalajangersaasinnaanngitsoq.

Innuttaasup pinngitsaaliilluni naammassinninniarnermut akerliliissummik saqqummiussinissamut pisinnaatitaaffeqarnera eqqartuussisarneq pillugu inatsimmi kapitali 7, § 22-kkut aalajangersarneqarpoq, tassanilu akerliliissuteqartoqassappat akerliliis-sutip qaqugukkut saqqummiunneqarnissaanik pinngitsaaliilluni akiliisitsiniartartup aalajangersaasinnaaneranut inatsisitigut tunngavissamik taasaqartoqarsimangilaq.

Isumaqarpungali [manna pingaartillugu isiginiarneqartariaqartoq, tassalu piffissaliussaq]akerliliissutissat kingusinaarlutik saqqummiunneqartut suliarineqarnissaanik [mattussisuunersoq].

Pinngitsaaliilluni akiliisitsiniartartup qularnaveeqqutitut arsaarinninnermut atatillu-gu akiitsoqartup qularnaveeqqutitut arsaarinninneq, piffissaliussap naannginnerani akerliliissuteqartoqanngippat qularnaveeqqusiissutitut arsaarinnissutigineqartup pinngitsaaliilluni tuniniarneqarnissaanik nassataqartussaq, pillugu akerliliissuteqar-sinnaaneranut piffissaliussamik aalajangersaanera isornartorsiussallugu tunngavis-saqanngilanga.

(...)

Pinngitsaaliilluni akiliisitsiniartartup aalajangiinerinut akiitsoqartup akerliliissute-qarnissaminut pisinnaatitaaffeqarnera ingerlatsineq pillugu inatsiseqartitsineq tun-

ngavigalugu inatsisunik eqqortitsisuusussaanerannut paasisutissanillu illersorneqar-sinnaasunik tunngaveqartussaanerannut ataneqarpoq.

Qularnaveeqqutitut arsaarinninnerup inatsisit unioqqutillugit ingerlanneqarneranut imaluunniit qularnaveeqqutitut arsaarinninnerup akiitsoqartup inuttulluunniit pinga-juusup pitsaanagerusumik pisinnaatitaaffianut assortuuttuuneranut uppersaait in-nuttaasup saqqummiuppagit akerliliissutip suliarineqarnissaa piffissaliussap pinngit-saaliilluni akiliisitsiniartartumit aalajangersarneqartup naanerata kingornatigut saq-qummiunneqarsimanera innersuusutigalugu pinngitsaaliilluni akiliisitsiniartartup tunuartissinnaanngilaa, (...).

Taamaattoqarpaa akerliliissut pinngitsaaliilluni akiliisitsiniartartup misissortariaqar-paa, akerliliissullu eqqortuuppat kukkunerusimasooq sapinngisamik aqqinniartaria-qarlugu."

3-12 *Sulianik akiliisitsiniarnermut tunngasunik misissuineq - suliat akiliisinnaa-junnaarnermut tunngassuteqartut, suliani qularnaveeqqutitut arsaarinnin-nermut tunngasuni sulianik uppersaasersuineq, pisortat ilanngaassinis-samut periarfissaat, akissarsianit unerartitseqqusissummut malitseqartitsi-neq pillugu apeqqut (j.nr. 11.73.88.73/052-05*

Kommunimi sulianik akiliisitsiniarnermut tunngasunik misissuinnut atatillugu akiliisitsiniarnermi oqartussaasumik apeqqut pillugu ilaatigut imaattunik oqaase-qaateqarpunga:

Kommunip sulianut akiitsoqartup akiliisinnaaajunnaartutut nalunaarutigineqartunut malitseqartitsiviginninnissamut pisussaaffeqarnera:

"... oqaatigaara akiliisinnaaajunnaarneq pillugu inatsimmi § 134, imm. 2-mit ersertoq akiitsulimmit akiliisinnaaajunnaarsimasumit pisassarisat akiliisinnaaajunnaartup pi-gisaanik agguaassinermi ilaatinneqarsinnaassappata akiliisinnaaajunnaartup naatsor-suutaasa atortussaalersillugit akuerineqannginneranni nalunaarutigineqarsimassa-sut.

Tassa imaappooq pisassarisat akiliisinnaaajunnaartup pigisaasa suliarineqarnerisa kin-gornatigut pinngitsaaliilluni akiliisitsiniartartumit akilersinniarneqartut akiitsulim-mut namminermut piumasaaqatigineqartut atortussaatinneqarnissaannut inner-suunneqartariaqartut.

Taamaattumik kommunip pisassarisaminik akiliisinnaaajunnaartut pigisaannut nalu-naarutiginninnissaminik isumaginnittarnissaa kommunip aningaasaqarnermik inger-latsivia aamma akiitsulik nammineq eqqarsaatigalugit oqimaalutaanermi annertuu-mik pingaaruteqarpoq, tassami innuttaasut manna aallaavittut naatsorsuutigisinnaa-sariaqarmassuk, tassalu pisortat akiliisinnaaajunnaartoqarneranut atatillugu pisassa-risaminnik akiliisitsiniartassasut, akiitsullillu tamatuma kingornatigut akiliisitsiniarfi-gineqartassanngitsut, pisassarisaqartunut namminersortunut pisassarisaminnik piffis-

saagallartillugu nalunaarutiginnissimasunut agguassat annertuallaarnerat pissutigalugu.

Tamanna isiginiarlugu uanga paasinninnera kommunimi suliat akiliisitsiniarnermut tunngasut, akiitsullip pigisaasa akiliisinnaajunnaarnermut atatillugu suliarineqalersimasut, akiliisinnaajunnaarsimasup pigisaanit kommunip pisassarisaasa nalunaarutigineqarsimanerannut taakkuninngalu agguassinermi ilaanissamut piumasaqaateqarsimaneranut uppersaatinik imaqtariaqartut."

Nalikillilineq isumaqatigiissutaasumik ilanngaassinermut sanilliullugu

"...imatut oqaaseqaateqarnissannut pissutissaqarlunga isumaqarlunga, tassalu akiitsut isumaqatigiissuteqarluni ilanngaassinikkut akilerneqartut kommunip nalikilliliisutigisinnaanngikkai."

Suliani qularnaveeqqutitut arsaarinninnernut tunngasuni sulianik uppersaasersuineq

"... oqaatigaara qularnaveeqqutitut arsaarinninnernik pisassarisanik pisassaqaartuumit nalunaarut qularnaveeqqutitut arsaarinninnernut pineqartumut uppersaatiitut naammangimmat, tassami akiligassaqaarfigineqartup qularnaveeqqutitut arsaarinnissutigineqartunik pisassarisaqaartumit peqquneqarnera tassaaginnarpoq pisassarisanik tigusassaqaarsimasup isumannaarinninniarluni iliuuseqarnera, tak. eqqartuusisarneq pillugu inatsimmi kapitali 7, § 7, tak. akiitsunut uppersaatiit pillugit inatsimmi § 29.

Qularnaveeqqutitut arsaarinninneq tassaavoq immini aalajangiineq immikkoortoq, pingitsaaliilluni akiliisitsiniartartup akiligassaqaartoq eqqarsaatigalugu aalajangiinera, taamaattumillu immikkut uppersaaserneqartariaqartoq."

Suliani akissarsianit unerartitsinermut tunngasuni sulianik uppersaasersuineq

"Suliat uppersaaserneqartarnissaannik piumasaqaat oqartussaasup aalajangiinginnermini suliamik uppersaasersuisarnissaannik piumasaqaataasumut ataneqarpoq, tak. 2003-mi ukiumoortumik nalunaarutinni immikkoortoq 5, suliaq 11-10-01-3-mi pingaartumik quppernernut 230-mut (kalaallisuuani) tullianullu aamma quppernernut 183-imut tullianullu (qallunaatuuani) qulaani innersuusutigat.

Suliap eqqortumik paasissutissartalersorneqarsimaneranut uppersaammik suliami peqanngippat suliami naammattumik uppersaasersugaasumik tunngaveqarluni aalajangiisoqarsimanersoq nalornissutigineqalersinnaavoq.

Suliaq oqartussaasumit uppersaasersorneqarnissaannik piumasaqaatip qanoq imaqarnissaani suliaassat suut oqartussaasup suliarissanerai apeqqutaavoq.

Taamaattumik kommunip akiliisitsiniarnermik suliaassat suliarisarpagit suliat pisassarisanik sunik kommunip akiliisitsiniarnera pillugu paasissutissanik naammattunik imaqtariaqarput.

Pisassarisat kommunip pinngitsaaliilluni akiliisitsiniarnermi oqartussaasutut pinngit-saaliilluni naammassinninniarfigisinnaasai aamma pineqarpata suliaq pisassarisat naatsorsorneqarnerat aamma pisassarisat naammassinninniarfigineqarsinnaanerat pillugu uppersaatitnik imaqartariaqarpoq.

Suliffeqarfinnut akissarsianit ilanngaasseqqusissutit eqqarsaatigalugit pineqartoq tassaavoq suliffeqarfiup pisassarisanik akissarsianit ilanngaassineq aqutigalugu akil-sinniarneqartunik pisassarisaqartuunnginnera, taamaattumillu akissarsianit ilan-gaasseqqusissutit suliffeqarfiup atorfeqartitaanut sammititaasut pillugit paasisstis-sanik kommunip sulianut suliffeqarfiit akiliisinniarneqarnerinut tunngasunut allagaa-tinik taamaattunik ilisisannginnissaminik toqqaanera isornartorsiuinissannut pissutis-saqalersitsinngilaq.

Akissarsianilli ilanngaasseqqusissut malinneqanngippat suliffeqarfik taarsiissuteqar-nissamut akisussaasunngortinneqassaaq, tak. eqqartuussisarneq pillugu inatsimmi ka-pitali 7, § 14.

Taarsiissutisatigut pisassarisat eqqartuussisoqariinngikkaluartoq akilersinniarne-qarsinnaammata, tak. eqqartuussisarneq pillugu inatsimmi kapitali 7, § 1, imm. 2, nr. 6, akissarsianit ilanngaasseqqusissut malinneqanngippat kommuni suliffeqarfimmit taarsiivigeqqulluni piumasaqaateqassanersoq kommuni aalajangiissaaq.

Tamatuma nassataraa kommunip pisumi taamaattumi matuminnga isumaginneqqaar-tariaqarnera, tassalu suliaq suliffeqarfiup akiliisitsiniartarfikkut akiliisinniarneqar-neranut tunngasoq taarsiissuteqartoqarnissaanik piumasaaateqartoqarnissaa pillugu aalajangiinermik imaqassasoq. Aalajangiineq taanna akiliisitsiniartarfimmi nammi-nermi pisimappat taarsiissuteqartoqarnissaanik piumasaqaateqarnissamik aalaja-ngiinnermut tunngaviusoq pillugu uppersaat suliami allagaatinut ilaasariaqarpoq, tamatumani aalajangiinerup saniatigut akissarsianit ilanngaasseqqusissutip aamma suliffeqarfiup suliami illua'tungiusutut tusarniaavigineqarnerani allakkat ilaanissaat annikinnerpaatut piumasaqaataavoq.

(...)

Aamma oqaatigaara akiitsoqartunik allanngortitsinermik oqarneq uanga paasinnin-nera malillugu tamakkiisumik matussutissiisuunngitsoq, tassami akissarsianit une-rartitseqqusissutit suliffeqarfimmit malinneqannginnera pissutigalugu suliffeqarfiup taarsiissuteqarnissamut akisussaasunngortinneqarnerata akiitsuminik akissarsianit unerartitseqqusissummi pineqartunik akiitsullip akiliinissaanut pisussaaffianngim-magu.

Taamaattumik kommunip sulisisoq eqqartuussisarneq pillugu inatsimmi kapitali 7, § 14 tunngavigalugu taarsiissuteqaaqqusinnaassappagu sulisisup taamatut sumigin-naaneratigut annaasaqarsimanerminik kommunip oqaatiginnissimanissaa piumasa-qaataasussaavoq.

Taamaattumillu taarsiissuteqarnissamut piumasaqaatit atortuutinniarneqalinnginne-rani kommunip manna qulakkeeqqaartariaqarpaa, tassalu akiitsut akilerneqarsi-mannigitsut imaluunniit akilersorneqalersimasut."

Pisortat ilanngaassinissamik nalunaarutaannut piumasaqaatit

"Kommunip (...) akiliisitsiniarnermut nalunaarutitut assersuut kommunip akissumminut 30. maj 2006-imeersumut ilanngullugu nassiuppaa.

Assersuut taanna uanga paasinninnera malillugu ilanngaassinermik nalunaarutitut amigartumik erseqqissagaavoq, tassa kommunip pisassarisaani pisassarisat assigiinningsut arlallit katillutik akiitsunit kommunip ilanngaassinikkut akilersitaanit amerlanerusut pineqarpata.

Kommunip pisassarisai pisassarisanit pingaarnernit amerlaneruppata kommunip ilanngaassinermik nalunaarutaa kommunip assersuutitut ilanngullugu nassiusaatut imaqartoq ilanngaassinermut tunngasumi suliami illua'tungiusumut allamut kommunip pisassarisaasa sorliit ilanngaassinikkut akilerneqarsimanerannik sukumiisumik nalunaarutaanaviangilaq.

Pisumi tassani manna qularnartuusussaavoq, tassalu kommuni pisassarisanik ilanngaassinerup nalaani piusunit amerlanerusunik eqqartuussisoqariinngitsoq pinngitsaaliilluni akiliisitsiniarnissaminut tunngavissaqarnersoq, ilanngaassineq pinngitsaaliilluni akiliisitsiniarneq sioqqullugu erseqqissarneqarsimanngippat. Pisumi tassani pingaarnerusutut pisassarisanik pisassarisaqartup pisassarisat sorliit ilanngaassinikkut matussuserneqassanersut aalajangersinnaasussaavaa.

Ilanngaassinissamik nalunaarut erseqqarluttoq ingerlatsinermi ileqqorissaarnermut aamma assortuuttuusussaavoq, pisassarisanimmi tigusisusaaq pisassarisat taakku ilumut akilerneqartussanngorsimanerannik misissuinissaminut taamaaliornikkut mat-tunneqartussaammat."

Paasissutissamik pisariaqanngitsunik sulianut ikioraasarneq:

"... suliat allagaatinik pisariaqanngitsunik ilioraavigineqartannginnissaat ingerlatsinermi ileqqorissaarnerup nassatarigaa, taamaattumillu inassuteqaatigaara paasissutissat sorliit suliamik suliarinninnermut erseqqissumik pingaaruteqartut suliani allagaatinut ilanngunneqartassanersut kommunip peqqissaartumik nalilersortassagai, paasissutissallu taamaattut suliami allagaatinut suna siunertarlugu ilanngunneqarnerat suliani pisariaqarnera naapertorlugu nalunaarsortassagaa."

Sulianik akiligassiissuterpasuarnik imalinnik nutarterisarneq

"... taamaattorli manna inassuteqaatigalugu, tassalu suliani amerlaqisunik akiligassiissuteqarfusimasuni suliap akiliisitsiniarnermut tunngasup suliffeqarfiup suliffiulluunniit massakut kommunimut akiligassaa ingerlaavartumik naatsorsorneqarnerinik imaqartarnissaa kommunip isumagisassagaa."

Pisortat ilanngaassinissamut periarfissaat

"Inatsisilerineq pillugu atuakkiani inatsisilerinermilu periaatsini erseqqissarneqarpoq pisortani oqartussaasut pisassarisaminnik ingerlatsineq pillugu inatsiseqartitsineq tunngavigalugu ilanngaassinikkut tigusiniarsinnaasut.

3. Apeqqutit ingerlatsineq pillugu inatsiseqartitsinermut tunngasut pillugit ataatsimoortumik

Tamatuma saniatigut akiliisinnaajunnaarneq pillugu inatsimmi § 42-mi ilanngaassinissamut immikkut periarfissaq atuuppoq.

Tassani kalaallit qallunaallu inatsiseqartitsinikkut ataatsimut tunngaveqarnerat pineqarpoq.

Danmarkimili naalagaaffiup ilanngaassinissamut periarfissani Justitsministereqarfiup kaajallaasitaatigut nr. 186-ikkut, 22. november 1983-imeersukku killissalersorsimavai.

Kaajallaasitakkut tassuuna aalajangersarneqarpoq pisassarisat pigisat pillugit inatsiseqartitsinerup avataaneersut pisassarisanit pigisat inatsiseqartitsinerup iluaneersunit ilanngaatigissanngikkai. Killissalersuineq taanna akiliisinnaajunnaarnermi aamma akiliisinnaajunnaarnerup avataani atuuppoq, taamatuttaarlu naalagaaffiup ilanngaassinissamut periarfissaq taamaattoq isumaqatigiissutigineq ajorlugu.

Taamatut killissalersuinermit tunuliaqutaasoq ilaatigut tassaavoq naalagaaffiup isumaqatigiissuteqarnikkut illua'tungerisaasa mianerineqarnissaat ilaatigullu akilerarutitigut akitsuutitigullu pisassarisat akiliisinnaajunnaartut pigisaanni salliutillugit matussuserneqartarunnaarnerat.

Isummat tamatuma pissuseqatai Kalaallit Nunaanni aamma atuutsinneqarsinnaapput.

(...)

Isumaqarpungali pisortani oqartussaasut isumatigiissutaasimasunut tunngasuni inatsisitigut aalajangersagaanngitsumik tunngaveqarlutik ilanngaasseriaatsinik oqartussaasup ingerlatsineq pillugu inatsiseqartitsineq tunngavigalugu suliassaqarnerinnaatigut piusunik taakkuninnga atuinerannut tunngaviusumik akunnattoorutaasut ilanngunneqarsinnaasut. Tamanna ilanngaassinerup pinngitsaaliinikkut isumaqatigiissuteqarnikkulluunniit pisimanera apeqqutaatinnagu atuuppoq.

Taamaalilluni pinngitsaaliinikkut ilanngaassineq suliffeqarfiit ingerlatsinerminnik namminneq aningaasalersuinissamut periarfissaat eqqarsaatigalugit aamma suliffeqarfiup akiitsoqarfigisaasa suliffeqarfiup akiliisinnaajunnaarnerani atorunnaarsinneqarneraniluunniit naligiimmik inissisimanissaannik mianerinnineq pissutigalugu ajornartorsiutitaqarsinnaavoq. Isumaqatigiissuteqarnikkut ilanngaassineq naligiimmik isiginninnermik tunngaveqarneq aallaavigalugu aamma ajornartorsiutitaqarsinnaavoq, tassami suliffeqarfiit namminersortut nioqqtissanik kiffartuussinernillu kommunimut pilersuisuusut taamaaliornikkut akiitsortitsinissamut periarfissaqarneq namminersortut allat periarfissarinngisaat kommunimut isumaqatigiissutigisinnaasus-saammassuk.

Tamakku tunngavigalugit Kalaallit Nunaanni oqartussaasut ilanngaassinissamut periarfissaat pillugit inatsisiliornissamik pisariaqartitsineq pillugu apeqqut Inatsisartut Inatsisit Atortinneqarnerannut Ataatsimiititaliaannut Naalakkersuisunullu saqqummiuppara. Tamatumunnga atatillugu allakkama assilineri ilanngullugit nassiuppakka."

Naalackersuisunit ukiup nalunaarusiuunneqartup naanerani suli tusagaqanngilanga.

3-13 *Sulianik isumaginninnermut tunngasunik misissuineq - utertitassanngortitanik ikiorsiisissamut inatsisitigut tunngavigisag (j.nr. 11.73.88.71/053-06)*

K Kommunimi tikeraarninni suli at isumaginninnermut tunngasut arlallit misissugassanngorlugit tiguakka².

Tamatumunnga atatillugu suli at pillugit oqaaseqaatika kommunimut allakkatigut 11. juni 2006-imeersutigut nalunaarutigaakka. Kommunimut oqaaseqaatima nalunaarummi tamakkerlugit issuarnissaannut pissutissaqarnanga isumaqarpuanga.

Utertitaassanngortitanik ikiorsiisutit eqqarsaatigalugit sulianit misissugassatut tigu neqartunit erserpoq kommuni utertitaassanngortitanik ikiorsiigaangami immer-sugassamik assigiissaartunik oqaasertalersugaasumik atuisartuq. Immer-sugassami tassani taamaallaat pisortanit ikiorsiisutit pillugit Inatsisartut peqqussutaanni kapitali 3 innersuussutigineqarpoq³. Taamaalilluni inatsisitigut tunngavigisag eqqoqqissaartuq piumasaqaammut tassunga tunngaviusoq taaneqarsimanngilaq.

Pisortanit ikiorsiisutit pillugit Inatsisartut peqqussutaanni taamani atuuttumi § 10 imaattunik oqaasertaqarpoq:

"§ 10. Aammattaq isumaginninnermut ataatsimiititaq ikiorsiisutaasimasunik utertitsinissamik aalajangiisinaavoq:

- 1) Inummut aapparisaaminut qitornaminullu pilersuisussaassutsiminik sumiginnaasimasumut.
- 2) Inuk ikiorsiisutisisimasoq kingusinnerusukkut piffissamut ikiorsiiffiusimasumut naatsorsuussanik taarsiisutisisimappat, akilersuutinik pisimappat taamaangajattunilluunniit pisimappat,
- 3) Inuk aningaasanik aqutsinermigut suliffeqarnermigullu naammaginanngitsumik iliuuseqartarsimanini pissutigalugit ikiorserneqartariaqalersimappat,
- 4) Ikiorserneqarnissamik qinnuteqarnerup nalaani paasinarsereersimappat inuup pineqartup ikiorsiisutit piffissap sivikitsup ingerlanerani utertissinnaalissagai.

2 Kommunimi tikeraarnej taanna 2006-imi ukiumoortumik nalunaarutinni immikkoortup 4.6-ip ataani eqqartorpara.

3 Pisortanit ikiorsiisutit pillugit Inatsisartut peqqussutaat nr. 10, 1. november 1982-imeersoq, kingusinnerusukkut allannguuteqartinneqartarsimasoq

3. Apeqqutit ingerlatsineq pillugu inatsiseqartitsinnermut tunngasut pillugit ataatsimoortumik

Imm. 2. Ikiorssiissut tunniunneqarnermini utertitassaassasoq paasinarsereeraangat inuk pineqar-toq utertitsisussaataitaanerminik ilisimatinneqartassaag.

Imm. 3. Isumaginninnermut ataatsimiititap immikkut pissutissaqartillugu ikiorssiissutip tunni-unneqarneranit ukiup ataatsip ingerlareerneratigut aalajangersinnaavaa utertitsisussaataitaaneq atorunnaarsinneqassasoq."

Pisortanit ikiorssiissutit pillugit peqqussummi tassani aalajangersarneqarpoq uter-titassannqortitanik taamaallaat ikiorssiisoqarsinnaasoq § 10, imm. 1, nr. 1-4-mi piumasagaatit eqqortinneqarsimappata.

Taamaalilluni aalajangersagaq taanna tunngavigalugu utertitsilluni akiliisoqar-nissaanik piumasagaat taamaattoq atuussinnaassuseqassappat utertitsilluni akilii-nissamut tunngaviusut arlaata sorliup aalajangersakkami issuarneqartumi taane-qarsimasup piumasagaammut tunngaviunerata ikiorssiissutisisumut paasisstis-siissutigineqarsimanissaa piumasagaataavoq.

Ilassutitut oqaatigaara pisortanit ikiorssiissutininik ikiorserneqarnissaminik qinnu-teqartup utertitsilluni akiliihumanera kommunip taamatut ikiorssiissuteqarnissaa-nut tunngavissaliisuunngitsoq. Taamaallaat pisutut peqqussummi § 16, imm. 2-mi allaaserineqarsimasutut ittumi, tassalu inuussutissarsiornermi atortussanik pi-sinnermut ikiorssiissuteqarnermi, isumaginninnermi tunniunneqartutut taarsig-asarsisitsinissamut inatsisitigut tunngavissaqarpoq.

Taamaalilluni pisumi kommunip ikiorssiissuteqarnissaminut pisussaaffeqarfi-gisaani, peqqussummili § 10, imm. 1, nr. 1-4-mi aalajangersakkat tunngavigalu-git utertitassannqorlugit ikiorssiissuteqarnissamut inatsiseqartitsinikkut tunnga-vissaqarfiunngitsumi, utertitsilluni akiliisoqarnissaa isumaqatigiissutigineqarsi-mappat utertitsilluni akiliinissamik isumaqatigiissut atuussinnaassuseqartussa-anngilaq.

Pisumi utertitassannqortitsilluni ikiorssiinissamut tunngavissaqarfiunngitsumi malittarisassat allat malillugit ikiorssiissuteqarnissamut pisussaaffeqartoqarner-soq misissussallugu kommuni pisussaaffeqarsimavoq.

Pisumili ikiorssiissutisisup peqqusersusaartumik iliuseqarfigisimasaani ikiorssiis-suteqartoqarsimappat utertitsilluni akiliisoqarnissaa pisortanit ikiorssiissutit pillu-git Inatsisartut peqqussutaanni § 9 tunngavigalugu piumasagaatigineqarsinnaa-voq, ikiorssiissuteqarnermi tamatuma piumasagaatigineqarsimanagera piumasagaatigineqarsimannqinneraluunniit apeqqutaatinnagu. Tamatuma saniatigut utertit-silluni akiliisoqarnissaa piumasagaatigineqarsinnaavoq pigisat pillugit inatsise-

qartitsinermi amerlanaarlugit tunniunneqarsimasut utertillugit akileqqunissaanut piunasaqaatit (condictio indebiti) eqqortinneqarsimappata. Isumaginninnermili pisartakkatut tunniunneqartartut pineqarpata tunngaviusumik manna piunasaqaataasussaavoq, tassalu aningaasanik tiguisup taamaaliortussaananigiguisimanini ilisimasimagaa kommunip uppersarsinnaassagaa. Ikiorsiissutit tunniunneqarnerminni pissutissaqartumik tunniunneqartut kommunip ikiorserneqartoq isumaqalersissimappagu utertitsilluni akiliisoqarnissaa piunasaqaatigineqarsinnaasussaannigilaq.

Pisortanit ikiorsiissutit pillugit Inatsisartut peqqussutaat nr. 15, 20. november 2006-imeersoq tamatum kingornatigut 1. april 2007-imi atortuulerpoq.

§ 27, imm . 1-imi aamma § 28, imm. 1-imi malittarisassat massakkut atuuttut imaattunik oqaasertaqarput:

"§ 27. Kommunalbestyrelsip pisortanit ikiorsiissutininik tunniunneqartussaannigitsunik utertitsinissamik aalajangiissaaq, ikiorsiissutisartoq:

- 1) Paasissutissanik kommunalbestyrelsimut tunniussisussaalluni ilisimaareerlugu tunniussisimannigipput, takuuk § 26.
- 2) Taamaaliortussaananigiguisimaareerualarlugu pinsinnaatitaaffiginngisaminik peqqussut manna naapertorlugu ikiorsiissutisarsimappat.
- 3) Kingusinnerusukkat taarsiivigineqarpat, nalinginnaasunik akilersuutisilerpat assigisaanilluunniit pissarsipput, piffissamut ikiorsiissutisiffigisimasaminut taassungalu assingusumik siunertalimmut."

"§ 28. Aammattaaq kommunalbestyrelsi pisortanit ikiorsiissutit utertinneqarnissaat pillugu aalajangiisnaavoq:

- 1) Inuup aningaasaqarnikkut sulinikkulluunniit mianersuaalliorluni iliuuseqarnera pissutigalugu pineqartoq ikiorneqartariaqarpat.
- 2) Piffissami pisortanit ikiorsiissutisinnissamik qinnuteqarfiusumi takuneqarsinnaappat qinnuteqartoq piffissap sivikitsup ingerlanerani pisortanit ikiorsiissutininik utertitsinnaasoq."

Taamaalillutik peqqussummi siusinnerusukkat atuuttumi §§-it 9 aamma 10 peqqussummi nutaami §§-itigut 27-kkut 28-kkullu allannguallalaarlugit ingerlateqqinneqarput. Ilaatigut inuup aappaminut meeqqaminullu pilersuisussaataitanerminik sumiginnaanera utertitsilluni akiliisussaataitanermik aalajangersaanissamut immikkut tunngavissaajunnaarpoq, tassami §§-ini 27-mi 28-milu piunasaqaatit sukumiisuummata, takukkit peqqussut pillugu oqaaseqaatit. Aammattaaq

3. *Apeqqutit ingerlatsineq pillugu inatsiseqartitsinermit tunngasut pillugit ataatsimoortumik*

ikiorsiissutisisoq taarsiissutinik, pisortanit pensionisianik, meeqqanut akilersuutininik assigisaannilluunniit piffissamut pisortanik ikiorsiissutinik tunniussiviusumut siunertamullu taannaasumut kingusinnerusukkut tunineqarsimappat utertisilluni akiliisoqarnissaanik pinngitsoorani aalajangiisoqarnissaa piumasqaataalerpoq, tak. § 27, nr. 3 peqqussummi siusinnerusukkut atuuttumi § 10, imm. 1, nr. 2-mut ataneqartillugu.

3-14 *Sulianik sulisunut tunngasunik misissuineq - mianersoqqussutit, tunngavilersuisarneq suliamilu illua'tungiusup isumaanik tusarniaasarneq pillugit malittarisassat (j.nr. 11.73.88.72/054-06)*

K Kommunimut tikeraarninnut atatillugu oqaaseqaatinit saqqummiussannit oqaaseqaatit uku kisiisa saqqummiunneqarnissaat toqqarpara:

"Mianersoqqussutinik, tunngavilersuineq pillugu malittarisassanik aamma suliami illua'tungiusup isumaanik tusarniaasarnermik kommunip atuinera.

Sulianik sulisunut tunngasunik misissuininini maluginiarpara suliat ilaanni ataasiakkaani sulisumut mianersoqqussutinik arlalinnik peqartitertoq, tassani A aamma B pillugit suliat takukkit.

Atorfinitsitsisarneq pillugu inatsiseqartitsineq tunngavigalugu qisuariaateqarnermi mianersoqqussutinik atuisarnermut tunngatillugu siullertut oqaatigaara pisortani atorfeqartitaasumut mianersoqqussummik tunniussiniarluni aalajangerneq isigineqartoq, taamalu periaatsit pillugit malittarisassani pisortat ingerlatsineranni suliasat suliarineqartarnerat pillugu Inatsisartut inatsisaanni nr. 8-mi, 13. juni 1994-imeersumi allassimasuni pineqartunut ilaalluni.

Nangillunga oqaatigaara unioqquitsineq aalajangersimasoq mianersoqqussummik kinguneqassasoq inatsimmi isumaqatigiissutinilu aalajangersarneqarsimangippat atorfeqartitaasoq mianersoqqussummik tunineqassanersoq tunineqassannginnersorluunniit pisut ataasiakkaarlugit naliliisoqartariaqartassaaq.

Taamaattumik kommuni qinnuigaara pisuni ataasiakkaani sulisumik mianersoqqussummik tunniussisoqarnissaa eqqarsaatersuutigineqartillugu kommunip unioqquitsisimanermi mianersoqqussummik tunniussinissamut pissutissaqartitsinersoq erseqqisumik naliliivigisarneraa ilisimateqqullunga.

A aamma B pillugit sulianik misissuereerlunga isumaqaqqajaavunga pisuni allani atorfinitsitsisarnermi inatsiseqartitsineq naapertorlugu qisuariaateqarnermi mianer-

soqqussuteqartarnermik kommuni atuisartooq, soorlu suleqatigiinnermi ajornartorsiutit piukkunnartuunnginnerluunniit pineqartillugit.

Mianersoqqussummik atuinnermi piumasqaataavoq sulisoq pissutsinik pineqartunik iluarsisinnaassasoq.

Suleqatigiinnermi ajornartorsiutit annertunerusutigut sulisumut pisuutitsissutaasinnaangippata mianersoqqussummik tunniussinissaq tunngavissaqarnaviannngilaq.

Piukkunnannngissuseq taamaattuussutsi pissutigalugu iluarsineqarsinnaannngilaq.

Mianersoqqusutinik atuisarnermut tunngatillugu ataatsimut oqaatigaara ingerlatsinermik inatsiseqartitsinermi pissutsinut naapertuuttumik tunngaveqarnerup kingunerisaanik pineqaatissiinernik sakkortuunik atuisoqassanngitsoq, pineqaatissiinerit sakkukinnerusut naammappata, tamatumalu soraarsitsisoqarsinnaannnginnera arlalitsigut nassatarisassallugu, tamanna sioqqullugu sulianut atatillugu sakkukinnerusumik qisuariaateqarneq – mianersoqqussutaagajuttartooq – misilinneqarsimatinnagu, tassa assingusumik pisoqartillugu soraarsitsinermut tunngavilersuutaasumik.

Imaassanngilarli mianersoqqussummik ataatsimik marlunnilluunniit tunniussisoqarsimatillugu soraarsitsisoqassasoq, atorfeqartitaasoq kingusinnerusukkut tamatuma pissuseqataani unioqqutitseqqippat.

Kommuni ilaatigut 2002-mi nalunaarutima qallunaatuuani quppernertut 78-imit 103-mut kalaallisoorataanilu quppernertut 95-imit 129-mut innersuuppara. Suliaq innersuussutigineqartooq mianersoqqussummik tunniussineq pillugu naammagittaalliummik tunngavilersuisarnerlu pillugu malittarisassat suliamilu illua'tungiusup isumaanik tusarniaasarneq pillugu malittarisassat erseqqinnerusumik allaaserineqarneranik imaqarpoq, matumani oqartussaasup suliani sulisunut tunngasuni suliami illua'tungiusup isumaanik annertusisamik tusarniaanissamat pisussaaffeqarneranik inatsiseqartitsinikkut tunngavik ilanngullugu eqqarsaatigalugu."

Kommuni allakkatigut 5. juni 2007-imeersutigut imatut akivoq:

"...

Mianersoqqusutinik atuisarneq eqqarsaatigalugu pineqartut mianersoqqussummik tunineqannginnerminni paasitinneqartarput sinnisertik oqaloqatigineqarnerminni najuutsissinnaagaat. Oqaloqatigiinnermi pineqartooq taamatuttaaq paasitinneqartarpoq akerliliissutissaqartoqarpat akerliliissutit peqatigiiffik sulisutut ilaasortaaffigisartik pisariaqarpat isumasioqatigereerlugu oqaasiinnartigut allakkatigulluunniit saqqummiunneqarsinnaasut.

Allakkatigut mianersoqqusutit ilaasa arlallit pitsaanngitsumik oqaasertalersorneqartarsimanerat massakut eqqumaffigaarput. Siunissami suliaajumaartuni allakkatigut mianersoqqusutit pisutsinut mianersoqqusuteqarnissamik pissutissaqalersitsisunut naapertuuttuusarnissaa eqqumaffiginiarparput.

..." (Atorfeqarfimmi nutsigaavoq)

Kommunip akissutaa allakkatigut 18. juni 2007-imeersutigut tusaatissatut tiguarra, tamatumunngalu peqatigitillugu nalunaarutigalugu suliame annertunerusumik iliuuseqaaqqissannigitsunga.

3-15 *Sulianik akiliisitsiniarnermut tunngasunik misissuineq - akileraarutitigut utertoortisiassanit tigusisinnaatitsineq (j.nr. 11.73.88.73/055-06)*

Sulianik akiliisitsiniarnermut tunngasunik kommunimut tikeraarninni misissuina Akileraartarnermi Pisortaqaarfimmut 14. marts 2007-imi imatut saaffiginnisuteqarnissannut pissutissaqalersitsivoq:

"Suliat akiliisitsiniarnermut tunngasut arlallit kommunimut tikeraarninni misissorpakka.

Suliat ilaat ataaseq innuttaasup ...-bankimit taarsigassarsisimaneranut tunngasuvoq. Suliami allagaatinit aammattaaq erserpoq innuttaasup pisassarisani assigiinngitsut, matumani akileraarutitigut utertoortisiassat ilanngullugit eqqarsaatigalugit, akiitsoqarfigisaminut tigusassanngortisimagai, imatut oqaasertalerneqarsimasumik:

"Akiitsuma ernialikkat aningaasartuutitalit akilerneqarnissaasa tungaanut uanga nammineq akileraarutinnit, inuup/suliffeqarfiup akileraarutaanit ingerlatseqatigiiffiulluunniit akileraarutaanit utertoortisiassat kiisalu akitsuutitigut (moms) utertoortisiassat tamaasa akiitsoqarfigisannut tigusassanngortippakka. Nalunngilara taamatut tigusisussanngortitsineq Told- og Skatteregionimi Det Centrale Fondsregisterimut nalunaarutigineqassasoq. Taamaaliornikkut immikkut iluanaarutaasussat naafferartumik akilersuinermi immikkut akiliutigineqartutut isigineqassapput." (Atorfeqarfimmi nutsigaavoq)

Kommuni imatut paasivara kommunip ...-mit pisassarisanik ...-banki sinnerlugu akiliisitsiniartumik kiffartuussineranut tunngaviusoq qulaajarneqassasoq kukkunerisuiusit inassuteqaatigisimaagaat. Aammattaaq kommunip akissutaa imatut paasivara apeqqut kukkunerisuiusit uterfigeqqissaagaat kommunip naatsorsuutigigaa, apeqqulli kommunip suli qulaajarsimannigikkaa.

Akileraartarnermi Pisortaqaarfik suliassaqaarfimmi oqartussaasuusoq kommuni eqqarsaatigalugu suliamek suliarinninninni atugassatut qinnuigaara tigusisussanngortitsineq ataqqissallugu kommuni pisussaaffeqarnersoq aamma tigusisussanngortitsineq taanna kommunip nammineq innuttaasumit pisassarisaanit salliutinneqartussaaitaanersoq paasissutissiissutigeqqullugu."

Akileraartarnermi Pisortaqaarfik allakkatigut 20. marts 2007-imeersutigut ilaatiigut imatut akivoq:

"...

Akileraartarnermi Pisortaqaarfiup naliliinera malillugu kommuni akiitsoqarfigisamut utertoortisanik akiliisitsissalluni pisussaannigilaq.

Akileraaruserinermik ingerlatsineq pillugu Inatsisartut inatsisaat nr. 11, 2. november 2006-imeersup § 46-iani atuarneqarsinnaasoq malillugu akileraarutininik akiliutigineqarpallaartut utertitsilluni akiliinissamut piffissarititaq sioqqullugu pisinnaangilaq. Aalajangersagaq naapertorlugu allamut ingerlatitsiniarluni isumaqatigiissutit atorsinnaangillat.

Inatsimmi § 89, imm. 5, § 46 nuussinermut atuuppoq 31. december 2002-p kingorna kommunalbestyrelsimut imaluunniit Akileraartarnermi Pisortaqarfimmu annugussimasunut. Nuussinerit 1. januar 2003-p siorna kommunalbestyrelsimut imaluunniit Akileraartarnermi Pisortaqarfimmu annugussimasut eqqarsaatigalugit, akileraaruseriffik 31. december 2007-ip kingorna nuussineq apeqqutaatinnagu tunniussisumut akiligassiisinnaavoq imaluunniit akileraarutininik akiliutaaval-laarsimasut utertillugit akilerneqarnissaannut nuussisup piunasaqaataanik tigusinermik nalunaa-roteqarluni, akiligassiineq pisussaaffinnilluunniit tigusineq utertitsilluni akiliinissamut piffissari-titaq sioqqullugu pisimappat.

1. januar 2003 sioqqullugu nuussineq takkussimagaluarpalluunniit Akileraartarnermi Pisortaqarfiup naliliinera malillugu nalunarpoq kommunip nuussineq ataqqissaneraa, imaamat attartorsi-masoq ilisimatitsinera malillugu taamaallaat nuussinermik akuersineq Det Centrale Fordringsre-gister hos Told- og Skatteregionimut nalunaarutigineqassasoq akuersissutaamat. Suliami pisut allamik oqariartuuteqanngippata attartortoq kommunimut maaniittumut nuussinissamik akuersis-uteqarluni nalunaaruteqarsinnaanera pisimassangilaq."

Akileraartarnermi Pisortaqarfiup akissutaa allakkatigut 29. marts 2007-imeersu-tigut ingerlateqqillugu nassiuppara, imatut allallunga:

"A-p akileraarutitigut utertoortisiassaminik ...-bankimut tigusassanngortitsisimaneranik suliaq aamma A-p akileraarutitigut utertoortisiassaminik ...-bankimut tigusassanngortitsisimaneranik kommunip ataqqinninnissaa pillugu apeqqut pillugit Akileraartarnermi Pisortaqarfiup akissutaa, assilinera ilanngullugu nassiunneqartoq, 20. marts 2007-imi tiguara.

Akileraartarnermi Pisortaqarfiup akissutaa pillugu oqaaseqaatissaqanngilanga, siunnersuutigaa-ralu kommunip Akileraartarnermi Pisortaqarfik akiliisitsiniarnermut tunngasuni akisussaasutut oqartussaasoq attaveqarfisissagaa, ... kommunip qanoq iliornissaa pillugu erseqqinnerusumik ilit-sersorneqarnissaq siunertaralugu.

..."

3-16 *Sulianik isumaginninnermut tunngasunik misissuineq - meeqqanik inissii-nermi iliuusissanut pilersaarusiataq suliarineqartarnerat (11.73.88.71/069-06)*

K Kommunimi 2006-imi tikeraarninni sulianik isumaginninnermut tunngasunik misissuinnermut atatillugu ilaatigut imaattunik oqaaseqaateqarpunga:

"(...)

Suliani inissiinernut tunngasuni iliuusissanut pilersaarusiat:

(...) naliliilluni [isumaginninnermik ingerlatsiviup pisortaa isumaginninnermilu siunnersorti peqatigalugit] ataatsimiinnermi malugeqqullugu oqaatigaara suliani meeqqanut inuusuttunullu tunngasuni marlunni meeqqanik inissiinermut tunngasuni tigusanni suliami ataatsimi meeqqamik angerlarsimaffiup avataanut inissiinermut atatilugu iliuusissanut pilersaarusiaq amigaataasoq.

Meeqqanik angerlarsimaffiup avataanut pinngitsaaliinikkut kiisalu suleqatigiilluni inissiinerit pillugit suliani tamani iliuusissatut pilersaarusiaq suliarineqartussaavoq.

Iliuusissanut pilersaarusiat tassaassapput meeraq eqqarsaatigalugu isumannaallisaa-taasut, pissutsinik meeqqap inuusuttullunniit atugaanik kommunalbestyrelsip sammi-tilersugaasumik sulinissaa eqqarsaatigalugu.

Meeqqanik inuusuttunillu ikiorsiisarneq pillugu Inatsisartut peqqussutaanni nr. 1-imi, 15. april 2003-meersumi, kingusinnerusukkut allannguuteqartinneqarsimasumi § 14-imit aamma § 15-imit makku erseput:

"§ 14. Kommunalbestyrelsi § 9 aamma § 10 malillugit meeqqap angerlarsimaffiup avataanut inissinneqarnissaanik aalajangiitinnagu, iliuusissanik pilersaarusiaq suliarineqas-saaq. Iliuusissanik pilersaarusiap suliarineqarnissaa inissiinissami utaqqineqarsinnaan-gippat inissiinermi siunertaasup naatsukullammik nalunaarutiginnissaa naammappoq. Tamatuma kingorna iliuusissanik pilersaarusiaq piaarnerpaamik kommunalbestyrelsip su-liarissavaa, kingusinnerpaammik inisseereernermi ullut 14-nit qaangiutsinnagit.

Imm. 2. Kommunalbestyrelsi naliliissaaq suliniutit allat ima annertutiginersut iliuusissanik pilersaarusiaq suliarineqartariaqarluni. Angajoqqaat imaluunniit meeraq iliuusissanik pi-lersaarummik kissaateqarpata, kommunalbestyrelsi pisussaavoq taamaattumik suliaqas-salluni.

§ 15. Iliuusissanik pilersaarummi siunertaavoq siunertaqarluartumik meeqqamut suliniu-teqarnissap qularnaarnissaa. Taamaattumik iliuusissanik pilersaarut meeqqamut ataatsi-mut tunngassaaq aamma suliniuteqarnermi siunertaq nalunaallisissallugu aammalu siu-nertap anguneqarnissaanut qanorpiaq suliniuteqartoqartariaqarnersoq nalunaassallugu. Iliuusissanik pilersaarummiissapput suliniuteqarnerup qanoq sivisutiginnissaa naatsorsuu-tigineqarnersoq, meeraq pillugu pissutsit immikkut ittut, ilanngullugit ilinniartitaaneq il. il.

Imm. 2. Angerlarsimaffiup avataanut inissiinermi aammattaq iliuusissanik pilersaarum-miissaaq meeqqap angerlarsimaffiup avataani inissisimaneranut aammalu angerlareerne-ranut atatilugu immikkut ilaqutariinnut tapersersuineq qanoq ilusilik pilersinneqassaner-soq.

Imm. 3. Angerlarsimaffiup avataanut piffissami sivisunerusumi inissiinermi inissiinermut anguniakkatut iliuusissanik pilersaarutip nassuiaataa tunngavigalugu kommunalbestyrel-sip minnerpaamik ukiumut ataasiarluni inissiinissamik aalajangiineq naliliiffigeqqittassa-

vaa. Inissiineq ingerlaannassasoq aalajangertoqarpat iliuusissanik pilersaarut nutaamik aalajangiinnermut naleqquttunngorlugu iluarsineqassaaq."

Kommuni qinnuigaara oqaaseqaatima kommuni qanoq iliuuseqarnissaanut pissutissaqalersinneraa nalunaarfigeqqullunga."

Kommuni allakkani 15. december 2006-imeersuni qulaani taaneqartut pillugit imatut akivoq:

"Suliani meeqqanut inuusuttunullu tunngasuni iliuusissanut pilersaarusiata amigaataasut pillugit oqaatsini tunngavigalugit qanoq iliuuseqalersaarnersoq Ombudsmandip kommuni aperaa.

Ingerlatsivitsinni sulisunik amigaataarukkatta isumaginninnermi siunnersortip aappaa peqqura suliat meeqqanut inuusuttunullu tunngasut tamaasa misissussagai, taamaallluta suliat ataasiakkaat eqqarsaatigalugit suliap sumut killinnera malinnaavigisinnaalerniassagatsigu, pisariaqarpat paasiniallugu suliamut ilisassat tamarmik ilineqarsimanerat paasiniallugu. Pisariaqarpallu meeqqanut ataasiakkaanut iliuusissatut pilersaarusiata malinneqarsimanersut sumullu killinnersut paasinnaajumallugu." (Atorfeqarfimmi nutsigaavoq)

Tamatuma kingornatigut allakkani 4. januar 2007-imeersuni ilaatigut makku nalunaarutigaa:

"(...)

Suliani inissiinernut tunngasuni iliuusissanut pilersaarusiata pillugit:

Kommunip akissutaa tusaatissatut tiguara.

Kommuni qinnuigaara suliat meeqqanut inuusuttunullu tunngasut misissorneqarnerat naammassippat tamatumingga ilisimateqqullunga."

Sulianik meeqqanut inuusuttunullu tunngasunik misissuineq naammassineqarsimanersoq akeqqullunga K Kommunimut nukingisaarutitut allakkat pingasut tamatuma kingornatigut nassiuppakka, akissummilli ukiup nalunaarusiuunneqartup naanerani suli tigusaqarnanga.

3-17 Sulianik isumaginninnermut tunngasunik misissuineq - innuttaasut pillugit paasissutissanik pissarsiniarnissamut akuersissutip ilusilersilersorneqarnera (j.nr. 11.73.88.71/038-07)

K Kommunimut tikeraarninnut atatillugu kommunimi sulianik isumaginninnermut tunngasunik misissuivunga. Tamanna allakkani 30. maj 2007-imeersuni ilaatigut imaattunik oqaaseqaateqarnissannut pissutissaqalersitsivoq:

"(...)

Suliami allagaatinut ilaavoq akuersinermik uppernarsaat A-mit atsiorneqarsimasoq. Immersugassap suliamik paasisutissartalersuinissaq pillugu oqaasertai imaapput:

"Matumuuna Inunnik Isumaginninnermi Allaffik pisinnaatippara paasisutissanik uannut tunngassuteqartunik piniarsinnaanissamut. Tassa nakorsap allagaqaataanik, ulloq unnuarlu inissiiviup oqaaseqaataanik, allallu paasisutissat suliamut pingaaruteqartut."

Suliani qinnuteqaatinut tunngasuni suliap aalajangiivigineqarnissaani innuttaasoo pillugu paasisutissanik pisariaqartitsiviusuni akuersissummik pissarsiniartoqartassaaq, tak. suliasat suliarineqartarnerat pillugu inatsimmi § 30 imaattunik oqaasertaqartoq:

"§ 30. Suliassani qinnuteqarnikkut suliassanngortinneqartuni pissutsit qinnuteqartup kisi-mi susassarisai ilisimatitsissutigeqqusaassanngillat ingerlatsiviup ilaanit allanit imaluun-niit ingerlatsinermut oqartussaasunit allanit.

Imm. 2. Imm. 1-imi aalajangersagaq atortuussanngilaq,

1) qinnuteqartoq tamatumunnga akuersippat,

2) inatsimmik imaluunniit inatsit tunngavigalugu aalajangersakkanik allamik tunngavis-saqarpat imaluunniit

3) qinnuteqartumut imaluunniit suliami peqataasut avataanniittumut tunngasut immikkut ittut qinnuteqartup paasisutissat pissarsiariniarneqannginnissaannik soqutiginneranit er-seqqissumik salliutittariaqarpata."

Akuersissut eqqoqqissaartunik oqaasertalersugaassaaq, taamaalilluni paasisutissat suut pineqarnerat innuttaasumit nalornissutigineqaqqunagu, taamaaliornikkullu paa-sissutissat pisariaqartitanit annertunerusut pissarsiariniarneqarsinnaajunnaarsillu-git.

Ingerlatsineq pillugu inatsimmi § 29, imm. 2, nr. 1 suliassat suliarineqartarnerat pil-lugu inatsimmi § 30, imm. 2, nr. 1-ip assigisaa pillugu oqaaseqaatinit erserpoq:

"Suliassaqarfinni qinnuteqarnermi immersugassanik atuiffiusuni akuersissuteqarnerup oqaasertaliussani naqitanngortinneqarsimanissaa pisariillisaataassaaq. Taamaaliorto-qarpat akuersissut eqqoqqissaartunik oqaasertalersugaassaaq, suliallu suussusia apeqqu-taatillugu pisariaqartunit annertunerussanani.

(...)

Peqqissuseq pillugu paasisutissani ... peqqissuseq pillugu pasissutissat pissarsiariniarne-qarnerat kisiat oqaatigissallugu naammappoq."⁴ (Atorfeqarfimmi nutsigaavoq)

Taamaattumik kommuni qinnuigaara paasisutissanik pissarsiniarneq pillugu immer-sugassap oqaasertai allanngorteqqullugit, taamaalillutik oqaasertaliussat "allallu paasisutissat suliamut pingaaruteqartut"-tut ittut ataatsimut annertuallaanik imaqar-lutillu eqqoqqissaanngippallaartut pinngitsoortinneqarsinnaaqqullugit.

Kommuni qinnuigaara qulaani taaneqartut kommunip qanoq iliuuseqarnissaanut pis-sutissaqalersitsinerat pillugu oqaaseqaateqaqqullugu."

K Kommuni allakkatigut 30. august 2007-imeersutigut imatut akivoq:

"(...)

Akuersinermut uppersaat sullitap atsiortagaata, innarluutilinnut atortakkaq oqaasertai allan-gortipput imatut oqaasertaqalerluni:

"Matumuuna inunnik isumaginninnermi allaffik pisinnaatippara paasisutissanik uannut tun-ngasuteqartunik piniarsinnaanissaanut, tassa nakorsap allagaqaataanik.

Taamalu annertuumik innarluutillit ikiorserneqartarnerat pillugu Inatsisartut peqqussutaata nr. 7, 3. nov. 1994-imeersup ataanut inissinneqarnissara akuersaarluq."

K Kommunimut 7. december 2007-imi imatut allappunga:

"Suliaq taanna pillugu kommunip akissutaa tusaatissatut tiguara. Suliami tassani annertunerusu-mik iliuuseqaqqissanngilanga."

3-18 *Sulianik akiliisitsiniarnermut tunngasunik misissuineq - akiligassiisutunik nassuiaasersuisarneq (j.nr. 11.73.88.73/040-07)*

K Kommunimut 2007-imi tikeraarninnut atatillugu kommunimi suliat akiliisitsi-niarnermut tunngasut misissorpakka. Tamanna allakkani 31. maj 2007-imeersuni ilaatigut imaattunik oqaaseqaateqarnissannut pissutissaqalersitsivoq:

"Mappit allagaatinik imallit ilarpassuini allagaatit ilaapput, taakkunanilu aningaasat akilernerqartussanngorsimasut "assigiinnngitsut"-nik imaluunniit "akiligassiisutit assi-giinnngitsut"-nik taaneqartarsimallutik.

Kommuni kommunimi innuttaasunut saaffiginnittunut suliasat suliarineqartarnerat pillugu inatsit tunngavigalugu ilitersuinissaminut pisussaaffeqarpoq, kommunili in-

⁴ John Vogterip atuakkiaani "Forvaltningslov med kommentarer"-mi, pingajussaaniq naqitertinneqartumi, Jurist- og Øko-nomforbundets Forlag, 1999, qupperneq 571

3. *Apeqqutit ingerlatsineq pillugu inatsiseqartitsinermit tunngasut pillugit ataatsimoortumik*

*nuttaasunut attaveqarfiginnikkaangami innuttaasunut ilitseruissaminut ingerlatsi-
nermi ileqqorissaarneq tunngavigalugu aamma pisussaaffeqarpoq.*

*Akiligassiissutit sumut matussutissaanerit erseqqissumik takussallugu innuttaasoq pe-
riarfissaqartussaavoq, taamaalilluni innuttaasoq akiligassiissut isumaqatiginngikku-
niuk taanna pillugu naammagittaalliuuteqarnissaminut periarfissaqarsinnaaqqullu-
gu.*

*Akiliisitsiniarnermi akileeqqusillunilu nukingisaaruteqarnerni aningaasat suussusian-
nik, amerlassusiannik ullormillu akilerneqarsimaffissaannik tamatumunnga peqatigi-
tillugu oqaatigininneq akiliisitsiniartarfiup kingusinnerusukkut pinngitsaaliilluni qa-
noq akiliisitsiniarnissaanut pingaaruteqarsinnaavoq.*

*Taamaattumik inassuteqaatigaara akiliisitsiniartarfik akiligassiissutiniq akilerneqar-
tussannorsimasunik akiliisitsiniarluni nassiussigaangami aningaasat akilerneqartus-
sannorsimasut sunut matussutissaanerit erseqqissartassagaa.*

*Kommuni qinnuigaara qulaani taaneqartut kommunip qanoq iliuuseqarnissaanut pis-
sutissaqalersitsinerat pillugu oqaaseqaatinik saqqummiusseqqullugu."*

K Kommuni allakkatigut 9. juli 2007-imeersutigut imatut akivoq:

"(...)

"Akiligassiissutit assigiinngitsut"-nik suussusilikkat aningaasanut assigiinngitsunut tunngatitaap-
put, assersuutigalugu atuakkanik atorniartarfimmit atorsimasut utertinngitsuugaannut akiligassat,
akissarsiat amerlanaarlugit tunniunneqartut il.il.

Akiligassiissutit taamaattut tamarmik akiitsulinnut allagartalerlugit (fakturalerlugit) nassiunne-
qartarput, taakkulu "akiligassiissutit assigiinngitsut"-nut kingusinnerusukkut ilanngunneqartar-
lutik.

Suliami matumani K Kommuni annertunerusumik iliuuseqalersaanngilaq." (Atorfeqarfimmi
nutsigaavoq)

K Kommunimut 23. juli 2007-imi imatut allappunga:

"Aningaasat akilerneqartussannorsimasut pillugit kommunip akissutaa tusaatissat tiguara, taa-
maattumillu tamatumunnga atatillugu annertunerusumik iliuuseqaqqissananga."

3-19 *Sulianik isumaginninnermut tunngasunik misissuineq - pisortanit ikiorsiis-
sutinik utertitassannortitanik pensionisialinnut ikiorsiisarneq (j.nr. 11.-
73.88.71/046-07)*

Kommunimi sulianik isumaginninnermut tunngasunik misissuina allakkani 23.
maj 2007-imeersuni ilaatigut imaattunik ataatsimut oqaaseqaateqarnissannut pis-
sutissaqalersitsivoq:

"...

Pisortanut ikiorsiissutinik utertitassannortitanik pensionisialinnut ikiorsiisarneq

Tikeraarlunga sulianik misissuininni malugaara kommuni pisortanit ikiorsiissutinik utertitassannortitanik pensionisialinnut pisuni arlalinni ikiorsiissuteqartarsimasoq.

Ajornartorsiut taanna kommunaldirektørimik isumaginninnermillu ingerlatsiviup pisortarigallagaani 10. maj 2007-imi ataatsimeeqateqarninni oqaatigaara.

Oqaatigaara aallaavik tassaasoq kommunip pensionisiat inummullu tapit aalajangersartassagai pensionisiaqartoq pisortanit ikiorsiissutinik pisariaqartitsisussaajunnaarlugu, pensionisiallillu aningaasaqarnikkut atugai allannorpata pensionisialluunniit pensionisiallimum inummut tapiliunneqartut suussusii aningaasartaasalu amerlassusii kommunip nalilersoqqittassagai, tassami pensionisianik inummullu tapinik utertisilluni akiliisoqarnissaa aallaavittut taamaallaat piunasaqaatigineqarsinnaammat tamanna pensionisiat pillugit peqqussummi inatsisitigut tunngavissaqarpat.

Kommunaldirektøri oqarpoq uanga paasinninnera isumaqatigigini, pensionisialinnullu pisortanit ikiorsiissutinik utertitassannortitanik ikiorsiissuteqartarnermi ajornartorsiut unaasoq utertitassannortillugit ikiorsiissutigineqarsimasut utertillugit akilequnissaannut ullumikkut periarfissaqannginnera.

Isumaginninnermik ingerlatsiviup pisortarigallagaata ilassutitut oqaatigaa pisortanit ikiorsiissutinik utertitassannortillugit ikiorsiissuteqartarneq pensionisialinnut aningaasaqarnermikkut aqutsisinnaanngitsunut atorineqarnerusartoq.

Ataatsimiinnermi tamanna pillugu oqaatigaara pensionisiat pillugit peqqussummi § 16 pensionisiallit aningaasaqarnerannik aqutsisoqarnissaani aalajangiinissamut inatsisitigut tunngavissamik imaqartoq.

Inassuteqaatigaara kommuni pensionisialinnut tapinik utertitassannortitanik taamaallaat pensionisiat pillugit peqqussutini aalajangersakkat tunngavigalugit tunniussisalissasoq."

Saaffiginnissutigaa ukiup naluaarusiuunneqartup naanerani kommunip sulii akisi-mannngilaa.

3-20 Sulianik isumaginninnermut tunngasunik misissuineq- nipangiussisussaati-taaneq (j.nr. 11.73.88.71/049-07)

K Kommunimi sulianik isumaginninnermut tunngasunik misissuinnera kommunimut imaattunik inassuteqaateqarnissannut pissutissaqalersitsivoq:

"Isumaginninnermik ingerlatsiviup pisortaanik eqikkaalluni ataatsimeeqateqarninni oqaatigaara isumaginninnermik ingerlatsiviup (immaqalu aamma akiliisitsiniartar-

3. Apeqquitit ingerlatsineq pillugu inatsiseqartitsinermut tunngasut pillugit ataatsimoortumik

fiup) innuttaasunik oqaloqatiginnittarneri inini ammasuni susassaqaangitsut najuuffigisaanni ingerlanneqartartut maluginiariga.

Isumaginninnermik ingerlatsiviup tamanna ilumoornerarpaa, kommunillu oqaloqatiginnittarfinnik sulianik suliarinnittut innuttaasullu pineqartut akornusersorneqaratik oqaloqatigiiffigisinnaasaannik kommunip peqaanginnera naammaginangitsutut isigalugu.

Kommunaldirektøri inaarsaallunga ataatsimeeqatigigakku ajornartorsiut taanna saq-qummiuppara, ajornartorsiullu kommunalbestyrelsip eqqumaffigaa kommunaldirektørip uppernarsarpaa.

Akiliisitsiniartarfik immikkut eqqarsaatigalugu oqaloqatiginnittarfinnik immikkut pilersitsisoqarnissaanut aningaasanik immikkoortitsisoqarnissaa kommunip maanna kissaatiginnigilaa, akiliisitsiniartarfik Namminersorerullutik Oqartussanit tigunegassanersoq qulaajarneqareertinnagu.

Tamatuma kingornatigut makku oqaatigaakka:

Suliassat suliarineqartarnerat pillugu inatsimmi ingerlatsiviup nipangiussisussaaita- anera pillugu makku § 27-kkut aalajangersarneqarput:

"27. Pisortat ingerlatsiviini suliffilik allanut tusarliussisussaaitaangilaq, tak. pinerluttu- liorneq pillugu inatsisini § 29, suna ilisimasaq inatsisitigut imaluunniit aalajangersakkak- kut atortuusukkut allakut tassaaneragaappat allanut oqaatigeqqunngisaq, imaluunniit aamma pisariaqarpat isertuutissallugu pisortat inuinaalluunniit soqutigisaat pingaaruteqartut pis- utigalugit, aamma pingaartumik makku pissutigalugit

1) naalagaaffiup isumannaatsuunissaa illersorneqarnissaaluunniit

2) naalagaaffiup nunani allani naalackersuinikkut imaluunniit aningaasarsiornikkut soquti- gisai, tamakkununnga ilanngullugit naalagaaffinnut allanut pissaanilinnut imaluunniit naa- lagaaffiit assigiinnigitsut soqutigisaannut tunngasut,

3) inatsisunik unioqutitsinernik pinaveersaartitsineq, paasiniaaneq eqqartuussisunullu su- liassangortitsiniarneq kiisalu pinerlunnermut tunngasumik eqqartuussutit naammassine- qarnissaat aamma pinerluttunik imaluunniit ileqqussanik unioqutitsisunik suliaassangor- titsiniarnerni pasilligaasut, ilisimannittut imaluunniit allat illersorneqarnissaat,

4) akileraartarnermut akitsuuteqartitsisarnermullu inatsisit naapertorlugit pisortatigut mi- sissuineq, killilersuineq imaluunniit pilersaarusiortarneq imaluunniit iliuuserissamaakkatut eqqarsaatigineqartut,

5) pisortat aningaasanut tunngasutigut soqutigisaat, tamakkununnga ilanngullugu pisortat niuernermik ingerlatsinerat,

6) inuit ataasiakkaat imaluunniit ingerlatsiviit namminersortut imaluunniit peqatigiiffiit im- minnut tunngasut, tamakkununnga ilanngullugit aningaasarsiornermut tunngasut, pillugit paasisutissanik illersuimallutik soqutigisaat, imaluunniit

7) inuit ataasiakkaat imaluunniit ingerlatsiviit imaluunniit peqatigiiffiit teknikkikkut atortorisat imaluunniit periaatsit pillugit imaluunniit ingerlatsinermut imaluunniit niuernermut tunngasut pillugit paasisutissanik illersuumallutik aningaasatigut soqutigisaat.

Imm. 2. Pisortat ingerlatsiviini allanut tusarliuteqqusaanngissinnaavoq taamaallaat sumut ilisimasamut tunngasoq, pisariaqarpat isertuutissallugu pisortat inuinnaalluunniit soqutigisaat imm. 1 -imi taaneqartutut pingaaruteqartut pissutigalugit.

Imm. 3. Ingerlatsinermut oqartussaasut aalajangiisinnaapput kialuunniit pisortat ingerlatsiviini suliffeqanngitsup paasisutissat allanut oqaatigeqqusaanngitsut oqartussaasut pisussaaffiginagu inummut tassunga tusartissimasaat pillugit allanut tusarliussusaatitaannginnissaanik.

Imm. 4. § 1, imm. 2, naapertorlugu allanut tusarliussisussaanninneq pillugu maleruagassaliortoqarpat, imaluunniit imm. 3 naapertorlugu allanut tusarliusseqqusinnginneq (kimulluunniit) pisussaaffigittinneqassappat, maleruagassanik imaluunniit pequssutinik taamaatunuk unioqquitsinermi pinerluttuliorneq pillugu inatsisini § 29 taamaalluni atortuussaaq."

Pinerluttulerineq pillugu inatsimmi § 29 imaattunik oqaasertaqarpoq:

"Atorfimmi nipangersimasusasaanermik uniuinermut eqqartuunneqassaaq naalakkersuisuni atorfik suliassaqartitaanerluunniit naapertorlugit isertuussassatut paasisaminik, imaluunniit inatsimmi aalajangersakkamiluunniit atortuusumi allami taamaattuuneragaasunik oqaatiginnittoq, imaluunniit pisusasaanani taamatut ilisimasaqarnermik atuisoq. Aamma taamatut pineqassaaq atorfini qimareeraluarlugu isertuussassanik atorfimmini ilisimalersimasaminik oqaatiginnittoq pisusasaaniluunniit atuisoq.

Imm. 2 ...

Imm. 3. Aamma taamatut pineqassaaq pinerlunnermut peqataasimannikkaluarluni nasuiaatissanik stk. 1-imi 2-milu aalajangersakkanik unioqquitsinikkut saqqummersunik pissarsisoq peqquneqanngitsumilluunniit atuisoq."

Uanga paasinninnera unaavoq isumaginninnermik ingerlatsivimmi atorfeqartitaasoq innuttaasunik ingerlatsivimmut saaffiginnittunik allat tusaaneranni oqaloqatiginnittoq nipangiussisussaataaneq pillugu malittarisassat unioqquittillugit iliuuseqartoq, pingaartumik tak. suliassat suliarineqartarnerat pillugu inatsimmi § 27, imm. 1, nr. 6.

Aammattaaq pineqartoq tassaavoq innuttaasut atorfeqartitaasunik allat tusaatinnagit oqaloqatiginnissinnaanngippata innuttaasut isumaginninnermillu ingerlatsiviup akornanni pisariaqartumik attaveqatigiinnerup ajornakusuulersinnaanera, tamannalu suliamik suliarinninnermi kukkussuteqarsinnaanermik imaaliillaannaq nassataqarsinnaavoq.

Taamaattumik inassuteqaatigaara init oqaloqatiginniffiusinnaasut pisariaqartinneqartut kommunip piaarnerpaamik pissarsiarissagai, taamaalillutik innuttaasut pissut-

3. Apeqquitit ingerlatsineq pillugu inatsiseqartitsinermut tunngasut pillugit ataatsimoortumik

sit imminnut tunngasut susassaqaanngitsut tusagassarinnngisaat pillugit ingerlatsivimmi sulisunut oqaloqatiginnissinnaalersillugit.

*Tamatumunnga atatillugu aamma oqaatigaara atorfeqartitaasut pinerluttulerineq pillugu inatsit imaluunniit suliffimmut atatillugu akisussaaffik tunngavigalugu nipa-
ngiussisussaataitaasutut kommunalbestyrelsip ininik oqaloqatiginnittarfinnik peqarnis-
saanik isumaginnissimanerata akisussaaffiannikkai."*

Kommunip akissutaanik ukiup nalunaarusiuunneqartup naanerani suli tigusaqanngilanga.

3-21 *Sulianik akiliisitsiniarnermut tunngasunik misissuineq - akiliisitsiniartoqannginnerani nukingisaarinermi periaatsit (j.nr. 11.73.88.73/118-07)*

K Kommunimut 2007-imi tikeraarninnut atatillugu K Kommunimi suliat akiliisitsiniarnermut tunngasut misissorpakka, misissuinalu allakkani 19. november 2007-imeersuni ataatsimut oqaaseqaatinik ilaatigut imaattunik saqqummiussinissannut pissutissaqalersitsivoq:

"...

Pinngitsaaliilluni akiliisitsiniartartup aammattaaq oqaatigaa paaqqinniffiit meeqqanik inuusutunillu paarsinermut attuumassuteqartut eqqaassanngikkaanni avataani immikkoortortaqaarfiit, suliffeqarfiit kiisalu kommunip ingerlatsivii allat akiligassalinnut pisariaqartumik nukingisaaruteqarneq ajortut, naak taamaaliortoqartarnissaa akiliisitsiniartarfiup arlaleriarluni erseqqissaatigisimagaluaraa.

*Pinngitsaaliilluni akiliisitsiniartartup oqaatigaa kommunip innuttaasumit pisassaqaarnera akiliisitsiniartarfiup taamaallaat paasisaraa kontot pillugit takussutissiat naqitanngortinneqarneri akiliisitsiniartarfiup qaammatikkaartumik nassiussuutileraangagit. Taamaattumik akiliisitsiniartarfiup, pissutsinit taamaaliornissamut pinngitsaali-
neqarluni, akiliisitsiniarnini kontot pillugit takussutissiat naqitanngortitat taakku tunngavigalugit allatut ajornartumik aallartittariaqartarjaa, naak nalunngikkaluarlugu periaaseq taanna inatsisitigut tunngavissaqaanngitsoq.*

*Akiliisitsiniartarfik assersuutigalugu akiitsoqartut ataasiakkaat akiliisitsiniarfigineqarnissaanik qinnuteqaatinik suliffeqarfinnit, immikkoortortaqaarfinnit ingerlatsivin-
nilluunniit tigusaqarneq ajorpoq, taamaattumillu akiliisitsiniartarfik pisassarisat tunngaviisa inatsisitigut unioqqutitsisuunnginnerinut uppernarsaatinik, piffissat akiliiffis-
sannorsimasut pillugit paasissutissanik il.il. pigisaqaanngilaq.*

*Kiisalu pinngitsaaliilluni akiliisitsiniartartup oqaatigaa akiliisitsiniartarfik ima suli-
sukitsigisoq suliassat pisariaqarnerpaaginnaat suliarinissaat taamaallaat piffissaqar-*

figalugu, sulianilu akiliisitsiniarnermut tunngasuni namminerni allagaatinik iluar-saassinissamut toqqorterinissamullu piffissaqarani.

Tamanna borgmesterimik, allattoqarfiup pisortaanik kiisalu sinniisunik ingerlatsiviil-lu ataasiakkaat pisortaanik eqikkaalluni ataatsimeeqateqarnermi saqqummiuppara.

Ataatsimiinnermi tassani oqaatigaara pissutsit tamakku kommunip aaqqinngippagit akileraartarnermik nuna tamakkerlugu ingerlatsiviup akiliisitsiniarumanginneranik tamatumalu nassatarisaanik kommunip aningaasatigut annaasaqarneranik kingune-qarsinnaasoq, kommunip pisassarisani pillugit uppersaataateqannginnera pissuti-galugu.

Borgmesterip tamatuma kingornatigut oqaatigaa immikkoortortaqarfiit naatsorsuuse-rinermik ingerlataqartut tamaasa ingerlaannaq peqquniarini akiitsut akilerneqan-gippata akiliisitsiniartarfiup akiliisitsiniaqqullugu qinnuigineqannginnerani nuki-ngisaarinermi periaatsimik aallartitseqqullugit.

Borgmesteri qinnuigaara allakkat borgmesterip immikkoortortaqarfinnut naatsorsuu-serinermik ingerlataqartunut nassiussaasa assilineri nassiateqqullugit kiisalu sulias-saqarfimmi tassani pissutsit allanngoriartornerat pillugu ilisimateqqullunga.

Oqaatigaara akiliisitsiniartarfimmi pissutsit paasineqartut Inatsisartut Ombudsman-diat pillugu Inatsisartut inatsisaanni § 10, imm. 1 tunngavigalugu Inatsisartunut Naa-lakkersuisunullu nalunaarutigissanerlugit massakkt isumaliutersuutigigiga.

Taamatulli nalunaarutiginninnissannik aalajangertinnanga suliniutit borgmesterip aallartinniagai pillugit ilisimatitsissummik tigusaqarnissara utaqqimaarpara."

Kommuni allakkatigut 12. december 2007-imeersutigut akivoq. Borgmesterip ingerlatsivinnut tamanut saaffiginnissutaata assilineri imaattoq akisummut ilanngullugu nassiunneqarpoq:

"Paasineqarsimavoq K Kommunimi immikkoortoqarfimmut akiliisitsiniartarfimmiit saaffiginneqataareernermit suli naammaginatut ingerlatsisoqanngitsoq - akiitsullit akiliisimangitsut missorneqartuarnerini, tassungalu atatillugu akileeqqusissutinik nassiussisarneq.

Matumuuna erseqqissarneqassaaq immikkoortoqarfiit tamarmik akileeqqusisarnermik suleriaasi[li]jussasut akiliisitsiniartarfimmiillu akuertillugu.

Akileeqqusisarnermi periaaseq tamatuma kingorna malinneqassaaq, akiliisitsiniartarfiik akiitsunik akiliinngitsoortoqarsimatillugu akileeqqusinnissamik noqqaavigineqartinnagu.

Akiliisitsiniartarfiik akiliisitsiniarsinnaananilu akileeqqusisinnaanngilaq akileqqusanut uppersaatait naammassineqarsimatinnagit, tamatuma nassatarissavaa akiliisitsiniarnerup itigartinneqarnissaa, taamaaliornikkullu kommunimut aningaasanik annaasaqaataaratarsinnaalluni.

3. Apeqqutit ingerlatsineq pillugu inatsiseqartitsinermut tunngasut pillugit ataatsimoortumik

Pissutsit tamakku sapinngisamik piaartumik iluarsineqassapput, imami inisseratarsinnaavugut nuna tamakkerlugu akileraartarnermik ingerlatsivissap akiliisitsiniartarnermillu ingerlatsivissap akiliisitsineq itigartikkaa, uppernarsaatiniq amigaateqarneq pissutigalugu."

Kommuni tamatuma kingornatigut nalunaarfigaara suliame annertunerusumik iliuuseqaqqissanngitsunga.

4. Suliat suliniutillu nammineerluni misissugassanngortitat kommuninullu tikeraarnerit

Suliamik nammineerlunga misissuiffiginninnissannut Inatsisartut Ombudsmandiat pillugu Inatsisartut inatsisaanni nr. 7-imi, 13. juni 1994-imeersumi § 6, imm. 5 tunngavigalugu pisinnaatitaavunga.

Pisinnaatitaaneq taanna suliat/ingerlatat uku aallartinnissaannut 2006-imi atorpara:

4-1 *Allakkerisoqarfiup allakkanik agguaassisarnerani illoqarfinnik nunaqarfinnillu ilaajunnaarsitsinissamut inatsisitigut tunngavigisaq pillugu apeqqut (j.nr. 11.73.67.12/016-07)*

Innuttaasup saaffiginnissutaa tunngavigalugu aalajangerpunga suliaq nammineq misissuinermik aallartitsiviginiarlugu, Naalakkersuisut nalunaarummik aalajangersaanermikkut allakkerisoqarfimmik illoqarfinni nunaqarfinnilu allakkanik agguaassinissamut pisussaaffiianissaminnut inatsisikkut tunngavissaqarnerisut paasiniarlugu.

Suliaq ukiup nalunaarusiuunneqartup 2007-ip ingerlanerani inaarlugu suliarineqarpoq, misissuinerlu immikkoortumi 5-imi tamakkerluni issuarneqarpoq.

4-2 *Inummut tapit pillugit aalajangiinerup nalunaarutigineqarnera (j.nr. 11.73.05.22/019-07)*

Suliami aalajangersimasumi paasissutissiissutigineqartut tunngavigalugit K Kommuni inummut tapit pillugit aalajangiinerik qinnuteqartut ataasiakkaarlugit tunngavilersugaasunik nalunaarfiginissaannut taarsiullugu Utoqqaat Avisiat aqcutigalugu nalunaaruteqartarnera pillugu naammineerluni misissuiffiginninneq aallartissanerlugu isumaliutersuutigaaara. Taamaattumik K Kommuni qinnuigaara periaatsini pillugu nassuiaateqaqqullugu.

Kommuni allakkani 23. august 2007-imeersuni akivoq inummut tapiliisoqarnissaanik suliat ataasiakkaarlugit aalajangiinerit kommunip innuttaasunut pineqartunut nassiuttarai, kiisalu kommunip innuttaasut pineqartut Isumaginninnermi Naammagittaalliuteqartarfimmut naammagittaalliornissamut periarfissaqarnerannik ilitersortarai.

Kommuni allakkatigut 26. september 2007-imeersutigut nalunaarfigaara kommunip akissutaa tusaatissatut tigugiga, kommunillu periaasianik nammineerluni misissuiffiginninnermik aallartitsiniangitsunga.

4-3 Ilaqutariinnermut Pisortaqarfiup innarluutillit pillugit peqqussut tunngavigalugu aalajangiinissamut pisinnaatitaanermik kommuninut aalajangersimasunut isumaqatigiissutitut ilusilikkamik isumagisassanngortitsinerata tamanut saqqummiunneqannginnera (j.nr. 11.73.17.05/063-07)

Suliamik pineqartumik, immikkoortoq 5-imi eqqartorneqartumik, suliarinninninnut atatillugu malugaara Ilaqutariinnermut Pisortaqarfiup, misileraanermik aaqqissuussinnermut ilaatillugu, annertuumik innarluutillit ikiorserneqartarnerat pillugu Inatsisartut peqqussutaat nr. 7, 3. november 1994-imeersoq kingusinnerusukkut allannguuteqartinneqartarsimasoq (innarluutillit pillugit peqqussut) tunngavigalugu aalajangiinissamut pisinnaatitaanini kommuninut aalajangersimasunut isumaqatigiissutitut ilusilikkamik isumagisassanngortissimagaa.

Aaqqissuussineq taamaattoq tamanut saqqummiunneqarsimannngimmat apeqqutip taassuma immikkoortillugu nammineerluni misissuiffiginninnermik aallartitsivigineqarnissaa toqqarpara, Ilaqutariinnermullu Pisortaqarfik qinnuigalugu tamanut nalunaarutiginninnginnerup qanoq iliuuseqarnissamut pissutissaqalersitsinera pillugu nassuiaateqaqqullugu.

Misissuina ukiup nalunaarusiunneqartup naanerani suli naammassineqanngilaq.

4-4 Piffissaq Isumaginninnermik Naammagittaalliuuteqartarfimmi sulianik suliarinninnermut atorneqartartoq (j.nr. 11.73.19.04/082-07)

Naammagittaalliuuteqartarfiup naammagittaalliuut pillugu suliami pineqartumi tusarniaaninnut akissummini oqaatigaa piffissaq Naammagittaalliuuteqartarfimmi sulianik suliarinninnermut atorneqartartoq massakut qaammatinik 24-nik sivilisussuseqartartoq, suliallu meeqqanik inuusuttunillu angerlarsimaffiup avataanut inissiinernut tunngasut qaammatit pingasut iluanni suliariniarneqartartut.

Tamanna tunngavigalugu aalajangerpunga piffissap Naammagittaalliuuteqartarfimmi sulianik suliarinninnermut atorneqartartup sivilisussusianut pissutaasumik nammineerluni misissuiffiginninneq aallartinniarlugu.

Misissuina ukiup nalunaarusiunneqartup naanerani suli naammassinngilaq.

4-5 Sulisoqarnermut Pisortaqarfiup soraarnermut atatillugu isumaqatigiissutini nipangiussisussaataaneq pillugu aalajangersakkanik atuisarnera (j.nr. 11.73.-20.12/108-07)

Sulisoqarnermut Pisortaqarfiup soraarnermut atatillugu isumaqatigiissutini nipa-
ngiussisussaaneq pillugu aalajangersakkanik atuisarneranik nammineerluni mi-
sissuiffiginnineq pissutsit immikkut suliarinninnissamut pissutissaqalersitsin-
ngitsut pillugit naammagittaalliuutit marluk tunngavigalugit aallartippara.

Suliap suliarineqarnera ukiup nalunaarusiuunneqartup naanerani suli naammas-
sisimangilaq.

4-6 A/S Inissiaatileqatigiiffik INI-p inissianit nutsernerit pillugit nalunaarusiami suliarineqarnerinik nammineq nakkutilliinera (j.nr. 11.73.39.22/125-07)

K Kommunimi 2007-imi tikeraarninni innuttaasumik oqaloqateqarpunga, taassu-
malu suliamik inissiamit nutsernerminut tunngasumik Inissiaatileqatigiiffiup su-
liarinninnera naammagittaalliuutiginiarpaa.

Innuttaasup oqaatigaa inissiamit nutsernerup kingornatigut nalunaarusiaq atsio-
reerini uppersaat taanna Inissiaatileqatigiiffiup allannortissimagaa, taamaa-
lilluni nalunaarusiaq imatut isikkoqalersimalluni soorlulusooq innuttaasup iluar-
saassinermi sulianut piviusunit annertunerusunut aningaasartuutit akilerneqarnis-
saat akuerisimagai.

Oqaloqatigiinnermi innuttaasup oqaatigaa Ineqarnek pillugu Naammagittaalliuu-
teqartarfimmut naammagittaalliorsimalluni tassanngalu ilalerneqarsimalluni.
Inissiaatileqatigiiffiup periaasia Ineqarnek pillugu Naammagittaalliuuteqartar-
fiup tamatumunnga peqatigitillugu isornartorsiorlugu oqaaseqaateqarsimavoq.

Tamanna tunngavigalugu nalunaarutigaa Inissiaatileqatigiiffik pillugu naam-
magittaalliuutip suliarinissaanut naammattumik tunngavissaqarnanga isumaqar-
tunga.

Isumaqarpungali suliap pissusia imaattoq Inissiaatileqatigiiffiup nalunaarusianik
inissianik qimatsineranut atatillugu suliarisartakkaminik nammineq nakkutilliine-
ra nammineerluni misissuiffiginninnermik aallartitsivigisariaqariga.

Misissuineru ukiup nalunaarusiuunneqartup naanerani suli naammassinngilara.

4-7 Sulianik isumaginninnermut tunngasunik misissuineq

(j.nr. 11.73.88.71/038-07)

Sulianik misissuina ilaatigut akuersinnermut uppernarsaatip oqaasertalersorneqarnera pillugu ataatsimut oqaaseqaatinik saqqummiussinissannut pissutissaqalersitsivoq, tamanna pillugu immikkoortoq 3 takuuk.

(j.nr. 11.73.88.71/046-07)

Sulianik misissuina pisortanit ikiorsiissutinik utertitassanngortitanik pensionisqaartunut ikiorsiissuteqartarneq pillugu ilaatigut ataatsimut oqaaseqaatinik saqqummiussinissannut pissutissaqalersitsivoq, tak. immikkoortoq 3.

(j.nr. 11.73.88.71/049-07)

Sulianik misissuineq K Kommunimut ilaatigut imaattumik inassuteqaateqarnissannut pissutissaqalersitsivoq, tassalu init oqaloqatigiinnerni pisariaqartut kommunip pissarsiariniassagai, taamaalillutik innuttaasut pissutsit imminnut tunngasut sussaqaanngitsunit tusaaneqaratik ingerlatsivimmi sulisunut oqaloqatiginnisutigisinnaasarniassammatigit, immikkoortoq 3-mi tassunga tunngasoq takuuk.

Sulianik isumaginninnermut tunngasunik misissuineq (j.nr. 11.73.88.71/116-07)

Ataatsimut oqaaseqaatikka K Kommunimilu suliat inunnut ataasiakkaanut tunngasut pillugit oqaaseqaatikka apeqqutikkalu allakkatigit 18. december 2007-imeersutigut saqqummiuppakka. Kommunip akissutaanik ukiup nalunaarusiuuneqartup naanerani suli tigusaqaanngilanga.

4-8 Sulianik sulisunut tunngasunik misissuineq

(j.nr. 11.73.88.72/039-07)

K Kommunimi 2007-imi tikeraarninnut atatillugu K Kommunimi sulianik sulisunut tunngasunik misissuivunga.

Ataatsimut oqaaseqaatima imaluunniit kommunip taakkununga akissutaasa nalunaarummut ilanngunneqarnissannut pissutissaqarnanga isumaqarpunga. Suliamik suliarinninnera allakkatigit 7. december 2007-imeersutigut naammasivara.

(11.73.88.72/047-07)

Kommunimi sulianik sulisunut tunngasunik misissuininnut atatillugu K Kommunimut oqaaseqaatima ilaasa nalunaarummut ilanngunneqarnissaannut pissutissaqarnanga isumaqarpunga.

(j.nr. 11.73.88.72/050-07)

K Kommunimi 2007-imi tikeraarninnut atatillugu K Kommunimi sulianik sulisunut tunngasunik misissuivunga.

Ataatsimut oqaaseqaatima imaluunniit kommunip taakkununnga akissutaasa nalunaarummut ilanngunneqarnissaannut pissutissaqarnanga isumaqarpunga. Suliamik suliarinninnera allakkatigut 15. oktober 2007-imeersutigut naammassivara.

(j.nr. 11.73.88.72/117-07)

Kommunimi sulianik sulisunut tunngasunik misissuininnut atatillugu K Kommunimut oqaaseqaatima ilaasa nalunaarummut ilanngunnissaannut pissutissaqarnanga isumaqarpunga.

4-9 Sulianik akiliisitsiniarnermut tunngasunik misissuineq

(j.nr. 11.73.88.73/040-07)

Sulianik misissuina ilaatigut kommunip innuttaasunit pisassarisanik akiliisitsiniarnermut atatillugu ataatsimut taaguutininik, soorlu "akiligassiissutit assigiingitsut"-nik, atuinera pillugu ataatsimut oqaaseqaatinik saqqummiussinissannut pissutissaqalersitsivoq, tamanna pillugu immikkoortoq 3 takuuk.

(j. nr. 11.73.88.73/048-07)

Kommunimi sulianik akiliisitsiniarnermut tunngasunik misissuininnut atatillugu K Kommunimut oqaaseqaatima ilaasa nalunaarummut ilanngunneqarnissaannut pissutissaqarnanga isumaqarpunga.

(j.nr. 11.73.88.73/051-07)

K Kommunimi suliani akiliisitsiniarnermut tunngasut K Kommunimi tikeraarnermut atatillugu misissorpakka.

Oqaaseqaatima kommunilluunniit taakkununga akissutaasa nalunaarummi issuarneqarnissaannut pissutissaqarnanga isumaqarpunga.

(j.nr. 11.73.88.73/118-07)

K Kommunimut 2007-imi tikeraarninnut atatillugu K Kommunimi suliak ilii-sitsiniarnermut tunngasut misissorpakka. Suliamik suliarinninnera naammassivara, ataatsimullu oqaaseqaatinnit tigulaakkat immikkoortoq 3-mi ilanngunnissaannut pissutissaqarlunga isumaqarlunga.

5. Suliat nalinginnaasumik soqutiginaatillit, inatsiseqartitsifiusunut agguataakkat

Namminersornerullutik Oqartussat

5.1. Atorfinitsitsineq atorfeqarnermilu atugassarititaasut / pisinnaati-taaffiit

5.1.1. Feriartarnej pillugu inatsit unioqqutillugu tjestemandit pillugit isumaqatigiisummi feriartarnej pillugu aalajangersakkat

Utoqqalinini pissutigalugu soraarnermini feriarfissanngorsimasut feriarfissatullu katersorneqarsimasut piffissami suliunnaarsitsiviusumi feriarfigineqarsimasutut isigineqarnerannik nalunaarfigineqarsimanini A-p naammagittaalliuutigaa. Tamanna pillugu isumaqatigiisut A-p atsiorsimavaa, Sulisoqarnermullu Pisortaqarfiup tjestemandit pillugit isumaqatigiisummi feriartarnej pillugu isumaqatigiisut pisortaqarfiup periaasianut tunngavigineqartutut innersuussutigaa.

Tjestemandit pillugit isumaqatigiisut tjestemandit pillugit isumaqatigiisummi § 49, imm. 2-mi aalajangersagaq tunngavigalugu atorneqarsinnaanngitsoq malillugu Sulisoqarnermut Pisortaqarfiup aqutsisimanera isorisariale-rujussuartut Ombudsmandip isigaa. Ombudsmandip Sulisoqarnermut Pisortaqarfik qinnuigaa siusinnerusukkut suliat periaaseq taanna tunngavigalugu aalajangiivigineqarsimasut eqqarsaatigalugit pisortaqarfik qanoq iliuuseqarniarnersoq paasissutissiissutigeqqullugu, isumaqatigiisullu atuussinnaassuseqanngitsoq Nalunaarutit C-mi tamanut saqqummiunneqarsimasoq eqqarsaatigalugu pisortaqarfik qanoq iliuuseqarniarnersoq paasissutissiissutigeqqullugu. Ombudsmandip Inatsisartut Inatsisit Atortinneqarnerannut Ataatsimiititaliaat aamma Kalaallit Nunaanni Naalakkersuisut isumaqatigiisutit feriartarnej pillugu inatsimmut naapertuuttuunnginneranik periarfissaq taanna atorlugu ilisimatippai (j.nr. 11.01.20.01/015-07).

A-p naammagittaalliuutaa 14. februar 2007-imeersoq imaattunik oqaasertaqarpoq:

"Sulisoqarnermut Pisortaqarfiup allagai 9. februar 2007-imeersut [Ombudsmandip inatsisilernermit pisortaanik] oqarasuaatikku oqaloqateqarsimanera innersuussutigalugit sulinnigfeqarner-siutisiassat tunniunneqarnerisa nassuiarneqarnissaanik Inatsisartut Ombudsmandiat qinnuigaara.

Sulisoqarnermut Pisortaqarfimmi ...-tut atorfeqarsimanerma nalaani pisuni, soorlu suliunnaarsitaanermut suliani, qinnuteqaatitaqanngitsummik soraarsitsinerit, soraarsitsinerit/soraarniuteqarnerit, imatut paasivarput: ”qanoq ilisukkulluunniit feriarfissatut (soorlu) 2005-imi ukiunilu siuliini

katersukkat kiisalu feriarfissatut (soorlu) 2006-mi katersukkat atorfeqarsimasutut isigineqarput”, taamaalilluni ULLUT feriarfissatut pisassat soraarnerup nalaani atorneqarlutik.

Sulisoqarnermut Pisorta qarfirmi ukiut 15-it matuma siornatigut atorfeqarsimanerma nalaani taamatut nassuiaaneq atuuppoq sulilu atuussimanissaa ilimanarluni, aamma sulilinnginnerma nalaani.

Suliamik suliarinninnermi suliamik suliarinnittup Akissarsialeriffik allakkiornermigut nalunaarfigaa feriarnerutiassat tunniuteqqulugit. Tamanna pivog feriarneq pillugu inatsimmi kap. 4, § 12 aamma § 14 imm. 3 aamma 4 tunngavialugit.

Sulisoqarnermut Pisorta qarfik isumaqarpat ”feriarnissamat ukiumit katersuiffiusumit 2005-imit ukiuniluunniit siusinnerusunit kiisalu ukiumit massakut katersuiffiusimasumit 2006-imit feriarfissatut katersukkat pisassallu” imatut paasineqassanersut, tassalu ullut feriarfiusut sulinnigiffeqarnerutiassallu ataatsikkut atorneqarlutillu pineqassasut, taava soq soraarnerup nalaani feriarnerutiassat tunniunneqanngillat?

Uanga isumaqarpunga feriarnermut inatsit naapertorlugu feriarnerutiassaqartussaataitasunga, imaanngitsorli immikkut ittumik sulinnigiffeqarnerutiisianik.

Uppernarsarlugu oqaatigissavara ...-mut immikkut ittumik feriarnerutiassat tunniunneqarneranni akissarsiat allagartaat februarip aallartinnerani 2007-imi tigusimagakku.

(...)” (Atorfeqarfirmi nutsigaavoq)

Naammagittaalliummut ilanngullugit ilanngussat arlallit nassiunneqarput, matumani A-p allagaanut 30. januar 2007-imeersunut 2006-imi feriarnermi ajunngitsorsiassami tunniunneqarnissaannik qinnuteqaatigisaanut Sulisoqarnermut Pisorta qarfiup akissutaa 9. februar 2007-imeersoq ilanngullugu eqqarsaatigalugu. Pisorta qarfiup akissutaa 2006-imi feriarnermi ajunngitsorsiassat pillugit immikkoortunik imaattunik ilaatigut imaqarpoq:

”Sulisoqarnermut Pisorta qarfiup aammattaaq nalunaarfigissavaatit 2006-imi feriarnermi ajunngitsorsiassaqqanngitsutit, Sulisoqarnermummi Pisorta qarfiup allakkatigut 19. maj 2006-imeersutigit utoqqalinerit pissutigalugu qinnutigisat malillugu soraarsimmatit, 2006-imi novemberip qaammataata naanerata tungaanut soraarnerussutisiaqaataasumik.

Tamatumunnga peqatigitillugu nalunaarfigineqarputit 2006-imi novemberip qaammataata naanerata tungaanut suliunnaarsinneqarsimanerit pissutigalugu feriarfissat 2005-imi ukiunilu siusinnerusuni kiisalu ukiumi katersiviusumi 2006-imi feriarfissatut katersorneqarsimasut feriarfigineqarsimasutut isigineqartut.

Tamatuma saniatigut matumuuna nalunaarutigineqassaaq feriartarneq pillugu isumaqatigiissummi 27. maj 1993-imeersumi § 3-mi allassimamat tjenestemandip utoqqalinini pissutigalugu soraarsinneqarsinnaatitaasup piffissap soraarsitsiviusup tungaanut feriarfissatut katersorsimasani sapinngisamik feriarfiginiassagai.

(...)

Sulisoqarnermut Pisortaqarfiup ilinnut aamma malugeqqussavaa soraarniuteqarlutit qinnuteqaatinni 3. maj 2006-imeersumi ulloq taanna isumaqatigiissutaasimasoq atsiorsimagit, tassanilu imm. 2-p ataani ilaatigut imaattunik allassimasoqarpoq:

Ukiumi katersiviusumi 2005-imi ukiunilu siusinnerusuni feriarfissatut kiisalu ukiumi katersiviusumi matumani 2006-imi katersat piffissap soraarnissamut piffissaliussap iluani atorneqarsimasutut isigineqarput." (Atorfeqarfimmi nutsigaavoq)

Isumaqatigiissut taaneqartoq 3. maj 2006-imeersoq kiisalu A-p aamma Sulisoqarnermut Pisortaqarfiup 2006-imi feriarnermi ajunngitsorsiassat pillugit allaffigeqatigiittarneranni allagaasimasut assilineri naammagittaalliummut taamatutaaq ilanngullugit nassiunneqarsimapput.

Sulisoqarnermut Pisortaqarfik 19. februar 2007-imi qinnuigaara mappi allagaatinik A-mut tunngasunik imalik atukkiuteqqullugu, pisortaqarfiullu suliamik paa-sinninnera pillugu nassuiaateqaqqullugu, matumani aalajangiinermut inatsisitigut tunngaviusoq ilanngullugu eqqarsaatigalugu.

Sulisoqarnermut Pisortaqarfiup mappiutaa suliami allagaatinik imalik 26. marts 2007-imi tiguara, allakkanik ilaatigut imaattunik imaqartunik ilaqartillugu:

”(...)

A-p soraarnera pillugu allakkani nalunaarutigineqarpoq 2006-imi novemberip qaammataata naanerani soraarnissami tungaanut sulionnaarsitaagami sulinnigiffeqarfissaq 2005-imi ukiunilu siuliini katersorneqarsimasoq tamarmi piffissap soraarfiup tungaanut sulinnigiffeqarfiusutut naatsorsuutigineqartoq. Aammattaaq ukioq maannamut katersiviusoq sulinnigiffeqarfiusutut naatsorsuutigineqarpoq.

Sulinnigiffeqarfissap 2005-imi ukiunilu siuliini katersorneqartup piffissap soraarfiup tungaanut sulinnigiffeqarfiusutut naatsorsuutigineqarnera eqqarsaatigalugu tamatumunnga tunngaviuvoq sulinnigiffeqarneq pillugu inatsisip § 7-iani imm. 3.

Ukioq maannamut sulinnigiffeqarfissamut katersat eqqarsaatigalugit taakku sulinnigiffeqarfiusutut naatsorsuutiginerannut tunngaviusumut innersuusutigineqassaaq Nalunaarutit C-I, afsnit 8, grp. 2, lb. nr. 17, Sulinnigiffeqarneq pillugu isumaqatigiissummi § 3 (ilanngussaq 1-itut ilanngunneqartoq).

(...)"

Feriararneq pillugu isumaqatigiissummi § 3, imm. 1-imi oqaaseqaatigiinni siul-lerni aalajangersagaq atorneqartoq imaattunik oqaasertaqarpoq:

"Tjenestemandip utoqqalinini pissutigalugu soraarsinneqarsinnaatitaasup piffissap soraarsitsiviusup tungaanut feriarfissatut katersorneqarsimasut soraarsinneqannginnermini sapinngisamik feriarfigissavai." (Atorfeqarfimmi nutsigaavoq)

Sulisoqarnermut Pisortaqarfik 13. april 2007-imi allakkanni imaattunik oqaasertaqartuni qinnuigaara feriarneq pillugu isumaqatigiissutip feriarneq pillugu inatsimmut aamma tjenestemandit pillugit inatsimmut⁵ naapertuuttuunera pillugu nassuiaateqaqqullugu:

"(...)

Sulisoqarnermut Pisortaqarfiup akissutaanit erserpoq A-p ukiumi katersiviusumi 2005-imi feriarfissatut katersorneqarsimasunik feriarfiginninnera feriarneq pillugu Inatsisartut inatsisaanni nr. 10-mi, 12. november 2001-imeersumi § 7, imm. 3 tunngavigalugu pisimasutut isigineqartoq.

Sulisoqarnermut Pisortaqarfiup akissutaanit aammattaaq erserpoq ukiumi katersiviusumi 2006-imi feriarfissatut katersanik feriarfiginnissimasutut isiginninnermut tunngaviusoq tassaasoq Kalaallit Nunaanni Naalakkersuisut aamma tjenestemandit aamma Kalaallit Nunaanni qitiusumik allaffeqarfissuarmi atorfeqartitaasut isumaqatigiissutaat tunngavigalugu feriarneq pillugu isumaqatigiissutaanni § 3-mi nassarineqarsinnaasoq. Isumaqatigiissut taanna Kalaallit Nunaanni Namminersornerullutik Oqartussani kommuninilu tjenestemandit pillugit Inatsisartut inatsisaanni nr. 5-imi, 14. maj 1990-imeersumi § 49, imm. 1 tunngavigalugu isumaqatigiissutigineqarsimavoq.

Ombudsmandip Sulisoqarnermut Pisortaqarfik matuma kingornatigut qinnuigaa manna pillugu nassuiaateqaqqullugu, tassalu feriarneq pillugu isumaqatigiissut feriarneq pillugu Inatsisartut inatsisaanni nr. 10-mi, 12. november 2001-imeersumi § 6, imm. 1-imut imaattunik oqaasertaqartumut naapertuuttusutut Sulisoqarnermut Pisortaqarfiup isigineraa:

"§ 6. Feriartoqassaaq ukiup katersiviusup kingornatigut ukiumi feriarfimmi tulliuuttumi, 1. februarimit 31. januarimut ingerlasumi."

Sulisoqarnermut Pisortaqarfik tamatumunnga peqatigitillugu qinnuigineqarpoq manna pillugu nassuiaateqaqqullugu, tassalu feriarneq pillugu isumaqatigiissut feriarneq pillugu inatsimmi § 7, imm. 1-imut isumaqatigiissutip isumaqatigiissutigineqarnerata nalaani atuuttumut naapertuuttusutut isigineqarnersoq.

Sulisoqarnermut Pisortaqarfik aammattaaq qinnuigineqarpoq manna pillugu nassuiaateqaqqullugu, tassalu feriarneq pillugu isumaqatigiissut feriarneq pillugu inatsimmi 2001-imeersumi § 7, imm. 3-p ikkunneqarnerata kingornatigut Kalaallit Nunaanni Namminersornerullutik Oqartussani kommuninilu tjenestemandit pillugit Inatsisartut inatsisaanni nr. 5-imi, 14. maj 1990-imeersumi § 49, imm. 1-imik sulit tunngaveqartutut isigineqarnersoq.

5 Kalaallit Nunaanni Namminersornerullutik Oqartussani kommuninilu tjenestemandit pillugit Inatsisartut inatsisaat nr. 5, 14. maj 1990-imeersoq.

Feriarneq pillugu inatsimmi 2001-imeersuni § 7, imm. 3 imaattunik oqaasertaqarpoq:

"Imm. 3. Akissaateqarluni sulisuusoq piffissami soraarnissap tungaanoortumi suliunnaarsitaasimappat, feriarfissat tamarmik tiguneqarsimasutut isigineqassapput, feriarnissap aalajangerneqareersimanera apeqqutaatinnagu, piffissat § 9, imm. 1-imi taaneqartut feriarnerlu piffissap suliunnaarsitsiffiup iluaniissinnaappata."

Sulisoqarnermut Pisortaqarfimmut tamatumunnga atatillugu Kalaallit Nunaanni Namminersorerullutik Oqartussani kommuninilu tjenestemandit pillugit Inatsisartut inatsisaanni nr. 5-imi, 14. maj 1990-imeersumi § 49, imm. 2 imaattunik oqaasertaqartoq malugeqquara:

"Imm. 2. Taamaattorli pissutsit inatsisitigut imaluunniit inatsisit naapertorlugit aalajangiiffigisassat imaluunniit pisortaqarfiup suliassanut, aaqqissuussaananeranut sulisussanilluunniit atorfissaqartitsineranut tunngasut imm. 1 naapertorlugu isumaqatigiissuteqarfigineqarsinnaanngillat."

(...)"

Sulisoqarnermut Pisortaqarfik qinnutigisannut akissuteqaqqullugu 23. maj 2007-imi nukingisaarpara.

Sulisoqarnermut Pisortaqarfiup akissutaa 3. juli 2007-imi tiguara. Tassannga er-serpoq feriarfissat atorneqarsimanngitsut piffissami suliunnaarsitsiviusumi pineqartumi feriarfigeqqullugit tjenestemandi peqquneqarsinnaanersooq pisortaqarfiup Isumaqatigiinniarnernut Immikkoortortaqarfik apeqqutikka tunngavigalugit paasiniaavigisimagaa.

Sulisoqarnermut Pisortaqarfik Isumaqatigiinniarnernut Immikkoortortaqarfiup akissutaa pisortaqarfiullu tamatumunnga akissutaa pillugit imatut allappoq:

"Isumaqatigiissutit pillugit immikkoortortaqarfiup ullumi ulloq 13. maj 2007 allakkatigut akissuteqarput feriarluni sulinngiffeqarnerit atorsimanngisat aningaasannorlugit tunniunneqassasut tamanna pillugu sulinngiffeqarluni feriarnissat atorsimanngisat ukioq 2006 katersorsimasat atorfillimmut atortissallugit piumaffiginnittoqarsinnaanngitsoq takujuk sulinngiffeqarluni inatsit § 14, imm. 3 suliunnaarnerup nalaani.

Tamanna pillugu Sulisoqarnermut Pisortaqarfiup suleriaaseq allanngortippaa tassungalu ilanngullugu feriarluni sulinngiffeqarnermi Naalakkersuisut, Atorfillit Kalaallit Nunaanni Kommuni-mi atorfillit isumaqatigiissutaat § 3, imm. 1 siulleq eqqunngitsuutinneqarpoq, takujuk Inatsisartut peqqussutaat nr. 10, novemberip 12-iani 2001-imeersooq sulinngiffeqarluni feriarnermi peqqussut, § 6 aamma § 7, imm. 3 aammalu Inatsisartut peqqussutaat nr. 5, majip 14-iani 1990-imeersooq Namminersorerullutik Oqartussat Kalaallit Nunaanni Kommuni-mi atorfillit isumaqatigiissutaat, § 49, imm. 2 malillugu.

Atorfillip pineqartup tamanna naapertorlugu ukioq 2006 sulinngiffeqarnissamut aningaasat katersai, ukioq sulinngiffeqarfik 2007 feriami ajunngitsorsiassatut aningaasanngorlugit tunniunneqasapput."

Sulisogarnermut Pisortaqarfiup akissutaa A-mut suliama illua'tungiusup isumaanik tusarniaatit 20. juli 2007-imi nassiuppara. Tamanna pillugu oqaaseqaatinik tigusaaqanngilanga.

Sulisogarnermut Pisortaqarfiup mappiutaani allagaatinut aamma ilaavoq A-p 2005-imi feriarnermi immikkut ajunngitsorsiassat aamma 2006-imi feriarnermi ajunngitsorsiassat tunniunneqarnissaannik qinnuteqaataa 30. januar 2007-imeersoq.

Tassani assammik allataq imaattoq ilanngunneqarsimavoq:

"Taama sianiitsigisariaqanngikkaluarpoq. [Atsiornera erseqqarluppoq]" (Atorfeqarfimmi nutsigaavoq)

Tamatuma kingornatigut imaattunik oqaaseqaateqarpunga:

"1. Sulisoqarnermut Pisortaqarfiup feriartarneq pillugu isumaqatigiisummik atuine-ra

Feriarneq pillugu inatsimmi 1990-imeersumi § 7, imm. 1 imarisamigut feriarneq pillugu inatsimmi 2001-imeersumi § 6, imm. 1-ip assigaa, § 6, imm. 1-ilu imaattunik oqaasertaqarpoq:

"§ 6. Feriartogassaaq ukiup katersiviusup kingornatigut ukiumi feriarfimmi tulliuuttumi, 1. februarimit 31. januarimit ingerlasumi."

Tassa imaappoq feriarfissat A-p ukiumi katersiviusumi 2006-imi 1. januarimit 31. decemberimit katersorsimasai ukiumi feriarfiusussap 1. februar 2007-imit 3. januar 2008-mut ingerlasup iluani feriarfigineqartussannortussaasut.

Tamatuma saniatigut feriarneq pillugu inatsimmi 2001-imeersumi § 7, imm. 3-kkut aalajangersarneqarpoq:

"Imm. 3. Akissaateqarluni sulisuusoq piffissami soraarnissap tungaanoortumi suliunnaarsitaasimappat, feriarfissat tiguneqarsimasutut isigineqasapput,(...), piffissat § 9, imm. 1-imi taaneqartut feriarnerlu piffissap suliunnaarsitsiffiup iluaniissinnaappata."

Feriarernerli pillugu isumaqatigiisummi § 3, imm.- 1-imi oqaaseqaatigiinnit siuller-nit ersepoq:

"Tjenestemandip utoqqalinini pissutigalugu soraarsinneqarsinnaatitaasup piffissap soraarsitsiviusup tungaanut feriarfissatut katersorneqarsimasut soraarsinneqannginnermini sapinngisamik feriarfigissavai." (Atorfeqarfimmi nutsigaavoq)

Taamaalilluni feriartarneq pillugu isumaqatigiisummit erserpoq ukiumi soraarsitsiviusumi feriarfissatut katersorneqarsimasut qaammatisiutit ukiuanni tassani feriarfigiuganeqarsinnaasut, imaanngitsoq ukiumi feriarfissatut katersiviusumi tulliuuttumi, feriartarneq pillugu inatsimmi aalajangersarneqartutut.

Tamatuma saniatigut feriartarneq pillugu isumaqatigiisutikkut aalajangersarneqarpoq feriarfissatut katersorneqarsimasut feriarfigineqarsimasutut isigineqassasut, tamannalu feriartarneq pillugu inatsimmi 2001-imeersumi § 7, imm. 3-mut assortuuttuuvog, taannami taamaallaat feriarfissanngorsimasut feriarfigineqarsimasutut isigineqarnissaannut tunngavissaliimmat.

Taamaattumik Sulisoqarnermut Pisortaqarfiup feriartarneq pillugu isumaqatigiisummi § 3, imm. 1-imi oqaaseqaatigiit siulliit atuussinnaassuseqannginerannik paasinninnera ilalersinnaavara.

A-p naammagittaalliutaanit erserpoq piffissami A-p atorfeqartitaaffigisimasaani tamarmi Sulisoqarnermut Pisortaqarfiup feriarfissat tamaasa - feriarfigineqartussanngorsimasut katersorneqarsimasullu - suliunnaarsitsinerit, qinnuteqaataanngitsumik soraarsitsinerit il.il. pillugit suliani feriarfigineqarsimasutut isigisarsimagai.

Aammattaaq Sulisoqarnermut Pisortaqarfiup uannut akissutaanit erserpoq pisortaqarfik feriartarneq pillugu isumaqatigiisummi aalajangersakkat tunngavigalugit aqutsisimasog, naak taakku feriartarneq pillugu inatsimmik unioqqutitsisuugaluartut.

Sulisoqarnermut Pisortaqarfiup feriartarneq pillugu inatsimmi 1990-imeersumi § 7, imm. 1 aamma feriartarneq pillugu inatsimmi 2001-imeersumi § 6, imm. 1 aamma § 7, imm. 3 unioqqutillugit feriartarneq pillugu isumaqatigiisummi § 3, imm. 1-imi oqaaseqatigiinnik siullernik atuisimanera isorisarialerujussuartut isigaara.

Taamaattorli pisortaqarfiup periaatsiminik massakkut allannguisimaneranik Sulisoqarnermut Pisortaqarfiup nalunaaruteqarnera tamatumunnga peqatigitillugu tusaatissatut tiguara.

Sulisoqarnermut Pisortaqarfik tamatumunnga atatillugu qinnuigaara siusinnerusukkut suliaasarsimasut feriartarneq pillugu isumaqatigiisummi aalajangersakkamik atuussinnaassuseqanngitsumik atuiffiusimasut eqqarsaatigalugit qanoq iliuuseqarnisaminut pissutissaqarluni isumaqarnerisog uannut nalunaarutigeqqullugu.

Sulisoqarnermut Pisortaqarfik aammattaaq qinnuigaara nalunaarutit atuussinnaassuseqanngitsup Nalunaarutit C-mi tamanut saqqummiunneqarsimasup piuneranut atatillugu pisortaqarfik qanoq iliuuseqarsimanersog imaluunniit qanoq iliuuseqalersaarnersog nalunaarfigeqqullunga.

Kiisalu Sulisoqarnermut Pisortaqarfik qinnuigaara oqartussaasutut susassaqtartut feriartarneq pillugu isumaqatigiisummi § 3, imm. 1-imi oqaaseqatigiinni siullerni

aalajangersakkap atuussinnaassuseqannginneranik paasitinniarlugit suliniuteqarsi-manersaq paasissutissiissutigeqqullugu.

2. Suliami ilanngussat ilaanni assammik allataq

Suliami ilanngussat ilaanni assammik allallugu imaattoq ilanngunneqarsimavoq:

"Taama sianiitsigisariaqanngikkaluarpoq. [Atsiornera erseqqarluppoq]" (Atorfeqarfimmi nutsigaavoq)

Ingerlatsinermi ileqqorissaarnermut ilaavoq ingerlatsiviup nammineq ilumini allattugai/inassuteqaatai innuttaasup taassuma qanoq issusia imaluunniit pissusilersornera eqqarsaatigalugit misigissutsinik akoornagit suliarineqartassasut, taamaalilluni al-lakkiamik/inassuteqaammik allattup kinaassusersiortuunnginnera qularutigineqarsin-naajunaarsillugu. 2005-imi ukiumoortumik nalunaarutima kalaallisuuani qupperneq 322 innersuussutigaa⁶.

Uanga paasinninnera unaavoq Sulisoqarnermut Pisorta qarfiup suliami ilanngussami allattugaa suliami illua'tungiusoq eqqarsaatigalugu kinaassusersiornermik takutitsi-suusoq, tamatumalu kingornatigut suliami aalajangiinerup pissutsinik suliamut tunngalluinnartunik tunngaveqarluni ilumut pisimaneranik qularutiginnilersitsisinnasooq.

Taamatut naliliineq aammattaaq pineqartumik ajuallatsisisinnaavoq, taamatuttaarlu suliami allaatinik takutinneqartunit allanit takuneqarsinnaalluni.

Suliaq oqaaseqaammik aalajangiinerup suliamut tunngalluinnartunik tunngaveqarluni ilumut pisimaneranik qularutiginnilersitsisinnaasumik pineqartumullu ajuallatsitsi-sinnaasumik imaqarnera pitsaanngitsorujussuurtut isigaara.

Tamatuma kingornatigut inassuteqaatigaara allattukkat taamaattut suliani allagaat-inut ilaatinneqartannginnissaat Sulisoqarnermut Pisorta qarfiup sulisuminut erseqqis-sassagaa.

Pisorta qarfiup akissuteqarnissaa utaqqimaarlugu suliami annertunerusumik iliuuse-qaqqissanngilanga.

Tamatumunnga peqatigitillugu feriartarneq pillugu isumaqatigiissutip feriarneq pillu-gu inatsit 1990-imeersoq aamma feriarneq pillugu inatsit 2001-imeersoq unioqqutillu-git isumaqatigiissutigineqarsimanagera taamalu tjenestemandit pillugit inatsimmi § 49, imm. 2 pissutsit inatsisikkut aalajangersaavigineqartut pillugit isumaqatigiissuteqar-toqarsinnaannginneranik aalajangersaasoq tunngavigalugu atuussinnaassuseqartu-mik isumaqatigiissutigineqarsinnaasimannginnera Kalaallit Nunaanni Inatsisartunut aamma Kalaallit Nunaanni Naalakkersuisunut nalunaarutigaara, tak. Inatsisartut Ombudsmandiat pillugu Inatsisartut inatsisaanni § 11.

Allakkat ukua assilineri A-mut, Kalaallit Nunaanni Inatsisartunut aamma Kalaallit Nunaanni Naalakkersuisunut allakkatigut allatigut nassiuppakka."

6 Qallunaatuuani qupperneq 255.

Sulisoqarnermut Pisortaqarfiup akissutaanik ukiup nalunaarusiuunneqartup naanerani suli tigusaqanngilanga.

5.1.2. Feriarnermi immikkut ajunngitsorsiassat Namminersornerullutik Oqartussani pisortaqarfimmi atorfeqartitaanermi Namminersornerullutik Oqartussani pisortaqarfimmi allami atorfeqartitaanermut nuunnermi tunniunneqanngitsoornissaannut inatsisikkut tunngavissaqannginneq

A-p feriarnermi immikkut ajunngitsorsiassanik Sulisoqarnermut Pisortaqarfiup tunniussisimannginnera kattuffiup F-ip A-mut sinniisutut naammagittaalliuutigaa. Sulisoqarnermut Pisortaqarfiup itigartitsinera imatut tunngavilersorneqarsimavoq, tassalu A pisortaqarfimmi D1-imi atorfeqartitaanermi pisortaqarfimmut D2-mi atorfeqartitaanermut nuummat A-p D1-imi ajunngitsorsiassatut katersorsimasai Sulisoqarnermut Pisortaqarfiup A-mut tunniussimagai, taamaattumillu A-p D1-imi atorfeqartitaanermi feriarnermi immikkut ajunngitsorsiassat tamatumunnga peqatigitillugu tunniunneqarnissaat piumasaqaatigisinnaanngikkaa.

Ombudsmandi oqarpoq feriarnermi immikkut ajunngitsorsiassat akissarsiaqarluni feriarnermi ajunngitsorsiassat katersorneqartarnerattut katersorneqartartut, taamaattumillu feriarnermi immikkut ajunngitsorsiassat annaaneqassappata tamanna inatsisikkut erseqqissumik tunngaveqarnissamik piumasaqaateqarfiusoq. Ombudsmandi isumaqarpoq inatsisikkut tunngavissaq taamaattoq pigineqanngitsoq, taamaattumillu isumaqarluni Sulisoqarnermut Pisortaqarfiup aalajangiinera inatsisunik unioqqutitsisuusoq.

Ombudsmandip Sulisoqarnermut Pisortaqarfik aamma isumaqatiginngilaa oqarmat A-p D1-imi atorfeqartitaanermi D2-mi atorfeqartitaanermut nuunnera feriartarnej pillugu inatsimmi soraarnej pillugu malittarisassat tunngavigalugit suliarineqassasoq (j.nr. 11.01.20.01/033-07).

Naammagittaalliuut imaattoq F-imit 10. april 2007-imi tiguara:

"F ilaasortamit suliassinneqarsimavoq, tassalu feriarnermi immikkut ajunngitsorsiassat pisortaqarfimmit pisortaqarfimmut allamut nuunnermi ilaannakortumik tunniunneqarnerat, naak sulisitsisoq taannaaginнарaluartoq, tassalu Kalaallit Nunaanni Namminersornerullutik Oqartussat.

Apeqqummut ilanngullugit nassiuunneqarput F-ip Sulisoqarnermullu Pisortaqarfiup allaffigeqatigiittarneranni allagaasimasut, taamaalillutik suliami paasissutissat tamarmik pigineqarlutik.

Suliaq aallartippoq ilaasortaq pineqartoq massakut suliffigisaminit, tassalu D2-mit, feriarnermi immikkut ajunngitsorsiassanik (1,5%) tunineqaannarmat. Ilaasortaq taanna D2-mi sulilinnginnermini D1-imi atorfeqartitaasimavoq.

F-ip paasinninnera unaavoq ilaasortaq pineqartoq 2006-imi tamarmi feriarnermi immikkut ajunngitsorsiassanik tunineqarnissaminik piumasaqaateqarsinnaasoq, tassami ilaasortaq atorfimminit soraarsimangimmat, pisortaqarfimmili allami atorfimmik allamik atorfeqaliinnarsimalluni.

Sulisoqarnermut Pisortaqarfik tassannga allaasumik isumaqarpoq, tassami Sulisoqarnermut Pisortaqarfik isumaqarmat ilaasortaq pineqartoq feriarnermi immikkut ajunngitsorsiassanik tunineqarnissaminik piumasaqaateqarsinnaanngitsoq, tassami ilaasortaq taanna D1-imi atorfimminit soraarsimammat.

F-ip inussiarnersumik qinnuigissavaatit apeqqut pillugu nalileeqqullutit, tassa ilaasortaq taanna 2006-imi tamarmi feriarnermi immikkut ajunngitsorsiassanik tunineqarnissaminik piumasaqaateqarsinnaanersoq piumasaqaateqarsinnaannginnorsorluunniit, imaanngitsoq taamaallaat massakut sulisitsisuminit (D2-mit) feriarnermi immikkut ajunngitsorsiassanik tunineqassasoq.

A D2-mut nuunnginnermini D1-imi atorfeqartitaasimavoq." (Atorfeqarfimmi nutsigaavoq)

Suliami pisimasut imaapput:

Namminersorerullutik Oqartussani Sulisoqarnermut Pisortaqarfiup A immikkut siunnersortitut 1. oktober 1991-imi aallartittumik allakkatigut 20. september 1991-imeersutigut atorfinitsippaa.

Atorfinitsitsinermi allakkani A-p atorfinitsinneqarfia tassaatinneqarpoq "Kalaallit Nunaanni Namminersorerullutik Oqartussat kommunillu ataanni Kalaallit Nunaanni tjenestemanditut atorfiit". (Atorfeqarfimmi nutsigaavoq)

Atorfinitsitsinermi allakkanik pisortaqarfiup allagaanik nassitsissutini 20. september 2001-imeersuni ilaatigut oqaatigineqarpoq:

"Suliffigisassat tassaagallarpoq D1 Nuummiittoq." (Atorfeqarfimmi nutsigaavoq)

A D1-imut 24. marts 2006-imi imatut allappoq:

"Ataatigut atsiortunga D1-imi immikkut siunnersortitut atorfinnit matumuuna soraarpunga, tassami D2-mi atorfimmik 1. maj 2006-imit tamatumaluunniit kinguinnguatiqut suliffigiligassanik neqeroorfigineqarama. Soraarniteqarneq Kalaallit Nunaanni Namminersorerullutik Oqartussani kommuninilu tjenestemandit pillugit Inatsisartut inatsisaanni nr. 21-mi, 18. december 2003-meersumi kapitali 6 tunngavigalugu pivoq. Taamaattorli immikkut akuerineqarnissara qinnutigissavara, taamaalillunga suliffimmut nutaamut 2006-imi 1. majimi imaluunniit 1. junimi

nuussinnaaqullunga - Namminersornerullutik Oqartussat ataanniinnissara tunngavilersuutigalugu." (Atorfeqarfimmi nutsigaavoq)

D1-ip pisortaata oqarasuaatikkut 4. juni 2007-imi apequteqaateqarninnut akisutitut oqaatigaa A-p soraarniuteqarnerminik nalunaarutaa D1-ip nammineq akisimangikkaa, Sulisoqarnermulli Pisortaarfik tamatuminnga ilisimatissimallugu.

Tamatumunnga atatillugu immersugassatut naqitanngortitap "SORAARNIUTEQARNERUP TIGUNEQARNERATA UPPERNARSARNEQARNERA"-nik taaneqartup D1-ip Sulisoqarnermut Pisortaarfimmut 2. april 2006-imi nassiusimasami assilineru uannut nassiuppaa, taannalu Sulisoqarnermut Pisortaarfip mappiutaani uannut misissugassatut nassiunneqartuni ilaangilaq. Immersugasamit tassannga erserpoq A-p soraarniutaa ilanngullugu nassiunneqartoq, A 30. april 2006-imi soraarsimasoq, D2-milu atorfeqartitaanermut nuussimasoq.

D2-p Sulisoqarnermut Pisortaarfimmut inassuteqaataanit 7. april 2006-imeersumit ilaatigut makku erserput:

"A D1-meersuavoq, tassanilu akissaateqarfiit tulleriiaarneranni 32-mi, skalatrin 45-mi inissisimalluni, suliartoqquneqaratarsinnaanermut ukiumut 14.182,44 kr.-nik tapeqartinneqarluni. Inissisimaffik taanna D2-p ataani atorfinitsitsinermi maleqquneqarpoq.

Misiligutaasumik atorfeqartitsinerup atuutinnginnissaa isiginiaqquneqarpoq, tassami A tjenestemanditut ukiuni 28-mi atorfeqartitaasimammat." (Atorfeqarfimmi nutsigaavoq)

Sulisoqarnermut Pisortaarfik ukununnga 11. maj 2006-imi imatut allappoq:

"1. A

2. D2

3. D1

4. Kalaallit Nunaanni Soraarnerussutisiaqarnermik Nalunaarsuiffik

5. Sulisoqarnermut Pisortaarfik, "Soraarnerussutisiaqarnermik Nalunaarsuiffik", maani

6. Akissarsialeriffik, maani.

Atorfinitsitsinermi allakkat ilanngullugit nassiunneqarput, taakkunanilu Namminersornerullutik Oqartussat ataanni tjenestemanditut atorfimmi siunnersortitut 1. maj 2006-imit atuutilersumik ataavartumik atorfinitsinneqarputit, tak. Kalaallit Nunaanni Namminersornerullutik Oqartussani kommuninilu tjenestemandit pillugit Inatsisartut inatsisaat nr. 21, 18. december 2003-meersoq.

Kalaallit Nunaanni Naalakkersuisut Atorfillit Kattuffiannut tunngaviumik isumaqatigiissutaani pineqartunut ilaatinneqarputit.

Atorfik massakkut Kalaallit Nunaanni akissaateqarfiit tulleriiaarneqarneranni inissisimaffimmi 31-mi, skalatrinip ingerlaffiani 40-mi, 42-mi 44-milu inissisimavoq, suliartoqquneqaratarsinnaanermullu ukiumut 19.270,00 kr.-nik tunngaviumik aningaasartalinnik (1. april 1991-imi qaffa-sissutsit malillugit) tapeqartitsisoqarluni.

Suliffigisassat tassaagallarpoq D2-mi ... Nuummiitqoq.

Akissarsiassatit 1. oktober 1989-imi sulilersimasutut isigalutit naatsorsorneqarput, skalatrin 44-mut (akissaateqarfiit agguataarneqarneranni inissisimaffimmut kingullermut) naapertuuttumik.

...

Feriarneq pillugu inatsit sukulluunniit atuuttoq aamma innersuussutigineqarpoq.

...

Kalaallit Nunaanni Naalakkersuisut Nunatsinni Atorfillit Kattuffissuannut akiliunneqarluni angalasarnerit pillugit isumaqatigiissutaani 20. april 1998-imeersumi Kapitali II, Feriarnermi akiliunneqarluni angalanerit, § 3 imm. 1 tunngavigalugu ukiut marluk sulereernikkut feriarnermi akiliunneqarlutit angalasinnaatitaalisaaatit, tassami manna tikillugu atorfeqartitaanerit tunngavigalugu feriarninni akiliunneqarlutit angalasinnaatitaanerit 1. oktober 2007-imi atuutilermat.

...

2. Tamanna nalunaarutigineqarpoq allakkat 7. april 2006-imeersut innersuussutigalugit. Pineqartoq AKISSARSIAT-ni "Isumaqatigiissut"-mi 100.031-mi inissineqassaaq, tamatumalu nassatarisaanik akissarsiat soraarnerussutisiaqaataasinnaatitaasut 6 %-ii Kalaallit Nunaanni Soraarnerussutisianik Nalunaarsuiffimmut nakkartinneqartassallutik. Oqaatigineqassaaq D2 misiliineq pillugu nalunaarut tunngavigalugu pisussaaffeqarmat § 9-mi misiliinerup nalaani naliliinissamik pi-masaqaatit eqqortissallugit kiisalu atorfeqartitaaneq ingerlaannassanersoq imaluunniit piffissaq misiliffik sivitsorneqassanersoq kiisalu pineqartoq piffissap misiliffiusup naanerani ataavartumik atorfinitsinneqarnissaminut naleqquttuunersoq piffissaagallartillugu nalunaarutigissallugu, tassanilu kingusinnerusukkat ataavartumik atorfinitsitsinissaq siunertaralugu naalagaaffiup ataanii Kalaallit Nunaanni tjenestemandit atorfimmi misiligutaasumik atorfinitsitsineq pillugu nalunaarut (Nal. C-I, 6-1-2) nr. 60, 6. februar 1974-imeersaq innersuussutigineqarpoq.

3. A-mut allakkat qulaani taaneqartut ilanngunneqanngillat). Matumuuna uppenarsarneqassaaq A-p D-1-imi atorfimmunit 2006-imi apriliip naanerani soraarsimasoq. Tamannalu nalunaarutigineqarpoq allakkat 4. april 2006-imeersut innersuussutigalugit.

4-5. Tamanna ilisimatitsissutitut nalunaarutigineqarpoq. Pineqartoq AKISSARSIAT-ni "Isumaqatigiissut"-mi 100.031-mi inissineqassaaq, tamatumalu nassatarisaanik akissarsiat soraarnerussutisiaqaataasinnaatitaasut 6 %-ii Kalaallit Nunaanni Soraarnerussutisianik Nalunaarsuiffimmut nakkartinneqartassallutik.

..." (Atorfeqarfimmi nutsigaavoq)

Allakkanit atorfinitsitsinermi allakkanut ilanngullugit nassiunneqartunit makku erserput:

"A

1. maj 2006-imit naatsorsuullugu konsulentitut Kalaallit Nunaanni ataavartumik atorfinitsinneqarpoq, Kalaallit Nunaanni Namminersornerullutik Oqartussanut imaluunniit kommunitut atasumik tjenestemanditut atorfeqarfinnut ilaatitaasoq atorfeqarfigissallugu.

Ilisimatinneqarputit taamatut atorfinitsinneqarninni maleruagassiat nalinginnaasumik qanoq ilisukkulluunniit tjenestemandinut atuuttut aammalu atorfimmu tassunga immikkut aalajangersakkat malissagakkat, kiisalu aamma tjenestemanditut atorfinni pisussaaffiit ilinnut isumagisassaati taasut akisussaassuseqartumik naammassisassarigakkat."

F Sulisoqarnermut Pisortaqarfimmut 30. januar 2007-imi imatut allappoq:

"F ilaasortamit qulaani taaneqartumit ilisimatinneqarpoq 2006-imi feriarnermi immikkut ajunngitsorsiasat taamaallaat massakut suliffigisamat, tassalu D2-mut, atuuttumik tunniunneqassasut, tassa imaappoq Sulisoqarnermut Pisortaqarfiup oqarneratut piffissami 1. januar - 30. april 2006-imi feriarnermi immikkut ajunngitsorsiasat tassaannigitsut feriarnernermi ajunngitsorsiasat tunniunneqarsinnaasut, naak D1 aamma D2 ataatsimik taannaasumik sulisitsisoqaraluartut, tassalu Namminersornerullutik Oqartussanik.

A Kalaallit Nunaanni Namminersornerullutik Oqartussani 1. januar 1982-imiilli ulloq manna tikillugu atorfeqartitaasimavoq, A 1. januar 1989-imi tjenestemanditut misiligutaasumik atorfinitsinneqarpoq, 1. januar 1991-ilu aallarnerfigalugu aalajangersimasumik atorfinitsinneqarluni. Feriarnermi immikkut ajunngitsorsiasat massakut sulisitsisumit ilaannakortumik soq tunniunneqassanersut F-ip feriarneq pillugu Inatsisartut inatsisaanni nr. 10-mi, 12. november 2001-imeersumi takusinnaangilaa, tassami massakut sulisitsisut suli tassaammata Kalaallit Nunaanni Namminersornerullutik Oqartussat.

A-p piffissami 1. januar-30. april 2006-imi feriarnermi immikkut ajunngitsorsiasai naatsorsorneqassasut periarfissarlu siulleq atorlugu tunniunneqassasut F-ip piimasaqaatigissavaa, tassami atorfeqartitaanini A-p taamaatissimangimmagu sulisitsisumulluunniit allamut nuussimanani, 2006-imilu nalunaaquttap akunneri feriarfissat kiisalu feriarnermi ajunngitsorsiasat katersorsimammagit.

F-ip piimasaqaataa akuerineqanngippat Sulisoqarnermut Pisortaqarfiup nassuiaammik inatsimmut F-ip isummerfigisinnaasaanut innersuussutitalimmik saqqummiussissasoq F-ip piimasaqaatigissavaa, tassami F-ip paasinninnera nassuiaaneralu imaammata A-p pisortaqarfimmit pisortaqarfimmut allamut nuunna apeqqutaatinnagu sulisitsisoq allannagornani taannaaginnartuq, taamaalliluni A-p 2006-imut tamarmut feriarnermi immikkut ajunngitsorsiasat tunniunneqarnissaat piimasaqaatigisinnaallugu.

Allakkat ukua assilinerat ilisimatitsissutitut A-mut nassiunneqarpoq." (Atorfeqarfimmi nut-sigaavoq)

Sulisoqarnermut Pisortaqarfiup E-mail imaattoq F-imut nassiuppaa:

"Hej ...

Qulaani taaneqartup feriarnermi immikkut ajunngitsorsiassaasa tunniunneqannginnerat pillugu e-mailit allat aqutigalugit pissarsiaara.

A D1-imi atorfimminit 30. april 2006-imi soraarpoq, tamatumunngalu atatillugu 2006-imi januarimit aprilimut feriarnermi ajunngitsorsiassani feriartarneq pillugu inatsit tunngavigalugu naatsorsortissimallugit illuartissimallugillu.

A 2006-imi qaammatini siullerni sisamani feriarnermi immikkut ajunngitsorsiaqarnissamik piusasaateqarsinnaatiTAANNGILAQ, soraareersimaguni qaammatinilu taakkunani feriarnermi ajunngitsorsiassanut taarsiullugu feriarnersiutisiassani naatsorsortereersimagunigit illuartereersimagunigillu.

Periaaseq taanna soraarsimasunut tamanut atorfeqarnermut atatillugu feriarnermi immikkut ajunngitsorsiassaminnik naatsorsuisitsisimasunut illuartsisimasunullu atuuppoq!!" (Atorfeqarfimmi nutsigaavoq)

F-ip pisortaqarfik ulloq taanna e-mailikkut imaattukkat akivaa:

"Tassa imaappoq A piffissami 1. januar-30. april 2006-imi feriaruni feriarnersiutinik (12 %-inik) tunineqassasoq. Nassuiaammik A-mut nassiussinnaavit, tamanna paasiniassammagu?" (Atorfeqarfimmi nutsigaavoq)

Pisortaqarfiup e-mail imaattoq F-imut 1. februar 2007-imi taamatutaaq nassiuppaa:

"Hej ...

Tamanna A-mut nassuiarniarsareerualuarparput - paasineqaratali, tamannalu ilissinnut saaffiginissuteqarneranik aamma nassataqarsimavoq - e-mailissinnut akissutiga A-mut nassiuttariaqarparsi!" (Atorfeqarfimmi nutsigaavoq)

F-ip pisortaqarfik e-mailikkut imaattukkat 1. februar 2007-imi akivaa:

"Akissummut qujanaq. Tassa imaappoq A piffissami 1. januar - 30. april 2006-imi feriaruni feriarnersiutinik (12 %-inik) pissasoq." (Atorfeqarfimmi nutsigaavoq)

Pisortaqarfiup akissuteqarnissaa F-ip e-mailikkut 5. februar 2007-imeersukkat imaattukkat nukingisaarutigaa:

"A 2006-imi januar-aprilimi D1-imi sulinermini feriarnersiutinik (pisussaaffittut tunniunneqartussanik 12 %-inik) tunineqassanersoq apeqqutiga akinngilat, tassa imaappoq A-p pisortaqarfim-

mut allamut nuukkami qaammatini sisamani pinngitsaaliissummik feriarnerisuteqarluni feriarnermini akissarsiaminit ilanngaanneqassasoq.

Akissutinni feriarneq pillugu inatsit kisiat innersuussutigaaq, paragraffimilli sulisitsisut, tassalu Kalaallit Nunaanni Namminersornerullutik Oqartussat piffissami januar-april 2006-imi feriarnermi immikkut ajunngitsorsiasanik A-p sooq pisinnaatitaanginneranik aalajangersaasumik innersuussuteqarnak, tassami D1-imi atorfirmimit soraarsimammat, Sulisoqarnermulli Pisortaqrarfiup immaqa manna eqqaamangilaa, tassalu A-p Kalaallit Nunaanni Namminersornerullutik Oqartussani atorfeqaannarnera, D2-mut nuunera nalunaaquttap akunnerinik feriarfiususanik katerisinini unitsinnagu sivikillinagaluunniit.

D1 aamma D2 tassaapput Namminersornerullutik Oqartussat, taamaattumillu F isumaqarpoq A akissarsiaqarluni feriarussaananini pissutigalugu feriarnermi immikkut ajunngitsorsiasanik tunineqarnissamik piumasqaateqarsinnaatitaasoq.

Sulisitsisup taannaasup 2006-imi feriarnermi ajunngitsorsiasanik tamarmiusunik tunniussisinaanginnera paasiuminaappoq, sulisitsisumi taannaasumi 2006 tamakkerlugu atorfeqartitaasimagaanni. Feriarneq pillugu inatsit F-ip imatut paasinngilaa feriarnermi immikkut ittumik ajunngitsorsiasat tunniunneqarSINNAANNGITSUT, Namminersornerullutik Oqartussani D1-imit Namminersornerullutik Oqartussani D2-mut nuunneq pissutigiinnarlugu.

F-ip feriarfissanik katersineq, piffissaq feriarfiusoq, feriarnermi ajunngitsorsiasat imaluunniit akissarsiaqarluni feriarneq, tunniussisarneq kiisalu aalajangersakkat nalinginnaasut innersuussutigissavai, tamannalu aallaavigalugu qinnuigissallutit tunngavilersuutinnut innersuussequllutit, taamaalliluta Sulisoqarnermut Pisortaqrarfiup tunngavilersuutigisaanut tunngaviusoq paasisinnaaniassagatsigu.

...⁷

Kalaallit Nunaanni Namminersornerullutik Oqartussat iluanni suliffimmut allamut nuuttoqarnerani feriarnermi immikkut ajunngitsorsiasanik naatsorsuiSANNGINNEQ aamma tunniussiSANNGINNEQ Namminersornerullutik Oqartussani ileqqua? Taamaappat inatsimmut innersuussisoqarnissaa qinnutigineqassaaq, tassami feriarneq pillugu inatsit tassaammat feriarnermi immikkut ajunngitsorsiasanik kiisalu feriarnerisutininik tunniussinermi inatsit uagut atugassarput. Akissuteqartoqarnissaa qilanaaralugu." (Atorfeqarfimmi nutsigaavoq)

Pisortaqrarfiup F 5. februar 2007-imi imatut akivaa:

"A feriaruni piffissami katersiviusumi 2006-imi januarimit aprilimut (12 %-inik) feriarnerisutisissaaq. Akissarsiat allagartaat 2007-imi julip naanerani pineqartumut nassiuunneqassaaq, tassanilu ukiuni katersiviusuni 2004-mi, 2005-imi 2006-imilu feriarnerisutisiasatut pisassarisat takuneqarsinnaassallutik.

⁷ Feriarneq pillugu inatsimmi §§-inik 3-mit 23-mut issuaaneq

Atorfeqartitaasooq Kalaallit Nunaanni Namminersornerullutik Oqartussat iluanni pisortaqarfimmit pisortaqarfimmut nuukkaangat feriarnerisutisiassat atorfeqartitaanerup naanerani tunniunneqartarput, aningaasanut inatsimmi konto/kontot eqqortoq/-tut atorneqarniassamat/-ssammata. Periaaseq taanna Kalaallit Nunaanni Namminersornerullutik Oqartussani atugaajuannarsima-voq.

Ilinnut ilisimatitsissutitut oqaatigineqarsinnaavoq A Peqqissutsimut D2-mi atorfimmik qinnuteqarsimasooq pismallugulu, D-imillu atorfimmint soraarsimalluni. Taamaallilluni atorfeqartitaanermut tunngasut assigiinngitsut marluk pineqarput, naak Kalaallit Nunaanni Namminersornerullutik Oqartussat pineqaraluartut." (Atorfeqarfimmi nutsigaavoq)

F-ip pisortaqarfik taamatuttaaq e-mailikkut 5. februar 2007-imeersukkut imatut akivaa:

"Akissutinut qujanaq. Akissutit silattuallaatiginnilara, tassami feriarneq pillugu inatsimmi paragraffimut aaljangersimasumut innersuussisimannginnavit, taamaallaalli periaaseq Kalaallit Nunaanni Namminersornerullutik Oqartussaniinnaq atorneqartoq innersuussutigisimallugu. Piuminaalliornianngilanga, malittarisassalli sakkutuatu atugassavut isummerfigisariaqarlugit.

Feriarneq pillugu inatsit aamma feriarnermi immikkut ajunngitsorsiassat eqqarsaatigalugit inatsisitut tunngavigisarput F-ip innersuussutigeqqittariaqarpaa. Periaaseq inatsimmit qulliunerutinneqarsinnaanngilaaq, taamaatumik tamanna kattuffittut isummerfigiuminaatsorujussuuvoq, tassami periaaseq feriarnermi ajunngitsorsiassat tunniunneqannginnaannut inatsisitut tunngavilersuutigineqarsinnaannngimmat.

F isumaqarpoq suliaq taanna sulisitsisup F-illu akornanni sukumiisumik oqaloqatigiissutigineqartariaqartoq, tassami F isumaqarmat periaaseq inatsimmit qulliunerutinneqarsinnaannngimmat." (Atorfeqarfimmi nutsigaavoq)

E-mail imaattoq F-ip Sulisoqarnermut Pisortaqarfimmi aqutsisuunermut ...-mut 6. februar 2007-imi nassiuppaa:

"Feriarnermi immikkut ajunngitsorsiassanik tunniussinnginneq A-p akissarsiaqarani feriarnermi-li feriarnerisuteqarluni feriantariaqarneranik nassataqartoq pillugu F-ip Sulisoqarnermullu Pisortaqarfiup allaffigeqatigiittarneranni allagaasimasut isumaqatigiissut tunngavigalugu matumuuna nassiunneqarput.

A 2006-imi januarimit aprilip qaammataata naaneranut D1-imi atorfeqartitaasimavoq. D2-mut 1. majimi nuuppoq.

Piffissami A-p D1-imi atorfeqartitaanerani feriarnermi immikkut ajunngitsorsiassai Sulisoqarnermut Pisortaqarfiup tunniukkumasimanngilai, taamaallillunilu A nalunaaquttap akunneri D1-imi atorfeqartitaanermi feriarfissatut katersorsimasani akissarsiaqarani taamaalliorumannngikkaluarluni feriarfigisariaqalersimallugit.

A Kalaallit Nunaanni Namminersornerullutik Oqartussani atorfeqartitaavoq, tak. Kalaallit Nunaanni Namminersornerullutik Oqartussani kommuninilu tjenestemandit pillugit Inatsisartut inatsisaanni nr. 21-mi, 18. december 2003-meersumi § 4.

Atorfeqarfik nunap ilaani sumiinneq eqqarsaatigalugu tassaavoq Kalaallit Nunaat, tak. Kalaallit Nunaanni Namminersornerullutik Oqartussani kommuninilu tjenestemandit pillugit Inatsisartut inatsisaanni nr. 21-mi, 18. december 2003-meersumi § 13.

A sulisitsisumi taannaasumi atorfeqartuaannarsimavoq, taamaattumillu akissarsiaqarluni feriar-sinnaatitaalluni kiisalu 2006-imut tamarmut feriarnermi immikkut ajunngitsorsiaqarsinnaatitaal-luni, tak. feriarneq pillugu Inatsisartut inatsisaanni nr. 10-mi, 12. november 2001-imeersumi § 14, imm. 1.

Sulisoqarnermut Pisortaqarfiup ilisimatippaatigut tjenestemandit pisortaqarfimmit pisortaqarfim-mut allamut nuukkaanngata periaaseq aalajangersimasoq atorneqartoq.

Sulisoqarnermut Pisortaqarfiup periaatsimik suliassaqarfimmi tassani inatsimmik atuuttumik tun-gaveqanngilluinnartumik atuinera F-imut pimoorussisumut akueriuminaatsorujussuavoq. Ilinnit piaartumik tusagaqarnissani F-ip naatsorsuutigaa." (Atorfeqarfimmi nutsigaavoq)

F-ip e-mailia 5. februar 2007-imeersoq pisortaqarfiup 7. februar 2007-imi imatut akivaa:

"E-mailit uanga akissagiga ...-mut isumaqatigiissutigaaara.

Feriarnermi immikkut ajunngitsorsiasat pillugit malittarisassat feriarneq pillugu inatsimmi aalajangersarneqarsimanissaat Sulisoqarnermut Pisortaqarfiup isumaqatigaa.

Feriarneq pillugu inatsimmi § 14, imm. 1-imit erserpoq akissarsiaqartoq feriarnermini akissarsia-qaruni feriarnermi immikkut ajunngitsorsiaqarsinnaatitaasoq, taakkulu tassaapput akissarsiat ukiumi katersiviusumi akissarsiarineqarsimasut 1,5 %-ii.

Taamaalilluni piumasaqaataavoq feriarnermi immikkut akissarsiat tunniunneqarsinnaassappata akissarsiaqarluni feriarneqarsimasat katersisoqarsimassasoq. Feriarnermi ajunngitsorsiasat soraar-nermi § 12, tak. § 14, imm. 3, tunngavigalugu naatsorsorneqassapput. Tassa imaappoq soraarner-mi feriarnermi immikkut ajunngitsorsisoqassanngitsoq, tassami feriarnerneqarsimamut tunniunneqartus-saammata.

A D1-imi atorfimminit soraarniuteqarsimagami taamaattumillu atorfimmit tassannga soraarsima-gami feriarneq pillugu inatsimmi § 12, tak. § 14, imm. 3, tunngavigalugu feriarnerneqarsimamut tunniunneqarsimavoq, taamaattumillu taamaallaat piffissami atorfeqarfimmi nutaami atorfeqarfisimasami feriarnermi immikkut ajunngitsorsiasat kisiisa pissarsialugit.

Namminersornerullutik Oqartussat iluanni atorfiit assigiinngitsut marluk pineqarnerata atorfim-mit siullermit soraarnerup pineqarnera allanngortinngilaa, taamaattumillu feriarnerneqarsimamut tunniunneqartussaallutik, taamaalilluni

D-imi atorfeqartitaanermi akissarsiaqarluni feriarnermi katersaarutsillugu, tassami feriarnerstiutit tunniunneqareermata. A tamatuma kingornatigut piffissami tassani feriarnermi immikkut aamma ajunngitsorsiasaqanngilaq, tak. feriarneq pillugu inatsimmi § 14, imm. 1-imi oqaaseqaatigiit kingulliit.

Neriuppunga pisut matumuuna qulaajarneqartut." (Atorfeqarfimmi nutsigaavoq)

F-ip e-mailia 6. februar 2006-imeersoq aqutsisuunerup F-imut e-mailikkut 26. februar 2007-imeersukkut akivaa, pisortaqarfiup F-imut e-mailikkut akissutaa 7. februar 2007-imeersoq qulaani issuarneqartoq innersuussutigalugu.

F-ip allakkat imaattut Sulisoqarnermut Pisortaqarfimmut 27. februar 2007-imi nassiuppai:

"A-p feriarnermi immikkut ajunngitsorsiai pillugit akissutip tiguneqarnera F-ip qujassutigaa. Taanna pillugu oqaatigineqarsinnaavoq Sulisoqarnermut Pisortaqarfiup suliamik naliliinera F-ip isumaqatiginngikkaa.

Feriarnermi immikkut ajunngitsorsiasat (1,5 %-it) tunniunneqassasut F-ip aalajangiusimavaa, tassami A sulisitsisuni taakkuusuni, tassalu Kalaallit Nunaanni Namminersorerullutik Oqartussani, suli atorfeqartitaammat. A Kalaallit Nunaanni Namminersorerullutik Oqartussanit assersuutigalugu Nuup Kommunanut nuussimasuuppat Sulisoqarnermut Pisortaqarfiup suliamik naliliinera F-ip paasisinnaassagalarppaa.

Pisumili matumani A Kalaallit Nunaanni Namminersorerullutik Oqartussaniiginnarpoq. Assigiinngissut tassaaginnarpoq A-p D2-mut nuunnginnermini D1-imiissimanera. F-ip piumasaqaammik aalajangiusimanninnini imatut tunngavilersorppaa:

1) Kalaallit Nunaanni Namminersorerullutik Oqartussani kommuninilu tjenestemandit pillugit Inatsisartut inatsisaanni nr. 21-mi, 18. december 2003-meersumi § 4 tunngavigalugu. Namminersorerullutik Oqartussat ataanni tjenestemandit Naalakkersuisunit atorfinitsinneqartarput. Kommunit ataanni tjenestemandit kommunalbestyrelsinit atorfinitsinneqartarput.

F-ip paasinninnera nassuiaaneralu unaavoq sulisitsisut tassaasut Kalaallit Nunaanni Namminersorerullutik Oqartussat, tassami atorfinitsitsineri allakkanit aamma ersermat Kalaallit Nunaanni Namminersorerullutik Oqartussat tassaasut atorfinitsitsineri oqartussaasut, taamaattumillu F isumaqarpoq feriarnermi immikkut ajunngitsorsiasat tunniunneqarnissaat A-p Inatsisartut inatsisaata ataanni taaneqartoq tunngavigalugu piumasaqaatigisinnaagaa.

2) Feriarneq pillugu Inatsisartut inatsisaat nr. 10, 12. november 2001-imeersumi § 12 tunngavigalugu. Periarfissaq taanna atorneqarsinnaasussaavoq, A Kalaallit Nunaanni Namminersorerullutik Oqartussani atorfeqartitaanermi soraarpat, assersuutigalugulu Nuup Kommuniatorfinitsinneqarpat.

§ 14, imm. 1. Akissarsiaqartut qaammammut ataatsimut sivilisunerusumulluunniit atuuttumik atorfinitsinneqarsimasut, nalliuttorsuarnut, napparsimanermut assigisaannulluunniit akissarsianit

ilanngaanneqartanngikkunik nalunaaquttap akunnerini suliffigisimasamini akissarsiaqartup ukiumi katersiviusumi aalajangersimasumik akissarsiffigisimasaani feriarneriutitut taarsiullugu feriarnermi ajunngitsorsiaqartitsisoqartarput. Aammattaaq feriarnermi immikkut ajunngitsorsiaqartitsisoqartarpoq, taakkulu ukiumi katersiviusumi akissarsiarineqarsimasut 1,5 %-eraat.

Pisumi matumani F naliliivoq inatsit taanna (feriarneq pillugu Inatsisartut inatsisaat nr. 10, 12. november 2001-imeersoq) Inatsisartut inatsisaannut nr. 21-mut, 18. december 2003-meersumut atuumassuteqartoq, tassami Kalaallit Nunaanni Namminersornerullutik Oqartussat tjenestemandinik atorfinitsitsisartuummata aamma sulisitsisut (Kalaallit Nunaanni Namminersornerullutik Oqartussat) feriarneriutinik imaluunniit feriarnermi immikkut ajunngitsorsiasanik tunniussisar-tuummata.

Feriarnermi immikkut ajunngitsorsiasanik tunniussisoqarnissaanik piunasaqaat sakkortusisineqarpoq, tassami A-p Kalaallit Nunaanni Namminersornerullutik Oqartussani 2006-imi nal. ak. feriarfissat tamakkiisut katersorsimammagit, taamaattumillu F isumaqarpoq A feriarnermi (12 %-inik) ajunngitsorsiaqarluni feriarneqarsamut pinngitsaalineqassanngitsoq, feriarnermili immikkut ajunngitsorsiasat 2006-imi akissarsiami 1,5 %-ii naatsorsorneqassasut tunniunneqassasullu piunasaqaatigisinnaallugu.

Sulisoqarnermut Pisortaqarfiup suliamik naliliinini aalajangiusimappagu suliaq F-ip Inatsisartut Ombudsmandiannut misilitsinniarpa, suliaq naliliivigitinniarlugu, imaanngitsoq Sulisoqarnermut PISOQARTARFIK F-IP TATIGINNGIMMAGU, F-ILI ISUMAQARMAI SULIAQ TUNNGAVIUSUMIK PINGAARUTEQAR-TOQ, NALILIISARTUMIT ALLAMIT MISILINNEQARTARIAQARTOQ." (Atorfeqarfimmi nutsigaavoq)

F uannut tamatuma kingornatigut naammagittaalliorpoq.

Sulisoqarnermut Pisortaqarfimmut 13. april 2007-imi imatut allappunga:

"...

Sulisoqarnermut Pisortaqarfik qinnuigaara naammagittaalliuut pillugu oqaaseqaateqaqqullugu.

Sulisoqarnermut Pisortaqarfik aammattaaq qinnuigaara manna pillugu erseqqissumik paasissutis-seeqqullugu, tassalu A-p piffissami 1. januar 2006-imit 30. april 2006-imut sulinnngiffeqarnersiu-tisiassaasa naatsorsorneqarnerannut peqatigitillugu piffissami tassani immikkut (kinguartitatu-lu) sulinnngiffeqarnersiutisiassat Sulisoqarnermut Pisortaqarfiup D1-illuunniit naatsorsorsimane-rai.

Kiisalu Sulisoqarnermut Pisortaqarfik qinnuigaara Sulisoqarnermut Pisortaqarfiup, D1-ip D2-llu mappiutaat allagaatinik sulisumut A-mut tunngasunik imallit misissugassanngorlugit nassiuteq-qullugit.

Pisortaqarfiup oqaaseqaataa F-imut suliami illua'tungiusup isumaanik tusarniaassutitut saqqum-miunneqarsinnaavoq."

Sulisoqarnermut Pisortaqarfiup akissutaa imaattoq 22. maj 2007-imi tiguara:

"Piffissami 1. januarimiit 30. april 2006-imut A-p immikkut feeriarnerisutissaanik Sulisoqarnermut Pisorta qarfiup tunniussiniarsimanginnera pillugu F-ip naammagittaalliutaanut tunngatillugu Inatsisartut Ombudsmandiata allagaanut 13. april 2007-imeersumut atatillugu matumuuna Sulisoqarnermut Pisorta qarfiup makku uterfigeqqissavai.

Inatsisartut Ombudsmandiata allagaq manna aqutugalugu Sulisoqarnermut Pisorta qarfik qinnuigaa naammagittaaliummut oqaaseqaateqaqqullugu pappiaraatillu sulisumut tunngasut nassiuteqqullugit. Tassunga tunngatillugu ilanngullugit nassiunneqarput Sulisoqarnermut Pisorta qarfimmi allattoqarfiup aammalu akissarsianut allattoqarfiup sulianut tunngatillugu pappiaraataat. Matumunnga peqatigitillugu D1 aamma D2 qinnuigineqarput pappiaraatitik sulisunut tunngaasut Ombudsmandimut nassiuteqqullugit.

Naammagittaalliut pillugu Sulisoqarnermut Pisorta qarfik makkuninnga nassuiaatissaqarpoq:

E-mail ..-p allataa 7. februar 2007-imeersaq F-imi ...-liartitaq innersuussutigineqarpoq.

Mailimi tassani oqaatigineqartut Sulisoqarnermut Pisorta qarfik naliliivoq matumani pineqarmat A-p D1-imi atorfimminit soraarnera kingornalu feriaqarnerisutissat naatsorsukkat pissarsialugit, takuuk feriarneq pillugu inatsimmi § 12, aamma takuuk § 14, imm. 3.

Feriarnerisutininik naatsorsukkanik pereeraanni immikkut ittumik feriarnerisutisinnissaq piginnaati-taaffiunnigilaq. Tamatumunnga pissutaavoq § 14, imm. 1, oqaaseqatigiini kingullerni aalajangersakkami ima allassisimasoqarmat "Aammattaq...". Tassa imaappoq aalajangersakkami innersuussutigineqarpoq pisumi pineqartumi immikkut feriarnerisioqarnermut aalajangersakkami siusinnerusukkat taaneqareersut saniatigut § 14, imm. 1-imi mannarpiaq pineqarmat atorfiuliuinnissaq aammalu feriarnerup nalaani akissarsiaqaannarnissaq, tassalu pisumi tassani taamaallaat immikkut feriarnerisioqartorsinnaalluni.

Ombudsmandi aperivoq piffissamut 1. januarimiit 30. april 2006-imut immikkut feriarnerisutininik naatsorsukkanik pissaqartitsisoqarnerisioq. Taamaattoqannigilaq, pissutigalugu piffissamut tassunga immikkut feriarnerisinnissamut A piginnaatitaannigimmat, feriarnerisiasaami tunniunneqareermata, takuuk feriarneq pillugu inatsimmi § 12, takuuk § 14, imm. 1."

D1-imi pisorta q ... oqarasuaatikkut 4. juni 2007-imi attaveqarfigaara, suliame sulisumut pineqartumut tunngasumi paasissutissat suut D1-imit pigineqarnerisa qulaajarneqarnissaat siunertaralugu. Pisorta qarfiup oqaatigaa suliame allagaatit Sulisoqarnermut Pisorta qarfimmi pigineqartut kiisalu immersugassap qulaani issuarneqartup D1-imit A-p soraarnera pillugu Sulisoqarnermut Pisorta qarfimmut nassiunneqartup assilineri kisiisa D1-ip tiggummigai.

D2-p mappiutaa allagaatinik sulisumut A-mut tunngasunik imalik 22. maj 2007-imi tiguara.

Tamatuma kingornatigut imaattunik oqaaseqaateqarpunga:

"Feriarnermi immikkut ajunngitsorsiassanik katersinermut inatsisitigut tunngavigisaaq

Feriarnermi ajunngitsorsiassanik katersisarneq pillugu malittarisassat feriarneq pillugu Inatsisartut inatsisaanni nr. 10-mi, 12. november 2001-imeersumi kapitali 4-miipput.

Inatsisartut inatsisaanni §§-init 12-imit aamma 14-imit makku erseerput:

"§ 12. Sulisitsisoq akissarsiat 12 %-iannik feriarnerstiuteqartitsissaaq."

"§ 14. Akissaateqarlutik sulisuusut, qaammatikkuutaartunik imaluunniit sivisunerusumik sulisitaasut taamalu nalliuttuni ulluinnartigoortuni, ulluni napparsimaffiusuni assigisaanniluunniit akissarsiaminnik ilanngaassivigineqartannigitsut feriarnerminni feriarnerstiutinut taarsiullugu akissarsiaqassapput, pisariaqassappat § 16, imm. 2-mi maleruagassat malillugit nerisat nalingat ilanngullugu naatsorsorneqartunik. Feriarnermi akissarsiaqartitsisoqassaaq nalunaaquttap akunneri, akissaateqarluni sulisuusup ukiumi katersiviusumi aalajangersimasumik akissarsissutigisai, naapertorlugit. Kiisalu immikkut ittunik feriarnerstiuteqartitsisoqassaaq akissarsiat ukiumi katersiviusumi akissarsiarineqarsimasut 1,5 %-iannik annertussusilinnik.

Imm. 2. Taamaattoq akissaateqarlutik sulisuusut immikkoortoq 1-imi taaneqartut ukioq feriassanik katersiffik sioqqullugu kingusinnerpaamik 1. oktobarimi akissarsiaqarluni feriarnermut aamma immikkut ittunik feriarnerstiutisinermut taarsiullugu ukiumi katersiviusumi tassani akissarsiat feriarnerstiutisissutiginnisaat piumasarisinnaavaat.

Imm. 3. Suliunnaarnermi ukiumut katersiviusumut kiisalu siusinnerusukkut ukiup katersiviusup, akissaateqarluni sulisuusup soraarnermigut feriarfigisimannigisaata ilaanut feriarnerstiutit § 12 malillugu naatsorsorneqassapput.

Imm. 4. Piffissanut napparsimaffiusunut, erninermi sulinngiffeqarfiulersunut, qitornavissiar-taarfiusunut ajoqusersimaffiusunulluunniit, §§ 12 aamma 13 kiisalu § 14, imm 1. malillugit akilerneqartumik feriassanik katersiffiusimasunut, feriarnermi akissarsiasat feriarnerstiutisias-salluunniit sulinngiffiup siornatigut sapaatit akunnerini kingullerni sisamani akissarsiat tunngavigalugit naatsorsorneqassapput. Akissarsiat piffissami pineqartumi naatsorsorneqarsinnaajunnaarpata, imaluunniit isumaqatigiissutigineqarpat feriarnermi akissarsiat feriarnerstiutisiasalluunniit taarsiullugu ukiumi katersiviusumi pineqartumi agguaqatigiissillugu akissarsiat tunngavigalugit naatsorsorneqarsinnaapput."

§ 14, imm. 1-ip nassataraa akissarsiaqartut aalajangersakkami tassani pineqartunut ilaatinneqartut akissarsiaqarlutik feriarnerstisartik inatsit tunngavigalugu piumasaqatigisinnaagaat, akissarsiaqartullu pisinnaatitaaffimmik taassuminnga atuisut feriarnermi immikkut ajunngitsorsiassanik aamma tunineqassasut, akissarsiarineqarsimasut tunngavigalugit naatsorsorneqartunik.

§ 14, imm. 3-p nassataraa atorfeqartitaasoq atorfimminit soraarpat atorfeqartitaasup feriarnermi ajunngitsorsiassatut pisassarisai sulisitsisup naatsorsuusiornikkut naatsorsussagai, naatsorsuinerlu taanna § 12 tunngavigalugu pissasoq.

Inatsisartut inatsisaanni tassani § 18, imm. 4-kkut aalajangersarneqarpoq feriarnermi immikkut ajunngitsorsiassat § 14, imm. 1 tunngavigalugu tunniunneqassasut, ukiup fe-

riarfiusussangortup aallartinningsiarnernani, taamaattumillu feriarneq apeqqutaatin-nagu tunniunneqassasut.

Feriarneq pillugu Inatsisartut inatsisissaattut siunnersuummi § 14 pillugu oqaaseqaa-tinit ilaatigut makku erserput:

"Feriaqarnerisutit qaqugukkut tunniunneqartarnerat pillugu paasinerluisarnerit peerumallu-git erseqqissarneqarpoq taamaallaat soraarnermi naatsorsuisoqassammat akileraarusiisoqas-sammallu. Aningaasat taakkua tunniunneqarnerat kapitali 5-imi malittarisassat naapertorlugit pissaaq."

Feriarnermi immikkut ajunngitsorsiaqarsinnaatitaanermut katersineq akissarsiaqar-luni feriarinnaatitaanermut katersinerup pissuseqataanik pisarpoq, ukiumi katersuif-fiusumi akissarsiatigut isertitat tunngavigalugit.

Taamaattorli qulaani oqaatigineqartut erseqqissarneqarpoq feriarnermi immikkut ajunngitsorsiassanik tunniussineq feriarneq apeqqutaatinnagu pisussaasoq.

Taamaattumik feriarnermi immikkut ajunngitsorsiassaqarsinnaatitaaneq atorfeqarti-taanerup uninneratigut annaanegassappat tamanna inatsisitigut erseqqissumik tun-ngavissaqassasoq piumasaqaataavoq.

Taamaattumik isumaqarpunga feriarneq pillugu Inatsisartut inatsisaanni § 14, imm. 3-mik paasinninnerup feriarnermi immikkut ajunngitsorsiassat atorfeqartitaanerup uninneratigut annaanegartutut nassuiarnissaanut inatsisitigut naammattumik tunnga-vissaqanngitsoq.

Taamaalluni Sulisoqarnermut Pisortaqarfiup aalajangersakkamik atuinera inatsisi-tigut tunngavissaqanngilaq.

Tamatumunnga attuumassuteqanngitsumik uanga paasinninnera unaavoq A-p ator-fimmud allamut nuunneranut atatillugu feriarneq pillugu Inatsisartut inatsisaanni § 14, imm. 3-p atorneqarnissaa pissutsit tulliuttuni nassuiakkakka pissutigalugit pisaria-qarsimanngitsoq.

A soraarsimava, tak. feriarneq pillugu Inatsisartut inatsisaanni § 14, imm. 3?

Feriarneq pillugu inatsisartut inatsisaanni § 14, imm. 3-kkut aalajangersarneqarpoq feriarnermi ajunngitsorsiassat naatsorsorneqassappata piumasaqaataasoq atorfeqar-titaasup "suliunnaarnera" pineqassasoq.

Peqqussutissatut siunnersuut pillugu oqaaseqaammi sulisup qaqugukkut suliunnaar-nera qanoq paasineqassanersoq ilitsersuutigineqarsimannilaq.

Feriarneq pillugu inatsimmi siusinnerusukkut atuuttumi, feriarnerisuteqarneq feriar-nerlu pillugit Inatsisartut inatsisaanni nr. 22-mi, 25. oktober 1990-imeersumi § 15, imm. 1-imit 3-mut malittarisassanik feriarneq pillugu inatsimmi atuuttumi § 14, imm. 1-3-mi malittarisassat imarisaasa assinginik imaqarpoq.

Feriarneq pillugu inatsisissatut siusinnerusukkut atuuttutut siunnersuut pillugu oqaa-seqaatinit nalinginnaasunit erserpoq inatsisissatut siunnersuutip taassuma suliarine-

qarnerani feriarneq pillugu Danmarkimi, Savalimmiuni Islandimilu feriarneq pillugu inatsisit atuuttut tunngavigineqarsimasut.

Feriarneq pillugu Danmarkimi inatsimmi taamani atuuttumi § 14 malittarisassanik imaattunik imaqarpoq:

"§ 14. Akissaateqarlutik sulisuusut, qaammatikkuutaartumik imaluunniit sivilunerusumik sulisitaasut taamalu nalliuttuni ulluinnartigoortuni, ulluni napparsimaffiusuni assigisaanniluunniit akissarsiaminnik ilanngaassivigineqartanngitsut feriarnermi feriarnersiutinut taarsiullugu akissarsiaqassapput, pisariaqarpat § 16, imm. 2-mi malittarisassa malillugu nerisat nalingat ilanngullugu naatsorsorneqartumik. Aammattaaq feriarnermut tapi ukiumi katersiviusumi qaangiuttumi akissarsiat 1 pct.-iat tunniunneqassaaq.

Imm. 2. Taamaattorli akissaateqarlutik sulisut taakku ukiumi tassani akissarsianit feriarnermi ajunngitsorsiassat, taamaattorli 12 pct.-iinnaat, tunniunneqarnissaat ukiup katersiviusup aallartinnera sioqqullugu piumasaqaatigisinnaavaat.

Imm. 3. Suliunnaarnermi ukiumi katersiviusumi ingerlasumi feriarnermi ajunngitsorsiassat kiisalu ukiut katersiviusup siusinnerusup ilaani akissaateqarluni sulisup suli feriarfigisimanngisaani feriarnermi ajunngitsorsiassat § 12 tunngavigalugu tunniunneqassapput." (Atorfeqarfimmi nutsigaavoq)

Feriarneq pillugu Danmarkimi inatsit taamani atuuttoq pillugu inatsisilerinikkut allaaserisanit/atuakkianit erserpoq § 14, imm. 3 taamaallaat pisut akissaateqarluni sulisup atorfeqartitaanermi soraarfigisai kisiisa pillugit aalajangersaasuusooq, taamaattumillu atorfeqartitaanerup ingerlaqqinnerani annertuunik allannguuteqartuni feriarfissanik katersinerup qulaajarneqarnerani atorneqarsinnaanani⁸.

Tamanna tunngavigalugu isumaqarpunga Namminersorerullutik Oqartussat allaffeqarfissuanni atorfeqartitaasup pisorta qarfimmit pisorta qarfimmu allamut nuunnerata immi sulisitsisup feriarnersiutinik feriarneq pillugu Inatsisartut inatsisaanni § 14, imm. 3 tunngavigalugu tunniussinera tunngavilersorsinnaanngikkaa.

Aalajangersagaq taanna atorneqassappat siusinnerusukku atorfeqartitaanerup unitsinneqarsimanissaa tamatuma saniatigut piumasaqaatigineqartariaqarpoq.

Tamatuma kingornatigut apequtaalerpoq A-p manna tikillugu atorfeqartitaanera D2-mi atorfinitsinneqarneranut atatillugu unitsinneqarsimansooq.

Suliami takuneqarsinnaavoq A D1-imut 24. marts 2006-imi allassimasooq, D1-imi siunnersortitut atorfinimmit soraarniuteqarluni, tassami D2-mi atorfinitsinneqarnissami-

⁸ Luis Beck Nielsen, "Feriehoven", GadJura, København 1995, quppernerit 154 tullialu, tassani UfR 1980.788V-mi aamma UfR 1985.782V-mi eqqartuussutit innersuussutigineqartut

nik neqeroorfigineqarsimagami, taamaalillunilu suliffimmut nutaamut nuussinnaalluni.

Paasissutissat suliami pigineqartut tunngavigalugit aallaavigisariaqarpara A-p allagai 24. marts 2006-imeersut D1-ip Sulisoqarnermulluunniit Pisortaqaqfiup isummerfigisimallugit A-mut immikkut isummerfigisimannikkaat.

Taamaallaat paasissutissiissutigineqarpoq A-p D2-mi atorfininnerani atorfinitsitsinermi allakkat Sulisoqarnermut Pisortaqaqfiup 11. maj 2006-imi suliarisimagai. A-p allagai 24. marts 2006-imeersut atorfinitsitsinermi allakkani taakkunani innersuussutigineqarsimangillat.

A 24. marts 2006-imi allagaqarnermi nalaani tjenestemanditut atorfinitsitsinermi allakkat 20. september 1991-imeersut qulaani issuarneqartut tunngavigalugit atorfeqartitaavoq, tassanilu allassimalluni atorfinitsinneqarfignissaa tassaasoq "Kalaallit Nunaanni Namminersornerullutik Oqartussat kommunillu ataanni Kalaallit Nunaanni tjenestemanditut atorfiit". A siunnersortitut atorfeqartitaavoq, D1-imi inissinneqarlarsimalluni, 1. oktober 1989-imi sulilersimasutut naatsorsuullugu akissarsiaqartinneqarluni.

A D2-mi tjenestemanditut (siunnersortitut) pisortaqaqfimmu tassani inissisimagallartussat atorfinitsinneqarpoq, 1. oktober 1989-imit atorfeqartitaasutut akissarsiai allannngortinnagit, taamatuttaarlu misiligummik atorfinitsitsineq atorneqarani.

Una qanittutut isigaara, tassalu A-p atorfeqartitaanerata allannngortinneqarnera D1-imit D2-mut nuunneranut atatillugu pisoq A-p 20. september 1991-imi atorfinitsinneqarnerani killissarititaasut iluanni ingerlanneqarsinnaasimasoq, taamaalilluni A-p Kalaallit Nunaanni Namminersornerullutik Oqartussat ataanni 1991-imi atorfinitsinneqarnerata D2-mi atorfeqarnermut nuunneranut atatillugu unitsinneqarnissaa pisariaqartuunani.

Tassani aamma ilaavoq Kalaallit Nunaanni Namminersornerullutik Oqartussani kommuninilu tjenestemandit pillugit Inatsisartut inatsisaanni nr. 21-imi, 18. december 2003-meersumi matuma § 4-kkut aalajangersarneqarnera:

"Namminersornerullutik Oqartussani tjenestemandit Naalakkersuisunit ivertinneqartassaput. Kommunini tjenestemandit kommunalbestyrelsinit ivertinneqartassaput."

Aalajangersagaq taanna manna tunngavigalugu nassuiarneqartariaqarpoq, tassalu pisortat ingerlatsineranni atorfeqartitaanernik unitsitsinerit pillugit inatsisitigut suut atuuttutut aamma isigineqarnersut, tassami atorfeqartitaasup atorfeqartitaanini illuinnaasiorluni soraarniuteqarnermigut unitsissinnaanngimmagu, atorfeqartitaanerli ingerlatsineq pillugu inatsiseqartitsineq tunngavigalugu aalajangiinikkut aatsaat

pisinnaammat, aalajangiinerlu taanna atorfinitsitsinermi oqartussaasup⁹ aalajangiineratigut imaluunniit isumaqatigiissutaasumik soraarsitsinikkut¹⁰ pisussaavoq.

Taamaattumik uanga paasinninnera unaavoq A-p atorfeqartitaanerminik nammineerluni atorunnaarsitsinera inatsiseqartitsinikkut atuussinnaassuseqanngitsoq, taamaattumillu tjenestemanditut atorfinitsitsineq 20. september 1991-imi aallartittoq A-p D1-imut allagaasigut unitsinneqanngitsoq.

Isumaqarpungattaq manna qularnarluinnartuusoq, tassalu Sulisoqarnermut Pisortaqarfiup atorfimmik allanngortitsinissaq A-mik soraarsitsinani ingerlanneqarsinnaasoq siunertaralugu qinnuteqaataasumik A soraarsissallugu pisinnaatitaasimassaner-soq. Matumani Sulisoqarnermut Pisortaqarfiup ingerlatsineq pillugu inatsiseqartitsiner-mi pisunut naapertuuttumik iliuseqartarnissamik nalinginnaasumik tunngaveqarnermi pineqartunut ilaatinneqarnera innersuussutigaa, tassanilu pineqarluni pisortaqarfiup atorfeqartitaasunut akuliunnerit siunertarineqartumik qaangiisut atorsinnaanngikkai.

Taamaattumik aamma isumaqarpunga pisortaqarfiup A-mik 11. maj 2006-imi atorfinitsitsinera tjenestemanditut atorfinitsitsinerup 20. september 1991-imeersup killissaritiitaasa iluanni atorfeqarfiusumik allanngortitsinertut isigineqartariaqartoq.

Tamatuma kingornatigut uanga paasinninnera unaavoq feriarneq pillugu Inatsisartut inatsisaanni § 14, imm. 3-mik atuineq pisariaqartuusimanngitsoq.

Qulaani taaneqartut tunngavigalugit inassuteqaatigaara ukiumi feriarfissanik katersiviusumi 2006-imi feriarnermi immikkut ajunngitsorsiasat Sulisoqarnermut Pisortaqarfiup A-mut tunniutissagai.

F suliaq pillugu paasinninninnik allakkatigut allatigut allakkat ukua assilinerannik ilaqartinneqartutigut ilisimatippara."

Sulisoqarnermut Pisortaqarfiup akissutaa imaattoq 3. august 2007-imi tiguara:

"A-p piffissami 1. januar 2006-imit 30. april 2006-imut feriarnermi immikkut ajunngitsorsiasanik Sulisoqarnermut Pisortaqarfiup tunniussinnginneranik F-ip naammagittaalliutaa pillugu Inatsisartut Ombudsmandiata allagai 29. juni 2007-imeersut Sulisoqarnermut Pisortaqarfiup matumuuna uterfigissavai.

Feriarnermi immikkut ajunngitsorsiasanik katersisarnermut inatsisikkut tunngaviusumik Inatsisartut Ombudsmandiata naliliineranut atatillugu Sulisoqarnermut Pisortaqarfiup Ombudsmandi matumuuna qinnuigissavaa suliaq pillugu nutaamik nalileeqqullugu. Sulisoqarnermut Pisortaqarfiup nalunngilaa Ombudsmandip oqaaseqammini tamanna pingaartillugu isiginiarsimanngikkaa, pineqartorli tassaavoq qanoq paasinninnissap tunngaviusumik nassuiarneqarnera, Sulisoqar-

9 Assersuutitut 2004-mi ukiumoortumik nalunaarutima kalaallisuani qupperneq 384 qallunaatuuanilu qupperneq 313 takukkit

10 Assersuutitut 2005-imi ukiumoortumik nalunaarutima kalaallisuani qupperneq 200 qallunaatuuanilu qupperneq 157 takukkit

nermullu Pisortaqarfiup naliliinera unaavoq taanna Danmarkimi Kalaallillu Nunaanni periaatsimut akerliusoq.

Tamatumunnga tunngavilersuut imaappoq:

Ombudsmandi inerniliilluni eqikkaavoq feriarnermi immikkut ajunngitsorsiasaqarsinnaatitaaneq atorfeqartitaanerup naanerani annaaneqassappat tamanna inatsisikkut erseqqissumik tunngaveqarnissamik piumasaqaateqarfiusoq.

Feriarnermi immikkut ajunngitsorsiasaqarsinnaatitaanerup feriarnermi akissarsiasaqarsinnaatitaaneq malippaa, tak. feriarneq pillugu inatsimmi § 14, imm. 1-imi oqaaseqatigiit kingulliit, aatsaallu atorfeqartitaanerup nalaani feriarnermi ajunngitsorsiasaqarsinnaatitaasoqartarlunilu immikkut ajunngitsorsiasaqarsinnaatitaasoqartarpoq. Tassa imaappoq soraaraanni feriarnermi akissarsiaqarnissaq feriarnermillu immikkut ajunngitsorsiasaqarnissaq piumasaqaatigineqarsinnaajunnaartarpoq. Tamatumunnga inatsisikkut tunngavik feriararneq pillugu inatsimmi § 14, imm. 3-miippat, tak. § 12. Tamatuma kingornatigut feriarnermi ajunngitsorsiasaqarsinnaatitaasoqalersarpoq § 12 tunngavigalugu, tassa feriarnermi akissarsiaqarnermut feriarnermilu immikkut ajunngitsorsiaqarnermut taarsiullugu.

Feriarnermi immikkut ajunngitsorsiasat ukiup feriarfiusup aallartinneranili tunniunneqartarput, tamatumalu nassataraa feriarfissat soraarnerup nalaani tamakkerlugit feriarfigineqarsimangip-pata taava feriarnermi ajunngitsorsiasat § 12 tunngavigalugu naatsorsorneqassasut, ajunngitsorsiasallu taakku feriarfissanit feriarfigineqarsimangitsunit immikkut ajunngitsorsiasanit ilanngaatigineqassallutik, tassami taakku tunniunneqareersimmamata.

Kalaallit Nunaanni feriararneq pillugu inatsit Danmarkimi feriararneq pillugu inatsimmik tunngaveqarpoq, ilumoorporlu Danmarkimi feriararneq pillugu inatsimmi massakkut atuuttumi feriarnermi ajunngitsorsiasat soraarnermi naatsorsorneqarneranni feriarnermi immikkut ajunngitsorsiasat feriarfigineqarsimangitsunit ilanngaatiginissaannut tunngavissaqanngimmat. Taannali allanguutaavoq Danmarkimi feriararneq pillugu inatsisikkut 31. maj 2000-imeersukku ilanngunneqartoq, tunngavillu taanna aalajangersakkakkut Kalaallit Nunaanni feriararneq pillugu inatsimmi § 14, imm. 3-p assigisaatigut aalajangersarneqarpoq, unalu oqaaseqatigiit kingullit kingornatigut ilanngunneqarluni: "Feriarnerisutit feriap aallartinnissaa sioqqullugu tunniunneqar-pata taakku utertillugit akileqquneqarsinnaanngillat". Danmarkimi inatsimmi atuuttumi aalajangersagaq pillugu oqaaseqaatinit toqqaannartumik erserpoq tamanna inatsimmut siusinnerusukku atuuttumut sanilliullugu allanguutaasoq, tassami siusinnerusukku feriarnerisutit amerlanaarlugit tunniunneqartut ilanngaatigineqarsinnaatitaasimmamata, atorfeqartitaasup soraarnerani feriarnermi ajunngitsorsiasat naatsorsorneqarneranni.

Aalajangersagarli taamaattoq Kalallit Nunaanni feriararneq pillugu inatsimmi ilanngunneqarsimangilaq, taamaallunilu Kalaallit Nunaanni feriararneq pillugu inatsisip oqaasertaasa Danmarkimi feriararneq pillugu inatsit malippaat, taamaattumillu taassuma qanoq paasineqarnissaa-nik nassuiaaneq tassaasariaqarpoq Kalaallit Nunaanni suli atuuttoq.

Sulisoqarnermut Pisortaqarfik tamatuma kingornatigut nalilivoq Akissarsialeriffiup suliassar-fimmi tassani periaasia eqqortuusoq, taamaattumillu Sulisoqarnermut Pisortaqarfiup Ombuds-mandi qinnuigaa oqaaseqaatini nalileqqeqqullugu.

Ajornartorsiutip pisortatigoortuunngitsumik/persuarsiutaanngitsumik oqaloqatiginnissutiginis-saa Ombudsmandip kissaatigissappagu Sulisoqarnermut Pisortaqarfiup tamanna piareersimaffi-giumavaa." (Atorfeqarfimmi nutsigaavoq)

Naalackersuisut Siulittaasuat 28. august 2007-imi imatut akivara:

"Sulisoqarnermut Pisortaqarfiup inassuteqaatinnut akissutaa 3. august 2007-imi tigusara misisso-reerpara.

Pisortaqarfiup akissutaa imatut paasivara pisortaqarfik suli isumaqartoq feriarnermi immikkut ajunngitsorsiassanik piffissami 1. januar 2006-imit 30. april 2006-imut katersorneqarsimasunik A-mut tunniussisoqassanngitsoq.

Aammattaq pisortaqarfiup akissutaa imatut paasivara pisortaqarfiup paasinninnini aqutsinermi allaffissornikkut periaatsimik massakkut tunngavilersoraa, pisortaqarfillu isumaqartoq feriarneq pillugu Inatsisartut inatsisaat feriarneq pillugu inatsisip nr. 396-ip, 31. maj 2000-imeersup ator-tuulersinneqarnera sioqqullugu Danmarkimi inatsisitigut atuuttut tunngavigalugit nassuiarneqar-lunilu paasineqassasoq.

Pisortaqarfik aallaqqaasiutit eqqaasippara oqaaseqaatinnit ersermat A uanga paasinninnera ma-lillugu atorfimit nuunnermut pisimasumut atatillugu soraarsimasutut isigineqarsinnaanngitsoq, taamaattumillu soraarnermut atatillugu feriarnermi ajunngitsorsiassanik tunniussisarneq pillugu malittarisassat suliami A-mut tunngasumi atorfeqassanngitsut.

Tamanna pisortaqarfiup isummerfigisimanngilaa, taamaattumillu inassuteqaatiga tamanna tun-ngavigalugu aalajangiusimavara.

Aamma oqaatigaara soraarnermut atatillugu feriarnermi immikkut ajunngitsorsiassat pillugit ma-littarisassanik pisortaqarfiup nassuiaanera paasinninneralu ilalersinnaanngikkikka.

Pisortaqarfik paasissutissanik nutaanik feriarneq pillugu Inatsisartut inatsisaannik nassuiaanerma paasinninnermalu kukkusuuneranik ilimaginninnissannut uannut tunngavissaliisunik saqqum-miussisimanngilaq, taamaattumillu oqaaseqaatinni 29. juni 2007-imeersumi tunngavilersuutiga suliaq ataatsimut isigalugu tunngavigisinnaavara.

Pisortaqarfiup aqutsinermi allaffissornikkut periaatsimut innersuussinera eqqarsaatigalugu oqaa-tigaara feriarneq pillugu Inatsisartut inatsisaata oqaasertai inatsimmik taassuminnga nassuiaanin-ni paasinninninnilu saneqqunneqarsinnaanngitsumik tunngaviusimammata, tassami pissutsinik allanik Inatsisartut inatsisaanni oqaasertat saneqqullugit nassuiaanissamut paasinninnissamullu tunngaviusinnaasunik peqanngimmat.

Feriarneq pillugu Inatsisartut inatsisaata massakkut atuuttup aamma feriarnerisuteqarneq feriar-nerlu pillugit Inatsisartut inatsisaata nr. 22-p, 25. oktober 1990-imeersup Inatsisartuni suliarine-qarnerannut atatillugu piareersaalluni suliat misissorpakka.

Feriarnermi immikkut ittumik ajunngitsorsiassatut katersukkat atorfeqartitaasup soraarneratigut tunniunneqarsinnaajunnaartarnissaasa Inatsisartunit siunertarinqarsimanera inatsisissatut siunnersuutit pillugit oqaaseqaatini, Inatsisartuni oqallinnermi imaluunniit Inatsisartut suliarinninneranni isumaliutissiissutini saqummiunneqartuni takuneqarsinnaanngilaq.

Inatsisitigut Danmarkimi atuuttunut pisortaqarfiup innersuussuteqarnera eqqarsaatigalugu pisortaqarfik isumaqatigaara oqarmat inatsisitigut atuuttut taakku Kalaallit Nunaanni malittarisassanik nassuiaanermi paasinninnermilu ilaatillugit atorneqarsinnaasut, tassami feriarnerisuteqarnej feriarnerlu pillugit Inatsisartut inatsisaata 1990-imeersup piareersarlugu suliarineqarnerani sulianit ersemat inatsit taanna feriarnej pillugu inatsimmik Danmarkimi atuuttumik tunngaveqartoq.

Taamaattorli feriarnej pillugu Inatsisartut inatsisaat inatsisitigut Danmarkimi atuuttut tunngavigalugit Inatsisartut inatsisaata akuerineqarsimasup oqaasertai saneqqullugit nassuiarnejarsinnaananilu paasineqarsinnaanngilaq, taamatut nassuiaaneq paasinninnerlu Inatsisartut siunertarisimaagaat ilimagissallugu erseqqissumik tunngavissaqartinnagu.

Tunngavissat taamaattut pigineqanngitsut takuneqarsinnaavoq.

Taamaalilluni oqaaseqaatinni nassuiaasimanittut feriarnermi immikkut ajunngitsorsiassanik akissarsiarisimasat tunngavigalugit katersisarnej aamma feriarnermi immikkut ajunngitsorsiassat akissarsiaqartup feriarnera apeqqutaatinnagu tunniunneqartussaanerat feriarnej pillugu Inatsisartut inatsisaata nassatarimmagit akissarsiaqartup soraarnermut atatillugu akissarsiaqarluni feriar-nissamut periarfissaqannginnerata feriarnermi immikkut ajunngitsorsiassat katersorneqarsimasut tunniunneqarsinnaannginnerat tunngavilersorsinnaanngilaa.

Feriarnermi ajunngitsorsiassat piffissami 1. januar 2006-imit 30. april 2006-imut katersorneqarsimasut A-mut pisortaqarfimmit tunniunneqannginnissaat Sulisoqarnermut Pisortaqarfiup aalajangiusimappagu A-p imaluunniit F-ip A-mut sinniisutut A-p imminut aningaasartuutaanngitsumik eqqartuussivikkut suliassanngortitsinissamut aningaasaqarnikkut piunasaqaataasut eqqortinneqarsimanerat apeqqutaatinnagu eqqartuussivikkut imminut aningaasartuutaanngitsumik suliassanngortitsinissaata akuerineqarnissaata imminut aningaasartuutaanngitsumik eqqartuussivikkoortumik suliassanngortitsinernik akuersissuteqartarnermi oqartussaasunut kaammattuutiginnissaa isumaliutersuutiginiarpara.

Sulisoqarnermut Pisortaqarfiup akissummini 2. august 2007-imeersumi naggasiutitut oqaatigaa ajornartorsiuutit pisortatigoortuunngitsumik/persuarsiutaanngitsumik uannut oqaloqatiginnissutiginnissaa pisortaqarfiup piareersimaffigumagaa.

Tamanna pillugu oqaatigaara uanga Naalakkersuisunut pisariaqarneratut attuumassuteqannginnera eqqarsaatigalugu Naalakkersuisunik taakkulu pisortaqarfiinik suliat Inatsisartut sinnerlugit nakkutigisakka pillugit pisortatigoortuunngitsumik/persuarsiutaanngitsumik oqaloqatiginninnermi peqataanissara ajornassasoq.

Taamaattorli oqaaseqaatiga, tamanna kissaatigineqarpat, Naalakkersuisunut imaluunniit Sulisoqarnermut Pisortaqarfimmut oqaasiinnartigut itisilerusuppara, taamatuttaarlu Naalakkersuisut oqaaseqaammut malitseqartitsinissaminnut periarfissaat pillugit oqaloqatiginnermi peqataaru-

sussinnaallunga. Taamaattorli suliaq pillugu paasinninnera pillugu oqallinnermi tunngaviusumik pissutsit pissutigalugit peqataasinnaannginnera aalajangiusimasariaqarpara.

Naalakkersuisut imaluunniit Sulisoqarnermut Pisortaqarfik taassuminnga aallaaveqarlutik ataatsimeeqatiginissara soqutigippassuk tamanna pillugu erseqqinnerusumik tusagaqarusussaanga."

Akissummik tigusaqanngiinnarama Naalakkersuisut Siulittaasuannut 16. oktober 2007-imi imatut allappunga:

"Naalakkersuisut Siulittaasuannut 28. august 2007-imi allappunga A-p piffissami 1. januar 2006-imit 30. april 2006-imit feriarnermi immikkut ajunngitsorsiassaani Sulisoqarnermut Pisortaqarfiup tunniussinissaani inassuteqaatiga aalajangiusimagiga.

Naalakkersuisut Siulittaasuannit imaluunniit Sulisoqarnermut Pisortaqarfimmit tamatuma kingornatigut tusagaqanngilanga, taamaattumillu allakkannut kingullernut akissuteqartoqarnissaa matumuuna eqqaasitsissutigaa.

Akissummik sapaatit akunneri sisamat qaangiutsinnagit tigusaqanngikkuma inassuteqaatiga Naalakkersuisut Siulittaasuata aamma Sulisoqarnermut Pisortaqarfiup malinniannikkaat naatsorsuutigissavara.

Taamaattoqarpat suliami paasinninnera, tak. oqaaseqaatiga 29. juni 2007-imeersoq aamma allakkakka 28. august 2007-imeersut, tunngavigalugit F nalunaarfiginiarpara F-ip imaluunniit A-p suliamik eqqaartuussivikkut imminnut aningaasartuutaanngitsumik suliassanngortitsisinnaanerani kaammattuutiginninnissara piareersimaffiginiariga, A-p imminut aningaasartuutaanngitsumik eqqaartuussivikkut suliassanngortitsissaguni aningaasaqarnikkut piumasaqaataasunik eqqortitsisimanagera apeqquataatinnagu."

Suliaq ukiup nalunaarusiuunneqartup naanerani inaarlugu suli suliarinngilara.

5.2. Pisussaaffiit, pineqaatissiinerit soraarsitsinerlu

5.2.1. Nammineq piumassuserinngisamik soraarniuteqarneq aamma angajoqqaatut sulinngiffeqarnerup nalaani soraarsitaaneq pillugit naammagittaalliut

Angajoqqaatut sulinngiffeqarnermi nalaani soraarsinneqarnissami inassuteqaatigineqarsimanagera kiisalu suliffimmi Sulisoqarnermullu Pisortaqarfiup soraarniutiminik naak soraarniuteqarneq nammineq piumassutsiminut akerliusumik tunniunneqaraluartoq tiguisimanagerat A-p naammagittaalliutigai.

Ombudsmandi isumaqarpoq A-p angajoqqaatut sulinngiffeqarnermi nalaani soraarsitsinissamik inassuteqaateqarneq naligiissitsineq pillugu malittarisas-

5. Suliat nalinginnaasumik soqutiginaatillit, inatsiseqartitsiffiusunut agguataakkat

sanut naapertuuttuusimanersoq suliami pineqartumi naliliiffigissallugu naammattunik tunngavissaqanngitsaq. Tamanna pillugu Ombudsmandip ataatsimut isiginninnerulluni oqaatigaa sulisup pineqartup angajoqqaatut sulinngiffeqarnerinnaata il.il. nalaani soraarsitsinerup naligiissitsineq pillugu malittarisassanik unioqquitsinertut isiginissaa pisariaqanngitsaq, soraarsitsinissamut suliamut tunngassuteqarluinnartunik tunngavissaqarpat.

A-p nammineq piunassutsiminut akerliusumik soraarniuteqarsimalluni erseqqissumik oqaatigisimagaluaraa taassuma soraarniutaanik Sulisoqarnermut Pisortaqarfiup tigusisimanagera taassumalu atorfeqartitaanerani unitsitsisimanagera Ombudsmandip isorisariaqartutut isigaa. Ombudsmandi tamatumunnga atatillugu isumaqarpoq soraarniutip tiguneqarnissaanik aalajangerneq atuussinnaassuseqanngitsaq, suliamik suliarinninnermi amigaatit annertuut pissutigalugit, Ombudsmandillu inassuteqaatigaa suliaq pisortaqarfiup suliareqqilissagaa, kukkunerit taakku aqqinneqarnissaat siunertaralugu.

Aammattaaq periaatsinik suliat matumani pineqartutut ittut malittarisassatigut tunngaviit naapertorlugit suliarineqartarnissaannik qulakkeerisunik Pisortaqarfiup aalajangersaasimannginnera malittarisassanilluunniit taamaattunik malinnissimannginnera isorisariaqartutut Ombudsmandip isigaa. Tamatumani Ombudsmandip manna isiginiarparaa, tassalu pisortaqarfimmut siusinnerusukkut oqaatigigini suliat soraarsitsinermut tunngasut, soraarniutip nammineq piunassuseq tunngavigalugu tunniunneqarsimanagera nalornissutigineqarpat, iluaqusiisumik aalajangiinerit pillugit malittarisassat qasunganerusut tunngavigalugit suliarineqarsinnaanngitsut. Ombudsmandip inassuteqaatigaa pisortaqarfik periaatsinik taamaattunik aalajangersaassasoq imaluunniit periaatsit aalajangersarneqareersimasut malinneqartarnissaat qulakkeerniarlugu suliniuteqassasoq (j.nr. 11.01.21.01/091-07).

A allakkatigut 3. august 2007-imeersutigut uannut naammagittaalliorpoq, angajoqqaatut sulinngiffeqarnermi nalaani B-mi Namminersornerullutik Oqartussat ataanniittumi atorffimminit soraarsinneqartussatut inassuteqaatigineqarsimanerminut atatillugu.

Sulisoqarnermut Pisortaqarfik tamatumunnga atatillugu allakkatigut 20. august 2007-imeersutigut qinnuigaara suliaq A-mut tunngasoq pillugu nassuiaateqaq-qullugu, mappilu allagaatinik A-mut tunngasunik imalik misissugassanngorlugu nassiateqqullugu.

Mappi allagaatinik A-mut tunngasunik imalik Sulisoqarnermut Pisortaqarfiup 24. august 2007-imi nassiupparaa, nassuiaammillu allakkatigut 5. september 2007-imeersutigut saqqummiussaqluni.

Suliap ingerlasimanera tulliuuttuni allaaseraara, paasinninneralu pillugu nassuiaateqarlunga.

Sulisoqarnermut Pisortaqarfiup A Kalaallit Nunaanni Namminersornerullutik Oqartussani sulisutut B-miikkallartussatut 17. juli 2001-imi 15. juli 2001 aallanerfigalugu atorfinitsippaa.

A erninermut atatillugu 28. september 2006-imit 10. februar 2007-imut sulinngiffeqarsimavoq, tamatumalu kingornatigut angajoqqaatut 11. februar 2007-imit 10. maj 2007-imut sulinngiffeqarsimalluni.

C-p B-mi pisortaaup A e-mailikkut 29. marts 2007-imi imatut allaffigaa:

"Hej A

Ukiup ...-p tulliani qanoq inissisimanerluta nalunaarfigereerniarlutit allagaqalaarpunga.

[Suliamut tunngaviusup] nutaap atuukkiartuaarnerata kingunerisaanik tiimit ikiliartuaarput. Aappaagu [suliassaqaarfisanni] tiimissaqartitsinngilagut.

Taamaammat ilimasaareertariaqassavakkit atorfissaqartissagunarnak.

Overenskomstansat-itut 3 måneders opsigelseqarputit, tassa imaappoq 1. august aallanerfigalugu suliunnaassaguit 1. maj nalunaarfigereerumaarpakkit.

Poorskereerpat oqaloqatigiissinnaajumaarpugut, aqagu uanga aallassagama.

(...)"

Tamatuma kingornatigut C, A taassumalu sinniisaa 10. april 2007-imi ataatsimiipput. C-p A oqarfigaa ukiup atuartitsiviusup tulliani suliassaqartinnagu, taamaattumillu soraarsinneqarnissaanut inassuteqaatigineqarnissaa pilersaarutigineqartoq. A-p oqaatigaa sinniisup tamatumunnga atatillugu oqaluttuussimagaani nammineq soraarniuteqaruni pitsaanerpaasoq, tassami taamaaliorpat soraarsinneqarsimasoq pappiaraataani takuneqarsinnaassanngimmat.

A-p soraarsinneqarnissaanik inassuteqaat B-p Sulisoqarnermut Pisortaqarfimmut 29. april 2007-imi nassiuppaa. Tassani ilaatigut makku oqaatigineqarput:

"(...)

(...) A 1. august 2007-imi soraarsinneqartussatut B-p matumuuna inassuteqaatigaa.

Tunngavilersuut: [Sulinermi tunngavissaq nutaaq] nutaamik ilusilersugaalluni nalunaaquttap akunnerinik ikinnerusunik atuartitsiviususaaq, matumani atuartitsissummi [A-p suliaasaqarfiani] nalunaaquttap akunneri ikinnerusut ilanngullugit eqqarsaatigalugit, pissutigalugu B nalunaaquttap akunnerinik A-mut neqeroorutissaqanngilaq.

Taamatut tunngavilersuuteqarluni A-p soraarsinneqarnissaa ajoraluartumik allatullu ajornartumik inassuteqaatigineqartariaqarpoq.

(...) (Atorfeqarfimmi nutsigaavoq)

A-li B-mut 1. maj 2007-imi imatut allappoq:

"(...)

B-mi ...-tut atorfinnit 1. augustimi aallartittumik matumuuna soraarniuteqarpunga, uanga nammineq piuumassutsima akerlianik. Nalunaaquttap akunnerisa ikippallaarnerat pissutigalugu ikililinerineq pissutigalugu atorfinnit soraarniuteqartariaqarpunga.

(...)"

B-p allakkat taakku Sulisoqarnermut Pisortaqarfimmut ulloq taanna ingerlateq-qillugit nassiuppai, oqaatigalugulu soraarsitsinissamik inassuteqaat atorunnaarsinneqartoq.

A-p soraarniuteqarnera B-p immersugassakkut immersorneqarsimasukkut pisortaqarfimmut 7. maj 2007-imi uppersarpaa.

Soraarniuteqarnerup tiguneqarnera Sulisoqarnermut Pisortaqarfiup A-mut allakkatigut 9. maj 2007-imeersutigut uppersarpaa. Soraarnermut atatillugu periaasiusoq allakkani aammattaaq allaaserineqarsimavoq.

Pisortaqarfimmut allakkanni 20. august 2007-imeersuni ilaatigut oqaatigaara:

"(...)

(...) Sulisoqarnermut Pisortaqarfik qinnuigaara nassuiaqqullugu, A-p 1. maj 2007-imi soraarluni allagaani nammineq piuumassusermut akerliusutut soraarnermut oqaatigineqartoq isummerfigineqarsimansoq."

Sulisoqarnermut Pisortaqarfiup allakkamini 5. september 2007-imeersuni tamanna pillugu makku oqaatigai:

"(...)

Sulisoqarnermut Pisortaqarfiup maluginiarsimavaa soraarsitsineq nammineq piumassutsimik pisimangitsoq oqaatigineqarsimasoq, kisiannili sionatigut soraarsitsinermi oqaatigineqarsimasut tunngavilersuutigineqarsimavoq akunnerit ikippallaaneri pissutigalugit ikilisaasoqarnialersoq, taamaammatt Sulisoqarnermut Pisortaqarfik tamanna itinerusumik misissortariaqanngitsoq naliisimavoq. Tamassumunnga tunngaviuvoq tunngavigineqartoq tunngavigalugu A-p soraarsinneqarnissaa qinnuteqaat tiguneqaqqammersimanagera, soraarsitsiniarluni allakkat nutaartaqarsimanngillat, taamaammallu suliamik misissuinissamut tunngavissaqartoqarsimanngilaq.

Tamatuma avataatigut Sulisoqarnermut Pisortaqarfiup maalaarut pillugu taamaallaat ima oqarsinnaavoq, A angajoqqaatut sulinnigiffeqarnini pissutigalugu soraarsinneqarnissaa innersuussutigineqarsimanngimmat, kisiannili akunnerit ikippallaaneri pissutigalugit soraarsinniarneqartoq, tamannalu tunngavigineqarsinnaavoq. Tamatuma kingorna soraarsinneqarnerata uppersarnissaa ajornartorsiutaasimanngilaq.

(...)"

Tamatuma kingornatigut Sulisoqarnermut Pisortaqarfimmut allakkatigut 30. november 2007-imeersutigut imaattunik oqaaseqaateqarpunga:

"I. A-p soraarsinneqarnissaa B-p inassuteqaataa

B-p nalunaaquttap akunnerinik neqerooruteqarsinnaannginneq tunngavigalugu A-p soraarsinneqarnissaa Sulisoqarnermut Pisortaqarfimmut 29. april 2007-imi inassuteqaatigaa. Tamanna suliami paasissutissat malillugit suliassaqarfiup allannortiterneqarneranik [A-p suliassaqarfiani] nalunaaquttap akunnerini ikinneralaarsuarni [suliassaqartitsinermik] kinguneqartumik pissuteqarpoq. A tamatuma nalaani angajoqqaatut sulinnigiffeqarpoq.

I.1. Naartuneq erninerlu il.il. pissutigalugit soraarsitsisoqartarnissaa inerteqqut

Naartunermi, erninermi meeravissartaarnermilu sulinnigiffeqartarneq ilaalu ilanngullugit ullormusiaqartarnerlu pillugit Inatsisartut peqqussutaanni nr. 12-imi, 31. oktober 1996-imeersumi kingusinnerusukkut allannguuteqartinneqartarsimasumi aamma naartunermi, erninermi meeravissartaarnermilu sulinnigiffeqartarneq ilaalu ilanngullugit ullormusiaqartarnerlu pillugit Inatsisartut peqqussutaata allannortinneqarneranik Inatsisartut peqqussutaanni nr. 1-imi, 27. marts 2006-imeersumi (angajoqqaat sulinnigiffeqartarnerata sivitsorneqarneranik imaqartumi)¹¹ § 11, imm. 1-ikkut aalajangersarneqarpoq meeqqat angajoqqaavi anaanaasup erninermut atatillugu sulinnigiffeqarnerata naanerata kingornatigut sapaatit akunneri katillugit 17-it tikillugit sulinnigiffeqarsinnaatitaasut. Angajoqqaatut sulinnigiffeqarsinnaatitaaneq erninermut atatillugu sulinnigiffeqarnerup § 9-mi taaneqartup avataani inissisimavoq, piumasa-

11 Naartunermi, erninermi meeravissartaarnermilu sulinnigiffeqartarneq il.il. ullormusiaqarnerlu pillugit Inatsisartut peqqussutaata allannortinneqarneranik Inatsisartut peqqussutaat nr. 5, 7. maj 2007-imeersoq pissutsinut suliami matumani pineqartunut atuutinngilaq.

qaatillu § 9, imm. 1-imi aamma imm. 3-mi taaneqartut pissuteqataat malillugit ator-
tinneqarsinnaalluni.

Arnat angutillu naligiissitaanissaat pillugu Inatsisartut inatsisaanni nr. 7-imi, 11.
april 2003-meersumi § 10-mit erserpoq aningaasarsiaqarluni sulisuusumik, taassuma
naartunera ernereernerulluunniit kingorna sulinngiffeqarnera pissutigalugit imaluun-
niit aningaasarsiaqarluni sulisuusumik naartunermi, eninermi meeravissartaarner-
milu sulinngiffeqartarnek ilaalu ilanngullugit ullormusiaqartarnerlu pillugit Inatsi-
sartut peqqussutaat naapertorlugu sulinngiffeqarnissamik piumasaqarsimasumik so-
raarsitsinissaq inerteqqutaasoq.

Aalajangersagaq taanna pillugu oqaaseqaatini oqaatigineqarpoq aalajangersagaq
taanna naartunermi, erninermi meeravissartaarnermilu sulinngiffeqartarnek il.il.
ullormusiaqartarnerlu pillugit Inatsisartut peqqussutaanni § 4-mit nuutaasoq.

Inatsisartut peqqussutaanni nr. 12-imi, 31. oktober 1996-imeersumi massakkut ato-
runnaartumi § 4, imm 1-ikkut aamma imm. 2-kkut aalajangersarneqarpoq aningaasar-
siaqarluni sulisuusup naartunini, erninini il.il. pissutigalugit soraarsinneqarnissaa i-
nerteqqutaasoq.

Aalajangersagaq taanna pillugu oqaaseqaatini oqaatigineqarpoq aalajangersagaq
taanna Inatsisartut peqqussutaanni nr. 7-imi, 22. oktober 1990-imeersumi § 5-imik i-
ngerlatitseqqinnerusok, tassanimi aalajangersarneqarmat aningaasarsiaqarluni suli-
suusup sulinngiffeqarsinnaatitaanermik atuiumalluni piumasaqaammik saqqummius-
sisimanagera imaluunniit Inatsisartut peqqussutaanni § 2 tunngavigalugu sulinngiffe-
qarsimanagera imaluunniit naartunera ernineraluunniit pissutigalugit soraarsinneqar-
nissaa inerteqqutaasoq.

Tamanna pillugu oqaaseqaatinit erserpoq aalajangersagaq taanna naartuneq erni-
nerluunniit toqqaannartumik toqqaannangitsumilluunniit tunngavilersuutigalugu so-
raarsitsisoqarnissaanut inerteqqummik imaqartoq. Allanik pissuteqarluni soraarsitsi-
neq inerteqqutaannngilaq. Taamaaliortoqassappalli sulisitsisup manna uppernarsassa-
vaa, tassalu soraarsitsineq pissutsinik naartunermut erninermulluunniit attuumassute-
qannngitsunik pissuteqartoq.¹²

Arnat angutillu naligiissitaanerat pillugu Inatsisartut inatsisaanni massakkut atuuttu-
mi § 21, imm. 1-ikkut aalajangersarneqarpoq inuk eqqunngitsumik pineqarsimasutut
isigisoq, tak. § 2, §§-it 9-13, § 15, aamma § 17, imm. 1, pisimasuinnik toqqaannartumik
toqqaannangitsumilluunniit assigiinngitsumik pinnittoqarneranik ilimatsaassisitsi-
sunik takutitsilluni uppernarsaasiippat suliami illua'tungiusup eqqunngitsumik pinnit-
toqarsimannginera uppernarsarniassallugu pisussaasoq. Aningaasarsiaqarluni suli-
suusok naartunerninik sulisitsisuminut nalunaaruteqareerluni soraarsinneqarpat,

12 Kalaallit Nunaanni Inatsisartut Oqaluuserisaat, Ukiaq 1990, Ilanngussat II, qupp. 499.

tak. § 10, soraarsitsinerup naartunermik pissuteqannginnera sulisitsisup uppernarsasavaa, tak. aalajangersakkami tassani imm. 2.

1.2 Uanga naliliinera

Uanga paasinninnera unaavog suliffeqarfik pissutsit avataaneersut pissutigalugit nalunaaquttap akunnerinik suliffiusussanik neqeroorutissaqanngippat sulianik soraarsitsinermut tunngasumik aallartitsinissamut suliamut attuumassuteqartumik tunngavissaqarsinnaasoq. Taamaalilluni taamatut tunngaveqarluni soraarsitsineq immini arnanik angutinillu naligiissitsineq pillugu Inatsisartut inatsisaanni § 10-mi naartuneq erninerlu il.il. pissutigalugit soraarsitsoqarnissaanik inerteqqummik unioqqutitsinerunngilaq, naak pineqartoq naartunermi, erninermi meeravissiartaarnermilu sulinnigiffeqartarnerq il.il. ullormusiaqartarnerlu pillugit Inatsisartut peqqussutaat tunngavigalugu tamatuma nalaani sulinnigiffeqaraluartoq, matumani tak. peqqussummi tassani § 4-mi aalajangersakkat massakkut atorunnaarsinneqarsimasut aamma Inatsisartut peqqussutaanni nr. 7-imi, 22. oktober 1990-imeersumi § 5 oqaaseqaatitalu.

Paasissutissat pigineqartut inerteqqut unioqqutillugu A-p toqqaannartumik toqqaannangitsumillunniit assigiinnigisitsivigineqarsimaneranik ilimaginninnissamut pissutissaqalersitsinngimmata isumaqarpunga A-p soraarsinneqarnissaanik suliamik aallartitsisimanermik isornartorsiuinissannut tunngavissaqarnanga, matumani tak. arnat angutillu naligiissinneqarnerat pillugu Inatsisartut inatsisaanni § 21, imm. 1.

Matumani manna aamma isiginiarpara, tassalu soraarsitsineq pillugu tunngaviusog erseqqinnerusumik misissorsinnaasimannikkiga, matumani naligiissitsineq pillugu malittarisassanut tunngasut ilanngullugit eqqarsaatigalugit, tassami suliap soraarsitsiniarnermut tunngasup ingerlanera Sulisoqarnermut Pisortaqarfiup suliamik suliarinninnerminik aallartitsinissaa sioqqullugu A-p 1. maj 2007-imi soraarniuteqarneratigit unitsinneqarmat.

2. A-p soraarniutaanik Sulisoqarnermut Pisortaqarfiup aamma B-p tigusinerat

A-p soraarniutaata tiguneqarnera B-p 7. maj 2007-imi aamma Sulisoqarnermut Pisortaqarfiup 9. maj 2007-imi pineqartumut uppernarsarsimavaat, pineqartullu atorfeqartitaanera tamatuma kingornatigit unitsinneqarsimalluni. Sulisoqarnermut Pisortaqarfiup oqaatigaa pisortaqarfik pissutsinik soraarniuteqarnermut tunngasunik misissuisimanngitsoq.

Suliat soraarsitsinermut tunngasut pisortani suliassat suliarineqartarnerat pillugu Inatsisartut inatsisaanni aalajangiinermik oqartarnermi pineqartunut ilaatinneqarput, qinnuteqaatiginagu qinnuteqaatigaluguluunniit soraarsitsineq pineqarnersoq apequtaatinnagu. Oqartussaasup soraarniuteqarnermik akuerininnera iluaqusiisutut nalinginnaasumik isigineqartarpoq, oqartussaasorlu - nanertuutaasumik aalajangiinerni pisunut paarlangasumik - suliame illua'tungiusup isumaanik siumoortumik tu-

sarniaanissaminut imaluunniit aalajangiinerup tunngavilersuummik naammagittaalliornissamullu ilitersuummik ilaqartinneqarnissaanut pisussaaffeqanngilaq.

Kisianni suliamik suliarinninnermi piumasagaatinik taamatut sakkukillisisoqassapat piumasagaataavoq oqartussaasoq paasissutissanik atorfeqartitaasup soraarniuteqarniarluni aalajangernermini eqqortunik sukumiisunillu tunngaveqarsimaneramik nalornissutiginnitsilersinnaasunik peqassanngitsoq. Assersuutigalugu qinnuteqartup (atorfeqartitaasup) aalajangenera paatsuiinermik imaluunniit oqartussaasup allalluunniit tungaanit tatisinermik pissuteqarsinnaasoq takussutissaqarpat suliamik suliarinninnerup ingerlaqqinnginnerani tamatuma qulaajarniarneqarnissaa oqartussaasup pisussaaffigaa.¹³

A-p soraarniummini 1. maj 2007-imi oqaatigaa soraarniuteqarnini nammineq piumasutsiminut akerliusumik pisimasoq.

Tamanna soraarniuteqarnerup tatisimaneqarnikkut pisimaneramik oqaatiginninneruvoq, tamannalu Sulisoqarnermut Pisortaqarfimmut erseqqissimassaaq. Soraarniuteqarnerup pineqartup nammineq piumasusianut akerliusutut saqqummiunneqarsimasutut erseqqissumik oqaatigineqarsimasup akuerineqarnera suliap pissusia pissutigalugu iluaqusiisuusinnaanngilaq.

Taamaattumik A-p atorfeqartitaanerata unitsinneqarnera Sulisoqarnermut Pisortaqarfiup pisortani suliassat suliarineqartarnerat pillugu Inatsisartut inatsisaanni mallittarisassat nalinginnaasut, imaanngitsoq iluaqusiisumik aalajangiinerit pillugit mallittarisassat sakkukinnerusut, isiginiarlugit suliarisussaasimagaluarpa.

Taamaattumik A-p soraarniutaanik pisortaqarfiup tiguisisimanagera pissutsillu soraarniuteqarnermut tunngasut erseqqinnerusumik misissoqqaarnagit atorfeqartitaaneramik unitsitsisimanagera isorisariaqartutut isigaara.

Tamatumunnga uiggiullugu uanga paasinninnera unaavoq A-p soraarniutaanik Sulisoqarnermut Pisortaqarfiup tigusinialuni aalajangiinera atuussinnaassuseqanngitsoq. Matumani manna pingaartillugu isiginiarpara, tassalu aalajangiineq taanna anertuunik amigaateqartoq, soorlu allamut nuutsinneqarnissamut periarfissat pillugit paasissutissanik, tak. pisunut naapertuuttumik iliuuseqartarnermik tunngaveqarneq, suliami illua'tungiusup isumaanik tusarniaasoqarsimannnginneramik aamma tunngavilersuisimannnginnermik.

Tamanna tunngavigalugu inassuteqaatigaara suliaq Sulisoqarnermut Pisortaqarfiup suliareqqissagaa, nutaamik aalajangiisoqarnissaa siunertaralugu, matumani kukku-

13 Hans Gammeltoft-Hansenip allallu atuakkiat "Forvaltningsret", aappassaamik naqiteritaaq, DJØF 2002, qupp. 223, suliat soraarsitsinernut tunngasut aamma Danmarkimi ingerlatsineq pillugu inatsimmut tunngasut pillugit, ataqtiginneqarnermi tassani aalajangiinermik oqartarnek pisortani suliassat suliarineqartarnerat pillugu Inatsisartut inatsisaanni aalajangiinermik oqartarnermut naapertuuppat, matumani tak. Inatsisartut inatsisaanni § 2, imm. 1 Namminersornerullutik Oqartussat inatsisileriffiata taanna pillugu ilitersuusianaani december 1994-imeersumi imm. 10 Danmarkimi ingerlatsineq pillugu inatsimmi § 2, imm. 1-imut aamma Justitsministereqarfiup taanna pillugu ilitersuusianaani imm. 10-mut ataneqartillugit.

nerit taaneqartut naqqinneqarnerat ilanngullugu eqqarsaatigalugu. Pisorta qarfiup tamatumunnga atatillugu makku isummerfigissagai naatsorsuutigaa:

- *B-mi [sulitut] ikilineqarnissaat pisariaqartutut isigineqarpat A-p atorfia tasaaner-soq atorunnaarsitassaq eqqortoq.*
- *A-p allamut inissinneqarnissaanut periarfissat, pisorta qarfik isumaqarpat B-mi sulinerata unitsinnissaanut tunngavissaqartoq, pineqartormi Kalaallit Nunaanni Namminersornerullutik Oqartussani atorfeqartitaamat, tak. pisunut naapertuut-tumik iliuuseqartarnissamik tunngavik.*
- *Pineqartup atorfeqartitaanerata unitsinneqarnissaanik pisorta qarfiup amigartunik tunngaveqarluni aalajangiinera tunngavigalugu, suliallu qanoq inernilernerneqar-nera apeqquataatinngagu, pisorta qarfiup A-llu akornanni aningaasaqarnermut tunngasunik atuuttoqarner-soq.*

Sulisoqarnermut Pisorta qarfik qinnuigaara suliap ingerlaqqinnera pillugu ilisimateq-qullunga.

Pisorta qarfimmu siusinnerusukku oqaatigaara soraarniuteqarneq nammineq piu-massuseq tunngavigalugu saqqummiunneqarsimanera nalornissutigineqarsinnaasoq iluaqusiisumik aalajangiisarneq pillugu malittarisassat tunngavigalugit suliarineqar-sinnaanngitsoq.¹⁴

Sulisoqarnermut Pisorta qarfik tamanna tunngavigalugu aamma qinnuigaara pisorta-qarfiup siusinnerusukku oqaaseqaatinnut atatillugu qanoq iliuuseqarsimanera pillu-gu nassuiaateqaqqullugu. Periaatsinik suliat matumani pineqartutut ittut malittarisas-satigut tunngaviit naapertorlugit suliarineqartarnissaannik qulakkeerisunik Pisorta-qarfiup aalajangersaasimanninnera malittarisassanilluunniit taamaattunik malin-nissimanninnera isorisariaqartutut isigaara.

Inassuteqaatigaara periaatsit taamaattut Sulisoqarnermut Pisorta qarfiup aalajanger-sassagai, imaluunniit periaatsit aalajangersagaareersut malinneqarnissaasa qulak-keerneqarnissaat suliniutigissagaa. Pisorta qarfik qinnuigineqarpoq qanoq iliuuse-qalersaartoqarneranik ilisimateqqullunga."

Sulisoqarnermut Pisorta qarfiup akissutaanik ukiup nalunaarusiuunneqartup naa-nerani suli tigusaqanngilanga.

¹⁴ Tamatumunnga atatillugu oqaaseqaatiga 11.03.21.01/105-00-imik j. normoqartoq 2002-mi ukiumoortumik nalunaa-rutima kalaallisuani qupperneri 32-mi tulliinilu aamma qallunaatuani qupperneri 28-mi tulliinilu issuarneqartoq innersuussutigisinnaavara.

5.3. Akileraaruteqaataasussatut isertitanik naatsorsuineq

5.3.1. Saaffiginnissutinik suliarinnissimanninneq, akerliliiisoqaraluartoq akiliisitsiniartoqarsimanera, akileraartarnermut tunngasuni oqartussaatut ilusilersugaanerata aamma tunngavilersuisimanninneq

A Ombudsmandimut saaffiginnippoq, Akileraarusiinermillu Aalajangiisartut/akileraaruseriffiup ukiumi akileraarfiusumi 2002-mi inaarutaasumik naatsorsuinerata naammagittaalliuutigalugu.

2002-mi inaarutaasumik naatsorsuunneqarnini arlaleriarlugu naammagittaalliuutigisaraluarlugu akissutisarsimanninnini, aamma akiitsut akiliisitsiniartarfimmu akilersinniaqassanngortinneqarsimanerata naammagittaalliuutigaa, naak akiitsunik pineqartunik akiliisitsiniarneq naammagittaalliummut atatillugu unitsinneqarallassasoq arlaleriarlugu qinnutigisarsimagaluarlugu. Tamatumunnga tunuliaqutaasumik paasitinneqarani 2002-mi inaarutaasumik naatsorsuineramik allanngortitamik tigusaqarsimanini aammattaaq naammagittaalliuutigaa.

A-p saaffiginnissutaanut - matumani naammagittaalliuutip suliarineqarnerata nalaani akiitsunik pineqartunik akiliisitsiniarnerup unitsikkallarneqarnissaanik qinnutigisai ilanngullugit eqqarsaatigalugit - Akileraarusiinermik Aalajangiisartut ukiup aappaata affaa sinnerlugu qisuariarfiginnissimanninnerata isorisarialerujussuuartut Ombudsmandip isigaa.

Aammattaaq Akileraarusiinermik Aalajangiisartut naammagittaalliornissamut piffissaliussamut atorunnaarsinneqarsimasumut innersuussilluni A-p saaffiginnissutaanik suliarinnissimanninnera isorisariaqartutut Ombudsmandip isigaa.

Tamatuma saniatigut A-p inaarutaasumik naatsorsuunneqarneranut allanngortitamut atatillugu Ombudsmandip oqaatigaa pisortani suliassat suliarineqartarnerata pillugu Inatsisartut inatsisaanni aalajangiinerit tunngavilersorneqartarnissaannik §§-ini 22-mi 24-milu piunasaqaataasoq malinneqassasoq.

Ombudsmandip Akileraarusiinermik Aalajangiisartut aamma Akileraartarnermi Pisortaarfik tamanna tunngavigalugu qinnuigai oqaaseqaatit Aalajangiisartut pisortaarfik fillu suliata malittarisassatigut tunngavigisanut naapertuuttumik suliarineqartarnissaat siunissami qulakkeerniarlugu qanoq iliuuseqarnissamut pissutissaqalersinnerai nalunaarutigeqqullugu.

K Kommunimi akileraaruseriffiup piujunnaarsimanera tunngavigalugu Ombudsmandi isumaqarpoq K Kommunip suliata A-mut tunngasumik suliarinninnerata isorisariaqarsimasinnaanera erseqqinnerusumik misissussallugu tunngavissaqarnani (j.nr. 11.03.40.04/072-07).

A uannut allakkatigut 29. maj 2007-imeersutigut naammagittaalliorpoq.

Akileraartarnermi Pisortaqarfik allakkatigut 1. juni 2007-imeersutigut qinnuigaara A-p uannut saaffiginnissutaanut atatillugu oqaaseqaateqaqqullugu. Pisortaqarfik ilaatigut qinnuigaara pineqartup saaffiginnissutaanut atatillugu qanoq iliuuseqartoqarsimanersoq paasissutissiissutigeqqullugu.

Akileraartarnermi Pisortaqarfik oqaaseqaammik tamatuma kingornatigut allakkatigut 10. juli 2007-imeersutigut saqqummiussivoq. Akileraarusiineramik Aalajangiisartut oqarasuaatikkut 15. aamma 25. oktober 2007-imi ilassutaasunik paasissutissiipput.

A pisortaqarfiup oqaaseqaataa pillugu oqaaseqaateqarsimanngitsoq takuneqarsinnaavoq.

Suliami A-mut tunngasumi paasissutissanit tamatuma kingornatigut erserpoq 2000-imit 2002-mut isertitanik amerlassusiliinerit K Kommunimi akileraarusiisarnermi oqartussaasut Akileraarusiineramik Aalajangiisartunut inassuteqaatigisimasaat A-p 2004-mi naammagittaalliuutigisimagai.

Akileraarusiinermik Aalajangiisartut 28. april 2005-imi ataatsimiinnerminni aalajangiipput. 2002 eqqarsaatigalugu A-p akileraaruteqaataasussatut isertitai 331.890,00 kr.-nit 608.773,00 kr.-nut qaffanneqarput.

A 2002-mi inaarutaasumik naatsorsuutininik tamatuma kingornatigut 16. juni 2005-imi nassinneqarpoq, akileraaruteqaataasussatullu isertitai 608.773,00 kr.-iusut tassani oqaatigineqarpoq, Akileraarusiinermik Aalajangiisartut aalajangiinerat naapertorlugu. 127.927,00 kr.-t akileraarutaaqqittussatut akilerneqarnissaat piumasaaqatigineqarpoq. Naatsorsuutit immersugassami assigiissaartuninik oqaasertalersugaasumi naqinneqarsimapput, tassanilu oqaatigineqarluni naatsorsuineq taanna Akileraarusiinermik Aalajangiisartunut sapaatit akunneri sisamat qaangiutsinnagit naammagittaalliuutigineqarsinnaasoq.

2002-mi inaarutaasumik naatsorsuineq A-p K Kommunimi akileraaruseriffimmi pisortamut allakkatigut 9. september 2005-imi naammagittaalliuutigaa. Akiliisit-siniarnerup unitsikkallarneqarnissaa tamatumunnga atatillugu qinnutigaa.

A (Akileraarusiinermik Aalajangiisartunut) 24. januar 2006-imi naammagittaallioqqippoq, tassami naammagittaalliumminut 9. september 2005-imeersumut akissummik tigusaqarsimanninnami.

A tamatuma saniatigut 2002-mi inaarutaasumik naatsorsuineramik allanngortitamik 11. december 2006-imi ullulerneqarsimasumik tigusaqarpoq. Allanguutit 11.629,00 kr.-iupput - "+ akiliinikippallaarsimanermut tapiliussat, 10%" - tamatumunngali tunuliaqutaasoq pillugu nassuiaat ilanngunneqarsimannilaq. Tamatumunnga atatillugu konto pillugu takussutissiap naqitanngortinneqarnera 19. april 2007-imeersoq K Kommunimeersoq ilaavoq. Tassani A-p 2002-mi akileraarutigeqqitassai 116.298,00 kr.-iutinneqarput; 127.927,00 kr.-t 11.629,00 kr.-nik "akiliinikippallaarsimanermut tapiliussanik" taaneqartunik ilanngarlugit. Oqaatigineqarpoq naatsorsuineq Akileraarusiineramik Aalajangiisartunut sapaatit akunerisamat qaangiutsinnagit suliassanngortitsinikkut naammagittaalliuutigineqarsinnaasoq.

A [Akileraartarnermi Pisorta qarfirmut] 28. februar 2007-imi saaffigineqqip-poq, naammagittaalliuutip suliarineqarnissaa akiliisitsiniarnerullu unitsikkallar-neqarnissaa qinnutagalugit.

Akileraartarnermi Pisorta qarfiup K Kommunimit akiliisitsiniartarfirmut allak-katigut 9. juli 2007-imi nalunaarutigaa 116.298,00 kr.-nik akiliisitsiniarneq aki-leraarusineramik ingerlatsineq pillugu Inatsisartut inatsisaanni § 76, imm. 2 tun-gavigalugu unitsikkallarneqartoq.

Akileraartarnermi Pisorta qarfiup uannut nassuiaammuni 10. juli 2007-imeersuni oqaatigaa:

"Inatsisartut Ombudsmandiata allakkatigut 1. juni 2007-imeersutigut, 12.805-imik normoqartuti-gut, 11.03.40.04/072-07-imik j. normoqartutigut kiisalu eqqaasitsissutitut allakkatigut 4. juli 2007-imeersutigut Akileraartarnermi Pisorta qarfik ukiumi isertitaqarfiusumi 2002-mi akileraaru-taaqqittussanik akiliisitsiniarnerup unitsikkallarneqarnissaanik A-p qinnutigisaanut atatillugu qa-noq iliuuseqarsimanersoq nassuiaaqqullugu akileraaruserivik qinnuigisimavaa.

Akileraartarnermi Pisorta qarfiup uppersarlugu ilisimatitsissutigissaavaa inaarutaasumik naat-sorsuutitut, ukioq isertitaqarfiusoq 2002 pillugu Akileraarusiineramik Aalajangiisartut 12. februar 2007-imi aalajangiinerat ...-mik normoqartoq 17. maj 2005-imeersoq tunulequtaralugu suliarine-qartunut Akileraarusiineramik Aalajangiisartunut akerliliissuteqartoqarpoq.

Inatsisartut Ombudsmandiannut allakkat assilinerinit erserpoq akileraartarnermi pisortamut, K Kommunimi Akileraaruserivik, Boks, K, akileraarutaaqqittussat unitsikkallarneqarnissaat pillugu A 9. september 2005-imi qinnuteqarsimasoq.

Unitsitsigallarnissamik qinnuteqaat Akileraartarnermi Pisorta qarfirmut nassiuunneqarsimangi-laq.

Tamatuma saniatigut Akileraarusiinermik Aalajangiisartut aalajangigaannut ...-mik normoqartumut 17. maj 2005-imeersumut akeryliliissuteqartoqarpoq. Sapaatit akunnerinik sisamanik naam-magittaalliornissamat piffissaliunneqartoq eqqortinneqarsimannitsoq takuneqarsinnaavoq.

Suliami matumani paasissutissat assigiinngitsut tunulequtaralugit Akileraarusiinermik Aalajangiisartut aalajangerpaat ukioq isertitaqarfiusoq 2002 pillugu akileraarutaaqqittussat akileneqar-nissaasa kinguartinneqarnissaat nalunaarutiginiarlugu, tak. inaarutaasumik naatsorsuutit allan-gortitat 16. juni 2005-imeersut kiisalu inaarutaasumik naatsorsuutit allanngortitat 11. december 2006-imeersut – K Kommunimit konto pillugu takussutissiaq malillugu akileraarutaaqqittussat 116.298 kr.-nik amerlassuseqarput, tak. K Kommunimut, Akiliisitsiniartarfik, Boks ..., K, allak-kat 9. juli 2007-imeersut assilinerat ilanngullugu nassiunneqartoq." (Atorfeqarfimmi nutsigaavoq)

Akileraarusiinermik Aalajangiisartut allattoqarfiata oqarasuaatikkut 15. oktober 2007-imi erseqqissaatitut oqaatigaa suliaq A-mut tunngasoq Aalajangiisartuni suliarineqartoq, taamaattumillu akiitsunik pineqartunik akiliisitsiniarneq unitsik-kallarneqarsimasoq.

Allattoqarfiup oqarasuaatikkut 25. oktober 2007-imi aamma oqaatigaa suliamik matuminnga uanga suliarinnilerneru sioqqullugu A-p saaffiginnissutaanut atatil-lugu iliuuseqartoqarsimannitsoq.

Akileraartarnermi Pisortaqarfimmut aamma Akileraarusiinermik Aalajangiisartunut tamatuma kingornatigut imaattunik oqaaseqaateqarpunga:

1. Malittarisassatigut tunngavigisaa, oqartussaanerup ilusilersugaanera aamma oqaaseqaatinnik nassitsiffissaq eqqortoq

Piffissami A-p 2002-mi inaarutaasumik naatsorsuineq pillugu naammagittaallior-nerata nalaani suliassaqarfimmi tassani aningaasarsianit akileraarutit pillugit Inatsi-sartut inatsisaanni nr. 5-imi, 19. maj 1979-imeersumi kingusinnerusukkat allannguuteqartinneqartarsimasumi malittarisassat atuuttuupput.

Inatsisartut inatsisaanni tassani § 55-ikkut aalajangersarneqarpoq akileraarusiiner-mik pisinnaatitaaneq kommunit akileraartarnermut oqartussaasuiniittoq.

Kommunini akileraartarnermut oqartussaasut § 55 tunngavigalugu aalajangiineri pil-lugit naammagittaalliuutit Akileraarusiinermik Aalajangiisartut suliarisarpaat, tak. § 56, imm. 1.

Akileraarusiinermik ingerlatsineq pillugu Inatsisartut inatsisaat nr. 11, 2. november 2006-imeersoq 1. januar 2007-imi atortuulerpoq.

Inatsisartut inatsisaanni tassani § 89, imm. 2-kkut aalajangersarneqarpoq aningaa-sarsianit akileraarutit pillugit suliat tamarmik akileraaruseriffimmut nuunneqassasut, Inatsisartut inatsisaata atortuulerfianit atuutilersumik.

Akileraaruseriffik tassaavoq oqartussaasoq akileraarutit pillugit inatsimmik aqutsisoq, matumani toqqaannartumik toqqaannangitsumillu akileraarutit ilanngullugit eqqarsaatigalugit, tak. § 1.

Inatsisartut inatsisaat taanna pillugu oqaaseqaatinit erserpoq akileraaruseriffik tassaasoq qitiusumik inissisimasoq, sulinerminillu Namminersornerullutik Oqartussat ataanni ingerlatsisoq. Taanna kommunini akileraaruseriffiit Akileraartarnermilu Pisortaqarfiup kattutsinneqarnerisigut pilersinneqarsimavoq. Kommunini akileraaruseriffiit taamaalillutik piujunnaarput.

Aammattaq Inatsisartut inatsisaanni § 5, imm. 7-ikkut aalajangersarneqarpoq Naalakkersuisut Akileraarusiinermik Aalajangiisartunut (massakkullu) akileraarusiisarfik pillugu naammagittaalliuutinik suli suliarinnittartuusunut allatseqartitsinikkut ikiuutissasut.

Akileraarusiinermik Aalajangiisartut aamma Akileraartarnermi Pisortaqarfik tamanna tunngavigalugu akileraartarnermi oqartussaasunut suliami matumani oqaaseqaatinnik tiguisussatut eqqortuusutut isigaakka, tassami suliaq manna Akileraarusiinermik Aalajangiisartut suliamik suliarinninnerannut aamma kommunini akileraaruseriffiup Namminersornerullutik Oqartussanut massakkut nuunneqarsimasup suliamik suliarinninneranut tunngasuimmat.

2. A-p 2002-mi inaarutaasumik naatsorsuineramik akileraartarnermi oqartussaasunut saaffiginissutai

*Suliamik suliarinninninni A-p K Kommunimi akileraaruseriffimmi pisortamut naammagittaalliuutaa 9. september 2005-imeersoq tamatumalu kingornatigut Akileraarusiinermik Aalajangiisartunut saaffiginissutaa 24. januar 2006-imeersoq aamma Akileraartarnermi Pisortaqarfimmut saaffiginissutaa 8. februar 2007-imeersoq 2002-mi inaarutaasumik naatsorsuineramik 16. juni 2005-imeersumik suliarinneqqusissutitut qinnuteqaatitut taannalu pillugu nukingisaarutitut marluttut isigaakka. Tamatumunnga atatillugu inaarutaasumik naatsorsuinerup 16. juni 2005-imeersup Akileraarusiinermik Aalajangiisartut 28. april 2005-imi ataatsimiinnerat tunngavigalugu pisimane-
ra pingaartillugu isiginiarpara.*

2.1 A-p naammagittaalliuutaa 9. september 2005-imeersoq.

A-p naammagittaalliuutaa 9. september 2005-imeersoq K Kommunimi akileraaruseriffimmi pisortamut nassiunneqarsimavoq. K Kommuni naammagittaalliuummut atatillugu qanoq iliuuseqarsimanersoq oqaatigineqarsimangilaq.¹⁵

Aningaasarsianit akileraarutit pillugit Inatsisartut inatsisaanni 1979-imeersumi § 56, imm. 1-ikkut aalajangersarneqarpoq kommunimi akileraaruseriffiup aalajangiineri Akileraarusiinermik Aalajangiisartunut naammagittaalliuutigineqarsinnaasut. Naam-

¹⁵ Akileraartarnermi Pisortaqarfiup uannut allakkani 10. juli 2007-imeersuni qinnuteqaatip suliarineqarnerata unitsikkal-larneqarnissaanik qinnuteqaatip pisortaqarfimmut nassiunneqarsimanginnerani oqaatigisaa qinnuteqaatip pisortaqar-fimmit tiguneqarsimanginneranut takussutissatut isigaara.

magittaalliut Aalajangiisartunut tunniunneqassaaq, tak. § 56, imm. 2-mi oqaaseqaa-tigiit siulliit.

§ 59, imm. 1-imi oqaaseqatigiitsigut siullertigut aalajangersarneqarpoq Aalajangiisartut ilaatigut § 56 tunngavigalugu aalajangiineri akileraartartumit Kalaallit Nunaa-ta Eqqaartuussivianut suliarinnittussamut siullermut aalajangiinerup kingornatigut qaammatit arfinillit qaangiutsinnagit suliassanngortinneqarsinnaasut.

Tamatuma saniatigut aalajangiinermik tigusisoq oqartussaasumut aalajangiisimasu-mut suliaq suliareqqeqqullugu qinnuiginninnissaminut nalinginnaasumik periarfis-saqarpoq, tassa imaappoq oqartussaasoq qinnuigalugu nammineq aalajangiinini su-liareqqeqqullugu. Suliami matumani suliamik suliarinneqqeqqusinissamut periarfis-saqarnera § 57, imm. 3-mi oqaaseqatigiitsigut siullertigut erseqqissumik aalajanger-sarneqarpoq, tassanmi aalajangersarneqarmat suliat § 56 aamma § 57, imm. 2 tun-ngavigalugit aalajangiivigineqarsimasut Akileraarusiinermik Aalajangiisartut sulia-reqqissinnaagaat. Aammattaaq inaarutaasumik 16. juni 2005-imi naatsorsuiner-mi Akileraarusiinermik Aalajangiisartut 28. april 2005-imi ataatsimiinneranni aalaja-ngiinerat tunngavigalugu pisimasumi oqaatigineqarpoq naammagittaalliut Aala-jangiisartunut nassiunneqassasoq.

K Kommunimi akileraaruseriffimmi akileraartarnermi pisortaq taamaalilluni tas-saangilaq A-p saaffiginnissutaanik 9. september 2005-imeersumik nassitsivissaq eqqortoq.

Pisortanili suliassat suliareqartarnerat pillugu Inatsisartut inatsisaanni § 7, imm. 1-ikkut aalajangersarneqarpoq ingerlatsinermi oqartussaasoq inunnut oqartussaasup suliassaqarfiata iluanut tunngasut pillugit saaffiginnittoq pisariaqarneratut annertuti-gisumik ilitersorlugulu ikiussagaa. § 7, imm. 2-kkut aalajangersarneqarpoq saaffi-ginnissut oqartussaasup taassuma oqartussaasumut sapinngisamik nassitussagaa, oqartussaasoq allakkatigut saaffiginnissummik oqartussaasup pineqartup suliassa-qarfiginngisaanut tunngasumik tigusaqarpat.

Oqaatigaara A-p Akileraarusiinermik Aalajangiisartunut saaffiginnissutaa K Kommu-nip ingerlateqqillugu nassiussimaneraa imaluunniit inaarutaasumik naatsorsuineq pillugu qisuariarnissamut periarfissaanik ilitersorsimaneraa uppersarneqarsimannitsoq.

Taamaattorli K Kommunip isornartorsiornissaanut tunngavissaqarnanga isumaqar-punga, tak. immikkoortoq 5.

2.2. A-p nukingisaarutai 24. januar 2006-imeersoq aamma 28. februar 2007-imeersoq

A-p nukingisaarutai 24. januar 2006-imeersoq kiisalu 28. februar 2007-imeersoq tul-leriinneri malillugit Akileraarusiinermik Aalajangiisartunut aamma Akileraartarner-mi Pisortaqarfinnut nassiunneqarsimapput. Pisortaqarfiup uannut oqaatigaa naam-magittaalliornissamut piffissaliussaq malinneqarsimannitsoq, saaffiginnissutinulli atatillugu iliuuseqarsimanani, suliamik uanga suliarinnilernera sioqqullugu. Ta-

manna imatut paasivara piffissaliussamik malinninnginneq suliap sularineqarsi-mannginneranut pissutaasoq.

Ingerlatsinermi oqartussaasut sultanik sapinngisamik pilertornerpaamik, sukumiiner-paamik pitsaassuseqartitsinikkullu pitsaanerpaamik sularineqartarnissaat tunnga-viusumik piumasaqaataasutut attuuppoq. Innuttaasut saaffiginissutaannut oqartus-saasup akissuteqartarnissaanik piumasaqaat tassani ilaatigut ilaavoq, taamaalilluni innuttaasoq suliame immiinnut tunngasumi malinnaasinnaaqkullugu, soqutigisaminillu ingerlatsinissaminut periarfissaqarsinnaaqkullugu. Piumasaqaat taanna Namminer-sornerullutik Oqartussat inatsisileriffiata pisortani suliassat sularineqartarnerat pil-lugu inatsit pillugu ilitersuusianaani december 1994-imeersumi kapitali 12-imi arlalit-sigut eqqaaneqarsimavoq.

Aammattaq ilitersuummi imm. 207-imit erserpoq suliame illua'tungiusup nuki-ngisaarutai piffissamik suliap sularineqarneranut atorneqartumik naleqquttumik tun-ngavilersugaasut nalinginnaasumik ingerlaannaq akineqartariaqartut. Akissut suliap sumut killinnera ajornanngippallu suliap qaqugu aalajangiiffigineqarnissaanik oqar-tussaasup naatsorsuutiginninnera pillugu paasissutissanik imaqartariaqarpoq.

Piumasaqaatit taakku atuupput, innuttaasup piffissaliussamik malinnissimannginne-ranik oqartussaasup isiginninnera apeqqutaatinnagu, taamatuttaarlu taamatut malin-ninnginnerup oqartussaasup suliassat sularineqartarnerat pillugu inatsimmi malitta-risassanik malinninnissaanut pisussaaffianngilaa, matumani innuttaasoq eqqarsaati-galugu aalajangiinissaq ilanngullugu eqqarsaatigalugu - aalajangiinerlu taanna pisut qanoq ittuunerat apeqqutaatillugu suliap aalajangersimasumik sularineqalernissaa-nik itigartiitsinerusinnaavoq.

Uanga paasinninnera unaavoq Akileraartarnermi Pisortaqarfiup A-p saaffiginissu-taanut atatilugu iliuuseqarsimannginnera piumasaqaatinut taakkununga naapertuut-tuusimanngitsoq, pingaartumik iliuuseqannginnerup ukioq ataaseq affarlu sinnerlugit siviussuseqarnera isiginiaraanni.

Ataatsimoortumik isiginnillunga isumaqarpunga Akileraartarnermi Pisortaqarfiup A-p naammagittaalliuut pillugu nukingisaarutaanut - matumani akiitsunik pineqartunik akiliisitsiniarnerup naammagittaalliuutit sularineqarnerata nalaani unitsikkallar-ne-qarnissaanik qinnutigisai ilanngullugit eqqarsaatigalugit - uanga suliame sularinni-lerner sioqqullugu qisuariarsimannginnera isorisarialerujussuusoq.

2.3. Akiitsunik akilersinniagassanngortitsineq

Uanga paasinninnera unaavoq akiitsut assortuussutigineqartut suliassat sularineqar-tarnerat pillugu inatsisip killissarititaasa iluanni oqartussaasullu sultanik naammattu-mik paasissutissartalersuisussaataanerannik tunngavik isiginiarlugu akilersinnia-gassanngortinneqarsinnaanngitsut, akerliliissut pillugu tunngavilersugaasumik isum-mertoqareersimatinnagu.

Tamatumunnga ataneqartillugu uanga paasinninnera unaavoq pisassarisat assortuus-tigineqarnerat suliap taamaattuunera pissutigalugu akilersinniagassanngortinne-qarsinnaanngitsut, akerliliissut tunngavissaqartutut oqartussaasup isigippagu. Akerli-

liissut tunngavissaqanngitsutut oqartussaasumit isigineqarpat tamanna apeqqutaatin-nagu akerliliissut pillugu paasissutissat ilanngullugit tunniunneqassapput, akiitsut akilersinniagassanngortinneqarpata.

Tamatumunnga tunuliaqutaasoq tassaavoq taamaaliortoqanngippat oqartussaasup tunngavissat amigartut tunngavigalugit suliamik suliarinneqattussaanaera.

Eqqartuussisoqariinngitsoq pinngitsaaliilluni akiliisitsiniarneq nalinginnaasumik aki-liisitsiniarnissamut naatsorsuussaavoq, taamaalillunilu pinngitsaaliilluni akiliisitsi-niartartoq apeqqutit eqqartuussiviit ingerlatsiviulluunniit akisussaasup aalajangiiffi-gisassai pillugit aalajangiisinnaanngilaq. Tamatuma manna nassataraa, tassalu pi-sassarisanik akilersinniagassanngortitsisup paasissutissat naammattut ilanngutissa-gai, taamaalilluni pinngitsaaliilluni akiliisitsiniartartoq apeqqutinik aalajangiinissa-mut pisinnaatitaanermi avataaniittunik peqarnersoq naliliisinnaaqullugu. Pineqar-toq assersuutitut tassaasinnaavoq akiitsoqartup akerliliissuteqarneratigut pisassari-sat piunerisa aamma/imaluunniit amerlassusiisa nalornissutigineqalernerat.¹⁶

Taamaattorli K Kommunip isornartorsiornissaanut pissutissaqarnanga isumaqarpu-nga, tak. immikkoortoq 5.

3. Inaarutaasumik naatsorsuineri immersugassani assigiissaartunik oqaasertalersu-gaasuni naammagittaalliornissamut ilitsersuut aamma naammagittaalliornissamut sapaatit akunnerinik sisamanik siusinnerusukku piffissaliisarneq

Immersugassani assigiissaartunik oqaasertalersugaasuni A-p 2002-mi inaarutaasu-mik naatsorsuunneqarnerani 16. juni 2005-imeersutut aamma 11. december 2006-imeersutut atorneqarsimasuni oqaatigineqarpoq naammagittaalliut Akileraarusii-nermik Aalajangiisartunut sapaatit akunneri sisamat qaangiutsinnagit nassiunneqas-sasoq. Inaarutaasumik naatsorsuineq oqaatigineqartutut Aalajangiisartut 28. april 2005-imi ataatsimiinneranni aalajangiineq tunngavigalugu pisimavoq.

Aningaasarsianit akileraarutit pillugit Inatsisartut inatsisaata allannguutaa pillugu Inatsisartut inatsisaata nr. 6-ip, 11. november 2004-meersup 1. januar 2005-imi ator-tuulernera sioqqullugu aningaasarsiat pillugit Inatsisartut inatsisaanni § 57, imm. 1-imi oqaaseqatigiitsigut siullertigut aalajangersarneqarpoq aalajangiinerit Akileraa-rusiinermik Aalajangiisartut kommunini akileraartarnermi oqartussaasut akileraaru-siineri pillugit naammagittaalliutaannut atatillugit pisimasut pillugit naammagittaal-liuutit aalajangiinerit pineqartut pillugit pineqartunut ilisimatitsissutigineqarnerisa kingornatigut sapaatit akunneri sisamat qaangiutsinnagit suliareqqitassanngortinne-qarsinnaasut.

Aningaasarsianit akileraarutit pillugit Inatsisartut inatsisaata allannguutaasigut taa-neqartutit suliamik akileraarusiinermik Aalajangiisartunut suliasanngortitseqqin-nissamut sapaatit akunnerinik sisamanik piffissaliineq atorunnaarpoq, tassami tama-

16 Tak. Højesteretsimi eqqartuussisuusimasup Splethip UfR 1978B.137-mi tulleriinneri malillugit ingerlatsiviup, pinngit-saaliilluni akiliisitsiniartarfup eqqartuussiviullu suliani qularnaveeqqutitut arsaarinninnernut tunngasuni pisinnaatita-neri kiisalu Højesteretsip periaasia pillugit allaaserisaani immikkoortoq 2.3.

tuma kingornatigut § 57, imm. 3-mi oqaaseqatigiitsigut siullertigut aalajangersarne-qarmat suliat § 56, aamma § 57, imm. 2 tunngavigalugit aalajangiivigineqarsimasut Aalajangiisartunit suliareqqinneqarsinnaasut.

Taamaattumik oqaatigaara immersugassami assigiissaartunik oqaasertalersugaasumi naammagittaalliornissamut ilitersuummi naammagittaalliutit Akileraarusiiner-mik Aalajangiisartunut sapaatit akunnerisa sisamat qaangiutinnginneranni nassiun-neqarnissaanik oqaatigineqartooq eqqortuunngitsoq.

Taamaattorli K Kommunip isornartorsiornissaanut pissutissaqarnanga isumaqarpu-nga, tak. immikkoortoq 5.

Akileraartarnermi Pisortaqarfiup A-p saaffiginnissutai pillugit uannut nassuiaammuni 10. juli 2007-imeersuni oqaatigaa naammagittaalliornissamut sapaatit akunnerinik si-samanik piffissaliineq malinneqarsimanngitsoq. Oqaatigineqartutut paasinninneq taanna suliap suliarineqannginneranut pissutaasimasooq tunngaviuttippara.

Pisortaqarfiup/Akileraarusiiner-mik Aalajangiisartut A-p suliamik naammagittaallior-nissamut piffissaliussaq atorunnaarsinneqarsimasooq innersuussutigalugu suliarinnis-simannginnerat isorisariaqartutut isigaara.

4. Inaarutaasumik naatsorsuineq allanngortitaq 11. december 2006-imeersooq

A-p 2002-mi inaarutaasumik naatsorsuunneqarnera inaarutaasumik naatsorsuinikkut 11. december 2006-imeersukku K Kommunip allanngortissimavaa. A-p oqaatigaa i-naarutaasumik naatsorsuineq allanngortitaq paasissutissanik allannguinnermut pissu-taasunik ilaqartinnagu tigusimagini.

Allakkatigut aalajangiineq, assersuutigalugu inaarutaasumik naatsorsuinerup allan-ngortinneqarnissaanik aalajangiineq, tamakkiisumik akuersaartuunngikkuni tunnga-vilersuummik ilaqartinneqassaaq, matumani inatsimmi malittarisassanut atorneqarsi-masunut innersuussut naammagittaalliornissamullu periarfissamik ilitersuisarneq ilanngullugit eqqarsaatigalugit, tak. pisortani suliassat suliarineqartarnerat pillugu Inatsisartut inatsisaanni §§-it 22, 24 aamma 25.

Inaarutaasumik naatsorsuineq allanngortitaq immuni tunngavilersuummik inatsimmi malittarisassanut allannguinnermut tunuliaqutaasumik nassuiaasunut innersuummik imaqqanngilaq.

Taamaattorli K Kommunip isornartorsiornissaanut pissutissaqarnanga isumaqarpu-nga, tak. immikkoortoq 5.

Akileraartarnermi Pisortaqarfimmu oqaatigaara §§-ini 22-mi aamma 24-mi tunnga-vilersuinissamik piumasaqaatit malinneqartussaasut. Immersugassap assigiissaartu-nik oqaasertalersugaasup allakkani nassitsissutinik nassuiaataasunik ilaqartinneqar-

nissaa tamatuma nassataraa, immersugassami paasisutissat imminni piumasqaatitnik taaneqartunik eqqortitsisuunngippata.

5. Naggasiutaasumik oqaaseqaatit

K Kommunip suliamik A-mut tunngasumik suliarinninnerata isornartorsiornissaanut tunngavissaqarnanga isumaqarpunga. Paasisutissat pigineqartut tunngavigalugit makku uppersinissaanut periarfissaqanngilanga, tassalu kommuni qanoq iliuuseqarsimanersoq aamma kommuni kukkussuteqarsimanersoq kukkussuteqarsimannginnersorluunniit, matumani A-p saaffiginnissutaa 9. september 2005-imeersoq kommunimit Akileraarusiinemik Aalajangiisartunut nassiunneqarnermini tammarsimanersoq ilanngullugu eqqarsaatigalugu. K Kommunimi akileraaruseriffik piujunnaarsimamat apeqqutit taakku erseqqinnerusumik misissuiffiginissaannut pissutissaqarnanga isumaqarpunga.

Malugaara Akileraartarnermi Pisorta qarfiup K Kommuni allakkatigut 9. juli 2007-imeersutigut nalunaarfigisimagaa akiliisitsiniarneq suliap A-mut tunngasup misissor-neqarnerani unitsikkallarneqartoq.

Aammattaaq malugaara Akileraarusiinemik Aalajangiisartut oqarasuaatikkut 15. oktober 2007-imi nalunaarutigigaat suliaq suliareqqinneqalersimasoq; tassa imaappoq Aalajangiisartut namminneq aalajangiinerannik A-p naammagittaalliutaa Aalajangiisartut suliareqqilersimagaat.

Akileraarusiinemik Aalajangiisartut Akileraartarnermilu Pisorta qarfik naggasiutitut qinnuigaakka oqaaseqaatima sulianik suliarinnittarneq malittarisassatigut tunngaviusunut naapertuuttumik ingerlanneqartarnissaa siunissami qulakkeerniarlugu Aalajangiisartut pisorta qarfillu qanoq iliuuseqarnissaannut pissutissaqalersinnerai paasisutissiissutigequllugu."

Akileraartarnermi Pisorta qarfik allakkatigut 11. december 2007-imeersutigut imatut akivoq:

"Ombudsmandip 4. december 2007-imi allakkamini ilaatigut makku paasisutissiissutigai:

"A-p saaffiginnissutaanut - matumani naammagittaalliutip suliarineqarnerata nalaani akiitsunik pineqartunik akiliisitsiniarnerup unitsikkallarneqarnissaanik qinnutigisai ilanngullugit eqqarsaatigalugit - Akileraarusiinemik Aalajangiisartut ukiup aappaata affaa sinnerlugu sivi-sussusilimmi qisuariarfiginnissimanninnerat isorisarialerujussuurtut isigaara.

Tamatumunnga ataneqartillugu oqaatigaara akiitsut assortuussutigineqartut akilersinniagassanngortinneqarsinnaanngimmata, akerliliissut pillugu tunngavilersugaasumik isummertoqarsimattinnagu.

Aammattaaq Akileraarusiinermik Aalajangiisartut naammagittaalliornissamut piffissaliussamut atorunnaarsinneqarsimasumut innersuussilluni A-p saaffiginnissutaanik suliarinnessimannginnera isorisariaqartutut isigaara.

Tamatuma saniatigut A-p inaarutaasumik naatsorsuunneqarneranut allangortitamut 11. december 2006-imeersumut atatillugu oqaatigaara pisortani suliassat suliarineqartarnerat pillugu Inatsisartut inatsisaanni aalajangiinerit tunngavilersorneqartarnissaannik §§-ini 22-mi 24-milu piumasaqaataasoq malinneqassasoq.

Akileraarusiinermik Aalajangiisartut aamma Akileraartarnermi Pisorta qarfik tamanna tunngavigalugu qinnuigaakka oqaaseqaatima Aalajangiisartut pisorta qarfillu suliat malittarisassatigut tunngavigisanut naapertuuttumik suliarineqartarnissaat siunissami qulakkeerniarlugu qanoq iliuuseqarnissamut pissutissaqalersinnerai nalunaarfigeqqullunga.”

Akileraartarnermi Pisorta qarfiup taamatut qinnuigineqarluni Ombudsmandimut oqaatigissavaa naammagittaalliutit pineqartup suliarineqarnera pisorta qarfiup Akileraarusiinermik Aalajangiisartut allattoqarfiannut uparuarsimagaa, taamatuttaarlu Akileraarusiinermik Aalajangiisartunut naammagittaalliutit nunap immikkoortuini tiguneqartut Akileraarusiinermik Aalajangiisartunut ingerlaannaq nassiunneqartassasut naammagittaalliortorlu allakkatigut tamatuminnga ilisimatinneqartassasoq kiisalu inaarutaasumik naatsorsuineq allangortinneqarpat suliassat suliarineqartarnerat pillugu Inatsisartut inatsisaanni suliarnik suliarinnettarneq pillugu §§-ini 22-mi aamma 24-mi malittarisassat malinneqartassasut pisorta qarfiup nunap immikkoortuinut erseqqissaatiginiaara.” (Atorfeqarfimmi nutsigaavoq)

Suliaq tamatuma kingornatigut Akileraartarnermi Pisorta qarfimmu allakkatigut 19. december 2007-imeersutigut inaarlugu suliaraara:

”A-p 2002-mi inaarutaasumik naatsorsuunneqarnerminik naammagittaalliutaa pillugu oqaaseqaatinnut 4. december 2007-imeersumut Akileraartarnermi Pisorta qarfiup akissutaa 11. december 2007-imeersoq tiguara.

Malugaara Akileraartarnermi Pisorta qarfiup oqaatigigaa naammagittaalliutit pineqartup suliarineqarnera pisorta qarfiup Akileraarusiinermik Aalajangiisartut allattoqarfiannut uparuarsimagaa, taamatuttaarlu Akileraarusiinermik Aalajangiisartunut naammagittaalliutit nunap immikkoortortaanit tiguneqartut Akileraarusiinermik Aalajangiisartunut ingerlaannaq nassiunneqartassasut naammagittaalliortorlu allakkatigut tamatuminnga ilisimatinneqartassasoq kiisalu inaarutaasumik naatsorsuineq allangortinneqarpat suliassat suliarineqartarnerat pillugu inatsimmi suliarnik suliarinnettarneq pillugu §§-ini 22-mi aamma 24-mi malittarisassat malinneqartassasut pisorta qarfiup nunap immikkoortuinut erseqqissaatiginiaara.

Akileraaruseriffiup akiitsut saqitsaassutaasut akilersinniagassanngortissinnaassappagit tunngavissat sukumiisut pigineqarnerisa isumagineqarnissaat akileraaruseriffiup pisussaaffigigaa pillugu oqaaseqaatikka qalleqqillugit suliqaq Akileraartarnermi Pisorta qarfik eqqarsaatigalugu inaarlugu suliarineqartutut matuma kingornatigut isigaara.”

Akilerarusiinermik Aaajangiisartut akissutaannik ukiup nalunaarusiuunneqartup naanerani suli tigusaqanngilanga.

5.4 Aalisarneq

5.4.1. Ombudsmandip saaffiginnissutaasa Aalisarnermut, Piniarnermut Nunalerinermullu Pisortaqarfimmit akineqartarsimannginnerat. Suliami allagaatit tammaaneqarsimanerat

Qaleralinniarnermut akuersissutinik qinnuteqaatit Aalisarnermut, Piniarnermut Nunalerinermullu Pisortaqarfimmit itigartissisutiginerarat A-p naamagittaalliuutigaa.

Suliami pisortaqarfimmi tammaaneqarsimanerat Ombudsmandip pitsaanngitsorujussuartut isigaa.

Piffissaq suliamik suliarinninnermut atorneqartoq sivisooq kiisalu suliami allagaatit tammaaneqarsimanerannik Ombudsmandimut A-mulluunniit siusinnerusukkut pisortaqarfiup nalunaaruteqarsimannginnera pissutigalugit pisortaqarfiup isornartorsiornissaanut pissutissaqarluni Ombudsmandi isumaqarpoq. Suliami allagaatit tammaaneqarsimanerannik nalunaaruteqarniarnermut qaammatit 13-it pisortaqarfiup atorsimavai, tamannalu Ombudsmandip Kalaallit Nunaanni Naalakkersuisunut aamma Inatsisartut Inatsisit Atortinneqarnerannut Ataatsimiititaliaannut nalunaarutigaa, tak. Inatsisartut Ombudsmandiat pillugu Inatsisartut inatsisaanni § 10. (J.nr. 11.01.56.30/029-06)

A-p naamagittaalliuutaa imaattoq 27. marts 2006-imi tiguara:

"Matumuuna saaffigaakkit. Ukiut arlalinngorput qaleralinniarnissamut qinnuteqartarlunga, tamatigulli itigartitaasarlunga, unagoq pissutigalugu sionatigut qaleralinniarsimannginname.

Tamanna eqqunngilaq, tassami sionatigut qimussimik qaleralinniarnikuuvunga.

Aamma raajarniarneq aqqissuuteqqinneqarmat oqaatiginerpoq angallatit rajarniarnermut atorrunaartut allamut periarfissiuunneqassasut. Tamanna uannut eqqortinneqanngilaq.

Sooq taama pineqarnerlunga paaserusuppara. Kingullermik KNAPK taperseeqqullugu allakkatigut saaffigigaluarpara, aamma ulloq manna tikillugu kinguneqanngitsumik. Neriuppunga suna asigiinngisitsinermut pissutaasooq paasiumaarlugu."

A-p naamagittaalliuutaa 27. marts 2006-imeersoq tigoreerlugu pisortaqarfimmut 11. maj 2006-imi imatut allappunga:

5. Suliat nalinginnaasumik soqutiginaatillit, inatsiseqartitsiffiusunut agguataakkat

"Qaleralinniarnissamut akuersissut pillugu qinnuteqaatinut arlalinnut itigartitaasimanini pillugu A-p naammagittaalliuutaa Ombudsmandip tiguua.

Naammagittaalliummi paasissutissat aallaavigalugit Ombudsmandip nalilersinnaangilaa suliaq ingerlatissanerlugu.

Tamanna pissutigalugu pisortaqarfik uannut nalunaaruteqaquara, pisortaqarfik qaleralinniarnissamut akuersissut pillugu A-mit qinnuteqaatit itigartittarsimanerai.

Qinnuteqaatinik taamaattunik pisortaqarfik itigartitsisarsimappat, tamatumunnga peqatigitillugu pisortaqarfik qinnuigaara suliat pineqartut uannut misissugassatut nassiteqqullugit.

Tamatuma kingorna pisortaqarfiup suliame pappiaraatai Ombudsmandip misissuiffigereerpagit A-p naammagittaalliuutaa misissuineramik aallartitsinermut pissutissaqalersitsinersoq isummerfigineqassaaq."

Pisortaqarfiup allagai imaattut 2. juni 2006-imi tiguakka:

"Pisortaqarfimmit ulloq 17. maj allakkiarsi ulloq 11. maj 2006-imeersoq tiguneqarsimavoq, tassani pineqarluni A-mit naammagittaalliuut. A-p naammagittaalliuutigisimavaa qaleralinniarluni aalisarsinnaanermut akuersissummik qinnuteqaatimi itigartinneqarsimaneri.

Matumuuna Pisortaqarfimmit nalunaarutigineqassaaq allakkiassinnut akissut naatsorsuutigineqarsinnaassasoq junip qaammataata naannginnerani isumaqatiginninniarnirit, ukiumoortumik ataatsimiinnerit kiisalu suliassat allat pissutigalugit."

Pisortaqarfiup allagai imaattut 8. juli 2006-imersut tiguakka:

"Pisortaqarfimmit ulloq 17. maj tiguneqarsimavoq allakkiarsi 11. maj 2006-imeersoq tassani pineqarluni A-mit naammagittaalliuut. A-p naammagittaalliuutigaa qaleralinniarluni aalisarsinnaanissamut akuersissummik qinnuteqaatimi itigartinneqarsimanerat. Pisortaqarfimmit 28. maj nalunaarutigineqarsimavoq naatsorsuutigineqarsinnaassasoq suliassat allat pissutigalugit junip naannginnerani akissuteqartoqarumaartoq.

Aallarniutigalugu pisortaqarfimmit ajuusaarutigineqassaaq piffissaliussap qaangiunnerani akissuteqartoqarsimanngimmat.

Iluoorpoq ukiuni arlalinni pisortaqarfimmit A-mit qaleralinnik aalisarsinnaanissamut akuersissutit itigartinneqartarsimmata. A marlunnik raajarniutunik angallataateqarpoq, taakkulu raajarniarunnaarput sinerissamut qanittumi raajarniarnerup aaqqissuunneqarnerani naleqqussaanermut atatillugu. Angallatit taakku marluk 20 BRT missaanni angissuseqarput. Angallatit taakku siusinnerusukkut taamaallaat raajanik aalisartarsimapput qaleralinniunngitsaq. Sinerissamut qanittumi qaleralinniarneq pillugu Namminersorerullutik Oqartussat nalunaarutaanni nr. 6, 14. februar 2002-meersumi § 5 innersuussutigalugu manna tikillugu arlaleriarluni A-mit angallatinut taakununga marlunnut qaleralinniarsinnaanermut akuersissuteqarnissamik qinnuteqaatit itigartissutitigineqartarsimapput.

Pisortaqarfimmit naggataatigut nalunaarutigineqassaaq sulinnigiffeqarneq pissutigalugu periarfissaqartoqarsimangimmat qalerallinniansinnaanissamut akuersissutit pillugit suliat allattorsimaffii tamaasa misissuataarsinnaanissaat, taamaasilluni A-mut tunngasut suliat allattorsimaffii nassiunneqarsinnaaniassammata. Pisortaqarfimmit neriuutigineqarpoq august qaammat naannginnerani taamaasiortoqarsinnaajumaartoq."

Saaffiginnissutinnut akissuteqartoqarnissaa oqarasuaatikkut 24. september 2006-imi nukingisaarutigaa.

Pisortaqarfimmit akissummik 29. september 2006-imi suli tigusaqanngilanga, taamaattumillu pisortaqarfik oqarasuaatikkut attaveqarfigeqqippara.

Atorfeqarfimma attaveqarfiginissaa qinnutigisannillu pisortaqarfiup suliarinninnermik nassuiaanissaa B-p neriorsuutigaa.

Pisortaqarfik allakkatigut 5. oktober 2006-imeersutigut nukingisaaqqippara.

Pisortaqarfimmi atorfeqartitaasup B-p oqarasuaatikkut 18. oktober 2006-imi attaveqarfigaanga, oqaatigalugulu mappit suliani allagaatinik imallit piumaneqartut pisortaqarfiup nanisinnaanngikkai. B oqarpoq tamanna aalisarnermut akuersissutinik qinnuteqaatit ukiut ingerlanerini sumiiffinni assigiinngitsuni toqqortarineqarsimanerannik pissuteqartoq, ukiullu suut qinnuteqarfiusut naammagittaalliiummi erseqqivissumik taaneqarsimangimmata pisortaqarfiup qinnuteqaatit taakku sumiiffissisinnaasimangikkai.

Tamatuma allakkatigut nalunaarutigineqarnissaa qinnutigaa, allakkallu taakku pilertornerpaamik nassiunneqassasut B-p neriorsuutigaa.

Pisortaqarfimmit 9. november 2006-imi suli tusagaqannginnama suliaq pisortaqarfimmut suli ataasiarlunga eqqaasitsissutigeqqippara. Tamatumunnga peqatigitillugu nalunaarutigaa pisortaqarfiup akissutaanik tigusaqanngiinnaruma sulinnik pisortaqarfik eqqarsaatigalugu ingerlatsisinnaannginnerma Inatsisartunut Naalakkersuisunullu nalunaarutiginiissaa isumaliutersuutiginiariga, tak. Inatsisartut Ombudsmandiat pillugu Inatsisartut inatsisaanni § 10, imm. 1.

Pisortaqarfiup allagai imaattut 10. november 2006-imi tiguakka:

"Pisortaqarfiup matumuuna allakkap ilissinnut julimi nassiunneqartut kaalaallisoortaa nassiup-paa.

Pisortaqarfiup taama kingusitsigisumik nassiunneqarnera ajuusaarutigaa.

Itigartitsissutit suliami uani pineqartut sumiiffissiniarlugit, pisortaqarfiup inussiarnersumik paa-serusussavaa itigartitsissutit ukioq suna tunniunneqarsimanersut, tassami sinerissap qanittuani qaleralinniarsinnaanermut akuersissutinik qinnuteqaatit ukiut ingerlaneranni immikkoortortaqar-finni assiginningsuni suliarineqartarsimmamata."

Taamaattumik A-mut 13. november 2006-imi allappunga, qinnuigalugulu ukiut itigartitsissuteqarfiusut ajornanngippat nalunaarutigeqqullugit, assersuutigalugu qinnuteqaatit itigartitsissutilluunniit nassiunnerisigut.

Qinnuteqaatit A-mit faxikkut nassiunneqartut 11. december 2006-imi tiguakka, taakkunangalu erserpoq A qaleralinniarnissamut akuersissutinik 29. september 2005-imi aamma 11. maj 2006-imi qinnuteqaateqarsimasoq.

Pisortaqarfimmu 4. januar 2007-imi imatut allappunga:

"Aalisarnermut Piniarnermullu Pisortaqarfimmu 11. maj 2006-imi allappunga, pisortaqarfillu qinnuigalugu suliami A-p aalisarnermut akuersissutinik qinnuteqarneranut tunngasumi allagaatit nassiuteqqullugit.

Aalisarnermut Piniarnermullu Pisortaqarfik uannut 9. november 2006-imi allappoq, nalunaaruti-galugulu itigartitsinerit pineqartut sumiissusersineqarsinnaanngitsut, taamaattumillu itigartitsine-rit ukiuni suni pisimanerat paasissutissiissutigeqqullugu qinnutigalugu.

A-mut 13. november 2006-imi allappunga, qinnuigalugulu itigartitsinerit ukiuni suni pisimanerat ajornanngippat paasissutissiissutigeqqullugu.

A-p aalisarnermut akuersissutinik qinnuteqaatai pillugit paasissutissat, assilineri ilanngullugit nassiunneqartut, 11. december 2006-imi tiguakka.

Taamaattumik Aalisarnermut Piniarnermullu Pisortaqarfik qinnuigaara mappi allagaatinik ima-qartoq pineqartoq uannut misissugassanngorlugu nassiuteqqullugu.

Piffissap mappimik suliami allagaatinik imalimmik siullermik nassiusseqqusininnit maannamut ingerlasimasup siviissusia isiginiarlugu Aalisarnermut Piniarnermullu Pisortaqarfik qinnuigaara mappip suliami allagaatinik imallip nassiunneqarnissaa sapinngisamik annertunerpaamik nuki-ngiuteqqullugu.

Mappi suliami allagaatinik imalik misissoreerukku A-p uannut naammagittaalliuutaa misissui-nermik aallartitsinermut pissutigisallugu naammannersoq isummerfigiumaarpara."

Qinnuteqaatit allakkanut 4. januar 2007-imeersunut kukkunikkut ilanngutinngit-soorneqarsimapput, tamannalu pisortaqarfimmu allakkanni 10. januar 2007-imeersuni malugeqquara, A-llu qinnuteqaataasa assilineri pisortaqarfimmu 12. januar 2007-imi nassiullugit.

Pisortaqarfiup allagai imaattut 26. januar 2007-imi tiguakka:

"Matumuuna uppersassavara suliami pineqartumi qinnuteqaatit assilineri 15. januar 2007-imi maani tigusimagakkit.

Suliami pineqartumi takussutissat nassiutissavagut, nassaarineqarlutillu katersorneqareerpata. Naatsorsuutigaarput tamanna pisinnassasoq ullut 14-it ingerlaneranni."

Pisortaqarfimmut 29. januar 2007-imi imatut allappunga:

"Aalisarnermut Piniarnermullu Pisortaqarfiup allagai 26. januar 2007-imeersut ulloq taanna tiguakka, pisortaqarfiullu taakkunatigut nalunaarutigalugu A-p qinnuteqaataasa assilinerisa tiguenerannit ullut aqqanillit qaangiuttut suliami allagaatit suliamut tunngassuteqartut nassiunneqannginneranni suli ullut 14-it ingerlanissaat pisortaqarfiup naatsorsuutigigaa.

Tamanna kiisalu piffissaq suliami A-mut tunngasumi mappip allagaatinik imallip pissarsiariniarneqarnerani manna tikillugu ingerlasimasooq isiginiarlugu malugeqqara piumasama, tak. Inatsisartut Ombudsmandiat pillugu Inatsisartut inatsisaanni § 7, imm. 1, Aalisarnermut Piniarnermullu Pisortaqarfimmit malinneqannginnerat Inatsisartunut Naalakkersuisunullu nalunaarutigissallugu isumaliutersuutigigiga, tak. Inatsisartut Ombudsmandiat pillugu Inatsisartut inatsisaanni § 10, imm. 1.

Aalisarnermut Piniarnermullu Pisortaqarfik taamaattumik qinnuigaara piumasama pisortaqarfimmit malinneqarsimanginnerannut pissutaasoq nassuiaqqullugu.

Suliami A-mut tunngasumi allagaatit kiisalu pisortaqarfiup nassuiaataa tigoreerukkit suliami qanoq pisoqaqqinnissaa isummerfigiumaarpara."

Pisortaqarfimmit 15. februar 2007-imi tusagaqannginnama pisortaqarfik eqqarsaatigalugu suliassannik Inatsisartut suliareqqusaannik ingerlatsisinnaannginnera Inatsisartunut Naalakkersuisunullu nalunaarutigigaa, tak. Inatsisartut Ombudsmandiat pillugu Inatsisartut inatsisaanni § 10, imm. 1.

Naalakkersuisut Allattoqarfiata allagai imaattut 1. marts 2007-imi tiguakka:

"Ombudsmandip suliamik pineqartumik suliarinninnerani atugassatut saaffiginnissutitut Aalisarnermut, Piniarnermut Nunalerinermullu Pisortaqarfiup akissuteqarsimanginnera pillugu Inatsisartut Ombudsmandiata Naalakkersuisunut nalunaarutiginnilluni allagai 15. februar 2007-imeersut Naalakkersuisut Allattoqarfiata tiguai.

Inatsisartut Ombudsmandiata Naalakkersuisunut nalunaarutiginninnera pilertornerpaamik akineqarumaarpoq." (Atorfeqarfimmi nutsigaavoq)

Inatsisartut Inatsisit Atortinneqarnerannut Ataatsimiititaliaata allagai imaattut 29. marts 2007-imi tiguakka:

"Inatsisartut Ombudsmandiannut ilisimatitsissutit Inatsisit Atortinneqarnerannut Ataatsimiititaliap Aalisarnermut, Piniarnermut Nunalerinermullu Naalakkersuisumut allagaasa assilinerat ilanngullugu nassiunneqarpoq." (Atorfeqarfimmi nutsigaavoq)

Inatsisartut Inatsisit Atortinneqarnerannut Ataatsimiititaliaata Aalisarnermut, Piniarnermut Nunalerinermullu Naalakkersuisumut allagaasa 29. marts 2007-imi ullulerneqarsimasut imaattut assilinerat ilanngullugu nassiunneqarpoq:

"Inatsisartut Ombudsmandiata suliamut takussutissanik naammagittaalliummik suliarinninnermini atugassaminik Aalisarnermut, Piniarnermut Nunalerinermullu Pisortaqarfimmut ulloq 11. maj 2006-imi qinnuteqarpoq. Ombudsmandip taakku suli tigunngilai. Naak arlaleriarluni Ombudsmandi malitseqartitsilluni saaffigineqartaraluartoq ukioq ataasingajak qaangiuttoq suliamut takussutissat suli pissarsiarineqanngillat. Taamaattumik Naalakkersuisunut Inatsisartullu Inatsisit Atortinneqarnerannut Ataatsimiititaliaannut nalunaarussiaq ilanngunneqartoq Ombudsmandip nassiuppaa.

Allaffissornikkut suliaqartut inatsisit killissarititaasa iluini, aamma ingerlatsinermut maleruagassat maleruagassatut allataanngikkaluartut malillugit sulinersut, Inatsisartut inatsisiliornermik suliaqarfittut Ombudsmandimut nakkutigisassanngortissimavaat. Taamaattumik Ombudsmandi Naalakkersuisunik inatsisinillu atortitsisunik nakkutillinermut Inatsisartut atorpaat, taannali aamma nunatsinni innuttat inatsisitugit illersugaanerannik qulakkeerinnitsitsisussaavoq.

Taamaattumik suliassamik Inatsisartut suliakkiissutaannik Ombudsmandip suliarinninnissaanik innuttaasullunniit inatsisitugit illersorneqarnissaannut Ombudsmandi suliamik suliarinninnermini pisariaqanngitsumik Naalakkersuisut allattoqarfiata kinguarsaannginnissaa akornusersuinninnissaalu oqaatigissallugu Inatsisartut Inatsisit Atortinneqarnerannut Ataatsimiititaliaata pisariaqarsora.

Sulianut takussutissat pisariaqanngitsumik kinguarsarneqarlutik pissarsiarineqarnissaat, taakkulu Inatsisartut Ombudsmandiannut nangaassuteqarani nassiunneqarnissaat Inatsisit Atortinneqarnerannut Ataatsimiititaliap Aalisarnermut, Piniarnermut Nunalerinermullu Pisortaqarfimmut kaammattuutigissavaa.

Tamanna pereerpat soq suliamut takussutissat siusinnerusukkulli Ombudsmandimut nassiunneqarsimannnginnermut Naalakkersuisunut ilaasortap nassuiaatigissagaa Inatsisit Atortinneqarnerannut Ataatsimiititaliap qinnutigissavaa. Aammattaaq saaffiginnissutinik pisariaqartunik Ombudsmandimut allanillunniit pissarsiarineqartunik malinnaaviginninnissap isumagineqarnissaanik - assersuutugalugu qarasaasiakkut eqqaasitseriaatsitut ilusilimmik qulakkeerisuusumik periutsinik Pisortaqarfik atuutilersitsisimanersoq Inatsisit Atortinneqarnerannut Ataatsimiititaliap ilanngullugu paaserusuppaa."

Pisortaqarfiup akissutaanik 3. maj 2007-imi suli tigusaqanngilanga, taamaattumillu pisortaqarfik oqarasuaatikkut attaveqarfigaara. Oqaloqatigiinneq pillugu allakkiaq imaattoq suliarineqarpoq:

"Pisortaq C sisamangornermi 3. maj 2007-imi oqarasuaatikkut iluatsinngitsumik attaveqarfiginialuarpara, Inatsisit Atortinneqarnerannut Ataatsimiititaliap apequtigisaanut akissutip kingusinnerpaamik qaammatip matuma naanerani tiguneqarnissaanik Naalakkersuisunut ilaasortap Inatsisit Atortinneqarnerannut Ataatsimiititaliamut kingullermik saaffiginninnerata kingornatigut suliaq malitseqartitsitsiviginiarlugu.

Tamatuma kinguninnguatigut allaffiup pisortaanit B-mit sianerfigineqarpunga, taassumalu oqaatigaa Ombudsmandimut akissut suliarineqartoq, Naalakkersuisunullu sapaatip akunnerani aggersumi saqqummiunneqartussaalluni.

B tamatuma kingornatigut aperaara suliap Naalakkersuisunut saqqummiunneqarnissaanut suna pissutaanersoq, tassami nassiussinermik suliaq pisariusuunngitsoq pineqarmat, mappimik suliami allagaatinik imalimmik misissugassaminik Ombudsmandi nassinneqaannartussaalluni.

B akivoq tamatumunnga pissutaasoq tassaasoq pisortaqarfimmi nalunaarsuiffinnik toqqorsivimmillu ingerlatsinerup annertuumik ajornatorsiutaanera, ilaatigummi paasinarsisimammat mappi suliami allagaatinik imalik nassiteqquneqartoq tammarsimasoq, nassaarineqarsinnaanani. Tamanna ilaatigut pisortaqarfiup sulianik Kalaallit Nunaanni Aalisarnermut Akuersissutinik Nakkutilliisoqarfimmit tigussisimaneranut attuumassuteqarpoq.

Oqaatigaara Naalakkersuisunit akissuteqartoqarnissaata tamanna tunngavigalugu sapaatip akunnerani tullermi pinissaa Ombudsmandip naatsorsuutigigaa, akissullu qanoq iliuseqarnissamut pissutissaqalersitsinersoq Ombudsmandip tamatuma kingornatigut pilertornerpaamik isummerfiginiaraa."

Sulisup B-p oqarasuaatikkut 31. maj 2007-imi attaveqarfigaanga, nalunaarutigalugulu pisortaqarfiup Inatsisit Atortinneqarnerannut Ataatsimiititaliamut Ombudsmandimullu akissutaa Naalakkersuisunut akuersissannortillugu maannakkut tunniunneqarsimasoq, akissuteqartoqarnissaalu Naalakkersuisut ataatsimiinnerata tulliuuttup kingornatigut naatsorsuutigisinnaagiga.

Pisortaqarfiup akissutaa imaattoq 31. maj 2007-imeersoq 8. juni 2007-imi tiguarra:

"Aallaqqaasiullugu nalunaarutigineqassaaq qaleralinniarsinnaanermut akuersissummik qinnuteqaammik suliaq uani pineqartoq pisortaqarfiup suliaralugu aallarteqqinniaraa, taamaalilluni qinnuteqaateqartoq tunngavilersukkamik akissuteqarfigineqarniassammat.

Sinerissap qanittuani aalisarsinnaanermut akuersissummik qinnuteqaateqartoqarpoq qinnuteqartup kommunip allaffiani saaffiginilluni immersugassamik siumut suliarineqareersumik immersuineratigut, taannalu aalisarsinnaanermut akuersissummik pissarsiniarluni immersorneqartussaavoq. Qinnuteqarnermut immersugassaq immersorneqareeraangat pisortaqarfimmut nassiunneqartarpoq, taassumalu tamassuma kingorna qinnuteqaat suliarisarpaa. Siornatigut aalisarsinnaanermut qinnuteqaatit Kalaallit Nunaanni Aalisarsinnaanermut Akuersissutinik Nakkutilliivimmi

suliarineqartarnikuupput. Immikkut akuerineqarnissamik qinnuteqaatit pisorta qarfirmi aalisarnermut immikkoortorta qarfirmi tamatigut suliarineqartarput.

Pisorta qarfik maajimi 2006-imi suliassarisanik allannguivoq, tassaallunilu sinerissap qanittuani aalisarsinnaanermut qinnuteqaatit suliarineqartarnerisa Kalaallit Nunaanni Aalisarsinnaanermut Akuersissutinik Nakkutilliivimmiit Aalisarnermut Immikkoortorta qarfirmut nuunneqarneri. Allannguneq taanna pivoq naammagittaalliutit kinguaattoornerillu amerlavallaarnerisa paasineqarnerat tunngavigalugu. Nuussineq oktobarimi 2006-imi naammassineqarpoq. Maannakkut siunnersortinik marlunnik atorfinitsitsisoqarnikuuvoq taamaallaat aalisarsinnaanermut akuersissutinik qinnuteqaatinik suliaqartunik, siornatigut KANUAANA-mi ataaseq atorfeqarnikuulluni. Immikkoortorta qarfik isumaqarpoq tamassumani siullermik piffissaq suliassanik suliaqarfiusartoq sivikillisinneqartoq kiisalu immikkoortumi aqqissuussaaneq atuutilersinneqartoq nalunaarsuinissamik, piffissap ingerlanerani qanoq pisoqartarneranik malinnaanissamik kiisalu ataavartumik sulianik malinnaanissamut qulakkeerinnitsitsisumik, taamaalilluni qinnuteqaatit kiisalu aalisarsinnaanermut akuersissutit maannakkut illoqarfikkaarlugit/nunaqarfikkaarlugit suussusiilu malilugit immikkoortiterneqartalerlutik toqqortorneqartalerlutilla.

Pisorta qarfiup suliama uunga tunngatillugu ilimagaa qinnuteqaat sulianik suliarinnittarnerup allanngortinneqarnerani tammarsimasinnaasoq.

Taassuma saniatigut immikkoortorta qarfirmi novembarimi 2005-imi sulianik aqutsinermik periuseq atorneqalerpoq, tasanilu saaffiginnissutit tamarmik nalunaarsorneqartalerneru qulakkeerneqarpoq, ulloq tiguneqarfiat, journalimi normua, nassitsisoq kiisalu suliamik suliarinnittoq minnerunngitsumillu suliaq nammassineqareernersoq imaluunniit suli suliarineqarnerisoq allanneqartarluni. Taamatut atuutilersitsineq pivoq suliat tiguneqartartut amerlassusii tunngavigalugu. Assersuutigalugu oqaatigineqarsinnaavoq piffissami novemberimiit 2005-imiit decembarimut 2005-imut suliat allagagaatillu 690-it missaaniittut tiguneqarput, 2006-imi suliat 2700-t missaaniittut tiguneqarput, taakkulu tamarmik arlaatigut suliarineqartussaallutik. 2007-imi maajip aalqaataata tungaanut suliat 1200-it missaaniittut tiguneqarput.

Naggasiullugu nalunaarutigineqassaaq pisorta qarfiup aammaarluni suliama qulaani pineqartumi suliama pappiliat ugartorsimagai. Pisorta qarfiup ajoraluatumik nalunaarutigissavaa A-p qinnuteqaataa pillugu suliama pappiliat nassaarineqarsinnaasimangitsut. Pisorta qarfiup pisoq [assut] ajuusaarutigaa."

Tamatuma kingornatigut imaattunik oqaaseqaateqarpunga:

"A-p naammagittaalliutaata

A-p qalerallinniarinnaanermut akuersissutinik itigartitsineq pillugu naammagittaalliutaata suliarinissaanut pissutissaqarnanga Inatsisartut Ombudsmandiat pillugu Inatsisartut inatsisaanni nr. 7-imi, 13. juni 1994-imeersumi § 6, imm. 3 tunngavigalugu isumaqarpunga.

§ 6, imm. 3 imaattunik oqaasertaqarpoq:

"§ 6. (...)

Imm. 3. Aalajangiinerit oqartussaasumit qulliunerusumit allanngortinneqarsinnaasut pillugit naammagittaalliuut ombudsmandimut suliassanngortinneqarsinnaanngilaq oqartussasoq qulliunerusoq taanna suliame aalajangeereersimatinnagu. Aalajangiisimappat killilius-saq imm. 2-mi taaneqartoq taava oqartussaasup taassuma aalajangiinera naatsorsorneqas-saaq."

Pisortaqarfiup allakkani 31. maj 2007-imeersuni nalunaarfigaanga sinerissamut qanittumi qaleralinniarsinnaanermut akuersissutit pillugit suliaq pisortaqarfiup suliareqqinniaraa, suliani A-p uannut naammagittaalliuutigisaani suliarinninnerni kukkunerit aaqinneqarnissaat siunertaralugu.

Suliarinneqqilerneq pisortaqarfiup periarfissami tassani A-mut ilisimatitsissutigisimassagaa naatsorsuutigaa.

Aalisarnermut, Piniarnermut Nunalerinermullu Pisortaqarfiup suliame allagaatinik toqqortarinninnissamut pisussaaffeqarnera

Pisortaqarfik allakkatigut 11. maj 2006-imeersutigut qinnuigaara mappi allagaatinik A-mut tunngasunik imalik misissugassanngorlugu atukkiuteqqullugu.

Akissuteqarnissamut piffissalius-saq pisortaqarfiup qinnuteqarneratigut arlaleriarluni kinguartinneqartareersoq kiisalu pisortaqarfik akissuteqaqqullugu arlaleriarlunga nukingisaaruteqartareersunga Atorfeqarfik pisortaqarfimmi immikkoortortaqarfiup pisortaani oqarasuaatikkut 18. oktober 2006-imi attaveqarfigineqarpoq. Immikkoortortaqarfiup pisortaata B-p nassuiaalluni oqaatigaa mappi allagaatinik A-mut tunngasunik imalik pisortaqarfiup sumiiffissisinnaanngikkaa, ukiullu A-p qinnuteqarfigisimasaasa paasissutissiissutigineqarnissaat qinnutigalugu.

Qinnutigisaaq taanna pisortaqarfimmit tamatuma kingorna allakkatigut 9. november 2006-imi nassinneqarpoq.

Taamaattumik A allakkani 13. november 2006-imeersuni qinnuigaara ukiut qinnuteqarfigisimasani paasissutissiissutigeqqullugit.

Ukiut qinnuteqarfiusut 15. januar 2007-imi tiguneqarsimanerat pisortaqarfiup 26. januar 2007-imi uppersarpaa, tamatumunngalu peqatigitillugu allalluni A-p qinnuteqaataasa ullut 14-it ingerlaneranni nassaarineqarsinnaanerat pisortaqarfiup naatsorsuutigaa.

Mappimik allagaatinik A-mut tunngasunik imalimmik ujarlernerimut piffissaq manna tikillugu atorneqartoq isiginiarlugu pisortaqarfik Inatsisartut Inatsisit Atortinneqarnerannut Ataatsimiititaliaannut aamma Kalaallit Nunaanni Naalackersuisunut nalunaarutigaa.

Tamatuma kingornatigut allakkani 31. maj 2007-imeersuni ilisimatinneqarpunga mappi allagaatinik A-mut tunngasunik imalik pisortaqarfiup nassaarisinnaanngikkaa, suliarlu pisortaqarfiup suliareqqinniaraa.

Oqartussaasut allagaateqarfeqarneq pillugu Inatsisartut inatsisaanni nr. 22-mi, 30. oktober 1998-imeersumi § 6 aamma § 7 tunngavigalugit pisussaapput paasissutissat suliap suliarineqarneranut atatillugu pissarsiarineqartut pilersinneqartulluunniit ta-

maasa toqqorsivimmuq toqqortissallugit. Taamatut toqqortarinninneq illersorneqar-sinnaasumik pissaaq:

“§ 6. Suulluunniit paasissutissartallit pisortat sullissiveqarfiini sulinikkut pilersinneqar-tut taakkuluunniit aqutigalugit pilersinneqartut toqqorneqassapput.

§ 7. Pisortat sullissiveqarfiutaasa toqqortaatiniq qaqugukkulluunniit isumannaatumik suliarineqarnissaat toqqortarineqarnissaallu isumagissavaat.

Imm. 2. Pisortat sullissiveqarfiutaasa toqqortatik pisortat sullissiveqarfiisa allat toqqor-taataannit immikkoortissavaat.”

Pisortaqarfik allakkamini 31. maj 2007-imeersuni allappoq suliaq A-mut tunngasoq suliassarisat allangortinneqarnerannut atatillugu tammarsigunartoq, tassami sine-rissamut qanittumi aalisarnissamut akuersissutit suliarineqartarnerat pisortaqarfiup Kalaallit Nunaanni Aalisarnissamut Akuersissutinik Nakkutilliisoqarfimmit (KANU-AANA-mit) tigusimammagu.

Pisup suliameq allagaatit pisortaqarfimmi tammarsimanerannik kinguneqartup pilersi-manera pitsaanngitsorujussuuartut isigaara.

Pisortat iluminni pissutsinik torersuutitsinerat sulianillu suliarinninnermi pitsaasunik periaaseqartarnerat suliameq qanoq ilisukkulluunniit sumiiffissineqarsinnaaneraniq qulakkeerisut ingerlatsinnermi ileqqorissaarnermut ilaapput allagaateqarnerlu pillugu inatsimmi malittarisassanut naapertuuttuullutik.

Pisortaqarfiulli allakkamini 31. maj 2007-imeersuni nassuiaatitut oqaatigaa qinnute-qaatit suliarineqarnerannik KANUAANA-mit tigusinerup kingornatigut ilusilersuineq suliameq nalunaarsorneqarnerannik, oqaluttuassartaannik suliallu ingerlaavartumik ma-litseqartitsivigineqartarnerannik qulakkeerisoq atulersinneqarsimasoq, taamaalilluni qinnuteqaatit kiisalu akuersissutit assilineri massakkut immikkoortiterneqarsimallutik toqqorsivimmullu toqqorneqarsimallutik illoqarfimmi/nunaqarfimmi sumiinnerat suussusiilu tunngavigalugit, tamatumalu saniatigut sulianik aqutseriaaseq saaffigin-nissutit tamarmik ullulernerqarnerisigut, journalnormulerneqarnerisigut, nassiussisup kinaaneraniq kiisalu suliarinnittup kinaaneraniq kiisalu suliameq killiffianik nalunaar-suinerneq qulakkeerisoq atulersinneqarsimalluni.

Taamaattumik tamatumunnga atatillugu annertunerusumik iliuuseqaqqissanngilanga.

Pisortaqarfiup paasissutissanik uannut nalunaaruteqarnissaminut pisussaaffeqarnera Inatsisartut Ombudsmandiat pillugu Inatsisartut inatsisaanni nr. 7-imi, 13. juni 1994-imeersumi § 7-imit makku erseput:

“§ 7. § 4-mi ingerlatsiviit taaneqartut pisussaapput ombudsmandi paasissutissanik nalunaar-figissallugu aammalu uppernarsaatissanik allattaavinnillu atorfini naapertorlugu piimasa-risaanik saqqummiussiffigissallugu.

Imm. 2. Ombudsmandip paasisutissanik imm. 1 naapertorlugu piumasaqarnera killissaqar-titaavoq eqqartuussisarnermik inatsisini aalajangersakkanut naapertuuttumik.

Imm. 3. Naalackersuisunut ilasorta q imaluunniit inuk ingerlatsivinni § 4-mi taaneqartuni atorfeqartoq pillugu naammagittaalliutip naammassilertorneqarnissaa Ombudsmandip kissaatigippagu naammagittaalliut, suliassap paasinissaanut pingaaruteqavissunut akor-nutaassanngippat, sapinngisamik piaartumik naammagittaalliutigineqartumut tassunga saqqummiunneqassaaq. Taanna tjenestemandiuguni sukkulluunniit piumasaqarsinnaavoq suliassaq aalajangersakkat tjenestemandinut atortut naapertorlugit suliassanngorteqqul-lugu. Taanna kommunimi tjenestemandiuguni, kommunimilu tassani malittarisassani aala-jangersagaqarpat ileqqussanik unioqqutitsineq suliassanngortinniarneqarsinnaasoq, piu-masaqarsinnaavoq suliassaq suliassanngorteqqullugu malittarisassat taakku malillugit.

Imm. 4. Ombudsmandi inunnik pissutsit misissuinerminut pingaaruteqartussat pillugit nalu-naajaasussanik eqqartuussivimmu aggersaasinnaavoq. Tamanna pillugu atorput paasini-aalluni killisiuisarneq pillugu eqqartuussisarnermik inatsisini maleruagassat. Eqqartuussi-nerit tamanut ammasuunngillat. Inuk naammagittaalliutigineqartoq pisinnaatitaavoq nam-mineq illersuisunilu ilisimannittut nassuiaanerinit taamaattunut najuunnissamut."

Ombudsmandi pillugu inatsimmi § 7, imm. 1-ip siunertaa taassavoq Ombudsmandi su-liami allagaatinik tamanik misissuinermit suliap ingerlasimaneranik paasisaqarnis-saminut kiisalu suliamik oqartussaasullu suliamik sularinninneranik naliliinissaminut periarfissaqassasoq. Taamaattumik oqartussaasoq mappip allagaatinik imallip ta-marmiusup Ombudsmandimut tunniunneqannginnerani allagaatinik immikkoortiteris-sanngilaq, mappilu allagaatinik imalik tamarmiusoq Ombudsmandimut tunniunneqas-salluni, taamaalilluni Ombudsmandi nammineq suliami allagaatit sorliit suliamut pi-ngaaruteqarnerannik paasiniaasinnaaqullugu.

Tassa aamma imaappoq suliami allagaatit suulluunniit tiguneqarniaripata tunniu-teqqullugit Ombudsmandip piumasaqaatigisinnaagaa.

Suliami allagaatit A-mut tunngasut misissugassanngorlugit pisorta qarfiup nassiutis-sagai pisorta qarfik uanga allakkakkut 11. maj 2006-imeersutigut ilisimatinneqarpoq. Pisorta qarfik uannut 8. juli 2006-imi allappoq pisorta qarfiup A qaleralinniarsinnaa-nermut akuersissutinik qinnuteqaataanik arlaleriarluni itigartittarsimagaa, qaleralin-niarsinnaanermullu akuersissutit pillugit suliami allagaatit tamarmik misissor-neqar-nissaat ajornarsimasoq. Taamaattumik A pillugu suliami allagaatit piffissap taamaa-linerani uannut nassiuunneqarsinnaasimannngillat. Allagaatit augustip qaammataata naannginnerani nassiuunneqarsinnaanissaat pisorta qarfiup neriuutigaa.

Taamaattumik tunngaviutittariaqarpara allagaatinik A-p qinnuteqaataanut tunngasu-nik piffissap taamaalinerani pisorta qarfimmiiitoqarnera pisorta qarfiup ilisimasima-gaa.

A-p qinnuteqaatai eqqarsaatigalugit suliap sorpiaat misissugassanngorlugit piumane-rikka tusarniaaninni 11. maj 2006-imeersumi pisorta qarfimmu nalunaarutiginnin-nakku isumaqarpunga suliap pisorta qarfiup allakkamini 8. juli 2006-imeersuni inner-suussutigisani A-p pisorta qarfimmu arlaleriarluni itigartinneqarsimaneranik pisorta-

qarfiup uppersaalluni oqaatigisani uannut nassiutinnginnamigit tassanili kukkusuteqareersoq.

Pisortaqarfik 5. oktober 2006-imi nukingisaarpara, tassami suliami A-mut tunngasumi allagaatit suli tigunnginnakkat. Pisortaqarfimmi immikkoortortaqarfiup pisortaata B-p oqarasuaatikkut 18. oktober 2006-imi attavigaanga, nalunaarutigalugulu suliami A-mut tunngasumi allagaatit pisortaqarfiup sumiiffissisinnaanngikkai.

Nukingisaarut 9. november 2006-imi nassiutereerlugu allakkat 10. november 2006-imi tiguakka, taakkunangalu ersepoq suliami allagaatit pisortaqarfiup sumiiffissisinnaanngikkai, taamaattumillu ukiut itigartitsiviusimasut paasisutissiissutigeqqullugit, tassami sinerissamut qanittumi qaleralinniarnissamik qinnuteqaatit ukiut ingerlaneranni immikkoortortaqarfinni assigiinngitsuni inissisimasarsimmata.

Qinnuteqaatit ukiunut qinnuteqarfiusunut agguataarlugit pisortaqarfimmi immikkoortiterneqarsimanerannik mappilu pineqartoq sumiissusersisinnaajumallugu ukiut qinnuteqarfiusut taakku paasisutissiissutigineqarnissaat pisariaqartoq mappi suliami allagaatinik imalik atukkiuteqqullugu Ombudsmandip qinnuteqarneranit aatsaat qaammatit arfinillit qaangiunneranni pisortaqarfiup ilisimatimmanga tamanna qulaani taaneqartut tunngavigalugit isornartorujussuartut isigaara. Suliamik suliarinnineq sivitsuloorunneqaqqunagu paasisutissanillu Ombudsmandip Inatsisartut Ombudsmandiat pillugu Inatsisartut inatsisaanni § 7, imm. 1 tunngavigalugu piimasaanik saq-qummiussinissaminut pisortaqarfiup pisussaaffeqarnera sapinngisamik pilertornerpaamik eqqortinniarlugu paasisutissat taakku pisortaqarfiup siusinnerusukkut saq-qummiussimasariaqaraluarpai.

Pisortaqarfiup allakkani 26. januar 2007-imeersuni uppersarsarlugu oqaatigaa A-p qinnuteqaataasa ukiut sorlerneeneri takuneqarsinnaasut assilineri tiguneqarsimasut, suliamilu allagaatit pineqartut ullut 14-it ingerlaneranni nassaarineqarsinnaanissaat pisortaqarfiup naatsorsuutigaa.

Taamaattumik pisortaqarfiup akissutaanik 15. februar 2007-imi suli tigusaqannginna-piffissarlu suliap suliarineqarnerani ingerlasimasoq isiginiarlugu pisortaqarfik Naalakkersuisunut aamma Inatsisartut Inatsisit Atortinneqarnerannut Ataatsimiititaliaannut Inatsisartut Ombudsmandiat pillugu Inatsisartut inatsisaanni § 10 tunngavigalugu nalunaarutigaa.

Suliami A-mut tunngasumi allagaatit sumiissusersineqarsinnaannginnerannik pisortaqarfiup nalunaarutiginninninnut akissutitut allagai 8. juni 2007-imi tiguakka, nalunaarutiginninninnut uiggiullugu.

Taamaalluni suliap sumiissusersineqarnissaanut paasisutissat pisariaqartut pisortaqarfimmit tiguneqarnerannit qaammatit sisamat qaangiuttut mappimillu suliami allagaatinik A-mut tunngasunik imalimmik atukkiusseqqusininnit siullermit qaammatit 13-it missaat qaangiuttut pisortaqarfiup aatsaat nalunaarfigaanga.

Ukiut qinnuteqarfiusut pisortaqarfiup 2006-imi novemberimi paasisutissiissutigeqqugamigit suliaq pisortaqarfiup nammineq toqqorsivianiinngitsoq ilisimasimassagaa naatsorsuutigaara. Mappimik suliami allagaatinik imalimmik atukkiusseqqusininnut atatillugu toqqorsivik pisortaqarfiup misissoqqaarsimassavaa, Inatsisartut Ombuds-

mandiat pillugu Inatsisartut inatsisaanni malittarisassat malillugit pitsaanerpaamik pilertornerpaamillu kiffartuunneqarsinnaanissara qulakkeerniarlugu.

Taamaattumik pissusissamisoorsimassagaluarpoq suliaq tammarsimagunartoq piffisap taamaalinerani pisortaqarfiup uannut paasissutissiisutigisimasuuppagu, suliarlu toqqorsivimmi allami sumiissusersinnaajumallugu ukiut qinnuteqarfiusimasut pillugit paasissutissat pisariaqartinneqarnerat pillugu nassuiaasimasuuppat.

Pisortaqarfik tamatuma kingornatigut, tassalu 26. januar 2006-imi, allappoq paasissutissat pisariaqartinneqartut massakkut tiguneqarmata suliaq ullut 14-it inorlugit nassaariniarneqarsinnaalersoq.

Taamaattumik aallaavigisariaqarpara pisortaqarfiup 31. maj 2007 suliap tammarsimanerani Inatsisartut Inatsisit Atortinneqarnerannut Ataatsimiititaliaannut nalunaarutiginniffia sioqqullugu toqqorsiviit tamaasa pisortaqarfiup misissorsimassagai, ilisimasimallugulu A pillugu suliaq pisortaqarfiup nassaarisinnaanagu. Taamaattumik suliap tammarsimanagera uannut nalunaarutigissallugu pisortaqarfik siusinnerusukkut periarfissaqarsimagaluarpoq.

Suliami A-p 2005-imi 2006-imilu qinnuteqaatai pillugit allagaatit tammarsimanagerat suliap sularineqarnerani siusinnerusukkut pisortaqarfiup nalunaarutigisimanngimagu isorisarialerujussuartut isigaara.

Suliamik uanga suliarinninnera innuttaasumillu mianerinnittussaaneq isiginiarlugit isumaqarpunga mappimik suliami allagaatinik imalimmik atukkiusseqqusininnit piffissaq pisortaqarfiup suliamik suliarinninnerminut atugaa ukioq sinnerlugu siviussuseqartoq inatsiseqartitsinikkut innarlitsaaliinermi isiginiagassanik Ombudsmandip nakkutilliineranut tunngaviusunik annertoorujussuarmik sumiginnaanerusoq.

Taamaattumik aamma isumaqarpunga pisortaqarfiup sumiginnaaneri imatut pissuseqartut tamanna uannit Inatsisartut Inatsisit Atortinneqarnerannut Ataatsimiititaliaannut Naalakkersuisunullu Inatsisartut Ombudsmandiat pillugu Inatsisartut inatsisaanni § 10 tunngavigalugu nalunaarutigineqartariaqarluni.

A-p ilisimatinneqarsimannginnera

Pisortat ingerlatsineranni suliassat suliarineqartarnerat pillugu Inatsisartut inatsisaanni nr. 8-mi, 13. juni 1994-imeersumi § 7-imit makku erseput:

"§ 7. Ingerlatsinermut oqartussaaffiup inuit oqartussaaffigisamini suliassat pillugit apeqquteqarlutik saaffiginnittut pisariaqarneratut annertutigisumik iltersorlugillu ikiortassavai.

Imm. 2. Ingerlatsinermut oqartussaaffik suliassarisaminut tunnganngitsunik saaffigineqarpat, saaffigimissut sapinngisamik oqartussaasunut eqqortunut ingerlateqqinneqassaaq."

Taamaalillutik oqartussaasut pisortat ingerlatsiviannut ilaasut tamarmik innuttaasunut oqartussaasumut saaffiginnittunut ilitersuinissaminnut pisussaaffeqarput.

Tassani aamma ilaavoq innuttaasut oqartussaasumut toqqartumik saaffiginninngikkuartut, oqartussaasulli attaveqarfigisai, ilisimatissallugit ilitersussallugillu oqartussaasup pisussaaffigigaa, suliambut pineqartumut atatillugu innuttaasup ilisimatinnergarnera ilitersorneqarneraluunniit pissusissamisooruussasutut ippat.

Suliap tammarnera Aalisarnermut, Piniarnermut Nunalerinermullu Pisortaqarfiup A-mut ilisimatitsissutigisimangilaa. Suliaq nassaarineqarsinnaanngitsoq pisortaqarfiup paasiniaariaraa taamatut ilisimatitsisoqarsimasussaagaluarpoq, tak. pisortaqarfiup uannut ilisimatitsissuteqarnissaminut pisussaaffeqarnera pillugu qulaani allaaserisakka.

Pisortaqarfiup suliambi matumani ilitersuisussaataanerminik eqqortitsisimanginnera isorisariaqartutut isigaara.

Siusinnerusukkut oqaatigineqartutut manna naatsorsuutigaara, tassalu suliap tamarsimanagera pisortaqarfiup suliamik sularinneqqinnermini A-mut paasisutissiisutigissagaa tamannalu A-mut ajuusaarutigissagaa.

Taamaattumik tamatumunnga atatillugu annertunerusumik iliuuseqaqqissanngilanga. A suliamik paasinninninnik allakkatigut allatigut allakkat ukua assilinerannik ilaqartinneqartutigut ilisimatinnerqarpoq."

Aalisarnermut, Piniarnermut Nunalerinermullu Pisortaqarfik Inatsisartut Inatsisit Atortinneqarnerannut Ataatsimiititaliaannut aamma Kalaallit Nunaanni Naalakkersuisunut allakkatigut imaattunik oqaasertaqartutigit 4. juli 2007-imi nalunaarutigaa:

"Aalisarnermut, Piniarnermut Nunalerinermullu Naalakkersuisumut oqaaseqaatima assiliner ilanngullugu nassiunneqartoq innersuussutigalugu Naalakkersuisut matumuuna nalunaarfigaakka uanga paasinninnera unaasoq Aalisarnermut, Piniarnermut Nunalerinermullu Pisortaqarfik A-p naammagittaalliutaanut atatillugu saaffiginnissutinnik sularinninnermini Inatsisartut Ombudsmandiat pillugu Inatsisartut inatsisaanni § 10-mi pineqartunut ilaasumik sumiginnaasimasoq.

(...)

Tamanna Naalakkersuisut qanoq iliuuseqarnissaannut pissutissaqalersitsinersoq nalunaarfigeqqullunga Naalakkersuisut qinnuigaakka."

Suliambi allakkiaq imaattoq 2. august 2007-imi suliaraara:

"Naalakkersuisut Allattoqarfianni sulisup D-p suliaq pillugu 31. juli 2007-imi iluatsinngitsumik attaveqarfiginiarsimagaluarpaanga.

Taamaattumik D-mut ullumikkut sianerpunga, D-llu oqaatigaa Ombudsmandip § 10 tunngavigalugu nalunaarutiginninnera qanoq isummerfigissanerlugu nalornissutigigini. Nalunaarutiginninnermut Naalakkersuisut isummerfiginninnissaat Ombudsmandip qanoq naatsorsuutigineraa paaserusuppa.

Nassuiaallunga oqaatigaara nalunaarutiginninneq taanna Aalisarnermut, Piniarnermut Nunalerinermullu Pisortaqarfiup suliami saaffiginnissutinnik akuerineqarsinnaanngitsumik amigaateqartumik suliarinninneranik tunngaveqartoq, pisortaqarfiullu sumiginnaaneri imaattut pisortaqarfiup atorfilittamik imaluunniit atorfilittanik akisussaasuusunik pineqaatissiinikkut iliuuseqarfigineqarnissaannik peqqussuteqarneq imaluunniit taamaaliortoqarnissaata inassuteqaatigineqarnera pineqarsinnaasoq, tak. Ombudsmandi pillugu inatsimmi § 9.

Suliamili allagaatit aamma piffissaq pisortaqarfiup suliamik suliarinninnerminut atugaa pillugu nassuiaat tigugakkat naliliivunga pisortaqarfiup sumiginnaaneri pisortaqarfimmi aqqissuussaanikkut tunngaviusumik ajornartorsiutini atorfilittanut ataasiakkaanut avoqqaarinnissutigineqarsinnaanngitsuni sorlaqarnerugunartut.

Taamaattumik Inatsisartut Naalakkersuisullu suliaq pillugu nalunaarfigineqarnerat eqqornerpaasutut isigaara, taamaalillutik Naalakkersuisut aalajangiinissaminnik pisariaqartunik aalajangiisinaaqqullugit pisullu taamaattut assingi pinngitsoortinniarlugit taakkununnga malitseqartitsiviginissinnaaqqullugit, tassanilu pingaarnerpaalluni pisortaqarfimmi periaatsinik toqqissisimanartunik pilersitsisoqarnissaata isumagineqarneranut akisussaaffimmik Naalakkersuisut tigusinerat, tamatuma pineqaatissiissuteqarnikkut aamma/imaluunniit allatigut suliniuteqarnikkut iliuuseqarneq apeqqutaatinnagu.

(...)

Naalakkersuisut akissuteqarnissaat utaqqimaarpara."

Aalisarnermut, Piniarnermut Nunalerinermullu Naalakkersuisup akissutaa imaattoq 28. august 2007-imi tiguara.

"Ombudsmandip allagai kingullerpaat 4. juli 2007 ullulerneqarsimasut normoqartut 12837 inner-suussutigaa.

Siullerpaajullugu Naalakkersuisut suliamut aalajangersimasumut tassunga tunngatillugu suliasap pilaarunneqarpallaarsimanera ajuusaarutigigaa.

Naammagittaalliortoq Inatsisartut Ombudsmandiannut saaffiginnissuteqarpoq ulloq 27. marts 2006.

Naalakkersuisut paasivaat pisortaqarfik upernaarli akuersissutinik qinnuteqaatinut takkussortunut tunngatillugu ajornartorsiuteqartoq. Tamatuma nassataraa Pisortaqarfiup majimi 2006-imi suliasamik taassuminnga ingerlatsinikkut allanut nuutsisimanera atorfilimmillu ataatsimik atorfik ilasimallugu, taamalu massakkut akuersissutinik qinnuteqaatinut tunngatillugu sulisut marlunnorgulugit – siornatigut ataasiinnaasimagaluortoq. Pisortaqarfiup 2006-imi majimili akuersissutinik

5. Suliat nalinginnaasumik soqutiginaatillit, inatsiseqartitsiffiusunut agguataakkat

qinnuteqartarnermi suliame periaatsit allanngortissimavai. Periaatsit nutaat suliassanik nalunaarsuineq ingerlaannartumillu suliat sumut killinnerannik nalunaarsuinissaq (sap.ak. ataasiarluni) suliassanillu toqortuineq aqqissuulluagaq qularnaarpai. Aammalu APNP-p pisariaqartillugu suliat ingerlasarnerannik nalilersuisarnermik ingerlatsiinniarniarpoq, pingaartumik soorlu aalajangersakkat suliambut attuumassuteqartut imaluunniit periaatsit atorneqartut allannguuteqaraangata.

Piffissap suliamik tunniussiviup nalaani suleriaaseq nutaaq nalilersuiffiqineqartuarsimavoq, suliallu ingerlanera massakkut nalilerneqarpoq immikkoortortap suleriaasiinut ilanngutivissimasoq aammalu qinnuteqartunit sulisunillu naammagisimaarneqarluni.

Naalackersuisut naliliinerat unaavoq suliambut pineqartumut ajuusaarnartumut pissutaasoq 2006-imi upernaakkulli paasineqareersimasoq, tamannalu pisorta qarfiup 2006-imi aasap ingerlanerani iliuuseqarfigisimagaa qinnuteqaatinut tamanut tunngatillugu sulianut nalinginnaasumik isumannaallisaavigineqarnerannik kinguneqartissimallugu. Taamaalilluni pisorta qarfiup ajornartorsiuteqartoq paasillugu imatut iliuuseqarfigisimagaa Naalackersuisut qulariunnaavissimallugu taama pisoqaqqinnaviangitsiq.

Taamaattumik Naalackersuisut suliambut tunngatillugu annertunerusumik iliuuseqarfiginniingilat.”

Kalaallit Nunaanni Naalackersuisunut 29. august 2007-imi imatut allappunga:

”Oqaaseqaatinni 4. juli 2007-imeersumi Inatsisartut Ombudsmandiat pillugu Inatsisartut inatsisaanni § 10 tunngavigalugu Aalisarnermut, Piniarnermut Nunalerinermullu Pisorta qarfik suliame saaffiginnissutinik pisorta qarfiup suliarinninnermini annertuunik sumiginnaasimasoq pillugu Inatsisartunut Naalackersuinullu nalunaaruteqarpunga.

Naalackersuisut qinnuigaakka Naalackersuisut tamatumunnga atatillugu qanoq iliuuseqalersaarnerminnik nalunaarfigeqqullunga.

E-mailikkut akissummik 24. august 2007-imi Naalackersuisut sinnerlugit Aalisarnermut, Piniarnermut Nunalerinermullu Naalackersuisumit ullormi tassani tunniunneqartumik tigusaqarpunga.

Uanga paasinninnera unaavoq Naalackersuisut ajornartorsiut Inatsisartut Ombudsmandiat pillugu Inatsisartut inatsisaanni § 10 tunngavigalugu nalunaaruteqarninnut tunngavisoq pillugu isummersimanngitsut.

Suliame akuersissutinik qinnuteqaatinut tunngasut suliarineqanngitsoornissaat aamma suliame tamaneqannginnissaat qulakkeerniarlugu qanoq iliuuseqarsimanertik Naalackersuisut akissuminni allaaserisimavaat.

Tamanna Aalisarnermut, Piniarnermut Nunalerinermullu Pisorta qarfiup uannut nassuiaammuni 31. maj 2007-imeersumi, oqaaseqaatinni issuakkanni, nassuiareersimavaa.

Oqaaseqaatinni tamanna tunngavigalugu eqikkaallunga inerniliivunga ajornartorsiut taanna pillugu annertunerusumik iliuuseqaqqissananga.

Inatsisartulli Ombudsmandiat pillugu Inatsisartut inatsisaanni § 10 tunngavigalugu nalunaarutinni ajornartorsiut annertoq pineqarpoq, tassaasoq Aalisarnermut, Piniarnermut Nunalerinermullu Pisortaqarfiup, naak suliami ajornartorsiutininik ilisimannikkaluarluni, matumanilu A-p qinnuteqaataa pillugu pisortaqarfiup suliami mappiutaa allagaatinik imalik tammaaneqarsimasoq ilanngullugu eqqarsaatigalugu, saaffiginnissutinnut akissuteqannginnera.

Taamaalillunga allakkanni 27. marts 2006-imeersuni Aalisarnermut, Piniarnermut Nunalerinermullu Pisortaqarfik qinnuigaara A-p qinnuteqaataa suliarineqarnera pillugu apeqqutinut aalajangersimasunut akissuteqaqqullugu mappilu allagaatinik imalik suliamut attuumassuteqartoq misissugassanngorlugu uannut nassiateqqullugu.

Allakkatigut 2. juni 2006-imeersutigut, 10. juli 2006-imeersutigut, inatsisilerinermi pisortama 29. september 2006-imi oqarasuaatikkut oqaloqatiginninneratigut, suliamik suliarinninnitsinnut 18. oktober 2006-imi oqarasuaatikkut saaffiginnissuteqarnikkut, allakkatigut 10. november 2006-imeersutigut aamma 26. januar 2007-imeersutigut pisortaqarfiup neriorsorpaanga paasissutissanik qinnutiginannut akissuteqarnissaq naatsorsuutigisinnaagiga.

Inatsisilerinermi pisortama pisortaqarfimmi immikkoortortaqarfimmi pisortamik 31. maj 2007-imi oqarasuaatikkut oqaloqateqarneratigut aamma pisortaqarfiup ullormi tassani allagaasigut, 8. juni 2007-imi tigusakkut, suliaq tammaaneqarsimasoq pisortaqarfiup aatsaat nassuerutigaa.

Tamanna tunngavigalugu isumaqarpunga manna ilimanaateqartoq, tassalu pisortaqarfik, pisortaqarfiup neriorsuisimanera unioqqutillugu pisortaqarfimmut saaffiginnissutinnut atatillugu mappimik suliami allagaatinik imalimmik ujaasinngitsoorsimasoq imaluunniit pisortaqarfik suliap nasaarineqarsinnaannginnera pillugu paasissutissaq pingaarutilerujussuaq uannut saqqummiukku-masimangikkaa.

Oqaaseqaatinni 4. juli 2007-imeersumi oqartussaasut Inatsisartut Ombudsmandiat pillugu Inatsisartut inatsisaanni § 7 tunngavigalugu paasissutissanik nalunaarutiginnittusnaanermik malinnittusnaanerat pillugu nassuiaateqarsimavunga, oqaaseqaatinnilu eqikkaallunga imatut inerniliillunga:

”Suliamik uanga suliarinninnera aamma innuttaasumik mianerinnittusaa neq isiginiarlugit isumaqarpunga mappimik suliami allagaatinik imalimmik atukkiusseqqusininnit piffissaq pisortaqarfiup suliamik suliarinninnerminut atugaa ukioq sinnerlugu sivisussuseqartoq inatsiseqartitsinikkut innarlitsaaliinermi isiginiagassanik Ombudsmandip nakkutilliineranut tunngaviusunik annertoorujussuarmik sumiginnaanerusoq.”

Taamaattumik Inatsisartut Ombudsmandiat pillugu Inatsisartut inatsisaanni § 10 tunngavigalugu nalunaarutiginninnerma kingunerisaanik, suliani suliarisanni paasissutissiinissaq pillugu qinnutiginannut akissutininik sukumiisunik eqqortunillu tigusaqarnissara Naalakkersuisut qanoq ilillutik qulakkeerniarneraat Naalakkersuisut ataatsimut isummerfigissagaat naatsorsuutigisimavara, matumani akissut suliap tammarsimaneranik imaqtusaaq ilanngullugu eqqarsaatigalugu.

Aammattaq akissutinik piaartumik tigusaqarnissara Naalakkersuisut qanoq ilillutik qulakkeerniarneraat Naalakkersuisut isummerfigissagaat naatsorsuutigisimavara.

Tamatumani uanga isumaga malillugu aamma matumunnga tunngaviussaaq, tassalu Aalisarnermut, Piniarnermut Nunalerinermullu Pisortaqarfiup suliame pineqartumi tunngavinnik taakkuninnga eqqortitsisimanginneranut pissutaasoq Naalakkersuisut qulaajarniassagaat.

Tamatumunnga atatillugu eqqaasitsissutigaa pisortaqarfiup paasissutissanik piumasarisannik tunniussisinnaanginneranut pissutaasumik eqqortumik Aalisarnermut, Piniarnermut Nunalerinermullu Pisortaqarfiup kingusissorujussuakkut nalunaaruteqarneranut pissutaasumik uanga ilisimatinneqarnera A-p naammagittaalliuutaanik inaarlugu illersorneqarsinnaasumik suliarinnsinnaaninnut tunngaviussasoq.

Taamaalilluni misissuininnut ilaavoq pisortaqarfik taassumaluunniit sulisuisa saaffiginnissutinik suliarininnerminni malitseqartitsivigineqartariaqartumik kukkussuteqarsimanerannik apequt pillugu akissummik tigusaqarsinnaanera.

Tamanna oqaatigaara pisortaqarfiup suliame suliarininneranut, pisortaqarfiup akissummini 31. maj 2007-imeersumi neriorsuutigisimasaanut atatillugu A-p eqqortumik sullinneqarnissaa, aamma suliame suliarininninnik pisortaqarfik pillugu naammagittaagittaalliuuteqartarsimappat inaarsaallunga naammaginartumik suliarininnissama qulakkeerneqarnissaat eqqarsaatigalugu.

Taamatut aaqiissuteqarnissap pisariaqarneranut takussutissatut Inatsisartut Ombudsmandiat pillugu Inatsisartut inatsisaanni § 9, imm. 1-imi oqaaseqatigiit siulliit imaattunik oqaasertaqartut aamma innersuussutigaaqka:

”Ombudsmandip atorfinitsitsisutut qullersaatut peqqusinnavai ileqqussanik unioqutitsisutut suliassangortitsiniaqullugit.”

Aalajangersagaq taanna Inatsisartut makku eqqumaffigeqqullugit uannut peqqusissutaannut matumunnga takussutissaavoq, tassalu kukkunerit oqartussaasuni uparuakkakka inunnut ataasiakkaanut tutsinneqarsinnaanersut, kukkunerillu taakku sulisumut akisussaasuusumut sulisunulluunniit akisussaasuusunut qisuariaateqarnikkut aaqinneqartariaqarnersut.

Inatsisartut taamaalillutik tunngavigaat aqutsinikkut allaffissornermi kukkussutit aaqinneqassasut, kukkussutit sulisunut ataasiakkaanut assuarliutigineqarsinnaanerat imaluunniit kukkussutit sulisunut ataasiakkaanut assuarliutigineqarsinnaangitsut pineqarnerat apeqquatainnagu.

Taamaattumik Aalisarnermut, Piniarnermut Nunalerinermullu Pisortaqarfiup akissutaanik naammaginartumik siunissami tigusaqartarnissara qulakkeerniarlugu Naalakkersuisut ilaatigut sunik suliniuteqalersaarnersut, ilaatigullu suliame A-mut tunngasumi saaffiginnissutinut pisortaqarfiup suliarininneranut ataneqartumik Naalakkersuisut ataatsimut qisuariaateqarfigisariaqagaanik kukkussuteqartoqarsimanersaq, Naalakkersuisut ilisimatissagaannga naatsorsuutigaaara.”

Mailikkut nassiussaq imaattoq Aalisarnermut, Piniarnermut Nunalerinermullu Pisortaqarfimmit 10. september 2007-imi tiguara:

"Aalisarnermut, Piniarnermut Nunalerinermullu Pisortaqarfiup Ombudsmandi matumuuna ilisimatissavaa A-p qinnuteqaataata suliareqqinneqalernerata kingornatigut A-mut akissut 7. september 2007-imi nassiunneqarsimasoq." (Atorfeqarfimmi nutsigaavoq)

Kalaallit Nunaanni Naalakkersuisunit 16. oktober 2007-imi suli tusagaqanngin-nama Kalaallit Nunaanni Naalakkersuisut suliamik eqqaasippakka.

Kalaallit Nunaanni Naalakkersuisunit ukiup nalunaarusiuunneqartup naanerani suli tusagaqanngilanga.

5.5 Allat

5.5.1. Allagaatinik paasitinneqarnissamik qinnuteqaatip qanoq iluseqar-nissaanik qanorlu suliarineqarnissaanik piumasaaqatit, matumani paasis-sutissani pineqartup tusarniaavigineqarnissaanik apeqqut ilanngullugu eqqarsaatigalugu

Suliami allagaatinik paasitinneqarnissamik qinnuteqaammi Naalakkersuisut Allattoqarfiannit suliarineqarnera A-p naammagittaalliutigaa. Ombudsman-dip oqaaseqaateqannginnerani suliap nammineq eqqarsaatigaluni inaarlugu suliarineqartutut A-p isiginninnera apeqqutaatinnagu Ombudsmandip paasin-ninnini Naalakkersuisut Allattoqarfiannut saqqummiuppa, tak. Inatsisartut Ombudsmandiat pillugu Inatsisartut inatsisaanni § 9, imm. 2.

A-p saaffiginnissutaanik allagaatinik/paasisutissanik nassiusseqqussutitut Allattoqarfimmut erseqqissumik iluseqaraluartumik Naalakkersuisut Allat-toqarfiata allagaatinik paasitinneqarnissamik qinnuteqaatitut suliarinnissi-mannginnera Ombudsmandip isorisariaqartutut isigaa.

Aammattaaq Naalakkersuisut Allattoqarfiata qaqugu aalajangiisoqarnissaata naatsorsuutigineqarneranik naammattumik erseqqissaasimannginnera Om-budsmandip ajuusaarnartutut isigaa.

Ombudsmandi tamatuma saniatigut isumaqarpoq suliamik suliarinninnermut piffissap immi qaammatinik marlunnik affangajammillu sivisussuseqarsima-nera isorisariaqartuusoq.

Kiisalu Ombudsmandi isumaqarpoq Naalakkersuisut Allattoqarfiata suliani al-lagaatinik paasitinneqarnissamut tunngasuni paasisutissanik pineqartunut at-tuumassuteqartunik pineqartunut ataatsimoortumik tusarniaasarnertut ittumik periaaseqarluni paasisutissiisimanagera isorisariaqartuusoq (j.nr. 11.03.70.01/073-07).

A-p suliame allagaatinik paasitinneqarnissamik qinnuteqaatimi Naalakkersuisut Allattoqarfiannit suliarineqarnera uannut allakkatigut 24. maj 2007-imeersutigut saaffiginnissutigaa. Saaffiginnissutaa makku pillugit naammagittaalliuutitut paasivara:

- Allattoqarfimmut 23. april 2007-imi saaffiginnissummut atatiinnarlugu B A/S-imi piginneqataassutitut aktianik Namminersornerullutik Oqartussat tuniniaanerat eqqarsaatigalugu neqerooruteqartut taakkuninngalu piukkunnarnerusarsarsiorniarluni neqerooruteqartitsineq kiisalu neqeroorutit tiguneqartut pillugit paasissutissanik Naalakkersuisut Allattoqarfiata paasitissimangikkaani,
- Allattoqarfiup qinnuteqaammik itigartitsineranut uiggiutiinnarlugu qaqugu aalajangiisoqarnissaata naatsorsuutigineqarsinnaanerani Naalakkersuisut Allattoqarfiata paasitissimangikkaani, aamma
- Naalakkersuisut Allattoqarfiata paasissutissanik pineqartunik piffissami A-p qinnuteqaataata suli aalajangiiffigineqanngiffiata nalaani allagaatinik tusagasiortumut paasissutissiisimanagera.

A-p allagaatinik paasitinneqarnissamik qinnuteqaataa suliffeqarfiit marluk pillugit paasissutissanut tunngasuvoq.

Suliamik suliarinninnerma ingerlanerani Naalakkersuisut Allattoqarfiata A suliffeqarfik siulleg pillugu paasissutissanik 1. juni 2007-imi tunisimavaa, suliffeqarfiullu aappaa pillugu paasissutissat Allattoqarfiup 13. juli 2007-imi tunniussimallugit. Tamanna pisimavoq suliffeqarfiit marluk taakku apeqqut pillugu oqaaseqaateqarnissaminut periarfissaqartinneqareernerisigut.

Naalakkersuisut Allattoqarfiata aammattaaq oqaatigaa tusagasiortoq taaneqartoq paasissutissanik paasissutissat A-mut 1. juni 2007-imi nassiunneqartut assingini, paasissutissanillu A-p pigeriigaanik 5. juni 2007-imi tunineqarsimasoq.

A-p oqarasuaatikkut 18. oktober 2007-imi oqaatigaa paasissutissanik kissaatisamisut annertutigisunik massakut paasitinneqarsimalluni, suliallu ingerlanerani siunertap allagaatinik paasitinneqarnissamik qinnuteqarnermigut anguniakkami malersornissaanut periarfissaminut sunniuteqarsimangitsoq.

A-p aamma oqaatigaa suliame annertunerusumik iliuuseqaqqinnissara kissaatinginngikkini.

A-p nammineq eqqarsaatigaluni suliamik suliarinninnerup unitsinneqarsimane-
ranik paasinninnera uniffiginagu suliami pineqartumi allagaatinik paasitinneqar-
nissamik qinnuteqaatit suliarineqartarneranni tunngaviumik apeqquutit pillugit
paasinninnera oqaaseqaammi matumani saqqummiuppara. Tassani Inatsisartut
Ombudsmandiat pillugu Inatsisartut inatsisaanni nr. 7-imi, 13. juni 1994-imeer-
sumi § 9, imm. 2 innersuussutigaaara, tassuunami aalajangersarneqarmat suliamik
paasinninnera saqqummiussinnaajuaannariga.

Taamaalilluni oqaaseqaat manna allagaatinik paasitinneqarnissamik qinnuteqaa-
tip oqartussaasullu qaqugu aalajangiisoqarnissaata naatsorsuutigineqarsinnaane-
ranik qinnuteqaateqartumut ilisimatitsissuteqarnerata qanoq iluseqartinneqarnis-
saannik piumasaqaatinut, allagaatinik paasitinneqarnissamik qinnuteqaatit piler-
tortumik suliarineqartarnissaannik inatsimmi tunngaviumumut aamma inummut
paasissutissani pineqartumut tusaarniaasarneq pillugu apeqquummut tunngasuu-
voq.

Malugaara Naalakkersuisut oqaatigigaat paasissutissanik pineqartunik tusagas-
siortumut A-p qinnuteqaataata aalajangiiffigineqarnera sioqqullugu paasissutis-
siisoqarsimannitsoq, A-mullu paasissutissiissutigineqartunit annertunerusunik
tusagassiortumut paasissutissiisoqarsimannitsoq.

Suliaq tulluuttuni allaaseraara, paasinninneralu pillugu nassiuuateqarlunga.

Suliap ingerlasimanera

A oqaatigineqartutut uannut allakkatigut 24. maj 2007-imeersutigut naammagit-
taalliorpoq.

Naalakkersuisut Allattoqarfiat oqaaseqaammik tamatuma kingornatigut allakka-
tigut 25. juni 2007-imeersutigut saqqummiussivoq. A-p allagaatinik paasitinne-
qarnissamik qinnuteqaataanik suliarinninnermi naammassineqarsimane-
ranik Allattoqarfiup allakkatigut 19. september 2007-imeersutigut suliami allagaasar-
simasunik ilaqartinneqartutigut aammattaaq ilisimatippaanga.

Suliamit tamatuma kingornatigut erserpoq A Naalakkersuisut Allattoqarfianni
Ingerlatseqatigiiffinnut Allattoqarfimmut 23. april 2007-imi e-mailikkut saaffi-
ginnittoq, ilaatigut imatut allalluni:

"(...)

Taamaattumik Ingerlatseqatigiiffinnut Allattoqarfik qinnuigineqarpoq salliutinneqarnissaq pillugu neqerooruteqartut allat qinnuteqaataasa assilineri nassiateqqullugit imaluunniit neqerooruteqartut pillugit paasissutissat sapinngisamik sukumiisut assilineri nassiateqqullugit, akerriliinissaq pisinnaaqqullugu.

(...)"

E-mailikkut nassiuksaq taanna Naalakkarsuisut Allattoqarfiata e-mailikkut 2. maj 2007-imeersukkut akivaa. Paasissutissanik nassiusseqqusineq Allattoqarfiup tassani isummerfiginngilaa. Allattoqarfiup uannut allakkamini 25. juni 2007-imeersuni e-maili 2. maj 2007-imeersoq pillugu makku oqaatigai:

"(...)

Ingerlatseqatigiiffinnut Allattoqarfiup, piffissap taamaalinerani, A-p saaffiginnessutaa allagaatinik takunninnissamut qinnuteqaatit isiginngilaa e-postikkullu 2. maj 2007-imeersutigut akillugu, B A/S-ip tunineqarnera suliarinnittussarsiuussinnermut malittarisassat malillugit killilersugaangitsoq.

Tamatuma kingorna A 3. maj 2007-imi allagaatinik takusaqarsinnaajumavoq.

(...)"

A Naalakkarsuisut Allattoqarfiannut e-mailikkut 3. maj 2007-imeersukkut saaffiginneqqippoq:

"(...)

Neqeroorutit tiguneqartut eqqarsaatigalugit innuttaasut tamarmik allagaatinik paasitinneqarsinnaapput - neqerooruteqarsimaneq neqerooruteqarsimanninnerluunniit apeqquatainnagu.

Taamaattumik piukkunnarnerussarsioriarluni neqerooruteqarnermut qinnuteqaatit neqeroorutillu tiguneqartut tamarmik assilinerinik nassiusseqqusinera aalajangiusimassavara. (...)" (Atorfeqarfimmi nutsigaavoq)

Allattoqarfik ulloq taanna imatut akivoq:

"(...)

Allagaatinik paasitinneqarnissannik qinnuteqaatit [3.] majimeersoq eqqarsaatigalugu suliaq Allattoqarfiup suliarinialerpaa, sapinngisamillu piaarnerpaamik uterfigeqqinniarlugu." (Atorfeqarfimmi nutsigaavoq)

A-p Naalakkarsuisut Allattoqarfiat tamatuma kingornatigut e-mailikkut 9. maj 2007-imeersukkut nukingisaarpaa, siusinnerusukkut saaffiginnessutini inner-

suussutigalugit. E-mailikkut nassiussamini Allattoqarfik qinnuigaa kissaatigineqartut assilineri tunniuteqqullugit imaluunniit itigartitsisoqassappat allakkatigut kingusinnerpaamik 10. maj 2007-imi tunngavilersueqqullugu qinnuigaa.

Allattoqarfik ulloq taanna imatut akivoq:

"(...)

(...) Paasisutissat sorliit paasitinneqarsinnaatitaanermi pineqartunut ilaatinneqannginnissaannik Ingerlatseqatigiiffinnut Allattoqarfiup aalajangiinnginnerani suliami illua'tungiusut paasisutissanik tamanut saqqummiunneqanngitsunik soqutigisaqarsinnaasut isumaannik tusarniaavigineqartarnerat nalinginnaasumik periaasiuvoq.

Tamatumunnga atatillugu erseqqissarneqassaaq allagaatinik qanoq annertutigisumik paasisutissiisoqarnissaanik aalajangiineq immi Ingerlatseqatigiiffinnut Allattoqarfimmi pisussaammat. Tusarniaanertaa tassaaginnarpoq illua'tungiusut tunngavilersuutiminnik saqqummiussinissaminut periarfissinneqarnissaannik qulakkeerinnineq. (...)

Illua'tungiusut taaneqartut allagaatinik paasitinneqarnissamik qinnuteqaat qanoq isummerfigalugu nalunaarutigerepassuk paasisutissat ilaat ilannguteqqunagit kissaatigineqarsinnaasut akuereineqassanersut Ingerlatseqatigiiffinnut Allattoqarfiup isummerfiginiarpaa, allagaatinullu paasitinneqarnissamik qinnuteqaatit qanoq annertutigisumik akuersarneqassanersoq tamatuma kingornatigut inaarutaasumik aalajangiisoqarsinnaalissalluni." (Atorfeqarfimmi nutsigaa-voq)

Naalakkersuisut Allattoqarfiata uannut allakkamini 25. juni 2007-imeersuni tamatuma saniatigut ilaatigut makku oqaatigai:

"(...)

Allakkatigut 14. maj 2007-imeersutigut Ingerlatseqatigiiffinnut Allattoqarfiup neqerooruteqarsimasut qinnuigai allagaatinik takusaqarnissamik qinnuteqaat pillugu oqaaseqaateqaqqullugit. Akissuteqarnissamut killiliunneqarpoq marlunngorneq 29. maj 2007.

Ulloq 29. maj Ingerlatseqatigiiffinnut Allattoqarfik akissummik e-postikkut oqarasuatikkullu ... A/S-imiit [suliffeqarfiit aappaanit] tigusaqarpoq. Kingornalu salliutitsineq neqeroorutillu allagaatertaanni arlalinnik titarsinikkut piiasaqarluni.

Ulloq 30. maj Ingerlatseqatigiiffinnut Allattoqarfik ...-p advokatianit akissuteqarnissamut kinguartitsinissamik qinnuteqaammik tigusaqarpoq.

Ulloq 1. juni Ingerlatseqatigiiffinnut Allattoqarfiup ...-p advokatia nalunaarfigaa killiliussaq 12. junimut sivitsorneqartoq.

Allakkatigut 1. juni 2007-imeersutigut Ingerlatseqatigiiffinnut Allattoqarfiup ... A/S-imiit salliun-neqarnissamik neqeroorutigullu allagaatit A-mut nassiuppai.

Allakkani oqaatigineqarpoq ...-p, advokatini aqputigalugu allagaatit ilaat sorliit allagaatinik ta-kunnissinnaatitsinermut ilanngunneqannginnissaannut tunngavilersuusiornissaq pillugu kinguar-titsinissamik qinnuteqaateqartoqartoq. Tassunga tunngatillugu Ingerlatseqatigiiffinnut Allatto-qarfiup oqaatigaa qinnutigineqartoq tunngavigalugu killiliussaq 12. junimut kinguartinneqartoq.

Ulloq 12. juni ...p oqaaseqataanik Ingerlatseqatigiiffinnut Allattoqarfik suli tigusaqanngilaq, taa-maattumillu tamanna oqarasuaatitigut eqqaasitsissutigineqarluni.

Ulloq 19. juni ...-p oqaaseqatai Ingerlatseqatigiiffinnut Allattoqarfimmit tiguneqarput.

Kingorna piffissap sivikitsup ingerlanerani Ingerlatseqatigiiffinnut Allattoqarfiup nalilersussavaa allagaatinik takutinneqarsinnaasunik ilanngussinnginnissamik ...-p qinnuteqaatai akuersarne-qassanersut. Aatsaat tamatuma kingorna qinnutigineqartut ilaanut, ...-mut tunngasunik A akissu-tisissaaq.

(...)

Naalackersuisut Allattoqarfiata neriutigaa qulaani pineqartut Ombudsmandip apeqqutaanut akissutaasimassasut. Massakkorpiaq imaakkunarpoq paatsoortoqarsimasinnaasoq, qulaani pine-qartut takukkit, ...-mit salliutitsinissamut neqeroorutinullu tunngasunik suli inaarutaasumik aalajangiinermut tunngasunik soqanngimmat. Taamatut aalajangiinissaq qanittumi pissasoq naat-sorsuutigineqarpoq.

(...)"

Allattoqarfiup allagaatinik paasitinneqarnissamik qinnuteqaat pillugu inaarutaa-sumik 13. juli 2007-imi aalajangiivoq. Tassani A suliffeqarfiup aappaa pillugu allagaatinik (titartaanikkut piiavigineqarsimasunik) paasitinneqarnissaminut akuerineqarpoq.

Tamatuma kingornatigut Naalackersuisut Allattoqarfiannut allakkatigut 7. november 2007-imeersutigut imaattunik oqaaseqaateqarpunga:

"1. Allagaatinik paasitinneqarnissamik qinnuteqaatip iluseqarnissaanik piumasaqaa-tit

Pisortat ingerlatsinerat pillugu paasitinneqarsinnaatitaaneq pillugu Inatsisartut inat-sisaanni nr. 9-mi, 13. juni 1994-imeersumi kingusinnerusukku allannguuteqartinne-qartarsimasumi § 4, imm. 1-imi oqaaseqaatigiitsigut siullertigut aalajangersarneqar-poq §§-ini 7-imit 14-imut ilaatinneqanngitsutut taaneqartut eqqaassanngikkaanni allagaatinik ingerlatsinermut oqartussaasumi allaffikkoortumik sulianik ingerlatsi-

nermut atatillugu apuussimallutilluunniit suliarineqarsimasunik paasitinneqarumalluni kinaluunniit piumasagaateqarsinnaasoq.

§ 4, imm. 1-imi oqaaseqatigiinni siullerni allagaatinik paasitinneqarumalluni qinnuteqaatip aalajangersimasumik iluseqarnissaa piumasagaatigineqanngilaq, matumani taaguutit suut atorneqarnissaat ilanngullugu eqqarsaatigalugu. Qinnuteqaatip paasissutissanik aalajangersakkami tassani pineqartunut ilaatinneqartunik ilisimatinneqarumanertut qinnuteqaammik tigusisumik paasineqartariaqartutut oqaasertalerneqarsimanissaa naammappoq.

A-p Naalakkersuisut Aallattoqarfiannut e-mailikkut 23. april 2007-imi nassiussamini allagaatinik/paasissutissanik nassinneqarnissani erseqqissumik qinnutigaa.

Uanga paasinninnera unaavoq taassuma oqaasertalersorneqarnera saaffiginnissutip allagaatinik paasitinneqarnissamik qinnuteqaatitut Allattoqarfimmit paasineqarnissaanut naammattumik ersarissuseqartoq.

Taamaattumik Allattoqarfiup saaffiginnissummik taassuminnga allagaatinik paasitinneqarnissamik qinnuteqaatitut suliarinnissimanginnera isorisariaqartutut isigaara.

2. Piffissaq suliamik suliarinninnermut Naalakkersuisut Allattoqarfianni atorneqartoq aamma piffissatut aalajangiiffigisassatut naatsorsuutigineqartumik Allattoqarfiup A-mut ilisimatitsinera

Allagaatinik pilertortumik paasitinneqarnissaq innuttaasunut tusagassiuutinullu pingaartuugajuttartussaammat pisortat ingerlatsinerat pillugu paasitinneqarsinnaati-taaneq pillugu Inatsisartut inatsisaanni § 16, imm. 1-ikkut aalajangersarneqarpoq qinnuteqaat akuerineqarsinnaanersoq oqartussaasup pilertornerpaamik aalajangiiffigisassagaa. Tamanna allagaatinik paasitinneqarnissaq pillugu sulianik tulleriariner-mi annertuumik sallitinniarneqartartussaanerannut takussutissaavoq.

§ 16, imm. 2-kkut aalajangersarneqarpoq paasitinneqarnissamik qinnuteqaat oqartussaasumit pineqartumit tiguneqarnermi kingornatigut kingusinnerpaamik ullut qulit qaangiutsinnagit akuersarneqarsimananiluunniit itigartitsissutigineqarsimangip-pat oqartussaasup qinnuteqartoq qinnuteqaatip oqartussaasumit susassaqartumit tiguneqarneranik kiisalu aalajangiinerup qaqugu pinissaata naatsorsuutigineqarneranik ilisimatissagaa.¹⁷

Qaqugu aalajangiisoqarsinnaaneramik qinnuteqartup nalunaarfigineqarnissaanik imm. 2-mi piumasagaatip ilaatigut manna nassataraa, tassalu piffissaq aalajangiiffiu-sussaq oqartussaasut erseqqinnerusumik oqaatigissagaa, taamaaliornikkut qinnute-

17 Ullunik qulinik piffissaliineq imatut paasineqassanngilaq oqartussaasooq suliani allagaatinik paasitinneqarnissamik qinnuteqaatinut tunngasuni aalajangiinissaminut ullunit tamakkiisunik qulinik nalinginnaasumik periarfissaqartinneqartoq, tassani tak. § 16, imm. 1-imi oqaaseq "piarnerpaamik" atorneqartoq. Ullunilli qulinik piffissaliinerup tunngavia tassaavoq oqartussaasup aamma sulianik ajornakusoornerusunik ullut qulit taakkua iluanni nalinginnaasumik aalajangiiffiginitt-uussaaneramik tunngaveqarneq.

qartoq tigussaasumik isummerfigisassaqaarsinnaaqkullugu tamannalu naapertorlugu pilersaarusiorsinnaaqkullugu.

A-p allagaatinik paasitinneqarnissamik qinnuteqaataata 23. april 2007-imi tunniunneqarsimaneranik, tak. qulaani oqaatigineqartut, isiginninninnut ataneqartillugu soorunami uanga paasinninnera unaavoq ullunik qulinik piffissaliineq tamatumunnga atatillugu ingerlalersimasoq.

Kisianni qinnuteqaatip 3. maj 2007-imi tunniunneqarsimasutut Naalackersuisut Allattoqarfiata paasinninnera tunngavigalugu piffissaq taanna Allattoqarfiup § 16, imm. 1 aamma imm. 2 eqqarsaatigalugit suliamik sularinninninni pillugu isornartorsiorneqarsinnaaneranik apeqqummik naliliinnut atatillugu tunngaviutippara.

A-p 3. maj 2007-imi e-mailikkut nassiussaanut Naalackersuisut Allattoqarfiata ulloq taanna akissuteqarnera saaffiginnissummik tigusaqarnerup uppersarneqarneratut paasivara, tassami Allattoqarfiup taamaallaat oqaatigimmagu suliaq allattoqarfiup sularinialeraa, sularlu piaarnerpaamik uterfigeqqinniaraa. Taamaattumik akissuteqarneq taanna § 16, imm. 2 tunngavigalugu ilisimatitsissutitut isiginnilara.

Naalackersuisut Allattoqarfiata e-mailikkut nassiussamigut 9. maj 2007-imeersukkut qaqugu aalajangiisoqarnissaa naatsorsuutigineqarsinnaanersoq A-mut oqaatigaa: Allattoqarfiup oqaatigaa suliffeqarfii taakku marluk tusarniaavigineqarmiartut. Taakku oqaaseqaatiminnik saqqummiussereerpata oqaaseqaatit naliliiffigineqarniarput, tamatumalu kingornatigut aalajangiisoqassalluni.

Tusarniaanermut akissuteqarnissamut piffissaliussamik aalajangersaasoqarsimanersoq oqaatigineqanngilaq, taamatuttaarlu Allattoqarfimmi piffissap suliamik sularinninnermut atorneqartussap qanoq sivisutiginnissaa oqaatigineqarani.

Uanga naliliinera unaavoq Naalackersuisut Allattoqarfiata, A-p nukingisaarutaa 9. maj 2007-imeersoq tunngavigalugu, paasisariaqaraa suliaq taanna pineqartup nukingiuuttariaqartutut isigigaa.

Tamanna eqqarsaatigalugu Namminersornerullutik Oqartussat suliassat sularineqartarnerat pillugu ilitersuusiaanni 1994-imeersumi imm. 207-ip manna nassataraa, tassalu suliama illua'tungiusup nukingisaarutaa piffissamik suliap sularineqarneranut atorneqartumik pissutissaqartumik tunngavilersugaasoq ingerlaannartumik akineqartariaqartoq. Akissuteqaat suliap sumut killinnera ajornanngippallu suliap qaqugu aalajangiivigineqarnissaata naatsorsuutigineqarnera pillugit paasissutissanik imaqartariaqarput.

Qinnuteqaatip Naalackersuisut Allattoqarfianni 3. maj 2007-imi sularineqalerneranit Allattoqarfiup aalajangiinerata 13. juli 2007-imi nalunaarutigineqarnerata tungaanut qaammatit marluk affangajallu ingerlasimapput.

2.1. Naalackersuisut Allattoqarfiata A-mut paasitinneqarsinnaatitaaneq pillugu inatsimmi § 16, imm. 2 tunngavigalugu ilisimatinneqarnera

Piffissaq akissuteqarniarnermut atorneqartup qaammatinik marlunnik affangajamillu sivisussuseqartoq allagaatinik paasitinneqarnissamik qinnuteqaatit pilertortu-

mik suliarineqartarnissaannik tunngaveqarneq A-p suliap nukinginnartuuneranik oqaatiginninneranut ataneqartillugu eqqarsaatigalugu taama sivisutigisooq Naalakkersuisut Allattoqarfiata § 16, imm. 2 isiginiarlugu ilitersuummilu imm. 207 eqqarsaatigalugu piffissaq aalajangiiffigineqartussatut naatsorsuutigineqartoq suliffeqarfiit taakku marluk oqaaseqaatiminnik saqqummiussereersimanissaannut oqaaseqaatillu naliliiffigineqareernissaannut qaninnerusumut inissinneqartussatut erseqqissarimasariaqaraluarlugu.

Tamatuma kingornatigut isumaqarpunga Naalakkersuisut Allattoqarfiata piffissamik aalajangiiffigineqartussatut naatsorsuutigineqartumik A-mut 9. maj 2007-imi ilisimatitsinera pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni § 16, imm. 2-mut aamma suliassat suliarineqartarnerat pillugu ilitersuummi imm. 207-imi oqaaseqatigiit aappaannut naapertuuttuunngitsoq. Tamanna ajuusaarnartutut isigaara.

Malugaara Naalakkersuisut Allattoqarfiata A-mut allakkamini 1. juni 2007-imeersuni oqaatigigaa suliffeqarfiup aappaata tusarniaavigineqarneranut atatillugu akissuteqarnissamut piffissaliussaq 12. juni 2007-imut sivitsorneqarsimasooq. Ullormilli tassanga aalajangiinerup 13. juli 2007-imi nalunaarutigineqarnissaata tungaanut qaammat ataaseq ingerlasimavoq.

2.2. Piffissaq suliamik suliarinninnermut atorneqartoq

Naalakkersuisut Allattoqarfiata suliffeqarfiit pineqartut taakku marluk 14. maj 2007-imi tusarniaavigai, tassa allagaatinik paasitinneqarnissamik qinnuteqaatip suliarineqalernerata kingornatigut ullut 11-t ingerlareerneranni.

Allattoqarfiup suliffeqarfiit taakkua aappaata akissuteqarnissamut piffissalernerneqarnera ullunik 16-inik sivitsorpaa, 29. maj 2007-imit 19. juni 2007-imut, 14. maj 2007-imit 29. maj 2007-imut ullunik 15-inik piffissaleeqqaarnermut sanilliullugu, paasissutissat paasiuminaatsuunngitsut pillugit oqaaseqaateqarnissaanut.

Tamatuma kingornatigut 19. juni 2007-imit 13. juli 2007-ip tungaanut qaammat ataasingajak ingerlasimavoq, suliamik Allattoqarfiup iluani suliarinninnermut atorneqartoq, Allattoqarfiup akissutaata nalunaarutigineqarnissaata tungaanut.

Tamanna tunngavigalugu ataatsimut isiginnillunga isumaqarpunga piffissaq suliamik suliarinninnermut atorneqartoq qaammatinik marlunnik affangajammillu sivisussuseqartoq pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni § 16, imm. 2-mi oqartussaasup pilertorneqarpaamik aalajangiisarnissaanik aalajangersakkamut imaluunniit allagaatinik paasitinneqarnissamik qinnuteqaatit tulleriiarinnermi annertuumik salliutinneqartarnissaannik pilertortumillu suliarineqartarnissaannik aalajangersakkami tassani tunngavimmuut naapertuuttuunngitsoq. Tamanna isorisariaqartutut isigaara.

Ilanngullugu oqaatigaara tusarniaanermut akissuteqarnissamut ullunik 15-inik piffissaliineq immi oqaaseqaateqarnissannut pissutissaqalersitsinngitsoq, tusarniaaner-

mik ingerlatsinissaq pillugu piumasaqaatit eqqortinneqarsimappata, tak. tulliuuttuni oqaatigineqartut.

3. Suliffeqarfinnut A-p allagaatinik paasitinneqarnissamik qinnuteqaataani pineqartunut Naalakkersuisut Allattoqarfiata tusarniaanera

Pisortat ingerlatsinerat pillugu paasitinneqarsinnaatitaaneq pillugu Inatsisartut inat-sisaanni § 12, imm. 1, nr. 2-kkut aalajangersarneqarpoq allagaatinik paasitinneqar-sinnaatitaanermi teknikkikkut atortulersuutit imaluunniit ingerlatsinikkut niuernikkul-luunniit pissutsit assigisaalluunniit, inummut suliffeqarfimmulluunniit aningaasaqar-nikkut annertuumik pingaarutillit pissutigalugit saqqummiunneqarnissaat akuersissu-tigineqarsinnaanngitsut ilaatinneqanngitsut. § 12, imm. 2-kkut aalajangersarneqar-poq allagaatinik paasitinneqarnissamik qinnuteqartoq allagaatip imaata ilaannaa imm. 1-imi aalajangersakkamut ilaatinneqarpat allagaatip imaata sinneranik paasi-tinneqassasoq.

Ingerlatsineq pillugu inatsiseqartitsinermi oqartussaasup misissuisussaatitaanerata manna nassataraa, tassalu oqartussaasut suliat aalajangiisoqannginnerani naammattumik paasissutissartalorsorneqarnissaannut pisussaaffeqartut. Tamatumunnga pe-qatigitillugu suliap suliarineqarnerani kukkunerit, matumani paasissutissanik § 12, imm. 1, nr. 2-mi pineqartunut ilaatinneqartunik pissutissaqarani tunniussinerit ilan-ngullugit eqqarsaatigalugit, naliliinikkut aamma pinerluttulerineq pillugu inatsiseqar-titsinikkut pineqaatissiisutaasinnaapput.

Taamaalilluni paasissutissat paasitinneqarumalluni qinnuteqaammi ilaatinneqartut § 12, imm. 1, nr. 2-mi pineqartunut ilaanerat pissutissaqartumik nalornissutigineqarpat oqartussaasup paasissutissani pineqartumit oqaaseqaateqartitsinissaa qanittuuvoq, aalajangiisoqannginneranilu oqaaseqaatit taakku naliliinermi ilaatillugit.

Naak suliffeqarfiit il.il. pineqartut tusarniaavigineqarnerat pissusissamisoortuusinaagaluartoq Naalakkersuisut Allattoqarfiata e-mailikkut 9. maj 2007-imi "(...) [sulia-mi allagaatinik paasitinneqarnissamik qinnuteqaatini matumani pineqartutut ittumi] suliami illua'tungiusut paasissutissanik tamanut saqqummiunneqanngitsunik soquti-gisaqarsinnaasut isumaannik tusarniaavigineqartarnerat nalinginnaasumik periaa-siuvoq (...) "-mik oqarnera eqqarsaatigalugu pisoq allaavoq.

§ 12, imm. 1, nr. 2 tunngavigalugu allagaatinut paasissutissiisutigineqartussanut allagaatit ilaannik ilaatitsisoqassanngippat piumasaqaataavoq ilanngussinngitsoor-neq aningaasaqarnermut tunngasutigut annertuumik sunniuteqassasoq. Taamaattu-mik paasissutissap tunniunneqarnerata suliffeqarfimmuut il.il. aningaasaqarnikkut sun-niuteqartussaanaera immi allagaatinik paasissutissiinissamik itigartitsinermut tun-ngavilersuutaasinnaanngilaq, tassami annertuumik sunniuteqarnermik piumasaqaat aamma eqqortinneqarsimasussaammat. Tusarniaasoqartariaqassappat piumasaqaa-tit taakku tunngavissaqartumik nalornissutigineqarsimassapput.

Pisortat ingerlatsinerat pillugu paasitinneqarsinnaatitaaneq pillugu Inatsisartut inat-sisaat pisortat ingerlatsinerat pillugu paasitinneqarsinnaatitaaneq pillugu Danmark-i inatsimmi tunngaveqarpoq. Paasissutissani pineqartup tusarniaavigineqartarnera-

nik apeqquut pisortat ingerlatsinerat pillugu paasitinneqarsinnaatitaaneq pillugu inatsisip allanngortinneqarnera pillugu isumaliutissiisummi nr. 857-imi, 1978-imeersumi qupperneq 279, sp. 2-mi imatut eqqartorneqarpoq:

"(...)

d. Pineqartup allagaatinik paasissutissiinissamut akornusiisumik soqutigisaqarsinnaasup tusarniaavigineqartarnera

Inatsisissatut missingiut paasitinneqarsinnaatitaaneq pillugu isumalioqatigiissitamit suliarineqartoq § 2, imm. 4-mi allagaatinik paasissutissiisoqarnissaanik aalajangiisoqannginnerani pineqartumit paasissutissat tunniunneqarnissaannut akornusiisinnaasumik soqutigisaqartumit oqaaseqaammik pissarsinartoqarsinnaanera pillugu aalajangersakkamik imaqarpoq.

(...) Aalajangersagaq taanna pisariaqanngitsutut ilanngunneqanngitsoorpoq, taassumalu pinngitsoorani tusarniaasarnissamik malittarisassanngortinneqarnissaa naleqquttutut isigi-neqanngilaq, suliamik suliarinninnerup sivitsuloorunneqalersinnaanera pissutigalugu.

(...) (Atorfeqarfimmi nutsigaavoq)

Taamaalilluni tusarniaaneq eqqarsaatigalugu pisut ataasiakkaarlugit aningaasaqar-nikkut sunniuteqartoqarneranik, taamaattoqarpallu annertuunik sunniuteqartoqarne-ranik piumasaaqatip eqqortinneqarneranik naliliisoqartarnissaa siunniunneqarpoq. Paasissutissani pineqartup - pineqartoq tusarniaavigineqartussaataaannikkaluartooq - nalinginnaasumik tusarniaavigineqartarneranik periaatsip manna nassataraa, tas-salu suliani pissutissaqartumik nalornissutissartaqanngitsuni suliamik suliarinninne-rup pisariaqanngitsumik sivitsuloorunneqarnera.

Tamanna tunngavigalugu isumaqarpunga periaaseq Naalakkersuisut Allattoqarfiata e-mailimi 9. maj 2007-imi nassiussaani allaaserineqartoq pisortat ingerlatsinerat pil-lugu paasitinneqarsinnaatitaaneq pillugu Inatsisartut inatsisaanni § 16, imm. 1, aalajangersakkap taassuma tunngavia aamma sulianik allagaatinik paasitinneqarnis-samik qinnuteqaatit pilertortumik suliarineqartarnissaannik tunngavik eqqarsaatiga-lugit atorneqarsinnaanngitsoq. Tusarniaanermi ataatsimut taamatut periaaseqarneq isorisariaqartutut isigaara.

Oqaatigaara Naalakkersuisut Allattoqarfiata suliffeqarfinnik marlunnik taakkuninnga tusarniaanera pineqartoq pisariaqarsimanersoq matumani isummerfiginngikkiga.

4. Naggasiutaasumik oqaaseqaatit

Naalakkersuisut Allattoqarfiat naggasiutit qinnuigaara oqaaseqaatikka allagaatinik paasitinneqarnissamik qinnuteqaatit inatsisitigut tunngavigisanut naapertuuttumik suliarineqartarnissaannik siunissami qulakkeerinninnissaq siunertaralugu qanoq iliuseqarnissamut pissutissaqalersitsinersut paasissutissiisutigeqqullugu."

Naalakkersuisut Allattoqarfiat allakkatigut 11. december 2007-imeersutigut imatut akivoq:

"A-p suliame allagaatinik paasitinneqarnissamut tunngasumi Naalakkersuisut Allattoqarfiannik naammagittaalliutaa pillugu Inatsisartut Ombudsmandiata oqaaseqaataa Naalakkersuisut Allattoqarfiata tiguaa.

Inatsisartut Ombudsmandiata Naalakkersuisut Allattoqarfiat oqaaseqaammimi qinnuigaa oqaaseqaat allagaatinik paasitinneqarnissamik qinnuteqaatit malittarisassatigut tunngavigisamut naapertuuttumik suliarineqartalernissaannik siunissami qulakkeerinninissaq siunertaralugu qanoq iliuuseqarnissamut pissutissaqalersitsinersoq paasissutissiissutigeqqullugu.

Naalakkersuisut Allattoqarfiata tamatumunnga atatillugu oqaatigissavaa suliame allagaatinik paasitinneqarnissamut tunngasut Allattoqarfimmi sulisunut inatsisilerinermik tunuliaqutaqartunut saqqummiunneqartarniartut, taakkulu suliamek suliarinittuq pisariaqarneratut annertutigisumik ilit-sersortassagaa." (Atorfeqarfimmi nutsigaavoq)

Akissut imatut paasivara malittarisassatigut tunngavigisamik uanga paasinninnera Naalakkersuisut Allattoqarfiata isumaqatigigaa oqaaseqaatikkalu tusaatissatut tigugai, inatsisilerituumullu Allattoqarfiup oqaatigisaatut aallaqqaasiutaasumik saqqummiussinerup suliame paasinninnermut tassunga naapertuuttumik suliarineqartarnissaasa qulakkeerneqarnerat siunertarissagaa. Suliamek suliarinninnera tamatuma kingornatigut Naalakkersuisut Allattoqarfiannut allakkatigut 19. december 2007-imeersutigut imaattutigut inaarlugu suliaraara:

"Allagaatinik paasitinneqarnissamik qinnuteqaammimi Allattoqarfimmit suliarineqarneranik A-p naammagittaalliutaa pillugu oqaaseqaatinnut 7. november 2007-imeersumut Naalakkersuisut Allattoqarfiata akissutaa 11. december 2007-imeersoq tiguara.

Naalakkersuisut Allattoqarfiat oqaaseqaatinni qinnuigaara oqaaseqaatiga allagaatinik paasitinneqarnissamik qinnuteqaatit malittarisassatigut tunngaviusoq naapertorlugu siunissami suliarineqartarnissaat siunertaralugu Allattoqarfiup qanoq iliuuseqarnissaanut pissutissaqalersitsinersoq paasissutissiissutigeqqullugu.

Naalakkersuisut Allattoqarfiata tamanna pillugu oqaatigaa allagaatinik paasitinneqarnissamik qinnuteqaatit pillugit suliame Allattoqarfimmi inatsisilerinermik tunuliaqutaqarluni sulisumut siunissami saqqummiunneqartalerniartut, taassumalu sulianik suliarinittuq pisariaqarnera naapertorlugu ilit-sersortarsinnaagaa.

Taamaaliornissamut tunngavissaqarnerasoq pillugu naliliinerup kingornatigut allagaatinik paasitinneqarnissamik qinnuteqaammimi pineqartoq kisiat Naalakkersuisut Allattoqarfiata tusarniaaffigisalissagaa tamatuma ilaatigut nassatarigaa naatsorsuutigaa.

Allagaatinik paasitinneqarnissamik qinnuteqaatit akuerineqartarnerat erseqqissumik aallaaviusoo akuersinerlu sapinngisamik pilertornerpaamik pisassasoo oqaatigalugu Naalakkersuisut Allattoqarfiata akissutaa aamma maluginiarpara.

Tamatuma kingornatigut suliame annertunerusumik iliuuseqaqqissanngilanga."

Kommunit

5.6. Ulluunerani paaqqinniffiit

5.6.1. Akiitsoqartoqanngitsoq kukkusumik paasissutisseereerluni akiliuteqartoqaaqqinnissaanik piumasaqaammik kommunip aalajangiusimannin-nera

A-p akiliiniartaraluarnanarut atatillugu akiitsoqartoqanngitsoq kommuni arlaleriarluni uppersaasarsimagaluartoq ulluunerani paaqqinniffimmiittuteqarnermut akiliuteqartoqaaqqinnissaanik piumasaqaammik kommunip aalajangiusimanninera A-p Ombudsmandimut naammagittaalliuutigaa.

Kommunip A-mut eqqunngitsumik paasissutissiisimanninera isoralugu Ombudsmandi oqaaseqaateqarpoq, inassuteqaatigalugulu akiliisoqarnissaanik piumasaqaatip aalajangiusimaneqarsinnaaneranik apeqqut kommunip suliareqqissa-gaa, isiginiagassat suliamut attuumassuteqartut ilanngullugit aamma pigisanik inatsiseqartitsineq pillugu tunngaviit nalinginnaasut naaportorlugit (J. nr. 11.10.15.10/003-07)

K Kommunip aappariit ernerata 2006-imi julip qaammataata affaani, augustip, septemberi oktoberillu qaammataanni meeraaqqerivimmiittuteqarnermut akiligiassumik A-mut uianullu B-mut nassiussisimanninera A-p allakkatigut 16. november 2006-imeersutigut naammagittaalliuutigaa, allakkallu taakku Naalagaafiup Kalaallit Nunaanni Sinniisaanit 5. januar 2007-imi tiguakka. A akiriliiisuteqaraluartoq akiliuteqartoqaaqqinnissaanik piumasaqaat kommunip aalajangiusimasimavaa.

A akiliisitsiniarneq sioqqullugu kommunimut arlaleriarluni saaffiginnittarsimavoq, ulluunerani paaqqinniffimmiittuteqarnermut qaammammut akiliutit akilerniarlugit. Akiligassaartoqanngitsoq kommunip saaffiginninnerni taakkunani oqaatigarsimavaa.

Kommunip akilersinniaqai akilissanerlugit apeqqut naliliiffigissagiga A-p tamatum kingornatigut kissaatigaa.

A-p naammagittaalliuutaa tunngavigalugu K Kommunimut 17. januar 2007-imi imatut allappunga:

"A-p naammagittaalliuutaa 16. november 2006-imeersoq, assilineri ilanngullugu nassiunneqartoq Ombudsmandip 5. januar 2007-imi tiguaa.

Saaffiginnissut imatut paasivara A-p ernerata ...-p 2006-imi julip qaammataata affaani kiisalu augustip, septemberip oktoberillu qaammataanni meeraaqqerivimmiinneranut akiliutit akilersin-niarneqarneranni K Kommunip suliamik suliarinninnera A-p naammagittaalliuutiginiaraa, tassa-mi A-p oqaatigimmagu piffissami pineqartumi akiliuteqartoqannginnissaa kommunip arlaleriar-luni oqaatigisarsimagaa.

A-p saaffiginnissutaa misissuineramik aallartitsinermut pissutigissallugu naammannersoq nalilii-nissannut suli tunngavissaqanngilanga. Taamaattumik K Kommuni qinnuigaara mappi allagaati-nik A-mut tunngasunik imalik kiisalu meeraaqqeriviup mappiutaa allagaatinik A-p erneranut ...-mut tunngasunik imalik atukkiutequllugit.

(...)"

Kommuni akissuteqaqqullugu 19. februar 2007-imi nukingisaarpara.

Suliami allagaatit oqaaseqaammik imaattumik ilaqartillugit K Kommunip 7. marts 2007-imi nassiuppai:

"Paaqqinniffiit allaffianniit A-p ernerata ...-p meeqqerivimmiinneranut tunngatillugu, akiliuti-gisartakkaminik naammagittaalliuutaanut tunngatillugu pappilissanik akissuteqarfiginiarpassi.

Saagia maanngaaniit assut eqqumiiginarsimavoq, kisianni takusinnaasara malillugu 16. juni 2006-imi iserteriarlugu aamma taanna ulloq anisimavoq, kisianni 1. juli iserpoq, napparsimaqat-taarnera pequtaalluni junip affaa 2006 tunngatillugu akiliutaa utertinneqarpoq.

Maluginngitsoorsimavara (regningiliummut) påligningit ilaaneq ajortut, aatsaallu novemberimi 2006-imi takkuttarnera allattorsimaffiani takugakku paasillugu påligningimut ilaaneq ajortoq.

Taamaasillunga novemberimi regningiliorsimallunga, qaammatit taakku akilersimannngisaanut tunngatillugu. Akiliartorsimagaluarput kassemut, tassalu påligningimut ilaaneq ajormata mee-qqerivimmut akiligassai saqqumineq ajormata isumaqarsimagamik akiligassaqaarnatik. Paasissutis-satut ilanngukkusukkaluarpara uagut allaffitsinnut saaffiginnissinnaasimagaluarmik sooq mee-qqerivimmut akiligassaqaarneq ajorlutik.

Ajuusaarnarpoq K Kommunip atortorissaarutaa qarasaasiatigut paasissutissat amigarneri peq-qutaallutik A-kkut akiliiniarnerminnik ajornartorsiorsimammata, nalunaarutigineqassarli allaffi-gineqarsimammata 1. juni 2006 nukappiaqqap ...-p paaqqinniffimmi qaammammut akiliutissaq kr. 2.074,00-iummat ukiumi 2004-mi A-kkut isertitaat tunngavigalugit kr. 329.558,00, Namm. Oqart. Peqqussutaat nr. 28, 13. september 1989-imeersoq.

(...)

Kopia A-kkunnut nassiunneqarpoq."

Kommunip allagaasa assilnera A-mut 22. marts 2007-imi nassiuppara, suliame illua'tungiusup isumaanik tusarniaatitut, taannali oqaaseqaatinik tassunga tunngasuni uannut nalunaaruteqanngilaq.

Tamatuma kingornatigut imaattunik oqaaseqaateqarpunga:

"Suliami pisimasut

Suliami uppernarsaasiussat tunngavigalugit makku misissuininnut tunngaviutippakka:

... meeraaqqerivimmi 16. juni 2006-imi aallartissimavoq. K Kommunip oqaatigaa ... meeraaqqerivimmiittarunnaartutut aqutsinermi allaffissornikkut kukkulluni nalunaarutigineqarsimasoq. Taamattorli meeraaqqerivimmi pilersaarutigineqartutut 1. juli 2006-imi aallartissimavoq.

K Kommuni 1. juni 2006-imi aalajangiivoq meeraaqqerivimmiittuuteqarnermut qaammammut aalajangersimasumik akiliutit-iussasut.

A 2006-imi november sioqqullugu kommunimut arlaleriarluni saaffiginnittarsimavoq, ulluunerani paaqqinniffimmiittuuteqarnermut qaammammut aalajangersimasumik akiliutinik akiliinissaq siunertaralugu. Piffissamut tassunga akiligassaqaanngitsoq kommunip saaffiginninnerni taakkunani oqaatigisarsimavaa.

2006-imi julip qaammataata affaani, augustimi, septemberimi oktoberimilu meeraaqqerivimmiittuuteqarnermut A-kkunnut akiligassiissut kommunip 21. november 2006-imi nassiussimavaa.

Kingumoortumik akiliisoqarnissaanik kommunip piumasagaataa

Suliami allagaatinit tiguneqartunit erserpoq ulluunerani paaqqinniffimmiittuuteqarnermut aalajangersimasumik akiliteqartoqarnissaanik kommuni meeqqat ulluunerani kommunip paaqqinnittarfiutaaniittarnerinut kommunimillu ingerlanneqartumik angerlarsimaffimmi ulluunerani paarineqartarnerinut akiliut pillugu Namminersorerullutik Oqartussat nalunaarutaat nr. 28, 13. september 1989-imeersoq tunngavigalugu 1. juni 2006-imi aalajangiivoq.

Inatsisitigut tunngavigisaq kingusinnerusukkat allanngortinneqarsimavoq, tamannali suliamik uanga naliliininnut sunniuteqanngilaq, tassami allannguut taanna kommunip akiliteqartoqarnissaanik aalajangiinerata kingornatigut pisimammatt.

Nalunaarummi tassani angajoqqaat akiliutaat pillugit imaattunik allassimasoqarpoq:

"§ 1. Kommunalbestyrelsip ulluunerani paaqqinnittarfimmiinnermut kommunillu ingerlataanik angerlarsimaffimmi ulluunerani paarsisitsisarnermut ukiumut akiliutissaq aalajanger-tassavaa ukiumut ingerlatsinermi paaqqinnittarfiup meeqqamut ataatsimut inissap aningaa-sartuutaanera naatsorsuutigalugu.

Imm. 2. Akiliutissaq kommunalbestyrelsimit aalajangerneqartassaaq ukiumut naatsorsuiffiu-sumut ataatsimut paaqqinnittarfiup ulluuneranilu paarisitsisarnerup aningaasartuutissatut missingersuusiai tunngavigalugit.

Imm. 3. Angajoqqaat akiliutissap angissusianik nalunaarfigineqartassapput ukiup naatsor-suiffiup aallartinnissaa qaammammik ataatsimik sioqqullugu.

Imm. 4. (...)"

Kingumoortumik akiliisitsisinnaaneq meeqqanik inuusuttunillu ikiorsiisarneq pillugu Inatsisartut peqqussutaatigut imaluunniit akiliutit pillugit nalunaarutikkut aalajanger-saavigineqarsimannngilaq. Taamaattumik uanga paasinninnera unaavoq apeqqut taanna pigisat pillugit inatsiseqartitsinermi tunngaviit nalinginnaasut tunngavigalugit aalajangiivigineqartariaqartoq.

Akiitsoqartoq akiitsuminik pisassarisaqartumut akiliissappat akiitsoqartup akiitsumi-nik tamarmiusunik akiliinissaa soorunalimi aallaavigineqartarpoq. Taamaalilluni pingaarnertut aamma malittarisassaavoq akiitsoqartoq akiliisimannngippat imaluun-niit akiliinikinaarsimappat aningaasat sinnerisa akilernerneqarnissaat pisassarisaqartup piumasaqaatigisinnaagaa. Aallaavilli taanna pisut ilaanni sakkukillineqartarpoq, tas-salu pisuni akiitsoqartup naatsorsuutigilluinnarpagu pisassarisat tamakkiisumik inaa-rutaasumillu akilersimallugit.

Taamaalilluni kingumoortumik akiliinissamut pisussaaffiup atorunnaarsimasinnaane-ranik naliliinermi aalajangiisuusoq tassaavoq akiitsoqartup akiitsumi (sinnerisa) suli piunerannik nammineq naatsorsuutiginninnera.

Akiitsoqartoq akiitsoqarnissamut isumaqarnissaminut pissutissaqarsimappat kingu-moortumik akiliisoqarnissaanik piumasaqaatip akuerineqartariaqarneranik itigartin-neqartariaqarneranilluunniit aalajangiiniarnermi immikkuualuttut sinneri ilanngun-neqassapput.

Tamanna pillugu eqqartuussutigineqarsimasut aallaavigalugit apeqqummik nalilii-nermut ataatsimut malittarisassanik saqqummiussisoqarsinnaannngilaq. Immikkoortut suliani pineqartuni pingaartillugit isiginiarneqarsimasut ilaat kisiisa eqqartuussiviit erseqqissarsimavaat, matumani makku ilanngullugit eqqarsaatigalugit:

- Akiitsut kia naatsorsorsimagai,
- naatsorsuineq sooq eqqortuusimannnginnersoq,
- suliame illua'tungiusut arlaata kia akiitsut qanoq amerlatiginerat naatsorsussallugu misissussallugulu periarfissaqarsimanersoq,
- akiitsoqartup akiligassaqaarfigineqartullu mianersuaalliorneri, aamma

- akiitsoqarfiup kukkuneq piffissap naammaginartumik sivisussuseqartup iluani aaqqissimaneraa.

Tamatumunnga uiggiullugu uanga paasinninnera unaavoq pisut qanoq ituunerat a-pequtaatillugu aaqqissuussisarnermik tunngaveqarneq pingaartillugu annertungaatsiartumik isiginiarneqarsinnaasoq, tassalu pisassarisaqartoq pisortani oqartussasuuppat innuttaasut ingerlatsiviup paasissutissiissutaanik tatiginnillutik isummerfiginnissinnaanerminnik taannalu tunngavigalugu aaqqissuussisinnaanermik soqutigisaqarnerat. Isiginninnerup taassuma pissusissamisoortumik manna nassataraa, tassalu akiitsoqartup eqqummaariffiginninnissaanik piumasaqaatit sakkukilliallatsinnekassasut, pisassarisaqartumulli piumasaqaatit tamatumunnga peqatigitillugu sakkortusisinneqassasut.

Uanga paasinninnera unaavoq A-p kingumoortumik akileeqqusinermut akerliliissuteqarneranik K Kommuni isummerfiginninneratigut, kommunip uannut allagaani 7. marts 2007-imeersuni nassuiarneqarsimasutut, kommunip kingumoortumik akileeqqusinermik piumasaqaaminik aalajangiusimanninniarluni aalajangernera sukumii-suunngitsunik tunngaveqarluni pisimasoq.

Taamaattumik kommuni qinnuigaara suliaq suliareqqeqqullugu, isiginiagassat matuma suliani nassuiarsimasakka isiginiarlugit.

Kommuni qinnuigineqarpoq kommuni aalajangiippat aalajangiinerup assilinera uannut nassiuteqqullugu.

Kommunip eqqunngitsunik paasissutissiinera

Immikkut oqaatigaara ingerlatsiviup sulinermini manna nakkutigissallugu pisussaaffigigaa, tassalu paasissutissat oqartussaasunit avammut tunniunneqartut inatsiseqartitsinikkut pissusiviusutigullu eqqortuussasut imalu annertutigalutillu immikkualuttulersugaatigissasut paasissutissanik tigusaqartup paasitinneqarnissamik pineqartumik pisariaqartitsineranut naammaginartumik matussutissiisinnaasussaallutik.

Uanga paasinninnera unaavoq K Kommuni tamatuma nassatarisaanik meeqqap ulluunerani paaqqinnittarfimmiitinneqarneranut akiliuteqartitsinermik apeqqut pillugu A-p november 2006 sioqqullugu saaffiginnissutai tunngavigalugit erseqqinnerusumik misissuinissaminut pisussaaffeqarsimasoq.

Kommunip apeqqummik qulaajaaniarsimannginnera tamannalu tunngavigalugu aalajangersimasumik akiliutit eqqarsaatigalugit akiitsoqannginneranik paasissutissanik eqqunngitsunik A-mut tunniussisimanera isorisariaqartutut isigaara.

Ingerlatsiviup suliamik suliarinninnerata amigaateqartup taarsiissuteqarnissamut oqartussaasup pineqartup akisussaatinneqarnera nassatarisinnaavaa. Suliap uannut paasissutissiissutigineqarnera malillugu A kommunip kukkussuteqarneratigut annaa-

saqarsimangilaq, annaasaqartoqarsimanissaalu akisussaatissoqassappat piimasaqaataasussaavoq.

Ingerlatsivilli kukkussutigineqarsimasunik aaqqiinissaminut pisussaaffeqarpoq, taamaalilluni innuttaasoq pisut qanoq ittuunerat aalajangiisuutillugu suliamik suliarinittuqarsimasutullusoq inissillugu.

Kommuni suliamik suliarinneqqereerluni A-kkut kingumoortumik akiliinissaannik piimasaqaat suli atuuttoq inernilippat kommuni qinnuigineqarpoq kukkussutigineqarsimasoq kommunip qanoq iliorluni aaqqinniarneraa uannut immikkut nalunaarutigequllugu."

K Kommuni allakkatigut 7. december 2007-imeersutigut imatut akivoq:

"A-p naammagittaalliuutaa pillugu suliaq K Kommunip Inatsisartut Ombudsmandiata suliami kingullermik akissutaa tunngavigalugu maanna suliarereerpaa.

Suliap misissoreerneratigut ataani atsiortut ulluunerani paaqqinnittarfinnut allaffimmi overassistent ...-mik 5. dec. 2007-imi oqaloqatiginnissimapput, tassanngalu erserluni meeqqap ulluunerani paaqqinnittarfinnut nalunaarutigineqarnerani allattuinermi kukkuneq pinngorsimasoq. Meeqqap nalunaarutigineqarfippiaani overassistentip kukkulluni meeraq aamma anisillugu nalunaaruteqarsimanageratigut kukkussut pinngorsimavoq. Qarasaasiakkut ingerlatsinermi akiliuteqartitsinissap ilusissaanik pilersitsisimanginneratigut tamanna sunnuteqaataavoq, tassanngalu angajoqqaat akiliutinut kinguaattoorutissaat siumut ullulerneqarsinnaasimanani.

Ataani atsiortup overassistenti siunnersoqatigereerlugu isumaqatigiippugut A aggeqquniarlugu suliaq pillugu nalunaaruteqarniarluta, taamaalilluni akiligassiissut katillugit ... kr.-nik aningaasartaqtoq piaartumik akilersinneqarniassammat.

A ullumikkut ataatsimiigiaqquneqarpoq suliallu ingerlanneqarneranik ilisimatinneqarluni, tassa-nilu uagut kultureqarnermik, atuartitsinermik meeqqanullu tunngasunik ingerlatsivimmit kukkus-sut qanoq ililluni pinngorsimanersoq paasillugu. A ataatsimeeqatigeqqaarneqarnermi kingornati-gut aningaasat qulaani taaneqartut utertillugit akilernerneqarnissaannik ilisimatinneqarpoq. (Upper-narsaatit ilanngullugit nassiuunneqartut takukkit).

K Kommunip, matumani kultureqarnermik, atuartitsinermik meeqqanullu tunngasunik ingerlatsi-vik kiisalu ulluunerani paaqqinnittarfinnut allaffik ilanngullugit eqqarsaatigalugit, suliaq inger-lanneqarsimanagera matumuuna ajuusaarutigaa, taamaattumillu siunissami sulianik ingerlatsinerit taamatut ittut pinngitsoortinniarnissaat anguniassallugu." (Atorfeqarfimmi nutsigaavoq)

Kommunip akissutaa ukiup nalunaarusiuunneqartup naanerami suli isummerfi-ginngilara.

5.7. Innarluutillit

5.7.1. Ilaqutariinnermut Pisortaqarfiup pisinnaatitaaneriniq kommuninut aalajangersimasunut isumaqatigiissutitut ilusiliinikkut isumagisassanngortitsinermi Ilaqutariinnermut Pisortaqarfimmut naammagittaallior-nissamut periarfissaq

K Kommunip paaqqinninersiutiniq tunniussineq pillugu aalajangiineraniq A-p naammagittaalliuutaanut atatillugu Ombudsmandip malugaa annertuumik innarluutillit ikiorserneqartarnerat pillugu Inatsisartut peqqussutaat nr. 7, 3. november 1994-imeersoq tunngavigalugu aalajangiinissamut pisinnaatitaaneq Ilaqutariinnermut Pisortaqarfiup isumaqatigiissutitut ilusilerlugu kommuninut aalajangersimasunut isumagisassanngortissimagaa.

Ombudsmandip oqaatigaa pisinnaatitaanermik inatsisikkut tunngavissaligaasumik avammut isumagisassanngortitsinermi oqartussaasumut aalajangiinissamut pisinnaatitaaqqaartumut naammagittaalliornissamut periarfissaq piusoq, oqartussaasumullu qulliuernerusumut naammagittaalliornissamut periarfissamik taassuminnga mattussisoqassappat tamanna inatsisikkut tunngavissaqarnissamik piunasaqaateqarfiusoq.

Taamaattumik suliaq Ombudsmandip Ilaqutariinnermut Pisortaqarfimmut ingerlateqqillugu nassiuppaa, inassuteqaatigalugulu A-p naammagittaalliuutaa pisortaqarfiup aalajangersimasumik sulairissagaa. (J.nr. 11.10.17.04/084-06)

A-p K Kommuni pillugu naammagittaalliuutaa 3. oktober 2006-imi tiguara, taannalu allakkatigut 30. oktober 2006-imeersutigut Ilaqutariinnermut Pisortaqarfimmut ingerlateqqillugu nassiuppara:

"Naammagittaalliuut ilanngussartalik, assilineria ilanngullugu nassiunneqartoq A-mit tiguara.

Naammagittaalliuut imatut paasivara A-p panimmi angerlarsimaffimmi paaqqutarineranut atatil-lugu sulinermi isertitanut taarsiissutiniq tunineqarnissani K Kommunip itigartitsissutigimmagu A-p naammagittaalliuutiginiaraa.

K Kommunip allagaanit 31. august 2006-imeersunit uannut naammagittaalliummut ilanngullu-gu nassiunneqartumit erserpoq A piffissami 16. august 2006-imit 31. december 2006-ip tungaanut ullormut nalunaaquttap akunnerinut arfineq pingasunut paaqqinninersiutisialer-neqartoq.

Aalajangiineq taanna A-p sulinermi isertitanik annasaqarnermut taarsiiffigineqarnissamik qin-nuteqaataanut ilaannakortumik itigartitsisoqarnissaanik K Kommunip aalajangiinerata 9. maj 2005-imeersup allanngortinneqarnissaanik Isumaginninnermi Naammagittaalliuuteqartarfiup aalajangiineraniq 28. april 2006-imeersumik isumasiulluni aalajangiinertut iluseqarpoq, tassami kommunip sapaatit akunnerannut nalunaaquttap akunneri 20-t kisiisa akuersissutigisimmagit.

Naammagittaalliummut aammattaq ilanngullugu nassiunneqarpoq K Kommunip allagai ullulneqarsimangitsut. Taakkunani oqaatigineqarpoq A piffissami 1. januar 2006-imit 31. december 2006-imut sapaatit akunnerannut nalunaaquttap akunnerinik 20-nik sulinermi isertitanut anaasanut taarsiissuteqarfigigaa.

Naatsorsuutigaara allakkat taakku A-p sulinermi isertitanik ullormut nalunaaquttap akunnerini arfineq pingasuni annaasanik taarsiiffigineqarnissamik 29. december 2005-imi qinnuteqaatigeqqitaanut, naammagittaalliummut ilanngullugit aamma nassiunneqartunut, K Kommunip itigartississutigisaatut isigisariaqartut.

Pisartakkanik taaneqartunik tunniussisarneq annertuumik innarluutillit ikiorserneqartarnerat pillugu Inatsisartut peqqussutaatigut nr. 7-ikkut, 3. november 1994-imeersukkut aalajangersaavigineqarsimavoq. Aalajangersagaq tassunnga tunngasoq imaattunik oqaasertaqarpoq:

"§ 9. Annertuumik innarluutillip angerlarsimaffimmini paaqqutarineqarnera sulilluni isertitassaagaluanik annaasaqarnermik kinguneqarsimappat pisuni immikkut ittuni innarluutilimmik ulluinnarni paaqqutarinnittuusoq aningaasarsiaqartinneqarsinnaavoq.

Imm. 2. Taamaattorli annerpaamik tunniunneqarsinnaapput SIK-p Pisortallu isumaqatigiissutaat naapertorlugit akissarsiat minnerpaaffissaat sukkulluunniit atuuttut."

Peqqussummi tassani § 22 imaattunik oqaasertaqarpoq:

"§ 22. Peqqussut manna tunngavigalugu innarluutilik ikiorserneqarsinnaanersoq, aamma sutigut qanorlu annertutigisumik ikiorserneqassanersoq Isumaginninnermut Pisortaqarfiup aalajangiiffigissavaa.

Imm. 2. Isumaginninnermut Pisortaqarfik siumoortumik akuersissuteqarteqqaarnagu isumaginninnermut ataatsimiititaliaq annertuumik innarluutilimmut ikiorsiisimappat kommunimut aningaasartuutit taakku utertillugit akilernerneqarsinnaanngillat.

Imm. 3. Peqqussut manna tunngavigalugu Isumaginninnermut Pisortaqarfiup akuersissuteqarsimaneratigut kommunit aningaasartuutigisimasaasa kommuninut utertillugit akilernerqartarnerini malittarisassat Naalakkersuisut aalajangersarsinnaavaat."

Annertuumik inaarluutillit ikiorserneqartarnerat pillugu Namminersornerullutik Oqartussat nalunaarutaannit nr. 28-mit, 22. december 2000-imeersumit makku erserput:

"§ 43. Inuk annertuumik innarluutilik nammineq angerlarsimaffimmini najugaqarpat ulluinnarni paaqqutarineqarneranik isumaginnittoq aningaasarsiaqartinneqarsinnaavoq. Taamaattorli piumasarineqarpoq pineqartup taamaaliornermigut nalinginnaasumik isertitaqarnissani tamakkiisumik ilaannakortumilluunniit annaasimassagaa.

Imm. 2. Nammineq meerarisamik paarsinnermut taamaallaat aningaasarsiaqartitsisoqarsinnaavoq ulluunerani paaqqinniffimmi paarsineq periarfissatut naleqquttuunngippat.

Imm. 3. Nal. akunneri qassit aningaasarsiaqarfiussanersut Isumaginninnermut Pisortaqarfiup nunap immikkoortuini immikkoortoqarfiisa naliliiffigisassavaat.

Imm. 4. Nal. akunneranut aningaasarsiassat Isumaginninnermut Pisortaqarfiup ukiumut ataa-siarluni aalajangersartassavai. Nal. akunnermusiat SIK-p isumaqatigiissutai malillugit suliamik ilinniagaqanngitsup nal. akunnermusiaatut annerpaamik amerlassuseqarsinnaapput."

Ilaqutariinnermut Pisortaqarfiup annertuumik innarluutillit ikiorserneqartarnerat pillugu ilitser-suusiaani 2005-imi naqqiivigineqarsimasumi immikkoortoq 4-mi qupperneq 64-imit makku er-serput:

"Innarluutillit pillugit malittarisassat aqunneqarnissaannut oqartussaassuseqarneq kommunit Ilaqutariinnermullu Pisortaqarfiup akornanni agguataarneqarsimavoq, taamaalilluni kommunip suliamik ingerlatsineq isumagisassarlugu, aamma Ilaqutariinnermut Pisortaqarfik akuersis-suteqarnermut oqartussaassuseqarluni.

Inuit annertuumik innarluutillit innuttaasut allat pisarnerattulli kommuni najugarivitartik ikior-serneqarnissamik qinnuteqaateqarfisussaavaat.

(...)

Tamatuma kingorna isumaginnittoqarfik isumaginninnermut ataatsimiititaliamut aalajangiisus-samat inassuteqaasiussaaq. Ulluinnarni suliassat ilarpassuini aalajangiinissamat oqartussaassu-seqarneq isumaginnittoqarfimmut nuunneqarsimavoq, kisianni suut tamarmik eqqortumik i-ngerlanissaat kommunip akisussaaffigaa.

Tamatuma kingorna kommunip najugarivitap inassuteqaatini ikiorsiiniutit akilerneqarnissaan-nik qinnuteqaatitalik Ilaqutariinnermut Pisortaqarfimmut (...) nunap immikkoortuini tamani in-narluutilinnut tunngasunik aqutsinermik isumagisaqartumut nassitissavaa.

Tamatuma kingorna Pisortaqarfiup suliassaq sularissavaa, akuersissuteqarnerlu pillugu allak-kat imaluunniit itigartitsineq tunngavilersuutitalik pillugu allakkat innarluutilimmut nassutis-sallugit, assilineralu kommunimut najugarivitamut nassiullugu.

Akuersissuteqarnissamat oqartussaassuseqarnermi saniatigut Pisortaqarfiup apeqqutini innar-luutilinnik suliassanut tunngasuni kommunit ilitersussallugit pisussaaffigaa."

Taamaalilluni annertuumik innarluutillit ikiorserneqartarnerat pillugu Inatsisartut peqqussutaat nr. 7, 3. november 1994-imeersoq tunngavigalugu inuup annertuumik innarluutillip ikiorserne-qarsinnaanerani kiisalu ikiorsiissutit suunissaannik annertussusissaannillu aalajangiinissamat pisinnaatitaaneq Ilaqutariinnermut Pisortaqarfimmiippoq. Taamaattumik uanga paasinneqqaar-nera unaavoq A-p peqqussut tunngavigalugu qinnuteqaataanik aalajangiiffigininnissamat K Kommunip inatsisitigut pisariaqartumik tunngavissaqarsimanera nalornarsinnaasoq.

Ilaqutariinnermut Pisortaqarfik tamanna tunngavigalugu qinnuigaara suliaq pisortaqarfiup suliar-ilerliarneraa nalunaarfigeqqullunga.

A qulaani taaneqartunik allakkatigut allatigut allakkat ukua assilinerannik ilaqartinneqartutigit ilisimatinneqarpoq."

Ilaqutariinnermut Pisorta qarfik allakkatigut 27. november 2006-imeersutigut 7. december 2006-imi tigusakkut imatut akivoq:

"A-p annertuumik innarluutillit pillugit Inatsisartut peqqussutaat nr. 7, 3. november 2006-imeersoq tunngavigalugu ikiorsiiniutinik akuersissuteqarnermut tunngasoq pillugu naammagittaalliuutaa pineqartoq pisorta qarfiup suliariniarneraa nalunaarutigeqqullugu Inatsisartut Ombudsmandia-ta Ilaqutariinnermut Pisorta qarfik allakkatigut 30. oktober 2006-imeersutigut qinnuigaa.

Ilaqutariinnermut Pisorta qarfiup oqaatigisinnaavaa innarluutilinnut tunngasuni akersissuteqarnissamut pisinnaatitaaneq missingersuutinullu akisussaaffik Ilaqutariinnermut Pisorta qarfiup kommuninut arfinilinnut 2006-imi misiligutaasumik isumagisassanngortissimagaa. Misileraalluni aaqqissuussineq taanna 2000-imi januarip qaammataani aallartinneqarpoq, innarluutilinnullu tunngasuni akuersissuteqarsinnaanermut pisinnaatitaaneq missingersuutinullu akisussaaffik K Kommunimut 1. januar 2001-imi isumagisassanngortinneqarsimalluni.

Misileraalluni aaqqissuussineq taanna annertuumik innarluutilinnik ikiorsiisarneq pillugu Inatsisartut peqqussutaanni nr. 7-imi, 3. november 1994-imeersumi § 2-mik tunngaveqarpoq. Kommunit aalajanginerit misileraalluni aaqqissuussinermi pineqartunut ilaatinneqartut Isumaginninnermi Naammagittaalliuuteqartarfiimmu toqqaannartumik naammagittaalliuutigineqartarput.

Ilaqutariinnermut Pisorta qarfiup tamanna tunngavigalugu nalunaarutigisinnaavaa suliaq taaneqartoq pisorta qarfiup suliarilersaanngikkaa.

"Misileraalluni aaqqissuussinerup ingerlanerata nalaani akuersissuteqarnissamut pisinnaatitaanerup missingersuutinullu akisussaaffiup kommuninut isumagisassanngortinneqarneranni piimasaqaatit" assilinerat Ombudsmandimut ilisimatitsissutitut ilanngullugu nassiuneqarpoq." (Atorfeqarfimmi nutsigaavoq)

Ilaqutariinnermut Pisorta qarfiimmu 12. januar 2007-imi imatut allappunga:

"Ilaqutariinnermut Pisorta qarfiup suliaq qulaani pineqartoq pillugu allagai 27. november 2006-imeersut tiguakka.

Suliaq nassiunneqartoq Ilaqutariinnermut Pisorta qarfiimmit suliarineqalissamaarnersoq nalunaarutigeqqullugu qinnutigisara eqqarsaatigalugu Ilaqutariinnermut Pisorta qarfiup oqaatigaa innarluutilinnik isumaginninnermut tunngasuni akuersissuteqarnissamut pisinnaatitaaneq missingersuutinullu akisussaaffik kommunimut katillugit arfinilinnut misiligutaasumik isumagisassanngortinneqarsimasut, matumani K Kommunimut 2001-imi isumagisassanngortitsineq ilanngullugu eqqarsaatigalugu. Taamatut misileraalluni aaqqissuussinerup annertuumik innarluutillit ikiorserneqartarnerat pillugu Inatsisartut peqqussutaanni nr. 7-imi, 3. november 1994-imeersumi (innarluutillit pillugit peqqussummi) § 2-mik tunngaveqarnera pisorta qarfiup innersuussutigaa.

Pisortaqarfiup akissutaa imatut paasivara annertuumik innarluutillit ikiorserneqartarnerat pillugu Inatsisartut peqqussutaat nr. 7, 3. november 1994-imeersoq tunngavigalugu aalajangiinissamut pisinnaatitaaneq Ilaqutariinnermut Pisortaqarfimmit kommuninut misileraalluni aaqquissuussiner-mi ilaatinneqartunut tunniunneqarsimasoq.

Taamaalilluni innarluutilinnut tunngasuni akuersissuteqarnissamut pisinnaatitaanerup missinger-suutinullu akisussaaffiup kommuninit tiguneqarneranni piumasaqaataasut pillugit allakkami pi-sortaqarfiup ilanngullugu nassiusaani qupperneq 2-mit makku erserput:

"...

[Kommunimit] inassuteqaatip akuerineqarsinnaanerata aalajangiiviginissaanut pisinnaatitaa-neq tamatuma kingornatigut Ilaqutariinnermut Pisortaqarfimmiilerpoq. Ilaqutariinnermut Pi-sortaqarfiup aalajangiineq suliarissavaa, taannalu kommunimut sullinneqartumullu pineqartu-mut nassiuutissavaa, naammagittaalliornissamut periarfissaqarneq pillugu paasissutissanik ilaqartillugu"

..." (Atorfeqarfimmi nutsigaavoq)

Qupperneq 6-imit erserpoq:

"...

Ikiorsiiniutinik akuersissutiginnitarneq kiisalu qinnuteqaatinik itigartitsisarneq.

Innuttaasut annertuumik innarluutillit pillugit malittarisassani pineqartunut ilaappata malittari-sassat tunngavigalugit aalajangiinissamut pisinnaatitaanermut akisussaaffik kommunimiippoq.

..." (Atorfeqarfimmi nutsigaavoq)

Issuarneqartulli imminnut naapertuutinnigillat, tassami aalajangiinissamut pisinnaatitaaneq assi-giinngitsunik oqaatigineqarsimammat.

Qupperneq 2-mi issuarneqartoq pisortaqarfiup uannut allakkamini oqaatigisaanut assortuuttutut aamma isikkoqarpoq, tassami kommunip misileraalluni aaqquissuussinerup nalaani pisinnaatitaa-nera tassaaginnassammat inassuteqaateqarsinnaatitaaneq, kommunip peqqussut tunngavigalugu pisinnaatitaaffigeriigaa, aamma tak. allakkakka 30. oktober 2006-imeersut.

Ilaqutariinnermut Pisortaqarfik qinnuigaara tamanna pillugu erseqqinnerusumik nassuiaateqaq-qullugu.

Taamatuttaaq Ilaqutariinnermut Pisortaqarfiup paasissutissiissutigaa pisortaqarfiup paasinninne-ra unaasoq kommunit pisortaqarfiup aalajangiinissamik isumaginnittussanngortitsinera tunngavi-galugu aalajangiineri Isumaginninnermi Naammagittaalliuteqartarfimmut toqqaannartumik na-ammagittaalliutuigineqarsinnaasut, taamaattumillu suliaq pineqartoq pisortaqarfiup suliariler-saannigikkaa.

Aallaqqaasiutitut oqaatigaara avataanut isumaginnittussanngortitsineq, torersumik pissusilersornissaq inatsiseqartitsinikkulu innarlitsaaliinissaq eqqarsaatigalugit tamanut nalunaarutigineqartariaqartoq. Tamanna atuuppoq oqartussaasup saaffiginnissutinik oqartussaasumut eqqortumut ingerlatitseqqilluni nassiussinissamik pisussaaffeqarnera apeqquataatinnagu, tak. suliassat suliari-neqartarnerat pillugu inatsimmi § 7, imm. 2, kiisalu naammagittaalliornissamut periarfissanik ilit-sersuisussaataitanera apeqquataatinnagu, tak. suliassat suliari-neqartarnerat pillugu inatsimmi § 25. Matumani Hans Gammeltoft-Hansenip allallu atuakkiaanni "Forvaltningsret"-imi, aappasaanik 2002-mi naqitertinneqartumi qupperneq 157 innersuussutigaa.

Pisortaqarfiup pisinnaatitaaqqaarnerminik kommuninut misileraalluni aaqqissuussinermit peqa-taatinneqartunut isumagisassanngortitsinera Inatsisartut peqqussutaanni § 2 tunngavigalugu nalu-naarutikkut aalajangersarneqarsimannigilaq.

Ilaqutariinnermut Pisortaqarfik tamanna tunngavigalugu qinnuigaara pisortaqarfik tamatumun-ga atatillugu qanoq iliuseqalersaarnersoq nassuiaqqullugu kiisalu misileraalluni aaqqissuussi-nermut massakkut tunngaviusutut pigineqartoq nassiteqqullugu, assersuutigalugu kommunimut pineqartunut isumaqatigiissutit aamma Naalakkersuisut aalajangiinerat.

Aamma oqaatigaara ingerlatsinermit oqartussaasup pisinnaatitaanera avammut isumagisassan-gortitsinermit tunngaveqarpat oqartussaasumut qulliunerusumut pisinnaatitaaqqaartumut tas-sunga naammagittaalliornissamut nalinginnaasumik periarfissaqartussaammat, oqartussaasumul-lu qulliunerusumut naammagittaalliornissamut periarfissaq mattunneqassappat tamatuma inatsi-sikkut erseqqissumik tunngaveqarnissaa piumasaqaataammat. Matumani Hans Gammeltoft-Han-senip allallu atuakkiaanni "Forvaltningsret"-imi, aappasaanik 2002-mi naqitertinneqartumi qup-perneq 138 tullialu aamma qupperneq 958 tullialu innersuussutigaa.

Ilaqutariinnermut Pisortaqarfiup oqaatigaa innarluutilinnut tunngasuni akuersissuteqarnissamut pisinnaatitaanerup missingersuutinullu akisussaaffiup kommunimut misiligutaasumik isuma-gisassanngortinneqarnerannut inatsisitigut tunngavigisaq annertumik innarluutillit ikiorserneqar-tarnerat pillugu Inatsisartut peqqussutanni nr. 7-imi, 3. november 1994-imeersumi § 2-miittoq. Aalajangersagaq taanna imaattunik oqaasertaqarpoq:

"§ 2. Innarluutilinnik suliassaqarfimmi paasissutissiisarnerit, misileraanerit ilisimatusarnerillu Isumaginninnermut Naalakkersuisup aallartissinnaallugillu tapiissuteqarfiginnaavai."

Peqqussutissatut siunnersuut pillugu oqaaseqaatinit makkua erserput:

"§ 2-mut:

Innarluutillit pillugit suliassaqarfik ineriartorfiujuarpoq, taamaattumillu misileraalluni aaqqis-suussinerit pilersinneqarsinnaanerit pisariaqartarluni, soorlu assersuutigalugu suliassaqarfimmi kommuninut aqutassanngorlugit nuunneqarsimasuni, aammalu paaqqinniffiit nutaat, il.il. pilersinneqarsinnaasariarlutik paaqqinniffitsigut suliassaqarfiup tamarluinnarmi allanngortinneqar-neranik kinguneqanngikkaluartumik."

Naammagittaalliornissamut periarfissaq pillugu § 27-mit makku erserput:

"§ 27. Inatsisartut peqqussutaat manna tunngavigalugu aalajangiinerit isumaginninnermut tunngasut siulersorneqarnerat aaqqissuussaanerallu pillugit Inatsisartut peqqussutaanni malittarisassat nalinginnaasut tunngavigalugit naammagittaalliutigineqarsinnaapput.

Imm. 2. Taamaattorli § 17, imm. 2 tunngavigalugu Isumaginninnermut Naalakkersuisumit aalajangerneqartut aqutsinikkut oqartussamut allamut naammagittaalliutigineqarsinnaanngillat."

Aalajangersagaq taanna pillugu oqaaseqaatini oqaatigineqarpoq:

"§ 27-mut.

Peqqussut tunngavigalugu aalajangiinerit isumaginninnermut tunngasut siulersorneqarnerat aaqqissuussaanerallu pillugit Inatsisartut peqqussutaanni malittarisassat nalinginnaasut tunngavigalugit naammagittaalliutigineqarsinnaapput. Tassanili ilaatinneqanngillat inissiiniartutut ataatsimiititaliat aalajangiineri, taakkumi Isumaginninnermut Naalakkersuisumut taamaallaat naammagittaalliutigineqarsinnaammata.

Assersuutigalugu isumaginninnermut ataatsimiititaliap qinnuteqaammut inassuteqaataanik Isumaginninnermi Pisortaqarfimmut nassiussinnginnissamik aalajangernera innarluutillip kommunalbestyrelsimut naammagittaalliutigisinnaasussaavaa.

Kommunalbestyrelsip aalajangiinera innarluutillip Isumaginninnermi tunngasunut Naammagittaalliuteqartarfimmut naammagittaalliutigisinnaavaa. Isumaginninnermut Pisortaqarfiup aalajangigaa innarluutillip Isumaginninnermut tunngasunut Naammagittaalliuteqartarfimmut naammagittaalliutigisinnaavaa."

Taamaalliluni inatsisitigut tunngavigisami pisortaqarfiup innersuussutigisaani pisortaqarfiup pisinnaatitaanerinik oqartussaasunut allanut isumagisassanngortitsisoqarpat pisortaqarfiup oqartussaasutut qulliunerusutut naammagittaalliorfigineqartussatut inissisimanera isummerfigineqarsimangilaq. Taamaattumik Ilaqutariinnermut Pisortaqarfiup suliamik nassiunneqartumik suliarinikkumangissinnaanera nalorninaroqartutut isigisariaqarpoq.

Ilaqutariinnermut Pisortaqarfik suliami aalajangiippat aalajangiineq, inatsisitigut tunngavigisamit ersertutut, Isumaginninnermi Nammagittaalliuteqartarfimmut kingusinnerusukkut naammagittaalliutigineqarsinnaasussaavoq.

Ilaqutariinnermut Pisortaqarfik matuma kingornatigut qinnuigineqarpoq suliamik paasinninnini pillugu nassuiaateqaqqullugu, kiisalu qulaani taaneqartut pisortaqarfiup qanoq iliuuseqarnissaanut pissutissaqalersitsinersut paasissutissiissutigeqqullugu, matumani A-p naammagittaalliutaa nassiunneqartoq ilanngullugu eqqarsaatigalugu.

Taamaaliornissamut pisinnaatitaanermik isumagisassanngortitsineq tunngavigalugu kommunip aalajangiinera pillugu A-p siusinnerusukkut naammagittaalliutaa, A-p uannut naammagittaalliutaanit ersertutut, Isumaginninnermi Naammagittaalliuteqartarfip sularereersimavaa, naak pisortaqarfik suliami aalajangiisimatinnagu Naammagittaalliuteqartarfik oqartussatut naammagittaalliorfissatut tassani eqqortuugunannikkaluartoq.

Pisortaqarfiup akissutaa tigugukku Isumaginninnermi Naammagittaalliuuteqartarfik attaveqarfiginiarpara, Naammagittaalliuuteqartarfiup misissuinerma inernilerneqarneranik ilisimatinneqar-nissaa siunertaralugu.

Maluginiarparattaq innarluutillit pillugit Inatsisartut peqqussutissaattut siunnersuummi peqqus-sut tunngavigalugu aalajangiinernik naammagittaalliuutiginnittarneq pillugu § 27 (qulaani tamar-miulluni issuarneqartoq) pillugu oqaaseqaatinit ilaatigut makku ersertut:

"...

Assersuutigalugu isumaginninnermut ataatsimiititaliap qinnuteqaammut inassuteqaataanik Isumaginninnermi Pisortaqarfirmut nassiussinnginnissamik aalajangenera innarluutillip kom-munalbestyrelsimut naammagittaalliuutigisinnaasussaavaa."

Tamatununga atatillugu malugeqquara oqartussaasumut suliassaqarfimmi pineqartumi aalaja-ngiinissamut pisinnaatitaasumut tusarniaanermut inatsit tunngavigalugu akissuteqarfissaasumut akissuteqannginnissamik kommunip ataatsimiititaliaata aalajangiinera immini uanga paasinnin-nera malillugu ingerlatsineq pillugu inatsiseqartitsineq tunngavigalugu aalajangiinerunngimmat. Innarluutillit pillugit peqqussummi Ilaqutariinnermut Pisortaqarfiup kommunillu akornanni pi-sinnaatitaanermik agguataarineq pillugu § 7-ip oqartussaasut taakkua akornanni imminnut pissu-sii kisiisa aallaavittut aalajangersaaffigai.

Taamaattumik kommunip peqqussut tunngavigalugu pisussaaffimminik eqqortitsiumannginnera-nik innarluutillip Isumaginninnermi Naammagittaalliuuteqartarfirmut naammagittaalliuuteqar-sinnaaneranut inatsisikkut immikkut tunngavissaqarnera inatsisitigut tunngavimmiinnerarneqar-nera nalorninartortaqartut isigineqartariaqarpoq.

Ilaqutariinnermut Pisortaqarfik qinnuigineqarpoq tamanna pillugu oqaaseqaatini uannut nalunaa-rutigeqqullugit.

Tamanna pillugu ilassutitut oqaatigaara isumaginnittoqarfiup aqunneqarnera aaqqissuussaanelu pillugit Inatsisartut peqqussutissaattut nr. 9-tut, 30. oktober 1998-imeersutut siunnersuummi § 7, imm. 1 (Inatsisartut peqqussutaanni nr. 11-mi, 12. november 2001-imeersumi § 8-tut ingerlateq-qinneqarsimasoq) pillugu oqaaseqaatinit ilaatigut makku ersertut:

"...

Isumaginninnermi malittarisassani isumaginninnermut ataatsimiititaliap taassumalluuniit siu-littaasuata aalajangiinissaanik aalajangersagaqartillugu aalajangiisinnaatitaaneq kommunalbe-styrelsimi, ataatsimiititaliami imaluunniit nunaqarfimmi aqutsisuni isumaginninnermi sulianik isumaginnittartumi ippoq. Taamaalillunilu tassa kommunip iluani isumaginninnermi suliami ataasiinnarmik aalajangiisoqartassaaq. Taamaammatt nunaqarfiup aqutsisuisa aalajangigai Isumaginninnermi Naammagittaalliuuteqartarfirmut naammagittaalliuutigineqassapput.

..."

Tamatuma manna nassataraa, tassalu isumaginninnermi ataatsimiititaliamit kommunalbestyrelsimut naammagittaalliuteqarnissamut periarfissap innarluutillit pillugit peqqussutissaatut siunner-suummi § 27 pillugu oqaaseqaatini allaaserineqartup, isumaginnittoqarfiup aqunneqarnera aaq-qissuussaanelu pillugit Inatsisartut peqqussutaata nr. 9-p, 30. oktober 1998-imeersup akuerine-qarneratigut inatsisitigut atuuttumut takussutissaajunnaarnera, tassami isumaginninnermut tunngasuni kommunimi aalajangiisoqartarnerani aalajangiisussaqa ataasiinnaangormat.

Naatsorsuutigaara innarluutillit pillugit peqqussut allangortinneqassappat siunissami aalajanger-sagaajumaartussaqa innarluutillit pillugit peqqussummi massakkut § 27-p assinga pillugu oqaase-qaatit isumaginnittoqarfiup aqunneqarnera aaqqissuussaanelu pillugit malittarisassanut atuuttu-nut naapertuuttunngortinneqarnissaat Ilaqutariinnermut Pisortaqarfiup isumagiamaaraa."

Pisortaqarfik akissuteqaqqullugu 15. februar 2007-imi nukingisaarpara.

Ilaqutariinnermut Pisortaqarfik 19. februar 2007-imi imatut akivoq:

"Inatsisartut Ombudsmandiata Ilaqutariinnermut Pisortaqarfik allakkatigut 30. oktober 2006-imeersutigut qinnuigaa annertuumik innarluutilinnik ikiorsiisarneq pillugu Inatsisartut peqqussu-taat nr. 7, 3. november 1994-imeersaq tunngavigalugu ikiorsiiniutinik akuersissuteqarneq pillugu K Kommunip aalajangiineranik A-p naammagittaalliutaa pineqartoq Ilaqutariinnermut Pisorta-qarfiup suliariniarneraa nalunaarutigeqaqqullugu.

Ilaqutariinnermut Pisortaqarfiup allakkatigut 27. februar 2006-imeersutigut oqaatigaa innarluuti-linnut tunngasuni akuersissuteqarsinnaaneremut missingersuutinillu akisussaaffik pisortaqarfiup ilaatigut K Kommunimut isumagisassanngortissimagaa. Ilaqutariinnermut Pisortaqarfiup tamatu-munnga peqatigitillugu nalunaarutigaa naammagittaalliut tamanna tunngavigalugu suliarineqar-nianngitsoq, naammagittaalliortorli Isumaginninnermi Naammagittaalliuteqartarfimmut saaffi-ginnittariaqartoq.

Inatsisartut Ombudsmandiata Ilaqutariinnermut Pisortaqarfik allakkatigut 12. januar 2007-imeer-sutigut qinnuigaa oqaaseqaatinik amerlanerusunik saqqummiusseqqullugu.

Ilaqutariinnermut Pisortaqarfiup oqaatigisinnaavaa Ombudsmadip "Misileraalluni aaqqissuussi-nerup ingerlanerata nalaani akuersissuteqarnissamut pisinnaatitaanerup missingersuutinullu aki-sussaaffiup kommuninut isumagisassanngortinneqarneranni piumasaqaatit"ni qupp. 6-imit issua-gaa taamaallaat annertuumik innarluutilinnik inaarluutillit pillugit peqqussut tunngavigalugu nalu-naarsuinissamut/nutaanik innarluutilinnik nalunaarsukkanut ilanngussinissamut tunngassuteqar-mat. Taamaalilluni Ilaqutariinnermut Pisortaqarfiup Inatsisartut peqqussutaat tunngavigalugu nu-taamik nalunaarsuinissamut pisinnaatitaaneq avammut isumagisassanngortissimannngilaa. Ikiors-iiniutinik qinnuteqarsinnaassagaanni annertuumik innarluutilinnik ikiorsiisarneq pillugu Inatsi-sartut peqqussutaanni pineqartunut ilaarennissaq piumasaqaataavoq, tak. § 3. Iltersuummili qupp. 6-imi aalajangersakkami pineqartoq tassaavoq iluaqusersuutinik akuersissuteqarluni aala-jangiinissamut pisinnaatitaaneq.

Taamaalilluni Ilaqutariinnermut Pisortaqarfiup paasinninnera unaavoq piumasaqaataasuni issu-akkat marluk taakku imminnut assortuuttuunngitsut, pisummi assigiinngitsut taakkunani pineqar-mata.

Ilaqutariinnermut Pisortaqarfiup Inatsisartut Ombudsmandiannut ilisimatitsissutitut ilanngullugit makku nassiuppai, tassalu "Misileraalluni aaqqissuussinerup ingerlanerata nalaani akuersissute-qarnissamut pisinnaatitaanerup missingersuutinullu akisussaaffiup isumagisassanngortinneqar-nerani piumasaqaatit tunngaviumillu isumaqatigiissut" pillugu Naalakkersuisut isummernis-saannut tunngavissiaq 20. december 2006-imeersoq, tassungalu ilanngunneqarsimalluni "Misile-raalluni aaqqissuussinerup ingerlanerata nalaani akuersissuteqarnissamut pisinnaatitaanerup mis-singersuutinullu akisussaaffiup kommuninut isumagisassanngortinneqarneranni piumasaqaatit". Tunngaviumik isumaqatigiissummi annertuumik innarluutilinnik ikiorsiisarneq pillugu Inatsi-sartut peqqussutaat tunngavigalugu inunnik nutaamik ilanngussinissaq misileraalluni aaqqissuus-sinermi ilaatinneqanngilaq. Kommuninut isumaqatigissutigineqarsimasut pineqartut nassiunne-qarnissaat Inatsisartut Ombudsmandiata kissaatigippagu Ilaqutariinnermut Pisortaqarfiup taakku aamma nassiussinnaavai.

Tunngaviumik isumaqatigiissutip inunnik nutaamik ilanngussinissap misileraalluni aaqqis-suussinermi ilaatitsinngitsup pisortaqarfiup allagaanut 27. november 2006-imeersunut ilanngul-lugu nassiunneqarsimannginnera Ilaqutariinnermut Pisortaqarfiup ajuusaarutigissavaa.

Inatsisartut Ombudsmandiata oqartussaasumut qulliinerusumut naammagittaalliuuteqarnissamut periarfissaq aamma naammagittaalliornissamut periarfissaq pillugit oqaaseqaatai Ilaqutariinner-mut Pisortaqarfiup tusaatissatut tiguaa.

Ilaqutariinnermut Pisortaqarfiup tamanna tunngavigalugu annertuumik innarluutilinnik ikiorsii-sarneq pillugu Inatsisartut peqqussutaata nr. 7-ip, 3. november 1994-imeersup allannguutissaatut siunnersuut Inatsisartut 2007-imi ukiakkut ataatsimiinneranni oqaluuserisassanut ilanngussassa-tut nalunaarutigaa. Siunnersuummi ilaatigut akuersissuteqarsinnaanermut pisinnaatitaanerup kommuninut isumagisassanngortinneqarneranut tunngavissap ullumikkut atorneqartumit suku-miinerusup ilanngunneqarnissaa ilaatinneqassaaq. Tamatumunngalu peqatigitillugu naammagit-taalliornissamut periarfissaq pillugu malittarisassat aamma allanngortineqarniarput. Siunnersuu-tigineqarpoq allannguutissatut siunnersuut 1. januar 2008 aallarnefigalugu atortuulissasoq.

Ilaqutariinnermut Pisortaqarfiup isumaa unaavoq naammagittaalliuuteqarnissamut periarfissami Ilaqutariinnermut Pisortaqarfik ilanngunneqassappat tamatuma inaarutaasumik aalajangiisoqar-nissaata tungaanut piffissaq suliamik suliarinninnermut atorneqartoq sivisunerulersissinnaassa-gaa, tamannalu innuttaasut soqutigissaanut naapertuutissanngitsaq. Taamaalilluni akuersissute-qarnissamut pisinnaatitaanerup erseqqissarneqarnera kiisalu Isumaginninnermi Naammagittaal-liuuteqartarfimmut toqqaannartumik naammagittaalliornissamut periarfissaq pisortaqarfiup na-leqqunnerpaamik aaqqiissutissatut isigai.

Aammattaq Ilaqutariinnermut Pisortaqarfiup isumaa unaavoq innuttaasut Isumaginninnermi Naammagittaalliuuteqartarfimmut toqqaannartumik naammagittaalliorsinnaanermikkut ajorne-rusumik inissimalissanngitsut, tassami taanna suliaasaqarfimmi tassani oqartussaasutut quller-paajummat. Taamaalilluni aamma Isumaginninnermi Naammagittaalliuuteqartarfik oqartussaa-sutut naammagittaalliorfissatut eqqortuusutut immi isigaaq, aamma suliani akuersissuteqar-

nissamat pisinnaatitaanerup kommuninut misileraalluni isumagisassanngortinneqarfiini. Ilaqutariinnermut Pisortaqarfik aammattaaq atugassiissutitigut apeqqutit pissutigalugit naammagittaalliutit piffissap naammaginarumik sivisussuseqartup iluani suliariniarnissaannut ajornartorsiuteqartussaavoq.

Ilaqutariinnermut Pisortaqarfiup naammagittaalliut tamanna tunngavigalugu suli suliarilersaanngilaa.

Inatsisartut Ombudsmandiata innarluutillit pillugit peqqussummi isumaginninnermi ataatsimiititaliap Ilaqutariinnermut Pisortaqarfimmut inassuteqaateqaannginnera pillugu naammagittaallior-nissamat periarfissaq pillugu § 27-mi aalajangersagaq pillugu oqaaseqaatai eqqarsaatigalugit aalajangersakkap oqaasertalersugaanerata naleqquttuunnginnera Ilaqutariinnermut Pisortaqarfiup eqqumaffigaa. Taanna innarluutilinnut tunngasunik peqqussutip allanngortiterneqarnissaani 2008-mi allaartinneqartussami ilaajumaarpoq." (Atorfeqarfimmi nutsigaavoq)

Ilaqutariinnermut Pisortaqarfimmut 23. marts 2007-imi imatut allappunga:

"Ilaqutariinnermut Pisortaqarfiup suliamut qulaani taaneqartumut atatillugu allagai 19. februar 2007-imeersut tiguakka, suliarlu matumuuna uterfigalugu.

Ilaqutariinnermut Pisortaqarfimmut 12. januar 2007-imi imatut allappunga:

"Aallaqqaasiutit oqaatigaara avataanut isumaginnittussanngortitsineq, torersumik pissusilersornissaq inatsiseqartitsinikkullu innarlitsaaliinissaq eqqarsaatigalugit tamanut nalunaarutigineqartariaqartoq. Tamanna atuuppoq oqartussaasup saaffiginnissutininik oqartussaasumut eqqortumut ingerlatitseqqilluni nassiussinissamik pisussaaffeqarnera apeqqutaatinnagu, tak. suliasat suliarineqartarnerat pillugu inatsimmi § 7, imm. 2, kiisalu naammagittaalliornissamat periarfissanik ilit-sersuisussaataitanera apeqqutaatinnagu, tak. suliasat suliarineqartarnerat pillugu inatsimmi § 25. Matumani Hans Gammeltoft-Hansenip allallu atuakkiaanni "Forvaltningsret"-imi, aappasaanik 2002-mi naqitertinneqartumi qupperneq 157 innersuussutigaaara.

Pisortaqarfiup pisinnaatitaaqqaarnerminik kommuninut misileraalluni aaqqissuussinnermi peqa-taatinneqartunut isumagisassanngortitsinera Inatsisartut peqqussutaanni § 2 tunngavigalugu nalunaarutikkut aalajangersarneqarsimannilaq.

Ilaqutariinnermut Pisortaqarfik tamanna tunngavigalugu qinnuigaara pisortaqarfik tamatumun-ga atatillugu qanoq iliuseqalersaarnersoq nassuiaqqullugu kiisalu misileraalluni aaqqissuussi-nermut massakkut tunngaviusutut pigineqartoq nassiateqqullugu, assersuutigalugu kommunimut pineqartunut isumaqatigiissutit aamma Naalackersuisut aalajangiinerat."

Ilaqutariinnermut Pisortaqarfiup Naalackersuisut isummernissaannut tunngavissiaa 20. december 2006-imeersoq pisortaqarfiup allagaanut ilanngullugu nassiunneqarpoq. Pisortaqarfik qinnuigi-neqarpoq Naalackersuisut aalajangiinerat akuerineqartoq aamma nassiateqqullugu.

Ilaqutariinnermut Pisortaqarfik aammattaq qinnuigaara misileraalluni aqqissuussineq pillugu nalunaarutip amigaataaneranut atatillugu qanoq iliuseqalersaarnini pillugu nassuiaateqakkullugu.

Maluginiarpara naammagittaalliornissamut periarfissaq pillugu oqaaseqaatikka Ilaqutariinnermut Pisortaqarfiup tusaatissatut tigusimagai, Ilaqutariinnermullu Pisortaqarfiup oqaatigaa annertuumik innarluutillit ikiorserneqartarnerat pillugu Inatsisartut peqqussutaata nr. 7-ip, 13. juni 1994-imeersup (innarluutillit pillugit peqqussutip) allannguutissaatut siunnersuutip suliarineqarnera pisortaqarfiup aallartisarimaga, taassumalu 1. januar 2008-mi atortuulersinneqarnissaa naatsorsuutigineqartoq.

Oqaatigineqarpoq aningaasaliinissamut pisinnaatitaanerup kommuninut isumagisassanngortinneqarneranut inatsisitigut tunngavissaq kiisalu naammagittaalliornissamut periarfissaq pillugu malittarisassat allannguutaat peqqussutissatut siunnersuummi ilaassasut.

Ilaqutariinnermut Pisortaqarfiup aamma oqaatigaa A-p naammagittaalliuutaa ingerlateqqillugu nassiuuneqartoq Ilaqutariinnermut Pisortaqarfiup suliarilersaanngikkaa.

Ilaqutariinnermut Pisortaqarfiup oqaatigisai imatut paasivakka pisortaqarfiup paasinninnera unaasoq kommunip aalajangiinerinik naammagittaalliuutit Isumaginninnermi Naammagittaalliuuteqartarfimmit suli aalajangiivigineqartassasut, taamatut aqqissuussinnermut inatsisitigut tunngavissaqanngikkaluartoq, tassami inatsisitigut tunngavigisassap aatsaat 1. januar 2008-mi pigineqalernissaa naatsorsuutigineqarmat.

Ilaqutariinnermut Pisortaqarfiup tamatumunnga atatillugu oqaatigaa pisortaqarfiup isumaa unaasoq Isumaginninnermi Naammagittaalliuuteqartarfimmut suliassanngortinneqarsinnaasunik Ilaqutariinnermut Pisortaqarfiup naammagittaalliornissamut periarfissaqassappat tamanna suliata massakkut suliarineqartarneranni inaarutaasumik aalajangiinerup tungaanut sivitsorsaaataassasoq, tamannalu innuttaasut tamatumunnga eqqugaasut soqutigisarianaviannngikkaat.

Ilaqutariinnermut Pisortaqarfiup paasinninnera taamatuttaaq unaavoq Ilaqutariinnermut Pisortaqarfiup naammagittaalliorsinnaanerup mattunneqarnerata innuttaasut ajornerusumik inissisimalersinnaviannngikkai, tassami Isumaginninnermi Naammagittaalliuuteqartarfik tassaammat allaffissornermi aqutsinikkut aalajangiinernik misiliiffissat qullersarisaat.

Ilaqutariinnermut Pisortaqarfiup innersuussutigaaattaq Isumaginninnermi Naammagittaalliuuteqartarfik misileraalluni aqqissuussinerni aningaasaliissutinik akuersissuteqarnermut pisinnaatitaanerup kommuninut isumagisassanngortinneqarfiini kommunit aalajangiineri pillugit naammagittaalliuuteqartarnermut oqartussaasutut eqqortutut imminut isigisimasoq.

Ilaqutariinnermut Pisortaqarfiup naggasiutit malugeqqullugu oqaatigaa naammagittaalliuutit taakku piffissap naammaginartup iluani suliarinissaat sulisussaaleqineq pissutigalugu pisortaqarfiup ajornartorsiutigisussaassaga.

Allakkakka 12. januar 2007-imeersut tamatumunnga atatillugu eqqaasitsissutigaa.

Aalajangiinissamut pisinnaatitaanerup Namminersornerullutiik Oqartussanit kommunip ingerlatsiviinut isumagisassanngortinneqarnera pillugu nassuiaatinni erseqqissarlugu oqaatigaara oqartussaasumut qulliunerusumut naammagittaalliornissamut periarfissaq mattunneqassapat tamatumunnga inatsisikkut erseqqilluinnartumik tunngavissaqarnissaq piumasaqaataasoq.

Inatsisitigut tunngavigisaq taamaattoq Ilaqutariinnermut Pisortaqarfiup innersuussutigisimangilaa.

Ilaqutariinnermut Pisortaqarfiup tassunga taarsiullugu isummersuutit qulaani issuakkakka, pisortaqarfiup paasinninnera malillugu Ilaqutariinnermut Pisortaqarfimmut naammagittaalliornissamut periarfissap pisortaqarfimmut kommuninut tulliulluni oqartussaasumut naammagittaallior-nissap mattunneqarnissaanik inatsisitigut tunngavissap amigaataanera apeqqutaatinnagu piun-ginnissaanik nassataqartut taagorsimavai.

Tamanna pillugu imaattunik oqaaseqaateqarnissannut pissutissaqarlunga isumaqarpunga:

Ingerlatsineq pillugu inatsiseqartitsinikkut ingerlatseriaatsimi misiliinissamut arlalinnik periarfissaqarneq innuttaasunut eqqorneqartunut inatsisitigut innarlitsaaliinissamik pingaarnerpaamik allaavittut siunertaqarpoq.

Oqartussanut arlalinnut misiliititsinissamut periarfissaqarnerup apeqqutit naammagittaalliutigi-neqartut qullersariaalluni inissisimaffinnit arlalinnit arlaleriarlutik misissuiffigineqartarnissaat qulakkiissavaa, tassanilu oqartussaasut misiliisut oqartussaannermi qullersariaannermi oqartus-saasut alliunerusut aalajangiinerinit qilersugaasaratik. Taamaaliornikkut aalajangiinerup eqqor-tuussusiata annertunerusumik qulakkeerneqarnissaa ilimanarsisinneqartarpoq.

Ingerlatsiviup aalajangiineri oqartussaasumut qulliunerusumut naammagittaalliutigineqassap-pata innuttaasut aalajangiinerimik taamaattut ittumik oqartussaasumut qulliunerusumut naamma-gittaalliummik namminneq suliniuteqarnermikkut suliassanngortitsinissaat piumasaqaataavoq.

Suliami matumani pineqartutaaq tassaapput pisortanit ikiorsiisoqarnissaanik innarluutillit pillu-git peqqussut innuttaasunut qinnuteqartumit allaasunut inatsisitigut imaaliallaannaq sunniute-qanngitsoq tunngavigalugu aalajangiinerit, taamaattumillu apeqqutit naammagittaalliutigine-qartut pilertortumik qulaajarneqarnissaannik allat soqutigisaqartuunissaat isiginiarneqassanani.

Ilaqutariinnermut Pisortaqarfiup Naalakkersuisut isummernissaannut tunngavissiamini 20. de-cember 2006-imeersumi, quppermi 3-mi, allaaseraa misileraalluni aaqqisisuussinermi peqataatin-neqartut ilaasa aalajangersimasut innarluutillit pillugit peqqussummi, suliassat suliarineqartarne-rat pillugit malittarisassani misileraanermillu aaqqissuussineq pillugu Ilaqutariinnermut Pisorta-qarfimmut isumaqatigiissummi aalajangersakkat malinniarnerat kommunit ajornartorsiutigigaat. Aammattaaq piffissap sulianik suliarinninnermut Isumaginninnermi Naammagittaalliuteqartar-fiup atortagaata sivisoorujussuunera ilisimaneqarluarpoq.

Taamaattumik kommunit isumaqatigiissutit tunngavigalugit aalajangiinerisa misilinneqartarnis-saannut annertusisamik periarfissaqarnissamik pisariaqartitsineq massakkut immikkut malunnaa-teqarpoq.

5. Suliat nalinginnaasumik soqutiginaatillit, inatsiseqartitsiffiusunut agguataakkat

Inaarutaasumik aalajangiisoqannginnerani misiliinissamut amerlanerusunik periarfissaqalerneranik taamalu piffissap sulianik suliarinninnermut atorneqartartup sivisunerulersinnaaneraniq innuttaasut soqutigisaqartussaanerannik Ilaqutariinnermut Pisortaqarfiup oqarnera tamakku tunngavigalugit ilalersinnaanngilara.

Aamma oqaatigaara pisinnaatitaanermik Namminersorerullutik Oqartussat kommunimi ingerlatsivimmuq isumagisassanngortitsineruq ingerlatsineruq oqartussaasup inatsisikkut taamatut pisinnaatitaanissamut piginnaatitaasup isumagisassanngortitsineratigut aalajangiinissamut pisinnaatitaaneq kommunimut isumagisassanngortinneqartartoq. Pisinnaatitaanermik oqartussaasumi qullersariaannerup avataaniittumut taamatut isumagisassanngortitsinerup siusinnerusukkut oqaatigineqareersutut inatsisikkut tunngavissaqarnissaa piumasaqaataavoq.

Pisuni taamaattuni pineqartoq tassaavoq isumagisassanngortitsinerup tasaanera pisinnaatitaanermik inatsisiliortut ingerlatsineruq oqartussaasumut (-nut) tassungarpiaq (taakkununnigarpiaq) inatsisiliortunit aalajangiinermik pineqartunik aalajangiinissamut pisinnaatitsineranik saneqqutsineq.

Taamaattumillu pisinnaatitaanermik isumagisassanngortitsineq tunngavigalugu aalajangiinerit tunngaviummik pisinnaatitaasut oqartussaasumut inatsisiliortunit aalajangiinermik pineqartunik aalajangiinissamut piginnaatitaqqartunut naammagittaalliuutigineqarnissaannut periarfissaqarnissaa piumasaqaataavoq.

Taamaattumik kommunip aalajangiinerisa pisortaqarfimmit misilinneqarnissaannut periarfissamik pisortaqarfiup innarluullit pillugit peqqussut tunngavigalugu pisinnaatitaanermik kommuninut isumagisassanngortitsinera pissutigalugu inatsisikkut aalajangersagaanngitsumik mattussineq innuttaasut suliamik imminnut tunngasunik naammagittaalliorfissatut oqartussaasutut qullersaasumut misiliititsisussaareernerat innersuussutigalugu isumaqarluartumik tunngavilersuutigineqarsinnaanngilaq.

Atugassiisutaasunik isiginninniarnermut kiisalu Isumaginninnermi Naammagittaalliuuteqartarfiup naammagittaalliuutinik taakkuninnga suliarinninnissamut pisinnaatitaasut siusinnerusukkut imminut isigisarsimaneranut Ilaqutariinnermut Pisortaqarfiup innersuussinera immikkut pingaaruteqartinniarneqarsinnaanngilaq, tassami misileraalluni aqqissuussinermut akisussaaffik nassuiaatigineqartutut suli Naalakkersuisuniimmat, tak. innarluutillit pillugit peqqussummi § 2. Taamaattumik Ilaqutariinnermut Pisortaqarfik misileraalluni aqqissuussinerep taamaattup ataani kommunit aalajangiineri suliarissallugit ingerlatsineq pillugu inatsiseqartitsineq tunngavigalugu pisussaaffeqarpoq.

Tunngavittut taaneqartut pissutigalugit kommunit misileraalluni aqqissuussinermi peqataasut innarluutillit pillugit peqqussut tunngavigalugu aalajangigaasa pisortaqarfimmut naammagittaalliuutigineqarnissaannut periarfissaq pillugu apeqqummik Ilaqutariinnermut Pisortaqarfiup paa-sinninnera ilalersinnaanngilara.

Tamakkua tunngavigalugit inassuteqaatigaara A-p naammagittaalliuutta Ilaqutariinnermut Pisortaqarfiup suliarissagaa kiisalu kommunit misileraalluni aqqissuussinermuq peqataasut aalajangersimasat aalajangertarumaagaallu pillugit naammagittaalliuutit allat inatsisitigut tunngavigisap erseqqivissup - tassalu ilaqutariinnermut Pisortaqarfimmut naammagittaalliornissamut pe-

riarfissap mattunneqarnerata imaluunniit aalajangiinissamut pisinnaatitaanerup kommuninut isumagisassanngortinneqarnerata - atortuulernissaata tungaanut Pisorta qarfiup suliarisassagai.

Isumaginninnermi Naammagittaalliuuteqartarfik allakkatigut allatigut allakkanut ukununga peqatigitillugit nassiunneqartutigut qulaani ilaaneqartunik ilisimatippara. Aammattaaq Naammagittaalliuuteqartarfik naammagittaalliuutit pineqartut inatsisitigut tunngavigisap pisariaqartup pisarsiarineqarnissaata tungaanut Ilaqutariinnermut Pisorta qarfimmu ingerlateqqillugit nassiunneqartarnissaat isumageqqullugu qinnuigaara.

A allakkatigut allatigut allakkat ukua assilinerannik ilaqatinneqartutigut ilisimatinneqarpoq."

Suliap suliarineqarnissaa A-mut ulloq taanna allakkatigut itigartitsissutigaa, oqartussaasumut qulliunerusumut naammagittaalliornissamut periarfissap ator-neqarsimannginna innersussutigalugu. A ilitsersorpara Ilaqutariinnermut Pisorta qarfiup aalajangiinissaa utaqqimaaqqullugu, tamatumalu kingornatigut naammagittaalliorumanerluni isummeqqullugu. Ilaqutariinnermut Pisorta qarfiup aalajangiinera naammagittaalliuutigineqassappat naammagittaalliuut Isumaginninnermi Naammagittaalliuuteqartarfimmu ingerlatinneqassaaq.

Ilaqutariinnermut Pisorta qarfiup allaffeqarfiga oqarasuaatikkut 17. april 2007-imi attaveqarfigaa misileraalluni aaqquissuussinnermut inatsisitigut tunngavigisap pillugu ataatsimut ajornartorsiutit oqaloqatiginnissutiginiarlugit.

Pisorta qarfik allakkannut 23. marts 2007-imeersunut akissuteqaqqullugu allakkatigut 14. maj 2007-imeersutigut nukingisaarpara.

Ilaqutariinnermut Pisorta qarfiup allakkatigut 15. maj 2007-imeersutigut nalunaarutigaa suliaq pisorta qarfimi aalajangersimasumik suliarineqalersimasoq.

Pisorta qarfiup pisinnaatitaanerunik misileraalluni isumagisassanngortitsinerup tamanut nalunaarutigineqannginneranik apeqqut nammineerluni misissuinermik ingerlatsivigisassatut tamatuma kingornatigut immikkoortippara. Suliaq immikkoortumi 4-3-mi eqqartorneqarpoq.

5.8 Allat (aalisarneq, aallaaniarneq, piniarneq il.il.)

5.8.1. Qimminik pitussimanatik angalaannartunik taarsiissutitaqanngitsumik toqoraasarneq pillugu apeqqut

Qimmimi qimuttup K Kommunimit pissanneqarsimanera qimillu tamatuma kingornatigut toqutsinneqartariaqarsimanera A-p naammagittaalliuutigaa.

Qimmip toqunneqarnera pissutigalugu kommunip taarsiissuteqarumanginnera A-p tamatumunnga peqatigitillugu naammagittaalliuutigaa.

Ombudsmandi isumaqarpoq kommunimi qimmit pillugit ileqqoreqqusami ilima-saarinnissamut piffissaliussap malinneqarsimaneranut uppersaatinik naammattunik kommuni saqqummiussisimangitsoq, taamaattumillu suliaq kommunip suliareqqissagaa Ombudsmandip inassuteqaatigaa.

Ombudsmandi tamatumunnga peqatigitillugu isumaqarpoq kommunip aalajangiinermi isiginiagassat inatsisunik unioqutitsisut isiginiarsimagai.

Ombudsmandi aammattaaq isumaqarpoq qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaata nr. 18-ip, 30. oktober 1998-imeersup qanoq paasineqarnissaa Tunngaviusumik Inatsimmi pigisanik taarsiissuteqarnikkut pinngitsaalliilluni arsaarinnissuteqartarneq pillugu § 73-ikkut aalajangersagaq tunngavigalugu nassuiarneqartariaqartoq, Ombudsmandillu Inatsisartut Naalakkersuisullu nalunaarfigai ataqatigiinneqarneq taanna qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaanni sukumiisumik ersarissuseqartumik taaneqarsimangitsoq (j.nr. 11.10.-65.01/018-07).

A-p ilaatigut qimmimi qimuttup toqunneqarnerani kommunip periaasia ilaatigullugu qimmip toqunneqarneranut kommunip taarsiissuteqarumanginnera allakatigut 19. marts 2007-imeersutigut naammagittaalliuutigaa.

Allakkat imaattut kommunip ...-mi qimmiutilinnut sisamangornermi 28. september 2006-imi agguappai:

"Tallimangorneq 29.09.06 qimminik angalaannartunik toqoraasoqassooq.

Qimminik angalaannartunik 29.09.06 toqoraasoqassooq, tassani piumasarineqarpoq qimmit arfinillilik qaammateqalereersimasut pitunneqareersimassasut kiisalu erniortut pitussimaneqassallutik, taamaattoqanngippat qimmit angalasut toqunneqassapput."

Qimmimi pissanneqarsimasoq A-p tallimangornermi 29. september 2007-imi paasivaa, qimmillu toqunneqarnissaa tamatuma kingornatigut isumagalugu.

A-p naammagittaalliuut imaattoq kommunimi teknikkeqarnermut ataatsimiititaliamut ulloq taanna nassiuppaa:

"Qimmima ilaat tallimangormat 29. septemberimi K-mi qimminik toqoraasumit aallaallugu toqoriarneqaralarpoq, allappungalu isumaqarama taamaaliorneq naapertuilluannngitsumik naakkittaaqisumillu ingerlanneqartoq. Tamatumunnga peqatigitillugu B-mi qimmit angalaannartut toqo-

rarneqarnissaat pillugu allakkat ullormik ataasiinnarmik piffissaliilluni takkunnerat naammagittaalliutiginiarpara.

Qimmera aallaallugu toqoriaraluarneqarnermi nalaani pingasunngornermi 27. septemberimi pituussaarnermi kingornatigut angalaannarsimavoq. Sisamangornermi 28. septemberimi ualikkut sisamat eqqaanni (suliffinnit soraarama) qimmit angalaannartut toqorarneqarnissaannik allakkat uatsinni iggavimmi nerriuiup qaaniittut nassaaraakka. Qimmera arlaleriarlunga tiguniaraluarpara, iluatsinngimmalli sininnartutortinniarlugu misilippara. Sininnartut taakku ernissuortuugallartumit pisinerma nalaani aalakoortumit pisiaraakka, taassumalu iisartakkanik kukkusunik tunisimangikkuninga kukkusumik sakkortussusilinnik tunisimavaanga. Qimmima iisartakkat 12-it ii-vai, sinilinnigilluinnarlunili.

Tallimangornermi 29. septemberimi ullaakut qimmima qanoq pinissaa isumakuluutigaara, sulimi pitunneqarsimangimmat. Taamaattumik ullup qeqqata missaani B-mi qimminik toqoraasumukarpunga, pisunik nassuiaanniarlugu. Taanna tamatuma nalaani ajoraluartumik K-miippoq, paasitinneqarpungalu ulloq taanna kingusinnerusukkut tikinniartoq. Nulia ajornartorsiummik nassuiaappara, oqarporlu uini tikippat oqaloqatigisariaqariga. Taamaattumik angerlarpunga, qimneralu isumannangikkallartoq naatsorsuutigalugu.

Nalunaaquttap akunnera ataaseq qaangiuttoq illuma silataani seqqorpallak tusarpara. Tupigusulunga igalaatigut silammut itsuarpunga, qimmerlu illup eqqaanit QIMAASOQ takusinnaallugu. Erseqqissarniarpara qimmera qimaagajuttuunngimmat, pitussimangikkaluarlunilu illuma silataaniittarluni. Qimmikka ajunngitsumik pineqartaramik. Naammattumik nerukkarneqartarput atugarissaarlutillu, taamaattumillu pituussaarsimagaluaaramilluunniit nunaqarfimmi tavanissaminnut pissutissaqartangillat. Arpallunga silamut anivunga, susoqarnersoq takuniarlugu, takusinnaallugulumi qimminik toqoraasooq maaniamiuunngitsoq kingusinnerusukkut K-meersuusoq tusagara tassaasooq qimminnik aallaannissimasooq. Uanga qimmikkalu ilisarisimangilaatigut, nalullugulu qimmip taassumarpiaap pituussaarsimanera qaqutigoortuusoq. Nassuiaappara qimmera sininnartutorsimasooq iluaqutaanngitsumik, taamaattumillu tigusinnaasimangikkiga. Soqutiginnigilaanga, akipiloorlunilu qimmit pitunneqanngitsut tamarmik aallaaneqassasut.

Nukillaajallaqaanga pakatseqalungalu. Naluara inuk taanna qanoq iliorlunga paasitissanerlugu qimmera TASSAANNGITSOQ illoqarfimmi najugaqartunut allanut ajoqutaalluni angalaannartooq, sapinngisannillu pitunniarsimagaluariga.

Paasinarsivorlu qimminik toqoraasup taassuma qimmera toqussutissaanik eqqorluarlugu aallaasinnaanngikkaa. Taamaattumik qimmeq pangalilluni uterpoq, takusinnaavaralu pissallugu aallaaneqarsimasooq. Marlunnik aqerlut putusimasaannik ikeqarpoq, allerualu katatsillugu aallaaneqarsimalluni, tassa allatut oqaatigalugu annertuumik ajoquserneqarsimavoq anniaqalunilu. Kiisami qimmeq tiguara pitullugulu. Taamaalinerani tupassimaqaanga, pakatsisimallunga minnerunngitsumillu kamaqalunga. Qimmeq ajoquserneqarsimangaarami toqunneqartariaqarpoq. Tamanna ...-ip B-mi qimminik toqoraasuiup isumagaa.

Qimmit angalaannartut nunaqarfimmi najugaqartunut akornutaasut toqunneqartariaqarnerat paasilluarsinnaasorujussuuaara, taamaaliornerli torersumik ingerlanneqassaaq. Tassa imaappooq qimmeq tiguniassagaanni ullormik ataatsimik (ualikkut) piffissaqaqqittariaqarpoq. Uanga eqqarsaatigalunga pissutsit pitsaanngitsut assigiinngitsut arlallit pissutigalugit iisartakkat sininnartut eq-

qortut pissarsiarinngitsoorpakka, misileeqqinnissannullu iluatsitsinngitsoorlunga. Isumaqarpunga qimmit pitunneqarsimangikkaluarlutik eqqissisimallutik aqupisut angerlarsimaffeqarneranik takkuitsoorneqarsinnaanngitsut illumut taama qanitsigisumi malersorlugit aallaaneqartarnerat naakkittaatsuliornerujussuusoq. Nunaqarfimmi qimmerpaalussuit sapaatit akunnerini arlalinni angalaannarsimapput. Qimmit taakkuupput inunnit naammagittaalliutiginartut! Qimmit taakkuupput aallaaneqartariaqartut! Qimmera aallaaginnarniarlugu aalajangerunik soormi ima aallaariallaqqitsigisimangillat qimmeq toqqilluarsinnaallugu, ataasiannaarlugu allaallugu toqussinnaallugu!

Nalunngivippara kalaallit uatsinnit Norgemiunit qimmiminnut allaasumik pissuseqartut. B-mi kisiimiittuullunga najugaqarpunga ilinniartitsisuullunga. Ilaquttakka ikinngutikkalu Norgemi najugaqarput. Taamaattumik Kalaallit Nunaanniikkallartillunga qimmikka ilaquttattut isigaakka. Qaqqamut pisuttuaraangama sisoraaserlungalu angalaaraangama ilagisarpaangna, ukiukkullu sikukkut qimussitugisarlugit, ukiorlu kaajallallugu ilalersortarpaangna. Qimmiupput, kisianni nuannarisorujussuuakka, uannullu immikkorluinnaq sunniuteqarlutik. Taamaattumik ullumikkut tallimangorneq 29. september tassaavoq Kalaallit Nunaanniinninni ullut nuanniinnersaattut misigisimasara, ilissinnullu taamatut allappunga, tassami qimmima angutivissat pitsaanersaata, nukittunersaata kusarnarnersaatalu massakkut toqunera aliasuutigisorujussuullugulu pakatsissutigeqigakku.

Qimminik toqoraasup ilisarismangisama takkunnerani qimmima pitussimanginnera pitsaanngitsorujussuavoq, tamannalu ajuusaarutigeqaara. Qimmit pitussimasussaanagerat angalaannarpatalu aallaaneqartussaanagerat pillugu inatsit nalunngilluinnarpara, kisianni uanga (B-milu allat tamarmik) naatsorsuutigisimavaat B-mi qimminik toqoraasoq pissutsinik ilisimaarinnittoq toqoraajumaartoq. Nalunngilaa qimmit sorliit pitussimanatik angalaannarujuttuusut, sorliillu qaqutiginnaq pituussaartartut. Maani qimminik toqoraasoq nammineq oqartarpoq qimmit illup silatinnguanu aqupisut pitunneqarsimangikkaluartut inuttaa oqaluuteqqaarnagu aallaanaviarnagit! Qimmikalumi aallaanaviarunangikkaluarpai, nalunnginnamiummi taakku nunaqarfimmi najugaqartunut allanut akornusersuillutik tavanneq ajortut!

Qimmip toqunneqarneranut taarsiivigineqarnissara kissaatigaara - taannami uannut allanit taarserneqarsinnaanngimmat, isumaqarpungali aallaaneqarsimasariaqanngikkaluartoq, qimmillu pituttaanatik angalaannartut aallaallugit toqorarneqarnissaannik ilimasaarut sivikippallaartumik piffissaliilluni saqqummiunneqartoq. Qimmikka qimuttut ikittunnguupput, qimmerlu taanna qimmima qimuttut pitsaanersaasa ilagaat. Aamma paaserusuppara qimminik pitunneqaratik angalaannartunik aallaallugit toqoraanermut atatillugu maani najugaqartunik pinninnini K Kommuniq aqqissinnaaneraa?

Allakkat uku pilertortumik akineqarnissaat siunissamilu pitsaanerusumik periaaseqartoqalernissaa qilanaaraara.

Ilanngullugit nassiunneqartut:

Qimmit inuttaqanngitsut aallaallugit toqorarneqarnissaannik ilimasaarutitut allakkat 28. september 2006-imeersut assilinerat. Qimmima pissallugu aallaaneqartup assinga." (Atorfeqarfimmi nutsigaavoq)

Kommunimi teknikkikkut ingerlatsiviup A aalajangiinermik imaattumik 12. oktober 2006-imi nassippaa:

"Qimmeq pissallugu aallaaneqarsimasoq pillugu saaffiginnissutit 29.09.2006-imeersoq ingerlatsiviup tiguaa.

Qimmip pitussimangitsup pikkorliorluni isorisariaqartumillu aallaaneqarsimanera siullertut ajuussaarutigineqassaaq. Uumasut nakorsaata qimminik allaallugit toqoraasarneq eqqaarsaatigalugu innersuussutaasa malinneqartarnissaat qimminik toqoraasartunut erseqqissarneqarniarpoq.

Inatsisartut inatsisaanni nr. 18-imi, 30.10.1998-imeersumi § 9-kkut aalajangersarneqarpoq qimmit arfinilinnik qaammateqalereersimasut tamarnik kalunnernik pituttaasussaasut. Qimmip angalaannartuunera angalaannartuunnginneraluunniit taamaalilluni kalunnernik pituttaanerani pituttaannginneranilluunniit apeqqummi qanoq siviisutigisumik tavassimanera apeqqutaanngilaq. § 9, imm. 3-mi tassani aalajangersarneqarpoq qimminik angalaannartunik toqoraaneq taarsiissutitaqanngitsumik ingerlanneqassasoq. Namminersorerullutik Oqartussat inatsisaat kommunip malittussaavai, inatsisillu malitsinneqarnissaannut peqataasussaalluni.

Tamanna ilaatigut qimminik angalaannartunik aallaallugit toqoraanikkut pisarpoq, tamannalu qimmit pillugit ileqqoreqqusaq malillugu pisarluni. Qimmeq arfinillit sinnerlugit qaammateqartutut isikkoqarmat paasisutissiissutigineqartutullu pituttaasimangimmat kommuni inatsisinik unioqqutisilluni iliuuseqarsimangitsutut ippoq.

Qimmimik pituussaarsimasumik tigusiniarninni ajornartorsiutissaqaqqilissaguit qimminut pullat iisartakkanut sininnartunut taarsiullugu kommunip allaffianit atorniarsinnaavat.

Ingerlatsiviup aalajangiinera Aningaasaqarnermut Ataatsimiititaliamut allakkat ullulernerneqarannit sapaatit akunneri arfinillit qaangiutsinnagit naammagittaalliutigisinnaavat." (Atorfeqarfimmi nutsigaavoq)

A-p tamatuma kingornatigut kommunimi aningaasaqarnermut ataatsimiititaliaq allakkatigut 17. oktober 2006-imeersutigut qinnuigaa suliaq suliareqqeqqullugu:

"Qimmeq aallaaneqartoq pillugu naammagittaalliuut.

Ingerlatsiviup qimmeq B-mi ukioq manna 29. septemberimi aallaaneqartoq pillugu aalajangiinera naammagittaalliutiginiarpara.

K Kommunip qimmit qitsuillu pillugit ileqqoreqqusaani § 9 malillugu qimmit pituttaanngitsut toqunneqannginneranni ullunik marlunnik piffissaliisoqartussaavoq. Qimmit pituttaanngitsut B-mi toqorarneqarnissaannik ilimasaarut 28. septemberimi takkupperoq, tassa ullormik ataatsimik piffissaliisoqarsimalluni. Ilimasaarutitut allakkat assilinerat siusinersukkut tigoreerparsi.

Tamanna tunngavigalugu qimmima toqunneqarneranut taarsiivigineqarnissara kissaatigaara." (Atorfeqarfimmi nutsigaavoq)

Kommunip suliame allagaataanit erserpoq kommunip allaffiata B-mi immikkoortortaqarfia kommunimut 7. november 2006-imi imatut allassimasoq:

"Aasaq qimmilerisumiit ilisimatinneqarpungut A-p qimmia pitunneqanngitsoq pillugu inutaa oqarfingisimagaluarlugu qimmia pitunneqanngitsoq pitoqqullugu.

Kisiannili pitunneqarsimangilaq."

Kommunimi aningaasaqarnermut inuussutissarsiornermullu ataatsimiititaliap A aalajangiinermik imaattumik 13. november 2006-imi nassippaa:

"Qimmip aallaaneqarsimanera pillugu naammagittaalliuutit Aningaasaqarnermut Inuussutissarsiornermullu Ataatsimiititaliap 10. november 2006-imi ataatsimiinnermini oqaluuseraa.

Taarsiivigineqarnissannik qinnuteqaatit Aningaasaqarnermut Inuussutissarsiornermullu Ataatsimiititaliap itigartippaa, tassami qimminik toqoraasoq oqarmat qimmit pitussagit oqarfingineqarsimagaluarlutit taamaaliorsimangitsutit." (Atorfeqarfimmi nutsigaavoq)

Tulliulluni ilaavoq allakkiaq 27. november 2006-imeersoq. B-mi qimminik toqoraasup atsiorsimasaa:

"A-p qimmianut tunngasoq

Qimmeq aallaaneqarsimavoq toqunnagu, kingullermik K-mi toqoraasumit. B-mi sionatigut pitoqqunikuuara, suli pitunneqanngitsoq, kisianni nakorsaatinik sinissaatinik iisitinneqarsimasoq ulloq taanna aallaaneqarsimavoq."

Suliap suliareqqinneqarnissaa A-p kommunalbestyrelsimut allakkatigut 4. december 2006-imeersutigut imaattutigut qinnutigeqqippaa:

"Qimmima ukioq manna 29. septemberimi aallaaneqarnera pillugu suliamek sularinninneq naammagittaalliuutiginiarpara. Qimmima toqunneqarneranut taarsiivigineqarnissara aamma piumasaqaatigaara, tassami qitsuit qimmillu pillugit ileqqoreqqusami § 9 K Kommunip unioqutissimamagu.

Taarsiivigeqqunera Aningaasaqarnermut Ataatsimiititaliap siusinnerusukkut itigartitsissutigaa, isumaqaramimi qimmera pitoqqullugu aasaq qinnuigineqarsimasunga, taamaaliorsimanangali. Tamanna kukkusumik paasissutissiineruvoq. Qimminik toqoraasumit attaveqarfigineqarsimangisaannarpunga qimmimalu ilaat pitoqqullugu qinnuigineqarsimangisaannarlunga, aasaq allakkulluunniit naamik.

Qimmima aallaaneqarnera Teknikkeqarnermut Ataatsimiititaliamut ukioq manna 29. septemberimi allakkanni sukumiisumik allaaseraara, allakkanilu taakkunani atuarsinnaasassit qimmera aallaaneqannginnermini nalunaaquttap akunnerinit 48-nit ikinnerusuni pitussimasimangilaq. Allatut oqaatigalugu aasarli angalaannartuusimanani, naak K Kommunip taamaassimasutut oqaa-

tiginialuaraa. Isumaqarpunga K Kommunip pissusiviusunik tunngaveqanngitsumik oqarnera toqqannartumik kusanaatsuusoq.

K Kommunimi qimmeqarneq qitsuuteqarnerlu pillugit ileqqoreqqusaq malillugu qimmit angalaannartut toqunneqannginneranni ullunik marlunnik piffissaliisoqartussaavoq. B-mi qimmit angalaannartut toqunneqarnissaannik ilimasaaruteqarneq ullormik ataatsimik piffissaliilluni pivoq. Ilimasaarutitut allakkat taakkua assilinerat Teknikkeqarmut Ataatsimiititaliap tigoreerpaa.

K Kommunip § 9-mik unioqquitsinera tunngavigalugu qimmima toqunneqarneranut taarsiivigineqarnissara kissaatigaara.

Siusinnerusukkt allakkanni marlunni tikkualugu oqaatigaara K Kommunip § 9 unioqquittissimagaa, tamatumunngali akissummik suli tigusaqanngilanga. Taamaattumik K Kommunip nammineq malittarisassaliaminik taamatut unioqquitsisinnaanera pillugu erseqqissumik akineqarnissara kissaatigaara.

Pilertortumik akineqarnissara qilanaaraara, kommunillu innuttaasa siunissami torernerusumik pineqartarnissaat neriuutigalugu." (Atorfeqarfimmi nutsigaavoq)

A-p allagaasa 4. december 2006-imeersut tiguneqarnerat kommunip allakkatigut 11. december 2006-imeersutigut uppenarsarppaa, nalunaarutigalugulu naammagittaalliut kommunalbestyrelsip 6. februar 2007-imi ataatsimiinnerani suliarineqarniartoq.

Kommunimi kommunaldirektøri kommunalbestyrelsimut allakkiamini 6. februar 2007-imeersumi imaattunik oqaaseqaateqarpoq:

"Paasitineqartarnerput malillugu aasarli toqoraasup oqarfigisarsimavaa qimmeq pitunneqanngitsoq pitoqqullugu.

Tamannali aasap ingerlanerani pisimangimmat K-mit toqoraasup tikinnissaa allagarsinneqarsimavoq, ullormik ataatsimik sioqqullugu, malittarisassat malillugit ullunik marlunnik sioqqutsisumik toqoraassagaanni allagarsiissutikkut kalerrisaarisooqartussaavoq, tamannali pisimangilaq, ullormillu ataatsimik B-miut periarfissinneqarsimapput.

Taamaakkaluartoq toqoraasup tikikkami qimmeq pineqartoq toqussimavaa aasaammalli pitoqquneqarsimangaluartoq pitunneqanngimmat."

Aalajangiineq imaattoq kommunalbestyrelsip A-mut 9. februar 2007-imi nassiuppa:

"Qimmimut toqunneqartumut taarsiivigeqqunerpit suliarineqarnera pillugu naammagittaalliutit kommunalbestyrelsip matoqqasumik nalinginnaasumik siullermik 6. februar 2007-imi ataatsimiinnerani ilaatigut oqaluuserineqarpoq.

Teknikkeqarnermut Ataatsimiititaliap kiisalu Aningaasaqarnermut Ataatsimiititaliap qimmivit qimminik toqoraasumit toqunneqartup toqunneqarneranut taarsiissuteqartoqarsinnaannginneranik aalajangiinerat paasissutissat takkuttut tunngavigalugit kommunalbestyrelsip atortussanngor-tippaa.

Qimmivit toqutsiniarnermi pissallugu aallaaneqarnera kommunalbestyrelsip assut ajuusaaruti-gaa, qimminillu toqoraasunut massakkut uparuaatigineqarsimalluni." (Atorfeqarfimmi nutsi-gaavoq)

A tamatuma kingornatigut uannut naammagittaalliorpoq.

Kommunimut 12. marts 2007-imi imatut allappunga:

"A-p naammagittaalliutaata ilanngussartalik, assilineran ilanngullugu nassiunneqartoq, Ombuds-mandip tiguaa.

Apeqqutit makku misissuiffiginiarlugit Ombudsmandi tamatumunnga atatillugu aalajangerpoq:

- Qimmip aallaallugu toqunneqarnera pissutissaqarsimanersoq, tak. qimmit qimuttut kiisalu qim-meqarneq qitsuuteqarnerlu pillugit Inatsisartut inatsisaanni nr. 18-imi, 30. oktober 1998-imeersu-mi § 9, imm. 1, tak. imm. 2 aamma 3 imaattunik oqaasertaqartut:

"§ 9. Qimmit arfinilinnik qaammateqalereersimasut kalunnernik pitussimassapput, mattu-simaneqarlutik, ungaluukkani mattusimaneqarlutik imaluunniit pituutaqartinneqassallutik.

Imm. 2. Imm. 1-imi aalajangersakkanut ilaatinneqanngillat savaatillit qimmii, qimmit suli-sitat naalakkersugaasut kiisalu qimmit illoqarfiup avataani aallaaniarnermut suliffiulluun-niit avataatigut sammisaqarnermut atorneqartut aamma naalakkersugaasut, kiisalu qimmit qeqertani qimmilivinni akuerisaniittut.

Imm. 3. Qimmit pitussimannigitsut toqunneqarsinnaapput piginnittumut taarsiinissamut akisussaaffittaqaanngitsumik. Tamannali atuutinngilaq imm. 2 naapertorlugu qimminut pi-tussimasussaataitaanngitsunut."

- Qimmimik aallaannilluni toqutsineq pisariaqartumik akuliunnerunersoq, aamma

- Qimmip aallaallugu toqunneqarnera inatsisitigut pisariaqartumik tunngavissaqarsimappat, tak. qulaani taaneqartut, K Kommunimi qimmit qitsuillu pillugit ileqqoreqqusami ullunik marlunnik piffissaliinissamik § 9-mi aalajangersagaq malinneqarsimanersoq, piffissaliunneqartorlu malin-neqarsimannigippat tamatuma inatsiseqartitsinikkut sunniutai.

Kommuni qinnuigaara immikkoortut taaneqartut pillugit oqaaseqaateqaqqullugu.

Kommuni tamatumunnga peqatigitillugu qinnuigaara suliame A-p qimmiata aallaallugu toqunne-qarneranut aamma A-p naammagittaalliutaanik kommunip suliarinninneranut tunngasumi alla-gaatit allaqqaarneri tamaasa misissugassanngorlugit uannut nassiuteqalugit.

Kommuni aammattaaq qinnuigaara K Kommunip qimmit qitsuillu pillugit ileqqoreqqusaata Naalakkersuisunit akuerineqarluni atsiurlugu atortussanngortinneqarsimasup kalaallisuuaata qallunaa-tuuatalu assilineri uannut nassiateqqullugit.

Kommunip oqaaseqaataa A-mut suliami illua'tungiusumut taassuma isumaanik tusarniaatitut saq-qummiunneqarsinnaavoq."

Kommunip allakkatigut 3. april 2007-imeersutigut imatut akivaanga:

"Suliaq qulaani taaneqartoq pillugu apeqquteqaatersi 12.03.2007-imeersaq pillugu makku oqaatigineqarsinnaapput:

Suliami allagaatit allaqqaarneri ilanngullugit nassiuunneqarput.

K Kommunimi qimmit qitsuillu pillugit ileqqoreqqusaq ilanngullugu nassiuunneqarpoq. Naalakkersuisut atortussanngortitsinerat quppernermi kingullermi Naalakkersuisunut ilaasortap atsioreratigut kiisalu nassitsissutitut allakkat 30.04.2004-meersut assilineranni takuneqarsinnaavoq. Aammattaaq tamanut saqqummiussinerup assilineri ilanngullugu nassiuunneqarpoq.

Qimmit pitussimanissaat qimminullu sininnartut pillugit qimminik toqoraasup ...-p aamma qimmeq pitoqqullugu oqaasiinnakkut peqqusisoqaraluartoq pitunneqarsimanginneranik nunaqarfimmi allaffimmi sulisup ...-p oqaaseqaataat faxikkut naqitanngortitat assilineri ilanngullugit nassiuunneqarput, tassami allaqqaarneqarneri B-mi tigummineqarmata." (Atorfeqarfimmi nutsigaavoq)

Kommuni allakkatigut 18. april 2007-imeersutigut apeqqutit kommunimut 12. marts 2007-imi apeqqutigisakka akeqqullugit nukingisaarpara.

Kommunip allakkani 7. maj 2007-imeersuni imatut akivaanga:

"B-mi qimmip pitussimangitsup, A-mit pigineqartup, aallaaneqarnera pillugu apeqquteqaatis-sinnut 18.04.2007-imeersumut uku oqaatigineqarsinnaapput:

Qimmeq inerisimalersimasuuvog, tassa qaammatit 6-it sinnerlugit utoqqaassuseqarluni, tamannalu qimmimik aallaannittup nalilersinnaasimavaa, A-llu allakkamini 29.09.2006-imeersuni immikkoortumi kingullermi nammineq allassimavaa "qimmeq taanna qimuttuma pitsaanersaanut ilaasimavoq", tassalu piaraanngitsutut oqaatigalugu. Qimmeq savanut qimmiunaniluunniit sulinermut atatillugu qimmiunngilaq, qimmerlu taanna ...-mi illut akornanni angalaaginnartuusi-mavoq, taamaattumillu qimmeq nalorninaalluinnartumik pitussimasussaagaluarpoq imaluunniit mattussimasussaagaluarluni, Inatsisartut inatsisaanni nr. 18-imi, 1998-imeersumi § 9 naapertorlu-gu.

Nunaqarfimmi tamani qimminut pullammik ataatsimik peqartoqarpoq qimmiutillit qimminik pitussimangitsunik tigusarinninniarnermi akiliutitaqanngitsumik atorsinnaasaannik, kisianni neqeroorut tamanna A-p atussallugu kissaatigisimangilaa, naak qimmeq pitoqqullugu oqaasiin-

nartigut piumasaqarfigineqartalarualuni. Taamaattumik qimmeq pitussimanngitsoq toqunneqarpoq Inatsisartut inatsisaanni 18/1998-imeersumi § 9 imm. 3 naapertorlugu.

Toqutsinissaq ullunik marlunnik sioqqullugu ilimasaarisooqareersimavoq, tassalu ilimasaarineq siulleq oqaasiinnartigoorluni, pisumi matumani qimmeq pitussimanngitsoq nunaqarfiup allaffianinngaani kimit pigineqarnersoq ilisimaneqareermat. Kiisalu qimminik pitussimanngitsoq toqoraasoqarsinnaanerani aasalernerani tassunga assingusumik paasititsiniaasoqarsimavoq. Tassalu 29.09.-2006-imi qimmimik toqutsisoqannginerani ullunik marlunnik sioqqutsilluni 2006-imi aasami allagarsiussamik nivinngaasoqarsimavoq. Aamma naammagittaalliortup allagaani 29.09-meersumi immikkoortoq 2-mit erserpoq qimmeq pitussimasussaasoq nammineq ilisimagaa, qimmerlu tigularisinnaaniarlugu iisartakkanik sininnartulinnik ilisimajunnaartinniarsimagalarlugu.

Kommunip qimmimik pitussimanngitsoq toqutsineq pillugu taarsiisuteqarniannginera aamma pingaarutilimmik tunngavilersuutitaqarpoq, tassalu taakkuninnga tunniussisoqassagaluarpat kingusinnerusukkut allat piumasaqalersussaammata, kommunillu pigisaani qimmit 600-t missaat ukiumut toqunneqartarlutik. Qimmiutillit qimminik pitussimanngitsoq toqutsinermut taarsiisuteqartoqarnera paasigunikkum, kommuni eqqunngitsumik taarsiiffigitinniartunit artukkorsorneqalersinnaavoq, qimmillu pitussimanngitsoq meeqqanik paanninniartarneri ikilisinniartulugit suliaqarneq annertuumik akornusersorneqalersussaalluni." (Atorfeqarfimmi nutsigaavoq)

A kommunip tusarniaanermut akissutaa 7. maj 2007-imeersoq pillugu oqaaseqaateqarnissaanut 21. maj 2007-imi periarfissippara.

Taamatutaaq Naalakkersuisut Siulittaasuannut qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaata qanoq paasineqarnissaanik nassuiaanermik apeqquut pillugu 21. maj 2007-imi imatut allappunga:

"Qimmimi qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaanni nr. 18-imi, 30. oktober 1998-imeersumi § 19, imm. 3 tunngavigalugu toqunneqarsimaneraniq innuttaasup naammagittaalliutaa massakkut suliaaraa.

Naalakkersuisut tamatumunnga atatillugu qinnuigaakkaa "qimmit illoqarfiup avataani aallaaniarnermut suliffiulluunniit avataatigut sammisaqarnermut atorneqartut"-p, tak. Inatsisartut inatsisaanni § 9, imm. 2, qanoq paasineqarnissaanik apeqquummik Naalakkersuisut paasinninnerat pillugu oqaaseqaateqaqqullugit.

Issuarneqartuni qimmit qimuttut inuussutissarsiornermuunngitsoq atorneqartut pineqartunut ilaattinneqarsinnaanerit pillugu oqaaseqaateqartoqarnissaa pingaartumik qinnutigaara.

Inatsisartut inatsisaata piareersarneqarnerani suliat tamanut saqqummiunneqarsimannimmata Naalakkersuisut tamatumunnga peqatigitillugu qinnuigaakka inatsisissatut siunnersuut oqaaseqaatitalik Inatsisartullu siunnersuummik oqaluserinninneranni oqaaseqaataasimasut kiisalu allannuutissatut siunnersuutit oqaaseqaatitalit nassiuteqqullugit.

Naalackersuisut Siulittaasuannut saaffiginninnissara toqqarpara, tassami Naalackersuisut akisussaaffittut suliassaqarfiinik massakkut agguataarinnermi Inatsisartut inatsisaat taanna pisortaarfimmumt naalackersuisoqarfimmulluunniit sorlermut akisussaaffigitillugu inissinneqarsimanersoq imaaliallaannaq takusinnaanginnakku.

Suliaq Naalackersuisut Siulittaasuata pisortaarfimmumt Naalackersuisut Allattoqarfiata avataaniittumut ingerlateqqillugu nassiuppagu tamatuminnaga ilisimatinneqarnissaara qinnutigaa.

Innuttaasoq Ombudsmandimut naammagittaalliuuteqarsimasoq allakkat ukua assilinerannik nasippara."

Naalackersuisut Siulittaasuata 23. maj 2007-imi nalunaarfigaanga suliaq Inuusutissarsiornermut Pisortaarfimmumt akisassanngortillugu nassiunneqarsimasoq.

A-p suliama illua'tungiusup isumaanik tusarniaanermumt akissut imaattoq 6. juni 2007-imi uannut nassiuppaa:

"Qimmera pitoqqullugu kommunip B-mi allaffiata periarfississimagaangagoq oqarnini K Kommunip aalajangiusumagaa takusinnaavara.

Erseqqissarusuppara qimmera 29. septemberimi aallaaneqannginnermini nalunaaquttap akunnerini 48-nit ikinnerusuni pitussimasimasimanngitsoq. K Kommunip allakkani siusinnerusuni oqaatigaa qimmera pitunneqassasoq aasaq oqaasiinnartigut peqqusissutigineqarsimasoq. Qimmip angalaannannginnerata nalaani qimmip pitunneqarnissaanik kommunip oqaasiinnartigut peqqusisuteqarnermini periaasia tupigusuutigaa.

Oqaasiinnartigut peqqusissut taanna ilisimasaqarfiginnginnakku ulloq sunarpiaq kimillu uannut peqqusissutigineqarsimasoq, oqarasuaatikkullu peqqusissutigineqarsimappat oqarasuaatip normua suna atorneqarsimanersoq paaserusuppara. Neriuppunga paasissutissat taakku K Kommunip saqqummiussinnaagai.

B-miitillunga qimmera pitoqqullugu peqquneqanngisaannarsimanera, piffissami 8. juni 2006-imit 30. juli 2006-imumt Norgemiissimanera B-miitillungalu qimmima arlaat pitoqqullugu kommunip allaffianit attaveqarfigineqarsimannginnera aalajangiusimavara.

Qitsuuteqarneq qimmeqarnerlu pillugit ileqqoreqqusani § 9-p matumani qanoq paasineqarnissaaanik nassuiaaneq eqqarsaatigalugu K Kommuni erseqqilluinnartumik isumaqarpoq aasaleqqaarnerani ilimasaarineq aasallu ingerlanerani oqaasiinnartigut mianersoqqusineq qimmima 29. septemberimi toqunneqarnissaanut inatsisitigut tunngavissaliisoq. Qimminik toqoraanissaq pillugu kommunip 28. septemberimi ilimasaarummik illoqatigiikkutaanut soq agguasimalluni allagarsiivinnut allagarsiisimanersoq tupigaara, isumaqarunik inatsimmi piumasagaataasoq tamanna sioqullugu eqqortinneqareersimasoq.

2007-imi martsip aprilillu qaammataanni qimminik toqoraanermi kingullermi K Kommuni ullunik marlunnik sioqutsisumik allagarsiivinnut allagarsiinikkut ilimasaaruteqarpoq, tassa qimminik ulloq suna toqoraasoqassanersoq nalunaarlugu allagarsiinikkut. Unga tunginnit isigalugu

imatut isikkoqarsinnaavoq kommunip qimminik angalaannartunik toqaraanissamik ilimasaarisarnera allanngorartuusoq, taamaattumillu § 9-p Inatsisartut Ombudsmandiannit erseqqissarneqar-nissaa kissaatigaara.

Suliap matuma pingaaruteqartumik suliaanera taarsiissuteqartoqassappallu qimmimik annaasa-qarnermut taarsiissutit taakku misigissutsitigut annaasanut matusisuusinnaanngisaannarnerat naggasiutit erseqqissarusuppara.

Taarsiivigeqqulluni peqqusersusaarnikkut piumasagaatinik suliassaqarpallaalernissamik kom-munip annilaanngateqarnera eqqarsaatigalugu isumaqarpunga tamanna kommunip inatsimmik sukkulluunniit malinninniarnertigut pinngitsoorinneqarsinnaasoq, taamaaliornikkut suliat ma-tumatut itut pinngitsoorinneqarsinnaapput." (Atorfeqarfimmi nutsigaavoq)

Inuussutissarsiornermut Pisortaqarfiup allakkani 14. juni 2007-imeersuni imatut akivaanga:

"Inuussutissariornermut Pisortaqarfimmi Inuussutissanut Atuinernullu Immikkoortortaqarfiata paragraffip qulaani taaneqartup qanoq paasineqarnissaanik nassuiaaneq pillugu allakkatigut Namminersornerullutik Oqartussat Allattoqarfiat aqqutigalugu tiguaa. Aammattaaq inatsisissatut siunnersuut oqaaseqaatitaalu, Inatsisartuni oqaluserinninnermi oqaaseqaatigineqartut kiisalu allannguutissatut siunnersuut oqaaseqaatitalik nassiuteqquneqarput.

Michael Mikkelsenimut ullumikkut isumaqatigiissutigineqartutut inatsisissatut siunnersuut taan-nalu pillugu oqaaseqaatit nassiunneqarput.

§ 9, imm. 1 pillugu oqaaseqaatinit erserpoq aalajangersagaq taanna qimmit pitussimaneqarnis-saannik kommunit piumasagaataasa atuutereersut inatsisikkut aalajangersarneqarneratut isigine-qassasoq, tassami qimmit angalaannartut innuttaasunik isumannaatsuutitsinermit ulorianaateqar-mata, eqqiluitsuutitsiniarnerlu eqqarsaatigalugu qimmit angalaannarnissaat kissaatigineqarani.

Taamaattumik tamanna imatut paasineqassaaq pingaarnertut siunertaasoq tassaasoq qimmit ta-marmik pituttaassasut, ungaluukkani mattusimaneqassasut pituutaqartillugilluunniit ingerlaqati-gineqartassasut.

§ 9, imm. 2 pillugu oqaaseqaatinit erserpoq savaatillit qimmii qimmillu sulinermit atorneqartartut "sulinerit" ingerlassinnaagaat, taamalilluni § 9, imm. 1-ip atuutinneqannginnissaa immikkut akuersissutigineqarsinnaalluni, qimmit naalakkersorneqartuartillugit. Aammattaaq oqaatigine-qarpoq immikkoortup taassuma qimminit piniarnermut il.il. - sunngiffimmi ingerlatat immikkut taanagit - atorneqarsinnaanerat ammaakkaa.

Inatsisissatut il.il. siunnersuut pillugu oqaaseqaatit tusarniaanermullu akissutit pissarsiarineqar-nerat iluaqutaangaarsimangilaq, taamaattumik naatsorsuutigineqartariaqarpoq manna pingaar-nerat atuutissasoq, tassalu qimmit pituttaassasut imaluunniit arlaatigut angalaannartuussanatik, sunngiffimmilu ingerlatani assersuutigalugu naalatsitsiniarneq siunertaralugu sungiusaanerni qimminilluunniit allatigut sungiusaanermi sungiusaaneq ingerlanneqassappat qimmit pituttaanis-

saat pisariaqanngitsoq. Tamannali tamatumunnga atatillugu sunngiffimmi ingerlatanik uanga namminerluinnaq inerniliineraara.

Qimmittaaq sulinermi atorpeqartartut savaatillilluunniit qimmii pineqanngippata qimmit allat illoqarfiit avataanni piniarnermut sunngiffimmi sammisanut atorpeqannginnerminni pitussimasariaqannginerat aamma eqqumaffigineqartariaqarunarpog." (Atorfeqarfimmi nutsigaa-voq)

Tamatuma kingornatigut imaattunik oqaaseqaateqarpunga:

"A-p taarsiivigeqqulluni piumasaqaataanik aalajangiiviginnissimanermit inatsisitigut tunngavigisag

Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaanni nr. 18-imi, 30. oktober 1998-imeersumi § 9 imaattunik oqaasertaqarpog:

"§ 9. Qimmit arfinilimik qaammateqalereersimasut kalunnernik pitussimassapput, mattusimaneqarlutik, ungaluukkani mattusimaneqarlutik imaluunniit pituutaqartinneqassallutik.

Imm. 2. Imm. 1-imi aalajangersakkanut ilaatinneqanngillat savaatillit qimmii, qimmit sulisitat naalakkersugaasut kiisalu qimmit illoqarfiup avataani aallaaniarnermut suliffiilluunniit avataatigut sammisaqarnernut atorpeqartut aamma naalakkersugaasut, kiisalu qimmit qeqertani qimmilivinni akuerisaniittut.

Imm. 3. Qimmit pitussimannigitsut toqunneqarsinnaapput piginnittumut taarsiinissamut akissusaaffittaqqanngitsunik. Tamannali atuutinngilaq imm. 2 naapertorlugu qimminut pitussimasusaatitaanngitsunut."

Inatsisissatut siunnersuutip Inatsisartuni oqaluuserineqarnermini Naalakkersuisut oqaaseqaataanik ilaatigut imaattunik ilaqartinneqarpog:

"§ 9-mi imm. 2 pillugu.

§ 9, imm. 1-imi aalajangersakkami qimmit aliikkutat aamma pineqarmata maluginiarneqasaaq. Taammaattorli aalajangersagaq qimminut naalakkersukkanut savallu qimmiinut atuutinngilaq, taamaattoqaraluarpammi sulisinnaanaviannigillat, aamma aallaaniarnermut allanullu illoqarfiup sanaartorfiusimasup avataani qimminik atuinissaq periarfissinneqarpog.

§ 9-mi imm. 3 pillugu.

Aalajangersakkakkut tassuuna erseqqissarneqarpog oqartussaasut taarsiissuteqarnissamut akissusaaffiligaanatik qimminik pitussimannigitsunik sumiiffimmi malittarisasaqartitsinikut aqusisinnaatitaanerat. Soorunalimi qimmit unioqquitsinerunngitsunik pitussimannigitsut toqunneqassanngillat."

Taamaalilluni Inatsisartut inatsisaanni § 9, imm. 1 qimmit pituttaanissaannik imaluunniit ungaluukkani mattusimaneqarnissaannik ataatsimut piumasaqaammik ima-qarpoq.

Inatsisartut inatsisaanni § 9, imm. 2-kkut aalajangersarneqarpoq piumasaqaat taanna qimminut naalakkersugaasunut illoqarfiup avataani sunngiffimmi sammisanut atornerqartunut atuutinngitsoq.

Qimmeq pineqartoq taassuma A-mit nakkutigineqannginnerani aallaallugu toqunneqarsimasoq suliame oqaatigineqarmat uanga paasinninnera unaavoq suliaq Inatsisartut inatsisaanni § 9, imm. 1 aamma imm. 3 tunngavigalugit taakkulu tunngavigalugit allaffissornermi aqutsinikkut malittarisassat aalajangersarneqarsimasut tunngavigalugit naliliivigineqassasoq.

Inatsisartut inatsisaata atuutsinneqarnissaa siunertaralugu inatsit § 13-imi aalajangersakkamik imaattumik imaqarpoq:

"§ 13. Kommunalbestyrelsi kommunimut qimmit qitsuillu pillugit ileqqoreqqusaliussaaq.

Imm. 2. Ileqqoreqqusat tamakku imarisassaannut Naalakkersuisut erseqqinnerusunik maleruagassanik aalajangersaassapput.

Imm. 3. Imm. 1-imi ileqqoreqqusat taaneqartut atuutilersinneqartinnagit Naalakkersuisunit akuersissutigineqassapput."

K Kommunimi qimmeqarneq qitsuuteqarnerlu pillugit ileqqoreqqusaq Naalakkersuisut 29. april 2004-mi atortussanngortillugu akueraat.

Ileqqoreqqusani § 9-mit makku erserput:

"Kommunalbestyrelsep toqutsittassavai imaluunniit tigusassavai qimmit angalaaginnartut, qimmit qitsuillu pigineqanngitsut kiisalu qimmit qitsuillu unioqutitsinikkut eqqussat pigineqartullu. Qimmit angalaaginnartut imaluunniit qimmit inuttaqanngitsut imaluunniit qimmit qitsuillu akuerisaanngitsumik pigineqartut toqunneqannginneranni ullunik marlunnik piffissaliisoqartassooq, tamannalu allagarsinikkut pisassaaq, kommunep allaffiani imaluunniit nunaqarfinni allaffinni."

Ileqqoreqqusaq qimminik toqutsinermi taarsiissuteqartarneq pillugu malittarisassanik imaqqanngilaq.

Manna oqaatigaara, tassalu Inatsisartut inatsisaanni § 9, imm. 3 tassaammat malittarisassaq, qimminik pitussimannngitsunik § 9, imm. 1-imi qimmit angalaannartussaanginnerannik nalinginnaasumik piumasaqaammut ataneqartillugu toqoraanissamut inatsisitigut tunngavigisassaq.

§ 9, imm. 3 iliuutsinut oqartussaasut atortitsiniarnerminni kukkussutaannut ataneqartinneqarsinnaasumik ajoqusiisumik iliuuserisaasa kingunerisaannut taarsiissuteqarnissamik pisussaaffeqarnerannik aalajangersaasuunngilaq. Kukunermut atatillugu

taarsiissuteqarnissamut akisussaaffik immikkut inatsiseqartitsinermik tunngaveqarpoq, tak. ataani allaaserineqartut.

§ 9, imm. 1-imi aamma imm. 3-mi aammattaaq takuneqarsinnaanngilaq taarsiissuteqarnissaq pillugu apequttip aalajangiivigineqarnerani qimmip qimmimik piginnittup § 9, imm. 1-imik imaluunniit malittarisassanik kommunip ileqqoreqqusaani aalajangersarneqarsimasunik unioqquitsinermigut inatsisinik unioqquitsilluni iliuseqarnera pingaartillugit isiginiarneqarsinnaanersut.

Taamaattumik kommuni A-p qimmianik toqutsinermigut kukkussuteqarsimappat uanga paasinninnera unaavoq A-p taarsiivigeqqulluni piumasaqaataa kommunip Inatsisartut inatsisaanni § 9, imm. 3 tunngavigalugu aalajangiivigisinnaasimannikkaa.

Aammattaaq § 9, imm. 3 tunngavigalugu taarsiissutitaqanngitsumik toqoraaneq pillugu malittarisassaq Inatsisartut inatsisaanni § 28-mi pineqaatissiisarneq pillugu malittarisassanut ataneqartinnagu aalajangersarneqarsimavoq.

Taamaattumik uanga paasinninnera aamma unaavoq § 9, imm. 3 tunngavigalugu qimmimik toqutsineq qimmimik piginnittup Inatsisartut inatsisaanni § 9, imm. 1-imik piaaraluneerluni mianersuaalliorluniluunniit unioqquitsineranut pineqaatissiissutitut pisinnaanngitsoq.

Taamaattumik tamanna pissutigereerlugu qimmimik § 9, imm. 3 tunngavigalugu toqutsinerup taarsiissutitaqartussaanninneranik kommunip naliliiniarnermini qimmimik piginnittoq qimmip angalaannarnera pillugu avoqqaarineqarsinnaanera inatsisinik unioqquitsinani pingaartillugu isiginiarsinnaanngilaa.

Pisortani oqartussaasut taarsiissuteqarnissamut akisussaaffeqarnerat pillugu ataatsimut oqaaseqaatit

Pisortani oqartussaasut oqartussaassutsiminnik atortitsiniarnerminni, matumani ingerlatsinermik suliaqarnivik ilanngullugu eqqarsaatigalugu, kukkussutaat pissutigalugit taarsiissuteqarnissamut akisussaaffeqarnerannut tunngavik inatsisitigut nalinginnaasumik aalajangersaavigineqarsimannngilaq, inatsiseqartitsinermili periaatsimik pisuussuteqarnermut akisussaaffeqarnermik (culpa-ansvaret) aallaaveqartumik tunngaveqarluni. Tamanna naalagaaffeqatigiinnerup iluani isumaqatigiissutinut tunngasut avataasigut taarsiissuteqarnissamut akisussaatisarnermi nalinginnaasumik tunngaviuvoq¹⁸.

Taamaattumik taarsiissuteqartoqarnissaanut tunngavissaqarnera saqqummiunniartilugu aallaavittut piumasaqaataavoq 1) oqartussaasoq akisussaaffiliisumik kukkussuteqarsimassasoq, 2) innuttaasoq suliffeqarfilluunniit annaasaqarsimassasoq, 3) kukkunerup annaasaqarnerullu akornanni pissutsut imminnut ataneqassasut, 4) annaasat kukkunerup nassatarissagai naatsorsuutigineqarsinnaassasoq, aamma 5) ajoquserneqartoq nammineq pisuussuteqarsimassanngitsoq.

18) Jens Garde allalu "Forvaltningsret, Almindelige Emner", 2004-mi sisamassaanik naqitertitaq, qupperneq 559 aamma quppernerit 571 tulluilu

Kommunip suliamik suliarinninnera, matumani ilimasaaruteqarnissamut pisussaaffeqarneq ilanngullugu eqqarsaatigalugu

Qimmit pillugit ileqqoreqqusami § 9-mi, oqaaseqatigiit aappaasigut aalajangersarneqarpoq qimminik toqoraasoqanninnerani ullunik marlunnik sioqqutsisumik ilimasaarisooqassasoq.

Taamaattumik A-p qimmianik kommunip toqutsinialinnginnerani ilimasaarisussaati-taaneq eqqortinneqarsimanersoq misissussallugu kommuni pisussaaffeqarsimavoq.

Suliami takuneqarsinnaavoq qimmit angalaannartut 29. september 2006-imi toqorar-neqarniarnerannik nalunaarut kommunip illoqatigiikkuutaanut 28. september 2006-imi agguassimagaa.

Allakkat taakku qimmit pillugit ileqqoreqqusami § 9-kkut ullunik marlunnik sioqqutsil-luni ilimasaarisimanissamik piumasaqaat eqqortinngikkaat taamaattumillu allakkat taakku innersuussutigalugit allakkat illoqatigiikkuutaanut agguanneqarnerisa aqa-guani kommunip qimminik toqoraasinnaasimanninnera qularnaappoq.

Taamaallilluni ilimasaarinissamik piumasaqaatip allatut iliorluni eqqortinneqarnis-saa isumagissallugu kommuni pisussaaffeqarsimavoq.

Malugaara kommunip tusarniaanermut akissummini 7. maj 2007-imeersuni oqaatigi-gaa kommunip A ukiup ingerlanerani siusinersukkut oqaasiinnartigut ilimasaarute-qarfigisimagaa, 2006-imilu aasakkut tamanut allagarsiivikkut allagarsiisoqarsima-soq.

Kommunip aningaasaqarnermut inuussutissarsiornermullu ataatsimiititaliaata kom-munalbestyrelsillu suliamik suliarinneqqinnerannit erserpoq A-p qimmini pitoqqullu-gu ukioq taanna siusinersukkut oqarfigineqarsimanagera kommunip pingaartillugu isiginiarsimagaa. Tamanna A-p kommunalbestyrelsimut ilumuunnginnerarsimavaa.

Uanga paasinninnera malillugu ilisimasaarinissap malinneqarneranik apeqqutip aalajangiivigineqarnerani manna aalajangiisuunngilaq, tassalu A qimmini pitoqqul-lugu peqquneqarsimanersoq, peqqusissut malinneqanngippat qimmeq toqunnarne-qartoq tamatumunnga atatillugu oqaatigineqarsimannippat.

Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaat peqqusissutinik ilaatigut Inatsisartut inatsisaanni § 9-p malinneqarnerata qulakkeer-neqarnissaanut pisariaqartunik nalunaaruteqarnissamut § 5-ip immikkut tunngavissa-mik imaqarnera matumani pingaartillugu isiginiarpara. § 5-imit imaluunniit aalaja-ngersagaq taanna piareersarlugu sulianit manna ersinngilaq, tassalu peqqusissutip taamaattup immi ilimasaarut qimmit pillugit ileqqoreqqusaq Inatsisartut inatsisaan-ni § 13 tunngavigalugu kommunimut atuuttoq tunngavigalugu pinngitsoorani iliuuse-rineqartussaq taarserneraa.

Illoqatigiikkuutaat ataasiakkaarlugit 28. september 2007-imi agguassineq sioqqullu-gu A qimmip toqunneqarniarneranik immikkut ilisimatinneqarsimanersoq paasissutis-siissutigineqanngilaq.

Taamaattumik tamanna pissutigalugu isumaqarpunga qimmeq pitoqqullugu A-p 2006-imi aasakkut peqquneqarnerata qimmit pillugit ileqqoreqqusami § 9-mi ilimasaarinis-

samik piunasaqaat eqqortinnikkaa, A tamatumunnga peqatigitillugu oqarfigineqar-simannigppat peqqusissut malinneqannigppat qimmeq toqunneqarniartoq.

Kingulliulluni apeqqutaalerpoq kommunip 2006-imi aasakkut allagarsiussaata ilima-saarinissamik pisussaaffeqarnek eqqortinneraa, taamaalilluni kommuni qimminik a-ngalaannartunik 29. september 2006-imi tamanna tunngavigalugu ileqqoreqqusami § 9 naapertorlugu toqoraasinnaalersillugu.

Tamanna pillugu oqaatigaara ilimasaarinissamik pisussaaffeqarnermi innuttaasut eqqorneqartut ilimasaarutigineqartoq tunngavigalugu aaqqissuussiniarnissaminnut periarfissinneqarnissaat siunertaasoq.

A-p kommunimut 29. september 2006-imi naammagittaalliummini oqaatigaa qimmeq pineqartoq 27. september 2006-imiit pituttaasimannigitsoq.

A-p paasissutissiissutigisaa eqqorpat qimminik toqoraanissamik ilimasaarut 27. sep-tember 2006 sioqqullugu nalunaarutigineqarsimasoq kommunip tunngaviginiarsin-naanngilaa.

Taamaattumik kommunip taarsiivigineqarnissamik piunasaqaat pillugu aalajangii-nermini A-p qimmeq 2006-imi aasakkut allagarsiussinerup kingornatigut kalunnernik pitussimanniginneraa misissussallugu pisussaaffeqarsimavoq.

Qimmini 27. september 2006-ip tungaanut pituttaasimaneranik kalunnilerneqarsima-neranilluunniit A-p paasissutissiissutaata ilumuunnginnera kommunip uppernarsisin-naangikkuniuk piffissaq taanna sioqqullugu allagarsiussaq innersuussutigalugu ileq-qoreqqusamilu aalajangersagaq innersuussutigalugu qimmimik toqutsisinnaasimas-sanngilaaq.

Paasissutissanik qimmip 27. september 2006-ip tungaanut pituttaasimaneranik kalun-tilerneqarsimaneranilluunniit A-p paasissutissiissutaata ilumuunnginneranut upper-narsaataasunik pigisaqaruni A-p qimmiata toqunneqarnera ilumut pissutissaqarner-soq A-p taarsiivigineqarnissamik piunasaqaataata aalajangiivigineqanniginnerani paasissutissat taakku pillugit A-mut tusarniaanissaminut kommuni suliassat sularine-qartarnerat pillugu inatsimmi § 19 tunngavigalugu aamma pisussaaffeqarsimavoq.

Ilassutitut oqaatigaara suliap paasissutissartalorsorneqarnissaa kommunip pisussaaf-figigaa, matumani qimminik toqoraanerup aallartinneqarnissaanut piunasaqaataasut eqqortinneqarsimanerat ilanngullugu eqqarsaatigalugu.

Qimmit angalaannartut toqorarneqarnissaannik imaqartumik tamanut allagarsiussap malinneqarsimanniginneranik uppernarsaasiinissamut kommunip pisussaaffeqarnera pissutigerpjarlugu allagarsiussaq taamaattoq kommunip ilimasaarinermut piffissa-liussap naanerata kingornatigut qimminik toqoraanermigut pisariaqartumik piaarner-paamillu malitseqartitsivigisariaqarpaa.

Taamaattumik isumaqarpunga suliame allakkatigut paasissutissat pigineqartut tun-ngavigalugit kommunip manna tunngaviutissinnaasimannikkaa, tassalu A-p qimmia qimmit pillugit ileqqoreqqusami ilimasaarisarnermi malittarisassaq malillugu toqun-niarneqarsimasoq.

Allagarsiisoqarneranit toqoraanerup aallartinnerata tungaanut piffissamik sivilisunerusumik ingerlatitsinermigut qimminik toqoraanissap ilimasaarutigineqartup ilumut malitseqartitsivigineqarniarneranik innuttaasunut kommunip nalornisitsinera taamalu innuttaasut inatsisitigut innarlitsaalineqarnerannik nalorninartorsioritsinera ingerlatsinermi ileqqorissaarnermik aamma unioqutitsineruvoq.

Isiginiagassanik suliambut attuumassuteqanngitsunik isiginninniarneq tunngavilersuisussaatitaanerlu

Kommunip tusarniaanermut akissutaanit 7. maj 2007-imeersumit erserpoq A-p taarsiiveqqulluni piunasaqaataanik kommunip itigartitsinera qimmiutillit allat "peqqusersusaarlutik taarsiivigitinnisarsarisut" pinngitsoortinneqarnissaannik kommunip kisaateqarneranik aamma tunngavilersorneqarsimavoq.

Tamanna pillugu oqaatigaara kommunip ingerlatsinini innuttaasut pissutissaqanngitsumik taarsiiveqqullutik piunasaqaateqartalernissaannik ilimaginninnernik uppernarsaasersugaanngitsunik tunngaveqartissinnaanngikkaa. Tassani aamma ilaavoq kommunip sulianik ingerlanneqartunik paasisutissartalersuinissaminut pisussaaffeqarnera, taamatuttaarlu kommunip qimminik angalaannartumik sukumiisumik akiuniarnissamik kisaateqarnerata kommuni inatsiseqartitsinikkut atuuttunik malinninnissaanut pisussaaffiianngikkaa.

Tamanna tunngavigalugu isumaqarpunga isiginiagassat kommunimit paasisutissiisutigineqartup suliambut attuumassuteqartuunngitsut taamalu inatsisinik unioqutitsisuullutik, tamannalu isorisariaqartorujussuuvoq.

Aamma oqaatigaara kommuni suliassat sularineqartarnerat pillugu inatsimmi § 22 tunngavigalugu aalajangiinernik A-mut allakkatigut saqqummiunneqartutigut isiginiagassaq taanna nassuiassallugu pisussaaffeqarsimasoq, isiginiagassatut oqaatigineqartup inatsisinik unioqutitsisuunera apeqqutaatinnagu. Taamaalluni tunngavilersuisussaatitaaneq kommunip malissimannigilaa, tamannalu immini kukkuneruvoq.

Suliap suliareqqinneqarnera

Qimmit pillugit ileqqoreqqusami § 9-mi ilimasaarinissamut piffissaliussap malinneqarsimaneranik A eqqarsaatigalugu kommunip uppernarsaatissanik saqqummiussimanninnerata aamma A-p taarsiiveqqulluni piunasaqaataanik aalajangiiviginninnermi kommunip isiginiagassanik inatsisinik unioqutitsisumik isiginiagaqarsimanerata nassatarisaannik inassuteqaatigaara suliap kommunip suliareqqissagaa, kukkussutigineqarsimasut aaqinneqarnissaat siunertaralugu.

Kommuni suliap suliareqqereerlugu A-p qimmiata toqunneqarnissaa kommunip inatsisinik unioqutitsinani suliniutigisinnaagaa isumaqassappat taava taamaakkaluar-

toq manna pineqarsinnaavoq, tassalu kommunip qimmeq taarsiissutitaqanngitsumik toqussinnaasimangikkaa.

Tamanna taarsiissuteqarnissamut annertusisamik akisussaaffeqarnermik, innuttaasut piginnittussaataitanerannut akuliunnerni tamani atuuttumik pissuteqarpoq, tulliuttu-nilu tamanna pillugu nassuiaateqarpunga.

Annertusisamik akisussaaffeqarnermut tunngaviusoq

Akisussaaffeqarnermut tunngaviusoq oqartussaasut piginnittussaataitaner-mut tunngasunut akuliunneranni sakkortusisarpoq. Tamanna Tunngaviusumik Inatsimmi § 73, imm. 1-imut imaattunik oqaasertaqartumut ataneqarpoq:

"§ 73. Piginnittuussuseq ajortumiitsaaliugassaalluinnassaaq. Kinaluunniit pigisani tunniu-tissallugu pinngitsaalineqarsinnaanngilaq tamanut iluaqutissaasut pillugit allatut ajornar-luinnarsimangippat, arsaarneqarneq inatsisit naapertorlugit taamaallaat pisinnaavoq ar-saarinnissutillu naligisaa inornagu taartisissutigineqassalluni."

Taamaalilluni Tunngaviusumik Inatsimmi pigisanik taarsiissuteqarnikkut pinngitsaa-liilluni arsaarinnittarneq pillugu aalajangersakkap manna nassataraa, tassalu pigin-nittussaataitaner-mut inatsisunik unioqqutitsinani akuliunneq taarsiissuteqarnissamik pisussaaffeqalersitsisartoq.

Qimmit qimuttut kiisalu qimmeqarneq qitsuuteqarnerlu pillugit Inatsisartut inatsi-saanni § 9, imm. 3-p allatigut tunngavissaqannginneq pissutigalugu qanoq paasine-qarnissaa manna aallaavigalugu nassuiarneqartariaqarpoq, tassalu Inatsisartut Tunngaviusumik Inatsit naapertorlugu inatsisiliornissaq siunertarisimagaat.

Taamaattumik qimmeq angalaannartoq taarsiissutitaqanngitsumik toqunneqassappat taamaaliornerup pigisamik taarsiissuteqarnikkut pinngitsaaliissummik arsaarinnin-ner-tut pissuseqannginnissaa piumasagaataasariaqarpoq.

Inuussutissarsiutigalugu uumasuutit aliikkutatullu uumasuutit pigisaapput piginnittu-mut nalillit, taamaattumillu oqartussaasut uumasunut sammititaasumik akuliunnerat taarsiissuteqarnikkut pinngitsaaliissummik arsaarinninnerusinnaavoq.

Inatsisileriner-mi tamanna pillugu atuakkiat aamma allaaserisat¹⁹ imatut paasineqar-sinnaapput akuliunnerup taarsiissuteqarnikkut pinngitsaaliissummik arsaarinninne-runeranik aalajangiiner-mi manna pingaaruteqangaatsiartumik isiginiarneqarsinnaa-soq, tassalu akuliunneq ulorianartorsiortitsiner-mik, allatut ajornartumik imminut

19) Henrik Zahlep atuakkiat "Grundlovs-kommentar", 1999-imeersaq, quppernerit 376 tullialu, atuakkianut allaaserisanullu tassani innersuussutit ilanngullugit, pingaartumik Rossip atuakkiat "Dansk Statsforfatningsret" 1980-imeersaq, qupper-neq 669 aamma Henning Skovgaardip atuakkiat "Offentlige myndigheders erstatningsansvar" 1983-imeersaq, qupper-nerit 249 tullialu.

illersortariaqarnermik imaluunniit allatut ajornartumik iliuuseqartariaqarnermik tunngaveqarnersoq.

Illersorsinnaatitaanermik isiginninnerit taarsiissutitaqanngitsumik akuliunnernut tunngavittut atorreqartarnerannik apeqqut pillugu oqaatigaara qimmit qimuttut kiisalu qimmeqarnek qitsuuteqarnerlu pillugit Inatsisartut inatsisaanni §§-it 25 aamma 26 uumasunik illersorneqarsinnaanngitsumik pineqartunik taarsiissutitaqanngitsumik toqoraaneq pillugu malittarisassanik imaqartut. Uanga paasinninnera unaavoq §§-it 25 aamma 26 illersorniarluni iliuuseqarsinnaatitaaneq pillugu malittarisassanut ataneqartillugit isiginiarneqartariaqartut. § 9, imm. 3-mili taarsiissutitaqanngitsumik toqoraaneq pillugu malittarisassaq taarsiissutitaqanngitsumik aalajangersaaneq pillugu inatsiseqartitsinikkut tunngavinnut imaaliallaannaq ataneqartinneqarsinnaanngilaq.

Ulorianartorsiortitsinerup taarsiissutitaqanngitsumik akuliunnernut tunngavittut atorreqartarnerannik apeqqut pillugu makku oqaatigaakka:

Højesteretsip eqqartuussutikkut UfR 2000.1/2-mi issuarneqartukkut erseqqissarpaa uumasut illumiutat nappaataat pillugit qallunaat inatsisaanni § 29-mi uumasunik nappaatit tunillaassuussinnerat pillugu toqorarneqartunik piginnittuusunut taarsiissutinik ikilisisinnaanermik malittarisassaq Tunngaviusumik Inatsimmi § 73-imik unioq-qutitsinerunngitsoq, tassami Højesteretsip erseqqissarmagu pigisanik taarsiissutitaqartumik pinngitsaaliilluni arsaarinninnerup pineqarnerata aalajangerniarneqarnerani akuliunnermi inuiaqatigiit soqutigisaat kisiisa pingaartillugit isiginiarneqarsinnaanngitsut.

Aammattaq Højesteretsip eqqartuussutikkut UfR 2001.1057-imi issuarneqartukkut erseqqissarpaa rockereqatigiikkuutaat akornanni annersaanertalimmik aporaanerannut atatillugu ulorianartoq annertoq pinngitsoortinniarlugu illuutiniq piginnittut illuutini aalajangersimasuneeqquneqannginnerisigut piginnittussaataitanermut (killilimmik) akuliunneq pigisanik taarsiissutitaqartumik pinngitsaaliilluni arsaarinninnerunngitsoq.

Eqqartuussutit taakku marluk taamaalillutik erseqqissarlugu oqaatigaat akuliunnerup pigisanik taarsiissutitaqartumik pinngitsaaliilluni arsaarinninnerup pineqarnerannik apeqqut pisortani oqartussaasup inuiaqatigiit soqutigisaat tunngavigalugit innuttaasut piginnittussaataitanerannut akuliussimanerannik paasinninnerinnarmik annertunerusutigit tunngaveqarluni naliliineq tunngavigalugu akineqassasoq.

Qimmit qimuttut kiisalu qimmeqarnek qitsuuteqarnerlu pillugit Inatsisartut inatsisaanni § 9, imm. 3 taassumalu piareersarneqarnerani suliat aalajangersakkap taassuma qanoq atorreqarnissaa pillugu ilitsersuummik oqartussaasut qimminik angalaannartunik ikilisaanissaannut inatsisitigit tunngavissaliinermik siunertaqarnerup sania-tigit allamik imaqanngimmat uanga paasinninnera unaavoq Inatsisartut inatsisaata taassuma kommuni qimminik angalaannartunik taarsiissutitaqanngitsumik sukkul-luunniit toqoraanissaanut periarfissinngikkaa.

Taamaalilluni qimmit qimuttut kiisalu qimmeqarnek qitsuuteqarnerlu pillugit Inatsisartut inatsisaanni § 9, imm. 3-p qanoq paasineqarnissaanik Tunngaviusumik Inatsimmi § 73 naapertorlugu nassuiaaneq imaattumik inerniliinermik kinguneqarpoq, tassa-

lu Inatsisartut inatsisaat taanna qimminik taarsiissutitaqanngitsumik toqoraanissamut taamaallaat periarfissiisoq toqoraaneq pisunik piginnittup aningaasatigut annaaneqarsinnaasunik nammattussaasariaqarneranik pissuteqarpat.

Taamaalilluni kommuni toqoraanermut taarsiivigeqqulluni piumasaqaammik itigartitsinniginnermini toqoraanermik ingerlanneqarsimasumik naliliiviginninnissaminut innersuussaavoq.

Uanga paasinninnera unaavoq Inatsisartut inatsisaanni § 9, imm. 3 tunngavigalugu taarsiissutitaqanngitsumik toqoraasoqassappat tamatumani qimmit angalaannartut saassussiniartutut pissusilersortut imaluunniit qimmit amerlanerusut ataatsimoortut pineqarnerat tunngaviusariaqartoq, tamatumani tak. inatsisissatut siunnersuut pillugu oqaaseqaatini "qimmit pitussimanngitsut" ataatsimoortillutik ulorianartuunerannik eqqartuineq.

Kommuni ulorianartunik pinaveersimatitsiniarneq imaluunniit qimminik pitussimanngitsunik ataatsimoortunik ajoqusiiinnaajunnaarsitsiniarneq siunertarinagu qimminik pitussimanngitsunik toqoraappat uanga paasinninnera unaavoq taarsiissutitaqanngitsumik iliuuseqarsinnaanermut piumasaqaataasut eqqortinneqarsimanngitsut, tassami taamaaliortoqarpat pineqartoq tassaassammat akuliunneq qimminik piginnittunut taarsiissuteqarnikkut pinngitsaaliissummik arsaarinninnertut pissuseqartoq.

Uumasunik illersuineq pillugu Inatsisartut inatsisaat

A-p qimmiata toqunniarneqarnerani qimmip pissallugu aallaaneqarsimanera tamatumalu kingornatigut qimmip toqunneqarnissaanik A-p isumaginnittariaqarsimanera kommunip A-mut ajuusaarutigisimavaa.

Tamanna pillugu oqaatigaara uumasunik illersuineq pillugu Inatsisartut inatsisaanni nr. 25-mi, 18. december 2003-meersumi § 13, imm. 1 imaattunik oqaasertaqarmat:

"§ 13. Uumasunik toqutitsiniartup uumasup sapinngisamik piaarnerpaamik naalliunnangitsumillu toqutinneqarnissaa qularnaassavaa. Qimitsinikkut nivinnaanikkulluunniit toqutitsineq inerteqqutaavoq. Uumasunik imarmiunnngitsunik ipititsinikkut toqutitsineq aamma inerteqqutaavoq."

Kommunip pisumik ajuusaarutiginninnera tamanna tunngavigalugu ilalersinnaavara. Uumasunik illersuineq pillugu Inatsisartut inatsisaanni § 27, imm. 1 aalajangersakkamik aamma imaattumik imaqarpoq:

"Akiliisitaanermik kinguneqarsinnaapput:

...

2) toqutitsinerit, pilattaanerit taamaaqataanillu passussinerit pillugit § 13, imm. 1-imi, §§ 14-imi aamma 15-imi maleruagassatut aalajangersakkanik sumiginnaanerit,

..."

Innuttaasut ingerlatsivimmi atorfeqartitaasunik tatiginnissinnaassasut nalinginnaasumik piumasaqaataavoq.

Tamatuma nassataraa kukkunerit atorfeqartitaasunit kukkussutigineqartut aaqqinngarnissaat oqartussaasut pisussaaffigigaat.

*Oqartussaasut tamatumunnga atatillugu matuminnga naliliiviginninnissaminnut pisussaaffeqarput, tassalu oqartussaasuni atorfeqartitaasut kukkunerinut pineqaatissii-
nermik qisuariaateqarnikkut politiinulluunniit nalunaarutiginninnikkut akuliuttoqas-
sanersoq.*

*Kommuni innuttaasumik pissutsit inatsisinik unioqqutitsinermut tunngasut pillugit po-
litiinut nalunaarutiginninniarpat pisumik kommunip nammineq atorfeqartitaanit pilia-
rineqarsimasumik politiinut nalunaarutiginninnissaminut kommuni aallaavittut aam-
ma pisussaaffeqartussaavoq.*

*A-p qimmianik iluatsinngitsoortumik toqutseriaraluarnermut atatillugu pisut qimmi-
nik toqoraasup pineqartup kommunimit pineqaatissiissuteqarfigineqartariaqarnera-
nut imaluunniit kommunip politiinut nalunaarutiginnittariaqarneranut tunngaviusa-
riaqarsimagaluarnersut nalilersinnaanngilara.*

*Taamaattumik inassuteqaatigaara malittarisassanik atuuttunik qimminik toqoraasu-
mut erseqqissaaneq qisuariaatitut naammannersoq kommunip isumaliutersuutigissa-
gaa.*

Suliap ingerlaqqinnera

Kommunip inassuteqaatinnut akissuteqarnissaa utaqqimaarpara.

*Suliami allagaatit atukkiunneqarnerat qujassutigalugu taakku allakkatigut allatigut
kommunimut utertillugit nassiuppakka.*

*A suliamik paasinninninnik allakkatigut allatigut allakkat ukua assilinerannik ilaqar-
tinneqartutigut ilisimatippara.*

*Qimmit qimuttut kiisalu qimmeqarneq qitsuuteqarnerlu pillugit Inatsisartut inatsi-
saanni § 9, imm. 3-p qanoq paasineqarnissaanik nassuiaaneq pillugu oqaaseqaatima
nassatarisaanik Inatsisartut Inatsisit Atortinneqarnerannut Ataatsimiititaliaat aamma
Naalakkersuisut § 9, imm. 3-p taarsiissutitaqanngitsumik toqoraasinnaatitaanerup an-
nertussusianik sukumiisumik allaaserinnittuunnginneranik Inatsisartut Ombudsman-
diat pillugu inatsimmi § 11 tunngavigalugu nalunaarfigaakka."*

Kommunip 21. november 2007-imi nalunaarfigaanga uanga paasinninnera kom-
munip tusaatissatut tigugaa, taamaattumillu A-p taarsiivigeqqulluni piumasaqaa-
taa kommunip malissimagaa, naak kommunip paasinninnini aalajangiusimaga-
luaraa.

Kommunip akissutaa ukiup nalunaarusiuunneqartup naanerani suli isummerfiginngilara, taamatuttaarlu Ombudsmandi pillugu inatsimmi § 11 tunngavigalugu nalunaarutiginninnut Naalakkersuisut akissutaannik suli tigusaqarnanga.

5.9. Allat (atuartitsineq, ilinniartitsineq il.il.)

5.9.1. Atuarfiup siulersuisuini siulittaasup suliffianit qinnuteqaataanngitsumik suliunnaarsinneqarnissaanut inatsisitigut tunngavissaqannginneq, matumani Qinigaasinnaassuseq pillugu Ataatsimiititaliap suliamik sularinninnissaminut pisinnaatitaannginnera ilanngullugu eqqarsaatigalugu

K-mi atuarfimmi siulersuisut siulittaasuattut suliffimminit pinerluttulerineq pillugu inatsiseqartitsineq tunngavigalugu pineqaatissinneqarsimanini pissutigalugu K Kommunip qinnuteqaataanngitsumik imminik suliunnaarsissitsimanera A-p naammagittaalliutigaa.

K Kommunip inatsisitigut tunngavissaqarani aalajangiisimanera Ombudsmandip isornartorsiorpaa, Ombudsmandimmi manna pingaartillugu isiginiarmagu, tassalu atuarfiup siulersuisunut ilaasortat angajoqqaat qinigaasa taamatut sulinissamut naleqquttuussuseqarnissaannik piumasaqaatinik aalajangersaasoqarsinnaanngitsoq.

Qinigaasinnaassuseq pillugu Ataatsimiititaliap suliamik sularinninnissamut pisinnaatitaanngitsutut imminut isiginera Ombudsmandip oqaaseqaateqarfiginissaanut pissutissaqalersitsinngilaq, taamaattorli Ataatsimiititaliap paasissutissanik oqartussaasunit allanit pissarsiniannginnermini pisinnaatitaanermut tunngasut pillugit apeqqummik misissuisimannginnera Ombudsmandip pitsaanngitsorujussuartut isigaa.

Ombudsmandip aamma oqaatigaa Ombudsmandip saaffiginnissutai K Kommunip aamma Qinigaasinnaassuseq pillugu Ataatsimiititaliap akiniaasaarpallaarsimagaat (j.nr. 11.10.79.01/064-04).

Kommunip suliamik sularinninneranik misissuina suliap ingerlasimaneranut imaattumut tunngasuvoq:

A K-mi atuarfimmi siulersuisunut piffissami 2001-imit 2005-imut meeqqat angajoqqaavinit qinigaavoq. A atuarfiup siulersuisuini siulittaasutut aamma qinigaa-voq.

Kommunip tusarniaaninnut akissutaani 16. oktober 2004-meersumi oqaatigineqarpoq A annersaasimanani pissutigalugu 2003-mi ukiakkut pineqaatissinneqartunut inissiisarfimmiittussanngorlugu eqqartuunneqarsimasoq.

K Kommunimi atuarfiup pisortaanera A-mut 3. februar 2004-mi imatut allappoq:

"Pineqartoq: Atuarfiup siulersuisuini sulinerit pillugu

Matumuuna atuarfiup siulersuisuini sulinerit akissarsialeriffimmut nalunaarutiginiuuara taama-tittoq.

Taamaalillutit taamaatitsinermik nalunaarfigaakkit.

Soorunami illit namminerpiq suna tunngaviusinnaasoq naatsorsuutigissagit naatsorsuutigaara.

Atuarfiup siulersuisuini sulisimanernut qutsavigissavatsigit. Siunissamilu assigiinngitsunik sulil-luarnissarnik kissaappakkit.

Taamaalillunga ilisimatitsissutigaara."

A uannut tamatuma kingornatigut naammagittaalliorpoq.

Kommuni allakkatigut 25. august 2004-meersutigut qinnuigaara naammagittaalliut pillugu oqaaseqaateqaqqullugu, A-llu soraarsinneqarneranut inatsiseqartitsinikkut tunngaviusoq pillugu nassuiaateqaqqullugu.

Kommunip 16. oktober 2004-imi imatut akivaanga:

"Allakkat 25.8.2004-meersut – j.nr. 11.10.79.01/064-04 – taama kingusitsigisumik akineqarnerat ajusaarutigissavara. Allakkat journalimi inissarinngisaannut ilineqarsimagamik.

Atuarfiup pisortaanerata ...-p paasissutissiinera malillugu suliap ingerlasimanera imatut allaasereqarsinnaavoq:

A 2003-mi ukiakkut pinerluuteqarsimasut pineqaatissinneqarpoq. ...-p oqarpoq atuarfik A-p peqanngittussaananik ilisimatinneqarsimangitsoq.

A-p qinigaasinnaassuseqarnera eqqartuussutip allaganngortinneqarneranik ilallugu Qinigaasinnaassuseq pillugu Ataatsimiititaliamut misilitassanngorlugu nassiunneqarsimavoq, akissummilli suli tigusaqartoqarsimanani.

Taamaalillutik atuarfiup siulersuisui 2003-mi ukiq tamaat 2004-mi februarip tungaanut ingerlasimangillat, 2004-mi februarimi atuarfiup siulersuisuisa siulittaasussaannik nutaamik qinersinerup tungaanut.

Qinersinermut tassunga atatillugu A-p sulinera ...-p "unitsippaa", tak. allakkat 3.2.2004-meersut.

Allakkat oqaasertalersugaanerat pitsaanngitsorujussuusooq ilu Moornerassavara, tamannalu aamma uparuarsimavara.

Meeqqat atuarfiat pillugu Inatsisartut peqqussutaanni atuarfimmi siulersuisut pillugit § 40-mi aalajangersakkami K-mi pisutut ittumik allaaserinnittoqarsimanngilaq.

Atuarfiup siulersuisuisa siulittaasuat "qinikkatut" pissutissaviusumik pissuteqarluni sulisinnaanngikkuni sulinnngiffeqarumalluni qinnuteqaateqarsinnaavoq, piffissamilu aalajangersimasumi qinigaaffimmini sulinnaarsinneqarsinnaalluni. ... taamaaliorsimanngilaq." (Atorfeqarfimmi nutsigaavoq)

Qinigaasinnaassuseq pillugu Ataatsimiititaliap allattoqarfia Naalakkersuisut Nunanut Namminermut Tunngasunut Allaffeqarfianniittoq oqarasuaatikku 27. januar 2005-imi aperaara suliaq Ataatsimiititaliap suliarisimaneraa.

Ataatsimiititaliap allattoqaffiata oqaatigaa kommuniip saaffiginnissutaa Ataatsimiititaliap siulittaasuanut nassiunneqarsimasooq, siulittaasorli sulii akisimanngitsoq.

Qinigaasinnaassuseq pillugu Ataatsimiititaliap atuarfiit siulersuisuini ilaasortat eqqarsaatigalugit pisinnaatitaanera pillugu allakkatigut 31. januar 2005-imeersutigtut tusarniaavigaara.

Qinigaasinnaassuseq pillugu Ataatsimiititaliap allattoqarfiata allakkatigut 17. august 2005-imeersutigtut akivaanga Ataatsimiititaliap atuarfiit siulersuisunut ilaasortat qinigaasinnaassuseqarnerannik misiliinissaminut pisinnaatitaanngitsoq.

Qinigaasinnaassuseq pillugu Ataatsimiititaliap 19. september 2005-imi qinnuigaara A-p qinigaasinnaassuseqarnera pineqartoq Ataatsimiititaliap suliarisimaneraa paasissutissiissutigeqqullugu.

Qinigaasinnaassuseq pillugu Ataatsimiititaliap allattoqarfiata akissutaa imaattoq 17. august 2006-imi tiguara:

"Suliami kommunimiit (oqaasiinnakkut imaluunniit allaganngorlugu) saaffiginnissutinik Qinigaasinnaanermut ataatsimiititap Allattoqarfia tigusaqarsimanersooq saaffiginnissuteqartoqarsimappallu saaffiginnissutit qanoq akineqarsimanersut Inatsisartut Ombudsmandiata akissuteqarfigeqquaa.

Kommuniip aamma Qinigaasinnaanermut ataatsimiititap Allattoqarfiata akornanni allakkatigut attaveqatigiittarsimanerit kinguliini nassuiaateqarfigineqassapput:

Ulloq 25. februar 2004-mi Qinigaasinnaanermut ataatsimiititap Allattoqarfiata taamanikkut kommunaldirektøriusumit ... e-mailikkut tiguai kinguliiniittut:

"Atuarfimmi pisortaanerput "kukkussuteqarsimavoq".

Atuarfiani atuarfiup siulersuisuini siutittaasoq isertitsivimmut isertinneqarpoq, sooq naluarpit (oqaluuserineqarporli nuliaminut nakuusersimanera pissutaasoq), qaammatinilu arlalinni.

Taamaattumik atuarfiup pisortaa januarip qaammataani siulittaasumik nutaamik toqqaavoq (naak taamatut pisoqarnerani atuarfiup siulersuisut pillugit § 33-mi erseqqissumik oqaatigineqaraluar-toq qanoq iliortoqassanersoq). Kingusinnerusukkut ulloq 3.2.04 tunuartumut (piffissap taamaalinerani iperagaasimasumut) soraarsitsissut isornartorujussuaq nassiuppa. Assersuutigalugu pis-sutaatinneqarpoq: Nammineq nalunngilat sooq soraarsitaallutit!

Pineqartoq borgmesterimut naammagittaalliuuteqarsimavoq uangalu utoqqatsissummik allaffi-gisimavara nalunaarlugu piaarnerpaamik uterfigeqqikkumaarlugu.

Kisianni...

Qinikkat allat assigalugit pineqaatissinneqareernermigut qanigaasinnaanermut ataatsimiititamit oqaluuserineqassaaq? Imaluunniit? Ikiorsinnaavinga?

Qinigaasinnaanermut Ataatsimiititap Allattoqarfiata tamatuma kingorna taamanikkut kommunal-direktøriusooq telefonikkut attavigaa. Taassuma ataatsimiititap allattoqarfia aperaa atuarfiup siu-lersuisuini ilaasortat qinigaasinnaassusiat Qinigaasinnaanermmut ataatsimiititamit oqaluuserine-qartarnersut, tassa atuarfiup siulersuisuini siulittaasoq (A) nakuusersimasorineqarmat. Telefo-nikkut oqaloqatigiinnermi Allattoqarfimmit malugeqquneqarpoq kommuninut qinersinnermi, t. i. kommunalbestyrelsinut, nunaqarfimmi aqutsisunut aamma ilagiit sinniisaannut qinigaasut sania-tigut qinikkat qinigaasinnaassusiat Qinigaasinnaanermmut ataatsimiititamit oqaluuserineqarsimangitsut aammalu suliame Allattoqarfiup qanoq iliuuseqaqqinnginnerani Qinigaasinnaanermmut ataatsimiititap siulittaasua isumasioqatigineqaqqartariaqartoq. Tamanna pillugu Allattoqarfiup kommuni qinnuigaa allaganngorlugu nassuiaammik nassiusaqaqqullugu.

Ataatsimiititap siulittaasua oqaloqatigereerlugu Allattoqarfiup kommuni akivaa e-mailikkut i-maattumik:

"Qinigaasinnaanermmut ataatsimiititap siulittaasua ... oqaloqatigereerlugu [oqaatigineqassaaq] atuarfiup siulersuisuini siulittaasoq inaarutaasumik eqqartuunneqareerpat imaluunniit akilii-sussannortinneqareerpat suliamek tassunga tunngasumik Qinigaasinnaanermmut ataatsimiititap aatsaat suliarinnissinnaavoq.

Tassa imaappoq eqqartuussiviup (imaluunniit Kalaallit Nunaata eqqartuussiviata) eqqartuussu-taa imaluunniit angutip pineqartup akiliisussannortitaanini akuereerpagu (t.i. najukkami poli-tiit imaluunniit politimesterip sulissutiginninneratigut akiligassannortitsissut akuerippagu), taava suliassaq pineqartumut tunngasoq aatsaat qinigaasinnaanermmut ataatsimiititamit suliarineqarsinnaavoq."

Ullormi 31. marts 2004 Qinigaasinnaanermut ataatsimiititap Allattoqarfiata K-p Kommunianiit faxikkut tiguaa nassuiaat naatsoq, peqatigitillugu Qinigaasinnaanermut ataatsimiititaq qinnuigineqarpoq atuarfiup siulersuisuini siulittaasup qinigaasinnaanerata aalangiiffigineqarnissaa. Allakkanut ilanngunneqarsimavoq atuarfiup siulersuisuini siulittaasumut unnerluussutit nuutinnera - inaarutaasumik eqqartuussutaanngitsoq. Allagaq imaattunik imaqarpoq:

"Atuarfiup siulersuisuini siulittaasup qinigaasinnaassusia.

K Kommuni atuarfiup siulersuisuini siulittaasumut, A, unnerluussutit eqqartuussutillu nuutinnera ilanngullugu nassiunneqarpoq.

Atuarfiup siulersuisuini siulittaasooq ukiup affaani, eqqartuussutit pineqartup iluani, suliaminik isumaginnissimangilaq. K Kommuniata qinigaasinnaanermut ataatsimiititaq qinnuigaa atuarfiup siulersuisuini siulittaasumut eqqartuussutit ima pissuseqarnersoq taamatut inissisimaannar-nissaanut naleqqukkunnaarutaanersoq aalangiiffigeqqullugu.

Atuarfiup pisortaanerata december 2003-mi sulissutigilerpaa siulittaasup tunuartinneqarnissaa, tamannali atuarfiup siulersuisuini siulittaasumik tunuartsisinnaneq pillugu maleruagassanik ajoraluartumik naapertuutinnngitsumik. Tamanna tunngavigalugu A naammagittaalliummik Ombudsmandimut ingerlatitsiniarpoq."

Ullaq 13. april 2004-mi Allattoqarfiup K Kommuni allaffigaa imaattunik:

"Atuarfiup siulersuisuini siulittaasup qinigaasinnaanera pillugu Atuarfiup siulersuisuini siulittaasup qinigaasinnaanera pillugu kommunip allagai 1. april 2004-meersut innersuutigalugit Qinigaasinnaanermut ataatsimiititap Allattoqarfiata paasissutissiissutigissavai makku:

Kommunip ilanngussatut nassiussimavaa unnerluussut (eqqartuussutit assilineraanngitsoq). Taamaattumik naatsorsuutigisariaqarpoq piffissap taamaalinerani inaarutaasumik eqqartuussisoqarsimassasoq imaluunniit [pillaatit akiliisitsisoqarnissaa akuerineqarsimassasoq].

Suliassamik Qinigaasinnaanermut ataatsimiititap suliarininnissaanut taakkua saqqummiunneqarsimanissaat piumasqaataavoq.

Pappiaqqat suliamut attuumassuteqartut Politimestereqarfimmit maannakkut pissarsiariniarneqarput (taakkuli tiguneqarnissaasa tungaanut piffissaq sivisungaatsiarpoq utaqqinissaq naatsorsuutigisariaqarpoq). Tamatuma kingorna pineqartup qinigaasinnaassusia Qinigaasinnaanermut ataatsimiititap isummerfigisariaqarppaa."

Ullormi 14. april 2004 Allattoqarfiup Politimestereqarfik qinnuigaa pinerluuteqarsimasunut nalunaarsuiffimmi atuarfiup siulersuisuini siulittaasooq pillugu ilanngussanik peqarnersoq paasissutissiissutigeqqullugu.

2004-mi majip qaammataani Politimestereqarfiup allagai 10. maj 2004-mi ullulerneqarsimasut Allattoqarfiup tiguai, taakkunuunalu paasissutissiissutigineqarpoq pinerluuteqarsimasunut nalunaarsuiffimmi ilanngussisoqarsimasoq ilanngunneqarsimavorlu pineqaatissinneqarsimanermut uppernarsaat.

Ulloq 1. juni 2004 pappiaqqat suliamut tunngasut Politimestereqarfimmiit tiguneqarsimasut Qinigaasinnaanermut ataatsimiititap siulittaasuanut Allattoqarfiup tunniuppai qanoq iliuseqaaqqinnissaq siunertaralugu. Allakkami malinnaasitami Allattoqarfiup malugeqquaa atuarfiup siulersuisuini siulittaasoq, tak. kommunip allagai 31. marts 2004-meersut, "atuarfiup siulersuisuini siulittaasoq pineqartoq kommunimit tunuartitaanermini sulerieseq pillugu Inatsisartut Ombudsmandiannut naammagittaalliuuteqarniartoq. Pineqartoq ilumut naammagittaalliuuteqarsimanersoq ilisimangilarput."

Ullormi 16. oktober 2004 Allattoqarfiup tiguaa kommunaldirektørimit e-maili, taassuma apequtigaa Allattoqarfik "suliami tassani nutaarsiassaateqarnersoq."

Ullormi tassani Allattoqarfik akissuteqarpoq ima oqaasertaqartumik:

"Ajorluartumik suliami nutaarsiassaateqanngilanga, taanna maannakkut Qinigaasinnaanermut ataatsimiititap siulittaasuaniiippoq (Nunatta Eqqartuussisuunera).

Eqqoriaavungali atuarfiup siulersuisuini siulittaasup Ombudsmandimut, tak. kommunip allagai 31. marts 2004-meersut, naammagittaalliuuteqarsimanissaa (atuarfiup siulersuisuini siulittaasoq ilumut naammagittaalliuuteqarsimappat) Qinigaasinnaanermut ataatsimiititap siulittaasua ta utaqqimaaraa.

Suliaq erseqqinnerusumik paasisaqarfigerusullugu Nunatta Eqqartuussisuunera attaveqarfigisavara."

Ullormi tassani kommunaldirektøri akissuteqarpoq imaattunik:

"Naammagittaalliuuteqarsimavoq, ullumikkullu Ombudsmandimut akissuteqarpunga, taannalu ilangussami takuneqarsinnaavoq."

Allangussaq pineqartoq tassaavoq Ombudsmandimut allakkat brev nr. 865, 16. oktober 2004-mi ullulerneqarsimasut.

Tamatuma kingornatigut Qinigaasinnaanermut ataatsimiititap siulittaasua aalajangiiuvoq atuarfiup siulersuisuini ilaasortat qinigaasinnaanerat pillugu suliassanik suliarinninnissamut Qinigaasinnaanermut ataatsimiititap piginnaatinneqanngitsoq. Tamanna takuneqarsinnaavoq Ombudsmandimut allakkani 17. august 2005-imeersuni aammalu 27. april 2006-imeersuni.

Atuarfiup siulersuisuini siulittaasoq pillugu kommunip Allattoqarfiullu akornanni allakkatigut attaveqatigiittarsimaneq pillugu nassuiaat naammaginaruusooq Allattoqarfiup neriutigaa.

Sulinngiffeqarsimaneq pissutigalugu kingusinaarluni akissuteqarneq Allattoqarfiup ajuusaarutigaa."

Kommuni tamatuma kingornatigut tusarniaavigeqqippara, kommunimut 10. oktober 2006-imi imatut allallunga:

"Suliaq Ombudsmandip 16. oktober 2004-mi tusarniaaneranut kommunip allakkatigut 865-imik normoqartutigit akissuteqarfigisaa massakut uterfigaara.

Suliami tamatuma kingornatigut Qinigaasinnaassuseq pillugu Ataatsimiititaliap suliamik suliarinninnerisa qulaajarneqarnerat utaqqimaarneqarsimavoq. Massakut qulaajaasoqarsimalereerpoq, taamaattumillu Ombudsmandip misissuinini ungasinngitsukkut naammassisussaavaa.

Qinigaasinnaassuseq pillugu Ataatsimiititaliap nassuiaataata assilinera kommunimut ilisimatit-sissutitut ilanngullugu nassiuppara.

Isumaqarpungali suliami paasissutissat ataasiakkaat sulii amigaatigalugit.

Taamaattumik kommuni qinnuigaara suliaq A-p atuarfimmi siulersuisunut ilanngunnera anineralu pillugit allagaatinik imalik misissugassanngorlugu uannut nassiteqqullugu.

Kommunip suliamik suliarinninnerani atugassatut A-p atuarfiup siulersuisuinit aninera pillugu kommunip allagai tassaasut allakkat 003614-inik normoqartut, 01.04.01-imik j. normoqartut 3. februar 2004-meersut innersuussutigaaqka.

Tamanna mappimit suliami allagaatinik imalimmit takuneqarsinnaanngippat kommuni qinnuigaara apeqqutit uku akeqqullugit:

A sumik pineqaatissinneqarpa, tamannalu kommunip qanga ilisimalerpa?

A piffissamut sumut atuarfiup siulersuisunut qinigaava?

Kommunip aalajangiinera 3. februar 2004-meersoq atuarfiup siulersuisuisa imaluunniit taakku ilaasortaasa saaffiginninnerat tunngavigalugu pisimava? Taamaassimappat kommuni qinnuigineqarpoq saaffiginnissutip taassuma assilinera uannut nassiteqqullugu, imaluunniit taassuma imarisaa pillugu nassuiaateqaqqullugu."

Kommunip akissutaa imaattoq 17. september 2007-imi tiguara, tassalu kommuni akissuteqaqqullugu allakkatigut 25. januar 2007-imeersutigut aamma 5. juli 2007-imeersutigut kiisalu oqarasuaatikkut 12. september 2007-imi nukingisaa-reerlugu:

„Inatsisartut Ombudsmandiata kommuni allakkatigut 10. oktober 2006-imeersutigut kiisalu 5. juli 2007-imeersutigut qinnuigaa qulaani pineqartoq pillugu suliaq A-p atuarfimmi siulersuisunut ilanngunnera anineralu pillugit allagaatinik imalik misissugassanngorlugu nassiteqqullugu. Suliami pineqartoq tassaavoq taamani atuarfimmi siulersuisunut siulittaasup A-p atuarfimmi siulersuisunut siulittaasunngornera siulittaasuujunnaarneralu. Allakkat A-mukartut 3. februar 2004-meersut allakkami innersuussutigineqarput, soorluttaaq apeqqutit arlallit akineqarnissaat kissaatigineqartoq.

Kommunip makku nalunaarutigissavai:

A-p K-p atuarfiani siulersuisunit aninera pillugu suliamik pilersitsisoqarsimangitsutut isikkoqarpoq.

A angajoqqaat sinniisaattut kingornalu atuarfimmi siulersuisunut siulittaasutut qinerneqarsimavoq. Qinersineq qinigaaffimmi 2001-2005-imut atuuttuusimavoq.

Qinigaanermi piffissap iluani A pineqaatissinneqarpoq (pineqaatissinneqartut inissiisarfian-niilluni), kommunip (taamani atuarfiup pisortaanit) pineqaatissinneqarneq ilisimalersimavaa, taamaattumillu A-p atuarfimmi siulersuisunut siulittaasuuneranit aninera pillugu allakkanik 3. februar 2004-mi nassitsisimalluni.

K-p iliorsimanera imatut angissuseqarpoq, tamanna kikkunnit tamanik ilisimaneqalersimal-luni.

A-p atuarfimmi siulersuisunut qinigaasinnaassusia pillugu aalajangigaq Qinigaasinnaassuseq pillugu Ataatsimiititaliamut saqqummiunneqarsimangilaq, naak taamaattoqartussaagaluar-toq.

Tamatumunnga peqatigitillugu A-p qinigaasinnaassusaata ataannarnissaa atuarfimmi siuler-suisunit aalangiiffigineqarsimangilaq. Taamaattumik kommuni ataatsimiinnermit allakkat imaluunniit ataatsimiinneq pillugu imaqarniliap assilineranik nassitsisinnaanngilaq.

Naalakkersuisut nalunaarutaat nr. 12, 11. april 1989-imeersoq tassanilu aalajangersakkat assi-giinngitsut isiginiarneqarlutillu malinneqarsimanersut kommunip nalilersinnaanngilaa, pisima-sulli ingerlanerisa qulaanisut allaaserineqarnera suliamat tunngatillugu ilisimasavut tunngaviga-lugit allagaavoq.

Paasissutissat amerlanerusut piumaneqarpata kommuni attaveqarfigineqarsinnaavoq, taamatut-taarlu eqqartuussut eqqarsaatigalugu tamanna eqqartuussivimmuut paasiniartariaqarluni.” (Ator-feqarfimmi nutsigaavoq)

Tamatuma kingornatigut imaattunik oqaaseqaateqarpunga:

”Naammagittaalliuut pillugu suliami pissusiviusut:

Kommunip tusarniaaninnut akissutaa kommunillu Qinigaasinnaassuseq pillugu Ataatsimiititaliamut saaffiginnissutaa aallaavigalugit manna tunngaviuttippara, tassalu atuarfiup pisortaanerata A atuarfiup siulersuisuini siulittaasuuneranit ilaasortaanerani-llu 3. februar 2004-mi suliunnaarsissimagaa, A-p atuarfiup siulersuisuinut ilaasor-taanissaminut naleqqukkunnaarnera imaluunniit A-p annersaaneq pissutigalugu

eqqartuunneqarluni pineqaatissinneqarsimanermi nalaani siulersuisut sulineranni peqataasimannginnera pissutigalugu.

Atuarfiup siulersuisuini ilaasortat angajoqqaanit qinerneqartut naleqquttuunissaanik piumasagaammik atuuttoqarneranik apeqqu

Meeqqat atuarfiat pillugu Inatsisartut peqqussutaanni nr. 8-mi, 21. maj 2002-meersumi § 40 aalajangersakkanik imaattunik imm. 1-imit 9-mut imaqarpoq:

„§ 40. Atuarfinni tamani atuarfiup siulersuisui ukuninnga ilaasortaartut pilersinneqassapput:

1) Angajoqqaat ilaasortaataitaat 5, inuit, meeqqanut atuarfimmi atuartussatut allatsinneqarsimasunut angajoqqaatut oqartussaassuseqartut imaluunniit meeqqanut paaqqinnittussatut akuerisaasut, akornannit taakkunanngalu qinikkat. Angajoqqaat ilaasortaataitaat qinerneqassapput qinigaasinnaassuseqartut qinersisinnaassuseqartullu aamma qinigaasinnaassuseqartut qinersisinnaassuseqartullu ataasiakkaat arlalinnilluunniit qinigassannortitaasa akornannit. Naalakkersuisut angajoqqaat ilaasortaataitaannik atuarfiup siulersuisuinut qinersisarneq pillugu aalajangersagaliussapput.

2) Ilinniartitsisut ilaasortaataitaat 2, atuarfimmi ilinniartitsisut akornannit taakkunanngalu qinikkat.

3) Atuartut ilaasortaataitaat 2, atuarfimmi atuartut akornannit taakkunanngalu qinikkat, taamaattorli tak. imm. 3.

Imm. 2. Atuarfiup atuartuisa amerlassusaat, alloriarfiit amerlassusaat klassit amerlassusaat pissutsillu taakku assigisaat naapertorlugit, angajoqqaat ilaasortaataitaat pingasuinnaassanersut kommunalbestyrelsip aalajangersinnaavaa. Atuarfiup siulersuisuini angajoqqaat ilaasortaataitaat 3-uppata, ilinniartitsisut 1-imik atuartullu 1-imik ilaasortaataitaqassapput.

(...)

Imm. 6. Atuarfiup siulersuisuini siulittaasoq angajoqqaat ilaasortaataitaasa akornannit toqqarneqassaaq.

(...)

Imm. 8. Angajoqqaat ilaasortaataitaasa qinigaaffiat ukiunik 4-nik sivisussuseqarpoq. Ilaasortat sinnerisa qinigaaffiat ukiumik 1-imik sivisussuseqarpoq. Inuit atuarfimmi pineqartumi atuartitsisutut suliffeqartut atuarfiup siulersuisuini angajoqqaat qinigaattut ilaasortaasinnaangillat.

Imm. 9. Meerarisaq atuarfimmit anippat angajoqqaat ilaasortaataitaat atuarfiup siulersuisuini ilaasortaanerminut tunuarumasinnaavoq. Qinigassannortinngitsoorsinnaanermut allatigullu ilaasortaanerminut tunngasutigut kommunalbestyrelsinit, nunaqarfinnik aqutsisunut ila-

güllu sinniisaannut qinersisarneq pillugu malittarisassat Inatsisartut inatsisaanni aalajangersarneqarsimasut assingi atuupput.“

Inatsisartut peqqussutaat taanna § 49, imm. 7-imi aalajangersakkamik imaattumik aammattaaq imaqarpoq:

„Imm. 7. Malittarisassat meeqqat atuarfiat pillugu Inatsisartut peqqussutaat nr. 1, 6. juni 1997-imeersoq naapertorlugu atuuttut, atuuttuinnassapput, atorunnaarsinneqarnissamik imaluunniit malittarisassanik inatsisartut peqqussutaat manna inatsisilluunniit allat naapertorlugit aalajangersakkanik allanik taarserneqarnissamik tungaannut. Namminersornerullutik Oqartussat meeqqat atuarfianni sunngiffimmi sammisassaqartitsisarneq pillugu nalunaarutaat nr. 14, 29. maj 1995-imeersoq 1. juli 2002 atorunnaassaaq.“

Meeqqat atuarfianni atuarfiup siulersuisuini angajoqqaat ilaasortaatitassaannik qinersisarneq pillugu Namminersornerullutik Oqartussat nalunaarutaanni nr. 16-imi, 20. august 1997-imeersumi meeqqat atuarfiat pillugu Inatsisartut peqqussutaanni nr. 1-imi, 6. juni 1997-imeersumi § 47, imm. 1 tunngavigalugu aalajangersarneqarsimasumi atuarfiup siulersuisuinut qinigaasinnaatitaaneq qinigaasinnaassuseqarnerlu pilugit aalajangersakkanik imaattunik Naalakkersuisut aalajangersaasimapput:

„§ 5. Atuarfiup siulersuisuini angajoqqaat ilaasortaatitassaat taakkunungalu sinniisussat inunnit, qinersinerup nalaani meeqqanut atuarfimmi allatsissimasunut angajoqqaatut oqartussaassunit taakkualu akornannit, kiisalu inunnit § 6 naapertorlugu qinersisinnaasunit qinigaasinnaasunillu taakkualu akornannit qinerneqassapput.

Imm. 2. Meeqqanut, immikkut atuarfimmi atuartitaagallartunut, angajoqqaat atuarfimmi immikkut atuarfimmi atuartitaanissamik innersuussisumi qinersinermi peqataassapput.

§ 6. Inuit tulliuuttumi taaneqartut angajoqqaat ilaasortaatitassaattut qinersisinnaatitaallutillu qinigaasinnaatitaassapput, tamanna atuarfiup pisortaanut kissaatigalugu saqqummiukkunikku aammalu atuarfiup pisortaa qinnuigineqarnerminut atatillugu uppersaatissanik pi-sariaqartunik tigusaqarsimappat:

1) Inuit meeqqamik, atuarfimmi allatsissimasumik, ilaqutariittut paarsaqartut imaluunniit ulloq unnuarlu paaqqinnittarfirmiittussaataasunik paarsassatut tigusaqarsimasut aammalu meerarsiaqarsinnaasutut akuerisaasut imaluunniit kommunalbestyrelsimit akuersissum-mik peqartut. Meerarsiaqarsinnaanermik akuerisaaneq imaluunniit akuersissut nalunaaruti-gineqarsimassaaq qinersinissaq kingusinnerpaamik ukiumik ataatsimik sioqqullugu, ta-mannalu uppersarneqassaaq meerarsiaqarsinnaanermik akuersissut imaluunniit tigum-minnikkallarsinnaanermik akuersissut atorlugu. Angajoqqaatut oqartussaassuseqartoq (-tut) qinersinermi tassani peqataasinnaangilaq (-ngillat).

2) Inuk meeqqamut atuarfimmi allatsissimasumut angajoqqaatut oqartussaassuseqartumut katissimasoq aammalu angajoqqaatut oqartussaassuseqartumik meeqqamillu najugaqate-qartoq. Tamanna uppersaatissaqartinneqassaaq katinnermi allagartamik kiisalu inuit

allattorneqarfiannit uppersaammik. Naatsorsuutigineqarpoq angajoqqaatut oqartussaassuseqarneq meeqqap angajoqqaavisa isumaqatigiissuteqarnerisigut taakkununga avinneqarsimassanngitsoq.

3) Meeqqamut atuarfimmi allatsissimasumut ataataasoq, ataataassuseq aalajangersarneqarsimappat, pineqartullu angajoqqaatut oqartussaassuseqartoq meerarlu najugaqatigippagit, tamakkulu uppersaatisaqqartinneqassapput ataataassusermik nalunaarutikkut imaluunniit ataataasutut eqqartuussutikkut imaluunniit inuit allattorneqarfiannit uppersaattikkut.

§ 7. Inuit atuarfimmi pineqartumi pisortatut imaluunniit ilinniartitsisutut atorfeqartut atuarfiup siulersuisuini angajoqqaat ilaasortaataatut toqqarneqarsinnaanngillat.”

Meeqqat atuarfiat pillugu Inatsisartut peqqussutaat 2002-meersoq ullumikkut atuuttoq oqaaseqaatinik ilaatigut imaattunik Naalakkersuisut ilaqartippaat:

"Nalinginnaasumik oqaaseqaatit

(...)

Kapitali 9. Sumiiffinni ataasiakkaani aqutsineq.

Kapitali imarisamigut peqqussutip atuuttup kapitalianut 7-imut naapertuuppoq.

(...)

Aalajangersakkanut ataasiakkaanut oqaaseqaatit:

(...)

§ 40-mut

Aalajangersakkap peqqussummi atuuttumi § 45 taarserpaa.

Imm. 1 pillugu

(...)

Imm. 1 nr. 1-imi angajoqqaat simiisussaattut qinigaasinnaatitaasut qinersinnaatitaasullu killiliiffigineqarsimapput. Angajoqqaajusutut piginnaatitaaffeqartut aallaaviupput, tassami inuit, qinersinerup nalaani meeqqanik atuartunik angajoqqaajussuseqartut, qinerneqarsinnaallutillu qinigaasinnaatitaammata. Angajoqqaajusut avissimagaluarunilluunniit tamarmik qinersinnaatitaallutillu qinigaasinnaatitaapput, ataatsimoorussamik meeqqamut angajoqqaajusutut piginnaatitaaffeqarunik. Nr. 1-imi killiffik 1-imi aalajangersakkami ilanngunneqarsimavoq "imaluunniit meeqqanut paaqqinnittussatut akuerisaasut" erseqqissarumallugu, inuit taakku angajoqqaatut oqartussaassuseqartutulli atuarfiit siuler-

suisuinut qinersisinnaallutillu qinigaasinnaammata. Angajoqqaatut oqartussaasut qinersinermi tassani peqataasinnaatitaanngillat.

Aalajangersakkap imm.-ani nr. 1-imi nr. 2-mi atuarfiup siulersuisuinut inuit qinigaasinnaasut amerlisiinneqarsimapput. Taamaaliornep atuarfeqarneq pillugu iluarsaaqqinnermi siunertani anguniagassatut kissaataasut akuerisussaavai, tassa sumiiffinni ataasiakkaani inuit piffissaqartut piumasullu atuarfiup ingerlanneqarneranut peqataanerunissaannik periarfissillugit, taamaaliornikkullu ilaqutaasut allat, atuarfiup siulersuisuinut ilaasortaanikkut atuartunilli meerartaqarunnaarsimasut sumiiffimmilu piginnaassusillit allat suliamut peqataasinnaanngorlugit. Inuit tamakkua atuarfiup siulersuisuinut qinigaagunik angajoqqaat sinniisuutitaat allat assigalugit ilaasortaalissapput. Nr. 1-imi killiffik kingulleq, Naalackersuisunut angajoqqaat sinniisaannik atuarfiup siulersuisuinut qinersisarnermi maleruagassaliorsinnaanermut piginnaatitsissut, peqqussummi atuuttumi § 47, imm. 1-imut naleqquppoq allannguuteqaranilu, tassungalu nuunneqarsimalluni atuarfimi siulersuisunut qinersisarnermi maleruagassat ataatsimoortikkumallugit. Namminersornerullutik Oqartussat peqqussutiliaanni nr. 16 20. august 1997-imeersumi, atuarfiit siulersuisuinut ilaasortassanik qinersinermik imaqartumi, erseqqinnerusumik inuit kikkut qinigaasinnaanerat qinersisinnaanerallu aalajangersaavigineqarsimavoq.

(...)

Imm. 6-imut.

Aalajangersagaq taanna peqqussummi atuuttumi § 45-mi imm. 6-imut allannguuteqarani naapertuuppoq.

Aalajangersakkap taassuma eqqanaarppaa atuarfiit siulersuisuisa siulittaasussaat tamatigut angajoqqaanit sinniisuutitaassasoq, tamannalu angajoqqaat oqartussaagataanerunissaannut anguniakkamut ersiutaatinneqarpoq. Atuarfiit siulersuisuini ilaasortat taasisinnaatitaasut tamarmik siulittaasussarsiornermi qinereqataasinnaatitaapput taamaalilluni ilinniartitsisut atuartullu sinniisuutitaat qinereqataasinnullutik.

(...)

Imm. 8-mut.

Nr. 1-imi aalajangersagaq peqqussummi atuuttumi § 45, imm. 8 nr. 1-imut allannguuteqarani naapertuuppoq, tassanilu aalajangersarneqarpoq atuarfiup siulersuisuisa qinigaaffiisa siviussusissaat. Angajoqqaat siulersuisumi qinigaaffiisa ukiumik sisamanik siviussuseqartitaanerat, angajoqqaat sinniisuutitaasa atuarfiup ingerlanneqarneranik itinerusumik paasisimasaqalernissaannik siunertaqarpoq. Imm. 10 tunngavigalugu kommunalbestyrelsi kipungasumik qinersisoqartarnissaanik aalajangiisinnaavoq.

Imm. 2-mi 3-milu aalajangersakkat peqqussummi atuuttumi § 45-mi imm. 8 nr. 2 aamma 3 taarserpaat, allannguutaavorlu erseqqissarneqarmat, inuit atuarfimi atuartitsisutut suliffeqartut kisimik qinigaasinnaatitaanngimmata. Taamaaliornep tunulequtaraa sulisut taakkuummata atuartitsisut ilaasortaatitaattut qinerneqarsinnaasut, atuarfiullu siulersui-

suinut angajoqqaat ilaasortaaitaattut qinerneqassagalarunik, qinigaalluni oqartussaaqataaffimmi tassani marloqiusamik inissisimalissammata, taamaalillutillu angajoqqaat sinniisaattut atuarfimmi siulersuisut suliannut amerlanernut peqataasinnaatitaajunnaasammata.

Aalajangersakkap aamma kingunerissavaa, angajoqqaat sinniisuutitaat qinigaaffiup na-laani atuarfimmi atorfinissagalarunik, atuarfiup siulersuisuinit tunuartariaqarnerat. Inuit atuarfimmi ilinniartitsisut atorfeqaralarunilluunniit, atuarfimmi atuartunik angajoqqaatut angajoqqaarsiatulluunniit pisinnaatitaaffeqarunik, imm. 1 naapertorlugu qinersinnaatitaammata.

Atuarfimmi teknikkikkut allaffissornermillu suliallit suleqataasunillu sinniisussatut qinerneqarsinnaanngitsut, akerlianik atuarfiup siulersuisuinut angajoqqaat allat atuartuutillit assigalugit qinersinnaallutillu qinigaasinnaatitaapput.

Imm. 9-mut.

Aalajangersagaq taanna peqqussummi atuuttumi § 47, imm. 2-mut allannguuteqarani naapertuuppoq, uungalu aalajangersakkamut nuunneqarluni atuarfiit siulersuisuisa inuttalorsorneqarnerannut qinerneqartarnerannullu aalajangersakkat tamaasa ataatsimoortikkumallugit.

Aalajangersagaq atuutsinneqassaaq, atuortoq atuarfimmut allamut nuuppat imaluunniit atuarnini naammassippagu. Taamaattoqartillugu angajoqqaat sinniisuutitaat taanna ilaasortaanerminit tunuarsinnaatitaavoq tunuarnissaminulli pisussaaitaanani.

Inatsisartut kommunalbestyrelsinut, nunaqarfinni aqutsisunut ilagiillu sinniisuinut qinersisarnermut inatsisaannut (qinersinermi inatsit) innersuussineq kinguneqassaaq, atuarfiup siulersuisuini ilaasortaaneq pisortatigoortumik pisussaafiligaanertut isigineqassammat.”

Meeqqat atuarfiat pillugu Inatsisartut peqqussutaat nr. 1, 6. juni 1997-imeersoq aalajangersakkanik imaattunik ilaatigut imaqarpoq:

”§ 47. Naalakkersuisut atuarfiup siulersuisuini angajoqqaat ilaasortaaitaasa qinerneqartarnerat pillugu malittarisassat aalajangersassavaat.

Imm. 2. Meeraq atuarfimmit anippat angajoqqaat ilaasortaaitaata atuarfiup siulersuisuini ilaasortaanerminit tunuarumasinnaavoq. Ilaasortaanermit tunuarnermut allatigullu ilaasortaanermit atatillugu kommunalbestyrelsinut, nunaqarfinnik aqutsisunut ilagiillu sinniisaannut qinersisarneq pillugu malittarisassat Inatsisartut inatsisaanni aalajangersarneqarsimassut assingi atuupput.

(...)

§ 57. Inatsisartut peqqussutaata matuma atortuulersinneqarnera ilutigalugu makku atorunnaarsinneqarput:

1) (...)

2) Kulturimut atuartitsinermullu tunngasut siulersorneqarnerat pillugu Inatsisartut peqqussutaanni nr. 8-mi 7. maj 1988-imeersumi §§ 4, 15, 18-21, 24 imm. 2, §§ 29-32, 37, 39-50 aamma 57-63.

(...)”

Inatsisartut peqqussutaanni kingullertut issuarneqartumi § 47, imm. 1 aamma imm. 2 pillugit siunnersuutinut oqaaseqaatit imaattut atatinneqarput:

”Imm. 1-imut:

Aalajangersakkap taassuma Naalakkersuisut atuarfiup siulersuisuini angajoqqaat ilaasortaataitaannik qinersisarneq pillugu malittarisassanik aalajangersaanissaannut pisisaaffilerpai. Kisiannili ilinniartitsisut aamma atuartut ilaasortaataitaannik qinersisarneq pillugu malittarisassanik Naalakkersuisut aalajangersaanissaminnut oqartussaassuseqanngillat, tak. siunnersuummi § 45-mut oqaaseqaatit.

Aalajangersagaq ilaatigut periarfissiivoq siunnersuummi § 45, imm. 1, nr. 1-imi qinersinnaatitaasut qinigaassinnaasullu amerlassusiisa amerlinissaannut. Kisianni inatsisitigut tunngavigisat atuuttut allanngortinneqarnissaat siunertarineqanngilaq. Tunngaviusumik periutsit, kultureqarnermik atuartitsinermillu ingerlatsineq pillugu Inatsisartut peqqussutaanni § 20, imm. 4 malillugu atuarfeqarnermi ataatsimiititalianut qinersinnaatitaanermut qinigaassinnaanermullu atatillugu aalajangersarneqarsimasut, taamaalilluni atuarfiup siulersuisuinut angajoqqaat ilaasortaataitaannik qinersinermi atuutisapput, tak. atuarfeqarnermi ataatsimiititalianik qinersineq pillugu nalunaarut nr. 12 11/4-1989-imeersoq matumunnga atatillugu § 2, imm. 3.

Tamatuma saniatigut angajoqqaat ilaasortaataitaannik qinersinermi periuseq pillugu malittarisassanik aalajangersaanissamut aalajangersagaq periarfissiivoq, tamatumunnga ilaallutik allakkatigut qinersisarneq pillugu aamma atuarfiup siulersuisuinik qinersinermi ullormik tamanik qinersiviusussamik aalajangiinissaq. Inatsisitigut tunngavigisat atuuttut allanngortinneqarnissaat siunertarineqanngilaq. Tunngaviusumik periutsit, kultureqarnermik atuartitsinermillu ingerlatsineq pillugu Inatsisartut peqqussutaanni § 20, imm. 4 malillugu atuarfeqarnermi ataatsimiititalianut qinersinermi periusissanut atatillugu aalajangersarneqarsimasut, taamaalilluni atuarfiup siulersuisuinut angajoqqaat ilaasortaataitaannik qinersinermi atuuttuussapput, tak. nalunaarut qulaani taaneqartoq.

Imm. 2 pillugu:

Aalajangersagaq taanna meeqqanik atuartumik atuarfimmu allamut nuutsitsinermi, meeqqat atuarfianni atuartussaataitaanerup naanerata kingorna GU-mi ilinnialernerimi, imaluunniit meeqqap atuarnini tamakkiisumik naammassippagu atorneqassaaq. Pisuni

taamaattuni angajoqqaat ilaasortaaitaat ilaasortaanerminit tunuarsinnaatitaavoq, taamaaliornissaminulli pisussaaffeqarani.

Kommunalbestyrelsinut, nunaqarfinni aqutsisunut ilagiillu sinniisaannut qinersisarneq pillugu Inatsisartut inatsisaannut [qinersisarneq pillugu inatsimmuq] innersuussinerup ilaatigut kinguneraa atuarfiup siulersuisuini ilaasortaanerup inuiaqatigiinnit suliassa-qartitaanertut isigineqarnera."

Atuarfeqarnermut ataatsimiititanik qinersineq pillugu Namminersornerullutik Oqartussat nalunaarutaanni nr. 12-imi, 11. april 1989-imeersumi qinigaasinnaatitaaneq qinigaasinnaassuseqarnerlu pillugit aalajangersakkat imaattut § 2, imm. 2-mi, imm. 3-mi aamma imm. 5-imi aalajangersarneqarsimapput:

"Imm. 2. Atuarfeqarnermut ataatsimiititani ilaasortat allat taakkunungalu sinniisussat kommunemi najugallit qinersinerullu nalaani meeqqanut inuusuttuaqqanullu atuarfimminni atuartuusunut angajoqqaajusut qinersinikkut akunnerminnit toqqassavaat.

Imm. 3. Aammattaaq inuit makku angajoqqaatut qinersisinnaasutut qinigaasinnaasutullu isigineqassapput tamanna atuarfiup pisortaanut kissaatigigunikku uppersaasissallu pisariaqartut ilanngullugit saqqummiukkunik:

1) Inuit meeqqamik atuartussatut atuarfimmi allatsissimasumik paaqqiuagassaminnik tigu-saqarsimasut qinersinissarluk kingusinnerpaamik ukiumik ataatsimik sioqqullugu meeqqamik taassuminnga paarsinissaminnut akuersissummik tunineqarsimasut. Angajoqqaatut oqartussaassusermik pigisaqartut taamaattoqartillugu qinersinermi peqataasinnaannigillat.

2) Meeqqamut atuartussatut atuarfimmi allatsissimasumut angajoqqaatut oqartussaassusermik pigisaqartumik aappanissimasoq, meeqqamut oqartussaassusermik pigisaqartoq meerrarluk ineqatigigunigit.

3) Meeqqamut atuartussatut atuarfimmi allatsissimasumut ataataasoq, ataataanera aalajangersarneqarsimappat, aammalu taassuma meeqqamut oqartussaassusermik pigisaqartoq meerrarluk ineqatigigipagit.

(...)

Imm. 5. Kinaluunniit atuarfimmi atuarfeqarnermut ataatsimiititaliaqarfiusumi atorfigivillugu atuartitsisuusoq atuarfeqarnermut ataatsimiititanut ilaasortaa sinnaannigilaq."

Kulturimut atuartitsinermullu tunngasut siulersorneqarnerat pillugu Inatsisartut pequssutaanni nr. 8-mi, 7. maj 1998-imeersumi inatsisikkut tunngavissatut § 20-mi aalajangersagaq imaattunik oqaasertaqarpoq:

"§ 20. Meeqqat atuarfini tamani atuarfeqarnermut ataatsimiititanik pilersitsineqassaaq kulturimut atuartitsinermullu udvalgip sulinerani ikiortaasussanik. Taamaattoq kommunal-

bestyrelse aalajangiisinaavoq nunaqarfimmi atuarfimmi minnerusumi atuarfeqarnermut ataatsimiititaliornissaq pinngitsoorneqassasoq. Taamaattoqartillugu nunaqarfimmi bygderådip atuarfeqarnermut ataatsimiititit suliassaat isumagissavai.

Imm. 2. Atuarfeqarnermut ataatsimiititit kommunalbestyrelsep aalajangiinera tunngavigalugu 3-nik imaluunniit 5-inik ilaasortaqaassapput.

Imm. 3. Kommunalbestyrelse atuarfeqarnermut ataatsimiititanut tamanut ilaasortassamik ataatsimik toqqaassaaq. Toqqagaasoq illoqarfimmi imaluunniit nunaqarfimmi atuarfiup sananeqarfigisaani najugaqartuusaaq. Atuarfeqarnermut ataatsimiititani ilaasortat allat inuit qinersinerup nalaani atuarfimmi pineqartumi atuartunut angajoqqaajusut akunnerminnit toqqassavaat.

Imm. 4. Naalakkersuisut atuarfeqarnermut ataatsimiititani angajoqqaat qinigaannik taakkualu sinniisussaannik qinersinerup maleruagassanik aalajangiissapput."

Inatsisikkut aalajangersakkap kingullertut taaneqartup kulturimut atuartitsinermullu tunngasut siulersorneqarnerat pillugu Inatsisartut peqqussutaanni nr. 5-imi, 19. oktober 1979-imeersumi § 19, imm. 3-mi aamma imm. 4-mi aalajangersakkat imaattut ingerlateqqippai:

"Imm. 3. Kommunalbestyrelsi ilaasortami akornanni atuarfeqarnermut ataatsimiititanut ilaasortassamik toqqaassaaq. Atuarfeqarnermut ataatsimiititani ilaasortat allat inuit qinersinerup nalaani atuarfimmi pineqartumi atuartunik angajoqqaajusut akornannit toqqarneqassapput.

Imm. 4. Kulturimut atuartitsinermullu direktioni atuarfeqarnermut ataatsimiititani angajoqqaat qinigaannik taakkualu sinniisussaannik qinersinerup maleruagassanik erseqqinnerusunik aalajangiissaaq."

Kulturimut atuartitsinermullu tunngasut siulersorneqarnerat pillugu Inatsisartut peqqussutissaattut nr. 5-itut, 19. oktober 1979-imeersutut siunnersuut pillugu nalinginnaasumik oqaaseqaatit malittarisassatut siunnersuutigineqartunut tunngaviusoq pillugu ilaatigut imaattunik imaqarput:

"Hjemmestyrekommissionip siunnersuutaanut naapertuuttumik suliassat ima agguataarneqarsimapput, Namminersornerullutik Oqartussat direktioni landstingip pilersissimasaa aqutugalugu aalajangersakkanik erseqqinnerusunik maleruagassat ingerlatamut tunngasumik peqqussummi taaneqarsimasut inaarutissaannik aalajangiisarsinnaassapput, taamatullu aqutsinissamik aalajangersakkat erseqqinnerusut aqutsineq pillugu peqqussummut tunngassuteqartut aalajangiiffigisarsinnaalissallugit.

Tamatuma saniatigut direktionip suliassat assigiinngitsut qitiusumik sulinerup nunalu taakkualu sulinerup tunngasut suliassarissavai.

Kommunit suliassarissavaat kommunini suliassatut eqqartorneqartut maleruagassat ingerlatamut tunngatillugu landstingip peqqussutaani peqqussummilu uani maleruagassat malillugit.

Aqutsinermut peqqussutissap uuma suliarineqarnerani sapinngisamik suliassat pingaaruteqartut landstingimit kommuninillu kiisalu udvalginit nævniinillu kommunini pilersinneqarsimasunik isumagineqartussat tamarmik sukumiisumik nalunaarsorniarneqarsimapput.”

Namminersornerullutik Oqartussat pillugit Ataatsimiititaliarisuup isumaliutissiissutigisaani (isumaliutissiissummi nr. 837-imi, april 1978-imeersumi) atuakkat pingajuani qupperneq 18-imit erserpoq atuarfeqarnermut ataatsimiititalianik pilersitsisoqar-nissaa Namminersornerullutik Oqartussat pillugit ataatsimiititaliarisuup siunnersuuti-gigaa.

Namminersornerullutik Oqartussat pillugit ataatsimiititaliarisuup isumaliutissiissu-mik saqqummiussinerata nalaani Danmarkimi atuarfeqarnermut ataatsimiititaliani angajoqqaat sinniisaasa qinigaasinnaassuseqarnerat pillugu piumasaqaatit Danmar-kimi meeqqat atuarfiat pillugu inatsit taamani atuuttoq pillugu oqaaseqaatini (Folke-tingstidende 1969-1970, Tillæg A, sp. 520-mi) imatut allaaserineqarsimapput:

”Aalajangersakkat atuuttut malillugit atuarfeqarnermut ataatsimiititaliamut qinigaasin-naassuseqassagaanni piumasaqaataavoq pineqartoq, atuarfiup inissisimaffiani angajoq-qaanut ilaanermi saniatigut, atuarfeqarfiup pineqartup iluani najugaqartuussasoq Folke-tingimullu qinersisinnaatitaasuussasoq. Siunnersuut malillugu qinersisinnaatitaassagaan-ni qinigaasinnaassagaannilu piumasaqaatit assigiipput, tassami atuuffimmut angajoqqaat sinniisaannik inuttalersugaasumut atuarfillu eqqarsaatigalugu angajoqqaat soqutigisaan-nik immikkut isumaginnittussaataasumut qinersisinnaatitaaneq qinigaasinnaassuseqar-nerlu eqqarsaatigalugit pineqartut atuarfimmu atuarfimmu angajoqqaatut attuumassuteqarnerat aalajangiisuusumik pingaartillugu isiginiarneqartariaqarmat, pissutsit tamatumunnga sa-nilliussinermi attuumassuteqannginnerusut, soorlu atuarfeqarfiup iluani najugaqartuuneg isiginiarneqarnerunani.” (Atorfeqarfimmi nutsigaavoq)

Meeqqat atuarfiannut akisussaaffik Namminersornerullutik Oqartussat Kalaallit Nunaanni meeqqat atuarfiat pillugu inatsisikkut nr. 579-ikkut, 29. november 1978-imeersukkut tiguat, inatsimmilu tassani § 6, imm. 2 tunngavigalugu Kalaallit Nunaanni atuarfeqarnermik inatsit nr. 152, 10. maj 1967-imeersoq atorunnaarsinneqarluni.

Kalaallit Nunaanni atuarfeqarnermik inatsit 1967-imeersoq § 41-mi malittarisassamik imaattumik imaqarpoq:

”§ 41. Atuarfinni ataasiakkaani angajoqqaat soqutigisaannik isumaginninniartussatut meeqqat atuarfimmi pineqartumi atuartussatut tiguneqarsimasut angajoqqaavi sinniisuusu-nik marlunnik qinersissapput. Angajoqqaanut sinniisuusut qinerneqarnissaat sulinissaallu

pillugit maleruagassiat erseqqinnerusut Kalaallit Nunaata ministerianit aalajangersarneqassapput.”

Inatsisissatut siunnersuut taanna ataatsimut oqaaseqaatinik ilaatigut imaattunik ilaqartinneqarpoq:

"Siunnersuummit aalajangersakkallu ataasiakkaat pillugit oqaaseqaatinik ersertutut siunnersuummi aalajangersakkat ataasiakkaat amerlanersaat Danmarkimi meeqqat atuarfiat pillugu inatsimmi aalajangersakkat assigaat.

Danmarkimi meeqqat atuarfiat pillugu inatsimmit allaassutaasut eqqarsaatigalugit oqaaseqaatit ataasiakkaat innersuussutigineqassapput, taamaallitullu tunngaviunerusumik allaassutit kisimik maani taaneqassallutik.

Kalaallit Nunaanni meeqqat atuarfiat atuarfiuvoq naalagaaffiup ataaniittoq, Danmarkimili meeqqat atuarfiat kommunit ataanni atuarfiuvoq. Danmarkimi meeqqat atuarfiat pillugu inatsimmi kommunini atuarfiit aqunneqarnerat nakkutigineqarnerallu pillugit allaffissornermi aqutsinikkut aalajangersakkat arlallit, tak. inatsit pillugu nalunaarut nr. 73, 22. februar 1962-imeersoq, siunnersuummut ilanngunneqarsinnaasimanninnerat tamatuma nassataraa. (...)" (Atorfeqarfimmi nutsigaavoq)

Inatsimmi angajoqqaat sinniisaat pillugit malittarisassatut siunnersuutit pillugit oqaaseqaatit ilaatigut imaattut ilanngunneqarsimapput, tak. Folketingstidende 1966-1967, 2. samling, Tillæg A, sp. 405:

"Danmarkimi meeqqat atuarfiat pillugu inatsimmi aalajangersakkanik taakkua assinginik immikkoortuni taakkunanani imaritinneqartunik peqanngilaq, tassami Danmarkip sinnerani atuarfeqarfik pillugu allaffissornermi aqutsinikkut aalajangersakkat kommunini atuarfeqarfii aqunneqarnerat nakkutigineqarnerallu pillugit Danmarkimi inatsimmiimmata, tak. inatsit pillugu nalunaarut nr. 73, 22. februar 1962-imeersoq. Aalajangersakkat taakku allaffissornermi aqutsinikkut aalajangersakkanit Danmarkip sinneranut atuuttunit allaapput, tassami Kalaallit Nunaanni meeqqat atuarfiata maani [Danmarkimi] meeqqat atuarfinit allaassutigimmagu naalagaaffiup ataaniinnini." (Atorfeqarfimmi nutsigaavoq)

Danmarkimi meeqqat atuarfiat pillugu inatsit Kalaallit Nunaanni meeqqat atuarfiat pillugu inatsisissatut siunnersuummi innersuussutigineqartoq tassaavoq kommunini atuarfeqarfii aqunneqarnerat aqqissuussaanerallu pillugit inatsit nr. 200, 12. april 1949-imeersoq kingusinnerusukkat allannguuteqartinneqartarsimasoq.

Inatsimmi tassani atuarfinnut ataatsimiititaliani atuarfiit ataasiakkaarlugit pilersinneqartussani sinniisutut angajoqqaat qinigaat pillugit aalajangersakkat ilaapput.

Angajoqqaat sinniisaasa taakku qinigaasinnaanermut naleqquttuunissaannik immikkut piumasqaatinik aalajangersaasoqarsimannigilaq.

Meeqqat atuarfiat pillugu inatsisip meeqqat atuarfiannik aqutsineq nakkutilliinerlu aamma atuarfinnik namminersortunik nakkutilliineq pillugit inatsit nr. 211, 20. maj 1933-meersaq taarserpaa.

Inatsit taaneqartog kingulleq angajoqqaat immikkut siunnersuisoqatigiivi atuarfimmil pineqartumi angajoqqaat meeqqanullu nakkutilliisut akornanni qinerneqartartut pillugit aalajangersakkanik imaqarpoq.

Inatsit 1993-meersaq atuarfimmik aqutsinermi angajoqqaat sinniisaattut qinigaassa-gaani naleqquttuunissaq pillugu malittarisassanik aamma imaqanngilaq, inatsisissa-tulli 1933-meersutut siunnersuummi (Rigsdagstidende 1930-1931, Tillæg A, sp. 4675-4676) angajoqqaat sinniisaannik qinersisarneq pillugu siunnersuut imaattoq ilaavoq:

"§ 4. (...)

Imm. 2. Angajoqqaat sinniisoqatigiivinit qinersisinnaatitaapput qinigaasinnaassuseqarlutil-lu inuit angajoqaatut oqartussaassuseqartut, tamat paasinnittarnerat malillugu kanngunar-saataasumik iliuseqarsimasutut ataqqinarsiseqqinneqaratik eqqartuussutikkut pisuutinne-qarsimannikkunik, imaluunniit innuttaasutut pisinnaatitaaffiagaasimannikkunik." (Ato-rfeqarfimmi nutsigaavoq)

Eqqartuussaasimanninnissamik piumasaqaat siunnersuutip 11. maj 1933-mi aappas-aaneerlugu oqaluuserineqarnerani peerneqarpoq, allannguullu atuartitsinermut mi-nisterimit atuarfinnut ataatsimiititalianut qinigaasinnaassuseq pillugu inatsisissatut siunnersuummi taassuma pissuseqataata oqaluuserineqarneranut atatillugu imatut allaaserineqarluni (Rigsdagstidende 1932-1933, sp. 5958):

"§ 31, imm. 3 tikippara, tassanilu atuarfinnut ataatsimiititalianit kikkut anissanerat pine-qarpog; anissaaq inuk

"tamat paasinnittarnerat malillugu kanngunarsaataasumik iliuseqarsimasutut ataqqi-narsiseqqinneqarani eqqartuussutikkut pisuutinneqarsimasog, imaluunniit piffissaq in-nuttaasunik pillaasarneq pillugu inatsisip 15. april 1930-meersup atortuulerfiata ki-ngorna eqqarsaatigalugu innuttaasutut pisinnaatitaaffimminik utertitsiffigeqqinneqara-ni arsaagaasimasog".

Paragraffi taanna innuttaasunik pillaasarneq pillugu inatsisip nutaap atuutilinnginnerani isumaqarsimagaluarpoq, massakkulli isumaqarani, isumaqanngilluinnarluni, tassami ta-mat paasinnittarnerat malillugu kanngunarsaataasumik iliuseqarsimasutut ataqqinarsi-seqqinneqarani eqqartuussutikkut pisuutinneqarsimaneq pineqarsinnaajunnaarmat, taa-mallaalli pineqarsinnaallutik innuttaasunik pillaasarneq pillugu inatsimmi nutaami 15. april 1930-meersumi aalajangersakkat atuutilersimasut. Siusinnerusukkut siunnersuutaasimasog assiliinnarlugu naqinneqarsimavoq, piffissami ingerlasumi tassani allannguute-qartitsinissamik pisariaqalersitsisunik pisoqarsimanersoq misissoqqaanngivillugu." (Ato-rfeqarfimmi nutsigaavoq)

Tamatuma kingornatigut tunngaviuttippara meeqqat atuarfiat pillugu peqqussummi atuuttumi siusinnerusukkulluunniit atuussimasuni atuarfiit siulersuisuini siusinnerusukkullu fritidsnævniusimasuni ileqqorissaarnikkut pissuserissuunissaq imaluunniit naleqquttuunissamik piumasaqaatit immikkut ittut pillugit malittarisassanik ilanngusisoqarsimanngitsoq.

Aammattaaq manna ilimanarnerpaasutut isigaara, tassalu meeqqat atuarfiat pillugu malittarisassaliormermi oqartussaassutsip Kalaallit Nunaanni Namminersornerullutik Oqartussanit tiguneqarnerani piumasaqaatinik Kalaallit Nunaanni meeqqat atuarfiat pillugu inatsit 1967-imeersoq tunngavigalugu atuarfinnik aqutsisutut oqartussaasuni angajoqqaat ilaasortaataitaannut piumasaqaatigineqarsimasunik allannqortitsisoqarsimanngitsoq.

Atuarfeqarfimmik aaqqissuussinermi allannguutit Namminersornerullutik Oqartussanut nuussinermi nooqataatinneqartut tassaasimapput atuarfiup naalagaaffiup ataaniinneranit kommunit ataaniilernerannut atatillugu allannguutit nassatarisaat.

Taamaattumillu isumaqarpunga Kalaallit Nunaanni atuarfinni atuarfinnut ataatsimiititalianik ullumikkut atuarfiit siulersuisuinit taarserneqarsimasunik pilersitsisoqarnissaanik Namminersornerullutik Oqartussat pillugit ataatsimiititaliarsuup kaammattuu-taa kaammattuutit Danmarkimi atuarfinnut ataatsimiititaliat ilusilersorneqarneranik taamanikkut atuuttumik aallaaveqartutut paasisariaqartoq.

Danmarkimi atuarfinnut ataatsimiititaliani angajoqqaallu siunnersuisoqatigiivini siusinnerusukkut atuuttuni angajoqqaatut ilaasortaassagaanni ileqqorissaarnikkut ataq-qinassuseqarnissaq imaluunniit qinigaanissamut naleqquttuunissaq immikkut piumasaqaataannqilaq, tassami pineqartut taakku soqutigisaqqaatigiit sinniisaattut isigineqartarmata, angajoqqaatullu soqutigisaqarneq qinigaasinnaassuseqarnermut aalajangiisuusarluni.

Isumaqarpunga tamanna Danmarkimi inatsisissatut siunnersuummi 1930-meersumi naleqquttuussuseqarnissamik piumasaqaatip taassuma inatsisip akuerineqarnerani naleqquttuunissamik piumasaqaatinik allanik taarserneqarani peerneqarneratigut erseqqissarneqartoq.

Tamatumunnga atatillugu manna aamma pingaaruteqartillugu isiginiarneqartariaqarpoq, tassalu naleqquttuussuseqarnermik piumasaqaat piumasaqaataajunnaar-toq atuarfimi sulinerpiamik tunngaveqanngitsoq, tassaallunili teknikkimut tunngasoq, pillaasarneq pillugu inatsisip 1866-imeersup ataqqinassusiagaanermik atuiiffiunera-nik tunngavilersugaasoq, kiisalu pillaasarneq pillugu inatsit 1930-meersoq iluseqqaa-mini inuup pillarneqarsimasup innuttaasutut pisinnaatitaaffimminik annaasaqarnis-saanut inatsisitigut tunngavissaliisoq. Innuttaasutut pisinnaatitaaffinnik eqqartuussu-

tikkut piiaanissamut periarfissaq Danmarkimi pillaasarneq pillugu inatsisikkut 1939-mi atorunnaarsinneqarpoq.

Ilassutitut oqaatigaara Kalaallit Nunaanni pinerluttulerineq pillugu inatsimmi § 114, imm. 1-ikkut aalajangersarneqarmat pinerlunneq innuttaasutut pisinnaatitaaffinnik annaasaqaataassanngitsoq.

Meeqqat atuarfiat pillugu peqqussummi atuuttumi §§-ini 45-mi 47-milu, tak. meeqqat atuarfianni atuarfiup siulersuisuini angajoqqaat ilaasortaatitassaannik qinersisarneq pillugu Namminersornerullutik Oqartussat nalunaarutaanni nr. 16-imi, 20. august 1997-imeersumi §§-it 5-imit 7-imut, atuarfiit siulersuisuini angajoqqaat ilaasortaati-taasa qinigaasinnaassuseqarnerannik piumasaqaatinik oqaasertalersuineq tunngavi-galugu uanga matuma kingornatigut paasinninnera unaavog atuartut siulersuisuini angajoqqaat sinniisissaattut angajoqqaanit qinerneqartut pinerluttulerineq pillugu i-natsimmik unioqqutisisimanerat pissutigalugu soraarsinneqarnissaannut inatsisitigut tunngavissaqanngitsoq.

Atuarfiit siulersuisuini angajoqqaat ilaasortaatitaannik angajoqqaanut qinigaasunik taakku sulinermt takkuttannginerat pissutigalugu suliunnaarsitsisinnaaneq pillugu apeqqut

Meeqqat atuarfiat pillugu Inatsisartut peqqussutaanni nr. 8-mi, 21. maj 2002-meersu-mi § 40, imm. 1-ikkut qulaani issuakkakkut aalajangersarneqarpoq atuarfiit siulersui-suini angajoqqaat sinniisaannik qinersisarneq pillugu malittarisassat Naalakkersuisu-nit aalajangersarneqassasut. Aalajangersagaq taanna oqaaseqaatini qulaanissaaq is-suarneqartuni meeqqat atuarfianni angajoqqaat atuarfiup siulersuisuinut ilaasortaa-titassaannik qinersisarneq pillugu nalunaarut nr. 16, 20. august 1997-imeersoq inner-suussutigineqarsimavog.

Nalunaartup taassuma atuussinnaassuseqarnera Inatsisartut peqqussutaanni § 49, imm. 7-ikkut atatiinnarneqarpoq.

Nalunaarut taanna malittarisassanik imaattunik ilaatigut imaqarpoq:

"§ 31. Angajoqqaat ilaasortaatitassat qinigaat qinersiviup ingerlanerani atuarfiup siuler-suisuinit tunuarniarluni qinnuteqarpat, kommunalbestyrelsip aalajangissavaa qinnuteqaat akuerineqassanersoq. Qinnuteqaat peqqiilliornermik, ingerlassami suliassanik assigisaan-nilluunnit annertuunik, qinnuteqartup ilaasortaanissaanut ajornakusuulersitsisunik, pissute-qarpat, nalinginnaasumik qinnuteqaat akuerineqassaaq.

Imm. 2. Angajoqqaat ilaasortaatitaata atuarfiup siulersuisuinut ilaasortaajunnaarnissani piumasarisinnaavaa, qitornani atuarfimmi atuartutut allassimajunnaarpat.

(...)

§ 33. Ilaasortap napparsimanermik allamilluunniit peqquteqarluni atuarfiup siulersuisuini suliani piffissami sivisunerusumi isumagisinnaanngippagu, kommunalbestyrelsip atuarfiup siulersuisuisa tamanna pillugu qinnuteqareernerisigut aalajangiussinnaavaa, sinniisussap

qinersinermi taaneqarnerpaasup angajoqqaat ilaasortaaitaattut ilanngunnissaa, ilaasortap suliaminik ingerlatseqqissinnaalernissaata tungaanut. Sinniisq piffissami suliffigisamini atuarfiup siulersuisuini ilaasortatut angajoqqaat qinigaattut allatut pisinnaatitaaffeqarluni-lu pisussaaffeqassaaq."

Uanga paasinninnera unaavoq Inatsisartut nalunaarummi aalajangersakkani issuarneqartunik aalajangiusimanninnermikkut manna tunngavigisimagaat, tassalu ilaasortaq angajoqqaat qinigaat sulinermi piffissami sivisunerusumi peqanngissimappat atuarfiup siulersuisui sinniisissamik aggeqqusinissamut periarfissaqassasut.

Tamanna meeqqat atuarfiat pillugu Inatsisartut peqqussutaanni nr. 8-mi, 21. maj 2002-meersuni kommunimi atuarfeqarfiup aqunneqarnera pillugu ileqqoreqqusaliornissamut kommunalbestyrelsip pisussaaffeqarnera pillugu § 39-mi aalajangersakkakut peqqussutissatullu siunnersuummi aalajangersagaq taanna pillugu oqaaseqaatitigut aamma ikorfartorneqarpoq.

Inatsisartut peqqussutaanni tassani § 39 imaattunik oqaasertaqarpoq:

"§ 39. Atuarfinni siulersuisut oqaaseqaateqartereernerisigut kommunalbestyrelsi kommunimi atuarfeqarfiup aqunneqarnera pillugu ileqqoreqqusaliussaaq. Ileqqoreqqusap makku pillugit aalajangersakkat ilaatigut imarissavai:

1) Angajoqqaat ilaasortaaitaasa atuarfiup siulersuisuini amerlassusissaat.

2) Atuarfiup siulersuisuini taaseqataasinnaanani ataatsimeeqataasartussamik pisariaqartit-sineq naapertorlugu toqqaaneq, tak. § 40, imm. 4.

3) Atuarfiup siulersuisuini ilinniartitsisut atuartullu ilaasortaaitassaannik qinersinermi pe-riusissat.

4) Kommunalbestyrelsip § 40, imm. 10 malillugu angajoqqaat ilaasortaaitaannik qinersi-sarneq kipungasumik pisassasq aalajangersimaneraa.

5) Kommunip atuarfeqarfiani ataatsimoorluni siunnersuisartoqatigiuisinnaasut katitigaane-rat.

Imm. 2. Ileqqoreqqusap imarissavaattaaq pisinnaatitaaffiit § 38, imm. 4 malillugu atuarfiup siulersuisuinut isumagisassanngortitaasimasinnaasut allaaserinerat.

Imm. 3. Ileqqoreqqusamut ilanngussami allanneqassapput kommunalbestyrelsip atuarfiup ilusiligaanera il.il. pillugit aalajangiineri, tak. § 38, imm. 2, nr. 3-miit 6-imut.

Imm. 4. Naalackersuisut ilitsersuutaasumik nalinginnaasumik ileqqoreqqusaliussapput."

Peqqussutissatut siunnersuummi aalajangersagaq taanna pillugu oqaaseqaatinit ilaatigut makku erserput:

”Imm. 1-imi taagorneqartut tamakkiisuunngillat. Taaneqartut saniatigut ileqqoreqqusat taakku atuarfinni siulersuisuni aalajangeeriaatsit pillugit aalajangersakkanik aamma imaqartariaqarput, matumani sinniisissanik aggeqqusineq, siulittaasumik qinersineq, ataatsimiinnerit ingerlanneqartarneri, aalajangiisinnaassuseqarneq il.il. eqqarsaatigalugit.”

Sinniisissamik aggeqqusinissamut periarfissaq imatut paasineqartariaqarpoq angajoqqaat ilaasortaataitaannik pineqartup atuarfiup siulersuisuini sulinermi peqataasinnaannginnaera pissutigalugu qinnuteqaataannngitsumik suliunnaarsitsisinnaannngitsoq.

Kommunip aalajangiinera 3. februar 2004-meersoq

Qulaani oqaatigineqartut nassatarisaannik kommuni A-p atuarfiup siulersuisuini ilaasortaasumik suliunnaarsitsisinnissaminut inatsisitigut tunngavissaqarsimannngilaq, taamaattumillu kommunip aalajangiinera 3. februar 2004-meersoq atuussinnaassuseqannngilaq.

Kommunip atuarfiup siulersuisuini ilaasortamik suliunnaarsitsisinnissamik inatsisitigut tunngavissaqarani aalajangiisimanera isorisariaqartutut isigaara.

A-lli qinigaaffiata naareersimanera isiginiarlugu apeqqut taanna pillugu annertunerusumik iliuuseqaqqissannngilanga.

Atuarfiup siulersuisui imaluunniit kommunalbestyrelsi atuarfiup siulersuisuini ilaasortamik angajoqqaat qinigaannik pissutsit allatut ajornartumik iliuuseqartariaqarnermik taaneqarsinnaasut atuuttutut naliliisoqarpat suliunnaarsitsisinnaanersut isummerfiginnngilara.

Kommunip Qinigaasinnaassuseq pillugu Ataatsimiititaliamut tusarniaanera

Qinigaasinnaassuseq pillugu Ataatsimiititaliap tusarniaaninnut akissutaani 16. august 2006-imeersumi oqaatigineqarpoq Qinigaasinnaassuseq pillugu Ataatsimiititaliaq kommunip 25. februar 2004-mi tusarniaavigisimagaa, tamannalu A-p suliunnaarsinneqarnerata kingornatigut pisimavoq.

Taamaattumik tusarniaaneq taanna suliap suliarineqarneranik aallartitseqqinnertut paasisariaqarpoq.

Kisianni Qinigaasinnaassuseq pillugu Ataatsimiititaliamut tusarniaaneq kommunip Ataatsimiititaliamut e-mailikkut nassiusaata 16. oktober 2004-meersup kingornatigut

kommunip malitseqartitsivigisimannngimmagu kommunip Ataatsimiititaliamut tusarniaasimanerata uanga paasinninnera allanngortinnngilaa.

Tusarniaanerli kommunip atuarfiulluunniit pisortaata suliami pisinnaatitaanera pillugu nalorninartoqarneranik kommunip isumaqarneranik tunngaveqartutut paasineqartariaaqarpoq.

Innuttaasut suliami sapinngisamik annertunerpaamik peqataatinneqarnerat tatigininnermik pilersitsisarpoq.

Kommunip innuttaasuni tatigininnermik pilersitsiniarnissaa ingerlatsinnermi ileqqorissaarnerup ilagaa.

Kommunaldirektørip A-mut saaffiginnissutaani Qinigaassinnaassuseq pillugu Ataatsimiititaliamut kommunip tusarniaanerani taaneqartumi suliap suliarineqarnerata aallartinneqarsimanera erseqqissumik oqaatigineqarsimanersoq paasissutissat pigineqartut aallaavigalugit nalilersinnaanngilara. Taamaallaat takuneqarsinnaavoq suliaq pilertornerpaamik uterfigineqarniarloq kommunaldirektørip A-mut oqaatigisimaga.

Taamaattumik isumaqarpunga matuma oqaatiginissaanut tunngavissaqarlunga, tassalu suliuunnaarsitsinnermik suliaq suliareqqinneqalersimasoq aamma tamatumunnga pissutaasoq A-mut nalunaarutiginiarlugu kommuni suliniuteqarsimasariaqaraluarloq.

Atuarfiup siulersuisuisa peqataatinneqarnerannik apeqqut

Kommunip tusarniaaninnut akissummini 14. september 2007-imeersumi oqaatigaa suliami aalajangiineq atuarfiup siulersuisuisa aalajangiinerisariaqaraluarat.

Atuarfiup siulersuisuisa angajoqqaat siulersuisunut ilaasortaataattut qinikkanik suliuunnaarsinnissaannut meeqqat atuarfiat pillugu Inatsisartut peqqussutaanni tunngavissaliisoqarsimannngilaa.

Taamaattumik suliap aalajangiiffigisassanngorlugu atuarfiup siulersuisuinut saqqummiunneqarsimasariaqaraluarneranik kommunip oqarnera tamanna tunngavigalugu isumaqatigisinnaanngilara.

Meeqqat atuarfiat pillugu Inatsisartut peqqussutaanni nr. 8-mi, 21. maj 2002-meersumi § 39-mit aamma aalajangersagaq taanna pillugu oqaaseqaatinit erserpoq atuarfiup siulersuisui pissutsini atuarfiup ileqqoreqqusaani pineqartunut ilaatinneqartuni peqataatinneqartassat, tak. qulaani issuarneqartut.

Isumaqarpunga atuarfiup siulersuisuini siulittaasup suliffimmut takkuttannginnerata kingunerisai pillugit apeqqut pissutsinut atuarfiup aqunneqarnera pillugu ileqqoreqqusani pineqartunut imatut ilaasoq kommuni pisussaaffeqarsimalluni A-p soraarsinneqarnissaanik kommunip aalajangiinnginnerani atuarfiup siulersuisui tusarniaavigissallugit.

Tamatumunnga atatillugu uanga paasinninnera unaavoq matuma ilimaginissaanut pissutissaqartoq, tassalu suliamik atuarfiup siulersuisuinut atuarfiup aqunneqarnera pillugu ileqqoreqqusat pillugit suliatut saqqummiussineq A-p sinniisissaanik aggeq-

qusisoqarnissaanik aalajangiinikkut (eqqortumik) aalajangiisoqarneranik kinguneqarsimassagaluartoq.

Saaffiginnissutinnut kommunip akissuteqarnera

Malugaara tusarniaanera 10. oktober 2006-imeersoq kommunip allakkatigut 14. september 2007-imeersutigut 2. oktober 2007-imi tigusakkut aatsaat akisimagaa.

Oqaatigaara Inatsisartut Ombudsmandiat pillugu Inatsisartut inatsisaanni § 7, imm. 1-ikkut aalajangersarneqarmat paasissutissat uppersaatillu atorfiga tunngavigalugu piumasakka kommunip nalunaarutigissallugit tunniutissallugillu pisussaaffigigaa.

Ombudsmandi pillugu inatsimmi § 7, imm. 1-ip siunertaa tassaavoq suliami allagaatinik tamanik misissuinikkut suliap ingerlasimaneranik paasinninnissannut oqartussaasullu suliamik suliarinninneranik naliliinissannut periarfissaqarnissara. Taanna ilaatigut imatut isumaqarpoq suliami allagaatit suulluunniit suliamut ilanngunneqarniariartut tigujuomasinnaagikka, taamatuttaarlu suliami allagaatit nassiuteqqussakka pissarsiarineqarsinnaanersut oqartussaasup pisariaqanngitsumik kinguarsaanani misissussagaa.

Kommunimut annertuginanngitsumik paasiuminartumillu tusarniaanermut akissuteqarniarnermut piffissaq kommunip atugaa ukiup ataatsip missaanik sivissussuseqartoq naammaginaruunngilaq.

Suliaq pillugu oqaaseqaatinnik A-mut ilisimatitsissutinni piffissaq misissuininnut atorneqartoq naammaginannngitsumik sivisuallaartoq ajuusaarutigaa, tamatumani oqaatigaara tamanna tusarniaaninnut kommunip aamma Qinigaasinnaassuseq pillugu Ataatsimiititaliap naammaginarumik pilertussuseqartumik akissuteqartarsimannginnerannik annertuumik pissuteqartinneqarsinnaasoq.

Atuarfiit siulersuisuini ilaasortat angajoqqaat qinigaasa qinigaasinnaassuseqarnerannik apeqqutip tunngaviusumik pingaaruteqarneranik isiginninnera tunngavigalugu Inatsisartut Inatsisit Atortinneqarnerannut Ataatsimiititaliaat allakkatigut allakkanut ukununnga peqatigitillugit kommunimut aamma Qinigaasinnaassuseq pillugu Ataatsimiititaliamut nassiussama assilinerinik nassillugu ilisimatippara.

Suliami annertunerusumik iliuuseqaaqqissangilanga."

Qinigaasinnaassuseq pillugu Ataatsimiititaliap suliamik suliarinninneranik misissuina

Kommunip suliamik suliarinninneranik misissuinni suliap ingerlasimaneranik allaaserinninnera innersuussutigaa.

Qinigaasinnaassuseq pillugu Ataatsimiititaliaq eqqarsaatigalugu imaattunik oqaaseqaateqarpunga:

Qinigaasinnaassuseq pillugu Ataatsimiititaliap aalajangiinera

Qinigaasinnaassuseq pillugu Ataatsimiititaliap uannut paasissutissiissutigisai imatut paasivakka A-p atuarfiup siulersuisuinut qinigaasinnaassuseqarnera misilinniarnagu Ataatsimiititaliaq aalajangersimasoq.

Ataatsimiititaliap oqaatigaa meeqqat atuarfiat pillugu Inatsisartut peqqussutaanni nr. 8-mi, 21. maj 2002-meersumi atuarfiit siulersuisuini ilaasortat qinigaasinnaassuseqarnerannik misiliinissamut inatsisitigut tunngavissaqanngitsoq.

Qinigaasinnaassuseq pillugu Ataatsimiititaliap paasinninnerata oqaaseqaateqarnisannut pissutissaqalersinngilaanga.

Malugeqqulluguli oqaatigaara K Kommunimut oqaaseqaatinnit oqaaseqaammumatumunnga peqatigitillugu nassiunneqartumit ersermat atuarfiit siulersuisuini ilaasortat naleqquttuunissaannik piumasaaqaateqartoqarsinnaanngitsoq, tassami meeqqat atuarfiat pillugu peqqussummi atuuttumi imaluunniit oqaluttuarisaanermi tunuliqutaasuni naleqquttuunissamik piumasaaqaatip tunngaviunerata ilimaginissaanut tunngavissaqanngimmat. Pineqartoq tassaavoq atuarfiup siulersuisuini angajoqqaat qinigaattut ilaasortat tassaasut soqutigisaqaqatigiit siulersuini sinniisaanerat.

Qinigaasinnaassuseq pillugu Ataatsimiititaliap suliamik sularinninnera

Qinigaasinnaassuseq pillugu Ataatsimiititaliap uannut akissutaanit erserpoq Ataatsimiititaliap inatsisitigut tunngaviusumik inatsit atuuttoq tunngavigalugu isummerfigin-ninnginnermini kommuni qinnuigisimagaa A-p qinigaasinnaassuseqarneranik misilii-sitsiumaneq pillugu allakkatigut nassiuateqaqqullugu, Ataatsimiititaliarlu A pillugu paasissutissat naqitanngortinneqarnerannik Pinerluuteqarsimaneq pillugu Qitiusu-mik Nalunaarsuiffimmumt qinnuteqarsimasoq.

Suliap ingerlasimanera pillugu oqaatigaara suliassat sularineqartarnerat pillugu inatsimmi § 33 imaattunik oqaasertaqartoq:

"Pisortat ingerlatsivianni suliffilik taama suliffeqarnerminut atatillugu paasissutissanik allanut oqaatigequnngisanik suliassami sularinissaannut pingaaruteqanngitsunik pissarsis-sanngilaq."

Inuit ataasiakkaat pinerluuteqarsimaneri pillugit paasissutissat suliassat sularineq-artarnerat pillugu inatsimmi paasissutissatut inunnut namminermut tunngalluinnar-tutut ingerlatsinermi oqartussaasumut allamut ingerlateqqinneqartussaannngitsutut isigineqarput, takuuk suliassat sularineqartarnerat pillugu inatsimmi § 28, imm. 1 imaattunik imaqartoq:

"Inuit ataasiakkaat allanit sunissaqaratik pissuserisaat, tamakkununnga ilanngullugit nag-geqatigiinnut sunut ilaanermut, upperisarsiornermut aamma ammip qalipaataanut, naalak-

kersuinnermut, peqatigiiffeqarnermut, kinguaassiuutiniatuinnermut, pinerluttarnermut tunngasut pillugit paasissutissat kiisalu peqqissusermut, inooqatigiinnermi ajornartorsiutinut annertuunut aamma inuulluarniutinik assigisaannillu atuinnermut tunngasut pillugit paasissutissat ingerlatsinnermut oqartussaasunut allanut ingerlateqqinneqartassanngillat."

Taamaattumik paasissutissat taamaattut inatsimmi § 33-mi pineqartunut aamma ilaattinneqarput.

Qinigaasinnaassuseq pillugu Ataatsimiititaliap atuarfiit siulersuisuini ilaasortat qinigaasinnaassuseqarnerannik misiliinissaminnut inatsisitigut tunngavissaqannginnerat meeqqat atuarfiat pillugu Inatsisartut peqqussutaata qanoq paasineqarnissaanik nassuiaaneq kisiat tunngavigalugu isummerfigisimavaa, taamaattumillu uanga paasinninnera unaavoq suliami pineqartumi K Kommunip aalajangiinneranik nassuiaammik Pinerluuteqarsimanerlu pillugu Qitiusumik Nalunaarsuiffimmit paasissutissanik Ataatsimiititaliap pissarsiniarsimanera pisariaqartuunngitsoq.

Taamaattumik paasissutissanik A-mut namminermut tunngalluinnartunik oqartussasunit allanit pissarsinianginnermini inatsisitigut tunngavigisamik apeqqut Ataatsimiititaliap aalajangiiffigisimasariaqaraluarpa.

Taamaalilluni Qinigaasinnaassuseq pillugu Ataatsimiititaliap suliamik suliarinninnera suliasat suliarineqartarnerat pillugu inatsimmi § 33-mik unioqutitsineruvoq, tamannalu pitsaanngitsorujussuartut isigaara.

Qinigaasinnaassuseq pillugu Ataatsimiititaliap saaffiginnissutinnut akissuteqartarnera

Malugaara uanga tusarniaanera 31. januar 2005-imeersoq Qinigaasinnaassuseq pillugu Ataatsimiititaliap aatsaat 17. august 2005-imi akisimagaa, tamatumalu kingornatigut tusarniaanera 19. september 2005-imeersoq 27. april 2006-imi akineqarsimasoq, tusarniaaqinneralu 15. juni 2006-imeersoq Ataatsimiititaliamit 16. august 2006-imi akineqarsimasoq.

Taamaalilluni suliaq pineqartoq pillugu Ataatsimiititaliap nassuiaateqarniarneranut qaammatit katillugit 16-ingajaat atorneqarsimapput.

Oqaatigaara Inatsisartut Ombudsmandiat pillugu Inatsisartut inatsisaanni § 7, imm. 1-ikkut aalajangersarneqarmat paasissutissat uppersaatillu atorfiga tunngavigalugu piumasakka allaffissornermi aqutsinikkut oqartussaasup nalunaarutigissallugit tunniutissallugillu pisussaaffigigaa.

Ombudsmandi pillugu inatsimmi § 7, imm. 1-ip siunertaa tassaavoq suliami allagaatinik tamanik misissuinnikkut suliap ingerlasimaneranik paasinninnissannut oqartussaasullu suliamik suliarinninneranik naliliinissannut periarfissaqarnissara. Taanna ilaatigut imatut isumaqarpoq suliami allagaatit sulluunniit suliamut ilanngunneqarniariartut tigujuimasinnaagikka, taamatuttaarlu suliami allagaatit nassiatequsakka

pissarsiarineqarsinnaanersut oqartussaasup pisariaqannigitsumik kinguarsaanani misissussagaa.

Qinigaasinnaassuseq pillugu Ataatsimiititaliamut annertuginannigitsumik paasiuminartumillu apeqqutinut akissuteqarniarnermi piffissaq atorreqartoq tamarmiusoq qaammatit 16-it missaannik sivilissuseqartoq naammaginartuunnigilaq.

Suliaq pillugu oqaaseqaatinnik A-mut ilisimatitsissutinna piffissaq misissuinnut atorreqartoq naammaginannigitsumik siviluallaartoq ajusaarutigaa, tamatumani oqaatigaara tamanna tusarniaannut kommunip aamma Qinigaasinnaassuseq pillugu Ataatsimiititaliap naammaginartumik pilertussuseqartumik akissuteqartarsimanginnerannik annertuumik pissuteqartinneqarsinnaasoq.

Atuarfiit siulersuisuini ilaasortat angajoqqaat qinigaasa qinigaasinnaassuseqarnerannik apeqqutip tungaviusumik pingaaruteqarneranik isiginninnera tunngavigalugu Inatsisartut Inatsisit Atortinneqarnerannut Ataatsimiititaliaat allakkatigut allakkanut ukununga peqatigitillugit kommunimut Qinigaasinnaassuserlu pillugu Ataatsimiititaliamut nassiusama assilinerinik nassillugu ilisimatippara.

Suliami annertunerusumik iliuuseqaqqissangilanga.”

A/S Inissiaatileqatigiiffik INI

5.10. Ineqarnermut akiliutinut akiitsut

5.10.1. Kiassarnermut akiliutaaqqittussanik akiliisitsiniarneq aamma atartortumik nuunnerup kingornatigut misissuinnermut aggeqqusineq

A1-ip aamma A2-p attartukkaminna nuunnerminnut atatillugu A/S Inissiaatileqatigiiffik INI-p suliamik suliarinninnera naammagittaalliuutigaat.

Ombudsmandi isumaqarpoq kiassarnermut akiliuteqartoqaqqinnissaa INI-p piumasagaatigisinnaanngikkaa, tassami taamaaliornissamut piffissaliussatut piumasagaataasut eqqortinneqarsimannimmata.

Ombudsmandi aammattaaq isumaqarpoq attartukkami amigaataasunut attartukkamillu paarsinerlunnermut atatillugu akiliisoqarnissaanik piumasagaatip atortuutinniarnissaanik INI-p piumasagaateqarsinnaanera qularnartorujussusoq, tassami inissianik attartortitsineq pillugu peqqussummi nuunnerup kingornatigut misissuisarneq pillugu malittarisassat malinneqarsimannimmata (j.nr. 11.20.28.10/126-05).

A1-ip aamma A2-p naammagittaalliuutaat imaattoq 12. december 2005-imi ti-guara:

"A/S Inissiaatileqatigiiffik INI-p suliamik inissiamut tunngasumik suliarinninnera pillugu naam-magittaalliut matumuuna nassiutissavarput.

Suliami pineqartoq tassaavoq K-mi inissiamit ..-mit 1. juli 2003-mi nuunneq, tamatumalu kingornatigut suliap ingerlasimanera. Nuunneq inissiap iluarsaanneqarneranut akiliuteqarnissamik kiisalu kiassarnermut akiliuteqaqqinnissamik INI-mit piumasaqaatinik arlalinnik nassataqarsimavoq, piumasaqaatit uagut isumaqatiginngisagut, suliamik suliarinninneq arreeqisoq pikkorluffio-qisorlu pissutigalugu.

Pisut ingerlanerisa ullullu pingaaruteqartut allaaserineqarnerat:

Inissiamit 1. juli 2003-mi nuuppugut - ilisimatitsissutigineqarpoq.

Inissiaatileqatigiiffik allappoq inissiaq 30.05.2003-mi misissorniaritsik, kisianni takkuttoqanngilaq. Inissiaatileqatigiiffik tamatuma kingornatigut attaveqarfigaarput, ulloq nutaaq isumaqatigiis-sutiginiarlugu, ullumilli imaaliallaannaq taasaqarsinnaanngillat, ilisimatitsissutiginiarluguli. Inis-siaq 7. julimi misissorneqarsimavoq - uagut kalerrinnata.

Nuunnerup kingornatigut allaffigeqatigiittarneq:

13. december 2003. INI A/S-imit allakkat siullit, iluarsaassinnermut akiligassiisummik imaqar-tut, kisianni kiassarneq kiassarnermulluunniit naatsorsuutit ilaanngillat! Nuunnitsinniit sapaatit akunneri arfineq pingasut sinnerujussuarlugit ingerlareersimapput.

19-09-2005. INI A/S-imit allakkat aappaat, suliaq puigoreersimagaluarparput, kisianni allakkat nutaajupput. Nuunnitta kingornatigut qaammatit 27-28-t missaat qaangiutereersut kiassarnermut akileeqqequsisutit!

INI A/S-imit allakkat tullii 07-10-meersuullutillu 21-11-meersuupput.

Allakkat kingusissorujussuakkut nassiunneqarsimanerisa saniatigut ajuusaarnartuavoq akeqqusat akineqarsimannginnerat imaluunniit toqqaannartumik kukkusumik akisoqarsimanera.

Tamatumunnga assersuutissaavoq attartornermut siumut akiliutit akilerneqarsimasut pillugit im-mikkut naatsorsuutininik piumasimanerput, akineqarlutalu siumut akiliutinik akiliisoqarsimanngit-soq (attartukkani 1995 sioqqullugu taamaaliortoqarneq ajorpoq).

Taamaattumik aningaaserivimmu ukiumoortumik 2003-mi takussutissiaq ilanngunniarparput, tassanggalu erseqqissumik takuneqarsinnaalluni siumoortumik akiliutinut kontoqarsimasoq, taannalu 15.07.2003-mi atorunnaarsinneqarsimasoq. Konto taamaattoq uanga nammineq atuiffi-gisinnaanngilara, taamaattumillu qinnutigeqqissallugu konto pillugu naatsorsuutininik tunineqar-nissarput. Aningaasat suut ikineqarsimappat, suullu atorineqarsimappat?

Iserternitsinni nalunaarusiaq 1993-imeersoq aamma pissarsiarisinnaasimanngilarput.

Aamma inatsisitigut tunngavigisaq allakkani kingullerni ujartorsimasarput amigaatigaarput.

Allakkat ilaasa assilineri kiisalu ukiumoortumik takussutissiaq ilanngullugit nassiuppagut. Allaffigeqatigiittarnermi allagaasimasut tamarmiusut INI A/S-imut saaffiginnilluni pissarsiarineqarsinnaapput.

Pingaarnerit pingasut pineqarput:

1. Kiassanermut akileeqqinneq

Erseqqissumik uppermarsarsimavagut, taamaattumillu akileeqqinnissamik piumasaqaat akuerisinnaanngilarput.

Tamanna assortorlugu INI A/S-ip tunngavilersuisinnaanngikkaluarluni piumasaqaat aalajangiuisimavaa, taama kingusitsigisukkut piumasaqaateqarneq inatsiseqartitsinikkut sunnguamilluunniit tunngavilersornagu.

2. Iluarsaassineq.

Piumasaqaat aamma kingusissorujussuakut nassiunneqarsimavoq - misissuinermilu nalunaaruisiaq atuarneqarsinnaanngilaq, suliamilu tassani immikkoortut paasiuminaatsut sulilissuuppaput.

3. Siumoortumik akiliutinut konto.

Tassani qanoq pisoqarsimanera PAASINIARNEQASSAAQ."

Inissiap ...-p K-mi ...-miittup attartornissaa A1-ip aamma A2-p 15. august 1993-imi isumaqatigiissutigaat.

A1-ip aamma A2-p attartornertik allakkatigut A/S Inissiaatileqatigiiffik INI-mit 31. marts 2003-mi tiguneqartutigut atorunnaarsippaat.

A/S Inissiaatileqatigiiffik INI A1-imut aamma A2-mut 2. april 2003-mi imatut allappoq:

"Inigisap qimanissaa pillugu.

A/S Inissiaatileqatigiiffik INI-p matumuuna nalunaarutigissavaa inigisarsi ..., K 1. juni 2003-mi qimanniarlugu allakkasi tigugatsigit.

Tassungalu atatillugu qinnuigissavatsigit inissiap alakarneqarnissaanut A/S Inissiaatileqatigiiffik INI piffissamik isumaqatigiissuteqarfigeqqullugu, inissiaatileqatigiiffiup siunnersuutigissavaa ulloq 30/05-03 nal. 11.00.

Piffissaq siunnersuutigineqartoq ilinnut naleqqutinngippat qinnuigissavatsigit ataani atsiortumut tlf.: ... attaveqqaqullutit piffissamillu nutaamik isumaqatigiissuteqqaqullutit.

Najukkat nutaaq nalunaarutigisimangikkukku qinnuigissavatsigittaaq piaartumik nalunaarutiginnissaa.

Inigisat qimakkukku eqqaamassavat innaallagissamut atuinertit uninnera Nukissiorfimmuut nalunaarutigissagakku."

Inissiaatileqatigiiffimmuut akiligassanngortut A/S Inissiaatileqatigiiffik INI-p allakkatigut 13. december 2003-meersutigut 4.975,54 kr.-nut naatsorsorpai.

Aningaasat taakku imatut pilersimapput:

Misissuilluni nalunaarusiaq tunngavigalugu paarsinerlunnermut:	6. 751,20 kr.
Kiassanermut akiliutinut:	+ 1.417,52 kr.
Ineqarnermut amerlanaarlugit akiliutit:	-3.193,18 kr.

Aningaasartuutit paarsinerlunnermut tunngasut imatut immikkoortiterneqarsimapput, ilanngussatigullu uppersaaserneqarsimallutik:

Sanasut suliaat assigiinngitsut	2.197,00 kr.
Sanasut suliaat assigiinngitsut:	2.666,00 kr.
Suliat assigiinngitsut:	1.888,00 kr.

Taakkunanga erserpoq nalinginnaasumik iluarsaassineq attartortitsisup tigusi-magaa, tassami piffissaq attartorfiusoq qammatit 100-t sinnerlugit sivisussuseqarsimamat, tak. inissianik attartorneq pillugu Inatsisartut peqqussutaanni nr. 5-imi, 31. maj 2001-imeersumi taamanikkut atuuttumi § 58.²⁰

A1-ip aamma A2-p najugaqarfiat allakkani assammik allanneqarsimavoq.

A/S Inissiaatileqatigiiffik INI-p A1-imut aamma A2-mut allagai 26. april 2004-meersut imaattunik oqaasertaqarput:

"Inissiamut ...-mut tunngatillugu 2003-mut kiassanermut naatsorsuutiniit akiligassat

Inatsisit atuuttut naapertorlugit 2003-mut kiassanermut naatsorsuutit maanna suliarineqareerput. Ilinnut naatsorsuutit imatut naatsorsorneqarput:

20) Naatsorsuinermit attartorneq pillugu peqqussummi 13. juni 1994-imeersumi § 34 innersuussutigineqarpoq. Peqqusut pineqartoq taanna A-1-imut aamma A2-mut atortuusimangisaannarpoq, nalinginnaasumilli iluarsaassinermit aningaasartuutit attartortitsisumut nuukkiartuaarnerat pillugu aalajangersakkat peqqusutini taakkunani marlunni assigiipput.

5. Suliat nalinginnaasumik soqutiginaatillit, inatsiseqartitsiffiusunut agguataakkat

Siumoortumik akileriikkat	3.125,00
Naatsorsuutit naapertorlugit kiassarnermi atuineq naatsorsorneqartoq	4.848,84
+ tunniunneqartussat (ilanngaaneq sioqqullugu)/ - akileqquneqartussat	-1.723,84

Nalinginnaasumik attartortunut aningaasat tunniunneqartussat PBS-i aqputigalugu majip qaammataanut ineqarnermut akiligassamut ilanngaatigineqassapput. Tunniunneqartussat qaammammut ineqarnermut akiliutissat sinneqqassappassuk aningaasat sinneruttut aningaaserivimmi kontomut ilinnit innersuussutigineqartumut ikineqassapput, taamaattorli A/S Inissiaatileqatigiiffik INI-mut akiitsoqaruut utertoortissavit sinneri matussutigineqassapput.

Aningaasat akileqquneqartut PBS-i aqputigalugu julip qaammataani akiligassamut ilanngunneqassapput.

Eqqaamallugu aningaaserivimmi illit konto normut illoqarfinni immikkoortortaqaarfimmuut nalunaarutigereersimangikkukku nalunaarutiginnissaa.

Kiassarnermut naatsorsuutit inatsisit atuuttut naapertorlugit illit illoqarfinni INI-p allaffianut missisugassanngorlugit aprilip 30-anit 2004-mi saqqummiunneqarput. Kiassarnermut naatsorsuutit pillugit naammagittaalliutit allaganngorlugit illoqarfimmi INI-p allaffianut kingusinnerpaamik augustip aallaqqaataani 2004-mi tunniunneqassapput."

A1-ip aamma A2-p najugaqarfiat allakkani ilisimaneqanngitsutut allanneqarsimavoq.

A/S Inissiaatileqatigiiffik INI-p A1-imut aamma A2-mut allagai 12. oktober 2004-meersut imaattunik oqaasertaqarput:

"Inissiamut ... tunngatillugu 2002-mut kiassarnermut naatsorsuutiniit akiligassat

Inatsisit atuuttut naapertorlugit 2002-mut kiassarnermut naatsorsuutit maanna suliarineqareerput. Ilinnut naatsorsuutit imatut naatsorsorneqarput:

Siumoortumik akileriikkat	7.500,00
Naatsorsuutit naapertorlugit kiassarnermi atuineq naatsorsorneqartoq	8.917,52
+ tunniunneqartussat (ilanngaaneq sioqqullugu)/ - akileqquneqartussat	-1.417,52

Nalinginnaasumik attartortunut aningaasat tunniunneqartussat PBS aqputigalugu junip qaammataanut ineqarnermut akileqqusissutit iluarsinerinut atorneqassapput. Tunniunneqartussat qaammammut ineqarnermut akiliutissat sinneqqassappassuk aningaasat sinneruttut aningaaserivimmi kontomut ilinnit innersuussutigineqartumut ikineqassapput.

Aningaasat akileqquneqartut PBS aqputigalugu julip qaammataani akiligassamut ilanngunneqassapput.

Eqqaamallugu aningaaserivimmi illit konto normut illoqarfinni immikkoortortaqaarfimmuut nalunaarutigereersimangikkukku nalunaarutiginnissaa.

Kiassarnermut naatsorsuutit inatsisit atuuttut naapertorlugit illit illoqarfinni INI-p allaffianut misissugassanngorlugit aprilip 30-ianit 2003 saqqummiunneqarput. Kiassarnermut naatsorsuutit pillugit naammagittaalliutit allaganngorlugit illoqarfimmi INI-p allaffianut kingusinnerpaamik augustip aallaqqaataani 2003 tunniunneqassaput."

A1-ip aamma A2-p K-mi najugaqarfiat allakkani ilisimaneqanngitsut allanneqarsimavoq.

A/S Inissiaatileqatigiiffik INI-p A1-imut aamma A2-mut allagai 22. februar 2005-imeersut imaattunik oqaasertaqarput:

"Siusinnerusukkut inigisat ..., K - akiitsunik akileeqqusissut.

Inissiaq qulaani pineqartoq pillugu akiitsunut naatsorsuutit siusinnerusukkut tiguatit.

Ineqarnermut, kiassarnermut qularnaveeqqummullu naafferartumik akilersuinnermut kiisalu nutsernermi il.il. akiligassat naatsorsuutit misissornerini akilerneqarsimangitsut paasivagut, akiitsoqartutillu katillugit kr. 6.840,54.

Qinnuigissavatsigit akiligassat kingusinnerpaamik 08.06.04 akileqqullugit. Akiligassat tamakkerlugit akilersinnaassanngikkukit, akilersuinissamut isumaqatigiissuioornissaq siunertaralugu inissiaatileqatigiiffimmut saaffiginissinnaavutit.

Siuliani piffissaliunneqartoq sioqqullugu akiliisimanngikkuit, imaluunniit akilersuinissaq pillugu saaffiginissuteqarsimanngikkuit suliaq akiliisitsiniartartunut tunniunneqassaaq, tamannalu ilinut aningaasartuutininik annertuunik kinguneqarsinnaalluni.

Uku allakkat tiguneri sioqqullugu akiitsutit akilersimagukkit, ikinngutinnersumik qinnuigissavatsigit uku allakkat eqqarsaatigeqqeqqunagit."

A1-ip aamma A2-p najugaqarfiat ilisimaneqanngitsut allakkani oqaatigineqarpoq.

A/S Inissiaatileqatigiiffik INI A1-imut aamma A2-mut 19. september 2005-imi imatut allappoq:

"Siusinnerusukkut inigisat ..., K - akiitsunik akileeqqusissut.

Inissiap qulaani pineqartup qimanneqarnerani akiligassiissut akileqqullugu siusinnerusukkut nukingisaarneqarsimavutit. Ineqarnermut, kiassarnermut qularnaveeqqummullu naafferartumik akilersuinnermut kiisalu nutsernermi il.il. akiligassat naatsorsuutit misissornerini akilerneqarsimangitsut paasivagut, akiitsoqartutillu katillugit kr. 6.840,54.

Qinnuigissavatsigit akiligassat kingusinnerpaamik 03. oktober 2005 akileqqullugit, FI-korti ilanngullugu nassiuunneqartoq atorlugu. Akiligassat tamakkerlugit akilersinnaassanngikkukit,

5. Suliat nalinginnaasumik soqutiginaatillit, inatsiseqartitsiffiusunut agguataakkat

akilersuinissamat isumaqatigiissusiornissaq siunertaralugu inissiaatileqatigiiffimmut saaffigin-nissinnaavutit.

Siuliani piffissaliunneqartoq sioqqullugu akiliisimannikkuit, imaluunniit akilersuinissaq pillugu saaffiginissuteqarsimannikkuit Ribers Kreditinformationimi nalunaarsorneqassaait. Aammattaq suliaq eqqartuussivikkoortumik akiliisitsiniarnissamat ingerlateqqinneqassaaq, tamannalu ilinnut aningaasartuutinik annertunerusunik kinguneqarsinnaalluni.

Uku allakkat tiguneri sioqqullugu akiitsutit akilersimagukkit, ikinngutinnersumik qinnuigissavat-sigit uku allakkat eqqarsaatigeqqeqqunagit."

A1 A/S Inissiaatileqatigiiffik INI-mut 26. september 2005-imi imatut allappoq:

"Pineqartoq: Attartugaq ... pillugu allakkat 2005-09-19-imi ullulerneqarsimasut

Piumasarisasi paatsuungassutigatsigit makku nassiteqqullugit qinnuigaatsigit:

- Piumasarissannut inatsisitigut tunngavigisaq, matumani piumasarisat taama kingusitsigisu-mik saqqummiunneqarsinnaanerannut inatsisitigut tunngavigisaq kiisalu inissianik attartor-neq pillugu Inatsisartut peqqussutaat attuuttoq ilanngullugu eqqarsaatigalugu
- Ullut aninitta kingornatigut attartortuusimasut iserterfii aniffiilu
- Misissuinermi nalunaarusiaq ullulerneqarsimasoq atuarneqarsinnaasorlu
- Misissuinerup kingornatigut naatsorsukkassi missingersuutilu ullulerneqarsimasut assilineri
- Suliami ilanngussat allaffigeqatigiittarnermilu allagaasimasut tamaasa, matumani attartor-neq pillugu isumaqatigiissutip assilineri ilanngullugu eqqarsaatigalugu." (Atorfeqarfim-mi nutsigaavoq)

A/S Inissiaatileqatigiiffik INI-p A1 allakkatigut 7. oktober 2005-imeersutigut imatut akivaa:

"Allakkatit 30/9-05 tiguneqarsimasut innersuussutigalugit.

Nalunaarutigisinnaavarput nutsernermi akiligassiissut misissorsimagipput, tak. misissuinermi nalunaarusiaq, taamaalillutalu 2.666,00 kr. ilinnit akilerneqartussaannigitsut peersimallugit, nut-sernermilu akiitsut sinneri ukiut tallimat qaangiunneranni pisoqalisootarneq pillugu malittarisas-saq imaattoq atuuppoq:

Sanasut suliaat assigiinngitsut 2.197,00 kr., suliat innaallagissamat tunngasut assigiinngitsut 1.888,20 kr. aamma 2002-mi kiassanermut akiligassat 1.417,52 + 2003 1.723,84 ineqarnermut akiliutaavallaarsimasunik 1.328,18 kr.-nik ilanngarlugit = **5.898,38 kr.** (nutsernermi kontokort takuuk).

Aningaasat akiitsuulersimasut naafferarlugit akilersornissaannut periarfissaqarputit, eqqartuussivikkoortitsinissaq pinngitsoortinniarlugu isumaqatigiissut ilanngullugu nassiunneqarpoq, qinnui-gaatsigillu atsioriarlugu utertillugu nassiuteqqullugu, akiitsut naafferartumik akilersornissaat kisaatigigukku, taamaattoqanngippallu suliaq nutsernermi akiitsut suliarineqartarnerattut nalinginnaasumik ingerlassaaq, tassalu suliaq eqqartuussivikkoortumik akiliisitsiniarnertut ingerlanneqassalluni.

Tamatumunnga peqatigitillugu ilinnut malugeqqullugu oqaatigissavarput naafferartumik akilersuinissamik isumaqatigiissut manna **eqqortinneqanngippat ingerlaannartumik** ilimasaarisoqaqinngisorlu eqqartuussivikkoortumik akiliisitsiniarnertut suliaassanngortinneqassammat." (Atorfeqarfimmi nutsigaavoq)

A1 A/S Inissiaatileqatigiiffik INI-mut 17. oktober 2005-imi imatut allappoq:

"Pineqartoq: Attartugaq ... pillugu allakkat 2005-10-07-imi ullulernerqarsimasut

Nalinginnaasut saniatigut iluarsaassineq pillugu piumasarisasi sulii paatsuungassutigigatsigit qinnui-gaatsigit makku nassiuteqqullugit :

- Piumasarisassinnut inatsisitigut tunngavigisaq, matumani piumasarisat taama kingusitsigisumik saqqummiunneqarsinnaanerannut inatsisitigut tunngavigisaq atuuttoq, Namminersornerullutik Oqartussanit akuerineqarsimasoq
- Misissuinermi nalunaarussiaq august 1993-imeersoq, inissiap iserternermi inissiap qanoq isusianik uppersaasuusoq
- Attartukkamut qularnaveeqqutitut siumoortumik akiliutaasimasut pillugit immikkut naatsorsuutit

2002-mi 2003-milu kiassarnermut akiliuteqaaqqinnissamik piumasaqaatit Inatsisartut peqqussutaanni nr. 3-mi, 13. juni 1994-imeersumi § 23, imm. 3, imm. 4, imm. 6 aamma imm. 7 tunngavigalugit itigartippavut:

Imm. 3. Kiassarnermut naatsorsuutit saqqummiunneqartassapput ukiup naatsorsuuteqarfiup naaneraniit kingusinnerpaamik qaammatit sisamat qaangiunneranni. Saqqummiunneqarneri tamanut nalunaarutigineqartassapput.

Imm. 4. Naatsorsuutit piffissaq imm. 3-mi aalajangersagaq nallertinnagu saqqummiunneqarsimanngippata, attartortitsisoq utaqqiisaasumik akiliutigittakkat akimorlugit akiliisitsiniarsinnaangilaq.

Imm. 6. Kiassarnermut naatsorsuutit saqqummiutereernerannit kingusinnerpaamik sapaatit akunneri arfineq pingasut qaangiunneranni attartortoq allakkatigut nalunaarfigineqassaaq akileeqqissanersoq imaluunniit utertitassaqarnerasoq. Nalunaarut ilaqartineqassaaq attartortup imm. 8 malillugu akerliliinissamut pisinnaatitaaffiinut paasissutissanik.

Imm. 7. Attartortoq imm. 6-imi oqaatigineqartut piffissap taaneqartup ingerlanerani nalunaarfigineqarsimangippat, attartortoq akileeqqinnissaanik piumasaqarfigineqarsinnaangilaq." (Atorfeqarfimmi nutsigaavoq)

A/S Inissiaatileqatigiiffik INI-p A1 allakkatigut 21. november 2005-imeersutigut imatut akivaa:

"Allakkatit 19/10-05-imi tiguneqartut innersuussutigalugit.

Nalunaarfigisinnaavatsigit nutsernermi akiitsut 5.898,38 kr.-t piumasaqaatit aalajangiusimagivut.

Allapputit nalinginnaasumik iluarsaassineq pillugu piumasarisavut suli paatsuungassutigalugit, tamatumunngalu peqatigitillugu piumasarisatsinnut inatsisitigut tunngaviusoq nassiuteqqullugu, aajunala allangortitassaangitsutut akissuterput:

- Pisoqalisoorarneq pillugu Danmarkimi inatsit Kalaallit Nunaannut aamma atuuppoq; Namminersornerullutik Oqartussat pisoqalisoorarneq pillugu inatsimmik aalajangersaasimangillat. Inissianik attartorneq pillugu Inatsisartut peqqussutaanni §§-it 77 aamma 78 ilanngullugit nassiunneqarput.
- Iserternermut atatillugu misissuinermi nalunaarusiaq, iserterninni ilinnut tunniunneqarsimavoq, nutsernermilu akiliinermi aamma atorneqarneq ajorluni, nutsernermulli atatillugu misissuinermi nalunaarusiaq atorneqartarluni, taanna kingullermi ilanngullugu nassiupparput.
- Qularnaveeqqutitut siumoortumik akiliuteqarsimangilatit (1995 sioqqullugu isertertut qularnaveeqqutitut siumoortumik akiliineq ajorput)
- Kiassarnermut naatsorsuutit malittarisassat tunngavigalugit naatsorsorneqarsimapput, najuqaqarfissili nutaaq nalunaarutigisimangilaris (attartornermik atorunnaarsitsineq pillugu allakkat 2. april 2003-meersut takukkit)

Aningaasat akiitsuulersimasut naafferarlugit akilersornissaannut periarfissaqarputit. Eqqartuussivikkoortitsinissaq pinngitsoortinniarlugu isumaqatigiissut siusinnerusukkut ilanngullugu nassiupparput, qinnuigalutillu atsioriarlugu utertillugu nassiuteqqullugu, akiitsut naafferartumik akilersornissaat kissaatigigukku. Taamaattoqangippat suliaq nutsernermi akiitsut suliarineqartarnerattut nalinginnaasumik ingerlassaaq, tassalu suliaq eqqartuussivikkoortumik akiliisitsiniarnertut ingerlanneqassalluni. Eqqartuussivikkoortitsinissaq pinngitsoortinniarlugu isumaqatigiissut **atorneqangippat** imaluunniit **kingusinnerpaamik 05.12.2005-imi** akiliisoqarsimangippat suliaq **ingerlaannartumik** ilimasaaruteqartoqaqqinngitsorlu eqqartuussivikkoortumik akiliisitsiniarnertut suliaassanngortinneqassaaq." (Atorfeqarfimmi nutsigaavoq)

A1 A2-lu allakkatigut 5. december 2005-imeersutigut uannut naammagittaalliorput.

A1 A/S Inissiaatileqatigiiffik INI-mut imatut allappoq (allakkap suliame assilinerar erseqqarluppoq, ullulerneqarsimaneralu takuneqarsinnaanani):

"Pineqartoq: Allakkatit 21-11-2005-imeersut.

Ilisimatitsissutitut oqaatigisinnaavara Danmarkimi najugaqarfiga nuunngikkallaramali INI-mut oqartussaasunullu susassaartunut allanut ingerlatseqatigiiffinnullu nalunaarutigaaara, soorlu K Kommunimut, Nukissiorfinnut, allakkerisarfimmu il.il.

INI A/S-imik nakkutillisoq, Ombudsmandeqarfik, massakut qinnuigaara akuliuteqqullugu, suliame kingusippallaamik piumasaqaateqarneq, akissutini amigaatit eqqunngitsut toqqaannartumillu kukkunerit pissutigalugit.

Qularnaveeqqutitut siumoortumik akiliutit pillugit: Allakkanni kingullerni allapputit 1995 sioqqullugu isertertut qularnaveeqqutitut siumoortumik akiliineq ajortut. Matumani inissianik attartorneq pillugu Inatsisartut peqqussutaanni (nr. 03-mi) 1989-imeersumi kapitali 7 innersuussutiginiarpara: Tassani qularnaveeqqutitut siumoortumik akiliuteqartoqarnissaa piumasaqaataavoq. Tamatumunnga atatillugu konto pilersinneqarsimavoq aningaasallu K Kommunimit akilerneqartarsimallutik (naafferartumik akilersuinermik aaqqissuussineq).

Aningaasat taakku qanoq pisimanersut qanorluunniit amerlatigisut akilerneqarsimanersut naluaara, eqqaamaniarparali tamanna INI A/S-ip kommunerpassuarni, matumani K ilanngullugu eqqarsaatigalugu, inissianik aqutsinermik tigusererata missaani pisoq - immaqa januar 1994-imi.

Aqutsinermik tunniussinermut atatillugu immaqa kukkusoqarsimavoq, qularnaveeqqutitummi siumoortumik akiliutinut kontomut 3-4-riaannarluni ilanngaassisoqarnera taamani tupigigakku.

Manna misissulaarsiuk: Kontomut tassunga aningaasat qassit ikineqarsimanersut qassillu ilanngaatigineqarsimanersut.

Kontop taassuma ...-bankimi normua tassa ... (...-bankimi kontoqarallarama uppernarsaatituaalersukkut, tassalu 2003-mi ukiumoortumik takussutissiakkut tamanna takusinnaavara).

Aamma takusinnaavara konto taanna 15-07-2003-mi matuneqarsimasoq, INI A/S-imit matuneqarsimassaaq.

Tamanna misissulaarsiuk, kontomi taamaattoq uanga iliuuseqarfigisinnaannginnakku.

Misissuinermi nalunaarussiaq inissiap iserterfigineqarnerani inissiap qanoq issusianut uppernarsaataasoq suli ujartorparput.

Naggataatigut: Allakkanni kingullerni akissutersi tassa inissianik attartorneq pillugu Inatsisartut peqqussutaanni 2005-imeersumi §§-it 77 aamma 78, taanna nuukkatta suli atortuugunangilaq. Aammattaq akissut taanna apequtigisatsinnut akissutaanngilaq." (Atorfeqarfimmi nutsigaavoq)

K Kommunit 19. december 2005-imi imatut allappunga:

"A1-ip aamma A2-p naammagittaalliuutaat, ilanngullugu nassiunneqartoq, Inatsisartut Ombudsmandiata tiguua.

Inissianik attartortitsisarneq pillugu Inatsisartut peqqussutaanni nr. 2-mi, 12. maj 2005-imeersumi § 81, imm. 1-ikkut aalajangersarneqarpoq:

"§ 81, imm. 1. Namminersornerullutik Oqartussat kommuuniluunniit inissianik allaffissornik-kut aqutsisussamik avataaniit pissarsisimappat, Naalakkersuisut imaluunniit Kommunalbestyrelsep nakutigissavaa, inissianik allaffissornikkut aqutsisup suliani Inatsisartut peqqussutaat manna aamma aalajangersakkat, peqqussut manna naapertorlugu suliarineqartut naapertorlugit suliarinerai."

K Kommuni inissiamik, ...-mik, K, A1-ip aamma A2-p najugaqarfigisimasaannik piginnittuummat A1-ip aamma A2-p naammagittaalliuutaat K Kommunit ingerlateqqillugu nassiuppara, kommunip nakkutilliinermi oqartussaasutut, tak. § 81, imm. 1 qulaani issuarneqartoq, suliaq suliarilerumaneraa isummerfigeqqullugu.

K Kommuni qinnuigaara kommunip isumaliutersuutaasa qanoq inernilerneqarnerannik ilisimateqqullunga."

Suliaq allakkatigut 20. januar 2006-imeersutigut aamma 2. marts 2006-imeersutigut eqqaasitsissutigaa.

Suliaq oqarasuaatikkut 18. april 2006-imi eqqaasitsissutigaa, kommunimullu allakkakka mailikkut 20. april 2006-imi nassiuteqqillugit.

Suliaq allakkatigut 8. maj 2006-imeersutigut eqqaasitsissutigeqqippara.

K Kommunip akissutaa imaattoq 17. maj 2006-imi tiguara:

"K Kommuni, inissiamik qulaani taaneqartut ukiut qulit missaanni najugaqarfigisimasaannik piginnittuusooq, Ombudsmandip allakkatigut 19.12.-2005-imeersutigut qinnuigaa naammagittaalliuutip imarisaa pillugu isummeqqullugu.

Paasissutissat/allagaasarsimasut naammagittaalliornermi allakkanut ilanngullugit Ombudsmandimut nassiunneqarsimasut arlallit Ombudsmandip allagaanut ilanngullugit tiguineqarput.

K Kommuni suliamik suliarinninnermut atatillugu A/S INI qinnuigaa suliaq pillugu A/S INI-p paasinninnera pillugu oqaaseqaatinik saqqummiusseqqullugu, suliamilu allagaatit allakkatigut 03.03.2006-imi ullulerneqarsimasutigut kommunimut nassiunneqarlutik.

Paasissutissat nassiunneqartut ilaatigut nutsernermi akiligassanik immikkoortiterneqarsimasunik imaqarput, inissiap qimanneqarnerani misissuinerneq naluunarsuaq tunngavigalugu iluarsaassi-

nermi sulianik ilaatigut imaqartumik, kiisalu kiassarnermut akiliutinik naatsorsuutitik imaqarlutik. Nutsernermi akiligassat naatsorsorneqarnerat 13. december 2003-mi ullulernerqarsimavoq. Aammattaaq 2003-mi kiassanermit akiligassat inaarutaasumik naatsorsorneqarnerat allakkatigut 26. april 2004-mi ullulernerqarsimasutigut nassiunneqarsimavoq.

Paasissutissat pigineqartut - Ombudsmandimit aamma ingerlatseqatigiiffimmit tiguneqartut - aallaavigalugit akiligassiissutitut/naatsorsuutitut INI-mit nassiunneqartunut naammagittaalliorlut akerliliissutaat amigaatigineqarput. Akerliliissutit pigineqartut 2005-ip affaanit kingullermeer-suupput, ingerlatseqatigiiffiup - arlaleriarluni - nukingisaaruteqartareersimanageratigut.

Qulaani allaaserineqartut tunngavigalugit K Kommuni A/S Inissiaatileqatigiiffik INI-p iliuuseri-simasai pillugit akerliliissutissaqanngilaq." (Atorfeqarfimmi nutsigaavoq)

A/S Inissiaatileqatigiiffik INI-mut 19. maj 2006-imi imatut allappunga:

"A1-ip aamma A2-p naammagittaalliuutaat 15. december 2005-imeersoq assilinera ilanngullugu nassiunneqartoq Ombudsmandip tiguua.

Naammagittaalliuut imatut paasivara A1-ip aamma A2-p nutsernerminni naatsorsuutitik pillugit naammagittaalliorniartut.

K Kommuni allakkatigut 15. maj 2006-imeersutigut Ombudsmandimut ilisimatitsivoq suliami nakkutilliisnaatitaanini kommunip ingerlaterusunngikkaa.

Ombudsmandi massakkut aalajangerpoq suliaq suliariniarlugu.

Taamaattumik A/S Inissiaatileqatigiiffik INI naammagittaalliuut pillugu oqaaseqaateqaqqullugu qinnuigaara.

Aammattaaq A/S Inissiaatileqatigiiffik INI qinnuigaara mappi allagaatinik naammagittaalliuute-qartunut tunngasunik imalik atukkiuteqaqqullugu."

Qularnaveeqqutitut siumoortumik akiliutinut kontop piusimanagera, kontollu taas-suma imaasa 2.501,68 kr.-t Inissiaatileqatigiiffimmut 30. juni 2003-mi nuunne-qarsimanagerat ...-bankip e-mailkkut 12. juni 2006-imi A/S Inissiaatileqatigiiffik INI-mut uppersarpaa.

A/S Inissiaatileqatigiiffik INI-p akissutaa imaattoq 22. juni 2006-imi tiguara:

"Ombudsmandip A/S Inissiaatileqatigiiffik INI allakkatigut 19. maj 2006-imeersutigut 11.20.28.10/...-mik j. normoqartutigut qinnuigaa naammagittaalliuut pillugu oqaaseqaateqaq-qullugu.

A1-ip aamma A2-p Kalaallit Nunaanni Ombudsmandimut allagaat 05. decemberimeersut pillugit imaattut oqaatigisinnaavagut:

Inissiap attartorneqarunnaarneranik nalunaarutip tiguneqarnera A/S Inissiaatileqatigiiffik INI-p 02. april 2006-imi²¹ uppersarsarpaa, periarfissarlu taanna atorlugu Inissiaatileqatigiiffiup siunner-suutigaa misissuineq 30. maj 2004-mi²² nal. 11.00 pissasoq. Nuunnermi misissuinissamut piffissaliunneqartutut siunnersuutigineqartoq akueralugu A1-ip aamma A2-p uppersarsarsimangilaat.

Inissiaq 03. juli 2003-mi misissorneqarpoq, taamani nakkutilliisumit ...-mit.

Nutsernermi naatsorsuutit A/S Inissiaatileqatigiiffik INI-p 13. december 2003-mi nassiuppai, tassami iluarsaassinermut akiligassaqarfiusut ilanngussaata naatsorsuutitut ilanngunneqarmata, 2002-milu kiassarnermut naatsorsuutit naatsorsuutitut taakkununga ilanngunneqarput.

2003-mi kiassarnermut naatsorsuutit malittarisassat malillugit akilersinneqarput, kisianni A1-ip aamma A2-p najugaqarfittaartik nalunaarutigisimangilaat, naak inissiap attartorneqarnerata unitsinneqarneranik A/S Inissiaatileqatigiiffik INI-p uppersarsaanera pillugu allakkat 02. april 2003-mi tigusimagaluarlugit.

Nutsernermut aningaasartuutit akilernerqarnissaannik nukingisaarutitut allakkat kiisalu attartortup kontokortia nutsernerlu pillugu suliama kontokorti A/S Inissiaatileqatigiiffik INI-p 19. september 2005-imi nassiuppai.

A1-ip allagaasa 17. oktober 2005-imeersut akineqannginneranni aningaaserivik ... oqarasuaattikkut aperaarput pineqartoq aningaaserivimmi qularnaveeqqutitut siumoortumik akiliutitut kontoqarnerasoq, aningaaserivillu taamanikkut akivoq taamaattumik peqanngitsoq.

Aningaaserivik e-mailikkut massakkut apereqqipparput, siusinnerusukkutullu akineqarluta, aningaaseriviulli ukiumoortumik takussutissiaata assilineri nassiukkatsigu uppersarsivarput qularnaveeqqutitut siumoortumik akiliutit 2.501,68 kr.-t A/S Inissiaatileqatigiiffik INI-mut 30-06-2003-mi nuunneqarsimasut. Taamatut paasitinneqanngikkallaratta naatsorsuutigisimavarput 30-06-2003-mi naatsorsuutitut ilanngussineq tassaasoq A1-ip akiliutaanik ikisineq, tassani inuttut normua oqaasertaliussatut atornerqarsimammat." (Atorfeqarfimmi nutsigaavoq)

A/S Inissiaatileqatigiiffik INI-p akissutaa A1-mut aamma A2-mut suliama illua'tungiusunut taakku isumaannik tusarniaatitut 23. juni 2006-imi nassiuppaa.

A1-ip suliama illua'tungiusutut oqaaseqaataa 23. juni 2006-imi tiguara:

"INI A/S-mi suliama uannut tunngasoq pillugu allakkanik matumuuna nassiussaqaarniarpunga, tassami aqagu pingasunngornermi 21-06-2006-imi sulinnigiffeqarluta aallassagatta, ...-mullu sapaa-tit akunneri pingasut missaat qaangiuppata uteqqissalluta, taamaattumillu piffissami tassani allagaqarpat akeriataarsinnaanata.

Aammattaq ...-bankip akissutaa ilannguniarpara - qularnaveeqqutitut akiliutitut konto pillugu takussutissiaq 31. dec. 2002-meersoq, tassanngalu erserluni 2.516,68 kr.-nit uninngasuutigineqar-

21 2003-mi

22 2003-mi

tut. Tamanna INI A/S-imut paasiniaqqusimagaluarpara, taakkuli oqarlutik 1995 sioqqullugu qularnaveeqqutitut siumoortumik akiliuteqartoqarneq ajortoq.

Allagaatit 21-11-2005-imeersut issuaaffigaakka: "Qularnaveeqqutitut siumoortumik akiliutit akilersimangilatit (2005 sioqqullugu insertertut qularnaveeqqutitut siumoortumik akiliuteqarneq ajorput)" Qularnaveeqqutitut siumoortumik akiliutinut konto ...-mi matuneqarpoq, K-mit nuuk-katta ullut 14-it qaangiuttut. Taamaattumik INI A/S-ip tamanna pillugu torersumik akissuteqar-nissaa piumasaqaatiginiarpara.

Aamma tupigaara suliaq misissuleramikku pappiarat suliamut attuumassuteqartut tamaasa, matu-mani suliaq pillugu akissutikka ilanngullugit eqqarsaatigalugit, INI A/S-ip K Kommunimut nas-siussimaguanangimmagit." (Atorfeqarfimmi nutsigaavoq)

A1-ip suliami illua'tungiusup isumaanik tusarniaanermut akissutaa imaattoq 26. juli 2006-imi tiguara:

"Pineqartoq: Misissuineq.

Inissiaq INI-p neriorsuutigisamisut 30. maj 2003-mi misissoriartunngimmagu ullut arlaqanngit-sunnguit qaangiuttut allaffiannukarpunga piffissamik nutaamik isumaqatigiissuteqariartorlunga, neriorsorpaanngalu nalunaarfigiumallunga. Nalunaarfigineqanngilangali. Misissuineq julimi ua-gut nooersugut pisimavoq. Allaffianniikkama Danmarkimi najugaqarfiga oqaatigaara, taakkulu allappaat.

Najugaqarfik eqqarsaatigalugu taanna ukununnga aamma nalunaarutigaa: K Kommuni (attar-tortitsisoq), innaallagissiorfik, allakkerisarfik [Danmarkimilu] kommunimi inunnik nalunaarsuif-fimmut piffissaagallartillugu nalunaarpunga, pisattagummi uatsinnut tunniunneqassappata ta-manna piumasaqaataammat.

Innaallagissamik atuiunnaarnerput pillugu nalunaarutip Nukissiorfinnut nassiunneqartup assili-nera ilanngullugu nassiuppara, taassumalu nalunaarut taanna INI-mut ingerlateqqillugu nassius-simavaa. Tassalu Danmarkimi attaveqarfiginissannut A/S INI periarfissaqarluarsimavoq, Dan-markimimi najugaqarfigiligara tassani aamma allassimammat.

Misissuinermi nalunaarusiaq: Nalunaarusiami tassani isumaqatiginngisakka arlaqarput, taassu-malu assilineranik uanga pisinnaatitaavunga "ingerlaannartumillu allakkatigut nalunaarfigineqas-saaq attartortitsisup isumaa malillugu iluarseqqusat suut attartortumut akiligassanngortinneqar-nersut". (Inatsisartut peqqussutaat 13. juni 1994-imeersoq)

"Ingerlaannartumillu"-mik oqarnermi sapaatit akunneri sisamat nalinginnaasumik eqqarsaatigi-neqartarput, tassalu nalunaarusiaq piumasaqaateqartoqarsimappallu piumasaqaatit augustip qaammataani tigusimasussaagaluarpakka. Piumasarisat decemberip qaammataani takkuppet - na-lunaarusiamik allattuiffigineqarsimangilluinnartumik ilaqartinneqarluni.

2002-mi kiassarnermut naatsorsuutit.

Siumoortumik akiliutit piffissaagallartillugu tamatigut akilerneqartarsimapput.

Naatsorsuutit 30. april 2003-mi saqqummiunneqarsimasussaapput, attartortorlu tamatuma kingornatigut kingusinnerpaamik sapaatit akunneri arfineq pingasut qaangiunneranni allakkatigut nalunaarfigineqassalluni. Taamaattumik naatsorsuutit K-mi allakkerisarfikkut najugaqarfigisanut piffissap taassuma iluani nassiunneqarsimasinnaagaluarput. K-miit aatsaat 1. juli 2003-mi nuuppugut.

Danmarkimili najugaqarfigisannut 13. dec. 1994-imi²³ nassiunneqarput.

Taamaattumik akiliuteqartoqaqqinnissaa piumasaqaatigineqarsinnaanngilaq. (Inatsisartut peqqussutaanni 13. juni 1994-imeersumi § 23, imm. 7)

2003-mi kiassarnermut naatsorsuutit.

Attartortup qaqugukkut nalunaarfigineqarnissaa pillugu qulaani taaneqartutut oqaaseqaatit - saqqummiussinerup kingornatigut sapaatit akunneri arfineq pingasut. Naatsorsuutit taakku akileeqqinnissamik piumasaqaatitallit uannut 19-09-2005-imi nassiunneqarput, ukioq ataaseq sinnerlugu kingusinaartumik.

Piumasaqaatit tamaasa eqqarsaatigalugit piffissaliunneqartunik qaangeerujussuarneq pineqarpoq. Aammattaaq piumasaqaatit taakku pillugit aalajangersakkat attartortumut ajoqusiisumik sanequnneqarsinnaanngillat, taamaattumillu isumaqarpunga piumasaqaatit taakku itigartinneqartussaasut.

Isumaqaraanni piumasaqaatit akuerineqassasut pisortat oqartussaasuini taakkulu suleqatigisarta-gaanni (matumani A/S INI) periaaseq atorneqalersimasoq tassaavoq piumasaqaatit nassiunneqaannarsinnaasut, piffissaliussat soqutiginagit, aamma siunissami.

Qularnaveeqqutit siumoortumik (2.501,68 kr.-nik) akiliuteqartoqarsimanera INI-p ingerlaanaq paasisimasuuppagu taakkulu naatsorsuutitut qanoq ilanngunneqarsimanerat innersuussutigisimasuuppagu suut tamarmik ajornannginnerusimassagaluarput.

"Akiliivallaarsimaneq"-rup ataani (attartukkap inaarlugu suliarineqarnerani naatsorsuutitut ilanngussinermi) 1.328,18 kr.-nnaat nalunaarsorneqarsimanerat aamma tupigaara.

Taakku 2.501,68 kr.-iusariaqaraluarput, tassami K Kommuniip uanga qaammammusiannit ineqarnermut akiliutit kiassarnerlu siumoortumik qaammatit tamaasa akilertarsimammagit, pisortanilu oqartussaasoq aningaasat eqqortut piffissaagallartillugu akilerneqarnissaat peqqissaarulluinnartaraluarpaat.

Qularnaveeqqutit siumoortumik akiliutit tamarmik immikkoortup "akiliivallaarneq"-rup ataani nalunaarsorneqarsimasariaqaraluarput. (Atorfeqarfimmi nutsigaavoq)

Suliamik suliarinnittuma oqarasuaatikkut 29. januar 2007-imi saaffiginninnerani A/S Inissiaatileqatigiiffik INI-p oqaatigaa suliaq eqqartuussivikkoortumik sulias-sanngortinneqarsimangitsoq.

Tamatuma kingornatigut Inissiaatileqatigiiffimmuut imaattunik oqaaseqaateqarpu-nga:

"Inatsisitigut tunngavigisaaq

A1-ip aamma A2-p attartukkaminut K-miittumut 1993-imi isertermata inissianik attartorneq pillugu Inatsisartut peqqussutaat nr. 3, 20. juni 1989-imeersoq atuuttuuvoq. Peqqussutip taassuma inissianik attartorneq pillugu Inatsisartut peqqussutaat nr. 3, 13. juni 1994-imeersoq taarserpaa. Peqqussummili tassani attartukkat 1. januar 1995 sioqqullugu isumaqatigiissutigineqarsimasut (ikittunnguit immikkut taaneqartut eqqaassanngikkaanni) pineqartunut ilaatinneqanngillat, tak. peqqussummi § 36.

Inissianik attartorneq pillugu Inatsisartut peqqussutaat nr. 5, 31. maj 2001-imeersoq 1. januar 2002-mi atortuulerpoq, taamalu A1-ip aamma A2-p attartornerminnik atorrunnaarsitsimmata K-miillu nuummata atuulluni.

A1-ip aamma A2-p Danmarkimi najugaqarfiaq pillugu paasissutissaaq

Inissianik attartortitsisarneq pillugu Inatsisartut peqqussutaanni nr. 5-imi, 31. maj 2001-imeersumi § 59, imm. 3 imaattunik oqaasertaqarpoq:

"Imm. 3. Attartortup inissiamik qimatsinissani kingusinnerpaamik ullunik arfineq pingasunik sioqqullugu najugaqarfik nalunaarutit nassiunneqartarfissaat nalunaarutigissavaa."

Aaljangersagaq taanna malinngikkaanni imaaliiallaannaq pineqaatissiisutigineqarsinnaanngilaq, attartortulli najugaqarfimminik nutaamik paasissutissiinnnginnera suliasat attartortitsisup isumaa malillugu attartortumit akilernerqarlutik suliarineqartussat pillugu missingersuutinik attartortumut "ingerlaannartumik" allakkatigut nalunaartussaataitanermik eqqortitsisinnaaneranut sunniuteqarsinnaalluni.

Taamaalilluni attartortup najugaqarfittaaminik nalunaarutiginninnginnera ilatsiinarnernerup sunniutigisinnaasaanik pisussaaffigalugillu nalunaarutit nassiunnissaannut piffissaliussanik atorrunnaarsitsisuusinnaavoq. Taamaattorli tamanna taamaallaat atuussinnaavoq attartortup najugaqarfittaava attartortitsisup allatut iliorluni pissarsiarisimangippagu.

A1-ip oqaatigaa najugaqarfittaani A/S Inissiaatileqatigiiffik INI-mut ornigulluni 2003-mi junip aallartinnerani saaffiginninnermini nalunaarutigisimagini. Tamanna iluornoersoq nalilissallugu uanga periarfissaqanngilanga.

Suliami allagaatini nassiunneqartuni ilaavoq A1-ip innaallagissamik atuiunnaarnis-saminik Nukissiorfinnut nalunaarutaa, A1-ip najugaqarfittaavanik paasissutissartalik.

Nalunaarut taanna naqissuserneqarsimannigilaq, taamalu pappiarap taassuma A/S Inissiaatileqatigiiffik INI-mut qanga apuussimanersoq takuneqarsinnaanani.

Najugaqarfittaarli assammik allallugu 13. december 2003-mi ilanngunneqarsimavoq. A1-ip aamma A2-p najugaqarfiat A/S Inissiaatileqatigiiffik INI-p taamaalilluni kingu-sinnerpaamik piffissami tassani ilisimalersimavaa.

A/S Inissiaatileqatigiiffik INI uannut 14. juni 2006-imi imatut allappoq:

"Nutsernermi naatsorsuutit A/S Inissiaatileqatigiiffik INI-p 13. december 2003-mi nassiuppai, tassami iluarsaassinermut akiligassaqaqarfigineqartut ilanngussaata naatsorsuutininut ilanngunneqarmata, 2002-milu kiassarnermut naatsorsuutit naatsorsuutininut taakkununga ilanngunneqarput." (Atorfeqaqfimmii nutsigaavoq)

Tamatuma kingornatigut tunngaviuttippara A1-ip aamma A2-p Danmarkimi najugaqarfiat A/S Inissiaatileqatigiiffik INI-p kingusinnerpaamik 13. december 2003-mi ilisimasimagaa.

Aammattaaq A/S Inissiaatileqatigiiffik INI-p nutserneq pillugu nalunaarutaanit 2. april 2003-meersumit erserpoq A1-ip inuttut normua Inissiaatileqatigiiffiup nalunngikkaa, taamalu A1-ip najugaqarfittaava inuit normuinik nalunaarsuiffik aqqutigalugu ajornartorsiutitaqanngitsumik pissarsiarisinnaasimallugu.

Tamanna pillugu oqaatigaara A/S Inissiaatileqatigiiffik INI pisortat sulianik paasisutissartalersuisussaataitaanerinik tunngaveqarnermi pineqartumut ilaatinneqarmat, taamalu suliap illersorneqarsinnaasumik paasisutissartalersorneqarmissaa pisussaaffigalugu. Tamanna tamatumunnga atatillugu isumaqarpoq A/S Inissiaatileqatigiiffik INI-p, najugaqarfimmik attartortup allamut nuuttup attartortitsisumut nalunaarutiginninnissaminik pisussaaffeqarnera apeqqutaatinnagu, attartortup allamut nuuttup najugaqarfigiligassaminik nalunaarutiginnissimannginnera allaannarsinnaanngikkaa. Tamatuma kingornatigut uanga paasinninnera unaavoq pisumi matumani nuuttup najugaqarfia A/S Inissiaatileqatigiiffik INI-p pisariaqarneratut annertutigisumik pissarsiariniartariaqaraa.

Oularnaveeqqutitut siumoortumik akiliutit

Inissianik attartortitsisarneq pillugu Inatsisartut peqqussutaanni nr. 3-mi, 20. juni 1989-imeersumi § 30 aamma tassunga atasumik nalunaarut nr. 38, 21. december 1989-imeersoq A1-ip aamma A2-p K-mi attartornissamik isumaqatigiissuteqarnerisa nalaani qularnaveeqqutitut siumoortumik akiliuteqartarneq pillugu malittarisassaapput atuuttut.

Suliamit erserpoq aningaasat qularnaveeqqutitut siumoortumik akiliutininut kontomiitut A/S Inissiaatileqatigiiffik INI-mut 30. juni 2003-mi nuunneqarsimasut, taamalu

Inissiaatileqatigiiffiup aappariillu akornanni pisassarisaasut naatsorsorneqarneranni ilanngunneqarsimasut, A1-imut aamma A2-mut aningaasanik pisassaqalersitsisumik.

A/S Inissiaatileqatigiiffik INI-p uannut allakkamini 14. juni 2006-imeersuni makku oqaatigai:

"A1-ip allagaasa 17. oktober 2005-imeersut akineqannginneranni ...-banki oqarasuaatikkut aperaarput pineqartoq aningaaserivimmi qularnaveeqqutitut siumoortumik akiliutinut kontoqarnersoq, aningaaserivillu taamanikkut akivoq taamaattumik peqanngitsoq.

Aningaaserivik e-mailikkut massakkut apereqqipparput, siusinnerusukkutullu akineqarluta, aningaaseriviulli ukiumoortumik takussutissiaata assilinera nassiukkatsigu uppernarsivarput qularnaveeqqutitut siumoortumik akiliutit 2.501,68 kr.-t A/S Inissiaatileqatigiiffik INI-mut 30-06-2003-mi nuunneqarsimasut. Taamatut paasitinneqanngikkallaratta naatsorsuutigisimavarput 30-06-2003-mi naatsorsuutinut ilanngussineq tassaasoq A1-ip akiliutaanik ikisineq, tassa-ni inuttut normua oqaasertaliussatut atorneqarsimammat." (Atorfeqarfimmi nutsigaavoq)

Tamanna tusaatissatut tiguara, oqaatigaluguli manna naammaginanngissorinar-toq, tassalu A1-ip aamma A2-p qularnaveeqqutitut siumoortumik akiliutigisimasaat pillu-git paasissutissanik eqqortunik A/S Inissiaatileqatigiiffik INI-p peqarsimannginnera imaluunniit paasissutissanik eqqortunik suliap ingerlanerani siusinnerusukkut pissar-siniarsinnaasimannginera.

2002-mi kiassarnermut naatsorsuutit

Inissianik attartortitsisarneq pillugu Inatsisartut peqqussutaanni nr. 5-imi 31. maj 2001-imeersumi § 23 imaattunik oqaasertaqarpoq:

"§ 23. Kingusinnerpaamik ulloq 15. juni saniatigut akiliuteqarnissamik imaluunniit utertit-silluni akiliuteqartoqarnissaanik allakkatigut nalunaarut attartortumut nassiunneqareersi-massaaq. Nalunaarut imaqartinneqassaaq attartortup imm. 3 malillugu akeryliliinissamat pisinnaatitaaffiinik paasissutissanik.

Imm. 2. Imm. 1 malillugu allakkatigut nalunaaruteqarneq kingusinnerpaamik ulloq 15. juni nassiunneqarsimanngippat attartortumut saniatigut akiliuteqartitsinissaq piumasaqaatigi-neqarsinnaanngilaq.

Imm. 3. Attartortup naatsorsuutinut akeryliliissutaa attartortitsisumut allakkatigut saqqum-miunneqassaaq attartortumillu kingusinnerpaamik 1. august nassiunneqarsimassalluni. Akerliliissutit imarissavai naatsorsuutit sutigut akuersissutigineqarsinnaannginnerannik paasissutissat."

2002-mi kiassarnermut naatsorsuutit tunngavigalugit akiliuteqartoqaqqinnissaanik imaluunniit utertitsilluni tunniussisoqarnissaanik allakkatigut nalunaarutit A1-imut

aamma A2-mut 15. juni 2003 nallertinnagu nassiunneqarsimasussaapput, tak. inissianik attartorneq pillugu peqqussummi § 23, imm. 1 taamanikkut atuuttoq.

Aningaasat taakku naatsorsuinermi ilanngunneqarsimasut allakkani 13. december 2003-meersuni oqaatigineqarpoq, allakkallu 12. oktober 2004-meersut allakkatigut nalunaarutitut 15. juni 2003 nallertinnagu nassiunneqarsimasussaagaluartutut isikkoqarput.

A/S Inissiaatileqatigiiffik INI-p uannut allakkamini 14. juni 2006-imeersuni oqaatigaa:

"Nuuksuinnermi naatsorsuutit A/S Inissiaatileqatigiiffik INI-p 13. december 2003-mi nassiup-pai, tassami iluarsaassinnermut akiligassaqartut ilanngussaata naatsorsuutitut ilanngunneqarmata, 2002-milu kiassarnermut naatsorsuutit naatsorsuutitut taakkununga ilanngunneqarput."

Taamaalillunga tunngaviutippara 2002-mi kiassarnermut akiliuteqartoqaqqinnissaanik nalunaarummik 15. juni 2003 sioqqullugu nassiussisoqarsimanngitsoq.

Taamaattumik uanga paasinninnera unaavoq A1-ip aamma A2-p 2002-mi kiassarnermut akiliuteqartoqaqqinnissaat piimasaqaatigineqarsinnaanngitsoq, tak. inissianik attartorneq pillugu peqqussummi taamani atuuttumi § 23, imm. 2.

2003-mi kiassarnermut naatsorsuutit

Suliami takuneqarsinnaavoq 2003-mi kiassarnermut akiliuteqartoqaqqinnissaanik A1-imut aamma A2-mut allakkatigut nalunaarut pissusissaatut suliarineqarsimasoq. Allakkat taakku 26. april 2004-mi ullulerneqarsimapput, taamalu taamanili nassiunneqarsimasuugunik inissianik attartorneq pillugu peqqussummi taamani atuuttumi § 23 malillugu piffissaagallartillugu apuussimassagaluarlutik.

Najugaqarfillu ilisimaneqanngitsut oqaatigineqarsimavoq. A1-ip oqaatigaa akiliuteqartoqaqqinnissaanik nalunaarummik A/S Inissiaatileqatigiiffik INI-p allagai 19. september 2005-imeersut sioqqullugit tigusaqarsimanani, allakkallu ilumut nassiunneqarsimanerannik ilimanarsisitsisunik suliami takussutissaqanngilaq.

Qulaani oqaatigineqartut tunngaviutippara A1-ip aamma A2-p Danmarkimi najugaqarfiat A/S Inissiaatileqatigiiffik INI-p taamani ilisimasimagaa. Taamaattumik akiliuteqartoqaqqinnissaanik allakkatigut nalunaaruteqarnissamut piffissaliussap atorunnaarsinneqarsimasutut isiginissaanut tunngavissaqanngilaq.

Suliap uannut paasissutissiissutigineqarnera tunngavigalugu manna tunngaviutittariaqarpara, tassalu A/S Inissiaatileqatigiiffik INI kiassarnermut 2003-mi akiliuteqartoqaqqinnissaanik nalunaarummik 15. juni 2004 sioqqullugu nassiussisimanngitsoq.

Taamaattumik uanga paasinninnera unaavoq A1-ip aamma A2-p 2003-mi kiassarnermut akiliuteqartoqaqqinnissaat piimasaqaatigineqarsinnaanngitsoq, tak. inissianik attartorneq pillugu peqqussummi taamani atuuttumi § 23, imm. 2.

Sanasut suliaannut akiliutit

A/S Inissiaatileqatigiiffik INI-p A1-imut allagai 21. november 2005-imeersut pillugit oqaaseqaatinik arlalinnik aallarniutit saqummiussinissannut tunngavissaqarpunga.

A/S Inissiaatileqatigiiffik INI-p A1-imut aamma A2-mut allakkamini 21. november 2005-imeersuni makku oqaatigai:

"Iserternermut atatillugu misissuinermi nalunaarusiaq, iserterninni ilinnut tunniunneqarsimavoq, nutsernermilu akiliinermi aamma atorneqarneq ajorluni, nutsernermulli atatillugu misissuinermi nalunaarusiaq atorneqartarluni, taanna kingullermi ilanngullugu nassiupparput."

Tamanna pillugu oqaatigaara iserternermi nalunaarusiaq nutserneq pillugu saqitsaassuteqarnermi pingaaruteqarsinnaasoq. Nalunaarusiami taamaattumi iserternerup nalaani amigaataasut oqaatigineqarsimappata nalunaarusiaq taanna inissiamik qimatsinermi amigaatit suut attartortumut akisussaaffigitinneqarnissaannik aalajangiinermi pingaaruteqarsinnaavoq.

Taamaattorli iserternermi nalunaarusiaq, taamaattoq ilumut piusimappat, suliami matumani pingaaruteqarsinnaanersoq paasisutissat pigineqartut tunngavigalugit naliliinissannut periarfissaqanngilanga.

Suliaq inissiap qimanneqarnerani misissuinissamut aggeqqusinermi pissutsinik aamma A/S Inissiaatileqatigiiffik INI-p tamatuma kingornatigut attartukkami amigaatit attartukkamillu paarsinerlunneq pillugu piumasaqaatinik saqummiussinermik matuma kingornatigut tunngaveqarpoq.

a) Inissiap qimanneqarnerani misissuineq:

Suliap ingerlasimaneraniq allaaserinninnermit ersertutut inissiap qimanneqarnerani ullumut misissuiffissamut siunnersuutigeqqaarneqartumut aggeqqusinermi pisut A/S Inissiaatileqatigiiffik INI-p kiisalu A1-ip aamma A2-p akornanni isumaqatigiinnngissutigineqarput.

Qulaani taaneqartut apeqqutaatinnagit oqaatigaara attartortitsisoq inissianik attartorneq pillugu Inatsisartut peqqussutaanni taamanikkut atuuttumi § 59, imm. 1 tunngavigalugu pisussaaffeqarsimammat attartortoq allakkatigut qinnuigissallugu attartukkap misissorneqarnerani peqataaqqullugu. Taamaaliortoqartussaavoq attartortup misissuineq pillugu nalunaarusiormissaa siunertaralugu, tassarilu oqaatigineqassallutik amigaatit paarsinerlunnerlu attartortup isumaa malillugu attartortup akisussaaffigisai. Attartortup taaneqartut isumaqatigiinnngippagit tamanna nalunaarusiami allanneqassaaq, attartortup qanoq isumaqarnera oqaatigalugu.

Suliap uannut paasisutissiissutigineqarnerani imaappoq Inissiaatileqatigiiffiup A1-imik aamma A2-mik allakkatigut 2. april 2003-meersutigut 30. maj 2003-mi misissuinissamut pilersaarutaaqqaartumut peqataaqqullugit aggeqqusisimamera assortorneqanngitsoq. Inissiaatileqatigiiffiup A1 aamma A2 tamatumunnga peqatigitillugu qin-

nuiyai misissuinissamut piffissaliunneqartutut siunnersuutigineqartup tiguneqarnera uppernarsaqqullugu.

Inissiaatileqatigiiffiup oqaatigaa tamatumunnga akissummik tigusaqartoqarsimanngitsoq, attartukkamillu misissuinissaq Inissiaatileqatigiiffiup tamatuma kingornatigut 3. juli 2003-mut kinguartissimagaa. Ullup misissuineramik ingerlatsiviusussap allannortinneqarnera A1-imut aamma A2-mut ilisimatitsissutigineqarsimanngilaq.

Inissiaatileqatigiiffiup aggeqqusinermut atatillugu ullup aalajangersagaaqqaartutut siunnersuutigineqarnerata tiguneqarneranik A1-ip aamma A2-p uppernarsaqqusisimanerata, taamaaliortoqarsimannginneratalu Inissiaatileqatigiiffik attartortitsisutut attartukkap inissianik attartorneq pillugu peqqussut tunngavigalugu misissornerani peqataaqqullugu allakkatigut qinnuiginissaanut pisussaaffitiannngilaa, misissuineq piffissami taaneqaaqqaartumit allaanerusumi pissappat.

Uanga paasinninnera unaavoq tamatuma manna nassatarigaa, tassalu piffissaq misissuiffissatut aalajangersarneqartoq attartortitsisumit illuinnaasiortumik allannortinneqarpat attartortitsisup attartortoq misissuinissamut aggeqqoqqissagaa, taamaalil-luni attartortoq tassani peqataanissaminut periarfissaqarsinnaaqqullugu.

Tamatuma kingornatigut tunngaviutinneqartariaqarpoq A1 aamma A2 taamaalillutik inissiap 3. juli 2003-mi misissorneqarnissaanut peqataanissaminut inatsisikkut pisussaaffiusutut aggeqqusissummik Inissiaatileqatigiiffimmit nassinneqarsimanngitsut.

Inissiaatileqatigiiffiup inissianik attartorneq pillugu peqqussummi taamani atuuttumi § 59, imm. 1 isiginiarsimaneraa tamanna tunngavigalugu qularnarpoq.

b) Naatsorsuutininik nassiussineq:

Inissianik attartortitsisarneq pillugu Inatsisartut peqqussutaanni nr. 5-imi, 31. maj 2001-imeersumi § 59 imaattunik oqaasertaqarpoq:

"§ 59. Attartortitsineq atorunnaarsinneqartussanngorsimappat imaluunniit inissiaq allamik pissuteqartumik qimanneqartussanngorsimappat attartortitsisup attartortullu piffissaq qimatsivissaq inissiamillu misissuisoqarnissaa allakkatigut isumaqatigiissutigissavaat. Attartortoq pisariaqassappat immikkut ilisimasalimmik ilaqlarluni misissuinermut peqataasinnaatitaavoq. Attartortitsisup sivikinnerpaamik ullunik arfineq marlunnik siumut ilimasaaruteqarluni attartortoq misissuinermut peqataaqqullugu qinnuigisinnaavaa.

Imm. 2. Misissuinermit attartortitsisoq misissuisimanermit nalunaarusiussaaq, tassani allasimassapput amigaataasinnaasut paarinerlutallu attartortitsiup isumaa malillugu attartortup akisussaaffigissasai. Attartortoq taakkununnga isumaqataanngippat tamanna nalunaarusiami allanneqassaaq attartortup isumai taallugit. Nalunaarusiaq illuatungeriinmit misissuinermut atatillugu atsiorneqassaaq. Attartortup taassumaluunniit sinniisaata misissuinermut atatillugu nalunaarusiap assilineqarnera pissarsiarissavaat. Tulliullugu attartortoq pissuteqanngitsumik uninnganertaqanngitsumik suliassat attartortitsisup isumaa malillugu attartortumit akilernerqartussat pillugit allakkatigut akigitissamaakkanik nalunaarfigineqassaaq.

Imm. 3. Attartortup inissiamik qimatsinissani kingusinnerpaamik ullunik arfineq pingasunik sioqqullugu najugaqarfik nalunaarutit nassiunneqartarfissaat nalunaarutigissavaa."

A/S Inissiaatileqatigiiffik INI-p uannut allakkamini 14. juni 2006-imeersuni oqaati-gaa:

"Nutsernermi naatsorsuutit A/S Inissiaatileqatigiiffik INI-p 13. december 2003-mi nassiuppai, tassami iluarsaassinermut akiligassaqaqfigineqartut ilanngussaata naatsorsuutit ilanngunne-qarmata, 2002-milu kiassarnermut naatsorsuutit naatsorsuutit taakkununga ilanngunne-qarput."

§ 59, imm. 2-mi oqaaseqatigiinni kingullerni "akigitissamaakkanik"-mik aamma "su-liassat"-mik oqarnermi siunertarineqarpoq suliassat suliarineqalinnginnerini sulasat attartortitsisup isumaa malillugu attartortunit akilerneqartussat suut suliarineqar-nissaannik attartortoq nalunaarfigineqassasoq.

Amigaatit paarsinerlunnerullu kingunerisaannik iluarsaassassat suut aappariit aki-sussaaffigigaat A/S Inissiaatileqatigiiffik INI-p allakkatigut 13. december 2003-meer-sutigut - aappariit inissiamut aninerisa suliassallu suliarineqareernerisa kingornati-gut qaammatit tallimat sinnerlugit qaangiuttut - A1 aamma A2 nalunaarfigai.

Imm. 2 malinneqanngippat sutigut pineqaatissiisoqarsinnaanera aalajangersakkami oqaatigineqanngilaq. Taamaattorlu aalajangersakkakut siunertarineqarpoq attar-tortoq akiligassiisutaasinnaasunut akeryliliissuteqarnissaminut periarfissaqartinne-qassasoq. Aammattaaq tassani ilimarnarpoq aalajangersagaq inatsiseqartitsinikkut sunniuteqanngitsaq, taamaattumillu pisariaqanngitsutut isikkoqarluni.

Kisianni "pissuteqanngitsumik uninnganeqartanngitsumik" nalunaaruteqarnissamik pisussaaffeqarnerup malinneqannginnera peqqussutip ilaani allami imatut sunniute-qarpoq, tassalu illua'tungiusaq peqqussut tunngavigalugu nalunaaruteqartussaasoq ilatsiinnarnerminit qilersugaasoq.

Akerliliissuteqarnissamut pisussaaffik taamaattoq pisinnaatitaaffinnik pilertortumik annaasaqarsinnaanermik ilaqartoq unioqquitsinermut atatillugu nalinginnaasumik ator-neqartarpoq.

Inissiap qimanneqarnerani misissuiner-mut aggeqqusineq aamma tamatuma kingorna-tigut naatsorsukkanik nassiussineq pillugit oqaatigineqartut ataatsimut tunngavigalu-git uanga paasinninnera unaavoq A/S Inissiaatileqatigiiffik INI-p iluarsaassinermut aningaasartuutit akilerneqarnissaannik piumasaqaatinik atortussaatsiniarsinnaane-ra qularnartorujussuurtut isigineqartariaqartoq, Inissiaatileqatigiiffik piumasaqaate-qarniar-toq piumasaqaataasullu qanoq amerlassuseqartut A1 aamma A2 inissiamik qi-manneqartumik misissuinerup kingornatigut qaammatit tallimat sinnerlugit sivilisuti-gisumi nalunaarfiginngereerlugit.

A/S Inissiaatileqatigiiffik INI qinnuigaara oqaaseqaatikka Inissiaatileqatigiiffiup qanoq iliuuseqarnissaanut pissutissaqalersitsinersut ilisimateqqullunga."

A/S Inissiaatileqatigiiffik INI allakkatigut 26. februar 2007-imeersutigut imatut akivoq:

"Ombudsmandip nassuiaataanut 8. februar 2007-imeersunut akissutitut INI isumaqarpoq misissuinissamut piffissamik isumaqatigiissuteqaqusilluni INI-p kaammattuutaa attartortup malissimangikkaa. INI-p ullunik arfineq marlunnik piffissaliinermigut attartortoq misissuinermit peqataaqullugu qinnuigisimavaa, attartortorli akissuteqarani. Taamaatumik misissuinermit piffissamik isumaqatigiissuteqartoqannginnera attartortup kukkuneraa. Ajoqusikkanut taarsiissutit pineqartup pisoqalisootarneq pillugu inatsit tunngavigalugu akilissavai, naak naatsorsuutitnik qaamatit arlallit qaangiunneranni aatsaat tigusaqaraluarluni.

Kiassarnermut akiliutaaqqittussat eqqarsaatigalugit pineqartup 15. juni 2003-mi najugaqarfigisaa ilisimaneqarsimangilaq, tassami najugaqarfittaani 30. maj 2003-mi nuunnginnermini paasissutissiissutigisimangimmagu.

INI taamani inuit aqqinik nalunaarsuiffimmut paasissutissanik pissarsiniarsinnaatitaasimangilaq. Malittarisassaq Ombudsmandip eqqaasaa najugaqarfimmik paasissutissiisarnissamik inissianik attartortitsisarneq pillugu peqqussummi erseqqissumik malittarisassamit qanorluunniit pisoqaraluarpat kingulliutinneqartussaavoq.

Taamaakkaluartorli ukiumi kiassaaviusumi 2002-mi akiliuteqartoqaqqinnissaanik piumasaqaatterput tunuartipparput, tassami nutsernermut atatillugu naatsorsuutit akerliliissuteqarnissamut periarfissaq pillugu paasissutissamik imaqanngimmata, taamaattumillu akiliuteqartoqaqqinnissaanik nalunaarutitut atorneqarsinnaanatik. Ukioq kiassaaviusoq 2003 eqqarsaatigalugu aamma taamaaliorpugut, tassami nalunaarummik piffissaliunneqartup iluani nassiussisoqarsimagunanngimmat.

Taamaalilluta isumaqarpugut inissiami ajoqusikkat attartortup akiligassarigai. Nuunnermut atatillugu suliami konto pillugu takussutissiaq ilanngullugu nassiunneqartoq takuuk." (Atorfeqarfimmi nutsigaavoq)

Inissiaatileqatigiiffiup pisortaa 23. marts 2007-imi qinnuigaara ilassutaasumik nassuiaateqaqullugu:

"A/S Inissiaatileqatigiiffik INI-p suliaq qulaani taaneqartoq pillugu oqaaseqaatinnut 8. februar 2007-imeersumut akissutitut allagai 26. februar 2007-imi tiguakka.

Inissiaatileqatigiiffiup siullertut atortussaaitippaa inissiamik qimanneqartumik misissuinissamut piffissatut naatsorsuutigineqartumik Inissiaatileqatigiiffiup attartortumut ilisimatitsinissamut pissaaffeqarnera pillugu isummersuutikka Inissiaatileqatigiiffiup isumaqatiginngikkai.

Inissiaatileqatigiiffiup paasininnera unaavoq ajoqusiinerit misissuisimanermit atatillugu naatsorsorneqartut A1-ip aamma A2-p akiligassarigaat.

Inissiaatileqatigiiffiup aamma atortussaaitippaa attartortup nuunnermi kingornatigut najugaqarfiligikkaminik nutaamik paasissutissiinissaminut pissaaffeqarnera pillugu inissianit attartortitsi-

sarneq pillugu Inatsisartut peqqussutaanni malittarisassaq isummersuutit suliaq pillugu oqaaseqaatinni oqaatigisakka sioqullugit atuuttariaqartoq.

Inissiaatileqatigiiffiup akissutaa pissutsit marluk oqaaseqaatinni taasimasakka pillugit Inissiaatileqatigiiffiup assortuineratut iluseqarluni saqqummerpoq.

Inissiaatileqatigiiffiulli akissutaa inatsiseqartitsinikkut nalilersuinernik sunik Inissiaatileqatigiiffiup akissumminut tunngavilersuuteqarnera pillugu nassuiaammik imaqaanngilaq.

Tamakku aallaavigalugit illit, Inissiaatileqatigiiffiup pisortaa, qinnuigaakkit Inissiaatileqatigiiffiup akissutaa Inissiaatileqatigiiffimmit sukumiisutut isigineqarnerisooq uannut nalunaarutigeeqqullugu."

Inissiaatileqatigiiffiup pisortaa allakkatigut 30. marts 2007-imeersutigut imatut akivoq:

"A1-ip aamma A2-p naammagittaalliuutaat pillugu oqaaseqaateqaqqugamma nalunaarutigisinaavara isumaqartunga oqartussaasup suliamik paasissutissartalersuisussaatitaanerani tunngavik attartortup najugaqarfittaaminik nalunaarutiginnittussaanera pillugu malittarisassamit sakkukinnerusoq. Oqartussaasup suliamik paasissutissartalersuisussaatitaanerani tunngaviup ataatsimut isiginnilluni tunngaviunerani tamanna pissuteqarpoq, taannalu inissianik attartortitsisarneq pillugu peqqussummi immikkut malittarisassamut sanilliulluni tunulliutinneqartariaqarpoq.

Inissiamik qimatsinermi misissuisarneq pillugu malittarisassaq aamma misissorpara. Isumaqarpunga misissuisoqarnissaa pillugu isumaqatigiissuteqartoqartarnissamik malittarisassaq attartortitsisup ullunik arfineq marlunnik piffissaqartitsilluni attartortup misissuinermi peqataasussaanissaa pillugu malittarisassamut ataneqartillugu paasineqartariaqartoq. Uanga paasinninnera malillugu malittarisassanik pissusissamisoornerpaamik paasinninneq unaavoq attartortitsisup attartortoq ullunik arfineq marlunnik piffissalerlugu piffissamik misissuinermut atorneqartussamik siunnersuuteqarfingisagaa. Attartortoq qisuariangippat misissuinissaq pillugu isumaqatigiissuteqartoqarsinnaanngilaq. Misissuisoqarnissaanik isumaqatigiissuteqartoqassappat attartortup akissuteqarnissaa suliap taamaattuunerani piumasaqaataavoq.

Uanga malittarisassanik paasinninnera unaavoq siusinnerusukkat attartortuusimasat akileeqqullugit piumasaqaateqarfingeqarsinnaasut. Taamaattorli siusinnerusukkat attartortuusimasunut akileeqqusissut INI-p malersooqinnianngilaa, tassami Danmarkimi eqqartuussivikkut suliap qanoq inernilerneqarnissaa nalorninarpallaaqimmat, malittarisassammi Danmarkimi allaammata.

Isumaqarpunga malittarisassat erseqqissarneqarnissaat pisariaqartoq, taamaaliornikkut attartortut nuunnermini sunik pisinnaatitaaffeqarnerat nalornissutigineqarsinnaajunnaarsillugu. Naalakkersuisut tamanna pillugu attaveqarfingiarpakka.

Qulaani taaneqartut allakkannut naammattumik akissutaasut neriuppunga." (Atorfeqarfimmi nutsigaavoq)

Suliaq allakkatigut 8. maj 2007-imeersutigut inaarlugu suliaara, imatut allal-lunga:

"Naammagittaalliuut qulaani taaneqartoq pillugu allakkatit 30. marts 2007-imeersut tiguakka, su-liarlu matumuuna uterfigalugu.

Oqaatigisatit imatut paasivakka A1-ip aamma A2-p attartukkaminnit ...-mit, K-miittumit nuunne-rannut atatillugu siusinnerusukut piumasaqaataasimasut A/S Inissiaatileqatigiiffik INI-p piuma-saqaatigiunnaarsimagai.

Uanga paasinninnera unaavoq Inissiaatileqatigiiffiup taamaaliornermigut isummat oqaaseqaatin-ni 8. februar 2007-imeersumi saqqummiussakka malissimagai, taamaattumillu suliamut atatillugu annertunerusumik iliuuseqaqqissanngilanga."

Namineerluni misissuiffiginninnerit

5.11 Allat

5.11.1. Napparsimasup nakorsaatinik nakorsamit tunniunneqartunik tuni-niaasimanerarneqarluni nakorsamit pasillerneqarnini pillugu naammagit-taalliuutaanik Peqqissutsimut Pisortaqarfiup (Peqqissaaveqarfinnik A-qutsiviup) suliarinninnera

Nakorsaatinik nakorsamit tunniunneqartunik tuniniaasimasutut pasilliuteqar-nernik innuttaasup naammagittaalliuutaata suliarinissaa Ombudsmandi pillugu inatsimmi § 6, imm. 3-imi tunngavik aallaavigalugu Ombudsmandip 2006-imi itigartitsissutigaa, tassami naammagittaalliuut taanna Peqqissutsimut Pisorta-qarfimmu ingerlatinneqartussaammat (j.nr. 11.01.52.23/043-06, 2006-imi ukiumoortumik nalunaarummi ilaavoq, quppernerit 35 tullialu).

Peqqissutsimut Pisortaqarfiup, matumani Peqqissaaveqarfinnik Aqutsivik ilan-ngullugu eqqarsaatigalugu, akissutaa tigoreerlugu Ombudsmandi 2006-imi aalajangerpoq Peqqissutsimut Pisortaqarfiup aamma Peqqissaaveqarfinnik Aqutsiviup naammagittaalliummik tunniunneqartumik suliarinninnerat aa-lajangiiviginninnerallu namineerluni misissuiffigilerniarlugit (2006-imi ukiu-moortumik nalunaarummi quppernerit 38 tulliiu). Suliaq inaarlugu suliarine-qareerpoq.

Ombudsmandi suliami illua'tungiusutut isumaanik tusarniaasimannginermik isornartorsiuinissamat pissutissaqarnani isumaqarpoq, Peqqissaaveqarfinnilli Aqutsiviup aalajangiinerata eqqortuunnginera amigaateqarneralu, taamatut-taarlu Peqqissaaveqarfinnik Aqutsiviup kukkunerinik Peqqissutsimut Pisorta-qarfiup oqartussaasutut qulliunerusutut naqqiisimannginnera ajuusaarnartoru-

jussuartut isigalugit. Suliaq kukkunerusimasunik naqqiilluni nutaamik aalajangiisoqarnissaa siunertaralugu Peqqissutsimut Pisortaqarfiup suliareqqilissagaa Ombudsmandip inassuteqaatigaa, pisortaqarfillu qinnuigalugu Ombudsmandip suliaq pillugu oqaaseqaataa pillugu oqaaseqaatissaqaruni oqaaseqaatini saqqummiuteqqullugit (j.nr. 11.73.55.12/088-06).

Peqqissutsimut Pisortaqarfimmu 19. oktober 2006-imi imatut allappunga:

"A-p ...-mi napparsimmaviup nakorsaatinik nakorsap imminut tunniussaani tuniniaasimasutut pasillenera uannut 8. maj 2006-imi naammagittaalliuutigaa.

Naammagittaalliuutip suliarinissaa Ombudsmandi pillugu inatsimmi § 6, imm. 3-p tunngavigisaa, tassalu pissutsit aqutsinermi allaffissornikkut suliarineqarneri inaarlugit suliarineqarsimanngitsut uanga suliarisinnaanngikkikka, tunngavigalugu itigartitsissutigaa naammagittaalliuullu tamatumunnga atatillugu pisortaqarfimmu oqartussaasutut qulliunerusumut suliarisassanngortillugu ingerlateqqillugu nassiuppara. Suliap qanoq inermilerneqarneranik ilisimatinneqarnissara qinnutigaa.

Peqqissaaveqarfinnik Aqutsiviup A-mut akissutaata 28. juni 2006-imeersup assilineru 29. juni 2006-imi tiguara.

A-p nakorsaatinik tuniniaasarsimaneranik nalunaarutiginninnerup tiguneqartup ilumuussuseqarneru Peqqissaaveqarfinnik Aqutsiviup misissorsimaneraa Peqqissaaveqarfinnik Aqutsiviup akissutaani takuneqarsinnaanngilaq.

Aammattaq nalunaarutiginninnerup eqqortuussusia peqqinnissaqarfiup tunngaviutissimaneraa akissumi erseqqissumik takuneqarsinnaanngilaq.

Nakorsaatit pillugit Inatsisartut peqqussutaanni nr. 1-imi, 12. maj 2005-imeersumi imaattunik ilaatigut aalajangersagaqarpoq:

"§ 16. Nakorsaatinik innersuussutigineqartussaasunik tunniussisinnaatitaapput taamaallaat inuit akuersissutaateqarfimmik iluani peqqinnissamik suliaqartut uumasullu nakorsaat.

Imm. 2. Nakorsaatit innersuussutigineqartussaataasut tunniussisinnaasuunngitsumit napparsimasumut taamaallaat tunniunneqarsinnaatitaapput nakorsaatissanut allagartami imaluunniit nakorsaatit tunniunneqarnissaannut allagartaliussami tamanna eqqortumik aatsaat uppersarneqarsimappat.

(...)

§ 24. § 6, imm. 1, § 7, imm. 2, § 9, imm. 1, § 10, imm. 1-2, § 13, imm. 1, § 14, imm. 1, § 16, imm. 1-2, § 18, imm. 1, § 19, imm. 1-2, § 20 aamma § 21, imm. 1 naapertorlugit aalajangersakkanik unioqquitsinerit pillugit akiliisitsisoqarsinnaavoq. § 7, imm. 3-mi, oqaaseqatigiit aappaa-ta nassatarisaanik peqqusissummik inerteqqummilluunniit naapertuutsitsinnginneq akiliisitsinertaqarsinnaavoq.

(...)"

Taamaallilluni nakorsaatinik nakorsamit tunniunneqartunik tuniniaasimanerarlugu innuttaasumut pasillerneq tassaavoq inatsisunik unioqquטיםisimaneramik pinerluttulerineq pillugu inatsit tunngavigalugu pineqaatissiissutaasinnaasumik pasillerneq.

(...)

Aammattaq pineqartoq tassaavoq innuttaasup pinerluttulerineq pillugu inatsit tunngavigalugu pineqaatissiissutaasinnaasumik iliuuseqarsimaneramik apeqqutip taamaallaat eqqartuussivinnit pinerluttulerineq pillugu inatsit tunngavigalugu aalajangiiffigineqarsinnaanera, innuttaasullu pineqartup inatsimmik unioqquטיםisimasutut unnerluutigineqaruni pineqartup ilumut pisuunerata uppersarneqarnissaata tungaanut pinngitsuusutut isigineqartussaana.

Tamatuma saniatigut pineqartoq tassaavoq pisortani oqartussaasup, pisoq pinerluttulerineq pillugu inatsit tunngavigalugu malersuinissaq siunertarlugu polititnut nalunaarutiginninnissamut pisutissaqalersitsinngippat, pasilliineq taamaattoq oqartussaasup suliamik suliarinninnermini aat-saat inatsisunik unioqquטיםinngitsumik siunertaqaruni ilaatissinnaagaa, taamatuttaarlu sulianik aqutsinermi allaffissornikkut suliarinnittarneq pillugu malittarisassat nalinginnaasut, matumani suliassat suliarineqartarnerat pillugu inatsimmi suliama illua'tungiusup isumaanik tusarniaasarneq pillugu malittarisassat ilanngullugit eqqarsaatigalugit, oqartussaasup paasisutissamik pineqartu-mik suliarinninneranut atatillugu eqqortillugit malinneqassallutik.

Tamanna aallaavigalugu isumaqarpunga Peqqissaaveqarfinnik Aqutsiviup akissutaa inatsiseqar-titsinikkut innarlitsaalineqarnissaq eqqarsaatigalugu tunngaviumik apeqqutinik uanga nammi-neerlunga misissuiffigisariaqakkannik saqqummersitsisoq.

Taamaattumik pisortaarfik qinnuigaara makku pillugit nassuiaateqaqqullugu:

1. A-p nakorsaatinik tuniniaasimaneramik nalunaarutiginninneq pineqartoq peqqinnissaqarfiup sunarpiaq siunertarlugu suliarisimavaa?
2. A nakorsaatit pillugit Inatsisartut peqqussutaanni § 24, imm. 1 tunngavigalugu pineqaatissiis-sutaasinnaasumik inatsisunik unioqquטיםisimanersoq isummerfigineqassasoq peqqinnissaqar-fiup siunertarisimavaa?
3. A-p nakorsaatinik tuniniaasimaneramik nalunaarutiginninneq A-p peqqinnissaqarfimmi nakor-saatitortillugu katsorsarneqarneranut sunniuteqarsimava?
4. A-p nakorsaatinik tuniniaasimaneramik nalunaarutiginninneq peqqinnissaqarfiup A-mik kiffar-tuussineranut sunniuteqarsimava (assersuutigalugu nakorsaatinik napparsimmavimmi iisisaq-qusinikkut imaluunniit nakorsaatit tunniunneqartut ikilisinneqarnerisigut)?
5. A-p nakorsaatinik tuniniaasimaneramik nalunaarutiginninneq peqqinnissaqarfiup erseqqinneru-sumik misissuiffigisimavaa?

6. A nakorsaatinik nakorsamit tunniunneqartunik tuniniaasimasoq peqqinnissaqarfiup tunngaviu-tissimavaa?
7. A-p nakorsaatinik tuniniaasimaneranik nalunaarutiginninneq peqqinnissaqarfiup suliamik suliarinninnerani ilaatinneqarsimappat pisortaqarfik qinnuigaara A nalunaarutiginninneq pillugu suliami illua'tungiusutut isumaanik tusarniaavigineqarsimansoq nassuiaqqullugu.

Pisortaqarfik tamatumunnga peqatigitillugu qinnuigaara peqqinnissaqarfimmi suliaq sulialluunniit A-p nakorsaatinik tuniniaasimaneranik nalunaarutiginninneq pillugu aamma nalunaarutiginninneq A-p nakorsaatitortitsinikkut katsorsarneqarnera aqutsinikkullu allaffissornermi qanoq pineqarsimanera pillugit paasissutissanik imallit misissugassanngortillugit uannut nassiateqqullugit."

Peqqissutsimut Pisortaqarfiup nassuiaataa 21. november 2006-imeersoq 22. november 2006-imi tiguara. Nassuiaammit makku erserput:

- K-mi Napparsimmaviup oqaatigisimagaa A-p sakkortuumik oqaasipiluussisarnera oqaatsillu atorlugit qunusaarisutut pissusilersortarnera napparsimmaviup arlaleriarluni misigisarsimagaa, tamannalu nakorsaatinik pingitsuuisinnaajunnaarsimanermik takutitsisusoq, nakorsaatinillu tuniniaanermik nalunaarutiginninneq A-p nakorsaatitugaasa allannngortinneqarnissaannik aalajangiinnermut sakkortusaataasumik pissutaaginnarsimasoq.
- Nakorsaatinik tuniniaanermik nalunaarutiginninneq peqqinnissaqarfiup erseqqinnerusumik misissuiffigisimannigikkaa, inatsisinillu unioqqutitsisoqarsimansoq aamma isummerfigisimannigikkaa, tassami A-p pissusilersornerminik allannngortitsinera immiini nakorsaatitortitsinermik naliliiffiginneqqittariaqarnermut pissutigissallugu naammammat. Aammattaq politiinut nalunaarutiginnittoqannngilaq, tassami pisumi tassani naliliisoqarmat pinerluttoqarsimasinnaaneranik qulaajaanermik isiginninneq napparsimasup peqqinnissaqarfimmilu sulisut akornanni tatigeqatigiinnerup isiginiarneqartariaqarneranit sakkukinnerusoq, peqqinnissaqarfimmilu sulisut politiinut nalunaarutiginninnissaminnut nalinginnaasumik pisussaaffeqarneq ajormata (matumani Sundhedsministereqarfiup isumaliutissiissutaa pisortaqarfiup innersuussutigaa²⁴).
- Nakorsaq nammineq nakorsaatinik tunniunneqartunik tuniniaanermik nalunaarutiginninneq pillugu A-mut saaffiginnissimasoq, A-li tamatumunnga atatillugu suliami illua'tungiusutut isummaminik tusarniaavigineqarsimanngitsoq.

24 Nakorsat nipangiussisussaatitaanerat paasissutissanillu peqqissutsimut tunngasunik ingerlatitseqqittarneq pillugu isumaliutissiissut nr. 1305/1995

Naammagittaalliuulli pillugu suliaaqqartumi allagaatinit nassiuuneqartumit er-sermat naammagittaalliuut Peqqissaaveqarfinnik Aqutsiviup ... Napparsimma-vianut saqqummiussimagaa, tamatumunngalu peqatigitillugu A napparsimma-viup akissutaa pillugu suliami illua'tungiusutut isummaminik tusarniaavigneqar-simannigmat pisortaqarfimmu 24. maj 2007-imi imatut allappunga:

"(...)

Peqqissaaveqarfinnik Aqutsiviup naammagittaalliummik suliarinninneranut atatillugu A sulia-mi illua'tungiusutut isumaanik tusarniaavigneqarsimanersoq Peqqissaaveqarfinnik Aqutsiviup allagaani siusinnerusukku nassiuuneqartuni 28. juni 2006-imeersuni takuneqarsinnaanngilaq. Taamaattorli takuneqarsinnaavoq A-p naammagittaalliuutaa Peqqissaaveqarfinnik Aqutsiviup K-mi Napparsimmavimmut saqqummiussimagaa, akissutitullu allakkat napparsimmaviup Peqqis-saaveqarfinnik Aqutsivimmut nassiussimagai.

Taamaattumik Peqqissutsimut Pisortaqarfik qinnuigaara A napparsimmaviup akissutaa pillugu suliami illua'tungiusutut isumaanik tusarniaavigneqarsimanersoq paasissutissiissutigeqqullugu kiisalu paasissutissanik allanik Peqqissaaveqarfinnik Aqutsiviup naammagittaalliummik sulia-rinninnerani saqqummertoqarsimappat taakku aamma paasissutissiissutigeqqullugit.

A suliami illua'tungiusutut isumaanik tusarniaavigneqarsimannigppat pisortaqarfik qinnuigine-qarpoq tamatumunnga pissutaasoq pillugu nassuiaateqaqqullugu.

Pisortaqarfik aamma qinnuigaara mappi allagaatit A-mut tunngasut allaqqaarnerinik imalik ta-marmiusoq atukkiuteqqullugu, matumani K-p Napparsimmaviani mappi allagaatinik A-mut tun-ngasunik imalik ilanngullugu eqqarsaatigalugu."

Peqqissaaveqarfinnik Aqutsiviup mappiutaa allagaatinik imalik aatsisartumit ag-giunneqartoq 29. maj 2007-imi tiguara. Tassannga ilaatigut nassuiaat 14. juni 2006-imeersoq Peqqissaaveqarfinnik Aqutsiviup peqqinnissaqarfimmi nakorsat pisortaannit B-mit piumasimasaa imaattoq ersepoq:

"A ukiuni arlalinni qiterminik anniartuarnerminut Tramadolini nakorsaatitortinneqarsimavoq, Paracetamolini tapertalerlugit. 2000-imiilli Tramadolit tunniunneqartartut akuerineqarsinnaasu-mik amerlassusillit kisiisa tunniunneqartarnerat ajornartorsiutaasimavoq, A-lu arlaleriarluni sakkortuumik oqaasipiluussisarsimavoq, oqaatsillu atorlugit qunusaarigajuttarluni. Nuliani nap-parsimmavimmi atorfeqartoq nakorsaatini Siuserusukku arlaleriarluni aallerteriartarsima-vaa. Ilaqutariit aningaasaqarnikkut annertuumik ajornartorsiuteqarnerat oqaatigigajuttarpaa, tas-sami qiterminik anniaateqarnini pissutigalugu aningaasarsiorsinnaannginnami.

Ukiup kingulluip ingerlanerani Tramadolitortinneqarnera annikillisarniarlugu suliniuteqartoqar-simavoq, piffissallu ilaani nammineerluni nakorsaatitorunnaariartaarsimavoq, nakorsaatitorni-nili kingusinnerusukku nangeqqissimallugu, isumaqaramimi nakorsaatit atornagit saperluni. Tramadolitugai ullormut iisartakkat 3-6-iusimapput, tassa 50 mg ullormut, ilaannilu amerlaneru-sunik tunineqarnissani kissaatigisarsimallugu.

2006-imi aprilip qaammataani illoqarfimmi innuttaasumit saaffigineqarpugut, taannalu A-mut pulaarajuttarsimavoq. Innuttaasup taassuma oqaatigaa A ilaatigut iisartakkat sequtseriarlugit ci-garitsimut akuliullugit pujortartarai, iisartagarpaaluit ataatsikkut iisarai, iisartakkallu allanut tuni-niarai takusarsimallugu.

A-p Tramadolitornerata unitsinnissaa sivisuumik kissaatigisimavara, tassami nakorsaatini atui-nerup akuerineqarsinnaasumik annertussuseqartinniarnera ajornakusoortorujussuusimammat. Illoqarfimmi innuttaasumit taamatut saaffigineqarama isumaqarpunga katsorsaanerup allangor-tinnissaanut piffissanngortoq. Taamaattumik A oqaloqatigineqarnissaminut aprilip qaammataata naanerani aggeqquneqarpoq. Oqaloqatigineqarnissaminut takkutinnngimmat tamatumalu kingor-natigut qaammammi ataatsimi sulinnngiffeqartussaagama ajornartorsiut taanna taartigisannit saq-qummiunneqarpoq. A sulinnngiffeqarnerma kingornatigut 02.06.06-imi oqaloqatigaara, tassanilu nalunaarfigalugu Tradolaninik katsorsaaneq peqataaffigisinnaajunnaariga. Sapaatit akunnerisa arfineq pingasut ingerlaneranni Tradolanitornerata appartikkiartuaarneqarnissaa isumaqatigiissu-tigaarput, Tradolanitugaanullu taarsiullugit Dicloninik ullormut 100 mg-inik nakorsaaserlugu, ii-sartakkamik ataatsimik Nexiumimik 20 mg-inik ullormut tapertalerlugu.

A-mut erseqqissarpara Tradolaninik katsorsaanerup unitsinneqarnissaa qangali kissaatigisimagi-ga, nakorsaatini tuniniaasarsimanera sukkulluunniit uppersarsinnaanngikkiga, tamatumin-galu pasitsaassineq katsorsaanerup ingerlanerata ajornakusoornernik ilaqartillugu pissutigalu-git katsorsaaneq massakkut allangortittariaqariga." (Atorfeqarfimmi nutsigaavoq)

A-p aamma Peqqissaaveqarfinnik Aqutsiveqarfiup allaffigeqatigiinneranni alla-gaasimasut imaattut mappimi allagaatinik imalimmi aamma ilaapput:

A-p mailikkut nassiussaa 12. juli 2006-imeersoq:

"Oqarasuaatikkut oqaloqatigeereerluta allakkat uku [nakorsat pisortaannut] B-mut nassiussima-sakka matumuuna nassiuppakka, journali uannut tunngasoq qangatsiarli nassiuteqqusimasara B-mit suli akineqanngimmat." (Atorfeqarfimmi nutsigaavoq)

Peqqissaaveqarfinnik Aqutsivimmi nakorsatut pisortap C-p A-mut allagai 17. juli 2006-imeersut:

"E-mail nassiussat 12. juli 2006-imeersoq peqqinnissaqarfimmi nakorsat pisortaannut B-mut allakkanik ilaqartinneqartoq Peqqissaaveqarfinnik Aqutsiviup tiguaa. Oqaatigaat B-p allakkanut taakkununga akissutaanik tigusaqarsimanak.

Allakkani taakkunani makku piumasaqaatigaatit:

- 1) Nakorsaatini napparsimmavimmit pisartakkannik tuniniaasutit nalunaarutiginnittup aqqa ilin-nut nalunaarutigineqassasoq - politiinut nalunaarutiginiarlugu.
- 2) Nakorsaatit manna tikillugu ilinnut tunniunneqartarsimasut nakorsap tunniuttaleqqissagai.

Piomasagaatit taakku marluk pillugit oqaatigineqassaaq piomasagaativit eqqortinneqarnissaannut inatsisitigut tunngavissaqanngitsoq.

Ilinnut allakkanni 28. juni 2006-imeersuni nalunaarutigisattut napparsimmavimmi nakorsat ilinnut eqqortumik iliuuseqarnissaq toqqarsimavaat, nakorsaait uerinartut atornerluinermillu aallartitsinnaasut ilinnut tunniunneqartarsimanerat isiginiarlugu." (Atorfeqarfimmi nutsigaa-voq)

Allattuiffiup ilaa nakorsaatinik tunniussisarnermut tunngasoq K-p Napparsimmavianit 6. august 2007-imi tiguara. Nakorsaatinik atuineq aamma A-p pissusilersornera pillugit allakkiat arlallit tassani ilaapput, matumani makku ilanngullugit eqqarsaatigalugit:

"30.12.00

(...) Nuliani nakorsaatinik aallertippaa. Tramadolit 50-it, Panodilit 100-t aamma Nizaxit 28-it ullut unnuallu arfineq marluk matuma siornatigut tunniunneqarput. Napparsimasup nakorsaait taakku iisarsimappagit napparsimasoq nakorsaaitornermigut timimini toqunartoqalersimanissaa pasitsaallugu napparsimmavimmut unitsinneqartariaqarpoq.

Iisartakkat Tramadolit taakkua amerlaqataat ullut 14-it matuma siornatigut kiisalu Tramadolit pamolillu ullut 22-t matuma siornatigut tunniunneqarsimapput. Iisartakkat Tramadolit 500-t Pamolilit 500-t aamma Nizaxit 140-t qaammatini kingullerni pingasuni napparsimasumut tunniunneqarsimapput. Taakku analgetikanik tamakkiisumik atuineranut naapertuutikannerput.

Pilersaarut: Anniarnera misissorniarlugu qitialu qasuersertinniarlugu napparsimmavimmut unitsinneqarsinnaavoq. Nakorsaatinik tunniussisoqassanngilaq. Oqarasuaatikkut ilisimatinneqarpoq. Puffassimaartutut nipeqarpoq, oqarasuaallu ilerpallallugu.

(...)

09.01.01

(...) Illua'tungaatigulli Tramadolitortariaqannginnini imaluunniit taama annertutigisunik iisartannginnissani nammineq piareersimaffigaa, tassami tamatumunnga peqatigitillugu aallussisinaanani annikillissittarmagu. Oqaluttuaraa aningaasaqarnikkut ilaqutariillu iluanni ajornartorsiutit pissutigalugit juullip tungaanut qaammammi ataatsimi Tramadolini annertuumik atuinerusimalluni, piviusut qimakkusullugillusoq. (...)

(...)

24.01.03

(...) Napparsimasoq iisartakkanik amerlanerusunik tunniussisoqannginnerani nakorsiarnissamut piffissamik tunineqassaaq.

Nakorsiartarfik ilisimatinneqarsimavoq napparsimasup nulia Tramadollinik Pamolinillu aallertinneqartartoq, taakkulu illoqarfimmi atonerluisumut kingusinnerusukku tunniunneqartarsimasut.

Siunissami tunniussinerni tunniunneqartut ikittuinnaasassapput, nakorsaatillu napparsimasumut namminermt - imaangitsoq nulianut - tunniunneqartassapput.

21.02.03

Napparsimasup nulia ullumikkut saaffiginnippoq nakorsaatinik aallerluni. Qulaani taaneqartut pissutigalugit tunineqanngilaq.

(...)

30.07.03

Qunusaarinerit pissutigalugit nuanniitsumik misigisaq, tassami napparsimasup nakorsaatit utaq-qiumanngimmagit.

Napparsimasumik allamik siuleqarpoq. Taxarluniaasiit - kamalluni anivoq unataanissaq sioorasaarutigalugu.

Nakorsat pisortaat B ilisimatinneqarpoq.

(...)

29.08.03

Oqaloqatigineqarnissaminut aggeqquneqarsimavoq, tassami nakorsaatinik aallertarnermini arlaleriarluni assut qunusaarerpalaartarsimammat.

Oqaloqatigiinnermt tassunga takkutinngitsoorpoq.

[Nakorsat pisortaat] B

(...)

19.11.03

(...) Tramadolimik atuivallaarsimavoq, nammineerlunili nakorsaatitorunnaariartuaarsimalluni, qaammatillu kingullit marlussuit nipaallisaatitorsimanginnerarluni. Tramadollinik aalajangersimasumik atuilernissani kissaatiginngilaa. (...)

Nakorsaatinik aalleraangami ingerlaannaq pissusaanngikkaangami arlaleriarluni kamassartarsimavoq oqaasipiluussisarsimallunilu. Tamanna oqaloqatigiissutigaarput, nassuerutigaaalu kamaja-

suulluni oqaasipiluussisarlungulu, kisianni aamma oqarpoq asuleertarluni, annersaaniarnavianngisaannarlunilu. Nakorsaatinik aalleraangami imminut noqimaartarniarpoq.

[Nakorsat pisortaat] B

(...)

05.03.04

Neriutigisatsinnit annertuneroqisumik Tramadolitorsimavoq. Amerlanertigut ullormut pingasoriartarluni. (...)

Isumaqatigiissutigaarput Tramadolit 50-it qaammammut pisassagai, misilillugulu iisartakkat ullormut ataatsip pingasullu akornanni iisassagai.

22.03.2004 Nakorsaatit allagartaat

Tramadolinik ullormut 50 mg amerlanerpaamik pingasunik kiisalu Pamolinik ullormut amerlanerpaamik 2x4 tunineqarpoq.

Taamatut akuttussuliineq atorneqarsinnaanngilaq - nillernerata nalaani nipaallisaatinik amerlanerusunik napparsimasoq pisariaqartitsivoq. Atuinera ... isumaqatigiissuteqarfigalugu malinnaavigineqassaaq. Qaammatit marlussuit qaangiuppata atuinikillisikkiartuaarneqarsinnaavoq. Napparsimasoq siusinnerusukkut atorneqluisimavoq. (...)

(...)

16.04.2004 Nipaallisaatinut allagartaq

Ajornartorsiutit taakkuusut saaffiginnissutigai. Tramadolit amerlanerpaamik ullormut 1x3-nit amerlanerusunik tunniussisinnaannginnerput paasisinnaanagulu paasiumanngilaa.

(...)

Siusinnerusukkutut naammagittaalliorpoq, isumaqarluinnarlunilu ullut arlallit qaangiuppata nukingiullugu katsorsartariaqartutut takkuttussaalluni.

(...)

07-04-2006 Tradolanit pillugit - nakorsiaqqaarluni

Tunniunneqartarsimasunit takuneqarsinnaavoq Tradolanitorpallaartoq.

Qaammatini marlunni iisartakkat 400-t pisimavai.

31/01/06 : Iisartakkat 100-t

22/02/06: Iisartakkat 100-t

10/03/06: Iisartakkat 100-t

31.01.06-imit iisartakkat tunniunneqarsimasut 7. junip tungaanut naammattussaagaluarpur, tak. allagartaq (iisartakkat ullormut 1x3)

Ullut 33-kkaarlugit tunineqartariaqarpoq.

11.04.2006 Tradolaninik atuineq pillugu oqaloqatigiinneq

11.04.06: Tradolaninik atuineq pillugu oqaloqatigineqarpoq, ulapaarfiup nalaani ullormut arfinilit tikillugit iisarpai, sulisinnaajumalluni.

Piffissat ilaanni nakorsaatitunngilluinnartarpoq.

Nutaamik allagartalerneqarpoq ullut 20-33 allortarlugit marloriarluni tigusissutaasinnaasumik, tamatuma kingornatigut iisartakkat amerlanerpaamik ullormut pingasut isumaqatigiissutigineqarput.

(...)

27-04-2006. Tak. Tradolanit pillugit oqaatigineqartut

Oqarasuaatikku kingusinnerusukkullu ornigulluni saaffiginnippoq, sulisut anaattamik qunusaarpai, uatsinnillu assortorneqarnerarluni, Tradolaniutaarussimavoq, taakkulu 1/5-06-ip tungaanut naammattussaagaluarpur. ... oqaloqatigaara, taassumalu pineqartoq ataasinngorpat aggeqqullugu nalunaarfigaa.

Tradolaninik aatsaat 1/5-06-imi tunineqassaaq, qunusaarigaluarpur ilungersorluniluunniit tuneqqugaluarpur. Tamatumunnga peqatigitillugu nakorsaanermut B-mut oqaloqatigisassanngorlugu isertinneqassaaq.

(...)

08.05.2006 Nakorsiarneq/takusaaneq

Napparsimasoq oqaloqatigineqarnissaminut aggeqquneqarsimavoq, najuuppur pineqartoq, nulua, oqalutsi (...) ataatigullu atsiortoq. Tramadolini ajornartorsiuteqarneq iserfigineqarpoq, toqqaanartumillu oqaatigineqarluni napparsimasoq nakorsaatiminik tuniniaasimasoq nalunaarutigineqarsimasoq. Tamatumunnga kia nalunaaruteqarsimanera OQAATIGINEQANNGILAQ. Napparsimasoq 01-imi iisartakkanik 100-nik tunineqarsimavoq, 22. majimi tunniussisoqaqinnissaa isumaqatigiissutigineqarsimalluni. Tamatuma kingornatigut unitsinneqassappur. Napparsimasoq akuersaarniarlugu katsorsaaniissamut periarfissat allat taaneqarput, soorlu Diclonit Nexiumimik

taperlugit, napparsimasulli tamanna soqutigunangilaa. "Unnerluussut" allaganngorlugu piuvavaa.

Tamanna akuerineqarsinnangilaq, B-li uteqqeriarpat ornissinnaagaa innersuussutigineqarluni.

Napparsimasoq eqqissisimakannerpoq, oqarlunili suliaq Ombudsmandimut tusagassiuutinullu ingerlateqinniarini.

(...)

02.06.2006 Tradolanit pillugit

Nakorsiarnerani A ilisimatippara Tradolaninik tunniussisarneq peqataaffigisinnaajunnaariga. Tradolanit qimanneqarnissaat qangali kissaatigisimavara, tassami aqunniarnerat ajornakusoorsimammatt, taakkulu imaaliallaannaq uerisitsinnaallutik. Nakorsaatiminik tuniniaasarsimanerani massakkut saaffigineqarnerput ataatsimut isigaluni pisutut annikitsuinnaavoq.

Tradolanit sapaatit akunnerisa arfineq pingasut ingerlaneranni 50 mg-nut appartikkiartuaarneqarnissaat isumaqatigiissutigaarput, nakorsaatinik sapaatip akunneranut ataasiarluni aallertassaaq, siullermik iisartakkat 40 aallartissutigalugit, sapaatip akunneranut iisartakkanik tallimanik ikilitsittarlugit. Tunniussineq kingulleq 21/7-imi pissaaq.

(...) (Atorfeqarfimmi nutsigaavoq)

Allakkannut 24. maj 2007-imeersunut Peqqissutsimut Pisortaqarfiup akissutaa 14. august 2007-imeersoq 15. august 2007-imi tiguara. Pisortaqarfiup akissutaa nit makku erserput:

"(...)

Pisortaqarfimmiit ilisimaneqarpoq naammagittaalliortoq tunngaviusumik tusarniarneqaqqaartussaasoq, naammagittaalliut akineqartinnagu. A ... Napparsimmaviata naammagittaalliutit suliarineqarneranut atatillugu allagaanik tusarniarneqarsimangilaq. Pisortaqarfimmit ataani tunngavilersuutit allanneqarput.

Pisortat ingerlatsineranni suliassat suliarineqartarnerat pillugu inatsisartut inatsisaat nr. 8. 13. juuni 1994. § 19. tunngavigalugu suliassami (illua'tungiuulluni) peqataasoq paasissutissanik aalajangersimasunik suliassami pisimasunut eqqortunut tunngasunik oqartussaasut pigisaqarnerannik ilisimasaqarsorinangippat aalajangiisoqassanngilaq peqataasoq taanna paasissutissanik tamakuninnga oqartussaasunit ilisimatinneqartinnagu oqaaseqaateqarnissaanullu periarfissinneqartinnagu. Aalajangigarli taanna aatsaat atortuussaaq paasissutissat peqataasumut tassunga iluaqutaassusaassanngippata suliallu aalajangiiffiginissaanut annertuumik pingaaruteqarpat. Oqartussasut oqaaseqaateqarnissamat taaneqartumut piffissamik killiliisinaapput.

A marlunnik naammagittaalliuuteqarpoq, siullermik naammagittaalliuutigaa Trimadol/Tradolan nakorsaatiminik illoqarfimmi tuniniaasimasutut pasineqarnini. Aappasaanik naammagittaalliuutigaa nakorsap siunissami Trimodal/Tradolaninik allaanerusunik nakorsaaserniarmani.

... Napparsimmaviani nakorsaanerup B-p allagai A-p ilisimanngisaaanik imaqaangillat. B allapoq qanoq A ajornartigisumik nakorsaataanik apparsaatinniarneqarsimagaluartoq imaluunniit nakorsaatip Trimodal/Tradolin atorunnaartinniarneqarsimagaluartoq kiisalu nakorsaatinik illoqarfimmi tuniniaasimanermut pasilliineq aamma sionratigulli pisimasoq, taamaalilluni nakorsaanerup nakorsaatit allannortittariaqarsimallugit.

A-p nakorsaatiminik illoqarfimmi innuttaaqatiminut tuniniaasimaneranik pasilliinerup naammagittaalliornermi suli aalajangiisoqaangilaq. A nakorsiarnerminut atatillugu ilisimatinneqarsimavoq innuttaasumit peqqinnissaqarfik ilisimatinneqarsimasoq nammineq nakorsaatissaminik tuniniaasoq. ...-p naammagittaalliuummot akissutimini A nassuiaassimavaa, peqqinnissaqarfimmit saaffiginnissutit taamaattut tusaanngitsuusaarneqarsinnaanngitsut, taamaattumillu nakorsap A nakorsiarnerani paasitinneqarsimanermunik ilisimatissimallugu.

Pisortaqarfimmiit ulloq 21. novembari 2006 allakkatigut Ombudsmandi nassuiaanneqarpoq peqqinnissaqarfik innuttaasup saaffiginnissutaanut sooq qisuariaqqissimanngitsoq.

Nakorsaatinik Trimodal/Tradolininik allannuiniarnermik aalajangiineq pisortat ingerlatsinnerannut tunngassuteqaangilaq, kisiannili nakorsatut naliliinerup tunngassuteqarluni, taamaalilluni aalajangiineqarluni.

Napparsimasut inatsisitigut inississimanagerat pillugu Inatsisartut peqqussutaat, nr. 6. 31. maj 2001 § 6, tunngavigalugu, kinaluunniit ilisimatinneqaqqaarani akuserseqqaaranilu katsorsarneqarsinnaanngilaq, aammalu peqqussummi tassani § 7, imm. 4 malillugu ilisimatitsineq annertunerusaq, tamatumani nappaatip ilakutaatut kingunerluutigissinnaasaatullu ulorianarsinnaasut ilanngullugit.

Ombudsmandimut nassiuinneqarsimasut A-p journalii tunngavigalugit ...-p Napparsimmavianni nakorsat ukiut arlallit A Trimodal/Tradolininik atuinermini pinngitsuuisinnaajunnaarnissamut navianartorsionneranik ilisimatinneqartarsimavoq. Nakorsat nakorsaatinik allanik pinngitsuuisinnaajunnaarnermut uloriananngitsunik nakorsaatit taarserniartarsimagaluarpaat, kisiannili journalii malillugit A Trimodal/Tradolininik atorerluinerminut aninguisikkuminaassimalluni.

Napparsimasullu namminneq aalajangigassarinnigilaat nakorsaatit suut atussanerlugit. Nakorsap isumagissasaraa nakorsaatit tunniunneqartut sapinngisamik pitsaanerpaajusut minnerpaamik nappaatip ilakutaatut kingunerlutitsisinnaasunik. Tassani tamatigut nakorsatut naliliineq suut iluaqutaasut suullu ajoqutaasut nalilersorluarneqassallutik.

B-p oqaaseqaataata, nakorsaatissanik tuniniaasimanermut pasilliinerup, napparsimmavimmi nakorsat aalajangiitippai, nakorsaatit allannortariaqarnerinik, imatullu paasineqarsinnaalluni, tunngavissaalluarluni Trimodal/Tradolininik atuinermik, allanik atuilersitsisutit. Kisiannili nakorsat sivirusumik kissaatigisimavaat aalajangiineq tamanna iluarsiniarlugu, tassalu nakorsaatinik tuniniaanerup ilisimatitsineq aalajangiisitsineruinnarluni.

... allakkamini ilisimatitsissutissanik nutaanik sagqummiussaqaangilaq, aammalu A tamatigut ilisimatinneqartarsimavoq sooq nakorsat nakorsaatinik allannguiniarnerinik, taamaattumillu Peqqissaaveqarfinnik Aqutsivimmit A tusarniaaffigineqaaqqaarsimangilaq napparsimmaviup aalajangiinera suliarilersinnagu."

Tamatuma kingornatigut imaattunik oqaaseqaateqarpunga:

"Misissuinerma killissalersorneqarnera

Peqqissutsimut Pisortaqarfiup allakkamini 21. november 2006-imeersuni paasissutissiissutitut oqaatigaa nakorsaatinik tunniunneqartunik allanut tuniniaasimanermik pasilliutit peqqinnissaqarfiup erseqqinnerusumik misissuiffigisimangikkai. Aammattaaq tuniniaasimaneraanikkut inatsisinik unioqqutitsisoqarsimanersoq isummerfigineqarsimangilaq, kiisalu politiinut aamma nalunaarutiginnittoqarsimanani. Pisortaqarfiup peqqinnissaqarfimmi sulisut nipangiussisussaataanerisa aamma pinerluttuliornert qulaajarneqarnissaannik isiginninneq eqqarsaatigalugit Sundhedsministereqarfiup isumaliutissiissutaa nr. 1305/1995 innersuussutigaa.

Aammattaaq oqaatigineqarpoq pasilliutit taakku nakorsaatinik tunniussisarnerup allanngortinneqarneranut aalajangiisuusumik pingaaruteqarsimangitsut, tassami A-p pissusilersornerminik allanngortitsinera immiini nakorsaatinik tunniussisarnerup naliliiffigeqqinnissaanut pissutigissallugu naammassimammat.

Paasissutissat taakku tusaatissatut tiguakka, taakkununnгалu atatillugu annertunerusumik iliuuseqaqqissananga.

Nakorsaatinik tunniunneqartartunik allanngortitsineq eqqarsaatigalugu taanna nakorsat suliamut attuumassuteqartumik naliliinerannik tunngaveqarpoq, tamannalu misissorsinnaanngilara.

Taamaattumik allanngortitsinermut tunngaviusut pillugit paasissutissat taakku taamatuttaaq tusaatissatut tiguakka, apeqquummullu tassunga atatillugu annertunerusumik aamma iliuuseqaqqissananga.

Misissuinerma tamatuma kingornatigut A-p naammagittaalliuutaanut atatillugu ingerlatsineq pillugu inatsiseqartitsinermi malittarisassanik peqqinnissaqarfiup ilumut mallinnissimaneranik apeqqummut sammitinneqarpoq, matumani pisortat ingerlatsineranni suliaassat suliarineqartarnerat pillugu Inatsisartut inatsisaanni nr. 8-mi, 13. juni 1994-imeersumi § 19 kiisalu napparsimasut inatsisitigut inissisimanerat pillugu Inatsisartut peqqussutaanni nr. 6-imi, 31. maj 2001-imeersumi § 20 ilanngullugit eqqarsaatigalugit.

Tamanna pillugu oqaatigaara ingerlatsinermi oqartussaasup naammagittaalliummik isummerfiginninnera, matumani ingerlatsinermik suliaqarnivimmik naammagittaalliuut ilanngullugu eqqarsaatigalugu, tassaasoq ingerlatsineq pillugu inatsiseqartitsineq tunngavigalugu aalajangiineq, naammagittaallioortup suliami illua'tungiusutut isumaanik tusarniaanissamut pisussaaffeqarneranik nassataqartoq, pisunili aalaja-

ngersimasuni atuutsinneqanngitsoorsinnaasoq, tak. suliassat suliarineqartarnerat pillugu inatsimmi § 19.

A-p ... Napparsimmavianut allakkamini 4. juni 2006-imeersuni nakorsaatiniq tunniunneqartunik allanut tuniniaasarnermik pasilluutit aamma nakorsaatiniq tunniunneqartarunik allannqortitsineq naammagittaalliuutigai. A-p naammagittaalliummini nakorsaatiniq tuniniaasarnermik "nalunaarutiginnilluni" napparsimmavimmut saaffiginnisimasup aqqa nalunaarutigeqqullugu aamma qinnutigaa.

Napparsimmaviup eqqunngitsumik pissusilersorsimanera Peqqissaaveqarfinnik Aqutsiviup allakkani 28. juni 2006-imeersuni ilumuunnginnerarppaa. ... Napparsimmaviata akissutaani paasissutissat kisiisa Peqqissaaveqarfinnik Aqutsiviup innersuussutigisimavai, matumani tak. peqqinnissaqarfimmi nakorsaanerup B-p nassuiaataa 14. juni 2006-imeersoq, qulaani issuarneqartoq.

Nassuiaat taanna A-mut suliame illua'tungiusumut taassuma isumaanik tusarniaatigineqarsimanngilaq.

A 8. maj 2006-imi nakorsiarnermini "nalunaarutiginnittup" aqqanik paasitinneqanngilaq. Piffissalli taamaalinerani atermik paasitinneqarnissaminik A piumasaqarsimanersoq aamma takuneqarsinnaanngilaq.

Atermilli paasitinneqarnissani A-p mailikut 12. juli 2006-imeersukkut qinnutigaa, tamannali Peqqissaaveqarfinnik Aqutsiviup allakkani 17. juli 2006-imeersuni itigartitsissutigaa, taamatuttaarlu manna tikillugu nakorsaasiunneqartut atorlugit katsorsaanerup nangeqqinneqarnissaa itigartitsissutigineqarluni. Peqqissaaveqarfinnik Aqutsiviup allagai tunngavilersuummik imaluunniit inatsisini malittarisassanut aalajangiinermi tunngavigineqartunut innersuussummik imaqanngillat.

1. Suliame illua'tungiusup isumaanik tusarniaaneq

Suliassat suliarineqartarnerat pillugu inatsimmi § 19-ikkut aalajangersarneqarpoq oqartussaasup, aalajangiisoqartinnagu, suliame illua'tungiusoq suliame pissusiviusut pillugit paasissutissanik suliame illua'tungiusumit ilisimaneqarnissaat ilimagineqanngitsunik ilisimatissagaa, suliamilu illua'tungiusoq taakku pillugit oqaaseqaateqarnissaminut periarfissalerneqassasoq. Taamaattorli tamanna aatsaat atuutissaaq paasissutissat taakku pineqartumut ajoqutaassappata suliallu aalajangiivigineqarneranut annertuumik pingaaruteqarpata.

Paasissutissat B-p nassuiaataanit ersertut makkununnga tunngasuupput:

1. nakorsaatit tunniunneqartartut allannqortinneqarnerannut tunngaviusut

2. nakorsaatiniq tunniunneqartunik tuniniaasarnermik pasilluutit

Nakorsaatiniq tunniunneqartartunik allannqortitsineq eqqarsaatigalugu manna tunngaviutippara, tassalu A nakorsap naliliineranik ilisimasaqanngissimasinnaanngitsoq. Matumani pingaartillugu isiginiarpara napparsimmaviup allattuiffiani allakkia-

mit 9. januar 2001-imeersumit ersertoq A-p nammineq oqaatigisimagaa siusinneru-sukkut atuivallaarsimalluni, A-llu Tramadoliniq aalajangersimasumik atuinninnissa-ni kissaatigalugu oqaatigisimagaa, tak. allakkiaq 19. november 2003-meersoq. Aam-mattaaq allakkiamit erserpoq Tramadoliniq tunniussisarneq arlaleriarluni killilersor-neqartarsimasoq, atuinikilliaruaartitsinissaq siunertaralugu, soorlu tak. allatuiffim-mi allak-kiat 5. marts 2004-meersoq, 7. april 2006-imeersoq, 11. april 2006-imeersoq kiisalu 2. juni 2006-imeersoq.

Nakorsaatiniq tunniunneqartunik allanut tuniniaasimanermik pasilliutit eqqarsaatiga-lugit A 8. maj 2006-imi nakorsiarnermini tamatuminna ilisimatinneqarsimavoq. Taa-maalilluni paasissutissaq taanna aamma nutaarsiassaangilaq.

Aammattaaq B-mut 2. juni 2006-imi nakorsiarnermini A ilisimatinneqarpoq pasilliutit nakorsaatiniq tunniunneqartartunik allannortitsilersaarnermut atatillugu "ataatsi-mut isigaluni pisutut annikitsuinnaasut".

Taamaalilluni pineqartoq tassaavoq A B-p nassuiaataanik 14. juni 2006-imeersumik ilisimasaqanngivissimanavianngitsoq, taamatuttaarlu paasissutissat taakku naamma-gittaalliuutit suliarineqarnerani ilaanissaat A-p ilisimanngivissimaniaviarnagu.

Aammattaaq suliami paasissutissanit erserpoq nakorsaatiniq tuniniaasarsimanermik pasilliutit attassisinnaaneraniq apeqqut pisortaqarfimmi Peqqissaaveqarfinnik Aqut-siviup naammagittaalliuut pillugu suliamik suliarinninnerani immikkut pingaarutilit-tut isigineqarsimanngitsoq.

Tamatuma kingornatigut isumaqarpunga Peqqissaaveqarfinnik Aqutsivik nassuiaat pillugu A-mut taassuma suliami illua'tungiusutut isumaanik tusarniaasimanngin-nermigut kukkussuteqarsimanngitsoq, tamannalu tunngavigalugu isumaqarlunga suliami illua'tungiusup isumaanik tusarniaasimannginnermik isornartorsiuinissannut tun-gavissaqarnanga.

2. Peqqissaaveqarfinnik Aqutsiviup aalajangiinera 17. juli 2006-imeersoq

A-p nakorsaatiminik allanut tuniniaasarnernaniq nalunaarutiginnittup aqqata A-mut paasissutissiissutigineqarnissaa Peqqissaaveqarfinnik Aqutsiviup aalajangiinerni 17. juli 2006-imeersumi itigartitsissutigaa. Tamatumunna peqatigitillugu nakorsaatit manna tikillugu tunniunneqartarsimasut atorlugit katsorsaaqilernissaq itigartitsissu-tigineqarpoq.

Itigartitsineq tunngavilersuummik imaqqangilaq. Peqqissaaveqarfinnik Aqutsiviup oqaatigiinnarpar A-p piumasagaataasa eqqortinneqarnissaannut inatsisitigut tun-gavissaqanngitsoq.

Itigartitsineq inatsimmi malittarisassanut attuumassuteqartunut innersuussinermik aamma imaqqangilaq, taamatuttaarlu naammagittaalliornissamut periarfissamik ilit-sersuisoqarsimanani.

2. a. Tunngavilersuineq naammagittaalliornissamullu periarfissamik ilitsersuineq

Suliassat suliarineqartarnerat pillugu inatsimmi § 22-kkut aalajangersarneqarpoq allakkatigut aalajangiineq tunngavilersuummik ilaqartinneqassasoq, suliame illua'tungiusoq tamakkiisumik akuersaarneqanngippat.

Inatsimmi tassani § 24-kkut aalajangersarneqarpoq tunngavilersuut inatsimmi malittarisassanut aalajangiinermi tunngavigineqartunut innersuussummik imaqassasoq, aalajangiinerlu naliliinermik tunngaveqarpat naliliinermi pingaartillugit isiginiarneqarsimasut oqaatigineqassasut.

Suliassat suliarineqartarnerat pillugu inatsimmi § 25-kkut aalajangersarneqarpoq allakkatigut aalajangiineq ingerlatsivimmi oqartussaasumut allamut naammagittaalliutigineqarsinnaasoq aamma naammagittaalliornissamut periarfissaq pillugu ilitsersuummik ilaqartinneqassasoq, aalajangiineq suliame illua'tungiusumut akuersaarluinnartuunngippat.

Peqqissutsimut Pisortaqarfiup aaqqissuussaanera pillugu takussutissiami²⁵ takuneqarsinnaavoq pisortaqarfik tassaasoq Peqqissaaveqarfinnik Aqutsiviup qullersarisaa. Taamaalilluni A Peqqissaaveqarfinnik Aqutsiviup allagaatinik paasitinneqarnissamik itigartitsinissamik aalajangiineranik pisortaqarfimmut naammagittaalliutiginnissinnaasimagaluarpoq, naammagittaalliornissamut periarfissamik ilisimatinneqarsimasuuguni.

Taamaakkaluortoq isumaqarpunga pisortaqarfiup, oqartussaasutut qulliunerusutut Peqqissaaveqarfinnik Aqutsiviup aalajangiinerani tunngavilersuisimannginneq, inatsimmi malittarisassanut innersuussisimannginneq naammagittaalliornissamullu periarfissamik ilitsersuisimannginneq nammineerluni suliniuteqarnermigut (ex officio) uparuarsimasariaqaralarai, taamaalilluni A aalajangiinermik suliassat suliarineqartarnerat pillugu inatsimmi piumasaqaatinik eqqortitsisuusumik tunineqarsinnaaqkullugu.

Tamatuma kingornatigut Peqqissaaveqarfinnik Aqutsiviup aalajangiinerata amigaa-teqarnera ajuusaarnartorujussuartut isigaara, taamatuttaarlu pisortaqarfiup oqartussaasutut qulliunerusutut Peqqissaaveqarfinnik Aqutsiviup kukkussutaanik naqqiinisaminut pissutissaqarsimannginnera ajuusaarnartorujussuartut isigalugu.

2. b. Inuk alla pillugu paasisutissanik tunniussineq/suliame allagaatinik paasisutis-siineq

Napparsimasut inatsisitigut inissisimanagerat pillugu Inatsisartut peqqussutaanni nr. 6-imi, 31. maj 2001-imeersumi § 20, imm. 1-ikkut aalajangersarneqarpoq napparsimasooq nammineq pilluni allattuiffimmi allatorneqarsimasunik paasitinneqarsinnaatitaasoq. Taamaatorli suliame allagaatinik paasitinneqarsinnaatitaaneq killilernerqarsinnaavoq napparsimasup paasisutissanik ilisimatinneqarnissamik soqutigisaa pineqartoq nammineq imaluunniit inuit ataasiakkaat allat soqutigisaasa isiginiarneqarnis-

25 <http://www.nanoq.gl/upload/peqqiq/pdf/organisation/shv%20orgplan202006.pdf>-imi takuneqarsinnaavoq

saannut sanilliulluni tunulliutittariaqartutut isigineqarpat, tak. aalajangersakkami tassani imm. 3.

Peqqussummi tassani § 21-kkut aalajangersarneqarpoq allagaatinik paasissutissiinisamik aalajangiinerit oqartussaasup, suliffeqarfiup imaluunniit peqqinnissaqarfimmi sulisup allattuiffimmik napparsimasumut tunngasumik il.il. tigummiaraqartup aalajangiinerissagaa.

A-p allagaatinik paasitinneqarsinnaatitaanera killissalernerqassanersoq § 20, imm. 3 tunngavigalugu isummerfigineqarsimanersoq Peqqissaaveqarfinnik Aqutsiviup aalajangiinerani oqaatigineqanngilaq.

§ 20 qulaani taaneqartoq tamaat isigalugu innersuussutigaara, tassami paasissutissat piumaneqartut tunniunneqarnissaannut inatsisitigut tunngavissaqannginnerata kisimi oqaatigineqarnera eqqortumik iliornerunngimmat. A-p allagaatinik paasitinneqarsinnaatitaanerata § 20, imm. 3 tunngavigalugu killissalersorneqarnissaa Peqqissaaveqarfinnik Aqutsiviup naliliiffigisimappagu tamanna aalajangiinermi takuneqarsinnaasariaqaraluarpoq.

Tamatuma kingornatigut manna ajuusaarnartorujussuurtut isigaara, tassalu aalajangiinermit kukkusumit ersermat paasissutissat piumaneqartut A-mut tunniunnissaannut inatsisitigut tunngavissaqanngitsoq, apeqqut taanna napparsimasut inatsisitigut inissisimanerat pillugu Inatsisartut peqqussutaatigut toqqaannartumik aalajangersaavigineqarpat. Taamatuttaaq pisortaqarfiup kukkunermik taassuminnga naqqiisimanninnera ajuusaarnartorujussuurtut isigaara.

2. c. Nakorsaaitortitsinikkut katsorsaaneq

A-p nakorsaataanik tunniunneqartartunik allannqortitsinermut pissutaasut Peqqissutisimut Pisortaqarfiup uannut allakkamini 21. november 2006-imeersuni nassuiarpai.

Pisortaqarfiup oqaatigaa nakorsaatinik pinngitsuisinnaajunnaarsinnaanermik eqqumaffiginninnissamik pisussaaffeqarneq ... Napparsimmaviata malissimagaa, nakorsatullu sulineq pillugu inatsit Kunngip peqqussutaatigut nr. 860-ikkut, 18. december 1991-imeersukkut Kalaallit Nunaannut atortuulersinneqartoq kiisalu nakorsaatinik pinngitsuisinnaannginnermik pilersitsisinnaasunik tunniussisarneq pillugu Sundhedsstyrelsip kaajallaasitaa nr. 12, 13. januar 2003-meersoq innersuussutigalugit.

Katsorsaanerup ilusaa pillugu aalajangiineq malittarisassat qulaani taaneqartut malillugit nakorsat napparsimasup pineqartup pissutsit massakkut atugai aallaavigalugit suliamik naliliinerannik tunngaveqarpoq.

Taamaalilluni pisumi matumani Peqqissaaveqarfinnik Aqutsiviup aalajangiinerani 17. juli 2006-imeersumi nakorsaait atorlugit manna tikillugu katsorsaanerup ingerlateqqinnissaannut inatsisitigut tunngavissamik peqannginneranik oqaannarneq eqqortumik aamma iliuuseqarnerunngilaq.

Taamatuttaaq pisortaqarfiup uannut akissutaani takuneqarsinaanngimmat pisortaqarfiup A tamatuminnga ilisimatissimaneraa, naatsorsuutigaara aalajangiinerup ilaa

taanna eqqarsaatigalugu Peqqissaaveqarfinnik Aqutsiviup kukkunera pisortaqarfiup aamma naqqissimanngikkaa.

Aalajangiinerup tassani amigaateqarnera aammattaaq tamatuma kingornatigut ajuusaarnartorujussuartut isigaara, taamatuttaarlu amigaatit taakku aaqqinniarnissaanut pisortaqarfiup oqartussaasutut qulliunerusutut pissutissaqarsimannginnera ajuusaarnartorujussuartut isigalugu.

Tamatuma kingornatigut inassuteqaatigaara suliaq Peqqissutsimut Pisortaqarfiup suliareqqilissagaa, kukkunernik oqartussaasut kukkussutigisimasaannik naqqiilluni nutaamik aalajangiisoqarnissaa siunertaralugu.

Pisortaqarfik tamatumunnga peqatigitillugu qinnuigaara siuliani oqaaseqaatikka qanoq iliuseqarnissamut aamma pissutissaqalersitsinerat uannut nalunaarutigeqqullugu."

Peqqissutsimut Pisortaqarfiup akissutaa imaattoq 12. november 2007-imi tiguarra:

"(...) Ombudsmandip pisortaqarfik qinnuigaa suliaq suliarileqqeqqullugu, tassami suliaq suliassat suliarineqartarnerat pillugu inatsimmi malittarisassat malinnagit suliarineqarsimammat. Aalajangiinerup nutaap assilina ilanngullugu nassiunneqarpoq.

Inatsisartut Ombudsmandiata aammattaaq qinnutigaa Inatsisartut Ombudsmandiata oqaaseqaatai qanoq iliuseqarnissamut pissutissaqalersitsinersut nalunaarutigeqqullugu. Pisortaqarfik Inatsisartut Ombudsmandiata oqaaseqaatai pillugit oqaaseqaatissaqanngilaq, suliassalli suliarineqartarnerat pillugu inatsimmi malittarisassat siunissami malinneqarnissaat pisortaqarfiup eqqumaffigi-niarpa." (Atorfeqarfimmi nutsigaavoq)

A -p naammagittaalliuutaanut Peqqissutsimut Pisortaqarfiup nutaamik aalajangiinerata assilina ilanngullugu nassiunneqarpoq.

5.12. Pisortat suliassaataannik suliariumannittussarsiuussineq

5.12.1. Illoqarfinni mikinerusuni nunaqarfinnilu allakkatigut kiffartuussinerup allaffissornermi aqutsinikkut aaqqiivigineqarnera

Illoqarfinni mikinerusuni nunaqarfinnilu allakkatigut kiffartuussinermik Naalakkersuisut annikillitsinerat inatsisitigut naammattumik tunngavissaqarner-soq nammineerluni misissuiffiginninnermik aallartitsiviginiarlugu Ombudsmandi aalajangerpoq.

Ombudsmandi isumaqarpoq allakkatigut kiffartuussinermi illoqarfinni mikinerusuni nunaqarfinnilu innuttaasut allakkanik nalinginnaasunik agguaaassisar-

5. Suliat nalinginnaasumik soqutiginaatillit, inatsiseqartitsiffiusunut agguataakkat

nermi ilaatinneqarnerminnit ataatsimut isigalugu mattunneqarnissaannut inatsisitigut naammattumik ersarissuseqartumik tunngavissaqanngitsoq.

Ombudsmandip inassuteqaatigaa nalunaarut Naalakkersuisut allangortissa-gaat, taamaalillutik nunaqarfii illoqarfii mikinerit allakkanik agguaassinermit ataatsimut mattusimaneqarunnaarsillugit, imaluunniit assigiinngitsumik pinninnermut pineqartumut inatsisitigut tunngaviup erseqqissarneqarnissaa Naalakkersuisut suliniutigissagaat (j.nr. 11.73.67.12/016-07)

Ittoqqortoormiini innuttaasooq oqarasuaatikkut 24. november 2006-imi Atorfeqarfimmut saaffiginnippoq, allakkanik illoqarfimmi agguaassisarnerup 1. december 2006-imi unitsinneqarsimanera naammagittaalliuutiginiarlugu.

Innuttaasup oqaatigaa pisup tamatuma Ineqarnermut Attaveqarnermullu Pisortaqarfimmut naammagittaalliuutiginiissaa kommunip isumaliutersuutigisimagaa ilisimagini.

Atorfeqarfiup kommuni oqarasuaatikkut tamatuma kingornatigut attaveqarfigaa, pisullu taassuma naammagittaalliuutiginneqarnissaa isumaliutersuutiginneqarsima-soq kommunip uppersarparaa.

Kommunip pisortaqarfimmut allagaasa 29. november 2006-imeersut assilinerat 20. december 2006-imi tiguara.

Kommunip naammagittaalliuutaa imaattunik oqaasertaqarpoq:

"Allakkat ullulneqarsimangitsut kommunip 24. november 2006-imi tigusimasai allakkanik ag-guaassisarnerup Ittoqqortoormiit Kommunianni 1. december 2006-imit unitsinneqarnissaanik paasissutissiissutaasut kommunalbestyrelsip 29. november 2006-imi ammasumik ataatsimiinne-rani kommunalbestyrelsimut saqqummiunneqarput.

Pissutsit taamaannerat Ittoqqortoormiit Kommuniata Kalaallit Nunaanni Namminersornerullutik Oqartussanut saaffiginnissutigisimavaa, kingullermik saaffiginnissutikkut 3. juni 2005-imeer-sukkut. Kommuni tamatuma kingornatigut nalunaarfigineqarpoq allakkanik agguaassisarneq manna tikillugu pisarnertut ingerlaannarniartoq, allannguuteqartitsisoqassappallu kommuni ag-guaassisarnermik unitsitsisoqannginnerani attaveqarfigineqarniartoq.

Ittoqqortoormiit Kommuniata pisortaqarfik qinnuigissavaa allakkanik agguaassisarneq eqqarsaa-tigalugu Ittoqqortoormiit Kommunianni innuttaasut Kalaallit Nunaanni najugaqartut sinnerinit ajornerusumik inissinneqarnissaannut isumaliutersuutitut suut tunngaviusimarnersut nalunaaruti-geqqullugu.

Allakkat ukua assilinerat Inatsisartut Ombudsmandiannut nassiunneqarpoq." (Atorfeqarfimmi nutsigaavoq)

Pisortaqarfiup kommunimut akissutaata 8. februar 2007-imeersup assilinerá 9. februar 2007-imi tiguara.

Kommuni pisortaqarfiup imatut akivaa:

"Ittoqqortoormiit Kommunianni kommunalbestyrelsi Ineqarnermut Attaveqarnermullu Pisortaqarfimmut saaffiginnippoq, allakkanik agguaassisarneq eqqarsaatigalugu kommunimi innuttaasut Kalaallit Nunaanni innuttaasut sinnerinit sooq ajornerusumik inissinneqassanersut apeqqutigalugu.

Pisortaqarfiup tamatumunnga atatillugu nalunaarutigissavaa POST Greenlandip illoqarfinni sorlerni allakkanik agguaassinissamut pisussaaffeqarnera POST Greenlandip ingerlatsinera, allakkanik ingerlatitseqqittarnera, allakkanik ammaasarnera aamma allakkanut nakkartitsisarfinnik pilersuinerá pillugu Namminersornerullutik Oqartussat nalunaarutaatigut nr. 6-ikkut, 14. marts 2005-imeersuklut aalajangersaavineqarsimammat.

POST Greenland Ittoqqortoormiini allakkerinermik isumagisaqannginnami nalunaarummut ilanngussaq 1 tunngavigalugu allakkanik agguaassinissaminut aamma pisussaaffeqanngilaq. Taamaalilluni pisortaqarfik isumaqarpoq Ittoqqortoormiit Kommunianni innuttaasut nalunaarutip atortuulersinneqarnerata kingornatigut nalunaarummi minnerpaaffiatigut piumasaqaataasunit anertunerusumik kiffartuunneqarsimasut.

Ittoqqortoormiit Kommunianni allakkerinermik ingerlatsineq Pilersuisumit isumagineqarpoq. Agguaassisarneq oqaluttuarisaanikkut pissutsinik pissuteqartumik ingerlaannarsimavoq, naak tamanna Pilersuisup POST Greenlandimut kiffartuussineq pillugu isumaqatigiissutaani pisussaaffiup avataaniikkaluartoq. Pilersuisup allakkanik agguaassisarneq suliffeqarfissuup KNI-p qumartiteneqarnerata nassatarisaanik unitsittariaqalersimavaa. Taamaattumik allakkanik agguaassisarneq 1. december 2006-imi unitsinneqarpoq, innuttaasullu allagarsiassatik tamatuma kingornatigut Pilersuisup niuertarfanut namminneq aasariaqartalersimavaat.

Pilersuisup isumaqatigiissummik atorunnaarsitsiniarnera ilimasaarutigineqarmalli allakkanik agguaassisarnermik isumaginnittussamik POST Greenland ujarlilersimavoq. POST Greenlandip Ineqarnermut Attaveqarnermullu Pisortaqarfimmut oqaatigaa suleqatissaminik massaklut nassaarsimalluni, tassalu suliffeqarfik ..., allakkat agguaanneqartarnerannik piffissami misileraaffiuisumi Ittoqqortoormiini ingerlatsisussaq. Isumaqatigiissut 1. juni 2007-ip tungaanut atuutissaaq, tamatumalu kingornatigut naliliiffigineqassalluni. Isumaqatigiissut taanna illua'tungeriinnit tamaniit qaammammik ataasimik piffissaqartitsilluni atorunnaarsinneqarsinnaavoq.

POST Greenlandip ingerlatsinera, allakkanik ingerlatitseqqittarnera, allakkanik ammaasarnera aamma allakkanut nakkartitsisarfinnik pilersuinerá pillugu Namminersornerullutik Oqartussat nalunaarutaat nr. 6, 14. marts 2005-imeersoq ilanngullugu nassiunneqarpoq." (Atorfeqarfimmi nutsigaavoq)

Pisortaqarfimmuut tamatuma kingornatigut 22. februar 2007-imi imatut allappunga:

"Pisortaqarfiup kommunimut akissummini POST Greenlandip Ittoqqortoormiit Kommunianni allakkanik agguaassinissamut POST Greenlandip ingerlatsinera, allakkanik ingerlatitseqqittarnera, allakkanik ammaasarnera aamma allakkanut nakkartitsisarfinnik pilersuinera pillugu Namminersornerullutik Oqartussat nalunaarutaat nr. 6, 14. marts 2005-imeersoq tunngavigalugu pissaaffeqannginneranut innersuussisimanera Ombudsmandip maluginiarpa.

Ombudsmandip tamanna tunngavigalugu oqaatigaa nalunaarummi § 1, imm. 2-kkut aalajangersarneqartoq POST Greenland allakkanik nalinginnaasunik nunaqarfinni agguaassineq ajortoq, nalunaarummilu § 1, imm. 1-imit, tak. nalunaarummut ilanngussaq 1, ersertoq POST Greenland allakkanik illoqarfinni Ivittuuni, Kangaatsiami, Qaanaami Ittoqqortoormiinilu agguaassineq ajortoq.

Ombudsmandi tamatuma kingornatigut aalajangerpoq allakkanik nalinginnaasunik agguaassinermik killilersuineq allaaserineqartoq allakkat pillugit Inatsisartut peqqussutaanni nr. 8-mi, 14. november 2004-meersumik, allakkanik agguaassisarnermik killilersuinnermut inatsisitigut tunngavigisatut innersuussutigineqartumik inatsisitigut pisariaqarneratut tunngavissaqarnerseqqammi neerluni misissuiffiginninnermik aallartitsiviginiarlugu, tak. Ombudsmandi pillugu inatsimmi § 6, imm. 5.

Inatsisartut Ombudsmandiat pillugu Inatsisartut inatsisaanni § 6, imm. 5 imaattunik oqaasertaqarpoq:

"Ombudsmandip nammineerluni suliassaq misissugassanngortissinnaavaa."

Pisortaqarfik tamatumunnga atatillugu qinnuigaara manna pillugu nassuiaateqaqqullugu, tassalu isumaliutersuutit suut aallaavigalugit Naalackersuisut isumaqarnerisut nunaqarfiit illoqarfiillu ataasiakkaat allakkanik agguaassisarnermut ilaatinneqanngivinnissaat allakkat pillugit Inatsisartut peqqussutaannik inatsisitigut tunngavissaqartoq."

Pisortaqarfik 5. marts 2007-imi imatut akivoq:

"Ineqarnermut Attaveqarnermullu Pisortaqarfiup Ombudsmandip apeqquteqaataa 22. februar 2007-imeersoq tiguaa.

Ombudsmandip pisortaqarfik qinnuigaa, Naalackersuisut allakkat pillugit Inatsisartut peqqussutaat nr. 8, 14. november 2004-meersoq tunngavigalugu nunaqarfiit illoqarfiillu ataasiakkaat allakkanik nalinginnaasunik agguaasarnermik ingerlatsiviumnginnissaannut qanoq isumaliutersuuteqarnerisut nassuiaatigeqqullugu.

Allakkat pillugit Inatsisartut peqqussutaanni nr. 8-mi, 14. november 2004-meersumi § 4-mi angallassinissamut pissaaffiup imarisai POST Greenlandimut atuuttut sukumiisumik aalajangersarneqarput. Pissaaffeqarnermi nassiuksanik tiguisarneq aamma nassiuksanik illoqarfimmuut nunaqarfimmulluunniit qaninnermut assartuisarneq pineqarput, tamatumani allakkanik nali-

nginnaasunik angallassinissamut pisussaaffeqarnermi aammattaq allakkanut nakkartitsisarfinnit katersisarneq kiisalu agguaassisarneq pineqarluni, taamaattorli takuuk peqqussummi § 4, imm. 2.

Allakkat pillugit Inatsisartut peqqussutaanni nr. 8-mi, 14. november 2004-meersumi § 4, imm. 2-mi Naalackersuisut allakkanik nalinginnaasunik qanoq annertutigisumik agguaassisarnissaq pillugu sukumiisumik maleruagassiorsinnaanermut tunngavissinneqarput. Matumani oqaaseqatigiinnik paasinnineq tunngavigalugu "annertussuseq" pineqartoq tassaavoq POST Greenland Kalaallit Nunaanni sumi, kiisalu qanoq akulikitsigisumik allakkanik nalinginnaasunik agguaassinissamut pisussaaffeqarnermoq. Pissutsit taakku marluk POST Greenlandip ingerlatsinera, allakkanik ingerlatitseqqittarnera, allakkanik ammaasarnera aamma allakkanut nakkartitsisarfinnik pilersuina pillugu Namminersornerullutik Oqartussat nalunaarutaanni nr. 6-imi, 14. marts 2005-imeersumi § 1, imm. 1-imi aamma 2-mi aalajangersaaffigineqarput.

Naalackersuisut allakkanik nalinginnaasunik agguaassisussaatitaanermik annertussusissaanik aalajangersaanermi naliippit, tasanilu POST Greenlandip ingerlatsinermini suleriaassai pingaarnertit, allakkat pillugit Inatsisartut peqqussutaanni nr. 8-mi, 14. november 2004-meersumi Naalackersuisut aalajangersarsimasaat pingaartissimallugit, tak. § 1, imm. 2. § 1, imm. 2 naaper-torlugu POST Greenlandip suliaasai tassaalerput:

1. Kalaallit Nunaanni allakkanik nassiussanillu inuiaqatigiit kalaallit pisariaqartitaannik isumaginnissalluni,
2. sullissinermik ingerlatsiviussalluni, sapinngisamik annertunerpaamik niuernerminni tunngaviit atorlugit ingerlatsiviusoq, aamma
3. ingerlatsinerminik Kalaallit Nunaanni inuiaqatigiit ineriartornerannut naapertuuttunngorsasalluni suliaasanillu nutaanik allakkanik nassiussanillu suliaasanut naleqquttunik tigusissalluni, tak. § 5.

Naalackersuisut POST Greenland, Kalaallit Nunaanni allakkerinermi niuernerminni tunngaveqarluni akisussaasusooq isumasioqatigereerlugu POST Greenlandip ingerlatsinera, allakkanik ingerlatitseqqittarnera, allakkanik ammaasarnera aamma allakkanut nakkartitsisarfinnik pilersuina pillugu Namminersornerullutik Oqartussat nalunaarutaata nr. 6-ip, 14. marts 2005-imeersup suliarinerani naliippit, illuatungaani POST Greenlandip niuernerminni tunngaveqarluni ingerlanneqarnerani, illuatungaani inuiaqatigiit kalaallit inuiaqatigiinnut kalaallinut akuersarneqarsinnaasunik akeqartitsilluni allakkerinikkut pisariaqartitaasa naammassineqarmissaannut naammaginnartumik oqimaatigiissitsiniarnermi, illoqarfinni nunaqarfinnilu sorlarni innuttaasut akornanni inoqutigiit allakkanik nalinginnaasunik agguaassiffigineqartarnissaat agguaassiffigineqartannginnissaallu pillugit pingaarnersiuisoqartariaqartoq.

POST Greenland ingerlatsinikkut aningaasaqarneq aallaavigalugu inassuteqarpoq POST Greenlandip ingerlatsinera, allakkanik ingerlatitseqqittarnera, allakkanik ammaasarnera aamma allakkanut nakkartitsisarfinnik pilersuina pillugu Namminersornerullutik Oqartussat nalunaarutaannut nr. 6-imut, 14. marts 2005-imeersumut ilanngusaaq 1-imi illoqarfiit allakkanik nalinginnaasunik agguaassiffissatut taakkartorneqartut agguaassivigineqartassasut."

Tamatuma kingornatigut imaattunik oqaaseqaateqarpunga:

"Misissuinerma killissalersorneqarnera

Misissuinerma Post Greenlandip ingerlatsinera, allakkanik ingerlatitseqqittarnera, allakkanik ammaasarnera aamma allakkanut nakkartitsisarfinnik pilersuinerma pillugu Namminersornerullutik Oqartussat nalunaarutaanni nr. 6-imi, 14. marts 2005-imeersumi §1, imm. 1-ip, tak. ilanngussaq 1, aamma § 1, imm. 2-p inatsisitigut naammattumik tunngaveqarnera pillugu apeqqummut tunngasuivoq, tassami nalunaarummi aalajangersakkatigut taakkunatigut erseqqissarneqarmat allakkanik Ivittuuni, Kangaatsiami, Qaanaami, Ittoqqortoormiini nunaqarfinnilu inoqutigiinnut agguaaassisoqartassanngitsaq.

Inatsisitigut tunngavigisaaq pillugu ataatsimut oqaaseqaatit

Naalagaaffeqatigiinnerup iluani naalagaaffik pillugu inatsiseqartitsinermi pingaarnerusutigut inatsisiliornerup ilusilerneqarnerata manna nassataraa, tassalu ingerlatsiviup sulinera inatsisitigut tunngavissaqassasoq.

Tamanna ingerlatsiviup ingerlataanut tamanut atuuppoq, aamma inatsiseqartitsinikkut ataatsimut aalajangersakkanut (suliami matumani pineqartutut ittunut), kiisalu ataasiakkaat pillugit aalajangiinernut sulinernullu allanut ingerlatsivimmit ingerlaneqartunut.

Inatsisitigut tunngaveqarnissamik piumasaqaatip aallaavia unaavoq, tassalu ingerlatsiviup sulinera inatsisiliornermik imaluunniit inatsiseqartitsinikkut tunngavimmik tassunga naligitinneqarsinnaasumik ikorfartuutitut tunngaveqassasoq.

Inatsisitigullu tunngaveqarnissamik piumasaqaatip imarisaa allanngorartuuvoq, ingerlatat suut ingerlatsivimmit suliarineqarnerat apeqqutaatillugu.

Taamaattumik ingerlatsiviup sulinera innuttaasut namminneq ataasiakkaatut inuuneqarnerannut soqutigisaannullu akuliuttoq sulinermit innuttaasunit isigalugu ingerlatatut pisussaaffiliisuunngitsutut ittumit, tassalu kiffartuussinernik innuttaasup nammineq piumassutsi tunngavigalugu toqqarsinnaasaanik atorumanngissinnaasaanillu imaqartumit, inatsisitigut erseqqinnerusumik tunngaveqartussaavoq.

Inatsisitigut tunngaveqarnissamik piumasaqaat ingerlatsiviup inatsisinik inatsiseqartitsinikkullu tunngavinnik inatsisikkut aalajangersagaanngitsunik inatsimmi malittarisassatut akuerisaasutut inatsiseqartitsinikkut kimeqartunik malinninnissamat qilersugaaneratigut aamma malunniuttarpoq.

Suliami matumani inatsisitigut tunngaveqarnissamik piumasaqaatip annertussusia

Allakkeriveqarfiup allakkanik agguaaarnissaminut pisussaaffeqarnera allakkat pillugit Inatsisartut peqqussutaanni nr. 8-mi, 14. november 2004-meersumi § 4-mit imaattunik oqaasertaqartumit erserpoq:

"Ingerlassinissamut pisussaaffimmi, takuuk § 3, illoqarfimmuq nunaqarfimmulluunniit qaninnermut nassiussanik tiguisarneq nassiussanillu assartuisarneq ilaatinneqarput. Allakkanik nalinginnaasunik ingerlassinissamut pisussaaffimmut aamma allakkanut nakkartitsisarfinni katersisarneq kiisalu agguaaassisarneq ilaatinneqarput, taamaattorli takuuk imm. 2.

Imm. 2. Allakkat nalinginnaasut qanoq annertutigisumik agguaanneqartarnissaat pillugu malittarisassanik pingaarnernik Naalakkersuisut aalajangersaassapput."

POST Greenlandip ingerlatsinera, allakkanik ingerlatitseqqittarnera, allakkanik amaasarnera aamma allakkanut nakkartitsisarfinnik pilersuinera pillugu Namminer-sornerullutik Oqartussat nalunaarutaanni nr. 6-imi, 14. marts 2005-imeersumi oqaatigineqarpoq inatsimmi aalajangersagaq issuarneqartoq inatsisitigut ilaatigut tunngavigineqartoq.

Nalunaarummi § 1 imaattunik oqaasertaqarpoq:

"Illoqarfinni ilanngussaq 1-imi allassimasuni allakkanik nalinginnaasunik aalajangersimasumik akuttussuilimmik agguaaassisarneq pisassaaq, ikinnerpaamik sapaatit akunnerannut marloriarluni. POST Greenlandip aalajangersassavaa, sapaatit akunneranni ulluni sorlerni allakkanik nalinginnaasunik agguaaassisoqartassanersoq.

Imm. 2. Nunaqarfinni allakkanik nalinginnaasunik agguaaassisoqarneq ajorpoq.

Imm. 3. Illoqarfinni nunaqarfinnilu allakkanik nalinginnaasunik agguaaassiviusannigitsuni, allakkat nalinginnaasut POST Greenlandip suleqatigisartagaanut aaneqarsinnaassapput."

Taamaalillutik allakkanik agguaaassisarneq pillugu malittarisassat pisortat kiffartuusinerat pillugu malittarisassatut isikkoqarput, tamannalu tunngavigalugu uanga paasinninnera unaavoq allakkanik agguaaassisarneq pillugu malittarisassat immikkuualuttortallit allakkat pillugit peqqussummut ilanngunneqarnissaat pisariaqannigitsuoq.

Tamatuma kingornatigut apeqquataalerpoq aqqissuussineq nalunaarummi § 1-ikkut aalajangersarneqartoq naligiissitsinermik tunngaveqarnermik inatsisitigut erseqqisummik tunngavissaqarani saneqqunneqarsinnaannigitsumik unioqquutitsisuunersoq.

Naligiissitsinermik tunngaviit pillugit ataatsimut oqaatigaara

Ingerlatsineq pillugu inatsiseqartitsinermi pingaarnerusutut tunngavittut manna akuerisaavoq, tassalu suliat annertunerpaatigut assiigiissuteqartut assiigimmik suliarineqartassasut.

Taamaattorli innuttaasut assiiginnigitsumik pineqarnerat ingerlatsiviup isiginiagassanik suliamut attuumassuteqanngitsunik isiginninniarnissaanik inerteqquteqarneq aallaavigalugu naliliiffigineqarajuttartussaavoq. Aningaasaqarnikkut ingerlatsinik-

kullu isiginiagassat aallaavittut tassaapput isiginiagassat inatsisip pisussaaffilinera-
tigut ingerlatsiviup sulinerani suliambut attuumassuteqanngitsut.

Tassani aamma ilaavoq ingerlatsiviit suliassaqrifiisa ataasiakkaat iluanni assigiin-
ngitsumik pinninnissamik inerteqquteqartoqarnissaanik erseqqinnerusumik piumasa-
qaateqartoqarsinnaanera.

Inatsisitigut tunngaveqarnissamik piumasaqaatip manna nassataraa, tassalu tunnga-
viit taamaattut inatsisikkut erseqqissumik tunngaveqarluni aatsaat saneqqunneqarsin-
naasut.

Suliami matumani naligiimmik pinninnissamik piumasaqaatit

Qulaani nassuiaanittut Inatsisartut manna tunngavigisimavaat, tassalu allakkerive-
qarfiup allakkanik isumaginninnissamik pisussaaffeqarnerani allakkanik agguaassi-
sarneq ilaatinneqassasoq, taamaattorli agguaassisarnermi pingaarnerusutigut tun-
ngaviit Naalackersuisunit aalajangersarneqassallutik.

Aammattaq allakkat pillugit peqqussummi § 1-imit ersepoq allakkeriveqarfik niuer-
nermi tunngaviit "sapinngisamik annertunerpaamik" tunngavigalugit ingerlanneqas-
sasog.

Peqqusutissatut siunnersuummi § 1 pillugu oqaaseqaatinit makku erseput:

"Aalajangersakkat nassatarisaannik POST Greenlandip anguniagassat pingaarnert makku
anguniagassarissavai:

a) Sullissinerit nunami sumiiffinni tamani assigiimmik piumasaqaateqarfiusumik neqerooru-
tineqartassapput. Pilersuisussaatitaaneq sumiiffinni pisariillisaavigineqarsimagaluartuni
nalimmassaaviginiarlugu piumasaqaatit allat atuutsinneqalersinnaapput, soorlu Kalaallit
Nunaanni nunap immikkoortuini akinik immikkoortiterinikkut.

b) Aningaasartuutit isertitallu amerlaqatigiissapput. POST Greenland immikkut ittunik, sul-
linneqartunut akiliisitsinikkut aningaasartuutinik matussusiiviusinnaanngitsunik suliakker-
neqartillugu suliakkiisup akiliisinneqarnissaa anguniarneqartassaaq.

c) Kalaallit Nunaanni ineriartorneq tunngavigalugu suliassanik nutaanik tigusineq, tamatu-
mani suliassat naammassinniarneqarneranni allakkeriviup suliassai allat eqqorneqassan-
ngippata. Suliassanik taamaattunik isumagisaqarneq piffissap ikaarsaarfiusup kingorna
aningaasaqarnikkut iluanaaruteqarfiusinnaassaaq.

d) Suliffeqarfimmi suliassat ima aqqissuunneqassapput, sullitat pisariaqartitaat eqqarsaa-
tigalugit suliassat isumannaatsumik, naammassisaqarfiusinnaasumik pisariitsumillu kiffar-
tuussinernut sullissinernullu nutaanut ingerlaavartumik naleqqussarneqarsinnaassallutik,
aammalu teknikkikkut atortunik nutaanik atuutsitsilernerme suleriaatsit sapinngisamik isu-
malluutinik atorluaniikkut naleqqussaavigineqarsinnaassallutik pisariillisaavigineqarsin-
naassallutillu."

Siunnersuummi § 4 pillugu oqaaseqaatinit ilaatigut makku erserput:

"Ingerlassisussaatitaanermi suut pineqarnersut aalajangersakkami tassani nassuiarneqarput, taamaalillunilu POST Greenlandip ingerlassisussaatitaanera qanoq annertutigisumut atuunnersoq nassuiarneqarluni.

...

Allakkat nalinginnaasut qanoq annertutigisumik agguanneqartarnissaat, tassunga ilanngullugu illoqarfinni nunaqarfinnilu allakkanik agguaassisarnerup akulikissusissaa Naalackersuisunit najoqqutassiunneqassaaq. Tamatuma kingorna POST Greenland najoqqutassanik taakkuninnga qanoq atuutsitsinissaq pillugu aalajangersaassaaq. Naalackersuisut allakkanik agguaassisarnerit amerlassusissaat (akulikissusissaat) aalajangersarsinnaassavaat, tamatumalu kingorna POST Greenlandip sapaatit akunnerani ullut suut tamatuma pisarnissaa aalajangersarsinnaassallugu."

Allakkanik isumaginninnissamik pisussaaffeqarneq pillugu apeqqut peqqussutissatut siunnersuutip Inatsisartuni siullermeerlugu 29. september 2004-mi oqaluuserineqarnerani partiit oqaaseqartartuinit aamma eqqaaneqarpoq:

Taamaalilluni Inatsisartunut ilaasortap Otto Jeremiassenip (Siumup oqaaseqaateqartartuata) ilaatigut makku saqqummiuppai:

"Peqqussutissakkut Naalackersuisut manna saqqummiussaaticut takuneqarsinnaavoq pissutsit massakkut atuuttut pitsanngorsarniarlugit peqqussutissamik Naalackersuisut siunnersuuteqartut.

Tamanna Siumumit tamakkiisumik taperserumavarput, peqqussutissami aamma allakkanik nakkartitsiveqarnikkut peqqussummi piginnaatitsinissaq pisariaqarluinnartoq Siumumit isumaqaratta. Tamatumani anguniarneqarmat allakkat qularnaatsumik sumukarfiinnut apuunneqartarnissaat."

Qallunaatuuani oqaatsit ilanngunneqartut uku kalaallisuuani ilaanngillat: "..., og samtidig håber vi i Siumut, at det princip, at Landsstyret fortsat skal godkende taksten til Danmark og Færøerne, bibeholdes", taakkulu imatut nutserneqarsinnaapput: "..., Siumumilu tamatumunnga peqatigitillugu neriutigaarput Danmarkimut Savalimmiunnullu nassitsinermi akit Naalackersuisunit suli akuerineqartarnerannik tunngaveqarneq attatiinnarneqassasoq" (Atorfeqarfimmi nutsigaavoq)

Inatsisartunut ilaasortap Ane Hansenip (Inuit Ataqtigiit oqaaseqaateqartartuata) ilaatigut makku oqaatigai:

"Allakkat pillugit Inatsisartut peqqussutaata nutarterneqarnerani maluginiagassaavoq kii-sami allakkat ingerlaarfimminnut apuukkasuartarnissaat pingartinneqarluni maleruagassiuussinissamik inassuteqartoqartoq, tassami maannanut allakkerivinni ajornartorsiuataasarmat allakkat allakkanik nakkartitsiveqanginneq pissutigalugu tiguisussamut apuunna-

tik nassiussumut utinnartarnerat, tamanna kiisami ajornartorsiut malittarisassiuusinnikkut aningorneqartussangormat nuannaarutigaarput.

Inuit Ataqatigiinnilli aamma malittarisassiornerni eqqumaffigineqartariaqartutut isigaarput illoqarfinni inissaaleqiffiusuni innuttaasut inissaaleqinertik pissutigalugu ilaqutariinnit ilaqutariinnut nuttartariaqartartut eqqarsaatigalugit allagarsiaminnik aallernissaminut periarfissaqartittariaqarnerat ilangullugu eqqumaffigeqqullugu."

Inatsisartunut ilaasortap Jakob Sivertsenip (Atassutip oqaaseqaateqartartuata) saq-qummiussinermini ilaatigut makku oqaatigai:

"Allakkat tiguisussamat apuukkasuartarnissaat eqqarsaatigalugu inuit postbokseqanngitsut kiffartuunneqartarnissaat pitsanngorsaaviginiaarlugu ilaqutariinnut illut aammalu illut sanileriaat isertarfiisa eqqaanni allakkanut nakkartitsiviliorsinnaaneq kiisalu inissiani allakkanut ilioraavinnik ikkusuinissanut kiffartuunneqartussat aningaasartuuteqarnissaat naatsorsuutigineqassasoq oqaatigineqarpoq, ATASSUT-miillu Naalackersuisumut piumasarissavarput sapinngisamik pitsaanerpaamik aaqiiniuteqarnissaq anguniaqqullugu."

Inatsisartut peqqussutaata oqaasertaanit erserpoq allakkanik agguaassisarneq allakkeriveqarfiup tunaartarisassat Naalackersuisunit aalajangersarneqarsimasut iluanni inatsit tunngavigalugu pisussaaffittut suliassarigaa.

Tamatumunnga peqatigitillugu Inatsisartut peqqussutaata piareersarlugu suliarineqarnerani sulianit erserpoq allakkanik agguaassisarnermik kiffartuussinerup qaffasisusiata illoqarfinni nunaqarfinnilu tamani pinngitsoorani assigiinnissaa pisariaqanngitsoq, taamaattorli allakkeriveqarfiup kiffartuussineri nunap ilaani tamani assigiinnik atugassaqartitsilluni neqeroorutigineqassallutik.

Taamaattumik ingerlatsinermi aningaasaqarnikkut isiginiagassat allakkeriveqarfiup sulinerata piareersarneqarnerani isiginiarneqartussat allakkeriveqarfiup allakkanik agguaassinissamik pisussaaffeqarnerani nunaqarfinnik illoqarfinnillu mikinerusunik ilaqajunnaarsitsivinnissamat inatsisitigut tunngaviusinnaassasoq Inatsisartut siunertarisimaneraat qularnarpoq.

Tamatumani manna pingaartillugu isiginiarpara, tassalu peqqussutissatut siunnersuut pillugu oqaaseqaatini allakkeriveqarfiup ingerlanneqarnerata niuernermit tunngaviit "sapinngisamik annertunerpaamik" tunngavigalugit ingerlanneqarnissaanik nunap ilaani assigiinngitsuni allakkatigut kiffartuussinermit naligiissitsinissamik peqqussummi § 1-ikkut aalajangersakkami oqaaseqaatinut sanilliullugu oqarnerup qanoq paasineqarnissaata nassuiarneqarsimanninnera.

Peqqussutissatut siunnersuummi § 1-imi aalajangersagaq pillugu oqaaseqaatinit aamma erserpoq allakkeriveqarfiup sulinerata piareersarneqarnerani kiffartuussat pisariaqartitaat aamma isiginiarneqassat.

Tamatumunnga peqatigitillugu manna pingaartillugu aamma isiginiarpara, tassalu peqqussummi § 4, imm. 2-kkut Naalackersuisunut piginnaatitsissutip annertussusiata

Inatsisartunit immikkuualuttutigut isummerfigineqarsimanginnera, taamaattorli aalajangersagaq pillugu oqaaseqaatinut aamma ersertoq allakkanik nunaqarfinni agguaassisarnerup mattunneqannginnissaa aamma tunngavigineqarsimasorinar-toq.

Aammattaaq pineqartoq tassaavoq nunaqarfinnik illoqarfinnillu mikinerusunik aalajangersimasunik illoqarfiit sinnerinut sanilliullutik POST Greenlandip ingerlatsinera, allakkanik ingerlatitseqqittarnera, allakkanik ammaasarnera aamma allakkanut nakkartitsisarfinnik pilersuina pillugit nalunaarummi nr. 6-imi, 14. marts 2005-imeersuni assigiinngitsumik pinninneq pisortaqarfiup paasisutissiisuteqarnera malillugu taamaallaat ingerlatsinermi aningaasaqarnikkut isiginiagassanik tunngaveqarnera.

Taamaattumik uanga eqikkaallunga paasinninnera unaavoq allakkanik isumaginninnerup piareersarnerarnerani nunami innuttaasut naligiimmik kiffartuunneqarnissaat Naalakkersuisut aallaavigissagaat kiffartuussallu pisariaqartitaat Naalakkersuisut isiginiassagaat Inatsisartut Naalakkersuisunut peqqusissutigisimagaat.

Uanga paasinninnera aamma unaavoq kiffartuussineq allakkanik agguaassinermik illoqartoq ilaatigut illoqarfinni nunaqarfinnilu kiffartuunneqartut amerlassusiat tunngavigalugu Naalakkersuisut annertussusilerinnaagaat, POST Greenlandilu eqqarsaatigalugu ingerlatsinermi aningaasaqarnikkut isiginiagassat Naalakkersuisut tassani isiginiarsinnaagaat.

Allakkanilli isumaginninnikkut kiffartuussinermi assigiinngitsumik pinninneq illoqarfinni aalajangersimasuni nunaqarfinnilu innuttaasut allakkanik agguaavigineqartarnerannik ataatsimut mattussisoqassappat uanga paasinninnera malillugu tamanna inatsisiliortut erseqqissumik piginnaatitsinerannik pingaarnertut tunngaveqartariaqarpoq.

Tamatuma saniatigut uanga paasinninnera unaavoq allakkeriveqarfiup sulinera pillugu pingarnerusutigut malittarisassat qulaani taaneqartut naligiimmik pinninnissamik kiffartuussanillu isiginninniarnissamik imaqartut manna nassatarigaat, tassalu allakkanik agguaassisarneq eqqarsaatigalugu assigiinngitsumik pinninnermut atuuttumut inatsisitigut erseqqissumik tunngaveqarnissaq pisariaqartinneqartoq. Taamaattumik illoqarfinni mikinerusuni nunaqarfinnilu allakkanik ingerlatsinikkut kiffartuussinermut tunngaviusumi pingarnerusutigut tunngaviit inatsimmi takuneqarsinnaasariaqarput, matumani ingerlatsinermi aningaasaqarnikkut isiginiagassat allakkeriveqarfiup sulinerani tunngaviit sinneri pilliutigalugit qanoq annertutigisumik isiginiarnerarsinnaanerat ilanngullugu eqqarsaatigalugu.

Inatsisitigut tunngavigisami taamatut erseqqissuseqarneq inatsisikkut tunngavigineqartumi atuuttumi takuneqarsinnaanngilaq.

Taamaattumik inassuteqaatigaara nalunaarut Naalakkersuisut allannortissagaat, taamaalillutik nunaqarfiit illoqarfiillu mikinerit allakkanik agguaassinermi ataatsimut mattusimanekarunnaartillugit, imaluunniit assigiinngitsumik pinninnermut pineqartumut inatsisitigut tunngaviup erseqqissarneqarnissaa Naalakkersuisut suliniutigissaagaat."

Naalakkersuisunut ilaasortap allakkatigut 14. december 2007-imeersutigut aki-vaanga Inatsisartut peqqussutaata allannguutissaanik Naalakkersuisut saqqummiussiniartut, taamaaliornikkut illoqarfiit nunaqarfiillu allakkanik agguaaassisarnermi ingerlatsinermi aningaasaqarnikkut isumaliutersuutit tunngavigalugit pineqartunut ilaatinneqanngissinnaanerit erseqqissumik takuneqarsinnaalersillugu.

Naalakkersuisunut ilaasortap akissutaa ukiup nalunaarusiuunneqartup naanerani suli isummerfiginngilara.

Kommunimut tikeraarnej

5.13. Sulianik akiliisitsiniarnermut tunngasunik misissuineq

5.13.1. Sulianik akiliisitsiniarnermut tunngasunik misissuineq

Ombudsmandip sulianik akiliisitsiniarnermut tunngasunik kommunimi tikeraarnermini misissuina akiitsut naafferartumik akilersorneqarnissaat pillugu innuttaasunut isumaqatigiissuteqartarnermut tunngaviusoq oqaaseqaatinik arlalinnik Ombudsmandip saqqummiussinissaanut pissutissaqalersitsivoq. Ombudsmandi suliani illua'tungiusup sinniisoqarfigisaanni uppersaasersuisoqartarnissaanik piunasaqaatit pillugit aamma oqaaseqaateqarpoq. Ombudsmandip tamatuma saniatigut oqaatigaa inuit ataasiakkaat pinngitsaaliilluni akiliisitsiniartartumut aggersarneqarunik namminneq takkunnissaminnut pissusaaffeqarnerat atuutinngitsoq, akiligassaqartut tassaappata ataatsimoortut inatsiseqartitsinikkut naammineersinnaasut. (J. nr. 11.73.88.73/047-06)

Akiliinissamik isumaqatigiissuteqartarnej

Suliaq 1

Kommunimut 26. maj 2006-imi imatut allappunga:

"Suliaq tamatuma saniatigut allakkamik" nammineq piunassuseq tunngavigalugu isumaqatigiissummik" taaneqartumik, 6. juli 1999-imi ullulerneqarsimasumik imaqarpoq, tassanilu A kommunimut isumaqatigiissuteqarpoq B-p (inuttut normua ...) eqqagassanik eqqaanermut paaviaanermullu kommunimut akiitsui erseqqinnerusumik taallugit amerlassusilikkanik naafferartumik akilersorumallugit.

Pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaanni § 6, imm. 1-ikkut aalajangersarneqarpoq aappariit ilaatigut eqqagassanik eqqaanermut paaviaanermullu akiligassanut nammaqatigiillutik akisussaassasut.

Pisassarisat taakku eqqartuussisoqariinnikkaluartuq pinngitsaaliinikkut akilersinniarneqarsinnaapput, tak. Inatsisartut inatsisaanni taaneqartumi § 2 aamma eqqartuussisarneq pillugu inatsimmi Kapitali 7, § 1, imm. 2, nr. 2.

Pineqartut aappariunersut suliame takusinnaangilara. Taamaappat isumaqatigiissutip manna nassataraa, tassalu pisassarisat eqqartuussisarneq pillugu inatsit aqutugalugu kommunip akilersinnaannaangikkai, isumaqatigiissut malinneqartuarallartillugu.

Isumaqatigiissulli immikkut oqaasertaliussanik imaqarpoq, tassalu isumaqatigiissut unioqqutinneqarpat pisassarisat eqqartuussisarneq pillugu inatsimmi kapitali 7, § 1, imm. 4 tunngavigalugu pinngitsaaliinikkut akilersinneqarsinnaasut.

Tamanna imatut paasineqartariaqarpoq isumaqatigiissut unioqqutinneqarpat eqqartuussisarneq pillugu inatsimmi kapitali 7, § 1, imm. 2, nr. 2 aamma akiitsunik akiliisitsiniartarneq pillugu inatsimmi § 2 (tak. eqqartuussisarneq pillugu inatsimmi kapitali 7, § 1, imm. 3) tunngavigalugit pinngitsaaliissummik akiliisitsiniarnissaminut kommuni imminut suli mattusimasoq.

Aamma pineqartuq tassaavoq eqqartuussisarneq pillugu inatsimmi kapitali 7, § 1, imm. 4 tunngavigalugu pinngitsaaliissummik akiliisitsiniarnerup politiinit ingerlanneqartussaana, tak. Kalaallit Nunaanni eqqartuussutininik naammassitsiniartartut pillugit nalunaarummi nr. 90-imi, 1. marts 1983-imeersumi § 1, imm. 2.

Tamatuma saniatigut isumaqatigiissut immikkut oqaasertaliussanik imaqarpoq pisortanit A-mut tunniunneqartussani tamani ilanngaassinissamut kommuni pisinnaatitaasoq.

Tamanna ajornarpoq, tassami kommuni – akileraarutinit utertoortusiassanik akileraartarneq pillugu inatsimmi § 50 tunngavigalugu tunniunneqartartut eqqaassanngikkaanni – tamanna pillugu erseqqissummik isumaqatigiissuteqartoqareersimanngippat innuttaasut naalagaaffimmit Namminersornerullutillu Oqartussanit pisassarisaannit kommunimut akiitsunut matusissutissanik ilanngaassinnaangimmat, taamatuttaarlu akissarsianit isumaginninnermilu tunniunneqartartunit ilanngaassinissamut kommuni nalinginnaasumik mattussaalluni.

Aammattaq isumaqatigiissut ernialiinissaq pillugu immikkut oqaasertaliussanik imaqarpoq.

Oqaatigaara pisortat pillugit inatsiseqartitsineq tunngavigalugu pisassarisat ernialerneqarnissaat piunasaqaatigissallugu kommuni inatsisitigut tunngavissaqanngimmat, ernialiineq inatsimmik aalajangersimasumik tunngaveqanngippat.

Kommuni qinnuigaara akilersuinissamik isumaqatigiissuteqarneq qulaani oqaaseqaatikka pillugit oqaaseqaateqaqqullugu."

Kommunip 15. november 2006-imi imatut akivaanga:

"Oqaatigisassit suliaq tamatuma saniatigut ... B-p akiitsui eqqaavileritinnermut, anartarfileritinnermut paaviartinnermullu akiitsut pillugit nammineq piunassutsiminik saaffignilluni ilanngartuinnikkut akilersuiffigerussimavai, nassuerutigissavarali pisortanit akiitsut akilersinniarne-

qartarnerat pinaveersaartinneqarnissaallu pillugit Inatsisartut inatsisaanni § 6, imm. 1-ikkut aalajangersarneqarpoq aappariit inuillu nalunaarsorneqarsimasumik aappariittut inooqatigiit, akiitsunut eqqagassanut paaviaanermullu akiligassanut nammaqatigiilutik akisussaassasut.

Oqaatigissavaralu akisussaaqatigiinneq tunngavigalugu qulaani pineqartoq akilersuinngimmat, namminerli piumassutsiminik saaffiginnilluni akilersuerusussimalluni B-kkunni najugaqarnini pissutigalugu, tamannalu pillugu oqaatigissavara kukkusumik allaffissiaq ukiorpassuarni inatsisinit naleqqussarneqanngitsoq atorneqartuarsimalluni, tamannalu kukkunerusoq oqaatigissavara, siunissamilu oqaatigeriikkattut nutarterneqarnissaa sulissutigineqassaaq."

Tamatuma kingornatigut imaattunik oqaaseqaateqarpunga:

"B-p akiitsuinik A-p akiliisimanera pillugu apeqqummut oqaatigaara, akiliinissamut isumaqatigiisummi, A-p akisussaaffiginngisaani, akiitsut pineqarmata kommunip A-mut piumasaqaatai eqqartuussuteqartoqaqqaarsimatinnagu pinngitsaaliissummik akilersinniarsinnaanngikkai, piumasaqaatit Kalaallit Nunaata Eqqartuussisuanit eqqartuussisarneq pillugu inatsimmi kap. 7, § 1, imm. 4 tunngavigalugu immikkut ittunik naammassisinniarneqarsimanngippata. Pisuni marluusuni politiit – imaanngitsoq akiliisitsiniartartoq - naammassisitsinissamut eqqortumik oqartussaasuupput, tak. allakkanni 26. maj 2006-imeersuni oqaaseqaatikka.

Aammattaq oqaatigaara pingaartuusoq kommunip sulianik uppernarsaasersuineranit erseqqissumik ersersinneqassasoq innuttaasoq akiitsunik naafferartumik akilersuinissaq pillugu nammineerluni kommunimut saaffiginnissuteqaraangat. Suliami tassani paasisutissaq taanna kommunip suliami illua'tungiusup isumaanik tusarniaanermut akissutaanit kisimi erserpoq, tamannalu ajuusaarnartuuvoq.

Akiliinissaq pillugu innuttaasup nammineerluni saaffiginnissuteqarnerata uppernarsaasersornera pisuni arlariinni akiliutigineqartut inatsisinit naapertuuttuunerannut aalajangiisuulluinnartuuvoq. Taamaalilluni soraarnerussutisiaqartunut soraarnerussutisianit ilanngaassinikkut akiliuteqarnissaq pillugu kommunip isumaqatigiisusiorinissaanut periarfissaqanngilaq, taamaattumillu soraarnerussutisialinnut akiliinissamut aqqissuussat atuussinnaassusiannut soraarnerussutisiallip nammineerluni suliniuteqarneratigut akiligassat isumannaarneqarnerannut uppernarsaasersuisinnaaneq apeqqutaavoq.

Ilaatigullu kommunip akissutaa imatut paasivara, tassalu kommunip isumaqatigigaanga kommuni nalinginnaasumik ilanngaassisarsinnaatitaanngitsoq, aamma kommuni inatsisitigut tunngaveqarnani ernianik piumasaqaateqarsinnaanngitsoq, taamatullu kommuni inatsisitigut tunngaveqarnani nukingisaarinermi akiliutit pinngitsaaliissuteqarnikkut akilersinniarsinnaanngikkai. Tamatumunnga naapertuuttumik kommunip akiliisitsiniariaatsini iluarsiniaraa tusaatissatut tiguara, tamatumunngalu atatillugu annertunerusumik iliuuseqaqqissanngilanga."

Suliaq 2

Kommunimut 26. maj 2006-imi imatut allappunga:

"Suliaq billetsimut aningaasartuutit (kommunip akilerallarsimasaasa) naafferartumik akilersorneqarnissaannik qinnuteqaammik imaqarpoq. Qinnuteqaat kommunip ...-mi immikkoortortaqaarfiani sulisumit atsiorneqarsimavoq.

Oqaatigaara kommunimi atorfeqartitaasut innuttaasumit pineqartumit piginnaatitsissummik imaluunniit uppernarsaasorsorlugu qinnuteqaammik peqanngikkunik akiitsut naafferartumik akilersorneqarnissaat pillugu isumaqatigiissuteqartoqarnissaanik siunnersuuteqarsinnaanngimmata.

Tamatumunngali atatillugu annertunerusumik iliuuseqaqqissanngilanga, tassami suliamit aamma ersermat akilersuinissamik kommunimut isumaqatigiissut A-p 21. februar 2005-imi atsiorsimaga."

Kommunip 15. november 2006-imi imatut akivaanga:

"Tassunga tunngatillugu akiitsut pillugit uppernarsaat akiliisitsiniartarfimmut tunniunneqarsimanngitsoq nassuerutigissavara, tamannalu oqaatigeriikkattut naleqqussarneqartussaavoq."

Tamatuma kingornatigut imaattunik oqaaseqaateqarpunga:

"Oqaatigaara kommunip akissutaa imatut paasigiga, tassalu kommuni qinnuteqartoqanngikkaluartoq imaluunniit akiliisussamit pisinnaatitsisoqanngikkaluartoq akiitsunik naafferartumik akilersuinissaq pillugu isummersinnaannginneranik oqarnera, kommunip isumaqatigigaa, suliamilu annertunerusumik iliuuseqaqqissanngilanga."

Suliaq 3

Kommunimut 26. maj 2006-imi imatut allappunga:

"Suliami ilaavoq akilersuinissaq pillugu isumaqatigiissut 12. juni 2004-meersoq, ...-mi peqatigiiffik sinnerlugu A-mit atsiorneqarsimasoq.

Kommuni qinnuigara A-p ...-mi peqatigiiffik sinnerlugu atsiorsinnaatitaanera kommunip uppernarsaatissaqartinneraa nassuiaqqullugu."

Kommunip 15. november 2006-imi imatut akivaanga:

"Suliaasimasumut tunngatillugu maani kommunitsinni periaaseq atorneqartoq oqaatigissagaanni takussutissaqanngitsoq oqaatigissavara, tassami peqatigiiffiit siulersuisullit nutaajutillutik ilaasortat ilaallunniit sunngiffimmi allaffimmut nalunaarutigineqarneq ajormata, tamannalu allan-

ngortinniarlugu siunnersuuteqarpunga siunissami tamakku pinaveersaartissagutsigit iliuusissanik tassa allaffissianik peqatigiiffinnit atorneqartussanik, sunngiffimmi allaffik qinnuigineqartoq atugassanik sanaqqullugu."

Tamatuma kingornatigut imaattunikoqaaseqaateqarpunga:

"Oqaatigaara kommunip akissutaa imatut paasigiga kommunip peqatigiiffinnik akiliinissamut isumaqatigiissuteqartarnernut immersugassamik assigiissaartunik oqaasertalersugaareersumik, tassaasussamik isumaqatigiissutitut atsiorfissaatitaasussamik, pilersitsinissaq isumaliutersuutiginiaraa.

Kommunip akissutaa tusaatissatut tiguara, kisiannili immersugassap assigiissaartunik oqaasertalersugaasup nutaap assilineranik nassinneqarnissara qinnutigaara."

Suliami illua'tungiusup sinniisoqarnerani uppersaasersuisoqarnissaanik piumasaaqat

Suliaq 1

Kommunimut 26. maj 2006-imi imatut allappunga:

"Suliaq akilersuinissamik aaqqissuussinermik 12. oktober 2005-imeersumik B-mit akiitsoqartut atsiorneqasimasumik aamma imaqarpoq.

Oqaatigaara innuttaasut suliani akiliisitsiniarnermut tunngasuni suliami illua'tungiusutut sinniisumik atuinissaat aallaavittut akornutissaqanngitsoq, tak. suliaasat suliarineqartarnerat pillugu inatsimmi § 8.

Suliamili illua'tungiusutut sinniisuutitaqarneq suliami pisariaqarneratut annertutigisumik uppersaaserneqarsimassaaq.

Taamaattumik kommuni qinnuigaara B-p A-mut sinniisuusinnaaneranut tunngaviusoq pillugu paasissutisseqqullugu."

Kommunip 15. november 2006-imi imatut akivaanga:

"B-p A-mut pappilissat piginnittusaaanermut B-... atsiorsimasaat najoqqutaralugu sinniisuusinnaaneranut paasissutissiisuutinneqarpoq."

Tamatuma kingornatigut oqaaseqaateqaarpunga:

"Kommunip akisussaaffigaa inuk kommunip atassuteqarfigisaata illua'tungiusumut sinniisaasinnaanera qulakkiissallugu. Tamatumunnga pisut malillugit allakkatigut pinsinaatitsissummik pisariaqartitsisoqassaaq.

Kommunip suliami illua'tungiusup sinniisoqartitsineranut tunngasup B-p B-...-mik piginneqataanerani uppersaaserneqartoq innersuussutigisimavaa.

Oqaatigaara piginneqataaneq nalinginnaasumik piginneqataasumut sinniisaasinnaatitaanermik nassataqartitsisanngitsoq.

Piginnaatitsissut ersersinneqartarpoq piginnaatitsisuusup piginnaatitaasullu akornanni isumaqatigiisummit imaluunniit piginaatitaasoq piginnaatitsisuusumut imikkut ittumik inissisimanerani, tak. tamanna pillugu isumaqatigiissuteqartarneq pillugu inatsimmi § 10, imaattunik oqaasertaqartoq:

"§ 10. Kinaluunnit inummik allamik nammineq sinnerluni allanik aalajangersaaqatiginninniarnissamut pisussanngortitsisimasooq ingerlaannartumik inuup pingajuusup tungaanut pisassaqaartunngorlunilu pisussaaffeqalissaaq aalajangersaaqatigiinniarnerni sinniisuusup sinniisutut pisussanngortitsisooq sinnerlugu pisussaatsinerullu killingisa iluanni naammassisimasaani.

Imm. 2. Kinaluunniit allamik isumaqatiginnissimanani malillugu atorfirmik inatsit imaluunniit ileqquliussaq malillugu killissaatit aalajangersimasut iluanni alla sinnerlugu qanoq iliuuseqarsinnaatitaanermik nassataqartumik tigummissaqartoq inunnik allanik aalajangersaaqatiginninnernik killissaatit taakkua iluanniittunik iliuuseqarsinnaanermut alla sinnerlugu piginnaatitaasutut isigineqassaaq."

B aamma A inooqatigiittut kommunip ilisimappagu kommunip erseqqinnerusumik uppersaasersuisoqanngikkaluartoq pisinnaatitsineranut tunngasortaanut akuersaarnera pillugu oqaaseqaatissaqanngilanga.

Isumaqarpunga kommunip suliami illua'tungiusumut sinniisoqartitsineranut tunngaviusooq eqqumaffigisimasariaqaraluaraa."

Suliaq 2

Kommunimut 26. maj 2006-imi imatut allappunga:

"Suliaq akiliinissaq pillugu kommunimut isumaqatigiisummik A-mit atsiorneqarsimasumik imaqarpoq.

A suliffeqarfik sinnerlugu atsiorsinnaatitaanersoq suliami paasissutissiissutigineqarsimanngilaaq.

Oqaatigaara kommuni ingerlatseqatigiiffinnut (anparts- aama aktieselskabinut) attaveqassappat kommunip manna qulakkeertariaqaraa, tassalu ingerlatseqatigiiffik pineqartoq inummit imaluunniit inunnit ingerlatseqatigiiffik sinnerlugu atsiorsinnaatitaasumit/-nit, taamatut atsiorsinnaatitaanermut piginnaatitsissummik pigisaqartumit/-nit sinniisuuffigineqarnera pillugu suliami uppernarsaatissaqassasoq.

Taamaattumik kommuni qinnuigaara A suliffeqarfik sinnerlugu atsiorsinnaatitaasuunersoq paasissutissiissutigequllugu."

Kommunip 15. november 2006-imi imatut akivaanga:

"Qulaani taaneqartumut oqaatigissavara A-p suliffeqarfik ApS ... sinnerlugu atsiorsinnaatitaanera erseqqissumik oqaatigissagaanni takussutissaqanngilaq, atsiorsinnaaneranullu tunngatillugu atorrunnaarsitsineq nalunaarutigineqarumaarpoq, atsiorsinnaatitaanermut piginnaatitsissummik takussutissaqannginneq tunngavigalugu."

Tamatuma kingornatigut imaattunik oqaaseqaateqarpunga:

"Kommunip akissutaa imatut paasivara inuk anpartsselskabimut sinniisuusoq pisinnaatitsissut pisariaqartinneqartoq pigisassagaa kommunip siunissami qulakkeertarniaraa."

Ataatsimoortunik inatsisilerinikkut naammineersinnaasunik pinngitsaaliilluni akiliisitsiniarnernut aggeqqusisarneq

Suliaq 1

Kommunimut 26. maj 2006-imi imatut allappunga:

"... suliami ilaavoq aggeqqusissut 14. oktober 2005-imeersoq, tassa ingerlatseqatigiiffik pinngitsaaliilluni akiliisitsiniarnermut aggeqquneqarluni.

Tamanna pillugu oqaatigaara Kalaallit Nunaanni eqqartuussisarneq pillugu inatsit ingerlatseqatigiiffinnik assigisaannillu aggeqqusinissamut tunngavissamik imaqanngitsoq. Taamaattumillu ingerlatseqatigiiffiup aqutsisui siulersuisuulu pinngitsaaliilluni akiliisitsiniarnermut takkutinnngitsoorpata politit ikiortigalugit sassartinnissaannut aamma inatsisitigut tunngavissaqanngilaq, taamatuttaarlu akissarsianit unerartitsineq ingerlatseqatigiiffinnut (anparts- aamma aktieselskabinut) akiliisitsiniutitut atorneqarsinnaanani."

Kommunip 15. november 2006-imi imatut akivaanga:

"Tassunga atatillugu kommunip ilisimasimangilaa suliffeqarfiup pineqartup aalajangiineri, pinngitsaaliilluni akiliisitsiniarnermi tunngasunik, tassuunali atussallugu nalunaarutigissavarput ingerlatseqatigiiffiit pigisanik nalilinnik nassuiaasinnaanermik."

Tamatuma kingornatigut imaattunik oqaaseqaateqarpunga:

"ApS ...-p akiliisitsiniartartumit naammassinninniarfigineqarnissamut aggeqquneqarneranik kommunip akissutaa pillugu oqaatigaara, kommunip akissutaa qanoq paasineqassanersoq uannut erseqqarlummat.

Isumaqarpungali kommunip anparts- aamma aktielselskabinik akiliisitsiniartartumit naammassinninniarneq pillugu aggeqqussuteqarnermi akiligassaqaartunik aamma akissarsianit unerartitsisarneq pillugit politiinut sassartitsisarneq pillugu malittari-sassanut innersuussisannginnissaa inassuteqaatigissallugu pissutissaqaartunga."

6. Sulianut ukiuni siusinnerusuni nalunaarutini eqqartorneqartunut malitseqartitsineq. Naammagittaalliuutit pillugit suliat

2004-mi ukiumoortumik nalunaarut, immikkoortoq 6, quppernerit 400 tulluilu

Tjenestemandip atorfimmini appariartinneqarneranut nuutsitaaneranullu atatillugu suliap amigaatilimmik paasissutissartalersorneqarsimanera (J. nr. 11.04.21.01/047-02)

A-p eqqartuussissuserisuanut 26. juli 2007-imi imatut allappunga:

"Suliap Namminersorerullutik Oqartussani Sulisoqarnermut Pisorta qarfiup aamma A-p eqqartuussivikkoortitsinissaq pinngitsoortinniarlugu isumaqatigiissuteqarnerisigut inaarsarneqarsimaneranik eqqartuussissuserisoqarfiup ilisimatitsissutaa 15. juni 2007-imi tiguara.

Suliaq tamatuma kingornatigut Ombudsmandimit inaarlugu suliarineqartutut isigaara."

2006-imi ukiumoortumik nalunaarut, immikkoortoq 5, quppernerit 60 tulluilu

Qinnuteqaataannigsumik soraarsitsineq - suliap amigartumik paasissutissartalersorneqarnera (j. nr 11.01.21.01/059-05)

A-p eqqartuussissuserisuata suliامي illua'tungiusup isumaanik tusarniaatitut nas-siunneqartumut akissut imaattoq allakkatigut 11. januar 2007-imeersutigut nas-siuppa:

"Allakkatit 1. december 2006-imeersut innersuussutigalugit oqaaseqaatinik imaattunik aammat-taaq Sulisoqarnermut Pisorta qarfimmu saqqummiunneqarsimasunik A sinnerlugu saqqummius-sissaanga.

Sulisoqarnermut Pisorta qarfiup paasissutissiisutaani takuneqarsinnaangilaq atorfeqartitaasut sinneri (kigutigissaasut, kigutileriffimmi ikiortit kigutillu nakorsaat) siusinnerusukku oqaaseqaateqarsimasut ataatsimiinnermut D-p, E-p C-llu (kigutileriffimmi ikiortit) oqaaseqaatiminnik itisilerinissaminnut periarfissaqarfigisaannut aggeqquneqarsimanersut. Taamaappat atorfeqartitaasut allat A-mik suleqateqarnermik qanoq isiginninersut aamma oqaatigineqarsimanngilaq. Ataatsimiinneq taaneqartoq pillugu imaqarniliarpiaq ataatsimeeqataasunut apeqqutini saqqummius-sa-nik takutitsisoq pineqanngilaq, naallu pineqartut A-mik toqqissisimanarinissimannikkaluartut tamanna A-p suleqatigiinnermi ajornartorsiutitut pingaarnertut pissutaaneranut uppersaataa-sinnaangilaq, taamatuttaarlu erseqqilluni kigutilerisut pisortaanerat B imaluunniit Sinerissami

Aqutsisoqarfik soraarsitsinermut taarsiullugu iliuusaasinnaasumik nassaarniarlutik misiliisi-mangitsut.

Z-p kigutileriffiani A-p ulloq suliffia siulleg tassaavoq marlunggorneq 1. februar 2005. Sapaatip akunnerata tulliani pingasungornermi 9. februar 2005-imi B aamma A aporaapput. Aporaanneq taanna pillugu B-p A-llu oqaatigisaat assigiinngilluinnarput. B oqarpoq aporaanneq "tamanit" annerusumik annikinnerusumilluunniit malinnaaffigineqarsimasoq. Kigutilerisut pisortaanerata (...-p) sulisut taakku "tamaasa" pisimagunangilai, allakkaminilu 29. marts 2005-imeersuni A-p aporaanneq pillugu oqaasii iserfiginngivillugit isumaqarluni illua'tungeriit ataatsimeeqatiginissaat assersuutigaluguluunniit ajornartorsiutit akuerineqarsinnaasumik aaqqinneqarnissaat siunertaralugu sulisoqarnermi siunnersortip akuliunnissaa pisariaqanngitsutut isigalugu. Aporaannerli taanna pillugu allakkamini allakkatigut mianersoqqusisoqarnissaa naammattutut isigalugu, tamannalu immi Sinerissami Aqutsisoqarfiup sulianik sulisunut tunngasunik suliarinninnermi malittarisassat malinneqarnissaannik eqqumaffiginninnissaanut naammassimasariaqaraluarpoq. Taamaattoqarsimangilarli.

Soraarsitsisoqarnissaanik aalajangiineq 9. februar 2005-imi aporaannerup kingornatigut qaamatit marlungunngitsulluunniit qaangiuttut pivoq, mailimi 8. april 2005-imeersumi oqaatigineqartut kigutilerisut pisortaata sulianik sulisumut tunngasumik suliarinnittumut saaffiginninneratigut, A-p inuttut "eqqissiviilliornermut pissutaanerani" ilimaginninneq tunngavigigunarlugu. Sullitara sumilluunniit aaqqiinarnissaminut periarfissaqarsimangilaq, allaat suna aaqqissanerlugu ilisimasimanagu, ajornartorsiutit "0-inngortinneqarnissaat" eqqaassanngikkaanni (mianersoqqussut 17. marts 2005-imeersoq).

Kinguleruttoq tassaavoq Kalaallit Nunaanni Namminersorerullutik Oqartussat A-p soraarsinneqarnerani aalajangiussinermikkut sulisoqarnermik ingerlatseriaatsimik imaattumik pilersitsisut, tassalu sulisup annertuumik ilinniagaqarsimasup suleqatini taarsigassani pulaassaguniuk akuersissummik peqassasoq (A-p X-ip kigutileriffianut 22. februar 2005-imi pulaarneranut B-p qisuarriarnera), tassanilu ilusilersorluugaasumik suleqatigiinnikkut aaqqiinarnermi pisut ajornerpaaffianni soraarsitsinermut tunngaviusup torersumik uppenarsaasersorneranut atorpeqartumik nukissaminernik asiutiinnarneqanngitsunik atuinerlutik taarsiullugu sulisumik ilinniarluarsimasumik suleqatigiinni amigaataasuni soraarsitsipallanneq piumaneqarnerulluni.

(...) (Atorfeqarfimmi nutsigaavoq)

Sulisoqarnermut Pisortaqarfimmut 19. januar 2007-imi imatut allappunga:

"Sulisoqarnermut Pisortaqarfiup suliaq qulaani taaneqartoq pillugu allagai 16. november 2006-imeersut kiisalu eqqartuussissuserisup ...-p suliama illua'tungiusup isumaanik tusarniaaneq pillugu allagai 11. januar 2007-imeersut, assilinerat ilanngullugu nassiunneqartoq, tiguakka.

Pisortaqarfiup aalajangiinnermini 22. september 2006-imeersumi oqaatigaa suliap suliareqqinneqarnerani itisilerutaasumik nassuiaatit D-mit, E-mit C-millu pissarsiarinianeqarsimasut, tamatumalu kingornatigut manna assortuussutigineqarsinnaanngitsutut isigineqartoq, tassalu A X-ip Kigutileriffiani pisortarisanut atorfeqartitaasunullu suleqatigiinnikkut ajornartorsiuteqarnermi an-

6. *Sulianut ukiuni siusinnerusuni nalunaarutini eqqartorneqartunut malitseqartitsineq. Naamma-*

nertunerpaamik pisuusoq. Aammattaaq naliliisoqarpoq A tassaasoq suleqatigiinnermi ajornartorsiutinut taakkununga pissutaanerpaasoq.

Pisortaqarfik tassani aamma allappoq:

"Tamatum kingornatigut manna aalajangiusimaneqarpoq, tassalu soraarsitsineq suliamut atuumassuteqarluinnartunik tunngavissaqarsimasoq, Sulisoqarnermullu Pisortaqarfik soraarsitsinermik aalajangiusimanninniarluni oqaatigineqartut aalajangerpoq, tassami soraarsitsinermut tunngaviusutut itisilerisumik nassuiaatit qulaani taaneqartut saniatigut taamatutaaq allakkani soraarsitsissutaasuni tunngavilersuutit aamma innersuussutigineqarmata." (Atorfeqarfimmi nutsigaavoq)

Sulisoqarnermut Pisortaqarfiup nutaamik aalajangiinera imatut paasivara suleqatigiinnermut ajornartorsiutit pikkorlunnerlu pillugit tunngavilersuutit A-p soraarsinneqarnissaanik aalajangeeqqarnermi 31. maj 2005-imeersumi taaneqartut pisortaqarfiup aalajangiusimagai.

Taamaattumik Sulisoqarnermut Pisortaqarfik allakkanni 19. oktober 2006-imeersuni qinnuigaa-
ra oqaaseqaatima suliamik suliarinninnermi kukkunerit allaaserineqartut aqqinniarlugit qanoq annertutigisumik iliuseqarnissamut pisortaqarfik pissutissaqalersissimaneeraat uannut nalunaarutigeqqullugu.

Pisortaqarfik akissummini 16. november 2006-imeersumi ilaatigut imatut allappoq:

"...

Suliap paasissutissartalersorneqarnissaa siunertaralugu D-p, E-p C-llu allakkatigut oqaaseqaataat Sulisoqarnermut Pisortaqarfiup itisilerteqqammerpai. Tamatum kingornatigut naliliisoqarpoq suliaq Sulisoqarnermut Pisortaqarfiup soraarsitsinermut tunngavissaqarnersoq naliliisinnaajumalluni naammattumik paasissutissartalersorsimagaa.

Soraarsitsinermi tunngavilersuutaasumut atatillugu oqaatigineqassaaq qulaani taaneqartut nassuiaataat erseqqissumik uppernarsaasersugaasut, inuit taakku A-p suleqatiginerani taakkuusunik ajornartorsiuteqartut aamma A tassaasoq suleqatigiinnermi ajornartorsiutinut pissutaanerpaasoq." (Atorfeqarfimmi nutsigaavoq)

Pisortaqarfik oqaaseqaatinnik 7. marts 2006-imeersumik tamatumunnga atatillugu eqqaaseqqippara.

Tassani oqaatigaara A mianersoqqussummik 5. april 2005-imi tigusaqarsimasoq, tamatumalu kinguninnguatigut, tassa 8. april 2005-imi, A-p soraarsinniarneqarneranik suliaq aallartissimasoq.

Tamatumunnga atatillugu tikkuarpara pisoq pillugu mianersoqqusisoqarsimatillugu pisoq taanaasoq sulisitsisup kingusinnerusukut soraarsitsinermi tunngavilersuutitut atorsinnaanngikkaa, pisoq pineqartoq atorfeqartitaasup piffissami akunnermiliuttumi aqqqissimappagu.

Oqaatigaara A-p mianersoqquneqarneranit soraarsitsinialernerup tunngaanut piffissap sivikinnera pissutigalugu pissutsinik mianersoqqussuteqarnermut tunngaviusunik aqqqiinissaminut A pe-

riarfissaqarsimangitsoq. Pissusilersorneq mianersoqqussummi tassani aallaaserineqartoq kingu-sinnerusukkullu soraarsitsinermut tunngavilersuutit taaneqartoq A-p pissusilersuutigeqqissima-neraa suliami aamma takuneqarsinnaanngilaq.

Taamaattumik A-p suleqatigiinnermi ajornartorsiutit taaneqartut innersuussutigalugit soraarsin-eqarsinnaanera qularnartutut isigaara.

D-p, E-p C-llu itisilerutaasumik nassuiaataannit suliap suliareqqinneqarneranut atatillugu pissar-siarineqarsimasunit suli manna takuneqarsinnaanngilaq, tassalu pissusilersorneq mianersoqqusi-nermut pissutaasoq soraarsitsiniarnermik aallartitsisoqannginnerani pissusilersuutigeqqinneqar-simansoq. Pissutsit allaaserineqartut soraarsitsinermut tunngaviusunut ilaatinneqarsinnaanerat tamatuma kingornatigut qularnartutut isigisariaqarpoq.

Aammattaq oqaatigaara atorfinitsitsinermi oqartussaasup sulisorisami pikkorlunnera qinnute-qaataanngitsumik soraarsitsinermi tunngaviutinniaruniuk tamatuma annertussusia imarisaalu up-vernarsartariaqarai. Uanga paasinninnera unaavoq A-p soraarsinneqarnissaanik aalajangiinnermut atatillugu tamanna pisimangitsoq.

A-p suliatigut pikkorlunneraganera pillugu apeqqut Sulisoqarnermut Pisortaqarfiup kingul-lermik aalajangiinini sioqullugu erseqqinnerusumik misissorsimangimmagu uanga paasinnin-nera suli unaavoq pikkorlussuseq, ilumut taamaassimappat, qanoq annertutigisimansoq upper-narsarneqarsimangitsoq. Taamaattumik taamatut isiginninneq aalajangiinnermi tunngaviusumut aamma ilaasinnaanngilaq.

Oqaaseqaatinni aammattaq oqaatigaara suliami soraarsitsinermut tunngasumi pisoq aalajanger-simasoq suliami illua'tungiusumit allanilluunniit qularutigineqarpat oqartussaasup soraarsitsisup tamanna uppersaaserniartariaqaraa. Soraarsitsinermi oqartussaasup soraarsitsineq pillugu ta-matuma kingornatigut allakkamini soraarsinneqartumut tunngavilersuummut ilaatillugu nassuiar-tariaqarpaa tunngavilersuut ataaseq tunngavilersuutinit allanit pingaarnerutillugu sooq isiginiar-neqarsimansoq.

A-p eqqartuussissuserisuata suliami illua'tungiusumik tusarniaaneq pillugu Sulisoqarnermut Pi-sortaqarfimmut allagaani 13. september 2006-imeersumi periaaseq A-p suleqatigiinnermi ajor-nartorsiutitut allaaserineqartunut pissutaanerpaaneramik uppersaasersuiniarnermut atatillugu Sulisoqarnermut Pisortaqarfiup malissimasaa apeqquserpaa. Pisortaqarfiup aalajangiinnermini ta-manna pillugu imaattut oqaatigai:

"Suliami illua'tungiusup isumaanik tusarniaanermit akissummik A sinnerlugu suliami saqqum-miussivutit, tamatumunngalu peqatigitillugu oqaatigineqassaaq taanna suliallu tassani allaase-rineqarnera A-p soraarsinneqarneramik aalajangiussisimanissamik aalajangernerup allangor-tinnissaanut pissutissaqalersinngitsut." (Atorfeqarfimmi nutsigaavoq)

Issuarneqartut imatut paasivakka Sulisoqarnermut Pisortaqarfik tassani isumaqartoq suliami il-lua'tungiusup isumaanik tusarniaanermit akissut A-p soraarsinneqarneramik aalajangiussisima-nissamik pisortaqarfiup aalajangiinneranit allaasumik aalajangiinissaanut pissutissaqalersinngik-kaa.

6. Sulianut ukiumi siusinnerusuni nalunaarutini eqqartorneqartunut malitseqartitsineq. Naamma-

Taamaattoarli Sulisoqarnermut Pisortaqarfik eqqartuussissuserisup oqaatigisai pillugit taakku suliamik naliliiffiginninnermi qanoq iliorlutik ilaatinneqarsimanerannik ersarissitsisumik isummerfiginnissimangilaq, matumani pisortaqarfiup akuliutsinneqartut allat oqaaseqaataannik (ilasutaasunik) aalajangiineq sioqqullugu pissarsiniarsimanginnera ilanngullugu eqqarsaatigalugu.

Tamanna tunngavigalugu, oqaaseqaatigalu 7. marts 2006-imeersaq innersuussutigalugu, uanga paasinninnera unaavoq Sulisoqarnermut Pisortaqarfiup A-mik soraarsitsineq pillugu suliamik suliarinneqqinnermini inassuteqaatikka naammattumik malissimangikkai, taamatuttaarlu pisortaqarfiup aalajangiinera 22. september 2006-imeersaq suliamik suliarinneqq amigartaq tunngavigalugu pisimasoq.

Taamaalilluni pisortaqarfiup aalajangiinerata suliamut tunngassuteqarlunnaangitsunik tunngaveqarluni pisimaneramik ilimatsaassineq pilerpoq, tassami inerniliineq pineqartoq anguniassa-gaanni tunngavissat naammattut saqqummiunneqarsimangimmata.

Taamaattumik Sulisoqarnermut Pisortaqarfik qinnuigaara kukkunerit allaaserineqartut pisortaqarfiup qanoq iliorluni aqqinniarnerai nalunaarfigeqqullunga.

Sulisoqarnermut Pisortaqarfik isornartorsiorneqartut isiginiarlugit suliaq massakkut suliareqqis-sinnaanagu isumaqarpat pisortaqarfik qinnuigineqarpoq A aningaasanik taarsiivigineqarnissami-nik piumasaqaateqarsinnaanersoq immikkut misissoqqullugu.

Pisortaqarfiup akissuteqarnissaa matuma kingornatigut utaqqimaarpara, akissutillu qanoq ima-qarnissaa apeqqutaatillugu Kalaalit Nunaata Eqqartuussivianut inassuteqaatiginiarlugu soraarsit-sisimanermit atatillugu Sulisoqarnermut Pisortaqarfiup eqqartuussivikkoortumik suliaassiisuti-gisinnaanissaanut A-p imminut aningaasartuutaanngitsumik suliaassiisuteqarnissaa akuerineqas-sasoq."

Sulisoqarnermut Pisortaqarfik 21. februar 2007-imi imatut akivoq:

"Inatsisartut Ombudsmandiata allagaanut 19. januar 2007-imeersunut uiggiullugu Sulisoqarner-mut Pisortaqarfiup suliaq matumuuna uterfigissavaa.

Inatsisartut Ombudsmandiat allakkani qulaani taaneqartunik eqikkaavoq A-p soraarsinneqarnis-saanik aalajangiinerup suliamut tunngassuteqanngitsumik aalajangiinerunera ilimagineqartoq.

Kukkunerit Inatsisartut Ombudsmandiata naliliinermigut kukkunertut isigisai Sulisoqarnermut Pisortaqarfiup aqqinniarlugit misilissimavai. Kukkunerit Inatsisartut Ombudsmandiata inner-suussutigisai Sulisoqarnermut Pisortaqarfiup aqqissinnaannginnamigut pisortaqarfik naliliivoq suliaq isornartorsiu-titut saqqummiunneqartut isiginiarlugit suliareqqis-sinnaanagu.

Sulisoqarnermut Pisortaqarfik tamatuma kingornatigut Inatsisartut Ombudsmandiata allagaanut uiggiullugu naliliivoq A aningaasanik taarsiivigineqarnissamik piumasaqaateqarsinnaatitaasoq.

Kigutilerisut taamani isumaqatigiissutaanni soraarsitsineq pillugu § 17, imm. 1-imi aalajanger-sakkamit erserpoq funktionærit pillugit inatsimmi soraarsitsisarneq pillugu malittarisassat atorne-

qassasut. Taamatutaaq matumani funktionærit pillugit inatsimmi § 2b atorneqassaaq, tassami taanna tassaammat funktionærit pillugit inatsimmi soraarsitsisarneq pillugu malittarisassaq. A-li ukioq ataaseq inorlugu atorfeqartitaasimammat funktionærit pillugit inatsimmi § 2b tunngavigalugu taarsiisuteqarnissamut periarfissaqarnaviangilaq.

Tamatuma kingornatigut apeqputaalerpoq A pisortat ingerlatsiviata iluani atorfinititsisarneq pillugu inatsiseqartitsinermi periaaseq aallaavigalugu aningaasanik taarsiivigineqarsinnaatitaassanersoq.

Pisortaqarfiup aalajangiinera suliamut tunngassuteqanngitsut aallaavigalugit pisimanissaa ilimanartoq Inatsisartut Ombudsmandiat naliliimmat Sulisoqarnermut Pisortaqarfik aalajangerpoq A ... kr.-nik aningaasartaqartunik taarsiiviginarlugu, qaammammi ataatsimi akissarsiat amerlaqataannik.

Taarsiissutit naliliineq tunngavigalugu tunniunneqarput. Taarsiissutit aningaasartaasa amerlassusissaannik naliliinnermi amigaatit Inatsisartut Ombudsmandiata uparuagai, atorfeqartitaanerup si-visususia aamma atorfinititsisarneq pillugu inatsiseqartitsinerup atuuffiani periaaseq isiginiarneqarput.

Allakkat ukua assilinerat A-p eqqartuussissuserisuanut nassiunneqarpoq, taanna qinnuigineqarluni kontonormu taarsiissutinik ikisiffiusinnaasoq nalunaarutigeqqullugu." (Atorfeqarfimmi nutsigaavoq)

Suliaq Sulisoqarnermut Pisortaqarfik eqqarsaatigalugu allakkatigut 23. marts 2007-imeersutigut imaattutigut inaarlugu suliaaraa:

"Sulisoqarnermut Pisortaqarfiup suliamut qulaani taaneqartumut atatillugu allagai 21. februar 2007-imeersut tiguakka.

Sulisoqarnermut Pisortaqarfiup oqaatigaa A suliamik suliarinninnermi kukkussutinut uparuarsimasannut atatillugu ... kr.-nik aningaasartaqartumik, qaammammi ataatsimi akissarsianut naaperuuttunik, taarsiivigineqassasoq pisortaqarfik aalajangersimasoq.

Taarsiissutigineqartussatut neqeroorutigineqartut naammaginaruunersut imaluunniit suliassarqarfimmi tassani periaatsimut naaperuuttuunersut erseqqinnerusumik naliliinngilanga.

Immikkuualuttunik apeqqutip taassuma qulaajaavigineqarnerani ilaasussanik erseqqinnerusumik oqimalutaaneq uanga paasinninnera malillugu eqqartuussiviit ataanni suliarineqartussatut naleqgunnerpaapput, taamaattumillu taakku aallaavittut uanga sulininni killissarititaasut avataanniil-lutik.

Uanga paasinninnera unaavoq inassuteqaatiga Sulisoqarnermut Pisortaqarfiup A-mut suliamik suliarinninnermi kukkussuteqarsimaneq pissutigalugu aningaasatigut taarsiisuteqarnissamut neqeroorutigineqartukkut malissimagaa, taamaattumillu suliamut atatillugu annertunerusumik iliuuseqaqqissanngilanga.

6. Sulianut ukiuni siusinnerusuni nalunaarutini eqqartorneqartunut malitseqartitsineq. Naamma-

(...)"

2006-imi ukiumoortumik nalunaarut, immikkoortoq 5, quppernerit 108 tulluilu

Sulisunut inissianik innersuussinermut atatillugu inatsisitigut tunngavik aamma pisinnaatitaaneq pillugit apeqqutit (j.nr. 11.01.24.01/098-05)

Ineqarnermut Attaveqarnermullu Pisorta qarfi mmu t 2. januar 2007-imi imatut allappunga:

"Suliap suliareqqinneqarneranik pisorta qarfi up nassuiaatai 24. aamma 30. oktober 2006-imi ti guakka.

Taakkunanga erserpoq pisorta anerup suliami aalajangi innermini pisortanut inissiamik A-mut innersuussisoqarnissaani suut atugassaritinneqarnerat isummerfigisimanngikkaa, pisorta qarfi ullu inissiaq inissianik attartortitsisarneq pillugu Inatsisartut peqqussutaanni nr. 2-mi, 12. maj 2005-imeersumi § 20-mi atugassarititaasunut assingusunik atugassa qartitsilluni innersuussimagaa.

Oqaatigaara oqaaseqaatinni 20. juli 2006-imeersumi manna nassuiariga, tassalu Naalakkersuisut inissianik attartortitsisarneq pillugu Inatsisartut peqqussutaanni innersuussisarneq pillugu malit-tarisassat nassatarisaannik atugassarititaasunit allaasunik atugassa qartitsillutik innersuussinissa-minnut inatsisitigut tunngavissaqartut.

Taamaattumik uanga paasinninnera unaavoq pisorta qarfi up misissueqqaarnani manna aallaavi-gisinnaanngikkaa, tassalu pisorta anerup suliami aalajangi innerata Inatsisartut peqqussutaani ullu-mikkut atuuttumi § 20, pisorta anerup suliami aalajangi innerata kingornatigut atortuulersoq tunngavigalugu pisorta qarfi up inissiamik killilersuisunik atugassa qartitsilluni innersuussisinnanera nassatarigaa.

Taamaattumik inassuteqaatigaara suliaq pisorta qarfi up suliareqqissagaa, pisorta anerup aalaja-ngi innerata pisortanut inissiap inissianik attartortitsisarneq pillugu Inatsisartut peqqussutaanni nr. 2-mi, 12. maj 2005-imeersumi § 20 killiliisunik atugassaritaqartoq tunngavigalugu A-mut tunniussisoqarsinnaanerata erseqqinnerusumik qulaajarneqarnissaa siunertaralugu."

Pisorta qarfi up 18. januar 2007-imi imatut akivaanga:

"Ineqarnermut Attaveqarnermullu Pisorta qarfi up Ombudsmandip allagaa, 2. januar 2007-imeer-soq, A-p maalaarutaanut tunngasoq tiguua.

Ombudsmandip inassutigaa pisorta qarfi up, pisorta anerup aalajangi innerata kingunerisaanik pisor-tanut inissiaq sisamanik initalik, inissianik attartortitsisarneq pillugu Inatsisartut inatsisaanni nr. 2-mi, 12. maj 2005-imeersumi piunasaqaatit tunngavigalugit A-mut innersuunneqarsinnaaner-soq sukumi innerusumik paasiniarlugu suliaq qaqqeqqillugu suliarissagaa.

Taamaattumik pisortaqarfiup Ombudmandimit innersuussutigineqartoq tunngavigalugu suliaq qaqqeqippaa:

Ineqarnermut Attaveqarnermullu Pisortaqarfiup 2. januar 2007-imi Naalakkersuisut Allattoqarfianut apeqquteqarpoq, tassangaanniillu pisortaaneq sinnerlugu nalunaarutigineqarpoq, pisortanerup aalajangiinerata, 25. marts 2003-mi mailikkut nalunaarutigineqartup kingunerisaanik A allaffimmi pisortat pisortanut inissianut innersuunneqartarnerannut maleruagassat piffissami aalajangiiffiusumi, tassalu 25. marts 2003-mi atuuttut malillugit pisortanut inissiamut innersuunneqassasoq.

Piffissami aalajangiiffiusumi, tassalu 25. marts 2003-mi inissianik attartortitsisarneq pillugu Inatsisartut peqqussutaat nr. 5, 31. maj 2001-imeersoq, Inatsisartut peqqussutaatigut nr. 18-ikkut, 12. november 2001-imeersukkut allannguuteqartinneqartoq atuuppoq. Peqqussummi tassani § 3, imm. 2 malillugu Naalakkersuisut inissianik innersuussisarnermut maleruagassanik aalajangersaasinnaapput. Kiisalu peqqussut inissianik allaffimmi pisortanut, Namminersorerullutik Oqartussani atorfeqartunut qanoq iliorluni innersuussisoqartarnissaanik maleruagassanik imaqqangi-laq.

Pisortani sulisitsisunut, sulisunut inissianik ataatsimoortunik 25. marts 2003-mi atuisinnaatitaasunut kaajallaasitakkut 14. december 1995-imeersukkut atuutsinneqarpoq:

Atorfeqartoq inissiamik innersuunneqartumik tigusinissamut pisussaaffeqartoq, tamatumani atorfeqartup isumaqatigiissutaani atorfeqartup inissiamik immikkut ittumik, soorlu annertussusaanut sumilu inissisimaffissaanut tunngassutilimmik pininnaatitaasoq ersarissumik allassimangippat.

Atorfeqartoq inissiamik innersuunneqartumik tigusinissamut itigartitsisimasoq, inissiamut allamut innersuunneqarnissamut pininnaatitaaffeerutissasoq, taamaattumillu utaqqisut allattorsimafiannit peerneqassasoq.

Atorfeqartoq inissiamik innersuunneqartumik tigusinissamut itigartitsisimasoq, inissiiviugallartumullu inissinneqarsimasoq, inissinneqarallarnermi ajungitsorsiasaqartinneqarunnaassasoq, imaluunniit sulisitsisup akiligaanik inissiiviugallartumi najugaqarsinnaajunnaassasoq, taamaattumillu tamatuma kingorna inissinneqarallarsimaneq atorfillip nammineerluni akiligassarigaa.

Atorfeqartoq sumiginnaanini pissutigalugu sulisunut inissiamit najukkaminit anisitaasimasoq inissiamut allamut innersuunneqarnissamut pininnaatitaaffeqanngitsoq.

Kaajallaasitatut allakkiat Namminersorerullutik Ogartussani Allattoqarfimmiit Kaj Kleistimit aamma Peter Beckimit atsiorneqarsimavoq. Kiisalu kaajallaasitatut allakkiap imaa 2001-imi pisortani sulisitsisunut erseqqissaatigineqaqqippoq.

Ineqarnermut Attaveqarnermullu Pisortaqarfiup A/S Inissiaatilegatigiiffik INI aqqutigalugu allakkatigut 26. september 2006-imeersutigut A inissiamut sisamanik initalimmut, pisortanut inissianeersumut innersuuppaa, piunasaqaatit ullumikkut inissianik attartortitsisarneq pillugu Inatsisartut peqqussutaanni nr. 2-mi, 12. maj 2005-imeersumi § 20, imm. 2-mi allassimasut uku tunngavigalugit:

6. *Sulianut ukiumi siusinnerusuni nalunaarutini eqqartorneqartunut malitseqartitsineq. Naamma-*

- 1) Atorfeqartoq pisussaavoq sulisunut inissiaq innersuuneqartoq tigussallugu.
- 2) Sulisoq sulisunut inissiamik innersuunneqartumik tigusiumanngitsoq inissiamik allamik innersuunneqarnissamik pisinnaatitaaffeqanngilaq.
- 3) Sulisoq sulisunut inissiamik innersuunneqartumik tigusiumanngitsoq aammalu utaqqiisaagalartumik inissinneqarsimasoq, utaqqiisaagallartumik ineqartitaanerminut ajunngitsorsiassa-qartinneqarunnaassaaq imaluunniit sulisitsisup akiligaanik inissinneqarallarnini ingerlateq-qissinnaajunnaassallugu.
- 4) Sulisoq sumiginnaaneq pissutigalugu sulisunut inissiamit anisitaasoq inissiamut allamut innersuunneqarnissamut pisinnaatitaaffeqanngilaq.

Piumasaqaatit, A-p 26. september 2006-imi pisortanut inissiamut innersuunneqarnerani tunngaviusut, A-mut tunngatillugu 25. marts 2003-mi pisortani sulisitsisunut, sulisunut inissianik ataatsimoortunik atuisinnaatitaasunut kaajallaasitatut allakkiami pisinnaatitaaffiliunneqartut, inissiamut innersuunneqarnerani piumasaqaataasut assingaat. Taamaattumik A 26. september 2006-imi, piumasaqaatit pisortaanerup aalajangiigai tunngavigalugit pisortanut inissiaatinit inissiamik tunineqarpoq.

Taamaattumik suliap qaqqeqinnerani 26. september 2006-imi innersuussineq eqqortumik pisimasooq paasineqarpoq, taamaattumillu atuuttussaalluni."

Pisortaqarfimmut 2. februar 2007-imi imatut allaqqippunga:

"Pisortaqarfiup allakkannut 2. januar 2007-imeersunut akissutaa 19. januar 2007-imi tiguara, tamannalu tunngavigalugu uanga paasinninnera unaavoq:

- Naalakkersuisut pisortani sulisitsisunut inissianik ataatsimut immikkoortitanik pissarsisinnaasunut kaajallaasitatut allagaat 14. december 1995-imeersoq A-p inissiamik innersuunneqartumik akuersinissaanik pisortaqarfiup piumasaqaataanut inatsisitigut tunngaviusinnaanngitsoq,
- inissianik attartortitsisarneq pillugu Inatsisartut peqqussutaat nr. 5, 31. maj 2001-imeersoq, Inatsisartut peqqussutaatigut nr. 18-ikkut, 12. november 2001-imeersukkut allanngortinneqartoq aqutsinermi allaffissornikkut sulisut pisortat inissiaataanni attartortittakkani sulisunut inissiamik tunineqarsinnaatitaanerannik killiliinissamut inatsisitigut tunngavissamik imaqanngitsoq,
- A-p pisortaanerup aalajangiinera tunngavigalugu sulisunut inissiamik tunineqarsinnaatitaanini pigiinnarniarlugu inissiamik innersuunneqartumik tigusinissaanik aalajangersagaq inatsisitigut tunngavissaqanngitsoq aamma
- A-p inissiamik tunineqarnissaminik qinnuteqaataa atuukkunnaarpat pisortaqarfiup A sulisitsisumut nammineq attaveqarfiginnequllugu innersuuttariaqaraa, pisortaanerup aalajangiinera tunngavigalugu inissiamik innersuunneqarnissani kingusinnerusukkut kissaatigilissaguniuk.

Paasinninnera tulliuuttuni erseqqinnerusumik tunngavilersorpara.

Pisortaqarfiup oqaatigaa suliaq pisortaqarfiup suliareqqissimagaa, tamatumunngalu atatillugu Naalakkersuisut Allattoqarfiat ilassutaasumik oqaaseqaateqartissimallugu, taassumalu pisortaanerup suliami aalajangiinerata qanoq paasineqarnissaa erseqqinnerusumik nassuiarsimagaa.

Naalakkersuisut Allattoqarfiata Ineqarnermut Attaveqarnermullu Pisortaqarfimmut oqaatigaa A tunaartarisassat 25. marts 2003-mi aalajangiinerup nalaani pisortanut aamma allaffeqarfinni pisortanut inissianik innersuussisarnermi atuuttut malillugit pisortanut inissiamik innersuunneqasasooq.

Paasissutissiissutigineqartoq tusaatissatut tiguara, taamaattumillu suliami tamanna eqqarsaatigalugu annertunerusumik iliuuseqaqqissananga.

Malugaarali pisortaanerup suliami aalajangiinera pisortaqarfiup imatut paasigaa A pisortanut inissiamik sisamanik initalimmik innersuunneqarnissaminik piumasaqaateqarsinnaajunnaartoq, tassami inissiaq pisortaqarfimmit innersuunneqartoq allakkatigut 26. september 2006-imeersutigut tigujuimasimannginamiuk.

Pisortaqarfiup tamanna Naalakkersuisut pisortani sulisitsisunut inissianik ataatsimut immikkoortitanik pissarsisinnaasunut kaajallaasitatut allagaannik 14. december 1995-imeersumik tunngavilersorpaa.

Pisortaqarfiup oqaatigaa kaajallaasitamit tassangga ilaatigut manna ersertoq:

"Atorfeqartitaasoq inissiamik innersuunneqartumik tigusiumangitsoq inissiamik allamik innersuunneqarnissaminik soorunalimi piumasaqaateqarsinnaangitsoq, taamaattumillu utaqqisut allattorsimaffiannit peerneqassasoq." (Atorfeqarfimmi nutsigaavooq)

Pisortaqarfiup inissianik attartortitsisarneq pillugu Inatsisartut peqqussutaanni nr. 5-imi, 31. maj 2001-imeersumi, Inatsisartut peqqussutaatigut nr. 18-ikkut, 12. november 2001-imeersukkut allanngortinneqarsimasumi § 3, imm. 2 aamma innersuussutigaa, tassanilu aalajangersarneqarpoq Naalakkersuisut inissianik innersuussisarneq pillugu malittarisassanik erseqqinnerusunik aalajangersaasinnaasut.

Uanga paasinninnera unaavooq atorfeqartitaasoq sulisunut inissiamik innersuunneqartumik aqutsinermi allaffissornikkut tigusiumanginnissamut inissianik attartortitsisarneq pillugu peqqussummi 2001-imeersumi inatsisitigut tunngavissaqartoq, kaajallaasitarlu pisortaqarfiup innersuussutigisaa pisortaqarfiup taamatut pisinnaatitaanerani pilersitsinngitsoq.

Inissianik attartortitsisarneq pillugu Inatsisartut peqqussutaat nr. 5, 31. maj 2001-imeersooq malittarisassanik §§-ini 3-mit 5-imut imaattunik imaqarpoq:

"§ 3. Illuni Namminersornerullutik Oqartussanit kommuninilluunniit pigineqartuni inissiat inigineqanngitsut inissarsiortunut utaqqisut allattorsimaffiannut ilanngunneqarsimasunut innersuunneqartassapput, taamaattoq tak. §§ 4 aamma 5. Utaqqisut allattorsimaffiinik allaffissornikkut aqutsinermut inissarsiortut akiliisinneqartassapput.

6. *Sulianut ukiumi siusinnerusuni nalunaarutini eqqartorneqartunut malitseqartitsineq. Naamma-*

Imm. 2. Innersuussisarneq aamma attartortitsisarneq, aamma utaqqisut allattorsimaffiinik allaffissornikkut aqutsineq, taamatuttaaq utaqqisut allattorsimaffiannut allatsinnermut atatillugu aamma ukiumoortumik utaqqisut allattorsimaffianniiginnarniarluni uppersarsaaqqittarnernut atatillugu akiliutit akileqquneqartarnerat annertussusissaallu pillugit maleruagassanik erseqqinnerusunik Naalakkersuisut aalajangersaassapput.

§ 4. Utaqqisut allattorsimaffiannit § 3-mi taaneqartumit salliutillugit taaneqartutut tulleriinnilerlugit innersuussutigineqassapput:

...

§ 5. § 4 malillugu inigisanut taartissanik innersuussinissamut pisariaqartitat akuersissutigineqareerpata, utaqqisut allattorsimaffiannit § 3-mi taaneqartumit salliutillugit inissiat inigineqanngitsut imatut tulleriinnilerlugit innersuussutigineqassapput:

1) pisortat sullissiviini sulisunut inissiat ataatsimut sulisunut inissiatut immikkoortinneqarsimasunut pissarsisinneqarsinnaatitaasunut sulisunut inissiat, tak. § 6,

2) kommunit isumaginninnermi inissaqartitsinnermut siunertanut inissianik pisariaqartitaannik naammassinissamut inissiat, tak. § 7, aamma

3) nammineq kissaatigalugu nuunniartunut inissiat, taamatuttaaq inigisanik paarlaasseqatigiinnerit.

Imm. 2. Naalakkersuisut kommunit ataasiakkaat isumaqatiginiareerlugit inissianut siunertat assigiinngitsut akunnerminni imminnut agguaassinermi pissusissaat aalajangersassavaat."

Inatsisartut peqqussutaata piareersarlugu suliarineqarnerani Naalakkersuisut § 3, imm. 2 tunngavigalugu sutigut erseqqinnerusumik pisinnaatitaanerata oqaatigineqanngilaq.

Inatsisartut peqqussutaanni tassani § 5-imi sulisunut inissianik innersuussisarneq pillugu malittarisassat initaarniarlutik qinnuteqartunut innersuussisarneq pillugu § 3-mi malittarisassat atuutinngiffii pillugit aalajangersagaammata matuma aallaaviginissaa qaninnerpaajuvoq, tassalu Naalakkersuisut § 3, imm. 2 tunngavigalugu pisinnaatitaanerata inissianik § 3, imm. 1 tunngavigalugu innersuussinermut immikkut atatitaasoq.

Pineqartoq aammattaaq tassaavoq atorfeqartitaasup sulisumut inissiamik qaqugukkut tunineqarsinnaatitaalerternerata inissianik attartortitsineq pillugu Inatsisartut peqqussutaanni oqaatigineqannginnera.

Tamatuma nassataaraa atorfeqartitaasup sulisunut inissiamik tunineqarsinnaatitaanerminik annaasaqarnissaa pillugu malittarisassanik Naalakkersuisut Inatsisartut peqqussutaat taanna tunngavigalugu aalajangersaasinnaannginnerat.

Tamakkuva saniatigut pineqartoq tassaavoq kaajallaasitani tamanut saqqummiullugit nalunaarutigineqarsinnaanngitsuni malittarisassanik aqutsisoqarfiup innuttaasut eqqarsaatigalugit aalajangiinissaanut inatsisitigut tunngavissaliisunik aalajangersaasoqarsinnaannginnera. Malittarisassat

allaffissornermi aqutsinikkut aalajangersarneqartut innuttaasut pisinnaatitaaffiinik pisussaaffiinillu aalajangersaaffiginnittut tamanut saqqummiullugit nalunaarutigineqartussaapput, taamaatumillu nalunaarutit (bekendtgørelsitut) ilusilerlugit aallaavittut aalajangersarneqartussaallutik.

Taamaattumik uanga paasinninnera unaavoq pisortaqarfik A-p inissiamik pisortaanerup aalajangiinera tunngavigalugu innersuunneqarsinnaatitaanerani killiliinissaminut inissianik attartorneq pillugu Inatsisartut peqqussutaanni 2001-imeersumi aalajangersakkani taaneqartuni inatsisigtut tunngavissalerneqanngitsoq.

Tamatuma kingornatigtut apeqqutaalerpoq A-p pisortanut inissiamik innersuunneqartumik allakkani 26. september 2006-imeersuni tigusiumannginnera inatsiseqartitsinikkut sunik sunniuteqarnersoq.

Tamanna pillugu oqaatigaara Naalackersuisut atorfeqartitaminnut piumasaqaatit suut tunngavigalugit sulisunut inissianik neqerooruteqartarnissaat inissianik attartorneq pillugu peqqussutip 2001-imeersup oqaatigineqartutut isummerfiginngikkaa.

Taamaattumik inissiamik A-p atugassaanik innersuussinissamut pisortaqarfiup pisussaaffeqarnera atorfeqartitaasumut sunarpiaq neqeroorutigineqarsimanesoq aamma taassuma aalajangiinerup nalaani inatsisigtut atuuttut atorfeqartitaanermullu tunngasuni ataatsimut isumaqatigiisutaasutigut pisinnaatitaaffiit tunngavigalugit sunik piumasaqaateqarsinnaatitaanera aallaavigalugit aalajangiivigineqassaaq.

Sulisunut inissiap qanoq ittunik piumasaqaateqarluni innersuussutigineqarnissaa inatsiseqartitsinermi tunngavissat taakku tunngavigalugit aalajangerneqarsinnaanngippat apeqqut taanna pisortaqarfiup suliambut attuumassuteqarlunnartunik tunngaveqarluni ingerlatsinermi ingerlatsineq pillugu inatsiseqartitsinermi tungaaviit pigineqartut tunngavigalugit aalajangiivigisariaqarppaa.

Manna uanga aallaavigisariaqarpara, tassalu sulisunut inissiamik innersuussinermi (atorfik inissiamik sulisunut inissarequsaasumik ineqartussaataitanermik nassataqanngippat) suliap qanoq ittuussusia apeqqutaatillugu atorfeqartitaasup qinnuteqarnera tunngaviusariaqartoq.

Pisortani atorfeqartup sulisunut inissiamik tunineqarsinnaatitaanera atorfeqartitaanermut tunngasunut ilaalluinnarmat atorfeqartitaasup sulisunut inissiamik tunineqarsinnaatitaanerani apeqqut atorfeqartitaanerup immi ingerlatsineq pillugu inatsiseqartitsineq tunngavigalugu aalajangiivigineqarnerata pissuseqataatut isigineqartariaqarpoq.

Pisortaqarfiup suliamik suliarinneqqilerneq pillugu uannut allagai 3. oktober 2006-imeersut imatut paasivakka suliaq pisortaqarfiup suliareqqilersimagaa, A-llu pisortanut inissiamik sisamanik initalimmik tunineqarnissaanik pisortaanerup aalajangiinera malissimagaa.

Suliap uannut massakkut paasissutissiisutigineqarnera tunngavigalugu pisortaanerup aalajangiinera imaappoq A pisortanut inissiamik sisamanik initalimmik innersuunneqarsinnaatitaasooq, aalajangiinerullu nalaani malittarisassat atuuttut malillugit. Taamaalilluni pisortaanerup aalajangiinermini A inissiamik innersuussinermut piffissami killeqanngitsumi sunniuteqarnissamut pisinnaatitaaffilinngilaa.

6. Sulianut ukiumi siusinnerusuni nalunaarutini eqqartorneqartunut malitseqartitsineq. Naamma-

Taamaattumik apeqqut unaavoq pisortaqarfiup aalajangiinnermini inissiap aalajangersimasup piffissap aalajangersimasup iluani akuerineqarnissaanik piumasaqaateqarsimanera inatsisunik eqqortitsisuunersoq.

Sulisunut inissiamik tunineqarsinnaatitaaneq atorfeqartitaanermut tunngasut nassatarimmassuk inissiamik innersuussinerup piumasaqaatitalerneqarnera inatsisunik aallaavittut unioqqutitsineru-sussaavoq, sulisitsisup ingerlatsinermut aningaasaqarnermullu tunngasutigut iluaqutiginiagaa, atorfeqartitaanermullu tunngasuni inatsiseqartitsinermi tunngaviusunut attuumassuteqanngitsoq.

Oqaatigaara suliamit aamma ersertoq kaajallaasitaq pisortaqarfiup akissummini 18. januar 2007-imeersumi innersuussutigisaa pisortat utaqqiisaasumik ineqarallartitsinermut aningaasartuutaasa killilersimaarneqarnissaannik siunertaqartoq. Isiginiagassaq taanna A-p inissiamik tunineqarnis-samik qinnuteqaataata massakkut aalajangiivigineqarneranut attuumassuteqanngitsoq.

Tamatuma saniatigut A-p inissianik aalajangersimasumik innersuunneqarnissaminik nammineq piumasaqaateqarsinnaasussaanninnera A eqqarsaatigalugu pisimasutut ingerlatsiviup piumasaqaatinik aalajangersaanissamut tunngavissaqarsimaneranik apeqqutip aalajangiivigineqarnerani sunniuteqanngitsoq.

Tamakkua tunngavigalugit isumaqarpunga A-p aqutsisuunerup aalajangiinera eqqarsaatigalugu inissiamik tunineqarsinnaatitaanini pigiinnarumallugu inissiamik innersuunneqartumik tigusi-nissaanik pisortaqarfiup piumasaqaateqarnera isiginiarneqartariaqanngitsoq.

Tamatuma kingornatigut apeqqut kinguleruttoq tassaavoq pisortaanerup inissiamik atugassiisoqarnissaanik aalajangiinera A-p inissiamik neqeroortigineqartumik tigusiumannginneratigut atorunnaarnersoq aamma ingerlatsiviup nammineq suliniuteqarnermigut A inissiamik allamik neqeroorfigissaneraa.

Apeqqut siulleq pillugu oqaatigaara tamanna imaaliiallaannaq atuutinngitsoq.

Taamaattorli Højsteretsip periaasiani manna ilimagineqarpoq, tassalu ingerlatsinermi aalajangi-nerit tunngavigalugit akuersissutit pisinnaatitaaffiillu piffissap naammaginartumik sivisussusillip qaangiutinnginnerani atorneqartassasut. Tamanna uanga oqaaseqaatinni 1997-imi ukiumoortu-mik nalunaarutinni immikkoortoq 5, suliami 32-1-imi aamma tunngaviutippara.

A-p pisortanut inissiamik sisamanik initalimmik tunineqarsinnaatitaanera A-p Namminersorne-rullutik Oqartussat aqutsisoqarfianni allaffeqarfimmi pisortatut atorfinitsinneqarneranut oqaatigi-neqartut malillugu suli atuuttumut atatinneqarmat isumaqarpunga matuma ilimaginissaanut tunngavissaqanngitsoq, tassalu pisinnaatitaaffik taanna A-p inissiamik A/S Inissiaatileqatigiiffik INI-mit neqeroortigineqartumik tigusiumannginnera pissutigiiinnarlugu massakkut atorunnaar-simassasoq.

Apeqqut kingulleq inissiamik innersuussinermi periaatsimut attuumassuteqarpoq.

Pisortaqarfik inissiamik utaqqisut allattorsimaffiannik ingerlatseriaaseq tunngavigalugu innimin-nisimappat uanga paasinninnera unaavoq atorfeqartitaasunik naligiimmik pinnittussaanerup nas-satarigaa A-p utaqqisunut allattorsimaffimmi inissisimaffimminiiginnarnissaa pisortaqarfiup isu-

magisariaqaraa, A-lu pisortanut inissiamik sisamanik initalimmik tulliulluni inueruttumik neqeroorfigalugu. Pisumi tassani A pisortaqarfiup inissiamik allamik taamaallaat neqeroorfiginngitsoorsinnaavaa, A-p inissiamik tunineqarnissamik qinnuteqaataata massakkut atorunnaarsimane-ranik ilimaginninnissamat pisortaqarfik tunngavissaqarpat.

Pisortaqarfiulli utaqqisunik allattuiffimmi periaaseq tamatuma paarlattuanik atunngippagu uanga paasinninnera unaavoq pisortaqarfik pisinnaatitaassasoq A innersuutissallugu inissiamik atugas-sinneqarnissani kissaatigiguniuk nammineq nalunaaruteqaqqullugu, taamaalilluni pisortaqarfiup A inissianik inueruttunik ingerlaavartumik neqeroorfigisariaarullugu.

Taamaattumik pisortaqarfik qinnuigaara pisortaqarfik matuma kingornatigut qanoq iliuseqaler-saarnersoq uannut nalunaarutigeqqullugu."

Ineqarnermut Attaveqarnermullu Pisortaqarfiup 12. februar 2007-imi nalunaarfi-gaanga suliaq pisortaqarfiup massakkut suliareqqissimagaa, pisortaqarfillu tama-tuma kingornatigut allakkani 29. juni 2007-imeersuni imatut nalunaarfigaara:

"Ineqarnermut, Attaveqarnermut, Aatsitassanut Ikummatissanullu Naalakkersuisup qinnuigin-ninneratigut suliamik suliarinninnerminik Ineqarnermut Attaveqarnermullu Pisortaqarfiup nalu-naarutiginninneri 12. (...) februar 2007-imi tiguakka.

Pisortaqarfiup A-mut allagaanit 9. februar 2007-imeersunit erserpoq A tamatuminnga qinnute-qaruni sulisunut inissiamik "pisortaanerup aalajangiinera 25. marts 2003-imeersoq aamma attar-torneq pillugu peqqussummi malittarisassat sukkulluunniit atuuttut naapertorlugit" innersuunne-qarsinnaatitaallisasoq.

A-p inissiamik pisortaqarfiup siusinnerusukkut neqeroorutaanik tigusiumangginermigut sulisu-nut inissiamik tunineqarsinnaatitaanerata pisortaqarfiup tamatuminnga nalunaarutiginninnerati-gut atorunnaarsimangginnera tusaatissatut tiguara.

Oqaatigaarali pisortaqarfiup uannut allakkamini 18. januar 2007-imeersuni oqaatigigaa pisorta-qarfik pisortaanermut tusarniaanermini paasitinneqarsimasoq "A pisortanut inissiamik innersuun-neqassasoq, tunaartarisassat pisortanut inissiamik allaffimmi pisortamut innersuussisoqarnissaa-nik 25. marts 2003-mi aalajangiinerup nalaani atuuttut aamma tunngavigalugit.

Taamaalilluni pisortaanerup aalajangiinera 25. marts 2003-mi malittarisassat atuuttut innersuus-sutigalugit pisortaqarfiup saneqqussinnaangilaa, malittarisassat taakku tunngavigalugit malitta-risassat 25. marts 2003-p kingornatigut atuuttut naapertorlugit A pitsaanerusumik inissisimaler-sinnaassangippat.

Taamaattumik pisortaanerup aalajangiinera 25. marts 2003-meersoq tunngavigalugu A-p pisorta-nut inissiamik tunineqarsinnaatitaanini atorusuppagu A pisortaqarfiup inissiamik pisortaanerup aalajangiinera, pisortaqarfiup allakkamini 18. januar 2007-imeersuni eqikkarlugu saqqummius-saa naapertorlugu neqerooruteqarfigissagaa naatsorsuutigaara.

Suliami tamanna tunngavigalugu annertunerusumik iliuseqaqqissanngilanga."

Ineqarnermut Attaveqarnermullu Pisortaqarfiup kingusinnerusukkut ilisimatip-paanga A-p sulisitsisua pisortaqarfimmit nalunaarfigineqartoq illumik taamaattu-mik inueruttoqarpat A ilaqtariinnut illumik pisortanut inissiamik tunineqarsin-naassasoq.

2006-imi ukiumoortumik nalunaarut, immikkoortoq 5, quppernerit 151 tullilu

Akilaraarusiineramik Aalajangiisartut suliamik suliarinninnerannik naam-magittaalliuut, piginnaatitsissut (j.nr. 11.06.50.04/120-05)

Akilaraartarnermi Pisortaqarfiup akissutaa imaattoq 2007-imi tiguaara:

"Skatterådi 9. maj 2006-imi aalajangiisoq, 31. december 2006-imi atorunnaarpoq, tamatumalu kingorna Skatterådip allattoqarfiata Akilaraartarnermut Pisortaqarfik qinnuigaa Ombudsmandip apeqqutaa akeqqullugu.

Tamanna tunngavigalugu Akilaraartarnermut Pisortaqarfiup Ombudsmandimut erseqqissaatigis-savaa A-p ukiumut akilaraaruteqarfiusumut 2003-mut aningaasarsianit akilaraaruteqataasussanik isertitai pillugit Skatterådip allattoqarfiata kommuni qinnuigisimmamagu suliaq qaqqeqqullu-gu, tamannalu tunngavigalugu Akilaraartarnermut Pisortaqarfiup isumaa malillugu taamani Skat-terådimi ilaasortat 9. maj 2006-imi aalajangiinermi naammagittaallitip suliarineqaneranut pisin-naanngitsitaasimangitsut.

Ombudsmandimut ilisimatitsissutigissavarput Skatterådip aalajangigaa A-p eqqartuussivimmu-tingerlatissimangimmagu."

Akilaraarusiineramik Aalajangiisartunut 30. maj 2007-imi imatut allappunga:

"Akilaraarusiineramik Aalajangiisartut A-p naammagittaalliuutaanik suliarinnilinninnermi sulia-mik suliarinninnermi peqataasinnaassuseqannginnermik nassataqartumik suliaq pillugu isum-merfiginnissimanerata qanoq iliuseqarnissamut pissutissaqalersitsineranik isummerfiginninnis-saannik inassuteqaatinnut 29. november 2006-imeersumut Akilaraarusiineramik Aalajangiisartut akissutaat 11. maj 2007-imi tiguara.

Akilaraarusiineramik Aalajangiisartut inassuteqaatiga akillugu oqaatigaat Aalajangiisartut isuma-qartut suliaq suliarineqarnerani peqataasinnaassuseqannginneq atuussimangitsoq, tassami Aalajangiisartut allattoqarfiat, imaanngitsoq Aalajangiisartut namminneq, tassaammatt A-p 2003-mi akilaraarutigisassaani aalajangersaanerup suliareqqinneqarnissaanik kommunimut piginnaa-titsisimasoq.

Akilaraarusiineramik Aalajangiisartut aammattaq oqaatigaat A Akilaraarusiineramik Aalajangi-i-sartut aalajangiinerannut atatillugu eqqartuussivikkoortumik suliassanngortitsisimangitsoq.

Tamatumunnga atatillugu annertunerusumik iliuuseqartariaqarnerlunga isumminnginninni Akileraarusiinermik Aalajangiisartut qinnuigaakka manna pillugu paasisstisseeqqullugit, tassalu A eqqartuussivikkoortumik suliassanngortitsinissamut aningaasarsianit akileraarutit pillugit inatsimmi nr. 6-imi, 11. november 2004-meersumi § 59, imm. 1-imi piffissaliunneqartutut taaneqartumik ilitsersorneqarsimanersoq. Suliassat suliarineqartarnerat pillugu inatsimmi § 26 aamma taq innersuussutigaaara."

A-p eqqartuussivikkut suliassiissuteqarnissamut piffissaliussamik ilitsersorneqarsimanagera Akileraartarnermi Pisorta qarfiup allakkatigut 26. juni 2007-imeersutigut uppersarpaa.

Inatsisilerinermi pisortara Akileraarusiinermik Aalajangiisartunut tamanna tungavialugu 27. august 2007-imi imatut allappoq:

"Suliaq A-p Akileraarusiinermik Aalajangiisartut aalajangiinerannut 9. maj 2006-imeersumut atatillugu Aalajangiisartut aalajangiinerannik eqqartuussivikkoortumik suliassanngortitsinissamut piffissaliussaq pillugu ilitsersorneqarsimanageranik, tak. suliassat suliarineqartarnerat pillugu inatsimmi § 26, Akileraartarnermi Pisorta qarfiup uppersaataasumik allakkani 26. juni 2007-imeersuni nassiusaqarfigisaa massakkut uterfigaara.

Ombudsmandip tamatuma kingornatigut paasinninnera unaavoq manna pineqarsinnaasoq, tassalu aningaasarsianit akileraarutit pillugit Inatsisartut inatsisaanni siusinnerusukkut atuuttumi § 59, imm. 1 imatut paasineqartariaqartoq eqqartuussivikkoortumik suliassanngortitsinissamut piffissaliussap naanerata kingornatigut eqqartuussivikkoortumik suliassanngortitsinissaaneq mattunneqanngitsoq, eqqartuussivikkoortumik suliassanngortitsinermi suliap suliarineqarnerani peqataasinnaassuseqannginneq pillugu malittarisassat tungavilersuutigineqarpata. Ombudsmandip matumani manna pingaartillugu isiginiarpaa, tassalu suliap suliarineqarnerani peqataasinnaassuseqarneq pillugu malittarisassat ingerlatsiviup aalajangiinerisa inatsisunik eqqortitsisuunerannik eqqortuunerannillu qulakkeerinnittoqataaannissaannik siunertaqaannannginnerat, tamatumali saniatigut ingerlatsiviup suliamik suliarinninnerata tatigineqarunnaarneranik pilersitsisinnerup pakkersimaarneqarnissaanik aamma siunertaqarnerat.

Taamaattumik suliap suliarineqarnerani peqataasinnaassuseqarneq pillugu apeqqutip pineqartup eqqartuussivikkut suliassanngortitsinissaq siunertaralugu A-p imminut aningaasartuutaanngitsumik eqqartuussivikkut suliassanngortitsinissaata pineqartumut aningaasartuutaanngitsumik eqqartuussivikkoortumik suliassanngortitsinernik akuersissuteqartartunit akuereqqullugu kaammattuutiginnissaanut tungavissaqarsinnaanersoq Ombudsmandip isumaliutersuutigaa.

Ombudsmandi tamanna aallaavigalugu isumaqarpoq Akileraartarnermi Pisorta qarfiup akissutaa-ta 14. maj 2007-imeersup Akileraarusiinermik Aalajangiisartut aalajangiinerminni 9. maj 2006-imeersumi suliap suliarineqarnerani peqataasinnaassuseqarsimanagerannik pisorta qarfiup atortusaatitsiniarfiata erseqqinnerusumik isummerfiginnissaanut tungavissaqassalluni.

Taamaalilluni Akileraartarnermi Pisorta qarfiup paasissutissiissutigisaa manna Ombudsmandip maluginiarpaa, tassalu Akileraarusiinermik Aalajangiisartut allattoqarfiata K Kommuni A-p 2003-mi akileraaruteqaataasussatut isertitaasa amerlassusilerneqarnerisa suliareqqinnissaannut

6. *Sulianut ukiuni siusinnerusuni nalunaarutini eqqartorneqartunut malitseqartitsineq. Naamma-*

piginnaatissimagaa, Akileraarusiinnermillu Aalajangiisartut ilaasortaat aalajangiinnermi tassani peqataasimangitsut.

Matumani Ombudsmandip oqaaseqaataa 29. november 2006-imeersaq innersuussutigaa, tassanimi Ombudsmandip (oqaaseqaatip kalaallisuuani quppernermi 59-imi qallunaatuuanilu quppernermi 45-mi) Akileraarusiinnermik Aalajangiisartut suliap suliarineqarnerani peqataasinnaassuseqarsimanginnerannik naliliinnermut tunngavilersuutitit oqaatigimmagu Akileraarusiinnermik Aalajangiisartut allattoqarfiata aningaasarsianit akileraarutit pillugit inatsimmi § 115, imm. 5-imi oqaaseqatigiit kingulliit tunngavigalugit aalajangiineri Akileraarusiinnermik Aalajangiisartunut saqqummiunneqassasut.

Pisortaqarfik tamanna tunngavigalugu qinnuigaara allattoqarfiup K Kommunimut piginnaatitsinera Akileraarusiinnermik Aalajangiisartunut saqqummiunneqarsimanersoq paasissutissiissutigeqqullugu.

Taamaaliortoqarsimappat pisortaqarfik qinnuigaara Akileraarusiinnermik Aalajangiisartunut tamanna pillugu saqqummiussap aamma Akileraarusiinnermik Aalajangiisartut tamanna pillugu aalajangiinerisa kiisalu Akileraarusiinnermik Aalajangiisartut suliami taasinerat pillugu uppernarsaatit pigineqartut assilineri uannut nassiuteqqullugit.

Paasissutissat taaneqartut Ombudsmandip pisortaqarfimmit tigoreerunigit pisortaqarfiup allagaa-nut 7. maj 2007-imeersunut atatillugu annertunerusumik iliuuseqaqqissanerluni isummerniarpoq."

Akileraarusiinnermik Aalajangiisartut akissummik imaattumik 26. november 2007-imi nassippaannga, taannalu ukiup nalunaarusiuunneqartup naanerani suli akinngilara:

"Ombudsmandip allakkatigut 7/8 2007-imeersutigut pisortaqarfik qinnuigaa allattoqarfiup K Kommunimut piginnaatissuteqarnera Akileraartarnermi qullersaasunut saqqummiunneqarsimanersoq nassuiaateqarfigeqqullugu taamaattoqassappallu tamatumingaa isummerfiginninnissamut tunngavissiap nuutinnera Akileraartarnermi qullersaasunut aamma Akileraartarnermi qullersaasut aalajangiinerat kiisalu suliamut Akileraartarnermi qullersaasut taasinerat pillugu uppernarsaatit pigineqartut nassiunneqassasut kissaatigineqarpoq.

Ombudsmandimut paasissutissatut ilisimatissutigineqarsinnaavoq, Akileraartarnermut qullersaasut suliap ingerlanneranut piginnaatissuteqarnerat imatut isikkoqarmat.

Akileraarusiinnissamut piffissaliinnermi killiliussap qaangiutereernerani Kommunini akileraarusiinnermut pisortanut piginnaatissutitip nalunaarutiginnissaanut Akileraartarnermut qullersaasut allattoqarfiat piginnaatitaavoq, takuuk aningaasarsianik akileraarusiisarneq pillugu Inatsisartut inatsisaanni malittarisassaq, § 115 imm. 5, suliani taama ittuni ingerlaavartumik suliarinnittarnermi anguniarneqartoq.

Akileraartarnermut qullersaasut ataatsimiinnissaanni siullermi, suliassanut sorlernut Akileraartarnermut qullersaasut piginnaatitaanersut Allattoqarfiup ilisimatippai, Akileraartarnermut

qullersaasunut ilaasortat suliaasanut aalajangersimasunut apeqquteqarnissamut akissuteqarfigine-qarnissamullu periarfissaqarput.

Suliami aalajangersimasumi A-mut tunngasumi, K Kommuni, ulloq 2/6 2005-imi, angissusiliinermut aalajangiissamaarneq pillugu allakkanik (S21 a) siunnersuummik nassiussaqaarnermigut 2003-mut aningaasarsiat akileraaruteqaataasussat allanngortinnissaannut piginnaatitaanissamik qinnuteqarpoq.

2003-mut aningaasarsiat akileraaruteqaataasussat angissusilernissaannut allakkatigut angissusiliinissamik (S21 a) siunnersuummik nassiussinermiigut K Kommuni allakkatigut 24/6 2005-imeersutigut piginnaatitaanissaminik qinnuteqarpoq. Qinnuteqaammuk kukkuneriusoqarfiup ...-p allagaa 23/6 2005-imeersoq ilanngunneqarpoq, tassani K Kommunip angissusiliinissamik siunnersuutaa akerliliiffigineqarpoq.

Akileraartarnermut qullersaasut allattoqarfiata allakkatigut 29/6 2005-imeersutigut siunnersuutiginegartutut 2003-mut aningaasarsiat akileraaruteqaataasussat angissusilernissaannut K Kommunimut piginnaatitsissut nalunaarutigaa. Kingornatigut Akileraartarnermut qullersaasut allattoqarfiata Akileraartarnermut qullersaasut ulluni 21. aamma 22. september 2005-imi ataatsimiinneranni piginnaatitsissut pillugu ilisimatippai, Akileraartarnermut qullersaasunit tusaatissatut tiguneqarpoq. Akileraartarnermut qullersaasut allattuiffianni akileraartartoq A-mik ateqartoq allassimavoq.

Akileraartarnermut qullersaasut ulloq 27/4 2006-imi ataatsimiinneranni 2003-mut aamma 2004-mut aningaasarsianik angissusiliinernut A-p naammagittaalliuutaa suliarineqarpoq, tassani malugineqarpoq, 2004-mut K Kommunip angissusiliinera akileraarusiinissamut piffissarisarititaasumut killiliussaq qaangiutsinnagu suliarineqarsimasoq."

2006-imi ukiumoortumik nalunaarut, immikkoortoq 5, quppernerit 215 tulluilu

Pisortanit ikiorsiissutinik qinnuteqaammuk atatillugu suliamik suliarinninnermi kukkunerit (j.nr. 11.10.05.04/099-05)

K Kommuni inassuteqaatinnut akissuteqarnissaanik 10. januar 2007-imi eqqaaseqqippara.

Kommunip e-mailikkut 24. januar 2007-imeersukkut aperaanga paasissutissat suut ujartornerikka.

Kommunimut tamatuma kingornatigut 30. januar 2007-imi imatut allappunga:

"Suliami inassuteqaatinnut kommunip akissutaa e-mailikkut 25. januar 2007-imi tiguara.

6. Sulianut ukiuni siusinnerusuni nalunaarutini eqqartorneqartunut malitseqartitsineq. Naamma-

Kommunip akissutaa pillugu oqaatigaara kommuni amerlanerusunik paasissutisseeqqullugu qinuigisimangikkiga, tassami suliamik suliarinninnera oqaaseqaatikkut 8. maj 2006-imeersukkut naammassigakku.

Kommunip paasissutissiissutai kommunip uannut 11. januar 2006-imi nassiussai oqaaseqaatinni ilaatillugit tunngavigineqarput.

Pineqartorli tassaavoq misissuisimanerma inernilerneqarnerani A-p allagaanut 8. december 2003-meersunut, 17. september 2004-meersunut aamma 14. oktober 2004-meersunut kommunip akisimangisaanut kommunip akissuteqarnissaanik inassuteqaateqarnissannut tunngavissaqarlunga isumaqartunga.

Tamatumunnga peqatigitillugu inassuteqaatigaara A-p allagaanik allanik kommunip suli akisimangisaanik kommuni tigusaqarsimanersoq kommunip misissussagaa.

Taamaattumik kommunimut inassuteqaatikka taakku inassuteqaatigeqqippakka, kommunilu qinuigalugu A-p allagaasa qanoq akineqarsimanerannik ilisimateqqullunga."

Kommuni 4. april 2007-imi nukingisaaqqippara.

Suliap isumaginninnermik ingerlatsivimmut suliarisassanngorlugu nassiunneqarsimanera kommunip 19. april 2007-imi uppenarsarpaa.

Akissummik tigusaqanngilanga, taamaattumillu kommuni 27. juni 2007-imi aamma 15. oktober 2007-imi nukingisaaqqippara.

Kommunip 20. december 2007-imi ilisimatippaanga A-p allagaasa akineqarnerat kommunip ingerlakkaa.

Kommunip inaarutaasumik akissutaa ukiup nalunaarusiuunneqartup naareernerani aatsaat tiguara.

2006-imi ukiumoortumik nalunaarut, immikkoortoq 5, quppernerit 225 tullilu

Sipaarniuteqarnek pissutigalugu soraarsitsineq (j.nr. 11.10.09.30/150-03)

Kommunimut 11. januar 2007-imi imatut allappunga:

"Kommunip akissutaa imatut paasivara sunngiffimmi sammisassaqaartitsiviup aasaanerani sulinngiffeqarnerup nalaani matuneqarneranut atatillugu A-p sunngiffimmi sammisassaqaartitsivimmi pisortatut atorfimmit soraarsinneqannginnerani A-p suliami illua'tungiusup isumaanik tusarniaa-

simanginnermigut aamma paasissutissanik A-p aasaanerani sulinngiffeqarnerup nalaani matoqqatitsinerup kingornatigut pisortatut atorfinitsinneqannginnissaanik kommunip aalajangiinnermini pingaartillugit isiginiarsimasaanik A-p suliame illua'tungiusup isumaanik tusarniaasimanginnermigut kommunip kukkussuteqarsimaneranik oqarnera kommunip (suli) isumaqatigigaa.

Kommunip tamatumunnga peqatigitillugu oqaatigaa kommuni tamatumunnga atatillugu annertunerusumik iliuuseqaqqittariaqanngitsoq.

Kommunip kingullertut akissutaata suliamek suliarinninnermi kukkussutaasimasunik aaqqiinissamut kommunip pisussaaffeqarneranik erseqqinnerusumik nassuiaanissannut pissutissaqalersippaanga.

Oqartussaasut suliame utuumassuteqarluinnartunik tunngaveqarlutik aalajangiisarnissaasa qulakkeerneqarnissaat suliamek suliarinnittarneq pillugu malittarisassat siunertaraat, taamaattumillu malittarisassat malinneqarnerat inatsiseqartitsinnermi innarlitsaalineqarnikkut innuttaasunut pingaaruteqarpoq.

Aammattaq suliame suliarineqartarnerat pillugu inatsimmi malittarisassat inatsiseqartitsinik-kullu tunngaviit suliame suliarineqartarnerat pillugu inatsimmu ikorfartuutaasut malittarisassaapput saneqqunneqartussaannngitsut.

Tassa imaappoq malittarisassat malinneqarnerat kommunip akisussaaffigigaa, kukkunerillu suliamek suliarinnittarneq pillugu malittarisassanik malinninnginnermik takutitsisut kommunip aqqittussaagai.

Kommunimut allakkanni 12. juli 2006-imeersumi allaaserisattut kommunip suliame illua'tungiusup isumaanik tusarniaannngitsoornerata manna ilimanarsisippaa, tassalu kommunip aalajangiinneri suliame utuumassuteqarluinnartunik tunngaveqanngitsut, tassami kommuni suliame illua'tungiusup isumaanik tusarniaannngitsoornermigut suliamek aalajangiiviginninnissaminut paasissutissanik naammattunik peqarsimangimmat.

A eqqarsaatigalugu kommunip kukkunerisa qanoq iliorluni aaqqinneqarnissaannik isumaliutersuuteqarneq tamanna aallaavigalugu naliliiffigineqartariaqarpoq.

Taamaattumik kommuni manna pillugu erseqqinnerusumik naliliisariaqarpoq, tassalu A kommunimit soraarsinneqannginnermini malittarisassat malillugit suliame illua'tungiusutut isummaminik tusarniaavigineqarsimasuuguni qanoq iliornikkut soraarsinneqarsimassagaluarnersoq.

Taamaaliorloqassappat uanga paasinninnera unaavoq manna piumasaqaataasooq kommunip suliamek suliareqqissigaa, kommunip sunngiffimmi sammisassaqartitsivimmik aasaanerani sulinngiffeqarnermi matusinissamik aalajangiinneranik aasaanerani matoqqatitsinerup A-p soraarsinneqarnissaanik pisariaqalersitsimaneranik A-p suliame illua'tungiusup isumaanik tusarniaaneq aqquutigalugu assortuisimasinnaassagaluarnerata erseqqinnerusumik qulaajarneqarnissaa siunertaralugu.

Suliame kommunip suliareqqinngippagu A-p soraarsinneqarnerata suliame utuumassuteqarluinnartuunngitsunik tunngaveqarluni pisimaneranik ilimatsaassineq kommunip assortorsimassan-

6. Sulianut ukiuni siusinnerusuni nalunaarutini eqqartorneqartunut malitseqartitsineq. Naamma-

ngilaa, tamatumalu nassataraa A-p aningaasanik taarsiivigineqarnissamik piumasaqaateqarsinnaanerani kommunip immikkut misissuisariaqarnera.

Kommunip suliamik suliarinneqqereerluni A-p soraarsinneqarnerata suliamut attuumassuteqarluinnartunik tunngaveqarluni pisimanagera aatsaat uppernarsarsinnaappagu A-p suliami illua'tungiusutut isummaminik tusarniaavigineqannginnera pissutigalugu aningaasanik taarsiivigineqarnissaanik kommunip isumaliutersuuteqarnissaa pisariaqassanngilaq.

Isummat taassuma pissuseqatai suliap ilaanut A-p aasaanerani matoqqatitsinerup kingornatigut pisortatut atorfinitseqqinneqarnissamik qinnuteqaataanik kommunip itigartitsineranut tunngasumi aamma atuupput.

Kommunip suliaq matumani suliareqqittariaqarpaa manna erseqqinnerusumik misissorniarlugu, tassalu paasissutissat A-p pisortatut atorfinitseqqinneqarnissamik qinnuteqaataata itigartinneqarnissaanik kommunip aalajangiineranut tunngaviusut assortussallugit A periarfissaqarsimassagaluarnersoq.

Allatut oqaatigalugu paasissutissat pineqartut attassisinnaassuseqarnerat kommunip erseqqinnerusumik misissortariaqarpaa, taamaaliortoqassappallu uanga paasinninnera malillugu A-p suliami illua'tungiusutut isumaanik tusarniaavigineqarnissaa piumasaqaataasussaavoq.

Kukkussutigineqarsimasut aaqqinniassanerlugit kommunip isummernissaa matuma kingornatigut utaqqimaarpara.

Kukkunerit aaqqinniarneqarnissaannut pissutissaqarnani kommuni suli isumaqarpat sumiginnaanermik tassanga Inatsisartunut Naalakkersuisunullu nalunaarutiginninnissara kommunip naatsorsuutigisariaqassavaa, tak. Ombudsmandi pillugu inatsimmi § 10, aamma tak. kommunimut allakkanni 6. november 2006-imeersuni tamanna pillugu oqaaseqaatikka."

Kommunip 24. januar 2007-imi akivaanga kommuni suliami annertunerusumik iliuuseqaqqilersaanngitsoq, tassami kommuni A-p eqqartuussivikkoortumik suliasanngortissimmagu.

Misissuina tamatum kingornatigut allakkatigut 2. februar 2007-imeersutigut inaarlugu suliaaraa:

"A-p suliamilu illua'tungiusutut sinniisaata eqqartuussissuserisup ...-p, oqarasuaatikku nalunaarfigaanga A-p kommuni suliamik suliarinninnermi kukkunernut oqaaseqaatinni 6. marts 2006-imeersumi uparuakkannut atatillugu eqqartuussivikkoortumik 22. september 2006-imi suliasanngortissimagaa.

Eqqartuussissuserisup ...-p ilassutitut oqaatigaa A-p imminut aningaasartuutaanngitsumik eqqartuussivikkoortumik suliasanngortitsinissaa Kalaallit Nunaata Eqqartuussiviata akueralugu 5. januar 2007-imi nalunaarutigisimagaa.

Tamatumunnga atatillugu oqaatigaara pissutsit eqqartuussivikkoortumik suliarineqartut pillugit naammagittaalliutit suliarisinnaanngikkikka.

Tamatumunnga pissutaavoq Tunngaviusumik Inatsimmi pissaanerup inatsisiliortunut, inatsisunik atortitsisunut aamma eqqartuussisunut § 3-kkut agguataarisimanerup nassatarisaanik eqqartuus-siviit pillugit naammagittaalliutininik suliarinninnissamut uanga pisinnaatitaannginnera.

Taamaattumik suliamik suliarinninnera kommunip allakkannut 11. januar 2007-imeersunut akis-suteqarnissaa utaqeqqaarnagu unitsippara."

2006-imi ukiumoortumik nalunaarut, immikkoortoq 5, quppernerit 308 tulluulu

Suliami illua'tungiusup isumaanik tusarniaanerup naammannnginnera aam-ma suliap amigartumik paasissutissartalersorneqarnera (j. nr. 11.10.21.01/040-05)

Kommuni akissuteqarnissaanik allakkatigut 2. januar 2007-imeersutigut aamma 6. februar 2007-imeersutigut eqqaaseqqippara.

Kommunip Inatsisartunut Naalackersuisunullu nalunaarutiginnissaanik isumaliu-tersuutigisannik piviusunngortitsinnginninni kommunip borgmesteria oqarasuaa-tikkut 21. marts 2007-imi attaveqarfigaara, kommuni suliami apeqqutinnut isum-merfiginninniarnersoq paasiniarlugu.

Borgmesteri tamanna pillugu oqarpoq suliaq sumiiffissiniarniarini saaffiginnis-sutimalu akineqarnissaat suliniutiginiarlugu.

Kommunimit tusagaqanngiinnarama Inatsisartut Inatsisit Atortinneqarnerannut Ataatsimiititaliaannut Naalackersuisunullu allakkatigut 16. maj 2007-imeersuti-gut nalunaarutigaa sulinera kommuni eqqarsaatigalugu ingerlassinnaanagu.

Kommuni uannut 31. maj 2007-imi imatut allappoq:

"A pillugu Kalaallit Nunaanni Naalackersuisunut allakkat assilinerat K Kommunip tiguaa.

Allakkanit ersepoq Inatsisartut Ombudsmandiata borgmester (...) qinnuigisimagaa akissuteqar-toqarnissaa isumageqqullugu, tamannalu pisimanngitsoq.

Erseqqissarneqassaaq Inatsisartut Ombudsmandiata saaffiginnissutaa akineqassasoq borgmester (...)p peqqusissutigisimagaa. Akissutip suliarineqarsimannnginneranut ataatigut atsiortup angala-qattaarneri pissutaapput.

6. Sulianut ukiuni siusinnerusuni nalunaarutini eqqartorneqartunut malitseqartitsineq. Naamma-

Inatsisartut Ombudsmandiata K Kommuni qinnuigaa periaatsit eqqarsaatigalugit sunik allannguisoqarsimanagera pillugu nassuiaateqaqqullugu.

Isumaqtigiissutininik aqutsinermik atuilernermit atatillugu K Kommunip erseqqissarsimavaa suliaasaqarfimmi tassani inatsisitigut sukkulluunniit atuuttut malinneqassasut, tamatumunngalu peqatigitillugu sulianik sulisunut tunngasunik suliarinninnermi periaatsit allaaserineqarnerat nassiuuteqqissimallugu.

Kalaallit Nunaanni Namminersorerullutik Oqartussat tungaanit aamma Inatsisartut Ombudsmandiata tungaanit periaatsinik assigiissaartunik imaluunniit periaatsit allaaserineqarnerinik peqanngimmat Personalestyrelsen periaatsinik allaaserininnerq pillugu saqqummersitaa ("Håndbog om Afskedigelse", Personalestyrelsen maj 2004) K Kommunip allatut ajornartumik atortariaqarsimavaa.

Taama kingusitsigisumik akissuteqarneq ajusaarutigeqqissavara." (Atorfeqarfimmi nutsigaavoq)

Kalaallit Nunaata Eqqartuussivianut tamatuma kingornatigut imatut allappunga, assilinera K Kommunimut nassiullugu:

"Eqqartuussissuserisup X-ip, A-mut sinniisutut, A-p K Kommunimi tarnip pissusiinik ilisimasilittut atorfimminit qinnuteqaataannigsumik soraarsinneqarnera uannut 3. juni 2005-imi naammagittaalliuutigaa.

Suliamik suliarinninnera oqaaseqaatikkut 10. april 2006-imeersukkut naammassivara. Paasinninnera unaavoq kommunip A-mik soraarsitsinnginnermini suliami illua'tungiusup isumaanik tusarniaasarneq pillugu malittarisassat atuuttut malissimannikkai, taamaattumillu soraarsitsisimanagerup atuussinnaassuseqarnera nalorninartuusoq. K Kommuni oqaaseqaatinni qinnuigaara kommunimut tamatumunnga atatillugu qanoq iliuuseqalersaarnersoq nalunaarfigeqqullunga.

Kommuni akissuteqaqqullugu allakkatigut 26. juli 2006-imeersutigut nukingisaarpara.

K Kommunip allakkatigut 7. august 2006-imeersutigut nalunaarfigaanga suliami illua'tungiusup isumaanik tusarniaasarnerni ataatsimut periaatsit kommunip misissorsimagai, siunissami suliat tassunga assingusut pinngitsoortinneqarnissaat siunertaralugu.

Kommuni allakkatigut 29. august 2006-imeersutigut aamma 27. oktober 2006-imeersutigut qinnuigaara suliami illua'tungiusup isumaanik tusarniaasarnernut atatillugu kommunip ataatsimut periaasiini allannguutit sorpiaat kommunip innersuussutiginerai erseqqinnerusumik nassuiaqqullugu. Kommuni tamatumunnga peqatigitillugu nukingisaarpara A-p soraarsinneqarneranut atatillugu suliniutit suut oqaaseqaatima pisariaqalersissimanagerai paasissutisseeqqusillunga qinnutigisara akeqqullugu.

Kommuni akissuteqaqqullugu allakkatigut 30. november 2006-imeersutigut, 2. januar 2007-imeersutigut aamma 6. februar 2007-imeersutigut nukingisaarpara.

K Kommunip borgmesteria oqarasuaatikkut 21. marts 2007-imi attaveqarfigaara, akissuteqartoqarnissaalu nukingisaarutigeqqillugu.

Saaffiginnissutinnut qisuariartoqannginnerata nassatarisaanik kommuni eqqarsaatigalugu sulininnik ingerlatsisinnaannginnera Inatsisartut Inatsisit Atortinneqarnerannut Ataatsimiititaliaannut aamma Naalakkersuisut allattoqarfiannut allakkatigut 16. maj 2007-imeersutigut, assilinerat K Kommunimut ingerlatinneqartukkut, nalunaarutigaa.

K Kommunip allakkatigut 31. maj 2007-imeersutigut nalunaarfigaanga isumaqatigiissutinik aqutsinerup atuutilersinneqarneranut atatillugu kommunip manna erseqqissarsimagaa, tassalu suliassaqarfimmi tassani malittarisassat sukkulluunniit atuuttut malinneqassasut, kommunillu tamatumunnga peqatigitillugu "Håndbog om afskedigelse, Personalestyrelsen, maj 2004" nassiussuuteqqissimagaa.

Qinnutigisakka K Kommunip suli malissimannikkai isumaqarama eqqartuussissuserisoq X suliama tassani A-mut suli sinniisuusoq allakkatigut 18. juni 2007-imeersutigut, assilinerat K Kommunimut nassiunneqartukkut, saaffigaara, nalunaarutigalugulu A-p suliamik misiliitsinissamini imminut aningaasartuutaanngitsumik eqqartuussivikkoortumik suliassanngortitsinerata akuerineqarnissaa Kalaallit Nunaata Eqqartuussivianut inassuteqaatigissallugu piareersimasunga.

Eqqartuussissuserisup X-ip A sinnerlugu allakkatigut 12. juli 2007-imeersutigut oqaatigaa apeq-qutip eqqartuussivimmu suliassanngortinneqarnissaa eqqarsaatigineqartoq, A imminut aningaasartuutaanngitsumik eqqartuussivikkoortitsinissaminut akuerineqarsinnaappat.

Kommunip A-mik soraarsitsinera pillugu saaffiginnissutinnut kommunip arlaleriarluni nukingisaarneqartaraluarluni akissuteqarsinnaasimannnginnera isiginiarlugu uanga paasinninnera unaa-voq Atorfeqarfimma K Kommunillu akornanni allaffigeqatigeeqqinnissaq kommunip suliamik sularinninneranik isornartorsiuininnut oqaaseqaatinni saqqummiussannut isummernissaanik inassuteqaatinnut kommunip akissuteqarneranik kinguneqarnavianngitsoq.

Tamanna tunngavigalugu Kalaallit Nunaata Eqqartuussivianut inassuteqaatigaara A soraarsitsinermut atatillugu K Kommunimik eqqartuussivikkut suliassanngortitsinissaguni imminut aningaasartuutaanngitsumik eqqartuussivikkoortitsinissaminut akuerineqassasoq.

Kalaallit Nunaata Eqqartuussiviata pineqartumut aningaasartuutaanngitsumik eqqartuussivikkut suliassanngortitsinissamik naliliiniarnerani atugassatut oqaaseqaatima 10. april 2006-imeersup kiisalu K Kommunimut tamatuma kingornatigut allaffigeqatiginnittarsimanermi allagaasimasut assilineri ilanngullugit nassiuppakka.

A-p imminut aningaasartuutaanngitsumik K Kommunimik eqqartuussivikkut suliassanngortitsinissani qinnuteqaatigippagu Kalaallit Nunaata Eqqartuussivia inussiarnersumik qinnuigaara tamanna pillugu aalajangiinnerminik ilisimateqqullunga.

Pineqartumut aningaasartuutaanngitsumik eqqartuussivikkoortitsinissamik inassuteqaatinnik Kalaallit Nunaata Eqqartuussivianut saqqummiussisimanera allakkatigut allatigut allakkat ukua assilinerannik ilaqartinneqartutitigut eqqartuussissuserisumut X-imut ilisimatitsissutigaa.

6. *Sulianut ukiuni siusinnerusuni nalunaarutini eqqartorneqartunut malitseqartitsineq. Naamma-*

Allakkat ukua assilinerat K Kommunimut ilisimatitsissutitut nassiuneqarpoq."

Ukiup nalunaarusiuunneqartup naanerani Kalaallit Nunaata Eqqartuussivianit ilisimatitsissummik suli tigusaqanngilanga.

2006-imi ukiumoortumik nalunaarut, immikkoortoq 5, quppernerit 371 tulliilu

Kommunimit qinnuteqaataanngitsumik soraarsinneqarneq pillugu naam-magittaalliut (j.nr. 11.10.21.01/056-05)

A-p suliame illua'tungiusutut isumaanik tusarniaanermi akissuteqarnissamut sivikkippallaamik piffissaliinikkut K Kommunip kukkunerata aaqqinneqarnissaa-nik inassuteqaatinnut kommunip akissuteqarnissaa 27. marts 2007-imi eqqaasit-sissutigaaara.

K Kommunip 2. april 2007-imi nalunaarfigaanga suliaq kommunip isumaginnin-nermik ingerlatsiviani suliarineqartoq.

Kommuni akissuteqarnissaa 6. juli 2007-imi aamma 12. september 2007-imi eqqaaseqqippara.

Kommunip 13. september 2007-imi nalunaarfigaanga suliaq A-p eqqartuussissu-serisuanut oqaloqatigiissutigineqartoq, eqqartuussivikkut suliassanngortitsinis-saq pinngitsoortinniarlugu isumaqatigiissuteqarnissaq siunertarlugu.

Kommunimit tusagaqanngiinnarama inassuteqaatinnut akissuteqartoqarnissaa 13. november 2007-imi eqqaasitsissutigaaara.

K Kommuni 20. november 2007-imi akivoq A-p eqqartuussissuserisuanut isuma-qatiginninniarnerit suli ingerlanneqartut.

Suliamik malitseqartitsiviginneqqinnissara ukiup nalunaarusiuunneqartup naane-rani suli isummerfiginngilanga.

2006-imi ukiumoortumik nalunaarut, immikkoortoq 5, quppernerit 400 tulluulu

Aappariinnut pisortanit ikiorsiissutit pillugit apeqqut (j.nr. 11.10.49.19/118-05

Kommunip suliami inassuteqaatinnut akissuteqarnissaa 4. april 2007-imi eqqaa-sitsissutigaa.

Kommunip 14. juni 2007-imi nalunaarfigaanga utertitsilluni akiliiumanermik up-
pernarsaat amigartumik immersorneqarsimasooq A-p atsiorsimasaa kommunip
massakkut aaqqissimagaa. Kukkuneq utertitsilluni akiliinermut tunngavik pillu-
gu paasissutissanik allattuiffissap immersorneratigut kommunip aaqqissimavaa.

Kommunimut tamatuma kingornatigut 27. juli 2007-imi imatut allappunga:

"Kommunip allagai isumaginninnermik ingerlatsiviup qinnutigisara naapertorlugu "aaqqiisute-
qarsimanerminik" paasissutissiissutaasut 15. juni 2007-imi tiguakka. Kommunip pisortanit ikior-
siissutinik utertitsilluni akiliiumanermik uppernarsaatip kommunimit kiisalu A-kkunnit 7. no-
vember 2003-mi atsiorneqarsimasup assilinerata tamatumunnga peqatigillugu ilanngullugu nas-
siuppaa.

Kommunip akissutaanit erserpoq kommuni isumaqartoq kukkussutigineqarsimasut utertitsilluni
akiliiumanermik uppernarsaammi 7. november 2003-meersumi utertitsilluni akiliinissamut tun-
ngaviusup uppernarsaammik A-kkut atsiugaqarneranni taaneqarsimannngitsumik ilanngussinikkut
kommunip aaqqissimagai.

Pineqartorpiaq tassaavoq kommunip uppernarsaammi oqaatigisimagaa utertitsilluni akiliinissa-
mut tunngaviusooq tassaasooq pisortanit ikiorsiissutit pillugit Inatsisartut peqqussutaanni nr. 10-mi,
1. november 1982-imeersuni § 10, imm. 1, nr. 3.

"nr. 3" utertitsilluni akiliiumanermik uppernarsaammi atsiorneqarsimasumi immersorneqarsi-
mannngilaq.

Uanga paasinninnera unaavoq kommunip kukkussutigineqarsimasut utertitsilluni akiliiumaner-
mik uppernarsaammi atsiorneqarsimasumi kingusinnerusukkut naqqiuteqarnikkut aaqqissinnaan-
ngikkai.

Matumani pisortanit ikiorsiissutit pillugit Inatsisartut peqqussutaanni taaneqartumi § 10, imm. 2
imaattunik oqaasertaqartoq innersuussutigaa:

"Imm. 2. Ikiorsiissut tunniunneqarnermini utertitassaassasooq paasinarsereeraangat inuk pine-
qartoq utertitsisussaataitanerminik ilisimatinneqartassaaq."

6. *Sulianut ukiumi siusinnerusuni nalunaarutini eqqartorneqartunut malitseqartitsineq. Naamma-*

Utertitassangortillugit ikiorsiissutit pillugit ataatsimut oqaaseqaatinni kommuninut tamanut 1. juli 2005-imi nassiuussuussanni suliarlu manna pillugu oqaaseqaatinni 4. oktober 2006-imeersuni ataqatigiinneqarnermut allamut atatillugu innersuussutigisanni § 10, imm. 2-p qanoq sunniuteqarnera innersuussutigaa:

"Peqqussummi 10, imm. 2-kkut taamaalilluni aalajangersarneqarpoq utertitsilluni akiliinermi piumasaqaatit ikiorsiissutit tunniunneqarnerannut peqatigitillugu aalajangersarneqassasut, piffissami tassani pissutsit peqqussummi § 10, imm. 1 malillugu utertitsilluni akiliisoqarnissaanut tunngaviusinnaasut erseqqippata.

Taamaattumik pissutsinik tamaattunik "erseqqissunik" ikiorsiissutigineqartut utertillugit akileqqunissaannut tunngaviusinnaasut kommunip kukkunikkut eqqumaffiginngippagit imaluunniit utertitsilluni akiliisoqarnissaa piumasaqaataasooq kommunip innuttaasumut nalunaarutigissallugu kukkunikkut puigorpagu ikiorsiissutigineqarsimasut utertillugit akileqqunissaat kommunip § 10, imm. 2 tunngavigalugu piumasaqaatigisinnaangilaa.

Pisuni allani pissutsit utertitsilluni akiliinissamut tunngaviusinnaasut ingerlatsiviup paasippagit ilisimasariaqarpagilluunniit tamatuma kingorna utertitsilluni akiliisoqarnissaanik piaarnerpaamik aalajangiisoqartariaqarpoq."

Taamaattumik aallaavioq tassaavoq ikiorsiissutit tunniunneqarpata utertitsilluni akiliinissamut tunngavioq ikiorserneqartumut paasissutissiissutigineqarsimangippat ikiorsiissutit tunniunneqarsimasut utertillugit akileqqunissaat kommunip pisortanit ikiorsiissutit pillugit Inatsisartut peqqussutaat tunngavigalugu piumasaqaatigisinnaangilaa.

Kommunip utertitsilluni akileqqusini aalajangiusimappagu ikiorsiissutit tunniunneqartut pisortanit ikiorsiissutit pillugit Inatsisartut peqqussutaanni § 10, imm. 1, nr. 3 tunngavigalugu utertillugit akileqquneqarneranik A-kkut kingusinnerpaamik piffissami ikiorsiissutit tunniunneqarfianni ilisimatinneqarsimanerat kommunip uppersarsinnaassavaa.

Tamanna kommunip uanga paasinninnera malillugu ajornakusoortittussavaa, suliami allakkatigut uppersaatinik kommunip aalajangiinneranut tunngavioqumik allaaserinnittunik peqanngippat.

Taamaattumik inassuteqaatiga manna inassuteqaatigeqqippara, tassalu kommunip piffissaq isumagininneraq pillugu inatsiseqartitsineq tunngavigalugu utertitsilluni akiliiffissaq nallersimanerisooq qulakkeeqqaarnagu utertitsilluni akiliutinit pisassarisanik pinngitsaaliilluni akiliitsiniarnermik aallartitsisimaneratigut kukkussutigineqartut kommunip qanoq iliorluni aqqissinnaanerai kommunip isummerfigissaga.

Qulaani taaneqartut apeqqutaatinnagit oqaatigaara kommunip allaffissornermik aqutsinikkut kukkunermik allagaammik innuttaasumit atsiorneqareersumik allangortitsinikkut aqqiissuteqarniarmanera ajornartorsiutitut annertulluinnartutut isigigiga.

Pisortanit ikiorsiissutinik tunineqartup utertitsilluni akiliuumanermik uppersaasat atsiorpagu inatsisitigut sunniutaasut marluk atuutilersarput:

Siullertut innuttaasup atsiornera imatut sunniuteqarpoq allagaammik kommunip iluinnaani atuut-tumik piusoqarunnaartoq, utertitsillunili akiliiumanermik uppernarsaat allagaatinut kommunimit avammut nassiunneqarsimasunut naligitinneqarluni isigineqalissalluni.

Aappaattut utertitsilluni akiliiumanermik uppernarsaat tassaavoq allagaat innuttaasumit kommu-nimut matuminnga nalunaarutaasoq, tasanilu innuttaasup utertitassanngortillugit ikiorsiissutigi-neqartut allagaammi piumasaqaatit tunngavigalugit utertillugit akilerneqarnissaannik piumasa-qaammik ilisimatinneqarsimanini uppernarsarlugu.

Tamatumunnga atatillugu pinerluttulerineq pillugu inatsimmi § 35 ilaatigut imaattunik imaqartoq innersuussutigaa:

"Allakkanik uppernarsaatissanik atonerluisutut eqqartuunneqassaaq kinaluunniit inoqatini eqqortumik pissuserisaannut tunngasutigut nakutitsiniarluni

1) allakkanik uppernarsaatissanik peqquuserluutaasunik atuisoq,

2) ...

3) ...

Imm. 2. ...

Imm. 3. allakkanik uppernarsaatissanik piviusuusunik inussaviginngisaanut tunngasuunerar-lugu atuisoq, imaluunniit allakkani uppernarsaatissani aalajangersagaasunut akерliusumik alla-tut atuisoq."

Taamaattumik massakkut inassuteqaatigaara utertitsilluni akiliiumanermik uppernarsaat naqqin-neqarsimasoq kommunip utertissagaa.

Aamma eqqaasitsissutigaaara utertitsilluni akiliutitigut pisassarisanik akiliisitsiniarnermik kom-muni suliarinneqqinnissaannik inassuteqaatiga kommunip utertitsilluni akiliinissamik isumaqati-giissutaasimasumik unioqqutitsilluni aningaasanik akiliisitsiniarsimaneranut tunngasummat.

Apeqquut taanna kommunip isummerfigisimangilaa, taamaattumillu tamatuma akineqarnissaa aamma eqqaasitsissutigaaara.

Aammattaq ataatsimut inassuteqaatigaara suliani akiitsunut tunngasuni kommunip innuttaasut ataasiakkaarlugit allaffigisalissagai.

Inassuteqaammut tassunga akissummik tigusaqanngilanga, taamaattumillu taanna aamma eqqaasitsissutigaaara."

Kommunimut 16. oktober 2007-imi imatut allappunga:

"Kommunimut 27. juni 2007-imi ilaatigut imatut allappunga:

6. Sulianut ukiuni siusinnerusuni nalunaarutini eqqartorneqartunut malitseqartitsineq. Naamma-

"(...)

A-p tamatuma kingornatigut oqarasuaatikkut 16. august 2007-imi attaveqarfigaanga, oqaatigalugulu utertitsilluni akiliiumanermik uppernarsaat nutaaq atsioqqullugu kommunip qinnuigisima-gaani.

A tamatumunnga atatillugu nalunaarfigaara suliap ingerlaqqinnera kommunip allakkannut 27. juli 2007-imeersunut akissutaa tigugukku isummerfiginiariga.

Kommunimilli tusagaqanngilanga, taamaattumillu suliaq matumuuna eqqaasitsissutigaara.

A-p uannut saaffiginnissutaa kingulleq kommunip utertillugit akilernerqartussatigut pisassarisat pineqartut pillugit nutaamik aalajangiisimaneranik pissuteqarpat kommuni qinnuigaara aalaja-ngiinerup assilineru uannut nassiteqqullugu."

Ukiup nalunaarusiuunneqartup naanerani K Kommuni suli tusarfiginngilara.

2006-imi ukiumoortumik nalunaarut, immikkoortoq 5, quppernerit 418 tulluilu

Imermik atuinnermut aningaasartuutit immikkut naatsorsuutininut avissaar-tinneqarnerannut atatillugu ineqarnermut akiliutit aaqqiiffiqineqarnerat (j.nr. 11.20.29.01/012-06)

Naalakkersuisunut 5. januar 2007-imi imatut allappunga:

"Naammagittaalliuutit pillugit suliani marlunni tamarmik attartortut imermik atuinnermut akiliu-taasa ineqarnermut akiliutinut ilaajunnaarlutik immikkut naatsorsuutit tunngavigalugit akilerner-qartarnerannut ikaarsaariarnermi ineqarnermut akiliutit aalajangersarneqarnerannut atatillugu pe-riaaseq pillugu apeqqummut tunngasuni A/S Inissiaatileqatigiiffik INI-mut 4. juli 2006-imi oqaa-seqaateqarpunga.

Suliani marlunni taakkunani oqaatigaara aningaasartuutininik allanik 2006-imi imermik atuinnermik naatsorsuinnermut tunngaviusut allanngortinneqarfianni ineqarnermut akiliutinik aalajangersaa-nermi suli ilaasussanik Inissiaatileqatigiiffiup qaffaanera ineqarnermut akiliutinik qaffaaneq pil-lugu ilimasaarisarnermi malittarisassat malillugit pisimasariaqaraluortoq, tassami attartortut 2006-imi ineqarnermut imermullu aningaasartuutaat tamarmiusut suliani marlunni tamani qaffan-neqarsimmata.

Tamatumunnga atatillugu uanga paasinninnera unaavoq ilimasaarutitut nassiuunneqartut ineqar-nermut akiliutit appartinneqarnissaannik ilimasaarutitut isikkoqartut inissianik attartortitsisarneq pillugu peqqussummi tunngavilersuinissamik piimasaqaataasunik eqqortitsisuunngitsut.

Taamaattumik Inissiaatileqatigiiffik qinnuigaara tamanna Inissiaatileqatigiiffiup qanoq iliuuseqarnissaanut pissutissaqalersitsinersoq nalunaarfigeqqullunga.

Oqaaseqaatit marluk taakku assilineri ilanngullugit nassiuppakka.

Inissiaatileqatigiiffiup allakkatigut 1. august 2006-imeersutigut akivaanga, allakkallu taakku assilinerat ilanngullugu nassiunneqarpoq.

Inissiaatileqatigiiffiup akissutaanit ersertutut Inissiaatileqatigiiffik isumaqarpoq Inissiaatileqatigiiffik ineqarnermut akiliutit qaffanneqarnerannik ilimasaarinissaminut pisussaaffeqanngitsoq, tassami ineqarnermut aningaasartuutit immikkoortillugit isigalugit appariarmata.

Inissiaatileqatigiiffiup aamma oqaatigaa ineqarnermut akiliutinik qaffaanermik ilimasaaruteqarnerq pillugu malittarisassat naammagittaalliuutit pillugit suliani marlunni taakkunani aamma malinneqarsimasut.

Ineqarnermut Attaveqarnermullu Pisortaqarfik suliamik suliarinninninni ilaattissimanngisara Atuagagdliutini 10. oktober 2006-imi saqqummertuni suliat ilaat ataaseq naammagittaallioortup pineqartup aviisimut ilisimatitsissutigisimasaa pillugu oqaaseqaateqarpoq.

Aviisimi allaaserisap assilineri ilanngullugu nassiuppakka.

Ineqarnermut Attaveqarnermullu Pisortaqarfik tamatuma kingornatigut allakkatigut 13. oktober 2006-imeersutigut - assilineri ilanngullugu aamma nassiunneqartukkut - qinnuigaara Inissiaatileqatigiiffiup uannut akissutaa pillugu qanoq isummernissannik isumaliutersuuteqarninni atugassatut oqaaseqaateqatigullugu.

Pisortaqarfiup akissutaa tamatuma kingornatigut 26. oktober 2006-imi tiguara, taassumalu assilineri ilanngullugu aamma nassiuppakka.

Suliami paasissutissat tamarmiisut tamanna tunngavigalugu misissorpakka, aalajangerlungalu atartortut 2006-imi imermik atuinernannik naatsorsuinermit tunngaviusup allannortinneqarneranut atatillugu Inissiaatileqatigiiffiup ilimasaarnermi periaasiata inatsisitigut naammattumik tunngavissaqannginnera Ombudsmandi pillugu inatsimmi § 11 tunngavigalugu Inatsisartunut Naalakkersuisunullu nalunaarutiginiarlugu.

Matumani suliami tunngavilersuutinnut Inissiaatileqatigiiffiup imaluunniit Ineqarnermut Attaveqarnermullu Pisortaqarfiup sukumiisumik isummerfiginnissimanninnerat pingaartillugu aamma isiginiarpara.

Taamaattumik Naalakkersuisut qinnuigaakka periaaseq inatsisitigut tunngavissaqanngitsoq Naalakkersuisut qanoq iliorlutik aqqinniarneraat nalunaarutigeqqullugu.

Inatsisartut Inatsisit Atortinneqarnerannut Ataatsimiititaliaat allakkatigut allakkatut ukunatut oqaasertaqartutit qinnuigaara suliaq qanoq iliuuseqarnissamat pissutissaqalersitsinersoq nalunaarfigeqqullunga.

Ineqarnermut akiliutininik aalajangersaaneq pillugu itisilerutitut makku oqaatigaakka.

Attartortut imermut aningaasartuutaat 1. juli 2005-ip, tassalu inissianik attartortitsisarneq pillugu Inatsisartut peqqussutaata nr. 2-p, 12. maj 2005-imeersup atortuulerfiata, tungaanut ingerlatsiner-mut aningaasartuutitut ilanngullugit naatsorsorneqartarsimapput, taakkulu pisortat inissiaataanni attartortittakkani ineqarnermut akiliutininik aalajangersaanermi naatsorsuiner-mi tunngaviusunut ilaasarsimallutik.

Inatsisartut peqqussutaanni § 44, imm. 2-p tamatuma kingornatigut nassataraa attartortup imermik pilersuiner-mut aningaasartuutaasa immikkut matussuserneqarnissaat pi-masaqaatigineqar-sinnaasoq. Taamaaliortoqarpat attartortup imermut aningaasartuutai ineqarnermut akiliutit ilaat-tut akilersinniarneqarsinnaanngillat.

Naammagittaalliutit pillugit suliat suliarisakka taakku marluk imermik atuiner-mut aningaasar-tuutit ineqarnermut akiliutinut ilaajunnaarlutik immikkut naatsorsuutit tunngavigalugit imermik atuiner-mut immikkut akiliuteqartarner-mut ikaarsaarner-mut atatillugu 2006-imi ineqarnermut aki-liutinik aalajangersaanermut tunngasuupput.

2006-imi ineqarnermut akiliutit allanngortinneqarnerat A/S Inissiaatileqatigiiffik INI-p imaalillu-gu ilimasaarutigaa imermik atuiner-mut aningaasartuutit inissiatut immikkoortorta-qarfiup inger-latsiner-mut aningaasartuutaanit peerneqassasut, isertitalli pillugit missingersuutit imermik atui-ner-mut aningaasartuutit ineqarnermut akiliutitigut akilerneqartarunnaarneratigut aaqqiiffigine-qaratik.

Taamaaliornikkut inissiatut immikkoortorta-qarfiit ingerlatsinikkut sinneqartooruteqalerput, taak-kuli aningaasartuuteqarfinnik allanik qaffaanikkut ikiliallatsinneqarlutik, taamaaliornikkulli ine-qarner-mut akiliutinik aaqqiineq tamarmiusoq attartortunut ineqarnermut akiliutit appariaataattut nalunaarutigineqarluni, tassa aningaasartuuteqarfiusut tamarmiusut imermik atuiner-mut aningaa-sartuutinit ilanngaaticigineqartunit ikinneruppata.

Tamanna matumunnga ataneqartinneqassaaq, tassalu attartortut, ineqarnermut akiliutinut peqati-gitillugu, attartorner-mi pisussaaffimmik ilaattut imermik atuiner-mut aningaasartuutit akilernis-saat suli pisussaaffigaaq, tassami Inissiaatileqatigiiffiup ineqarnermut akiliutit appariaatissaatut Inissiaatileqatigiiffiup ilimasaarinertut taasamini oqaatigimmagu:

"2006-imi imermut akilee-qataassutissat qanoq annertutiginnissaat kingusinnerusukkut nalu-naarutigineqarumaarpoq." (Atofeqarfimmi nutsigaavoq)

Tassa allatut oqaatigalugu pineqartoq tassaavoq imermik atuiner-mut aningaasartuutit immikkut naatsorsuutitigoortunngortinneqarnerat attartortumut taamaallaat naatsorsuutitigut sunnuteqas-sasoq, attartortunullu aningaasatigut oqilisaataasutut eqqarsaatigineqarani.

Inatsisartulli peqqussutaanni § 44, imm. 2-p nassataraa imermik pilersuiner-mut aningaasartuuter-piaasut attartortunit suli matussuserneqartassasut.

Inissianik attartortitsineq pillugu Inatsisartut peqqussutissaattut nr. 2-tut, 12. maj 2005-imeersutut siunnersuummi imaluunniit peqqussutissatut siunnersuummik Inatsisartut suliarinninneranni

oqaatigineqanngilaq peqqussutip allanngartinneqarnera imatut paasineqassasoq pisortat inissiaataannik attartortitsisup imaluunniit taassuma aqutsisuata attartortup imermik atuineranut aningaasartuutitigut naatsorsuutitigut allanngartitsineq inissiatut immikkoortortaqaarfiup ingerlatsineranut aningaasartuutaanik qaffaanermut atorsinnaagaa, Inatsisartut peqqussutaanni § 28-mi ilimasaarisarneq pillugu malittarisassat malinngikkaluarlugit.

Taamaattumik uanga paasinninnera unaavoq inissiatut immikkoortortaqaarfiit ingerlatsineranut missingersuutaasa attartortut imermik atuineranut akiliutaasa naatsorsuutitigut allanngartinneqarnerat aningaasartuutitigut aaqqiissuteqaarfigiinnarlugu Inissiaatileqatigiiffiup 2006-imi ineqarnermut akiliutinik naatsorsueriaasia inissianik attartortitsisarneq pillugu Inatsisartut peqqussutaatigut tunngavissalerneqanngitsoq.

Ineqarnermut akiliutinik qaffaanerit ilimasaarutigineqarneranni tunngavilersuisoqarnissaanik piumasagaat.

Qulaani taaneqartut nassatarisaattut suliani marlunni taakkunani suliarisanni 2006-imi ineqarnermut akiliutinik allanngartitsinerit ineqarnermut akiliutinik allanngartitsinerit pillugit malittarisassat malillugit ingerlanneqarsimasariaqaraluarput.

Inissianik attartortitsisarneq pillugu Inatsisartut peqqussutaanni § 28, imm. 2-kkut aalajangersarneqarpoq ineqarnermut akiliutinik qaffaanerup ilimasaarutigineqarnera tunngavilersuummik minkineraaffiatigut piumasagaataasumik imaattumik ilaqqartinneqassasoq:

"Siumoortumik ilisimatitsissut qaffaanermut tunngaviusut qaffaatissallu qaammammut koruuninngorlugit annertussusissaat pillugit paasissutissanik imaqqanngippat siumoortumik ilisimatitsissut atortussaatinneqarsinnaanngilaq. Ukiumut tulliuuttumut missingersuutit siumoortumik ilisimatitsissummut ilanngunneqarsinnaapput, tassanilu qaffaanermut tunngaviusoq allassimasaaq."

Uanga paasinninnera unaavoq tunngavilersuinissamik piumasagaatip manna nassatarigaa, tassaalu ineqarnermut akiliutit qaffaataasa missingersuutinut ataneqarnerat tunngavilersuutaasumi takuneqarsinnaassasoq.

Suliani marlunni suliarisanni taakkunani ineqarnermut akiliutit allanngartinneqarnerannik paasisutissaq kisimi takuneqarsinnaavoq, missingersuutillu allannguutaat allannguut pillugu nalunaarummut ilanngullugu nassiunneqartumi takuneqarsinnaanani.

Taamaattumik uanga paasinninnera aamma unaavoq Inissiaatileqatigiiffiup ineqarnermut akiliutinik allanngartitsineq pillugu tunngavilersueriaasia naammannngitsoq.

Naalakkersuisut naammagittaalliummik suliat aappaat pillugu oqaaseqaataat.

Ineqarnermut Attaveqarnermullu Pisortaqaarfiup tusagassiuutinut naammagittaalliummik suliat aappaat pillugu kingusinnerusukkut oqaaseqaataasa ajornartorsiut sulii alla suliamut siusinnerusukkut suliarisimasannut ataneqartoq aamma saqqummersippaa.

6. Sulianut ukiuni siusinnerusuni nalunaarutini eqqartorneqartunut malitseqartitsineq. Naamma-

Pisortaqarfiup Atuagadliutini 10. oktober 2006-imi saqqummertuni oqaaseqaataata Inissiaatileqatigiiffiup kukkussuteqarsimanginneranik oqaatiginnittup pisortaqarfimmik suliaq pillugu oqaaseqaateqaqusinissannut tamatuma kingornatigut pissutissaqalersippaanga.

Pisortaqarfiulli akissutaa ilimasaarisarnermi malittarisassat malinneqarnissaannik sulianilu marlunni erseqqissumik malinneqarsimanginnerannik naliliininnut tunngaviusumik isummerfigin-ninngilaq.

Tassani aamma ilaavoq suliami pisortaqarfiup oqaaseqaateqarnissaanut pissutissaqalersitsisumi attartortitsisup tassaanera K Kommuni, tassanilu Inissiaatileqatigiiffiup aqutsinera kommunip Inissiaatileqatigiiffiullu isumaqatigiissutaannik tunngaveqarluni.

Tamatuma uanga imatut paasinninnera erseqqissarppaa, tassalu Ineqarnermut Attaveqarnermullu Pisortaqarfik ilimasaareriaatsimik pisortat inissiaataannut attartortittakkanut tamanut atuuttumik ataatsimut paasinninnerminik saqqummiussisimasoq.

Pisortaqarfik Inissiaatileqatigiiffiup kommunit inissiaataannik aqutsinera pillugu inatsiseqartitsi-nikkut apeqqutit aalajangiiffigineqarnerat pillugu A/S Inissiaatileqatigiiffik INI-mut naalakki-i-nissamut piginnaatitaansoq erseqqarluttutut aamma isigaara."

Ineqarnermut Attaveqarnermut Aatsitassanullu Naalakkersuisup 5. marts 2007-imi imatut akivaanga:

"Kalaallit Nunaanni Naalakkersuisut Inatsisartut Ombudsmandiata allagaa, 5. januar 2007-imeer-soq, attartortut imermut akiliutaasa ineqarnermut akiliummut ilaatiinnarneqartarsimagaluartup immikkut akiligassiissutigitineqartalerneranut atatillugu ineqarnermut akiliutip aalajangersarne-qartarnerani A/S Inissiaatileqatigiiffik INI-p perusia pillugu Inatsisartut Ombudsmandiata maa-laarutininut marlunnut oqaaseqaataanut tunngasoq tiguaat.

Inatsisartut Ombudsmandiat ilaatigut allappoq, attartornermut allannguutissaq ineqarnermut aki-liutinik qaffaasussangornermi siumoortumik nalunaarnissamut piffissarititaasunut maleruagas-sat malillugit siumoortumik nalunaartoqartussaasimagaluartuq, attartortut 2006-imi ineqarnermut imermullu aningaasartuutaat katikkaanni akiliutigisartagaat tamakkiisut amerlisimmammata.

Inatsisartut Ombudsmandiata Naalakkersuisut qinnuigai, Naalakkersuisut suleriaaseq inatsisiti-gut tunngaviligaanngitsoq qanoq iliorlutik aaqqinniarnarlugu ilisimatitseqqullugit.

Inatsisartut Ombudsmandiata oqaaseqaataa Kalaallit Nunaanni Naalakkersuisut tusaatissatut ti-guaat, tamannalu tunngavigalugu Naalakkersuisut inissianik attartortitsisarneq pillugu Inatsisar-tut peqqussutaata tullianik allanngortinneqarneranut atatillugu ineqarnermut qaffaatissanik siumoortumik ilisimatitsissuteqartarnermut inatsisitigut tunngaviusut ersarinnerulersinneqarnis-saat siunnerfigaat. Tamatumunnga atatillugu Naalakkersuisut inissianik attartortitsisarneq pillugu peqqussummi § 28, imm. 2-p atuuttup ersarissarneqarnissaa siunnersuutiginiarpaat, taamaalillu-nilu aalajangersagaq Inatsisartut Ombudsmandiata isumaanut naapertuuttunngorlugu iluarsiniar-lugu.

Naalakkersuisut siumoortumik nalunaarutit maalaarutinit pineqartunut marluusunut ilanngullugit nassiunneqarsimasut misissorpaat, Naalakkersuisullu isumaat malillugu siumoortumik nalunaarutini inissianik attartortitsisarneq pillugu Inatsisartut peqqussutaanni nr. 2-mi 12. maj 2005-imeersumi § 28, imm. 2-mi ineqarnermut akiliutinik qaffaanissap siumoortumik nalunaarutigineqartarnissaannut piumasaqaatit naammassineqarsimapput.

Imermut akiliutissat immikkoortinneqartalernerat inissianik attartortitsisarneq pillugu Inatsisartut peqqussutaat inissiani attartortittakkani ineqarnermut tapiissutit pillugit Inatsisartut peqqussutaannut naapertuuttunngortinniarlugu iliuuserineqarpoq. Taamatut allannguinnikkut attartortup imermut aningaasartuutigisartagaanut, atuineri aningaasartuutaasunut, ineqarnermut tapiisoqartarunnaarpoq.

Qaffanniarneqartoq tassatuaasimappat ineqarnermut akiliut, taava Naalakkersuisut isumaat naapertorlugu imaangilaq inatsisinut allannguutip inissianik attartortitsisarneq pillugu Inatsisartut peqqussutaanni § 28, imm. 2-mi, tassa siumoortumik ilisimatitsinissamut maleruagassat, qiviaqqaarnagit attartortitsisoq kisimiilluni aningaasartuutinit tunngatillugu ingerlatsineri missingersuutit iluarsinissaannut periarfissinneqartoq.

Kiisalu Naalakkersuisuniit ilisimatitsissutigisinnaavarput, Ineqarnermut Attaveqarnermullu Pisoraraqarfiup A/S Inissiaatileqatigiiffik INI attaveqarfigereermagu, siunissami ineqarnermut akiliiummut tunngatillugu siumoortumik nalunaaruteqartarnermi missingersuutit, Inatsisartut Ombudsmandiata 4. juli 2006-imi A/S Inissiaatileqatigiiffik INI-mut oqaaseqaataanut naapertuuttut atortaqqullugit."

Naalakkersuisunut ilaasortamut 18. april 2007-imi imatut allappunga:

"Inissiaatileqatigiiffiup inatsisitigut tunngaveqanngitsumik periaasia pillugu Naalakkersuisunut nalunaarutiginninnut 5. januar 2007-imeersumut Ineqarnermut Attaveqarnermullu Naalakkersuisup akissutaa 7. marts 2007-imi tiguara.

Ineqarnermut Attaveqarnermullu Naalakkersuisup siullertut oqaatigaa inissianik attartortitsisarneq pillugu Inatsisartut peqqussutaanni § 28, imm. 2-p erseqqissarneqarnissaa Naalakkersuisut suliniutiginiaraat, aalajangersagaq taanna uanga paasinninninnut naapertuuttunngortinneqarsinnaaqqullugu.

Tamanna imatut paasivara peqqussutip oqaasertaasa erseqqissarneqarnissaat Naalakkersuisut suliniutiginiaraat, pisuni aningaasartuutit aalajangersimasut ineqarfittut immikkoortorta qarfiup missingersuusiaannit peerneqarfiini malittarisassat aamma malinneqartarnissaasa aamma naatsorsuutitigut allannortitsineri aningaasatigut killissarititaasut iluanni ineqarfittut immikkoortorta qarfiup aningaasartuutaasa amerleriaatissaasa missingersuutitigut allannortinneqartarnissaasa erseqqissumik takuneqarsinnaalernissaat siunertaralugu.

Naalakkersuisut akissutaat aammattaq imatut paasivara peqqussutip oqaasertaasa erseqqinnerulernissaat Naalakkersuisut suliniutiginiaraat, ineqarnermut akiliutit qaffanneqarnissaannik ilimaasarutini tunngavilersuinissamut piumasaqaatit ilimasaarinermut tunngavilersuutip eqqortumik takutitsisuunissaa nassatarigaa aamma tamatumunnga atatillugu ineqarnermut akiliutit qaffaataa-

6. *Sulianut ukiumi siusinnerusuni nalunaarutini eqqartorneqartunut malitseqartitsineq. Naamma-*

sa ineqarfittullu immikkoortortaqaarfiup missingersuutaasa akornanni ataqatigiinneqarnera attartortumit erseqqissumik takuneqarsinnaalersillugu.

Ineqarnermut akiliutit allanngortinneqarnerannik siunissami ilimasaarutit tunngavilersuinermi piumasaqaatinut qulaani taaneqartunut naapertuuttussaanerannik Naalakkersuisut paasinninnerannik Naalakkersuisut Inissiaatileqatigiiffimmut oqaatiginnissimanagerat tamatumunnga atatillugu tusaatissatut tiguara.

Suliat marluk pineqartut eqqarsaatigalugit malugaara Naalakkersuisut isumaqartut tunngavilersuinissamut inissianik attartortitsisarneq pillugu peqqussummi § 28, imm. 2-mi piumasaqaat eqqortinneqarsimasoq.

Tamatumunnga atatillugu eqqaasitsissutigaa oqaaseqaatinni 4. juli 2006-imeersuni oqaatigigiga 2006-imi ineqarnermut akiliutit allanngortinneqarnerinik attartortunut nalunaarutit kukkusumik takutitsisuusut saqqummertut, tassami ineqarnermut akiliutit appariaataattut taaneqaramik, Inissiaatileqatigiiffiullu isertitai eqqunngitsumik missingersuusiorneqarsimallutik, tassami isertitanut tunngasuni attartortut imermik pilersorneqarnerisa ineqarnermut akiliutinik aalajangersaernermi ilaasarunnaarnissaat sillimmaanneqarsimanngimmat.

Missingersuutitigut allannguutit ineqarnermut akiliutinut qanoq sunniateqarnissaat tamatuma nassatarisaanik takuneqarsinnaanngilaq.

Naalakkersuisut tamanna tunngavigalugu qinnuigaakka suliani pineqartuni marlunni ineqarnermut akiliutit qaffanneqarnissaannik ilimasaarinnermut tunngavilersuinissamut piumasaqaat eqqortinneqarsimasoq Naalakkersuisut isumaliutersuutit suut tunngavigalugit isumaqarnerisut erseqqinnerusumik nassuiaqqullugu.

Allakkat ukua assilinerat Inatsisartut Inatsisit Atortinneqarnerannut Ataatsimiititaliaannut nassiuuppara."

Naalakkersuisunut ilaasortap 24. maj 2007-imi imatut akivaanga:

"Inatsisartut Ombudsmandiannit allakkat 18. april 2007-imeersut, A/S Inissiaatileqatigiiffik INIp 2006-imi ineqarnermut akiliutinut allannguutissat pillugit siumoortumik nalunaaruteqarnerani suleriaaserisimasaanut tunngasut tiguakka.

Inatsisartut Ombudsmandiata Naalakkersuisut qinnuigai, suliani aalajangersimasuni marluusuni taakkunani ineqarnermut akiliutinik qaffaanissaq pillugu siumoortumik nalunaaruteqarnissamut tunngavilersuutissatut piumasaqaatit sukkut naammassineqarsimanersut pillugu Naalakkersuisut isummernerat pillugu sukumiinerusumik nassuiaqqullugit.

Naalakkersuisut naliliipput suliani aalajangersimasuni marluusuni taakkunani, siumoortumik ilisimatitsissutitut nassiunneqartuni inissianik attartortitsisarneq pillugu Inatsisartut peqqussutaanni nr. 2-mi, 12. maj 2005-imeersumi, kingusinnerusukut allannguuteqartinneqartumi § 28-mi, imm. 2-mi siumoortumik ilisimatitsinissamut piumasaqaatit eqqortumik malinneqarsimasut.

Ineqarnermut akiliutinik qaffaanissaq pillugu siumoortumik ilisimatitsissutit imarisussaavaat qaffa-
faanermut tunngavilersuutit kiisalu aamma qaffaatissap qaammammut koruuninngorlugit anner-
tussusissai pillugit paasissutissat. Inissianik attartortitsisarneq pillugu Inatsisartut peqqussutaata
nr. 2-p, 12. maj 2005-imeersup siunnersuutigineqarnerani allannguutissatut siunnersuutit Inatsi-
sartuni aappassaaneerreqarnerani § 28, imm. 2-mut oqaaseqaatini allassimavoq, attartortitsisup
ukiumut tulliuuttumut missingersuutinik eqikkakkanik, ukiumi pineqartumi ukiunilu tulliuuttuni
missingersuutit pingaarnersaannik saqqummiussiffiusunik ilanngussinermigut paasissutissiisus-
saatitaanini naammassisinnaagaa.

Suliat aalajangersimasut taakkunani missingersuutinik eqikkakkanik, ineqarnermut akiliutip
maanna annertussusaanut siunissamilu annertussusissaanut koruuninngorlugit paasissutissarta-
linnik ilaqartinneqarsimapput.

Suliani aalajangersimasuni taakkunani A/S Inissiaatileqatigiiffik INI-p attartornermut akiliutinut
allannguutissat qaammatinik pingasunik sioqqutsillutik nalunaarutigisimavaat, taamaaliorner-
mikkullu attartortitsinermut peqqussummi § 28, imm. 2-mi siumoortumik ilisimatitsinissamat
maleruagassat eqquutsissimallugit.

Tamanna tunngavigalugu Naalakkersuisut naliliipput, A/S Inissiaatileqatigiiffik INI inissianik at-
tartortitsisarneq pillugu Inatsisartut peqqussutaanni nr. 2-mi, 12. maj 2005-imeersumi, kingusin-
nerusukktu allaannguuteqartinneqartumi § 28, imm. 2 malillugu sulisimasoq."

Naalakkersuisunut ilaasortaq 4. september 2007-imi imatut akivara:

"Naalakkersuisunut ilaasortap allakkannut 18. april 2007-imeersunut akissutaa 25. maj 2007-imi
tiguara. Naammagittaalliutitut suliarpassuit nutaat takkussortut pissutigalugit Naalakkersuisu-
nut ilaasortap akissuteqarfiginissaanut ajuusaarnartumik aatsaat massakktu periarfissaqalerpun-
ga.

Naammaagittaalliutitut suliani marlunni Inissiaatileqatigiiffiup periaasiata inatsisinik unioq-
qutitsisuuneranik Ombudsmandi pillugu inatsimmi § 11 tunngavigalugu nalunaarutiginninissan-
nut pissutissaqalersitsisuni inissianik attartortitsisarneq pillugu peqqussummi § 28, imm. 2-mi ili-
masaarisarnermi piumasaqaataasut eqqortinneqarsimasut Naalakkersuisut isumaqarnerat tusaa-
tissatut tiguara.

Sulili isumaqarpunga suliani marlunni taakkunani suliarisimasanni ilimasaarinerit ineqarnermut
akiliutip appartinneqarnissaannik ilimasaarutaasut saqqummiunneqarsimasut, sulianilu pineqar-
tuni allannguutit taakku ineqarfittut immikkoortortaqarfiup missingersuutaanut qanoq sunniute-
qarnerisa takuneqarsinnaannginnerat ataatsimut pissutigalugu ilimasaarutit taakku sukumiisumik
tunngavilersuinissamik piumasaqaataasunik eqqortitsisuunngitsut.

Tamatununga atatillugu oqaatigaara Naalakkersuisunut oqaaseqaatinni allakkannilu 5. januar
2007-imeersuni tunngavilersuineri matuminnga tunngaveqartoq, tassalu tunngavilersuutinut
inissianik attartortitsisarneq pillugu peqqussummi § 28, imm. 2-kkut taaneqartunut suli annertu-
nerusunik piumasaqaateqartoqartariaqartoq.

Taamaalilluni pineqartoq tassaavoq tunngavilersuinissamik piumasaqaatikku inatsiseqartitsiner-mi illersuinissamik siunertarineqartut pisortallu akiliisitsiniartarnermik suliaqarnerannut pingaa-ruteqarluinnartumik tunngaviit eqqarsaatigalugit tunngavilersuutip eqqortumik takutitsisuunis-saata paasissutissinneqarnissamillu pisariaqartitsinermik pineqartumik matussusiisuunissaata piumasaqaatigineqarnerat aamma atuutinnippata inatsimmi tunngavilersuinissamik piumasa-qaataasutut taagorneqartut immikkut isumaqartussaanavianginnerat.

Assersuutigalugu ineqarnermut akiliutit aningaasanik aalajangersimasunik amerlassusilinnik qaf-fariaateqarnissaanik nalunaarutip missingersuutit eqikkarnerannik ilaqartinneqartup aningaasar-tuutit qaffattussat kisiisa pillugit paasissutissanik imallip § 28, imm. 2-mi piumasaqaataasut pis-susissamisoorumik eqqortissavai, imminili sumik isumaqarnaviarani, tamatumunnga peqatigitil-lugu manna paasissutissiisutigineqanngippat, tassalu assersuutigalugu aningaasartuutit allat ap-pariartut, aningaasartuutillu taakku ineqarnermut akiliutitigut massakkut isertinneqartartutigit isertitatigullu allatigut matuneqarsinnaanersut.

Aningaasartuuteqarfiit ataasiakkaat, ilimasaarummut tunngavilersuummi paasissutissat apeqqu-taatinngit, tamatumunnga peqatigitillugu missingersuusiorfimmi pineqartumi allanngoriartorne-rit pillugit sapinngisamik piviusunut qanittumik naliliineq aallaavigalugu soorunalimi aalajanger-sarneqarsimassapput, tunngavilersuutillu taamatuttaaq paasissutissanik eqqunngitsunik paatsu-i-sitsinnaasunilluunniit imaqaasanatik.

Suliani marlunni taakkunani suliarisimasanni allannguutit ineqarnermut akiliutit appariaataattut allaaserineqarsimapput, taamatuttaarlu isertitanut tunngasuni imermik pilersuiner-mut aningaasar-tuutit naatsorsuutinit peerneqarsimanerannik aaqqiivigineqarsimanatik.

Tunngavilersuinissamut piumasaqaat inissianik attartortitsisarneq pillugu peqqussummi § 28, imm. 2-mi aalajangersarneqarsimasup pissusissamisoorumik eqqortinneqarsimanerannik Naalak-kersuisut paasinninnerat matuma kingornatigut ilalersinnaavara, tamannali apeqqutaatinnagu isu-maqarlunga tunngavilersuut suli naammangitsoq, matumani paatsuisitsinnaanera ilanngullu-gu eqqarsaatigalugu, allannguutit ineqarnermut akiliutit appariaataattut allaaserineqarsimanerisa isertitallu ineqarnermut akiliutit allannguutaannik naliliiffiginnissinnaajunnaarsitsisumik naat-sorsorneqarsimanerisa nassatarisaannik.

Taamaattumik manna pingaartutut isigaara, tassalu ilimasaarutini amigaatit pineqartut pissutigalugit, inissianik attartortitsisarneq pillugu peqqussummi § 28, imm. 2-mi piumasaqaataasut pissu-sissaattut eqqortinneqarsimanerat apeqqutaatinnagu, ilimasaarutit atuussinnaassuseerunnissaat pillugu apeqqummik qulaajaasoqassasoq.

Taamaattumik uanga paasinninnera unaavoq, tassalu pissutsit inissianik attartortitsisarneq pillugu peqqussum tunngavigalugu atuussinnaassuseqartitsisuunngitsut saniatigut allanik pissuteqarluni atuussinnaassuseqannginnermik takutitsisoqarsinnaanera tunngaviusumik apeqqutaasoq.

Tamatuma kingornatigut matuma kaammattuutiginnissaa isumaliutersuutigaara, tassalu attartortut taakku marluk ilimasaarutit atuussinnaassuseqarnerannik eqqartuussivikkoortumik misiliisitsi-nissaminnut imminnut aningaasartuutaanngitsumik eqqartuussivikkut suliaannngortitsinnaa-sut, Naalakkersuisut paasinninnerat suli unaappat ilimasaarutit atuussinnaassuseqartut.

Pineqartunut aningaasartuutaanngitsumik eqqartuussivikkoortitsinissamik kaammattuuteqarnisamat tunngavissaqarnerlunga inaarutaasumik isumminnginninni Naalackersuisut qinnuigaakka apeqqutit uku naliliiffigeqqullugit, tassalu ineqarnermut akiliutit qaffannissaannik ilimasaaruteqarnermi ilimasaarutit paasissutissanik paatsoortitsinnaasunik imaqarnerat ataatsimut isiginianninneqarsinnaanersoq, aamma attartortitsisup isertitaasaa ineqarnermut akiliutit allannguutaannik naliliisoqarsinnaajunnaarsillugu naatsorsorneqarsimanerat isiginianninneqarsinnaanersoq.

Pissutsit taakku ataatsimut isigalugit sunniuteqanngitsutut isigineqarsinnaanngitsut Naalackersuisut isumaqarpata Naalackersuisut qinnuigaakka pissutsit taakku ilimasaarutinut pineqartunut uanga misissorsimasannut qanoq sunniuteqarsimanerat nalileqqullugu.

Allakkat ukua assilineri Inatsisartut Inatsisit Atortinneqarnerannut Ataatsimiititaliaannut naamagittaalliortunullu marlunnut naammagittaalliutaat suliarisimasannut kiisalu A/S Inissiaatileqatigiiffik INI-mut nassiuppakka."

Naalackersuisunut ilaasortap akissut imaattoq uannut 13. september 2007-imi nassiuppaa:

"Inatsisartut Ombudmandiata allagaa 4. september 2007-imeersoq, A/S Inissiaatileqatigiiffik INI-p 2006-imi ineqarnermut akiliutinik allannguissamat siumoortumik ilisimatitsinermi suleriaasianut tunngasoq tiguara.

Inatsisartut Ombudsmandiata Naalackersuisut qinnuigai, attartortitsisarnermut peqqussummi § 28, imm. 2-mi piumasaqaatit malinneqarsimagaluarpataluunniit siumoortumik ilisimatitsissutit ilusaat tunngavigalugit atorsinnaanngitsutut nalilerneqassanersut nassuiaammik saqqummiusseqqullugit.

Naalackersuisut naliliinerat malillugu attartortitsisarneq pillugu Inatsisartut peqqussutaanni nr. 2-mi, 12. maj 2005-imeersumi (attartortitsisarnermut peqqussut) § 28, imm. 2-mi siumoortumik ilisimatitsissutit tunngavilerneqarnerisa saniatigut allanik piumasaqaateqartoqartussaannigilaq.

Tamatumunnga atatillugu Naalackersuisuniit erseqqissaatigineqassaaq, siumoortumik ilisimatitsinissamat malittarisassat ineqarnermut akiliutinut siumoortumik ilisimatitsinissamat malittarisassanik tunngaveqarnerat peqqutigalugu atorsinnaanngitsutut nalunaarutigineqarsinnaanngimata. Taamatut pissuseqarnermut oqimaatigiiisitsisarnermut tunngaviusut, Kalaallit Nunaanni najugaqatigiiffinnut atuutsinneqartut peqqutaapput. Taamaattumik § 28, imm. 2-mi atorsinnaatitsinninnissamat tunngavissat maleruagassaapput aalajangersimasanut tunngassuteqartut, suugaluartunilluunniit atorsinnaatitsinninnissamat tunngavissaanatik.

Tamatumunnga peqatigitillugu Ombudsmandip Naalackersuisut qinnuigai, attartornermut akiliutinik qaffaanissamik siumoortumik ilisimatitsinermi siumoortumik ilisimatitsissutit paasissutissanik paatsuunganartunik imaqarnerat ataatsimut isigalugu pingaartinneqannginnissaat, aamma attartortitsisup isertitaasaa ineqarnermut akiliutinut allannguutissanik naliliinissamat periarfissiumik naatsorsorneqarsimanninnerat pillugu apeqqutit naliliiffigeqqullugit.

6. *Sulianut ukiuni siusinnerusuni nalunaarutini eqqartorneqartunut malitseqartitsineq. Naamma-*

Naalackersuisut isumaat malillugu pissutsit pineqartut ineqarnermut akiliutip qaffanneqarnissaa-
nik siumoortumik ilisimatitsinissamat sunniuteqarsimannngillat, tassani ilisimatitsissutigineqar-
mat imermut aningaasartuutissat immikkoortillugit akilersinneqartussaasut. Allakkami, siu-
moortumik ilisimatitsissummut ilanngullugu nassiunneqartumi allassimavoq, imermut akiligassat im-
mikkut akiligassiissutigineqassat. Taamaattumillu Naalackersuisut naliliinerat malillugu siu-
moortumik ilisimatitsissut paasissutissanik paatsuunganartunik imaqaanngilaq, aammalu attartor-
titsisup isertitai ineqarnermut akiliutinut allannguutissanik naliliinissamat periarfissiisumik naat-
sorsorneqarsimapput."

Naalackersuisunut ilaasortap akissutaa ukiup nalunaarusiuunneqartup naanerani
suli isummerfiginngilara.

2006-imi ukiumoortumik nalunaarut, immikkoortoq 6, qupperneq 471 tulluilu

Ineqarnermut tapiissutinik qinnuteqaammik kommunip suliarinninnera (J.nr. 11.10.02.04/048-03)

Ilaqutariinnermut Pisortaqarfik 2. marts 2007-imi imatut allaffigaara:

"Suliani ineqarnermut tapiissutinut tunngasuni Isumaginninnermi Naammagittaalliuuteqartarfim-
mut naammagittaalliornissamat periarfissaq pillugu Naalackersuisunut Ombudsmandi pillugu i-
natsimmi § 11 tunngavigalugu nalunaarutiginneqqinninnut pisortaqarfiup akissutaa 24. november
2006-imi tiguara.

Naalackersuisut ineqarnermut tapiissutit pillugit Inatsisartut peqqussutaanni naammagittaallior-
nissamat periarfissaq isumaginnittoqarfiup aqunneqarnera aaqqissuusaaneralu pillugit Inatsisar-
tut peqqussutaanni naammagittaalliornissamat periarfissamat naapertuuttunngortinniarlugu sulii-
niuteqalersimasut malugaara.

Aammattaq peqqussutissatut siunnersuutip qarasaasiamut immiunneqarnera tiguara.

Taamaattumik Ombudsmandi pillugu inatsimmi § 11 tunngavigalugu nalunaarutiginninnera eq-
qarsaatigalugu iliuuseqaqqittariaqarnerlunga isumminnginninni peqqussutissatut siunnersuutip
Inatsisartuni suliarineqarnissaa utaqqimaarpara.

Isumaqaqpungali pissutsit marluk Naalackersuisunut malugeqqusariaqarlugit:

Siullertut peqqussutissatut siunnersuut pillugu oqaaseqaatinit agguanneqartunit erserpoq ineqar-
nermut tapiissutit pillugit Inatsisartut peqqussutaata isumaginnittoqarfiup aqunneqarnera aaqqis-
suusaaneralu pillugit Inatsisartut peqqussutaannut naapertuuttunnginnera Ombudsmandip isor-
nartorsiorsimagaa.

Tamanna eqqunngilaq, tassami Inatsisartut Ombudsmandip isornartorsiorsinnaanngimmagit. Ki-sianni suliani isumaginninnermut tunngasuni isumaginnittoqarfiup aquneqarnera aqqissuussaa-neralu pillugit Inatsisartut peqqussutaat tunngavigalugu naammagittaalliornissamut periarfissap kommunit aalajangiinerinik inissiani attartortittakkani ineqarnermut tapiissutit pillugit Inatsisar-tut peqqussutaanni naammagittaalliutigininnissamut periarfissap killissalersorneqarneranik ilumut atorunnaarsitsisuunerata erseqqarluttuenera Ombudsmandip Inatsisartunut Naalakkersui-sunullu nalunaarutigisimavaa.

Nalunaarutiginnineq taanna Ombudsmandi pillugu Inatsisartut inatsisaanni § 11 tunngavigalugu pisimavoq, tassanilu aalajangersarneqarpoq Inatsisartut inatsisaanni aamma Inatsisartut peqqus-sutaanni amigaataasut Inatsisartunut Naalakkersuisunullu nalunaarutigissallugit Ombudsmandi pisussaaffeqartoq, amigaatillu taamaattut tassaatinneqarput amigaatit inatsisissatut peqqussutis-satulluunniit siunnersuutip suliarineqarnerani Inatsisartut eqqumaffigisimangisaat.

Pissuseq alla Naalakkersuisunut massakut malugeqqullugu oqaatiginiagara tassaavoq peqqussu-tissatut siunnersuut pillugu oqaaseqaatinit ersertoq Ombudsmandi oqarsimasoq suliani ineqarner-mut tapiissutinut tunngasuni naammagittaalliornissamut periarfissap naammagittaalliornissamut periarfissaq isumaginnittoqarfiup aquneqarnera aqqissuussaa-neralu pillugit Inatsisartut peq-qussutaatigut tunngavissalernerqarsimasoq assigisariaqaraa.

Tamanna aamma eqqunngilaq, tassami malittarisassat suut Inatsisartunit akuerineqartariaqarne-rannik isummerfiginninneq Ombudsmandip naalakkersuiner-mut attuumassuteqartuunnginnerata nassatarisaanik killissarititaasut Ombudsmandip sulineranut atuuttut avataanniimmat.

Ombudsmandip Ombudsmandi pillugu Inatsisartut inatsisaanni § 11 tunngavigalugu nalunaaruti-ginninnerani pineqartorpiaq tassaavoq isumaginnittoqarfiup aquneqarnera aqqissuussaa-neralu pillugit Inatsisartut peqqussutaanni imaluunniit Inatsisartut peqqussutaat taanna piareersarlugu suliani manna takuneqarsinnaanngitsoq, tassalu naammagittaalliornissamut periarfissamik killis-salersuinerit inatsisitigut pisoqaanerusutigut aalajangersarneqarsimasut atorunnaarsinneqarsima-nersut.

Tassani ajornartorsiut ineqarnermut tapiissutit pillugit Inatsisartut peqqussutaannut immikkut ata-tinneqanngitsoq pineqarpoq, tassami isumaginnineq pillugu peqqussutit allat naammagittaallior-nissamut periarfissap killissalersorneqarneranik aamma imaqarmata.

Ajornartorsiut taamaattoq suliassaqarfimmi inatsisitigut aalajangersaavigineqareersimasumi nu-taamik inatsisiliornermi pilersarpoq.

Inatsimmik nutaamik akuersissuteqarnermi inatsit nutaaq taanna aalajangersakkat pioreersut sor-liit atorunnaarsinneqarnerat pillugu paasisstutissanik imaqartariaqarpoq.

Apeqquut taanna inatsisip nutaap inatsimmut siusinnerusukkut atuussimasumut qanoq annertutigi-sumik ataneqartinneqarsinnaanera pillugu nassuiaanermik taarserneqanngisaannassaaq.

Taamaattumik Naalakkersuisut qinnuigaakka peqqussutissatut siunnersuut saqqumiunneqartoq pillugu oqaaseqaatit aqqiissuteqarfigineqartariaqarner-sut isumaliutersuutigeqqullugu.

6. Sulianut ukiuni siusinnerusuni nalunaarutini eqqartorneqartunut malitseqartitsineq. Naamma-

Allakkat ukua assilineri Inatsisartut Inatsisit Atortinneqarnerannut Ataatsimiititaliaannut aamma Naalakkersuisut Siulittaasuannut nassiuppakka."

Ilaqutariinnermut Pisortaqarfimmut 7. marts 2007-imi imatut allappunga, assilineri Inatsisartut Inatsisit Atortinneqarnerannut Ataatsimiititaliaannut Naalakkersuisunullu nassiullugit:

"Qupperneq naqqiissut ineqarnermut tapiissutit pillugit Inatsisartut peqqussutaata allannguutisaatut siunnersuummut Inatsisartut 2007-imi upernaakkut ataatsimiinneranni UPA 2007/44-tut oqaluuserineqartussatut nalunaarutigineqarsimasumut atatillugu Naalakkersuisut nassiutilersaagaat pisortaqarfiup uannut 6. marts 2007-imi nassiuppaa.

Qupperneq naqqiissut taanna isumaginnittoqarfiup aqunneqarnera aqqiissuusaaneralu pillugit Inatsisartut peqqussutaata aamma inissiani attartortittakkani ineqarnermut tapiissutit pillugit Inatsisartut peqqussutaata akornanni pissutsimik Ombudsmandip Ombudsmandi pillugu inatsimmi § 11 tunngavigalugu nalunaarutigisaata uanga paasinninnera malillugu eqqortumik issuarneqarneranik imaqarpoq.

Peqqussutissatut siunnersuutip Inatsisartuni oqaluuserineqarnissaa matuma kingornatigut utaqqi-maarpara."

Suliaq Ilaqutariinnermut Pisortaqarfimmut allakkatigut imaattutigut 17. september 2007-imeersutigut inaarlugu suliaaraa:

"Inissiani attartortittakkani ineqarnermut akiliummut tapiissutit pillugit Inatsisartut peqqussutaata allanngortinnissaa pillugu Inatsisartut peqqussutaat nr. 6, 7. maj 2007-imeersoq maanna atortuulersinneqarmat suliami annertunerusumik iliuseseqaqqissanngilanga.

Inatsisip siusinnerusukkut atuussimasup malitsigisaanik ineqarnermut tapiissutit pillugit suliani aalajangiinerit Isumaginninnermi Naammagittaalliuuteqartarfimmut ilumut annertutigisumik naammagittaalliuutigineqarsinnaanerannik nalornissuteqarneq taamaalilluni atorunnaarpoq."

2006-imi ukiumoortumik nalunaarut, immikkoortoq 6, quppernerit 474 tulluilu

Soraarsitsinerni arlalinni suliami illua'tungiusup isumaanik tusarniaasimanninnerit (j.nr. 11.32.20.0/114-97, 11.32.20.0/093-98 aamma 11.32.20.0/037-99)

Suliami 11.32.20.0/093-98-imi naammagittaalliortup imminnut aningaasartuutaanngitsumik eqqartuussivikkoortitsinissaminut akuerineqarneranik Kalaallit Nunaata Eqqartuussiviata nalunaarutaa 3. april 2007-imi tiguara.

Suliani taakkunani marlunni K Kommunimut 25. januar 2007-imi imatut allappunga:

"Kommuni allakkatigut 12. juni 2006-imeersutigut qinnuigaara kommunip naammagittaalliortoq eqqarsaatigalugu qanoq iliuuseqaqqissimaneranik ilisimatequllunga.

Kommunimit tamatuma kingornatigut tusagaqannginnama suliaq inatsisilerinermi pisortama Michael Mikkelsenip oqarasuaatikkut kommunimut 8. november 2006-imi eqqaasitsissutigaa. Inatsisilerinermi pisortaq oqarasuaatikkut oqaloqatigiinneq pillugu imaatumik allakkiorpoq:

"Kommunaldirektør ... oqarasuaatikkut ullumikkut oqaloqatigaara, suliaq kommunip malitseqartitsivigisimaneraa paasiniallugu.

Kommunaldirektøri oqarpoq sulianik sulisunut tunngasunik iluarsaassinini massakkut ingerlallugu, A-lu kommunip eqqartuussivikkoortuunngitsumik isumaqatigiissuteqarnissamik neqeroorutaanut 31. marts 2006-imeersumut akissuteqarsimanersoq misissorniallugu. Taa maanngippat suliaq A eqqarsaatigalugu inaalugu suliarineqarnissaa kommunaldirektørip suliniutiginiarppaa, Ombudsmandilu tamatuminnnga ilisimatinniallugu.

..."

Qinnutigisamut qulaani taaneqartumut akissummik tigusaqannginnama suliaq eqqaasitsissutigaa-ra."

Kommunip akissuteqarnissaa 4. april 2007-imi aamma 17. september 2007-imi eqqaasitsissutigeqqippara.

Kommunip 5. oktober 2007-imi nalunaarfigaanga kommuni eqqartuussivikkoortitsinissaq pinngitsoortinniallugu isumaqatigiissutitut neqeroorummik sulisunut soraarsinneqarsimasunut taakkununga marlunnik 2007-imi martsip qaammataani saqqummiussisimasoq, sulisullu aappaata neqeroorut itigartissimagaa eqqartuussivikkoortitsinissani kissaatigalugu, sulisulli soraarsinneqartup aappaa kommunip tusagaqarfigisimanngikkaa.

Kommunip akissutaa kingulleq ukiup nalunaarusiuunneqartup naanerani suli isummerfiginngilara.

2006-imi ukiumoortumik nalunaarut, immikkoortoq 6, quppernerit 480 tullialu

Inuussutissanik nakkutilliinermut atatillugu aalajangiinerup qanoq paasiasariaqarnera. Immikkut akuersissuteqartarnermut inatsisitigut tunngavis-

saqarneq pillugu apeqqu. Nakkutilliinermi allaffissornikkut aqutsinermi malittarisassanik naammaginartunik aalajangersaasussaataaneq (J. nr. 11.52.10.1/066-00)

Inuussutissarsiornermut, Nunalerinermut, Suliffeqarnermullu Pisortaqarfik inat-sisiliornermik suliap sumut killinnera pillugu apeqquateqaatinnik allakkatigut 24. januar 2007-imeersutigut eqqaasippara.

Pisortaqarfiup makku allakkatigut 13. februar 2007-imeersutigut nalunaarutigai:

"Apeqquateqaatinnut akissutitut oqaatigisinnaavara Inuussutissanut Atuisunullu Allaffik inuussutissat pillugit nalunaarut nutaaq suliaralugu aallarertorsimammatt. Ajoraluartumik suliaq taanna suliassat allat pissutaallutik unitsinneqartarsimavoq, taamaattumillu nalunaarut ukiup affaa misiliorlugu kinguartoortussanngorluni.

Tusarniaaneriit inaarsaanikkullu suliassat ilannguteriarutsigit nalunaarut 2007-ip qeqqani atuutilerumaartoq naatsorsuutigaarput."

Pisortaqarfik akissuteqarnissaanik allakkatigut 18. september 2007-imeersutigut aamma 28. november 2007-imeersutigut eqqaasippara.

Pisortaqarfiup akissutaanik ukiup nalunaarusiuunneqartup naanerani suli tigusaqanngilanga.

7. Sulianut ukiuni siusinnerusuni nalunaarutini eqqartorneqartunut malitseqartitsineq. Suliat nammineerluni misissugassanngortitat

2005-imi ukiumoortumik nalunaarut, immikkoortoq 4, qupperneq 60

Sulianik isumaginninnermut tunngasunik misissuineq (j.nr. 11.73.88.71/110-05)

Misissuinera ukiup nalunaarusiuunneqartup naanerani suli naammassinngilaq.

2006-imi ukiumoortumik nalunaarut, immikkoortoq 4, quppernerit 38 tulluilu

Napparsimasoq nakorsaatinik nakorsamit tunniunneqartunik tuniniaasimanerarlugu nakorsap pasilliinera pillugu naammagittaalliummik Peqqissutsimut Pisortaqarfiup (Peqqissaaveqarfinnik Aqutsiviup) suliarinninera (j.nr. 11.73.55.12/088-06)

Suliamik suliarinninera 2007-imi naammassivara, oqaaseqaatigalu nalunaarummi matumani ilanngunneqarpoq, tak. immikkoortoq 5, quppernerit 267 tulluilu.

2006-imi ukiumoortumik nalunaarut, immikkoortoq 4, quppernerit 40 tullialu

Ilaqutariinnermut Pisortaqarfiup kommuninik nakkutilliinera (J.nr. 11.73.-18.30/104-06)

Misissuinera ukiup nalunaarutisiuunneqartup naanerani suli naammassinngilara.

2006-imi ukiumoortumik nalunaarut, immikkoortoq 7, qupperneq 41

Sulianik isumaginninnermut tunngasunik misissuineq (j.nr. 11.73.88.71/045-06)

Suliani innuttaasup Isumaginninnermi Naammagittaalliuuteqartarfimmit akuersaarluinnarneqanngitsuni naammagittaalliuuteqarnissamut periarfissap ilitser-suutigineqartarnissaanik inassuteqaatiga kommunip akissummini 25. september 2007-imeersumi tusaatissatut tiguaa.

Aammattaaq malugaara pisut ataasiakkaarlugit nalileereernikkut inummut tapi-liisarnissaq pillugu oqaaseqaatikka eqqarsaatigalugit suliat inunntut ataasiakkaanut tunngasut ataasiakkaat kommunip missingersuutitigut isiginiagassanik isigin-ninniarfigisimasaasa inatsisinik unioqqutitsisuunerat kiisalu qinnuteqarnissamut piffissaliussanik piffissaliussaq qaangerneqarpat inummut tapinik itigartitsisinaanermik nassataqartunik kommunip aalajangersaasinnaannginnera pillugu oqaaseqaateqarnissannut pissutissaqalersitsisut kommunip suliareqqissimagai.

Suliami tamatuma kingornatigut iliuuseqaqqissanngilanga.

2006-imi ukiumoortumik nalunaarut, immikkoortoq 4, qupperneq 43

Sulianik isumaginninnermut tunngasunik misissuineq (j.nr. 11.73.88.71/053-06)

Immikkoortoq 3-14 innersuussutigaaara, K Kommunimummi oqaaseqaatinnit tigulaakkat tassani ilanngunneqarmata.

2006-imi ukiumoortumik nalunaarut, immikkoortoq 4, qupperneq 43

Sulianik sulisunut tunngasunik misissuineq (j.nr. 11.73.88.72/054-06)

Immikkoortoq 3-15 innersuussutigaaara, K Kommunimummi oqaaseqaatinnit tigulaakkat tassani ilanngunneqarmata.

2006-imi ukiumoortumik nalunaarut, immikkoortoq 4, qupperneq 43

Sulianik akiliisitsiniarnermut tunngasunik misissuineq (j.nr. 11.73.88.73/055-06)

Immikkoortoq 3-16 innersuussutigaaara, K Kommunimummi oqaaseqaatinnit tigulaakkat tassani ilanngunneqarmata.

2006-imi ukiumoortumik nalunaarut, immikkoortoq 4, qupperneq 43

Sulianik isumaginninnermut tunngasunik misissuineq (j.nr. 11.73.88.71/069-06)

Immikkoortoq 3-17 innersuussutigaaara, K Kommunimummi oqaaseqaatinnit tigulaakkat tassani ilanngunneqarmata.

2006-imi ukiumoortumik nalunaarut, immikkoortoq 4, qupperneq 43

Sulianik sulisunut tunngasunik misissuineq (j.nr. 11.73.88.72/070-06)

Ataatsimut oqaaseqaatima kommunilluunniit taakku pillugit akissutaata nalunaarummut ilanngunnissaannut pissutissaqarnanga isumaqarpunga. Suliamik suliarinninnera allakkatigut 15. januar 2007-imeersutigut naammassivara.

2006-imi ukiumoortumik nalunaarut, immikkoortoq 4, qupperneq 43

Sulianik akiliisitsiniarnermut tunngasunik misissuineq (j.nr. 11.73.88.73/071-06)

Ataatsimut oqaaseqaatima kommunilluunniit taakkununga akissutaasa nalunaarummut ilanngunneqarnissaannut pissutissaqarnanga isumaqarpunga.

2006-imi ukiumoortumik nalunaarut, immikkoortoq 5, quppernerit 438 tulliilu

Isumaginninnermi Naammagittaalliuteqartarfiup ineqarnermut akiliutinut akiitsut akilerneqarnissaannut pisortanit ikiorsiissutit pillugit sulianik tulleriarinera (j.nr. 11.73.19.04/124-05)

Isumaginninnermi Naammagittaalliuuteqartarfiup allakkamini 26. april 2007-imeersuni nalunaarfigaanga allakkatigut taasisitsisarnermik atuinerup annertusineqarnissaanik inassuteqaatiga Naammagittaalliuuteqartarfiup tusaatissatut tigu-gaa.

Naammagittaalliuuteqartarfik pissutsit Naammagittaalliuuteqartarfiup tullerriaarinermini periaatsiminik saneqqutsinissaanut tunngavilersuutigineqarsinnaasut eqqumaffigeqqullugit Naammagittaalliuuteqartarfirmut inassuteqaatinnut akis-suteqarnissaanik allakkatigut 9. juli 2007-imeersutigut eqqaasippara.

Inassuteqaammut tassunga Naammagittaalliuuteqartarfiup akissuteqarnissaa 12. september 2007-imi eqqaasitsissutigeqqippara.

Naammagittaalliuuteqartarfiup 28. september 2007-imi akivaanga inassuteqaat taanna tusaatissatut aamma tiguneqartoq.

Misissuina tamatuma kingornatigut inaarlugu suliaara.

2006-imi ukiumoortumik nalunaarut, immikkoortoq 7, qupperneq 482

Kalaallit tarnikkut napparsimasut eqqartuussaananermikkut Danmarkimi inissinneqarsimasut sulinnigfeqarnermi akiliunneqarlutik angalatinneqar-tarnerat (j.nr. 11.73.53.01/075-05)

Misissuina ukiup nalunaarusiuunneqartup naanerani suli naammassinngilara.

2006-imi ukiumoortumik nalunaarut, immikkoortoq 7, quppernerit 483 tulluulu

Naalackersuisut A/S Inissiatileqatigiiffik INI-mik nakkutilliinerat (j.nr. 11.73.25.05/078-05)

Inissianik attartortitsisarneq pillugu Inatsisartut peqqussutaata allannguutaanik Inatsisartut peqqussutaata nr. 14-ip, 20. november 2006-imeersup Inatsisartunit akuerineqarnerata kingornatigut Inatsisartut Naalackersuisullu Inatsisartut Om-budsmandiat pillugu inatsimmi § 11 tunngavigalugu nalunaaruteqarfigeqqippak-ka.

Naalackersuisunut imatut allappunga, assilnera Inatsisit Atortinneqarnerannut Ataatsimiititaliamut ingerlatillugu:

"A/S Inissiaatileqatigiiffik INI eqqarsaatigalugu Naalackersuisut aqutsinermi piginnaatitaanerat pillugu 7. november 2005-imi oqaaseqaateqarpunga.

Inissiaatileqatigiiffiup suliassanik naammassinnittarnera Inissiaatileqatigiiffiullu Naalackersuisut eqqarsaatigalugit inissisimanera pillugit malittarisassatigut tunngaviusuni erseqqarluttut assi-giinngitsut tamatumunnga atatillugu nalunaarutigaakka.

Naalackersuisunut tamatumunnga atatillugu imatut allappunga:

"Oqaaseqaatip Ineqarnermut Attaveqatigiinnermullu Pisortaqarfimmut allakkanut ukununga peqatigitillugit nassiunneqartup assilnera ilanngullugu nassiunneqartoq innersuussutigalugu Naalackersuisut matumuuna nalunaarfigaakka, tak. Ombudsmandi pillugu inatsimmi § 11, Inissiaatileqatigiiffimmik pilersitsinissaq pillugu Inatsisartut peqqussutaata allanngortinneqarneranik Inatsisartut peqqussutaata nr. 2-p, 15. april 2003-meersup nassatarisaanik A/S Inissiaatileqatigiiffik INI-p suliassanik agguataarineq erseqqarluttuusooq.

Tamanna Inissiaatileqatigiiffiup suliassaasa inissianik attartukkanik aqutsinermi, ingerlatsinermi aserfallatsaaliinermilu suliassanut aamma Namminersornerullutik Oqartussat sinnerlugit oqartussat suliassaannik suliassanut agguataarisimanermut atatillugu atuuppoq.

Ingerlatsivinnut tunngasuni Naalackersuisut Inissiaatileqatigiiffimmut isumagisassanngortitaanni oqartussaasumut qulliunerusumut naammagittaalliorsinnaanerup mattunneqarnissaa Inatsisartut siunertarisimaneraat aamma erseqqarluttut saqqummerpoq.

Naalackersuisut qinnuigaakka tamanna qanoq iliuseqarnissamut pissutissaqalersitsinersooq uannut nalunaarutigeqqullugu."

Ineqarnermut Attaveqarnermullu Pisortaqarfiup allakkani 25. januar 2006-imeersuni nalunaarfigaanga pisortaqarfik isumaqartoq Inissiaatileqatigiiffiup aalajangiineri Naalackersuisunut oqartussaasutut qulliunerusunut naammagittaalliutigin eqarsinnaasut, naammagittaalliornissamulli periarfissap inatsisiliornermi allaaserineqarnerata erseqqarluttuuneranik isiginninnera pisortaqarfiup tusaatissatut tigugaa.

Oqaaseqaatiga eqqortussaq anguniarlugu nassiteqqitara innersuussutigalugu, pingaartumillu kalaallisuuani quppernerit 9-mit 12-imut qallunaatuuanilu quppernerit 7-imit 9-mut kiisalu kalaallisuuani quppernerit 19-imit 23-mut qallunaatuuanilu 14-imit 18-imut innersuussutigalugit, uanga paasinninnera unaavoq A/S Inissiaatileqatigiiffik INI-p aalajangigaasa Naalackersuisunut oqartussaasutut qulliunerusunut naammagittaalliutiginissaannut taamaallaat killilimmik periarfissaqartoq.

Tamanna Ineqarnermut Attaveqarnermullu Pisortaqarfimmut allakkani 20. april 2006-imeersuni suli tunngavilersooqippara, allakkallu taakkua assilineri Inatsisartut Inatsisit Atortinneqarnerannut Ataatsimiititaliaannut Naalackersuisunullu aamma nassiuppakka.

7. Sulianut ukiuni siusinnerusuni nalunaarutini eqqartorneqartunut malitseqartitsineq. Suliat

Inatsisartut peqqussutaat nr. 14, 20. november 2006-imeersoq 1. januar 2007-imi atortuulersoq tamanna tunngavigalugu misissorpara.

Tamatumunnga atatillugu § 84-ip allannguutaa imaattoq maluginiarpara:

"14. § 84-imi imm. 5-itut ikkunneqassaaq:

"Imm. 5. Pissutsit imm. 1-imi taaneqartut pillugit maalaarutit Ineqarneq pillugu Maalaaruteqartarfiup saniatigut allaffissornikkut oqartussaasunut allanut saqqummiunneqarsinnaanngilat."."

Inissianik attartortitsisarneq pillugu Inatsisartut peqqussutaanni § 84 tamarmiulluni tamatuma kingornatigut imaattunik oqaasertaqalerpoq:

"§ 84. Ineqarneq pillugu maalaaruteqartarfiup attartortut maalaarutaat makkununnga tunngasut suliarisarpai:

1) Ineqarnermut akiliutinik qaffaanissamik siumoortumik ilisimatitsisarnermi piumasarisat, tak. § 28, imm. 2.

2) Aserfallatsaaliuineq iluarsaassinerlu, tak. § 45.

3) Inissiap iserterfigineqarnerani qanoq issusia, tak. § 47.

4) Attartukkami atortut ikkussukkat pitsanngorsaanerillu (atuisinnaatitaaneq), tak. §§ 51 aamma 55.

5) Attartortup attartukkaminik atuinera (torersaarnissamik malittarisassanik unioqquittisinerit), tak. § 50.

6) Atuisinnaatitaanerup allanut tunniunneqarnera (inissianik paarlaateqatigiinneq, attartukkamik allamut utaqqiisaasumik attartortitsigallarneq aamma attartornermik nangitsineq), tak. §§ 58-62.

7) Inissiamit aninermi inissiap qanoq issusia (iluarsaassineq nalinginnaasoq), tak. § 77.

Imm. 2. Maalaarutit ineqarneq pillugu maalaaruteqartarfimmut allaganngorlugit tunniunneqartassapput, aammalu maalaaruteqartup maalaaruteqartarfiup sumik isummerfigisaqarnissaanut kissaataamik erseqqissaassummik imaqaassalluni. Maalaarummut pissutsinut attartortup suliaritikkusutaanut uppersaatissat pisariaqartinneqartut ilaatinneqassapput.

Imm. 3. Maalaarutip ineqarneq pillugu maalaaruteqartarfimmi suliarineqarnissaanut attartortoq annerpaamik 500 kr.-inik sullissinermut akiliummik akiliuteqartinneqassaaq. Maalaaruteqartoq maalaarutigineqartoq pillugu taperserreqarpat imaluunniit suliaq ineqarnermut maalaaruteqartarfimmi suliarineqarnissaminut naleqqutinngitsutut itigartinneqarpat aningaasat sullissinermut akiliutigineqartut maalaaruteqartumut utertinneqassapput.

Imm. 4. Attartortup suliaq eqqartuussivinnut suliakkiutigineqareersoq ineqarneq pillugu maalaaruteqartarfimmuq suliakkiissutigineqarnissaa kissaatigippagu, maalaaruteqartarfik maalaarutit suliarinissaanut itigartitsissaaq.

Imm. 5. Pissutsit imm. 1-imi taaneqartut pillugit maalaarutit Ineqarneq pillugu Maalaaruteqartarfiup saniatigut allaffissornikkut oqartussaasunut allanut saqqummiunneqarsinnaanngillat."

Naalakkersuisut peqqussutissatut siunnersuut taanna pillugu oqaaseqaatini Naalakkersuisut A/S Inissiaatileqatigiiffik INI-llu akornanni pissutsinut inatsiseqartitsinikkut tunngaviusoq eqqunngitsumik allaaserisimagaat Inatsisartunut Naalakkersuisunullu Inatsisartut Ombudsmandiat pillugu Inatsisartut inatsisaanni § 11 tunngavigalugu nalunaarutiginiarlugu massakkut aalajangerpunga.

Inissianik attartortitsarneq pillugu peqqussutit allannguutissaa pillugu oqaaseqaatinit nalinginaasunit makku erserput:

"Kapitali 14-imi Ineqarneq pillugu Maalaaruteqartarfimmuq tunngasumi allannguinerup peqatigisaanik Namminersornerullutik Oqartussat imaluunniit kommunip ataatsip nakkutillinnermi suliaasa aamma Namminersornerullutik Oqartussat imaluunniit kommunip ataatsip suliasani Ineqarneq pillugu Maalaaruteqartarfiup oqartussaataaffiisa avataanniittuni suliasanik ingerlatitseqqiffiusartut suliaasa akornanni imarisaasa assigiinningsutaasalu erseqqissarneqarnissaat siunertarineqarpoq."

§ 84-ip allannguutissaa pillugu Naalakkersuisut oqaaseqaataat ilaatigut imaattunik imaqarput:

"Aalajangersakkami tassani erseqqissarneqarpoq attartortoq aatsaat maalaarummik Ineqarneq pillugu maalaaruteqartarfimmuq tunniussisinnasooq, maalaarut imm. 1-imi pissutsit ilaanut ataatsimut tunngasuuppat. Taamaalluni Naalakkersuisoqarfiup inissiap attuumassuteqarfigisaata imaluunniit kommunip Namminersornerullutik Oqartussat imaluunniit kommunip avataaniit aqutsisuutitaata aalajangigai pillugit maalaarutit suliarissallugit piginnaatinneqanngillat, maalaarut pissutsit imm. 1-imi taaneqartut arlaannut tunngappat.

Naalakkersuisoqarfiup inissiap attuumassuteqarfigisaata imaluunniit kommunip tamanna malillugu taamaallaat Namminersornerullutik Oqartussat imaluunniit kommunip avataaniit aqutsisuutitaata aalajangigai pillugit maalaarutit suliarissallugit piginnaatinneqarsinnaapput, maalaarut Ineqarneq pillugu maalaaruteqartarfiup piginnaatitaaffiisa avataanniippat. Taamatut pisoqartillugu Naalakkersuisoqarfik inissiap attuumassuteqarfigisaa, imaluunniit kommunip ingerlatitseqqinnermi oqartussaasut atuuqarpoq. Taamatut pisoqartillugu suliaasaqarfik annikitsuararsuut isigineqartussaavoq, aammalu aalajangersimasumut naliliinermik tunngaveqartussaalluni. Assersuutitulli pissutsit taaneqarsinnaasut tassaapput A/S Inissiaatileqatigiiffik INI-p Namminersornerullutik Oqartussat sinnerlugit inissiaatileqatigiiffimmik pilersitsineq pillugu Inatsisartut peqqussutaat naapertorlugu oqartussaasut suliasarisai.

Ingerlatsineq, soorlu sammisaqartitsinernut avatangiisinuunnaq tunngasooq, innuttaasunut sullissinermik pilersitsinissamut pisariaqartuutinneqartoq ingerlatitseqqittarnermut ilaatinneqanngilaq, taamaattumillu attartortup maalaarutaata, Ineqarneq pillugu maalaaruteqartarfiup piginnaatitaaffigisaanut ilaatinneqanngitsup, aammalu naalakkersuisoqarfimmuq inissiap attuumassuteqarfigisaanut imaluunniit kommunimut ingerlateqqinneqarsinnaasunut tunngas-

7. Sulianut ukiuni siusinnerusuni nalunaarutini eqqartorneqartunut malitseqartitsineq. Suliat

suteqanngitsup eqqartuussisunut ingerlateqqinneqartarnissaa naatsorsuutigineqartariaqassaluni."

Inatsisartut Attaveqatigiinnermut Ineqarnermullu Ataatsimiititaliaata peqqussutissatut siunnersuut pillugu isumaliutissiisummini makku oqaatigai:

"§ 1, nr. 14-imi maalaarsinnaanermut allannguit.

Ineqarnermut maalaaruteqartarfimmi immikkut ittumi piginnaanngorsaaneermi ineriartortitsinermilu maalaaruteqarsinnaanissap ajornannginnerusumik pisinnaalerniassammatt allannguutissamat siunnersuutip atuutilersinneqarnissaa qulakkeerneqassaaq, ataatsimiititaliaq paasinnippoq. Immikkoortortap taassuma Namminersornerullutik Oqartussaniit kommuniniillu avataaniit aqutsisuutinneqartup suliassat aalajangiunneqareersut tunngavigalugit innuttaasunit maalaarutit sularisassavai. A/S Inissiaatileqatigiiffik INI imaluunniit Iserit A/S assersuutigalugu avataaniit aqutsisuusinnaapput. Aalajangersakkap Namminersornerullutik Oqartussat pisortani oqartussat qaffasinnerinnaat aalajangigassaattut inissisimanagera killilerpaa. Attaveqatigiinnermut Ineqarnermullu Ataatsimiititaliaap innuttaasut inatsisitigit inissisimanagerat maalaarutitut sulianut tunngatillugu tunngaviliisutut allanngiunneq allannguisutut isiginngilaat. Aningaasaqarnikkut aqutsinikkulluunniit naliliinermit pisortani oqartussaasut qaffasinnerinnaat aalajangiisarnerat imminnut atanngitsumik ataavartinissaat annertuumik iluaqutaassapput, innuttaasut maalaarnerminnut atatillugu isummerfigissagaat ataatsimiititaliaq paasivaa."

Tamanna tunngavigalugu manna pineqarsinnaavoq, tassalu allannguutissatut siunnersuut Inatsisartut amigartunik tunngavissaqarlutik isummerfigisimagaat.

Qulaani taaneqartut aallaavigalugit Naalakkersuisut qinnuigaakka manna pillugu oqaaseqaateqaqqullugit, tassalu inatsiseqartitsinikkut tunngaviusup Naalakkersuisut Inissiaatileqatigiiffik eqqarsaatigalugu pissusiannik aalajangersaasuusut inatsisitigit allaaserinninnerata ingerlatsineq pillugu inatsiseqartitsinermi malittarisassanut Naalakkersuisunut siusinnerusukkut allagarisarsimasanni allaaserisimasannut naapertuuttuunnginnerannut atatillugu Naalakkersuisut qanoq iliuuseqarniarnerut.

Tamatumunnga attuumassuteqanngitsumik isumaqarpunga peqqussutit allannguutaata akuerineqartup A/S Inissiaatileqatigiiffik INI pillugu naammagittaalliutitnik suliarinninnissamat pisinnaatitaanera pillugu isumaliutersuuteqarnissannut pissutissaqalersikkaanga.

Inatsisartut Ombudsmandiat pillugu Inatsisartut inatsisaanni § 6, imm. 3 imaattunik oqaasertaqarpoq:

"Aalajangiinerit oqartussaasumit qulliunerusumit allanngortinneqarsinnaasut pillugit naammagittaalliut ombudsmandimut suliassanngortinneqarsinnaanngilaq oqartussaasoq qulliunerusooq taanna suliami aalajangeereersimatinnagu. Aalajangiisimappat killiliussaqaq imm. 2-mi taaneqartotoq taava oqartussaasup taassuma aalajangiineranit naatsorsorneqassaaq."

Peqqussutissatut siunnersuut pillugu oqaaseqaatini A/S Inissiaatileqatigiiffik INI eqqarsaatigalugu Naalakkersuisut oqartussaasutut qulliunerusutut naammagittaalliorfissaanerannik Naalakker-

suisut oqaaseqaateqarnerat paasinninneq tamanna Inatsisartunit ilalernerqarpat imaattumik nassa-taqassaaq, tassalu Inissiaatileqatigiiffiup aalajangiineri pillugit naammagittaalliutit uanga sulia-risinnaajunnaassagikka, suliaq pineqartoq Naalakkersuisunit aalajangiiffiqineqareersimatinnagu. Tamanna uanga manna tikillugu periaatsinnik Inissiaatileqatigiiffik eqqarsaatigalugu Naalakker-suisut oqartussaasutut qulliunerusutut naammagittaalliorfissaannginnerannik paasinninnermik tunngaveqartumik sanequtsinerussaaq.

Naalakkersuisut Inissiaatileqatigiiffik eqqarsaatigalugu oqartussaasup qulliunerusup oqartussaa-sumut alliunerusumut aqutsinikkut piginnaatitaanerata annertoqataanik aqutsinikkut piginnaatin-neqarsimanerannik paasinninnermik Inatsisartut ilaliisimappata tamanna aamma isumaqarpoq Inissiaatileqatigiiffiup aalajangiineri pillugit naammagittaalliutit Ineqarneq pillugu Maalaarute-qartarfimmut suliaassanngortinneqarsinnaanngitsut tamarmik aalajangersimasumik sukumiisu-millu suliarinissaannut Naalakkersuisut pisussaaffeqartut.

Inatsiseqartitsinikkut innarlitsaaliinerup tungaanit isigalugu ingerlatsineq pillugu inatsiseqartitsi-nermi malittarisassanik Inatsisartut peqqussutaata oqaasertaani takuneqarsinnaanngitsunik inatsi-seqartitsinikkut atuuttoqarnera eqqarsarnartortaqarsorinarpoq.

Taamaattumik Inatsisartut peqqussutaanni § 84, imm. 5-ip atatiinnarneqarnissaa Naalakkersuisut aalajangiusimappassuk Naalakkersuisut qinnuigaakka Naalakkersuisut oqartussaasutut qulliune-rusutut naammagittaalliorfissaanerannik allaaserinninneq inatsisip oqaasertaanut ilanngunneqas-sannginnersoq isumaliutersuutigeqqullugu.

Inatsisartut Inatsisip Atortinneqarnerannut Ataatsimiititaliaat allakkatigut allatigut allakkat ukua assilinerannik ilaqartinneqartutigut suliaq pillugu nalunaarfigaakka."

Ineqarnermut, Attaveqarnermut Aatsitassanullu Naalakkersuisup 28. september 2007-imi akivaanga suliaq kingusinnerusukku uterfigeqqinniarini.

Naalakkersuisunut ilaasortamit ukiup nalunaarusiuunneqartup naanerani suli tu-sagaqanngilanga.

2006-imi ukiumoortumik nalunaarut, immikkoortoq 7, qupperneq 485

Sulianik akiliisitsiniarnermut tunngasunik misissuineq (j.nr. 11.73.88.73/046-05 - 053-05)

Suliat 047-05, 051-05 aamma 052-05 2007-imi inaarlugit suliarineqarput, sulia-nilu taakkunanani tunngaviusumik apeqqutit pillugit oqaaseqaatit immikkoortoq 3-mi issuarneqarput.

Suliat sinneri ukiup nalunaarusiuunneqartup naanerani suli inaarneqanngillat.

2006-imi ukiumoortumik nalunaarut, immikkoortoq 7, quppernerit 485 tulliilu

Sulianik sulisunut tunngasunik misissuineq (j.nr. 11.73.88.71/072-05)

Kommunip akissutaa 17. marts 2006-imi tiguara. Kommunilli ataatsimut oqaaseqaatikka kisiisa isummerfigisimavai, taamaattumillu suliat inunnut ataasiakkaanut tunngasut pillugit oqaaseqaatinnut apeqquteqaatinnullu akissuteqartoqarnissaa eqqaasitsissutigaa.

Suliat inunnut ataasiakkaanut tunngasut ilaata ataatsip allakkanni 17. november 2006-imeersuni kommunip imatut aperinissaanut pissutissaqalersippaanga, tassalu siusinaartumik pensionisiaqartup pensionisiat amerlanaarlugit tunniunneqarsimasut utertillugit akilissagai inatsisitigut suna tunngavigalugu kommuni aalajangiisimanersoq.

Kommunip akissummini 23. april 2007-imeersumi aalajangiinnerminut Inatsisarut peqqussutaat nr. 9, 15. april 2003-meersoq kiisalu Namminersornerullutik Oqartussat nalunaarutaat nr. 41, 14. december 2006-imeersoq tunngaviusutut oqaatigai, tamatumunngalu peqatigitillugu nalunaarutigalugu isumaginninnermi ataatsimiititaliaq ataatsimiinnermini suliaq nr. 87/03 pillugu aalajangiisimasoq aningaasat ataasiaannartumik ikiorsiissutitut/inummut tapitit akuersissutigineqassasut.

Tamatuma allakkani 14. juni 2007-imeersumi matuma ilassutitut apeqqutiginnissanut pissutissaqalersippaanga, tassalu isumaginninnermi ataatsimiititaliaq aalajangiisimanersoq siusinaartumik pensionisiatut amerlanaarlugit tunniunneqarsimasut utertillugit akilernissaannut taarsiullugu ataasiaannartumik ikiorsiissutitut/inummut tapitit akuersissutigineqassasut, naak innuttaasoq tamatuminnga qinnuteqaanngikkaluartoq.

Kommuni allakkatigut 2. juli 2007-imeersutigut imatut akivoq:

"...

12.06.03 inunnik isumaginninnermi ataatsimiititalimiit aaliangerneqarsimavoq A-p negativ løn ataasiartumik akilerneqassasut.

..."

Kommuni allakkatigut 26. juli 2007-imeersutigut makkuninnga qinnuigaara:

" ...

Kommuni qinnuigaara kommunip suliamik suliarinninnerani makku iliuuserineqarsimanerannik uanga paasinninnera eqqortuunersoq eqqortuunnginnersorluunniit nalunaarutigeqqullugu:

- siusinaartumik pensionisiat aningaasartaasa marloriaataat kommunip A-mut kukkunikkut tunniussimagai
- isumaginninnermi ataatsimiititaliaq tamatuma kingornatigut aalajangersimasoq aningaasat amerlanaarlugit tunniunneqarsimasut A-mut ataasiaannartumik ikiorsiissutitut tunniunneqartut isigineqassasut
- kommuni tamatuma kingornatigut B-mut, A-p uianut, isumaqatigiissuteqarsimasoq siusinaartumik pensionisiatut amerlanaarlugit tunniunneqarsimasut taassuma naafferartumik qaammammut 1.000 kr.-nik akilersussagai."

Kommunip suliami tassani allakkani 12. september 2007-imeersuni akissutitut ilaatigut makku oqaatigai:

"Misissuereerlunga takusinnaavara aappariit marluullutik siusinaartumik pensionisiani amerlanaarlugit tunineqarsimanerat isumaginninnermi ataatsimiititaliami suliarineqarsimasoq. Suliaq isumaginninnermi ataatsimiititaliami 06/06-03-mi 87/03-tut suliarineqarsimavoq, tassanilu akuerineqarsimalluni siusinaartumik pensionisiat aappariinnut amerlanaarlugit tunniunneqartut akilerneqassasut. Taamaaliortoqarporlu." (Atorfeqarfimmi nutsigaavoq)

Tamatuma allakkani 23. oktober 2007-imeersuni kommunimut ilaatigut imatut allannissannut pissutissaqalersippaanga:

" ...

Kommunip akissummini 12. september 2007-imeersumi oqaatigaa pensionisiat aningaasartaat aappariinnut B-kkunnut kukkusumik tunniunneqarsimasut "akilerniarlugit" kommuni aalajanger-toq.

Kommuni erseqqinnerusumik qanoq aalajangiisimanersoq uannut paasiuminaappoq.

Tamatumunnga atatillugu oqaatigaara utertillugit akilerneqartussatigut pisassarisat isumakkeerneqarnerat akilerneqarnissaannilluunniit piumasaqaateqarunnaarneq annertuumik assigiinngissuteqarmata.

Isumakkeerinnineq

Assigiinngissut taanna kommunip aningaasanik utertitsilluni akileeqqusilluni piumasaqaateqarsinnaaneranut pingaaruteqartumik aalajangiisuvoq.

7. Sulianut ukiuni siusinnerusuni nalunaarutini eqqartorneqartunut malitseqartitsineq. Suliat

Pisassarisat isumakkeerneqarpata kommunip manna aalajangiusimasimassavaa, tassalu aningaasat pineqartut utertillugit akileqqullugit piumasaqaateqarnissamut kommuni pissutissaqarsima-soq, pisassarisalli akilernerqarnissaat kommunip piumasaqaatigiunnaaraa.

Tamanna atorneqarajuttartussaavoq pensionisiaqartumut kukkunikkut tunniussineq pineqarpat, pensionisiaqartullu aningaasaqarnikkut atugai aamma isumaginninnermi pensionisiaanit unerartit-sisoqartarnissaanik ilanngaassisoqartarnissaanillu inerteqquteqarneq pissutigalugit utertillugit akilernerqartussat akilersorneqarnissaat piviusorsiorpalaartuunngippat.

Pensionisiaqartumit utertilugit akilernerqartussanit pisassarisanik isumakkeerrinnineq pensioni-siaqartup pensionisiaaanut inummut tapiliinikkut nalinginnaasumik ingerlanneqartartussaavoq, tassami isumakkeerrinninnerup tunngaviit pensionisiat tunngaviusumik aningaasartaannut ilassu-teqarnermi aamma atuuttut malittariaqarmagit.

Kommunip uannut akissummini 23. april 2007-imeersuni oqaatigaa utertillugit akilernerqartussa-nit pisassarisaqarneq pisortanit pensionisiat pillugit Inatsisartut peqqussutaanni nr. 9-mi, 15. april 2003-meersumi § 14-imik tunngaveqartinneqartoq.

Aalajangersagaq taanna inummut tapit utertillugit akilernerqartussanit pisassarisat kommunip kukkuneranik pissuteqartut matusissutissaattut tunniunneqarsimasut utertillugit akileqqunissaan-nut tunngavissalliisuunngilaq.

Oqaatigineqartut utertillugit akilernerqartussanit pisassarisat isumakkeerneqarnersut imaluun-niit akilersinniarneqarunnaarnersut kommunip aamma eqqumaffigissavaa.

Akiliinissamik piumasaqaateqarunnaarneq

Pisassarisat akilernerqarnissaasa piumasaqaatigineqarunnaarnerat kommunip aningaasanik uter-titsilluni akileeqqusinissaanut inatsisitigut tunngavissaqannginneranut takussutissaavoq, ima-luunniit allatut oqaatigalugu pisassarisat piunngilluinnarnerannut takussutissaalluni.

Taamaattumik pisassarisat ilumut piunerat kommunip aalajangiinnginnermini misissussavaa.

Suliami pineqartumi malugaara utertillugit akilernerqartussanit pisassarisat aappariit B-kkut pen-sionisiaanik kukkunikkut amerlanaarlugit tunineqarsimanerannik tunngavilersorneqartoq.

Pensionisiat pillugit peqqussummi 2003-meersumi taamaallaat pensionisiat amerlanaarlugit tun-niunneqarsimasut utertillugit akilernerqarnissaat § 8, imm. 2 tunngavigalugu piumasaqaataasin-naavoq, tassanilu kukkusumik tunniussineq pensionisiaqartup paasissutissanik eqqunngitsunik kommunimut tunniussineranik pissuteqartoq pineqarpoq.

Malittarisassap taassuma pissuseqataa siusinaartumik pensionisiat pillugit Inatsisartut peqqussu-taanni nr. 4-mi, 7. maj 2007-imeersumi, 1. juli 2007-imi atortuulersumi, § 18, imm. 3-miippoq.

Utertitsilluni akileeqqusinissamut piumasaqaatit pensionisiat pillugit peqqussummiittut eqqortin-neqarsimanngippata taamaallaat utertitsilluni akileeqqusisoqarsinnaavoq pigisat pillugit inatsise-qartitsinermi malittarisassat inatsisikkut aalajangersagaanngitsut malillugit. Taamaallilluni inatsi-

seqartitsinermi tunngavik inatsisikkut aalajangersagaanngitsoq atuuppoq, taannalu malillugu utertitsilluni akileeqquisoqarsinnaavoq, aningaasanik tiguisup aningaasanik tunniussineq kukkunermit tunngaveqartoq ilisimappagu ilisimasimasariaqaraluarpagaluunniit.

Tamanna tunngavigalugu utertitsilluni akileeqqusineq pisortani oqartussaasumit atortussaatinneqarpat manna aamma pingaartillugu isiginiarneqassaaq, tassalu oqartussaasut imaluunniit innuttaasooq kukkulluni tunniussinikkut annaasaqaataasinnaasunik nammakkerneqarnissaminut qaninnerpaanersoq.

Tamatuma nassataraa kommunip innuttaasumut kukkulluni tunniussai kommunip kisimi kukkuneranik tunngaveqartut nalinginnaasumik aatsaat utertillugit akileqquneqarsinnaasut kommuni manna pillugu erseqqissumik uppernarsaatissaqarpat, tassalu innuttaasup aningaasat tunniunneqarneranni tunniunneqartut kukkunermit tunngaveqarnerat ilisimasimagaa. Tassani kukkunikkut tunniussat pensionisiatigut eqqortumik tunniunneqartartunit annertuumik amerlanerusut pineqarnerat tunngavigineqarajuttartussaavoq.

Utertitsilluni akileeqqusinissamut piumasaqaatit eqqortinneqarsimangippata utertillugit akilerneqartussanit pisassarisat akilerneqarnissaat kommunip piumasaqaatigiunnaassavaa, pisumilu tassani pensionisiaqartup inummut tapilerneqarnissaanut tunngavissaqartussaannigilaq.

Tamanna tunngavigalugu inassuteqaatigaara aappariinnit B-kkunnit utertitsilluni akilerneqartussanit pisassarisat inatsisitigut tunngavissaqanngitsutut akilersinniarneqarunnaartariaqarsimanersut imaluunniit utertitsilluni akilerneqartussanit pisassarisat matusissutissaattut inummut tapiliussat utertillugit akileqqunissaannut piumasaqaatit eqqortinneqarsimanersut kommunip isummerfigissagaa."

Kommunip akissummini 10. december 2007-imeersumi taamaallaat siusinnerusukkut akissutigisimasani nassuteqqippai, oqaatigeqqillugulu taakku isumagininnermi ataatsimiititaliamit "ataasiaannakkatut akilerneqarnissai akuersissutigineqarput. Taakkulu bogfØrnerneqarlutik."

Kommunip akissutaa ukiup nalunaarusiuunneqartup naanerani suli isummerfiginngilara.

2006-imi ukiumoortumik nalunaarut, immikkoortoq 7, qupperneq 491

Sulianik akiliisitsiniarnermut tunngasunik misissuineq (j.nr. 11.77.88.73/074-05

Misissuina ukiup nalunaarusiuunneqartup naanerani suli naammassinngilara.

2006-imi ukiumoortumik nalunaarut, immikkoortoq 7, quppernerit 494 tulluulu

Sulianik akiliisitsiniarnermut tunngasunik misissuineq (j.nr. 11.73.88.73/094-04)

K Kommunit 14. marts 2007-imi imatut allappunga:

"Suliaq kommunip Ombudsmandimut 24. november 2006-imi akissuteqarfigisimasaa massakut uterfigaara.

Aallaqqaasiullugu oqaatigaara kommunip akissarsianit pisassarisani pinngitsaaliinikkut naam-massinninniarnermi eqqartuussisarneq pillugu inatsimmi akissarsianit unerartitsineq, imaanngitsoq ilanngaassisarneq, pillugu kapitali 7, § 12-imi aalajangersagaq atortassagaa inassuteqaatinnut akissut suli amigaatigigiga.

Taamaattumik inassuteqaammut tassunga akissuteqartoqarnissaa eqqaasitsissutigeqqippara.

Tulliullugu oqaatigaara manna tusaatissatut tigugiga, tassalu akiitsoqartoqarnera pissutigalugu meeqqanik ulluunerani paaqqinnittarfinnit anisitsisarnermini periaatsini kommunip aaqqissimaga, taamaalilluni periaaseq taanna meeqqat kommunip ulluunerani paaqqinnittarfiutaaniinnerinut kommunillu aaqqissugaanik ulluunerani angerlarsimaffimmi paaqqinniffinniinnerinut akiliuteqartarneq pillugu Namminersornerullutik Oqartussat nalunaarutaannut nr. 18-imut, 14. september 2006-imeersumut 1. november 2006-imi atortuulersumut naapertuuttunngorlugu.

Tamatunngali peqatigitillugu malugaara kommunip akissummini Kultureqarnermut, Ilinniar-titaanermut, Ilisimatusarnermut Ilageeqarnermullu Pisortaqarfiup oqaaseqaataa 22. november 2006-imeersoq innersuussutigigaa, taassumalu kommunimut oqaatigisimallugu akiitsoqartoqar-nera pissutigalugu meeqqanik ulluunerani paaqqinniffinnit anisitsisarneq 1. november 2005 sioq-qullugu meeqqat ulluunerani kommunip paaqqinnittarfiutaanniittarnerinut kommunimillu inger-lanneqartumik angerlarsimaffinni ulluunerani paarineqartarnerinut akiliut pillugit Namminersor-nerullutik Oqartussat nalunaarutaannik nr. 28-mik, 13. september 1989-imeersumik tunngaveqar-toq.

Pisortaqarfiup paasissutissiissutaa eqqortuunngilaq, tassami akiitsoqartoqarnera pissutigalugu meeqqanik ulluunerani paaqqinnittarfinnit anisitsinissamut tunngavik ulluunerani paaqqinnittar-fiit, ulluunerani angerlarsimaffimmi paaqqinniffiit il.il. pillugit Inatsisartut peqqussutaata allan-gortinneqarnera pillugu Inatsisartut peqqussutaannik nr. 4-mik, 12. maj 2005-imeersumik akue-rinninnermikkut Inatsisartut aatsaat pilersissimammassuk.

Taamaalillutik akiitsoqartoqarnera pissutigalugu meeqqanik ulluunerani paaqqinnittarfinnit ani-sitsisarneq pillugu malittarisassat meeqqat ulluunerani kommunip paaqqinnittarfiutaanniittarne-rinut kommunimillu ingerlanneqartumik angerlarsimaffinni ulluunerani paarineqartarnerinut aki-liut pillugit Namminersornerullutik Oqartussat nalunaarutaanni nr. 28-mi, 13. september 1989-imeersumiittut inatsisitigut naammattumik tunngavissaliinngillat.

Oqaatigaarattaq kommunimut allakkanni 7. februar 2005-imeersuni Kalaallit Nunaanni kommu-nit meeqqanut akilersuutitigut siumoortumik tunniunneqarallartutigit pisassarisaannik pinngit-

saaliinikkut naammassinninniarfiginnittarnermik apeqqut Danmarkimi Den Sociale Ankestyrel-simit suliarineqarnera innersuussutigigiga.

Ankestyrelsip aalajangiineranik ilisimatitsissut massakkut tiguara, tassanili apeqqut taanna isum-merfigineqarsimanngilaq, tassami suliaq pineqartoq Ankestyrelsip Danmarkimi kommunimut pi-neqartumut utertissimmamagu nutaamik suliarisassanngortillugu, suliamik suliarinninnermi kukkusoaarsimanera pissutigalugu.

Ankestyrelsip taamaallaat oqaatigaa Kalaallit Nunaanni pisassarisat taakku Danmarkimi pinngit-saaliinikkut naammassinninniarfigineqarsinnaasut, tassami akilersuutit Danmarkimi oqartussaa-sumit aalajangersarneqarsimmata.

Ankestyrelsip apeqqummik taassuminnga paasinninnera isumaqatigaara, tamatumali kingornati-gut isumaqarpunga manna suli nalorninarluinnartuusoq, tassalu meeqqanut akilersuutit Kalaallit Nunaanni kommunip siumoortumik tunniukkallarsimasai eqqartuussisoqariinngitsoq Danmarki-mi pinngitsaaliinikkut naammassinninniarfigineqarsinnaanersut, tassami pisassarisat taakku eq-qarsaatigalugit akiliisitsiniarnissamut inatsisitigut tunngavigisaq Kalaallit Nunaanni Inatsisartut peqqussutaanniimmat, Danmarkimut atuuttuunngitsumi.

Danmarkimi kommunip meeqqanut akilersuutinit siumoortumik tunniukkallarneqarsimasunit pi-sassarisaasa Kalaallit Nunaanni pinngitsaaliinikkut naammassinninniarfigineqarsinnaaneranik apeqqut eqqartuussisarneq pillugu inatsimmi kapitali 7, § 1, imm. 3 tunngavigalugu aalajangiivi-gineqartariaqarpoq, tassanili aalajangersarneqarmat pisassarisat Danmarkimi pinngitsaalii-nikkut naammassinninniarfigineqarsinnaasut Kalaallit Nunaanni pinngitsaaliinikkut naammassinninniarfigineqarsinnaanissaat Kalaallit Nunaanni Eqqartuussisuunerup akuerisinnaagaa.

Kalaallit Nunaanni Eqqartuussisuuneq tamanna tunngavigalugu qinnuigaara apeqqut pillugu oqaaseqaateqaqqullugu, Eqqartuussisuunerullu akissutaa tiguqarpat kommuni tamatuminnga ilisimatikkumaarpara."

Kalaallit Nunaata Eqqartuussisuata akissutaa imaattoq 29. marts 2007-imi tigua-ra:

"Oqaatigineqarpoq Ombudsmandip paasinneqqaarnera unaasoq Danmarkimi kommunit meeq-qanut akilersuutitigut siumoortumik tunniukkallarneqarsimasutigut pisassarisaannik pinngitsaa-liilluni akiliisitsiniarneq eqqartuussisarneq pillugu inatsimmi kapitali 7, § 1, imm. 2, nr. 4 ima-luunniit nr. 5 tunngavigalugu pisinnaanngitsoq.

Eqqartuussisarneq pillugu inatsimmi kapitali 7, § 1, imm. 2, nr. 4 eqqarsaatigalugu aalajangersak-kamit tassannga erserpoq aalajangersagaq taanna meeqqanut akilersuutitigut Kalaallit Nunaanni oqartussaasumit aalajangersarneqarsimasunit pisassarisanut tunngasuusoq. Kalaallit Nunaanni oqartussaasut meeqqanut akilersuutit aalajangersaasartut tassaapput Naalagaaffiup Kalaallit Nunaanni sinniisaa, eqqartuussiviit Kalaallillu Nunaata Eqqartuussivia. Oqartussaasut taakkua arlaat akilersuussaatitaanermik aalajangersaasimappat, akilersuutillu Danmarkimi kommuni-mit siumoortumik tunniukkallarneqarsimappata Danmarkimi kommunit pisassarisaannik eqqar-

7. Sulianut ukiuni siusinnerusuni nalunaarutini eqqartorneqartunut malitseqartitsineq. Suliat

tuussisarneq pillugu inatsimmi kapitali 7, § 1, imm. 2, nr. 4 tunngavigalugu akiliitsiniarnissamut imaaliillaannaq akornutissaqarnaviangitsoq isumaqarpunga.

Eqqartuussisarneq pillugu inatsimmi kapitali 7, § 1, imm. 2, nr. 4 eqqarsaatigalugu aalajangersakkamit tassannga ersepoq aalajangersagaq taanna akilersuutitigut Danmarkimi naalagaaffimmi oqartussaasut aalajangersagaasigut pisassarisanut tunngasuusooq. Taamaalilluni akilersuutininik tiguisinnaatitaasooq pinngitsaaliilluni akiliisitsiniartartumut saaffiginninnikkut akilersuisussaatiitaasumit Kalaallit Nunaanni pisassarisaninik akiliisitsiniarnermi ikioqqusinnaavoq. Danmarkimi meeqqanut tapit meeqqanullu akilersuutininik siumoortumik tunniussigallartarneq pillugit inatsimmi § 19, imm. 1-ikkut aalajangersarneqarpoq pisortat akilersuutininik akiliisitsiniarsinnaatitaasut. Uanga paasinneqqaarnera unaavoq akilersuutitigut Danmarkimi naalagaaffimmi oqartussaasunit aalajangersarneqarsimasutigut pisassarisanik akiliisitsiniarsinnaatitaalartarneq pineqartoq, taamaattumillu pisassarisat eqqartuussisarneq pillugu inatsimmi kapitali 7, § 1, imm. 2 nr. 5 tunngavigalugu akilersinniarneqarsinnaasut pineqarlutik.

Inatsimmi tunngavigisaq ajornartorsiutaasooq Kalaallit Nunaanni pinngitsaaliilluni akiliisitsiniartartooq isumaqarpat suliaq Danmarkimi kommunip eqqartuussivinnut aalajangiiffigisassanngorlugu suliaassanngortissinnaasussaavaa.

Aalajangersakkami qulaani taaneqartumi toqqaannartumik tunngavissaqanngitsoq paasinarsisappat uanga paasininnera unaavoq pisassarisat eqqartuussisarneq pillugu inatsimmi kapitali 7, § 1, imm. 4 tunngavigalugu uannit tamatuma kingornatigut akuerineqarsinnaasasut. Tamatumali akornutaa unaavoq aalajangersagaq taanna tunngavigalugu pisassarisat politiinit akilersinniarneqartussaanerat. (Oqaatineqassaaq eqqartuussisarneq pillugu inatsimmi kapitali 7, § 1, imm. 3-mi siusinnerusukkut aalajangersagaq massakkut imm. 4-nngormat, inatsisip ilaatigut Kalaallit Nunaanni eqqartuussisarneq pillugu inatsisip allanngortinneqarnera pillugu inatsisikkut nr. 476-ikkut, 12. juli 1996-imeersukkut allanngortinneqarnerata kingornatigut). (Atorfeqarfimmi nutsigaavoq)"

Kommunimut 22. juni 2007-imi imatut allappunga:

"Suliaq Kalaallit Nunaanni Eqqartuussisuunermit akissummik 29. marts 2007-imi tigusaqarfigisara massakkut uterfigaara. Akissutip assilineru akissutillu Atorfeqarfimmit kalaallisuunngortinneqarnera ilanngullugit nassiuppakka.

Eqqartuussisuunerup akissutaanit ersertutut Danmarkimi kommunit meeqqanut akilersuutininik siumoortumik tunniunneqartunit pisassarisaannik pinngitsaaliinnikkut naammassinninniarinnaarnermi apeqqutaavoq Danmarkimi kommuni pineqartoq meeqqanut akilersuutininik akiliutinik pineqartuninik tiguisussanngorsimanersoq.

Eqqartuussisuunerup taamatut naliliinera uanga isumaqatigaara.

Danmarkimili kommunip pisassarisai isumaginninneq pillugu inatsiseqartitsineq tunngavigalugu utertillugit akilerneqartussatut pisassarisaanerat tunngaviutinneqartariaqarpat taakku eqqartuussisooqareertinnagu imaluunniit Eqqartuussisuunerup eqqartuussisarneq pillugu inatsimmi kapitali 7,

§ 1, imm. 4 tunngavigalugu aalajangiinera malillugu pinngitsaaliilluni naammassinninniarfigineqarsinnaasussaannqillat.

Isumaqarpunga isigininnerup siulliup aappaataluunniit ilumut eqqortuunerata qularnaatumik oqaatiginissaanut paasissutissat pigineqartut aallaavigalugit tunngavissaqarnanga.

Taamaattumik inassuteqaatigaara ajornartorsiut taanna kommunip eqqartuussivimmuut eqqartuussisarneq pillugu inatsimmi kapitali 7, § 22 tunngavigalugu suliassanngortissagaa, akilersuisussaa-titaasoq akiliisitsiniarnermut akerliliisummik saqqummiussippat.

Aammattaq Inatsisinik Atortitsinermit Ministereqarfik (Justitsministeriet) oqaaseqaateqaqquniarlugu aalajangerpunga, ministereqarfiullu akissutaa tigugukku apeqqut taanna pillugu annertunerusumik iliuuseqartariaqarnerlunga isumaliutersuutiginiarpara.

Kommunip akissarsianit ilanngaassinani eqqartuussisarneq pillugu inatsimmi akissarsianit unerartitsisarneq pillugu malittarisassamik atuisarnissaanik inassuteqaatinnut kommunip akissutaa 31. maj 2007-imi aamma tiguara.

Kommunip akissutaa imatut paasivara inassuteqaatiga kommunip malinniaraa akissarsianillu ilanngaassisarunnaarniarluni.

Suliami allatigut annertunerusumik iliuuseqaqqissanngilanga."

Kommunip 30. oktober 2007-imi imatut akivaanga:

"... ulloq 16.juni 2003 aggersarneqarsimagaluarluni agginngitsoormat, akissarsianik unerartitsinissaq akissarsiap pingajorarterutaa suliffeqarfianut nassiunneqarpoq ulloq 30. juni 2003.

Ullorli 3. juli 2003 pineqartoq aggerpoq, saniatigullu karsikkut kr. 6.000,00 akiliiliuni, ilanngullugulu isumaqatigiissuteqarpoq akissarsiakkut kr. 1.500,00 ilanngaassortilluni akilersuiniartoq, tamatumalu kinguneraa akissarsiat pingajorarterutaat suliffeqarfianut nassiunneqarnerata atorunnaarsinneqarnera.

Qulaani pineqartup maanna akiligassat akilereerpai, ilanngullugulu nassiunneqarpoq kontop allagartaa.

Naggataatigut oqaatigineqassaaq suliaq isumaqatigiinnikkut naammassineqarnikummat, eqqartuussivik aqqutigineqarsimannqitsoq."

Kommunip akissutaa ukiup nalunaarusiuunneqartup naanerani suli isummerfiginngilara.

2006-imi ukiumoortumik nalunaarut 2006, immikkoortoq 7, quppernerit 497 tullilu

Sulianik akiliisitsiniarnermut tunngasunik misissuineq (j.nr. 11.73.88.73/112-05)

Kommunip allakkani 26. januar 2007-imeersuni oqaatigaa pisortanit ikiorsiissutit utertillugit akileqqullugit kommunip piumasaqaateqarsimanera kukkunermik pissuteqartoq.

Kommuni tamatuma kingornatigut nalunaarfigaara kukkuneq taanna kommunip innuttaasumut pineqartumut ilisimatitsissutigisimagaa ajuusaarutigisimagaaalu naatsorsuutigigiga, taamaattumillu suliame annertunerusumik iliuuseqaqqissanngitsunga.

2006-imi ukiumoortumik nalunaarut, immikkoortoq 7, qupperneq 520

Kommunit allaffissianik assigiissaakkanik akiliisitsiniarnermini atuinerannik Akileraartarnermi Pisorta qarfiup nakkutilliinera (j.nr. 11.73.49.30/012-02)

Suliaq Akileraartarnermi Pisorta qarfimmu allakkatigut 25. oktober 2007-imeersutigut imaattutigut inaarlugu suliaraara:

"Akileraartarnermi Pisorta qarfiup allakkani 20. november 2007-imeersuni nalunaarfigaanga pi-sortanut akiisut akilersinniarnaqartarnerat pinaveersaartinneqarnissaallu pillugit Inatsisartut inatsisaata allannguutissaa pillugu Inatsisartut inatsisissaattut siunnersuutip akiliisitsiniarnermi oqartussaasup qitiusumut inissinneqarnerannik imaqartup akuerineqarnera immersugassannik assigiissaartunik oqaasertalersugaasunik allakkanillu assigiissaartunik oqaasertalersugaasunik nutaanik sularinninnissaannik nassataqarumaartoq.

Suliamik sularinninneq unitsinniarlugu aalajangerpunga, naak immersugassat assigiissaartunik oqaasertalersugaasut pioreersut isornartorsiuiernermit pissutigissallugit naammannersut naliliinissannut tunngavissaqanngikkaluarlunga, matumani tak. pisorta qarfiup tusarniaaninnut 10. november 2005-imeersumut akissuteqarsimannginnera, pisorta qarfimmu allakkanni 24. september 2007-imeersuni pisorta qarfimmu aamma malugeqqusimasara.

Taamatut aalajangerninni manna pingaartillugu isiginiarpara, tassalu oqartussaasut immersugassaataat assigiissaartunik oqaasertalersugaasut qanorluunniit pisoqaraluarpat qanittukku allannortiterneqarnissaat ilimanartutut isigisariaqartoq, Akileraartarnermimi Pisorta qarfiup paasissutissiissutigisaasa saniatigut ilimanartutut isigigakku kommuninik ilusilersuinerup allannortiterneqarnissaa aggersoq kommunit ingerlatsiveqarfiisa iluini kommunit immersugassaataasa assigiissaartunik oqaasertalersugaasut allannortiterneqarnerannik nassataqarumaartoq.

Akiliisitsiniartarnermi oqartussaasoqarfik qitiusumut inissinneqarpat, kommunillu ilusilersugaa-
nerannik allangortiterineq naammassineqarpat, Namminersornerullutik Oqartussat kommunillu
akiliisitsiniartarnermik suliaqarneranni, matumani pinngitsaaliilluni akiliisitsiniarnermik sulia-
qarneq ilanngullugu eqqarsaatigalugu, immersugassaataat assigiissaartunik oqaasertalersugaasut
Ombudsmandip misissuiffiginninneranik ingerlatsivigineqassanersut naliliiumaarpunga."

2006-imi ukiumoortumik nalunaarut, immikkoortoq 7, quppernerit 520 tulluilu

**Napparsimasut tarnikkut nappaatillit eqqartuunneqarnermikkut inissinne-
qarsimasut eqqarsaatigalugit Namminersornerullutik Oqartussat kommu-
nillu akisussaaffeqarnerat pisinnaatitaanerallu (j.nr. 11.73.01/96)**

Suliami annertunerusumik iliuuseqaqqissanerlunga ukiup nalunaarusiuunneqar-
tup naanerani suli isummerfiginngilara.

8. Oqaatsinik ujarliutit

f = qupperneq taaneqartoq tullialu, ff = qupperneq taaneqartoq tulliiilu

AA

Aalajangiinerup amigaateqarnera 284

Aalajangiinissamut pisinnaatitaaneq 182ff

Aalisarnermut, Piniarnermut Nunalerinermullu Pisorta qarfik 146ff

A

Akilerartarnermi Pisorta qarfik 13ff, 45ff, 319, 135ff, 365

Akilerarusiinermik Alajangiisartut 135ff, 319ff, 319ff

Akilerarutitigut utertoortisiassanik tiguisinnaatitsineq 79f

Akiliuteqaqqittoqarnissaanik piumasaaqat 176ff, 245ff

Akisussaaffeqarnermut tunngavik 214ff

Akissarsianit unerartitsineq 69ff

Akuersissuteqarnissamut pisinnaatitaaneq 187

Allaffissornikkut kukkuneq 176ff

Allagaateqarfeqarneq 154f

Allagaatinik paasitineqarnissamik qinnuteqaat 164ff, 284f

Allattuisussaataitaaneq 105

Allatut ajornartumik iliuuseqartariaqarneq 215, 240

Allatut ajornartumik imminut illersortariaqarneq 214f

Angerlarsimaffiup avataanut inissiineq 80ff

Aningaasaqarnermut Pisorta qarfik 43f

Annertusisamik akisussaaffeqarneq 214ff

A/S Inissiaatileqatigiiffik INI 24ff, 51ff, 94, 245ff, 333ff, 351ff

Assigiinngisitsineq 132, 287ff

Atorfilittamik avoqqaarinninneq 160ff

Atorfilittamik pineqaatissiineq 160ff

Ataatsimoortut inatsiseqartitsinikkut nammineersinnaasut 297ff

Ataatsimut isiginninneq 53f, 127

Attartukkamik paarsinerlunneq 245ff

Atuarfiup siulersuisui 218ff

E

Eqqartuussaasimanninnissamik piumasaaqat 236ff

Eqqunngitsumik paasissutissiineq 176ff

F

Feriarnermi ajunngitsorsiassat 99ff, 106ff

I

Ilanngaassineq 70ff

Ilanngaassinissamik nalunaarut 72

Ilaqutariinnermut Pisortaqarfik 93, 182ff, 343ff, 348

Ilimasaarinissamut pisussaaffik 211ff

Ilimaginninneq uppernarsaasersugaanngitsoq 213

Ilitersuisussaataaneq 140f, 159

Iliusissanut pilersaarusiaq 80ff

Iluaqusiisumik aalajangiineq 127ff

Illersorsinnaatitaanermik isiginninneq 215

Illua'tungiusup isumaanik tusarniaaneq 77, 132, 164ff, 257f, 269, 305ff, 323ff, 326ff, 345f

Immikkut akuersissuteqarneq 346f

Imminut aningaasartuutaanngitsumik eqqartuussivikkut suliassanngortitsineq 320ff, 328, 341f

Inatsiseqartitsinermi periaaseq 210

Inatsisitigut tunngavik 74ff, 92, 106ff, 182ff, 208ff, 218ff, 260, 287ff, 311ff, 346f

Inatsiseqartitsinikkut innarlitsaaliineq 187, 324

Ineqarnermut, Attaveqarnermut Aatsitassanullu Naalakkersuisoq 50f, 337ff

Ineqarnermut Attaveqarnermullu Pisortaqarfik 287ff, 311ff, 334ff, 352 ff

Ineqarnermut tapiissutit 343ff

Ingerlatsinermi ileqqorissaarneq 50f, 105, 213

Inummut tapit 86, 92, 357

Inuussutissarsiornermut Pisortaqarfik 207, 346f

Innuttaasutut pisinnaatitaaffimminik annaasaqarneq 237f

Isiginiagassat inatsisinik unioqqutitsisut 197ff

Isiginiagassat suliamut attuumassuteqanngitsut 213

Isumaginninnermi Naammagittaalliuuteqartarfik 41f, 93, 196, 349, 350f

Isumagisassanngortitsineq 93, 182ff

Isumakkeerinninneq 358f

Inissiap qimannerani misissuinermit aggeqqusineq 245ff

K

Kiffartuussinermik annikillisitsineq 286ff

Killissalersuineq 281f

Kommuninut tikeraarneq 92ff, 297ff

M

Malittarisassat saneqqunneqarsinnaangitsut 324

Mianersoqqussut 77f

Mianersuaalliorneq 179

Misileraalluni aaqqissuussineq 185ff

N

Naalakkersuisut Allattoqarfiat 150, 164ff

Naalakkersuisut Siulittaasuat 124ff, 205f

Nakkutilliineq 351ff

Nakkutiliinermi allaffissornikkut aqutsineq 347

Naammagittaalliorsinnaanermik ilitersuineq 133, 142f

Naammagittaalliornissamut periarfissaq 182ff

Naleqquttuussuseqarnissaq 218ff

Naligiissitsineq 126ff, 292ff

Nalunaaruteqarnissamut pisussaaffik 155ff

Namineerluni misissugassanngortitsineq 92ff, 269ff, 348ff

Nipangiussisussaataaneq 86ff, 94, 281

Nunamut Namminermt Tunngasunut Allaffeqarfik 220

O

Oqartussaanerup ilusilersugaanera 138ff

Oqartussaasumit aalajangiisimasumit suliap suliareqqinneqarnera 140

Oqartussaasumut qulliunerusumut naammagittaalliorfissaq 182ff

P

Paasissutissanik tunniussineq 284f

Paasissutissanik pissarsiniarnermut akuersissut 82ff

Paatsuineq 133

Peqqissutsimut Pisortaqarfik 269ff, 348

Peqqusissut 211ff

Piffissaq suliamik sularinninnermut atorneqartoq 93, 135ff, 146ff, 164ff, 245

Pinngitsaaliilluni akiliisitsiniartartoq 11ff, 57, 69ff

Pisariaqanngitsumik kinguarsaaneq 245

Pisuussuteqarnermut akisussaaffik 210

Pisinnaatitaaneq 182ff, 218ff, 311ff

Piginnaatitsissut 301f, 319ff

Pisortanut inissiat 311ff

Pisoqalisoorneq 59

Pisunut naapertuuttumik iliuuseqartarnermik tunngaveqarneq 133

Q

Qimminik taarsiissutitaqanngitsumik toqaraaneq 196ff
Qinigaasinnaanermut naleqquttuunissamik piumasaqaat 235ff
Qinigaasinnaaneq pillugu Ataatsimiititaliaq 218ff
Qularnaveeqqutitut siumoortumik akiliutit 261

S

Soraarniuteqarneq 86ff, 126ff
Soraarsitsineq 122, 126ff, 305ff, 323ff, 329
Sipaarniuteqarneq 323ff
SISA 27f
Suleqatigiinnermi ajornartorsiutit 305ff
Suleriaaseq inatsisitigut tunngaviligaanngitsoq 337ff
Suliap naamattumik paasisutissartalorsorneqartussaananik tunngavik 141f, 305ff, 326ff
Suliami sinniisoqarneq 301f
Suliami allagaatinik toqqortarinninneq 154f
Suliamut attuumassuteqarluinnartunik tunngaveqarneq 324
Sulianik akiliisitsiniarnermut tunngasunik misissuineq 54ff, 63 ff, 69ff, 79f, 84f, 89ff, 96, 297ff
Sulianik isumaginninnermut tunngasunik misissuineq 74ff, 80ff, 82f, 85, 86f, 95
Sulianik malitseqartitsineq 305ff
Sulianik sulisunut tunngasunik misissuineq 77ff, 95f
Sulianik tullerriaarinearneq 350f
Suliap suliareqqinneqarnissaa 125, 140ff, 176ff, 213f, 286, 324
Suliap tammaaneqarnera 146ff
Sulisoqarnermut Pisortaqarfik 94, 98ff, 106ff, 126ff, 305ff
Suliat akiliisinnaajunnaarnermut tunngasut, 69ff, 285
Suliat isumaginninnermut tunngasut 348ff
Sulisunut inissiamik innersuussineq 311ff
Suliuunnaarsitsineq 218ff

T

Taarsiissuteqarnikkut pinngitsaaliisummik arsaarinninneq 197ff
Taarsiissuteqarnissamut akisussaaffik 210
Taarsiissuteqarumanginneq 197ff
Tatisineq 133
Tamanut nalunaaruteqarneq 93, 98ff, 187ff
Tiguisinnaatitsineq 79f
Torsersumik pissusilersorneq 187

Tunngavilersuineq 77f, 110ff, 143, 307ff, 333ff
Tunngavilersuisussaataaneq 213
Tunngaviusumik Inatsit 197ff
Tusarniaanissamut pisussaaffik 281f

U

Upernarsaasersuinissamik piumasaqaat 297ff
Utertassanngorlugit ikiorsiineq 74ff, 85f, 95
Uumasunik illersuineq 216f